

四庫全書存目叢書編纂委員會編

齊魯書社

四庫全書存目叢書

集部
第二二八冊



責任編輯：孫言誠 賀 偉

ISBN 7-5333-0615-5



四庫全書存目叢書·集部二二八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二二八冊目次

集部·別集類

鈍翁前後類稿六十二卷續稿五十六卷(二)

〔清〕汪琬撰
天津圖書館藏清康熙刻本

.....一

改亭文集十六卷詩集六卷

〔清〕計東撰
中國人民大學圖書館藏清乾隆十三年計濱刻本

.....五三五

鈍翁前後類稿六十二卷續

稿五十六卷(二)

〔清〕汪琬撰

天津圖書館藏清康熙刻本

附《四庫全書總目·鈍翁前後

類稿一百十八卷》提要

鈍翁前後類稿卷五十五目錄

古今五服考異卷五

小戴禮與儀禮服異者九條

左傳與儀禮服異者一條

荀卿子與儀禮服異者一條

儀禮無服而小戴禮有服者十一條

儀禮有服而小戴禮無服者四條

儀禮無服而孔叢子有服者一條

小戴禮有服而孔子家語無服者一條

類稿卷五十五目錄

鈍翁前後類稿卷五十五目錄

古今五服考異卷五

外彙五

○小戴禮與儀禮服異者九條

○外祖母

檀弓齊穀王姬之喪魯莊公爲之大功或曰外祖母也 儀禮外祖母小功又鄭玄曰王姬爲齊襄公夫人莊公爲襄公女弟之子當爲舅妻儀禮舅妻亦無服開元禮訖今律文竝與儀禮同

○叔父昆弟之子

檀弓縣子瑱曰古者不降上下各以其親滕伯文爲孟虎齊襄其叔父也爲孟皮齊襄其叔父也

類彙卷五十五

十一

儀禮大夫爲世父母叔父母及昆弟之子爲

士者皆降大功則諸侯可知開元禮訖今律文詳見前大功條中

○祖母

喪服小記祖父卒而后爲祖母後者三年 儀禮無此文魏永平中員外將軍兼尚書都令史陳終德欲服祖母三年喪以無世爵之重不可陵諸父若下同衆孫恐違後祖之義請求詳正太常劉芳議禮經無適孫爲祖持重三年正文且終德未登下士不可許國子博士孫景邑等議

經雖無正文而有祖爲適孫者豈祖以適服己

己與庶孫同爲祖服期於義可乎準古士官不

過二百石終德卽古之廟士也宜聽服三年是

時議者不同詔依國子所議施行開元禮爲祖

後者祖卒則爲祖母三年爲曾高祖後者爲曾

高祖母亦如之宋元豐三年詔自今承重者適

子歿無諸子卽適孫承重無適孫適孫同母弟

承重無母弟庶孫長者承重曾孫以下準此其

後大理評事僉書建業軍判官劉輝祖母卒力

請解官從之適孫有諸叔而承重者自輝始明

類彙卷五十五

十二

孝慈錄服同今律文適孫爲祖父母若高曾祖

父母承重皆三年祖枉爲祖母杖期○又按宋

皇祐初大理評事石祖仁奏叔從簡爲祖父中

立服後四十日乞下禮院定承祖父重服禮

官宋敏求議自開元以前適孫卒則次孫承重

況從簡爲中子已卒而祖仁爲適孫古者重適

其爲後者皆服三年今中立未及卒哭從簡已

卒或謂已服期不當改服斬按儀禮子嫁反在

室爲父三年鄭氏注謂遭喪而出者始服齊衰

期出而虞則以三年是服可再制明矣今祖仁

空解官因勞而制斬衰三年後有如其類已勞者用再喪制服遂者為定式蓋是時有諸叔者適孫猶不承重故祖仁因其叔從簡率始有此請也期服未終者又可改服斬衰此今律文所無

按先儒謂凡服皆以始制為斷惟有婦人於夫氏之親被遺義絕出則除之然則子嫁反在室者女子之變禮也宋敏求引之非是要詳之

○女子子為父母

小記為父母喪未練而出則三年既練而出則已未練而反則期既練而反則遂之儀禮子嫁反在室為父不分別既練未練又無為母之文

類彙卷五十五

三

開元禮引小記在為父條下亦不言為母明令女嫁反為父斬衰三年為母齊衰三年注謂父母喪期年內被出者孝慈錄皆斬衰三年今律文仍之

○適婦

小記適婦不為舅後者則姑為之小功儀禮無降服之文開元禮訖今律文詳見前大功條中

○為庶母

小記為慈母後者為庶母可也疏謂妾經有子子為無子之妾立後與為慈母同也若無子不得立後儀禮無為庶母

後加服三年之文開元禮訖今律文並同

按小記半屬喪服傳義疏故其說按詳往世皆禮服之變也觀為祖母後為父母喪及適婦不為舅後與此條可見

○塋後

小記為塋後者以其服服之儀禮為人後者服斬無為塋後之文開元禮訖今律文並同

按曾子問宗子為塋而死庶子弗為後也又安得有塋後且既為之後矣於禮有父子之道空從儀禮為人後例豈臣不塋君子不塋父而可用本服乎孔穎達謂大宗子在塋中

類彙卷五十五

四

而族人後大宗而不得後此塋者為子依兄弟之服服此塋如此則不應言為塋後矣陳氏集說又謂此當立後者乃是已冠之子不可以塋禮處之以其服服之者子為父之服也如此則古之士大夫亦有不葬二十而冠者耶當闕疑○又按小爾雅無主之鬼謂之塋若有後則非無主者也雖勿塋可矣

○大夫士為父母兄弟

儀記大夫為其父母兄弟之未為大夫者之喪服如士服士為其父母兄弟之為大夫者之喪服

如士服 儀禮大夫士斬衰無異文問元禮
今律文竝同

按三年之喪自天子達期之喪達乎大夫父
母兄弟之服必無升降左傳晏桓子卒晏嬰
薨衰斬直經帶杖菅屨居倚廬寢苦枕草其
老曰非大夫之服也曰惟卿爲大夫家語孔
子告曾子曰晏平仲可謂能辟害也不以己
是駁人之非如此則裸記所言顯爲非繆且
既曰端衰喪車無等而又云何也鄭玄謂
大夫喪服禮逸殆是強爲之解王肅杜預皆
不主其說

類彙卷五十五

五

○宦於大夫者

裸記孔子曰管仲遇盜取二人馬上以爲公臣管
仲死桓公使爲之服宦於大夫者之爲之服也
自管仲始也 儀禮大夫之衆臣爲其君斬衰
舊臣無服問元禮同後世不得自舉其屬遂無
宦於大夫之名矣

○左傳與儀禮服異者一條

○妻

左傳六月乙丑王太子壽卒秋八月穆后崩晉荀

躒如周葬穆后籍談爲介既除喪以文伯晏樽
以魯壺王曰諸侯皆有以鎮撫王室晉獨無有
何也籍談歸以告叔向叔向曰王其不終乎王
一歲而有三年之喪二焉於是以喪賓宴又求
彝器又曰三年之喪雖賢遂服禮也 儀禮爲
妻期問元禮訖今律文竝同不應三年杜預謂
天子絕期故通謂之三年又晉武元楊后崩預
引此立議爲諫聞心喪之證其說非是

類彙卷五十五

六

按諸儒謂妻之喪略視父在爲母與期之餘
喪異者有三加杖一也十一月而練十三月
而祥十五月而禫二也夫必三年而後娶三
也或以此故遂稱三年耳

○荀卿子與儀禮服異者一條

○慈母

荀卿禮論慈母衣被之者也而九月 詳見前儀
禮齊衰條及後小戴禮曾子問條中

按小戴禮荀子之言與儀禮各不同得母慈
母於己恩有厚薄故服有隆殺所謂稱情立
文者與

○儀禮無服而小戴禮有服者十一條

○從母之夫舅之妻相為服

檀弓同喪總 儀禮無服問元禮訖今律文竝同

○同母異父之昆弟

檀弓子游曰其大功乎子夏曰我未之前聞也魯

人則為之齊衰 儀禮無服問元禮同母異父

兄弟姊妹又改小功孝慈錄同今律文無

按鄭玄謂親者屬大功是又黃氏儀禮經傳

補服條亦從子游說朱子曰恩繼於母不繼

於父故視同父母之昆弟降一等竊恐未安

小功差近之然不若律文之愜也詳見喪服

類彙卷五十五 恩繼於母云云此朱

或問第十條 子引馬昭難王肅文

○婿與女相為服

曾子問取女有吉日而女死如之何孔子曰婿齊

衰而弔既葬除之夫死亦如之注女服斬衰 儀禮

無服開元禮同宋大中祥符元年禮官議女合

服斬衰於室既葬而除或未葬但出櫬即除之

○士妾

小記士妾有子而為之總 儀禮無服問元禮訖

今律文竝同

按諸侯絕期大夫絕總小記不言大夫服

其妾者蓋以此也此與喪服傳異又三禮考

注有子者承後也然則小記所云殆謂適妻

無子者○又按士昏禮女從者畢袵玄纁笄

纁黼在其後鄭玄曰從者謂姪娣則士有姪

娣明矣士位既卑其妾或不可以言妾故必

俟有子始服之耳曲禮士不名長妾亦不言

妾也陳銓謂士妾妾亦為姪娣士有妾妾非

是

○為人後者之妻為夫本生父母

類彙卷五十五 儀禮無明文

小記夫為人後其妻為舅姑大功 儀禮無明文

開元禮訖今律文皆大功與小記同

○母之君母

小記為母之君母母卒則不服君母即己之 儀

禮無服開元禮訖今律文竝同疑統在外祖父

母服內

○為祖庶母

小記為慈母後者為祖庶母可也疏謂父妾亦經

之妾子與父妾為後故呼己父之妾為 儀禮

無此母名開元禮訖今律文竝同

按小記爲庶母爲祖庶母抑何曲體人情之至庶幾使已妾與父妾之無子者不至死而乏祀儻亦後世所宜倣而行之者也

又按賀場云雖有子道服於慈庶母三年而猶爲己母不異異於後大宗而降本也

○女君之黨

襟記女君死則妾爲女君之黨服攝女君則不爲先女君之黨服儀禮無女君之黨之服開元禮訖今律文竝同

○皇姑

服問有從輕而重公子之妻爲其皇姑注妾子之妻爲其君

類彙卷五十五

九

姑齊衰與爲小君同舅不厭婦也君姑指夫所生母

儀禮無明文開元

禮亦然孝慈錄婦爲夫所生母斬衰三年不分舅姑存歿皆同今律文仍之

按止齋陳氏春秋傳夫人婦某氏有姑之恒稱也若妾姑也則不書氏是故有成風則出姜不氏有敬嬴則穆姜不氏所以別適姑也聖人書法之嚴如此不應公子之妻乃稱公子所生母爲皇姑將何以處適姑乎皇字似屬非禮當闕疑

○公子之外兄弟

服問有從無服而有服公子之妻爲公子之兄兄弟儀禮無服開元禮訖今律文竝同

按外兄弟卽姑之子也鄭玄引小功以下爲兄弟之說解作外祖父母從母然所謂兄弟者蓋卽爾雅母妻之黨爲兄弟耳泛指外親則可若專指外祖父母從母竊所未安夫之從母禮傳亦無服也三禮考注亦不從此說蔣氏圭約謂此乃公子之妻爲其兄弟之爲父後者期其解又異觀者詳之

○繼母之黨

服問母出則爲繼母之黨服儀禮無服開元禮

類彙卷五十五

十

訖孝慈錄引此文爲繼母之父母兄弟姊妹皆

小功今律文無

按儀禮無繼母之黨之服而服問有此條者豈非人子不卒而遇母出此彝倫之變故禮服不言殆儀禮舉其常而服問道其變也劉子翊曰出母族絕推而遠之繼母配父引而親之此說是也又按記庶子不爲後者爲其外祖父母從母舅服如邦人然則惟庶子旣服其君母之黨又服其母之黨爲有二母黨也

○儀禮有服而小戴禮無服者四條

○出母

檀弓子上之母死而不喪門人問於子思曰答者
子之先君子喪出母乎曰然吾先君子無所失
道道隆則從而隆道污則從而污伋則安能爲
伋也妻者是爲白也母不爲伋也妻者是不爲
白也母故孔氏之不喪出母白子思始也儀
禮出妻之子爲母齊衰杖期爲父後者無服開
元禮不分爲後與不爲後皆服今律文同

按禮爲父後者爲出母無服無服也者喪者

類彙卷五十五

土

三

不祭故也彼子思尙存子尙非爲父後而使
之不服出母度子思之心必有難與門人言
者故姑婉詞以謝之而孔氏遂以子思爲法
不亦過乎朱子謂子思此事不可曉
汚隆之說亦似無交涉

○慈母

曾子問子游問曰喪慈母如母禮與孔子曰非禮
也古者男子外有傳內有慈母君命所使教子
也何服之有詳見前儀禮齊衰條中

按鄭玄謂大夫以下父所使妾養妾子乃有
服觀者詳之

○君母之黨

小記爲君母後者君母率則不爲君母之黨服
儀禮君母之父母從母小功昆弟總麻無爲母
後不服之文開元禮訖今律文君母之黨皆無
服疑統在外祖父母從母舅服內

○妻之父母

服問有從有服而無服公子爲其妻之父母注公
其私親儀禮妻之父母總無庶子被厭降服
之文開元禮訖今律文竝同又喪服小記世子
不降妻之父母竊謂總服似無可降

類彙卷五十五

土

三

○儀禮無服而孔叢子有服者一條

○同寮

孔叢子記義篇孟武伯問孔子曰古者同寮有服
乎曰然同寮有相友之義聞諸老聃答者號叔
閔天太顛散宐生南宮适五臣同寮比德以贊
文武及號叔死四人者爲之服朋友之服儀
禮無服開元禮訖今律文竝同

○小戴禮有服而孔子家語無服者一條

○同母異父之昆弟

孔子家語邾人有同母異父之昆弟死因顏炙而

問於孔子孔子曰不同居者繼父且猶不服況其子乎 詳見前檀弓同母異父條中 按檀弓所言不分別同異居此則異居者無服也

古今五服考異卷五終

康熙乙卯春二月 同里周 靖 校字
休寧汪繩武

類彙卷五十五

三

鈍翁前後類彙卷五十六目錄

古今五服考異卷六

儀禮無服而後儒或言當服者五條

儀禮有服而後儒或言不當服者一條

儀禮無服而西晉有服者二條

儀禮無服而南齊有服者一條

儀禮無服而開元禮有服者十三條

儀禮有服而開元禮無服者十條

晉齊有服而開元禮無服者三條

開元禮無服而開元末有服者一條

類彙卷五十六目錄

儀禮無服而宋開寶通禮有服者五條

宋通禮無服而天聖中有服者一條

儀禮無服而明令有服者四條

儀禮有服而明令無服者一條

儀禮無服而明孝慈錄有服者二條

儀禮有服而孝慈錄無服者二十五條

唐宋有服而明令孝慈錄無服者三條

明令無服而孝慈錄有服者一條

明令有服而孝慈錄無服者二條

儀禮無服而明會典有服者一條

明令孝慈錄無服而明集禮有服者一條
儀禮有服而律文無服者五條
小戴禮開元禮有服而律文無服者一條
開元禮有服而律文無服者四條
孝慈錄無服而律文有服者一條
孝慈錄有服而律文無服者一條

類彙卷五十六目錄

鈍翁前後類彙卷五十六目錄終

古今五服考異卷六

外彙六

○儀禮無服而後儒或言當服者五條

○異姓子爲所養父母

魏時或爲四孤論一賣子者一弃溝壑者一生而父母亡無總親者一俗忌五月生子不舉者有家收養應爲後與否王朗謂收捐拾弃救坐絕之氣而肉必死之骨可謂仁過天地恩逾父母者也崔凱謂空服齊衰期方之繼父同居者庾歲之謂所養自有後而本宗絕嗣者便當還其本宗服所養期若二家俱無後則空停所養家依爲人後服於其本親例降一等 儀禮無服開元禮同宋以後養母有服養父無服詳見後養母條中

○慈祖母

虞喜曰其父先亡已養於祖以祖母之服服慈祖母可也

○兩妾相爲服

晉祕書監謝靖問兩妾相爲服不徐邈曰禮無其文然要有從服之義士妾有子爲之總可得從服總麻又有同室之恩有總服義也

○女子子適人者為繼父

戴德喪服記齊衰三月不分別同居梁氏集說同

○同歲上計

連叢子魯人有同歲上計而死者欲為之服問於孔季彥季彥曰有恩好其總乎咎諸侯大夫其會事於王及以君命同盟霸主其死則有哭臨之禮今之上計竝觀天子有交燕之歡同盟締繫上紀先君下錄子弟相教以好相勵以義比之朋友不亦可乎

類彙卷五十六

慈祖母以下四條儀禮無服開元禮訖今律文竝同

○儀禮有服而後儒或言不當服者一條

○繼父不當制服

傳玄曰父無可繼之理此禮焚書之後俗儒妄造也袁準亦曰此則自制父也亂名之大者儀禮同居齊衰不杖期不同居齊衰三月小戴禮同開元禮訖今律文竝同自漢以來惟傳袁二子為有異說如上也

○儀禮無服而西晉有服者二條

○齊衰杖期一

後妻子為前母 魏黃門郎王恣直妻子隔絕在吳妻娶妻生子昌及吳平恣前妻卒昌求去官行服臺議不決中書監荀勗議答鄭子羣娶陳司空從妹隔呂布之亂不知存亡娶娶蔡氏女徐州平陳氏得還後蔡氏子元嬰為前母陳氏服適母之喪鄉里先達以為合玄云云 儀禮無服開元禮訖今律文竝同

○齊衰三月一

弟子為師 晉新禮弟子為師齊衰三月其後命

類彙卷五十六

三

摯虞等詳定虞言仲尼聖師止弔服加麻心喪三年淺教之師哲學之徒不可皆為之服或有廢與悔吝生焉玄定新禮無服如舊詔從之儀禮無服小戴禮心喪三年開元禮訖今律文竝與儀禮同

按喪服記止言朋友麻非略師弟子也師即狂朋友一倫之內故譙周王肅賀循諸儒皆言如朋友之禮弔服加麻惟出入常經為異蓋本禮記孔子之喪二三子皆經而出也又風俗通愆禮篇大將軍掾燉煌宣度為師大常張文明制杖應劭

謂子貢請喪夫子如父而無服今人乃爲制杖同之於父兄庸小生夫何譏稱宣度涼州知名士吾是以云耳夫師喪齊衰三月且猶不可何況爲之杖乎應氏駁之是矣然漢末賢士大夫制服往往過禮欲以矯時敝而博虛名故喪服之襍亂無紀殆未有甚於漢者也并附論之○又按白虎通以君臣父子夫婦爲三綱以諸父兄弟族人諸舅師長朋友爲六紀如此則師弟子當在六紀中然先儒止言三綱五常不言六紀蓋白虎通所謂君

類彙卷五十六

四

臣之紀父子之紀夫婦之紀頗爲不倫故不

取也朱子亦言師弟子亦朋友之類

○儀禮無服而南齊有服者一條

○齊衰不杖期二

慈姑慈祖母 南齊應城公子敬所生蚤亡武帝命賈妃范氏母養之而子及婦服制禮無明文永明中尙書令王儉議孫爲慈孫婦爲慈婦姑爲慈姑宏制期年服從之 儀禮皆無服開元禮同明令婦爲夫之慈母從服齊衰三年今律文又改斬衰慈祖母無

按慈祖母有二其一謂庶祖母養己者卽晉虞喜所云是也其一謂父之慈母卽此條是也然慈婦慈孫名旣不正且於禮有礙蕭齊知禮孰不知禮

○儀禮無服而開元禮有服者十三條

○齊衰不杖期一

父卒母嫁爲母報爲父後者無服 儀禮無服鄭玄謂齊衰期也漢石渠議問父卒母嫁爲之何服韋玄成以爲父歿則母無出義王者不爲無義制服故不服宣帝詔婦人不養舅姑不奉祭

類彙卷五十六

五

祀下不慈子是自絕也玄成議是又問夫歿妻穉子幼與之適人子後何服玄成對以爲與出妻子同服唐天寶六載制出嫁之母宜終服三年其後不行宋景祐中禮官言五服制度爲父後者爲嫁母無服今集賢校理郭稹乞行服詔自今竝許解官中心喪明孝慈錄齊衰期加杖不分爲後與不爲後皆同今律文仍之

按朱子曰禮不著嫁母之服而律令有之或疑其不同考之禮於嫁母不言親而獨言繼又著出母之服此皆序輕以明重以見親母

之嫁者尤不可以無服也蓋與漢石渠議相反當從朱子說為正

又按禮周衰準並云父卒母嫁非父所絕適子雖主祭猶空服期如此則為父後者亦當有服要詳之

○齊衰三月一

為高祖父母 儀禮曾祖齊衰三月高祖無服疏

謂不言高祖同服故也袁準謂三月者此通遠祖之言也唐貞觀中魏徵等始請加曾祖五月

高祖三月今律文同

按禮四世而總五世祖免由身數之上四世

類彙卷五十六

木

為曾祖齊衰三月下四世為曾孫總麻三月

此即四世而總之證也其非通遠祖明矣鄭

玄謂四世其高祖其說非是觀小記親親以

三為五以五為九可見然高祖在九屬之內

豈得遂同袒免諸親安乎唐禮為不易之制

也又吳張昭論曰親親有衰尊尊有殺故禮

服上不盡高祖下不盡玄孫蓋亦不主鄭義

也

○小功五月三

叔姒報 儀禮無服檀弓叔姒之無服推而遠之

也奔喪無服而為位者惟姒叔唐貞觀中太宗

以同爨猶有總麻之恩而姒叔乃無服詔魏徵

等議徵等言制服雖繫於名亦緣恩之厚薄也

或有長年之姒遇孩童之叔劬勞鞠養情若所

生在其生也愛之同於骨肉及其死也則推而

遠之求之本原淡所未喻遂請加小功服其弟

妻及夫兄亦然開元初玄宗又以舅姒叔服未

安下百官議元行冲言姒兼從母之名以母之

女黨加於舅服不為非禮姒叔遠嫌玄悉如古

禮復弗報其後定開元禮俱遵貞觀禮行今律

文竝同

范祖禹謂加之而無義不如不加之為愈蓋亦以叔姒報為非是

按喪服記夫之所為兄弟服妻降一等鄭玄

訓兄弟為族親故賈公彥曰夫兄弟當是夫

之從母之類然先儒或謂此服夫之兄弟如

此則叔姒未嘗無服要詳之

附張氏私語喪服有以恩服者如子為父母之類也有以義服者如婦為舅姑之類也有以名服者為從父從子之妻之類也從父之妻名以母之黨而服從子之妻名以婦之黨而服兄弟之妻不可名以妻之黨故無服然兄弟有妻之服已之妻有姒姒之服一家然有後世增姒與弟妻之服意加厚於古不如古

人亦未嘗薄也

類彙卷五十六

七

母出爲繼母之父母兄弟姊妹 詳見前小戴禮服問條中

同母異父之兄弟 詳見前小戴禮檀弓條中

○總麻三月八

爲族曾祖姑族祖姑族姑在室者 儀禮無服

按姑姊妹在室與男子服同則諸姑之服空

視其從祖祖父與世叔父之服矣然禮又有

父之姑一條謂歸孫爲祖之姊妹服既與從

祖祖父不同且不分在室適人而開元禮亦

復有族曾祖姑族祖姑族姑諸條皆禮傳所

不載者也

爲玄孫 儀禮無服賈公彥謂言曾孫不言玄孫

者此亦如齊衰三月章直見曾祖不言高祖也

開元禮既增高祖服不得不舉玄孫服明矣

爲兄之孫女適人者報 儀禮無服

爲夫之高曾祖父母 儀禮無服或以爲卽在爲

夫之諸祖父母服內

爲夫之從父姊妹在室及適人者報○女子子適

人者爲從祖父母報 儀禮皆無服

以上總麻六條今律文並與開元禮同

爲夫之舅及從母報○爲人後者爲本生外祖父母 以上二條儀禮無服孝慈錄與開元禮同

今律文無

○儀禮有服而開元禮無服者十條

○齊衰三月二

丈夫婦人爲宗子宗子之母妻○大夫爲宗子

詳見前儀禮齊衰條中

○小功塋五月一

大夫之妾爲庶子之長塋 詳見前儀禮塋小功條中

○小功五月二

大夫之妾爲庶子適人者○庶子爲其外祖父母

從母如邦人 以上二條詳見前儀禮小功條中

○大功塋三月一

宗子孤爲塋大功衰三月 詳見前儀禮記條中

○小功塋三月一

宗子孤爲塋小功衰三月 詳見前儀禮記條中

○總麻三月三

賢臣賢妾 詳見前儀禮總麻條中

按鄭玄注賢妻謂姪姊漢以後無姪姊媵之禮則其不爲此服殆不自唐開元始明矣顏氏家訓江右不諱庶孽喪室之後多以妾媵主家事河北鄙於側出是以必須重娶至於三四母唐褚遂良請千牛不限適庶表略曰永嘉以來王塗不競在於河北適待庶如奴妻遇妾如婢降及隋代獨孤后遂禁庶子不得近侍今聖朝人以求進不論適庶云云此後世所以不爲妾服而庶母之服亦至唐貞觀後始復行也

按北魏魏陽王孝友奏曰將相多尚公主王侯連姻后族

類彙卷五十六

十

故無妾媵習以爲常又曰舉朝略是無妾媵下始皆一妻父母嫁女則教之以如姊姊逢迎則勸之以忘妒忌之心生則妻妾之禮廢因請中王公品官娶妾之數竟不能行觀此奏其言與褚表合

庶子爲其舅如邦人○朋友麻 以上二條詳見

前儀禮記條中

○晉齊有服而開元禮無服者三條

○齊衰杖期一

後妻子爲前母 詳見前西晉齊衰條中

○齊衰不杖期一

慈姑慈祖母 詳見前南齊齊衰條中

○齊衰三月一

弟子爲師 詳見前西晉齊衰條中

○開元禮無服而開元末有服者一條

○總麻三月一

開元二十三年制舅母玄服總麻堂姨舅袒免

開元禮內 儀禮無服開元禮同宋開寶禮總麻明

令孝慈錄訖今律文竝與儀禮同

按朱子曰母族三母之父母之父母之兄弟

恩止於舅故從母之夫舅之妻皆不爲服推

不去故也然則玄宗之爲此制不亦贅乎

類彙卷五十六

士

○儀禮無服而宋開寶通禮有服者五條

○齊衰三年一

養母 儀禮無服開元禮同孝慈錄又改斬衰今

律文仍之

按儀禮小戴禮皆無此母名宋律謂養同宗

及三歲以下遺棄之子者與親母同孝慈錄

謂自幼過房與人者今律文集解又謂卽爲

人後者所後母也使如宋律及孝慈錄云云

則有養母必有養父不應獨無養父之服如

謂卽爲人後者則斬衰章中別有爲人後者

爲所後父母一條此條不應複出竊疑人子
不孝而爲異姓收養似當養父養母並服爲
安知禮者詳之

○齊衰不杖期一

父所生庶母

通禮無注五服年月
救注爲祖後者不服

儀禮無服開

元禮同開寶禮有此條寶元初集賢校理薛紳

祖母王氏卒乞降服制詔送太常禮院議禮官

引通禮義纂宏服三年王洙言五服年月敕及

開寶通禮並無爲父所生庶母三年之文義纂

本唐世蕭嵩王仲丘等撰集非勘修之書不可

類彙卷五十六

三

用詔與御史臺詳定衆議燿卿王氏子紳王氏

孫尤親於慈母庶母庶祖母也燿卿既亡紳受

重代養被王氏鞠育之恩令解官持齊衰三

年服詔從之明集禮不杖期與開寶禮同明令

訖今律文皆無服疑統在爲祖父母服內繼祖

母亦然

按庾敳之曰父不承重已當爲祖母期通禮

此條蓋本庾說寶元初改之非也竊又疑既

爲祖後若如寶元服父所生三年則與爲適

祖母後無別使遂如敕注不服是又夸父所

生等於出母嫁母也其可乎似當從通禮正
文爲安

○總麻三月三

爲夫之祖姑堂姑在室者○女嫁爲伯叔祖母○

女嫁爲祖姑 以上三條儀禮無服開元禮同

明令訖今律文皆有服與宋禮同

○宋通禮無服而天聖中有服者一條

○大功九月一

叔僧 天聖中進士陳可言同爲進士黃價以赴

舉時有叔父爲僧喪服未滿臣例當駁放竊思

類彙卷五十六

三

出家制服禮律並無明文釋門見父母不拜居

父母喪不經本族並無服式望下禮官詳議禮

官言禮爲叔父期外繼者降大功其黃價爲叔

僧合比外繼降服大功九月 開元禮訖今律

文皆無服

按叔父爲僧者既依爲人後例則凡有服諸

親若爲僧尼道士女冠者其服制皆應降一

等矣又按唐開元二年敕曰聞道士女冠僧

尼不拜二親是爲子而忘其生傲親而徇於

末自今以後並聽拜父母其有喪紀輕重及

尊屬禮數一準常儀此救最爲得之然觀陳可所言則宋時諸僧猶守釋氏遺式也彼於本族既已不服則服而不報有違禮意乃不彼之禁而以爲人後相擬可謂不倫矣

○儀禮無服而明令有服者四條

○齊衰杖期二

父卒適繼慈養母歸宗爲之服若改嫁從者爲之服 儀禮繼母改嫁從者有服餘皆無服明令有此條集禮同孝慈錄刪去止存改嫁繼母一服今律文仍之

類彙卷五十六

五

按適繼慈養母歸宗不服者當緣不能撫育其子耳然令適繼之母或家貧無以自食不得已歸依其父母兄弟與其子初非決絕而又無佗失行恐其子難恕然無服也且嫁母猶服歸宗者不亦愈於改嫁乎知禮者詳之 父卒爲父後者爲出母 儀禮無服開元禮同明令不分爲後與不爲後皆服孝慈錄同今律文仍之

總麻三月二

堂兄弟之妻○爲夫之堂兄弟 以上二條儀

禮無服開元禮同孝慈錄總麻與明令同今律文仍之

○儀禮有服而明令無服者一條

○大功九月一

妾爲其私兄弟 詳見前儀禮記條中

○儀禮無服而明孝慈錄有服者二條

○齊衰杖期一

爲夫之庶母 儀禮無服開元禮訖明令同孝慈錄有服今律文仍之

○齊衰三月一

類彙卷五十六

五

爲繼父雖同居而兩有大功以上親者 儀禮無明文孝慈錄有此條今律文仍之蓋卽喪服小記中有主後者之義詳見或問第七條中

○儀禮有服而孝慈錄無服者二十五條

○大功場九月六

叔父之長場中場○姑姊妹之長場中場○昆弟之長場○適孫之長場○夫之昆弟之子女子之長場中場 以上六條詳見前儀禮大功場條中

○小功場五月十

叔父之下塲○適孫之下塲○昆弟之下塲○姑姊妹女子子之下塲○為人後者爲其昆弟從父昆弟之長塲○爲夫之叔父之長塲○昆弟之子女子子夫之昆弟之子女子子之下塲○爲姪庶孫丈夫婦人之長塲○大夫之昆弟大夫之子爲其昆弟庶子姑姊妹女子子之長塲○大夫之妾爲庶子之長塲 以上十條詳見前儀禮小功塲條中

○小功五月一

庶母慈己者 詳見前儀禮小功條中

類彙卷五十六

末

○總麻塲三月八

庶孫之中塲○從祖父從祖昆弟之長塲○從父昆弟姪之下塲○夫之叔父之中塲下塲○從父母之長塲報○夫之姑姊妹之長塲○從父昆弟之子之長塲○昆弟之孫之長塲 以上八條詳見前儀禮總麻塲條中

○唐宋有服而明令孝慈錄無服者三條

○齊衰不杖期一

父所生庶母 詳見前開寶禮齊衰條中

○大功九月一

爲叔父爲僧者 詳見前天聖大功條中

○總麻三月一

舅母 詳見前開元禮總麻條中

○明令無服而孝慈錄有服者一條

○總麻三月一

爲夫之高祖父母 明令無服疑省文也孝慈錄總麻與開元禮同今律文仍之

○明令有服而孝慈錄無服者二條

○齊衰三年一

婦爲夫之慈母 孝慈錄無服今律文改斬衰詳

類彙卷五十六

主

見前南齊齊衰條中

○齊衰杖期一

父卒適繼慈養母歸宗爲之服若改嫁從者爲之服 詳見前明令齊衰條中

○儀禮無服而明會典有服者一條

○齊衰不杖期一

妾爲家長父母 儀禮無服開元禮訖明令孝慈錄並同獨明會典妾爲家長族服一圖有之今律文增入服制正文

按傳妾爲君之黨得與女君同則君之父母

自應有服本經既無明文而問元禮訖孝慈錄亦遺落不載律文增此條與傳意合

○明令孝慈錄無服而明集禮有服者一條

父所生庶母 詳見前問寶禮齊衰條中

○儀禮有服而律文無服者五條

○齊衰杖期一

繼母嫁從爲之服報 問元禮訖孝慈錄報服並

與儀禮同今律文不報疑省文也

○齊衰不杖期一

妾爲其父母 詳見前儀禮不杖期條中

類彙卷五十六

○小功五月一

夫之姑姊妹報 問元禮訖孝慈錄報服並與儀

禮同適人不降今律文不報疑省文也

○總麻三月二

從祖姊妹適人者報 爲夫之諸祖父母報

父母在內竊疑夫之父母與夫之母黨自當與而爲二其服不應相淵律文不從始此故與

以上二條詳見前儀禮總麻條中

○小戴禮問元禮有服而律文無服者一條

大功九月一
小功五月一

同母異父之兄弟 詳見前小戴禮檀弓條中

○問元禮有服而律文無服者四條

○齊衰杖期一

父卒母嫁及出妻之子爲母皆報 問元禮訖孝

慈錄報服並同今律文不報疑省文也

○小功五月一

母出爲繼母之父母兄弟姊妹 詳見前小戴禮

服問條中

○總麻三月二

爲夫之舅及從母報 詳見前問元禮總麻條中

爲人後者爲本生外祖父母 詳見前問元禮總

類彙卷五十六

麻條中

○孝慈錄無服而律文有服者一條

○斬衰三年一

爲夫之慈母 詳見前南齊及明令齊衰條中

○孝慈錄有服而律文無服者一條

○總麻三月一

妻之親母嫁者出者 儀禮訖明令皆無服孝慈

錄注雖嫁出猶服今律文無

古今五服考異卷六終

康熙乙卯春二月

同里周靖
休寧汪繩武校字

類彙卷五十六

辛

鈍翁前後類彙卷五十七目錄

古今五服考異卷七 考說

九族考

三年喪考

稽首稽顙考

五服皆爲衰說

古人不忘白說

喪制襍說五條

類彙卷五十七目錄

一

鈍翁前後類彙卷五十七目錄終

○考

九族考

孔安國謂上自高祖下至玄孫爲九族者蓋出於小記親親以三爲五以五爲九故其說云云馬融鄭玄從之夏侯歐陽氏謂父族四母族三妻族二爲九族者蓋出於詩類弁角弓小序本刺幽王不親九族而其詩言兄弟甥舅又言兄弟昏姻故其說云云白虎通從之白虎通曰族者聚也聚也謂恩愛相流湊也生相愛死相哀痛有會聚之道父

類彙卷五十七

十一

族四者父之姓一族也父女昆弟通人有子爲二族也身女昆弟通人有子爲三族也身女子通人有子爲四族也母族三者母之父母一族也母之昆弟二族也母昆弟子三族也母昆弟者男女皆在外親故合言之妻族二者妻之父爲一族妻之母爲二族妻之親略故父母各一族鄭玄又駁夏侯歐陽說曰異姓之服不過總麻言不廢昏又昏禮請期云惟是三族之不虞恐其廢昏明非外族也宋閩清陳氏曰母之父母則合爲一族妻之父母則離而爲二可乎爾雅於內宗皆曰族於母妻

曰黨而已然則九族之說當從孔鄭爲正茲亦行之以備考若沈存中辨五服之制謂惟正統不以族名似未有據杜預又分外祖父母外祖母妻父妻母各爲一族且有從母子而不及

舅與舅之子尤爲不倫

又按周禮小宗伯儀禮士昏禮禮記仲尼燕居皆言三族三族者父子孫是也書及詩序言九族九族則孔鄭義是也陳氏曰三族舉其本九族極其末言三族則九族見矣史記又有七族索隱父之姓姑之子女之子女之母之姓從母妻父母蓋從夏侯歐陽義張晏謂曾

類彙卷五十七

二

祖至曾孫則從孔鄭義

三年喪考

按易繫辭古者喪期無數自唐虞以後始有定制禮孔子曰子生三年然後免於父母之懷三年之喪天下之達喪也又創鉅者其日久痛甚者其愈遲三年者稱情而立文所以爲至痛極也又喪之所以三年賢者不得過不肖者不得不及此喪之中庸也王者之所常行也又孝經曰喪不過三年示民有終也詩檜風繁冠小序繁冠刺不能三年也先儒謂檜當夸厲之時已如此則孔子孟子之

世可知春秋閔二年古稀於莊公公羊曰譏何譏爾譏始不三年也其後墨子者出非詆孔子之徒以爲服喪三年無補於死者而深害生事遂欲親死不服三日哭而已當時諸侯卿大夫有惑其說者此孟子所以闢邪放淫也至漢文帝始以日易月遺詔已下大紅十五日小紅十四日纖七日釋服蓋葬後共三十六日自是天下遵之鮮有行三年喪者矣西漢二百餘年其能終喪者惟河間王良公孫弘薛修原涉數人則史載之以爲孝所謂名生於不足也哀帝卽位詔博士弟子父母死予

類彙卷五十七

三

寧三年後漢安帝元初三年初聽大臣二千石刺史行三年喪建光元年斷之桓帝永興二年又聽行三年喪永壽二年又聽中官行三年喪延熹二年斷之郎中荀爽常因對策極言其失曰臣聞漢爲火德火生於木其德爲孝故漢謚帝稱孝制使天下誦孝經選吏舉孝廉夫親喪自盡孝之終也往者孝文勞謙行過乎儉故有遺詔以日易月此當時之空不可貴之萬世傳曰上之所爲民之歸也上所不爲而民或爲之故加刑罰上之所爲民亦爲之又何誅焉可如舊禮以正風俗晉武帝泰

始初詔諸將吏二千石以下遭三年喪聽歸終寧庶人復除徭役太康七年始詔大臣得終喪三年北魏孝文帝延興二十年詔自非金革皆聽終三年喪二十一年帝又親爲羣臣講喪服於清徽堂唐高祖武德中制文官遭父母喪聽去職代宗廣德二年又敕三年之喪謂之達禮其文官自今以後並許終制宋眞宗咸平元年詔任三司館閣職事者丁憂並令持服又詔川峽廣南福建路官丁憂不得離任旣受代而喪制未畢者許其終制尋令川峽官除州軍長吏奏裁餘並許解官大中祥

類彙卷五十七

四

符九年殿中侍御史張廓言京朝官丁父母憂者多因陳乞與免持服望自後並依典禮三年服滿得赴朝請仁宗慶曆三年太常禮院議三年之喪人道之至大也請不以文武品秩高下並聽終喪詔自今三司副使已上非領邊寄聽終制武臣非在邊願解官者聽元順帝至正十五年大幹耳朶儒學教授鄭喧言蒙古乃國家本族空教之以禮而猶循本俗不行三年喪又收繼庶母嫡姒必空改革不報明會典凡聞父母喪匿不舉哀者杖六十徒一年若喪制未終釋服從吉作樂參豫筵宴

者杖八十若喪制未終冒哀從仕者杖八十罷職
景帝景泰四年吏科都給事中林聰等言高皇帝
刑制立法父母之喪皆斬衰三年冒喪有禁匿喪
有罰所以扶植綱常維持世教至矣近來邊事寧
謐在外方面等官已有定例不許奪情而在京官
員或有奪情者恐遂成故事必至貪戀名爵不顧
廉恥子道既虧臣節安在乞行改正詔嘉納之

大清律並與明會典同又律文云職官吏人等其
父母喪計原籍程途每千里限五十日過限匿不
舉哀不離職役者俱發邊外為民又云奪情起復

彙卷五十七

五

者不拘此律今康熙十二年詔在外滿州漢軍
文職官員炤漢人例丁憂愚按漢文遺令僅以己
喪詔吏民耳非為定制凡子為父母皆宜以日
易月也然上行下效靡然從風若瞿方進固戀相
位遂致援引遺令託言不敢逾制所謂以儒雅緣
飾法律者乃至此邪及其末也賢知之徒矯枉過
正或服竟不除或行服六年過與不及此皆聖世
之戮民先王之所禁也善哉荀悅之論文帝曰廢
三年之喪以虧大化非禮也抑愚又謂叔向有言
國不恤喪不忌君也君無感容不顧親也不忌君

不顧親則景帝與羣臣亦與有罪焉爾

宋徐鉉立曰舊制文臣起復必先授武官蓋
用墨衰從戎之義示不得已也富鄭公以宰
相丁憂起復初授冠軍大將軍餘官多授
順宗實錄道詔十三日小祥二十日大祥
制也崩後二十七日釋服者唐制也考常漢
哀議玄宗以來始變天子喪為二十七日

又按禮子夏問曰三年之喪金革之事無辟也者
非與孔子曰咎者魯公伯禽有為為之也喪大記
既卒哭弁絰帶金革之事無辟也左傳子墨衰經
敗秦師於殽遂墨以蔡文公如此則猶不脫衰絰
非徑即吉者也後世武臣俱不持喪服訖今猶然

類彙卷五十七

六

故律文有文職官吏及應丁憂者條例蓋武臣不
在內也宋時嘗會議武臣持服事唐子方曰今日
不可為高論歐陽永叔勃然曰父母死令持服安
得為高論竊謂天下無事武臣方優游內地固當
以永叔之言為正

稽首稽顙考

周禮大祝辨九擗有誦首吉擗凶擗按稽首施於
極敬乃臣拜君之拜左傳哀十七年會齊侯盟於
蒙齊侯稽首公則拜齊侯怒孟武伯曰非天子寡
君無所稽首禮郊特牲拜服也稽首服之甚也又

大夫之臣不稽首以避君也荀子謂非尊家臣所以避君君敬其臣亦稽首書太甲王稽首於伊尹洛誥王稽首於周公是也今人不知其由凡遇期喪及父母禫祭之月必用稽首拜此誤也吉拜者拜而後稽顙謂齊衰不杖以下者此殷之凶拜周以其與頓首相近故謂之吉拜凶拜者稽顙而後拜謂三年喪者櫛記爲妻父母在不杖不稽顙如此則父母歿爲妻亦當稽顙也蓋杖期得用凶拜與周禮義合

又按禮三年之喪以其喪拜非三年之喪以

類彙卷五十七

七

吉拜喪拜者稽顙而後拜吉拜者卽拜而後稽顙也又士喪禮主人哭拜稽顙喪大記櫛記皆言拜稽顙先儒謂此每拜必稽顙非拜而後稽顙義或然也

○說

五服皆爲衰說

斬齊大功小功總麻五服之服通謂之衰雖弔服亦謂之衰鄭玄云凡服上曰衰下曰裳又五服之衰一新四緝三山楊氏喪服圖衰裳之制五服皆同前有衰後有負版左右有辟領惟子爲父母用

之旁親則否此先王之禮然也蓋衰之爲

明孝子有哀摧之心也夫哀摧之心凡在五服中者莫不有之吳獨孝子亦曰孝子之於父母視旁親有加戚焉非謂旁親而遂可以不哀摧也然則五服之服通謂之衰矣顧近世士大夫自大功之喪而下舉無有服衰者皆非知禮者也按喪服傳大功布衰裳牡麻經無受或牡麻經纓布帶有受小功布衰裳澡麻帶經或牡麻經又記宗子孤爲殤大功衰小功衰皆三月又櫛記功衰食菜果飲水漿無鹽酪不能食食鹽酪可也此大功小功

類彙卷五十七

八

爲衰之明驗也鄭玄云總麻布衰裳而麻經帶又周禮王爲三公六卿錫衰爲諸侯總衰爲大夫士疑衰此總麻爲衰之明驗也自朱子家禮明集禮孝慈錄莫不仍之顧律令大功以下言服不言衰非不爲衰也省文也士大夫亦無有服功衰總衰者此近世薄於旁親而然夫豈先王之制與

朱子喪服議曰溫公書儀大功以下從俗禮非是惟高氏送終禮其說甚詳當更討論訂正劉垓孫曰書儀斬衰古制而功總又不古制此卻可疑但使吉服不古而凶服古亦無

意思今俗喪服之制下用橫布作欄惟斬衰用不得觀此言則自宋以來功總已不復有衰矣然孝慈錄卻遵家禮衰冠姑附以備考又按前明時功總及事服猶仿宋制俗謂之麻白大欄今遵本朝服制亦不復有服者矣

古人不忌白說

休寧程氏曰宋齊之間天子燕私多著白高帽或以白紗當時國子生亦服白紗巾晉人多著白接離白綸巾南史齊和帝時百姓皆著下簷白紗帽垣崇祖守壽春著白紗帽登城唐六典天子服有

類彙卷五十七

九

白紗帽古樂府白紵歌質如輕雲白如銀製以為袍餘作中其制皆不忌白也元周公謹曰古人所以不忌白者喪服皆用麻重而斬齊輕而功總皆麻也惟以升數多寡為異耳自麻之外繪縞紵葛皆吉服後世多忌往往喪服求殺薄俗遂有以縞紵為功總服者按二說甚核古者天子皮弁縞積以日視朝衣冠皆白不以為嫌也然考賈公彥謂三王以來以唐虞白布冠為喪冠禮子為父母大祥除衰服服縞冠紵白屨又大夫士去國踰竟為壇位鄉國而哭縞衣縞裳冠徹緣鞮屨縞紵

周禮司服其齊服有玄端縞端說者謂吉服皆玄凶服皆縞左傳秦伯縞服鄉師而哭史記漢王為義帝發喪臨三日諸侯皆縞縞此當是喪服用白之漸延及今世不獨以縞紵為功總服雖三年喪自祥虞以前亦閒服之吁可怪也

喪制襍說五條

禫

禮服問父母之喪期而小祥又期而大祥中月而禫鄭玄謂二十五月大祥祭中猶閒也大祥之後閒一月禫祭故主二十七月三年間父母之喪二

類彙卷五十七

十

十五月而畢檀弓祥而縞是月禫故王肅又謂祥禫共月鄭王皆本於禮而二義不同其徒往往相難晉初用王肅義遂以為制宋永初元年黃門侍郎王准之上言王義惟晉朝施用指紳之士猶多遵鄭義空順人情使朝槨一體嗣是之後遂皆以二十七月為斷矣按禮親喪外除兄弟之喪內除杖期猶祥禫閒月十五日而祥豈三年重服而不可用期喪為準乎春秋文二年冬公子遂如齊納幣蓋僖公之喪至是已二十六月矣而公羊氏譏其喪娶由此言之固當從鄭義無疑先儒謂遵鄭

者過禮而重情逾王者輕情而反制斯乃孰為孝乎其說是也又范淳父曰禫祭名非服之色也今乃為之醵服三日然後祭此不經也按禮禫而織織非禫字之義及觀漢文帝遺詔織七日師古曰織者禫也則其誤已久矣說文禫字從示從齒除服祭也釋名孝子之意澹然思慕益衰也

說文義青黑廣韻色宋史王淮為孝宗言今尋常士大夫丁憂過百日巾衫皆用細布出而見客則以醵布如此則北宋用醵為禮服而南宋上大夫乃服之於宋嘗哭時倍未敢有服此者

為妻禫

類彙卷五十七

士

禮期之喪十一月而練十三月而祥十五月而禫此指杖期而言故鄭玄謂父在為母也又禮為父母妻長子禫又期終喪不食肉飲酒父在為母為妻又期居廬終喪不御於內者父在為母為妻蓋妻喪皆與父在為母同故先儒謂為妻亦十五月而禫也後世妻喪不禫則已存於旁期矣

按隋牛弘以三年之喪祥禫具有降殺期服十一月而練者無所象法以問於帝下詔除之妻喪不禫當自此始○又按孔穎達謂父在為母亦應十三月祥十五月禫未知所本伯魚期而猶哭恐所謂期者非十三月也當從或人有祥無禫為正

心喪

戴德喪服變除曰天子諸侯之庶昆弟大夫之庶子為其母大功哭泣飲食思慕猶三年賀循喪服要記凡降服既降心喪如常月劉智謂小功以下不稅乃無心喪又陳沈洙議元嘉立義心喪以二十五月為限惟王儉古今集記終二十七月為王遂所難何休之儀注亦用二十五月無復心禫云云是則心禫可廢心喪不可廢也宋服制凡如適孫祖在為祖母為人後者為其所生父母之類皆許解官申心喪三年蓋猶遵用前代制也自明以來此禮不行久矣當亦士大夫所宜講求者

類彙卷五十七

士

閏月

春秋哀五年閏月葬齊景公公羊曰閏不書此何以書喪以閏數喪曷為以閏數喪數略也穀梁曰不正其閏也范甯謂閏月附月之餘日喪事不數公穀二義不同白虎通三年之喪再期二十五月也禮有取於三故謂之三年緣其漸三年之氣也三年之喪不以閏月數何以言期也期者復其時也大功以下月數故以閏月除晉宋之間喪遇閏月諸儒紛紛聚訟隋開皇初太常卿牛弘奏三年及期喪不數閏大功以下數之以閏亡者祥及忌

變除

按三年喪所以不數問者蓋數問則大祥在再期中不可謂之三年故也

古人之於喪服也至纖至悉而於三年之喪尤加
慎焉是故三日而成服三月而葬既葬則有受衰

類案卷五十七

三

服葛絰至於小祥則除首絰服練冠練衣黃裏纁緣繩屨無紉至於大祥則除衰服斲杖服縞冠紒紕麻衣白屨無紉蓋孝子之哀以次而衰則其服亦以次而變有子既祥而絰屨組纓則記者譏之以爲蚤也唐開元禮練縞皆如儀而受衰廢矣明集禮倣家禮行之益不能盡合乎古而小祥祭前一日陳練服大祥陳禫服猶有禮之遺意焉又按練衣鄭玄謂爲中衣孔穎達謂此非正服也以承衰而已溫公書儀及家禮皆既練去負版辟領衰頗與禮異其說未知何據

孔穎達謂諸侯卿大夫從祫至吉其數有六
禘祭朝服縞冠一也祫訖朝服縞冠四也逾月
祭玄冠黃裳三也禘訖朝服縞冠四也逾月
吉祭玄冠朝服五也既祭玄端而居六也古
人變除之緣如此後世皆不能行矣縞冠之
緩經作纁黑經白緯曰纁吉祭卽四時之祭
若同月之內當四時
吉祭則不待逾月

古今五服考異卷七終

類彙卷五十七

古

康熙乙卯春二月

同里周靖

休寧汪繩武

鈍翁前後類彙卷五十八目錄

古今五服考異卷八 論義 辨 或問

論繼母如母義

論繼父同居義

孤哀子辨

袒免辨

父卒未殯適孫

一服辨

妾無服辨

喪服或問二十四條

類彙卷五十八目錄

鈍翁前後類彙卷五十八目錄終

古今五服考異卷八

外彙八

○論義

論繼母如母義

內彙作喪服繼母如母解

喪服傳繼母如母章繼母何以如母繼母之配父與因母同故孝子不敢殊也汪子曰繼母亦母也謂之如母本非骨肉與因母有辨故也先儒云繼母何以如母明其不同也是同之中有殊者存焉或問父在則皆服齊衰期父歿則皆齊衰三年矣於禮亦有不同者與曰有之母出則為繼母之黨服母歿則為其母之黨服為其母之黨服則不為繼母之黨服此不同者也母出則為母服期繼母出則不服父歿母嫁亦服期繼母嫁不從則不服此又不同者也喪禮如母者二繼母慈母是也是則繼母與慈母無等差也三年之喪於禮為加服非正服也今律文凡適繼慈養母殺子孫者加祖父母父母一等注云視親母有開故也大哉聖人之律不亦與禮服相發明與然則史廢有言繼母與己無名徒以親撫養己故亦喪之如母信如是也設有前妻之子不為繼母所撫甚則如孝己伯奇之屬將遂不之服乎曰何為其然也非出也非

嫁也孝子緣父之心不敢不三年也先賢之說以父服爲正父若服以爲妻則子亦應服之故曰與因母同也由是言之不敢殊者孝子之文也其不能不殊者孝子之情也禮稱情立文是豈足以概孝子與

論繼父同居義

內彙作疑喪服繼父同居義

喪服傳繼父同居章夫死妻梈子幼子無大功之親與之適人而所適者亦無大功之親以其貨財爲之築宮廟歲時使之祀焉妻不敢與則繼父之道也汪子曰此孤子隨母變適者也或爲大宗之

類彙卷五十八

二

庶適與或支子與吾皆不能知也苟其爲大宗之適也則家必有廟無所事於娶築在禮禍無廟則與祖同廟爲繼父者如之何其代爲之築也且彼無大功之親矣獨無小功以下諸親乎哉宗法而既行也舉族之父兄子弟方推宗子而重焉有餘財則必歸之雖以之立廟可也安有顛連而入繼父之家者又安有藉繼父之財而始爲宮廟者哉苟其支子而已則雖爵爲大夫士猶當祭於宗子之家而不當有廟況孤幼乎爲繼父者分之賄財可也遺之宮室什器車馬衣服可也犯非禮而爲

之築宮廟此暱愛之私不可之甚者也傳言所適者亦無大功云云喪服小記又言皆無主後同財而祭其祖禰爲同居則是繼父無子者也繼父無子其可撫妻之前子爲子與語曰神不歆非類民不祀非族制禮者宜禁之之不暇而顧倡此說以導之吾不信也吾嘗考諸春秋崔杼娶東郭姜姜以其孤棠無咎入卒此大亂於齊蓋同居之禍如此此亂宗之端敗家絕祀之所自昉後世宜以爲鑒不可以禮文藉口也嗟乎三禮惟儀禮最古然其說猶有難信者況乎大小戴禮半爲漢儒所附會哉蓋古書之錯亂不可知也久矣善哉傳玄之言曰父無可繼之理此禮焚書之後俗儒妄造也

類彙卷五十八

三

○辨

孤哀子辨

禮襟記祭稱孝子孝孫喪稱哀子哀孫祭謂吉祭喪謂凶祭後世父母喪又有對賓稱孤子者晉雷孝清問祖母與母繼亡言稱孤孫爲稱孤子范宣曰禮無書疏稱孤子孤孫之文今代行之合於人情宜俟祖母訖服然後稱孤子也溫公書儀父喪稱孤子母喪稱哀子承重稱孤哀孫朱子曰孤子

哀子今俗以別父母不欲潤并之也且從之亦無害蓋人子居父母之喪空無有不哀者顧獨於母喪稱哀止緣父在諱孤字一耳耳非謂母後當哀父後不當哀也近有親母先亡及赴其父之喪則云繼母在不敢稱哀鄙俗不經莫過於此豈欲借此以紂其父邪禮祖不厭孫舅不厭婦母不厭子願欲以繼母厭前子倍禮甚矣

按曲禮諸侯在內服自稱曰適子孤雖記主孤而相者曰孤某又子月稱適子孤雖記主稱額不云孤某而稱子者客既有情於殯故孤子以對殯之詞若對賓則稱孤某也然則亦有所本

袒免辨

類彙卷五十八

四

宋儒程子泰之嘗辨袒免謂免如字不當如鄭氏音問予始愛其文久而考之禮經則程子所辨未合也程子曰不應別立一冠名之爲免予則曰布廣一尺從項文頤而卻繞於紛是固不成其爲冠也鄭氏亦未嘗以冠名之也程子曰解除吉冠之謂免如免冠之免予則曰此非禮經意也禮禿者不免謂其無紛可繞故不免也又或問曰免者以何爲也曰不冠者之所服也洵如經言則不止於不冠而已如之何俗免冠以爲釋也程子曰衰經

冠裳俱有其制而袒免則元無冠服故經莫得而記予則曰經文有之矣程子未之詳也禮奔喪者自齊衰以下入門左中庭北而哭盡哀免麻於序東是免用麻也斬衰括髮以麻爲母括髮以麻免而以布是免用布也布與麻者免之制也其可謂之無其制與程子曰禮男子冠而婦人笄男子免而婦人墜是冠與免對也故得以免冠爲免予則曰非也冠與笄對免與墜對者也墜不止於除笄而免獨止於免冠乎左傳韓之戰秦穆公獲晉侯穆姬登臺屢新使以免服衰紼逆則免之有服審

類彙卷五十八

五

矣程子又釋喪小記曰父母皆應以麻括髮而古禮母皆降父故減麻用布而特言免以明之予則曰此又非也經文上言括髮而下言免則免與括髮不同不可以合釋之也有免而括髮者焉母喪是也有免而不括髮者焉屬及五世之喪是也程子復終言之曰予疑鄭氏故著此以待博而不惑者折衷之予則曰甚矣程子之好學也雖然鄭氏之距古遠矣程子與予之距鄭氏也又益遠先儒之立言也雖不能無醇駁而其音釋必有所師承未可遽以爲疑也卒而程子尚有所待故予得發

其臆說如此予非博者也蓋能信經而不惑者也

又左傳晉趙鞅納衛太子蒯聩于戚使太子
殺之與免同免之為免當猶棄之為免也此
說之誤

父卒未殯適孫為祖服辨

禮父在為祖期父卒為祖後者服斬此喪服傳之明文也後儒若賀循徐廣之徒乃言父在未殯而祖在適孫不敢服祖重為父歿尚在不忍變於父在也愚竊以為不然禮殯而後成服父既前卒則先成父服而後成祖服當其成祖服之時父歿已殯矣夫何不敢服重之有祖無適子而猥云不忍

類彙卷五十八

六

不忍於父而忍於其祖則父之心能安父之目其能瞑邪為長子傳曰正體於上又乃將所傳重也是父生存已許其子傳祖父之重矣及其歿也適孫顧不敢申祖服然則主祖之喪者當誰屬乎將遂無主乎抑別立支子而為之主也其於傳重之義失之遠矣小記父母之喪偕先葬者不虞待後事據記有父之喪如未沒喪而母死其除父之喪也服其除服卒事反喪服如三年之喪則既顯其練祥皆行由是言之父卒尚不得以餘尊厭母安有適孫為祖而不敢服重者哉然後知賀徐皆妄

說也庾歲之言賀循所記謂大夫士又非也為祖後者自天子達士庶皆同此其服不得有異

妾無服辨

儀禮妾妾總而律文無之今之卿大夫室何從予應之曰從律何以知其室從律也古今之制不同有從重服而改輕服者有從輕服而改重服者有從有服而退為無服者有從無服而進為有服者自唐以來損益儀禮多矣而猶欲取久遠不可考之文以自附於好古乎荀卿氏曰法後王是不可不深講也今之卿大夫不然舉凡服其餘親莫不兢兢令甲而莫之敢越而獨於其妾也則必秉周禮毋乃暱於所愛乎哉有難者曰母以子貴非與曰非是之謂也諸侯姊妹媵之子得立則國人從而尊其生母故存則書夫人歿則書薨書葬書小君皆得視其適此春秋之例也然則妾之子而既貴矣天子且許之貤封而家長可不為之制服乎曰天子自貴其卿大夫之母家長自賤其妾律令之與敕也誥也是皆出於天子固竝行不倍者也或又難曰律文得毋有闕與曰國家辨妻妾之分嚴適庶之閑其防微而杜漸也可謂深切著明矣

類彙卷五十八

七

而又何闕文之有且吾考諸儀禮則曰大夫為喪
妾總考諸喪服小記則曰士妾有子而為之總儀
禮不言士妾小記不言大夫妾而唐開元禮則皆
不為之制服宋司馬氏書儀朱子家禮與前明孝
慈錄亦概未之及也蓋妾之無服千餘年於此矣
今使家長之為大夫者為之服總則眾子之為士
者當如之所生子為父後者亦當如之其父枉者
當為所生母大功顧己之服其妾也則從儀禮總
而命眾子與所生子則又從律文或齊衰杖期或
斬衰三年是於古今之制行失之也嗟乎非天子

類彙卷五十八

八

不議禮若好古而不純乎古守今而不純乎今是
則自初為禮也吾故曰不可不深講也

楊信齋曰儀禮大夫與妾雖無子猶服之然則世俗欲以其子之貴賤論妾之貴賤者益繆矣

○或問

喪服或問二十四條

繼祖母

或問禮與律有繼母而無繼祖母之文然則繼祖
母不當服與曰非也言祖母則繼祖母統其中矣
蓋繼祖母與庶祖母有辨繼祖母之歿也祔於廟

而庶祖母不祔夫既祔於廟為之孫者方庶祖母
祀之而可以無服乎故曰言祖母則繼祖母統其
中矣

按唐荆川曰禮繼母如母則繼祖母如祖母
也其言可謂約而辨矣

庶祖母

或問庶祖母安何服曰其袒免乎禮大夫以上為
庶母無服何庶祖母服之有然則律文服庶母期
矣顧亦無庶祖母服者何與曰疏也無恩也是則
為之袒免可也

類彙卷五十八

九

夫之本生父母

或問禮為舅姑齊衰期故為本生舅姑大功今律
文既易期為三年斬矣而獨於夫本生如故其降
等不太甚與曰不然也兄弟之子服伯叔父母期
則為人後者服本生父母如之兄弟之子之婦服
夫之諸父諸母大功則夫為人後者服夫本生亦
如之此固相準而制服者也律文未嘗與禮異也
何降等太甚之有

繼姑

或問禮無繼姑之服何也曰非無服也先儒謂子

常以父服爲正父若服以爲妻則子亦應服之此可類而推也傳曰婦人既嫁從夫夫者婦之天也夫既以爲母矣婦其敢不以爲姑乎然則從夫而服又何惑焉

舅妻

或問舅妻何以無服也曰由父而推之則有父族之服由母而推之則有母族之服姑之夫不可以爲父族舅妻與從母之夫不可以爲母族者也禮絕族無施服其此之謂與

庶母

類彙卷五十八

十一

或問均父妾也必有子然後爲庶母何也曰父妾之男吾謂之昆弟矣其女則吾謂之姊妹矣昆弟姊妹之母猶吾母也故謂之庶母舍是則不得被此名也是以爲吾庶昆弟姊妹之母則服不爲吾庶昆弟姊妹之母則無服

繼父

或問律文繼父同居而兩有大功親者爲之齊衰三月俗令一有大功以上親一無大功以上親則如之何曰小記皆無主後同財而祭其祖祢爲同居有主後爲異居疏謂此子有子亦爲異居也然

則律文雖與禮不同而其義卽皆有主後者也或問果應服乎曰父不當繼繼父亦不當同居而禮與律有同異居之別此服制之變末世之不得已也亦爲人子者之不得已也

前母之黨

或問先儒言前母之黨當爲親而不言其服何以無服也曰禮爲其母之黨服則不爲繼母之黨服宗無二統外氏亦無二統前母之子不服後母之黨則後子不逮事前母者亦如之也禮從服者所從亾則已前母既亾如之何其有從服與

類彙卷五十八

十二

繼母之黨

或問繼母如母何以不服繼母之黨也曰鄭玄謂外氏不可二也庾蔚之亦謂若服繼母之黨則亂於己母之出故也禮慈母與繼母同喪服小記曰爲慈母之父母無服則其不服繼母之黨安也噉乎爲人後者言若子繼母言如母夫謂之如與若者蓋其父母之文同而情則異者也故不得已而爲繼母之黨服虞喜謂縱有十繼母惟當服次其母者之黨此說殆近是矣

生母之黨

或問禮有庶子爲其外祖父母從母舅之服而律文無之何也曰古者諸侯卿大夫之妾出於買者少而爲姊妹媵者多若後世之爲妾者皆庶姓也其父母兄弟姊妹往往有不可考者律文不爲之服蓋以賤故紬也然則庶子之服其生母也今且與適母同矣夫使伸其私於母而獨紬於母之黨毋乃稍失倫與曰非也小不可加大卑不可陵尊賤不可干貴聖人之立制也姑以此示適庶之閑焉此律文之微意也故庶子得爲適母之黨服而不得爲生母之黨服鄉先生姚文毅公亦以無服爲善也

類彙卷五十八

不主

同母異父之昆弟

或問同母異父昆弟之服子游言大功子夏言齊衰而唐開元禮降從小功三者不同然則空何服曰律文無服此空從律者也禮同父母之昆弟期同父異母之昆弟大功因母旣出則與宗廟絕矣彼旣自絕於宗廟則其子之爲父後者猶不爲之制服顧可使同母異父夸於同父異母之服乎禮繼母可以如母繼父不可以如父故繼父不同居者無服而獨爲異父大功其失禮意明矣子夏

傳曰禽獸知母而不知父壁人曰父母何算焉使同母異父而爲之服此知母而不知父者也與禽獸何以異與然則齊衰亦非子夏之言也記禮者之臆說也

按王肅聖證論難鄭玄禮親者屬謂出母之身不謂出母之子服也其說甚奇然又謂繼父服齊衰其子降一等服大功則尤誤矣故後儒復非之總之此服非正當遵儀禮傳及律文

妻母

或問明孝慈錄注妻母之嫁者出者皆服總然則果應服乎曰否嫁母出母爲父後者猶無服何有於妻母之出且嫁者乎厚於妻母而薄於己之所生其非先王之意也明矣律文無服是也

類彙卷五十八

圭

君

或問漢魏屬吏皆爲州郡將服君與舊君之服而唐以後無之何與曰漢魏之制州郡皆得自辟其屬雖服此服可也後世一命以上無不請於天子受天子之爵食天子之祿州郡不得而臣之也州郡旣不得而臣之則品秩崇卑雖異皆其比肩事主者而又何服焉

朋友

或問禮言朋友麻而律文無之何也曰吾聞之同門爲朋同志爲友古之爲朋友者其將與之交也則有始相見之禮其既與之交也則有終身同道之恩蓋慎於初而厚於繼也如此夫惟始慎之繼厚之故歿則哭於寢門之外加麻三月今交道廢矣彼之懂懂往來者飲食而已耳博奕語笑而已耳有善不相勉有過不相規此則孔子謂之所知曾子謂之相識者也非朋友也而顧欲爲之加麻不已重乎夫朋友之服不在五服之內故律文略之後之學者緣情義之淺深厚薄而加折衷焉可也

類彙卷五十八

古

師弟子

或問師弟子何以無服也曰答者孔子之喪顏回也若喪子而無服子貢請喪夫子若喪父而無服今之爲師爲弟子者其視夫子子貢何如而遂相爲服也先儒謂師不立服不可立此說是也然則弔服加麻出入常經者非與曰答者朱文公之喪黃文肅公爲其師加麻制如淡衣用冠經何文定公之喪王文憲公服淡衣加帶經冠加絲許文正公薨蒲人王楫衰經赴葬司賓者辨曰門人衰禮

與楫曰吾師也術藝之師與賓主之師與吾猶懼乎報之無從耳由是言之後世有人師經師如朱何許三先生者夫亦可以用此服矣

衰負版辟領

或問衰衣之有衰負版辟領也果獨爲父母用之與曰否經傳無明文鄭玄之注賈公彥之疏亦然如曾孫爲曾祖父母也適孫祖枉爲祖母也爲人後者爲本生父母也是皆難以旁親例者也其遂可不用衰負版辟領與家禮之與儀禮圖說蓋各發明注疏而猶各有所未盡也吾故謂齊衰必當有二式

類彙卷五十八

古

杖

或問禮無爵者非擔主不杖然則庶人居三年之喪亦有不杖者與曰無之古人之居喪也哭踊無算水漿不入口者三日既殯食粥朝一溢米暮一溢米如是則無不病者故曰非擔主而杖爲輔病也夫安得有不杖者與今人之居喪也哭泣不哀飲食居處如故其違禮也多矣而又逆億古人之不能病不亦悲夫

婦人衰

或問婦人可以不衰乎曰不可服以飾情情貌相配吉凶相應故衰之爲服所以表中誠也婦人者何獨不然由是言之是雖勿親猶不可以不衰而況妻爲夫妾爲家長女子爲父母乎

婦人杖

或問婦人可以不杖乎曰婦人之不杖也傳謂其不能病故也假令衰毀而能病則聖人許之矣豈遂禁其以杖卽位乎然則傳也喪服小記也或言杖或言不杖者蓋兩相發明者也或又問婦人謂童女孔穎達之說亦可信乎曰不然也婦之言服也服事其夫也非未嫁女子之稱

類彙卷五十八

去

改葬

或問禮改葬總鄭玄謂三月除之而明集禮既葬釋服何以不同也曰集禮釋總服者謂釋其衰麻耳下文縗服云云則猶未敢卽吉也是故吾從三月

過時而葬

或問過時而葬安何服曰禮久而不葬者主喪者不除夫久而不葬人子之過也其可以不衰經乎哉又禮爲兄弟既除喪已及其葬也反服其服兄

弟且爾而況於人子乎是故吾吳人之葬其親也緩然其儀文猶必視其初喪蓋不失禮之遺意者也

變除

或問古者既虞則服受衰既練則服練冠既祥則有大祥之服其變除也匪一而近世俱不行何與曰練禫之服明集禮會典有之品官與庶人皆同然而莫之行若非令甲之疏也此世俗不學之咎也

命赴

類彙卷五十八

去

或問古之卿大夫之喪主人必命赴者然則吾吳人之有赴也亦猶行古之道與曰否知生者弔知死者傷彼不知生不知死而吾往赴之非禮也

按禮父兄命赴者疏謂士喪禮則孝子親命赴者若大夫以上則父兄命之以其病痰故使人代命雖代命之猶書孝子名也今吳俗赴人有列諸父名者又有偏列孫抱孫曾名者然則孰爲喪主邪失禮甚矣并附正之

喪主

或問喪必有主與曰禮喪有無後無無主然則孰爲之主曰惟冢子與其婦禮所謂主人主婦是也支子不在列與曰雖在列而不敢主之也何爲其

不敢也曰非傳重也曾子曰喪無二孤此之謂也
親戚故舊亦可主與曰可古者喪必赴赴必哭哭
則必有弔者孔子之哭子路也身爲之主其哭伯
高也使子貢爲之主皆是也然則父母之喪可使
佗人主之與曰不可禮父不主庶子之喪夫不主
妾之喪舅不主諸婦之喪妻之黨不主姑姊妹之
夫之喪吾未聞執親之喪而使佗人主之者也無
主後則如之何曰有攝主禮大夫而無主後宗子
爲士者可攝也宗子爲士而無主後大夫可攝也
何爲其使大夫攝曰公子有宗道焉非宗子而特

類彙卷五十八

大

起爲大夫者亦有宗道故也無宗子則又如之何
曰無宗子是無族也禮無族則前後家東西家主
之無有則里尹主之是攝主之變也然則今之吳
人之有喪也或使同姓士大夫護之赴告必廂名
其間其殆古之攝主與曰是與攝主不同護喪之
名不見於經朱子家禮使子若弟知禮者爲之有
喪事則必稟之前明集禮則兼用孫吾未聞士大
夫而執弟與子孫之役者也雖謂之非禮可也

古今五服考異卷八終

康熙乙卯春三月

同里周 靖

休寧汪繩武

校字

類彙卷五十八

左

鈍翁前後類彙卷五十九目錄

東都事略跋序一 序二

引用諸書

東都事略跋卷上

本紀八則

太祖 欽宗二

世家一則

太子諡

列傳二十四則

李重進 孟龜二

錢惟演 趙普

王彥昇 寇準

向敏中 王欽若

陳堯咨 馬拯

李迪 程琳

杜衍 范純仁

狄青 高若訥

尹師魯 陳執中

鈍翁前後類彙卷五十九目錄終

東都事略跋引用諸書

文獻通考 容齋隨筆 五筆至

隆平集 寢溪筆談

揮塵前錄 揮塵後錄

揮塵三錄 玉照新志

春渚紀聞 孤臣泣血錄

靖康遺錄 北盟會編

趙子崧家傳 痛定錄

朝野僉記 癸辛雜識

中興遺史 贊寧續傳

邵氏聞見前錄 聞見後錄

錢氏私誌 歸田錄

孫公談圃 齊東野語

王文正公遺事 石林燕語

湘山壁錄 王沂公筆錄

丁晉公談錄 國老談苑

道山清話 梁溪漫志

濮議 東坡集

歐陽公全集 文潞公集

辨欺錄 文氏私記

韓忠獻遺事	避暑錄話
歐陽公奏事錄	雞肋集
明道襟志	鐵圍山叢談
朱或可談	畫繼
司馬公傳家集	渭南集
靖康小錄	龜子止東坡祠堂記
捫蝨新話	元城語錄
淮海集	穎濱集
厚德錄	呂中公家傳
盡言集	北征紀實
類彙卷五十九 <small>引用諸書</small>	靖康傳信錄
庚谿詩話	程史
陳少陽精忠集	靖康小雅
李忠定公集	宣和錄
秀水閑居錄	朱文公大全集
聶耳集	退居類彙
困學紀聞	范太史家傳
王公繫年錄	伊川年譜
陳氏樂書	珊瑚鉤詩話
老學菴筆記	梅宛陵集
竹坡詩話	

劉後邨集	劔南集
陳後山集	後山詩話
宣和畫譜	幼老春秋
平園集	眉山集
王荊公集	李氏奉迎錄
鴻慶集	鄂國金佗粹編
類彙卷五十九 <small>引用諸書</small>	

東都事略跋序一

予欲修宋史舊矣會浮沈仕宦者十有五年不暇具橐詎今則髮白齒搖行將五十矣老景漫尋學植蕪廢此志不就可爲浩歎也自秋以來旣拔此書且記憶平生所得略疏於紀傳之後凡若干條先儒有曰史家多取諸誌狀全是子孫門人拚惡溢美之辭又曰因官文書紀事往往是非失實由是言之予非敢妄肆褒貶也亦欲裒小說述異聞稍吐其胸中之一二以與此書齏相發明庶於後之君子有志史學者不無小補云爾

類彙卷五十九

序

序二

予爲此書於王同老之謫也不敢專主文富洛蜀之相攻擊也不敢專主伊川道君之禪位及姚平仲之劫砦也不敢專主吳敏與李忠定又謂神宗時陳世儒夫婦之獄則欲偕以誣呂申公徽宗時趙諗之獄則欲偕以排曾子宣王桀之獄則欲偕以傾劉昫此皆當國者深文羅織不足爲據至如李重進之死事歐陽文忠之闢佛皆有異論蓋往往取諸小說顯然與正史相反夫舜囚堯太甲誅伊尹此皆書之所不載聖人之所不道而後世猶

述而志之凡所謂信傳信疑傳疑也予蓋略倣此意不然古人之骨已朽其墓木已夸矣於吾何怨何德而爲此無忌憚之言哉覽者詳之

東都事略跋序終

類彙卷五十九

序

二

東都事略跋卷上

外彙九

太祖

本紀第一

按太祖廟議最爲紛紛考之祭法父曰考祖曰王考會祖曰皇考至於父之兄弟則爾雅稱世父叔父從無假借稱考者也乃不依禮經而援引唐故事爲據眞宗旣稱太祖爲皇伯考而又自稱孝子名實不順何其謬也且太宗於太祖則稱孝弟冠孝字於弟之上其義何居當時禮官俚俗不經如此後來諸大儒諱言祖宗之失遂不復有辨正者矣

太宗

類彙卷五十九

逾年改元此人君卽位之常禮太祖崩於開寶九年十月太宗卽以十二月二十二日改太平興國元年何汲汲也容齋隨筆謂去新春纔八日計嶺蜀之遠制書到時已是二年之春是時宰相薛居正沈倫盧多遜不考引故實致使人君卽位而無元年大不可也予謂太宗之意似蔑其兄然使先君不得正其終而已亦不得正其始謂之何哉紀中淳化五年五月王師克復成都李順之黨皆伏誅隆平集亦言禽順獻首餘黨招捕無遺然考

寢谿筆談景祐中有人告李順尙在廣州巡檢使臣陳文璉捕得之乃眞李順也年已七十餘推驗明白因赴闕覆按皆實朝廷以平蜀功賞已行不欲暴其事但斬順賞文璉二官蓋從來行間將士濫冒功賞者多矣如狄武襄寧失儂智高者有幾人哉又揮塵錄亦載此且言有張舜卿奏眞宗曰臣聞順已逝去當時固已有知其事者又奏耳集方臘後亦不知所終就禽者非臘也

徽宗

本紀第十

類彙卷五十九

紀中建中靖國元年趙諗反於渝州崇寧元年諗伏誅按玉照新志諗之先本渝州獠賊其族黨來降賜以國姓至諗不量力乃與其黨李造賈時成等宣言欲誅君側之惡頗肆狂悖然實無弄兵事也時事旣變諗亦息心來京師注官曾文肅當國一見奇其才薦擢國子博士諗請告蜀中其徒以前事告變獄成諗伏誅父母妻子悉皆流竄改渝州爲恭州文肅亦坐責據此則紀中所書非實錄也又春渚紀聞畢漸爲狀元諗第二諗旣擢巍科乃以一語不戒陷身叛逆獄吏不訊其實史官不核其由名之曰反不亦悲乎又按是時獨刑部郎

中王吉甫引律以謂口陳欲反之言心無真實之狀吉甫亦坐紬

又

本紀十一

靖康傳信錄道君南幸居揚州以都城圍閉止絕東南遞角又止東南勤王之師以綱運於所往卸納官吏以聞朝廷不以爲然道路藉藉且言有佗變太學生陳東因上書乞誅六賊據此則兩宮嫌隙已構矣又太上皇詰賜宋曉有云奸人造言緣飾形似遂致朝廷之疑每見臺劄名救州縣而實及予躬興言及此不覺流涕又靖康遺錄上皇每

類彙卷五十九

三

有手筆付上自稱老拙謂上爲陛下據此則道君之飲恨深矣又北盟會編先是上皇謂金人必再犯請帝西京師欲自往西京治兵吳敏言上皇向在南方已有截畱諸路兵之意今豈可以軍旅之事累之乎至是天寧節詣龍德宮上壽酒散上皇復斟一椀以勸上大臣有躡上足者上堅辭不飲而退上皇號哭入宮嚶嚶靖康君臣不防敵國外患而防上皇之內變乃至此邪近世諸儒祇知唐李輔國離間玄宗父子而不知靖康時兩宮隔絕尤甚何桌吳敏輩固不足惜卽陳東吳若諸疏言

之太激遂爲猜疑張本唐恪嘗告欽宗曰革職須以漸蔡京父子王黼童貫之徒已從廢逐姑可已矣佗日邊事既定然後自上皇請下詔與天下弃之孰曰不可而言者不諳大體至毛舉前事以快一時之憤豈不傷道君皇帝之心乎惜乎欽宗善之而不能也卒之父子播遷其禍視唐尤酷悲夫

欽宗

本紀十二

紀中靖康元年正月李邦彥太宰兼門下侍郎按趙子松家傳先是子崧語李曰里中有病傷寒者

類彙卷五十九

四

一醫汗之一醫下之外雖支持而中已耗矣謝二醫而訪草澤名士後至者投一藥則始乃歸咎今國執大概類此蔡京倡之王黼成之二十餘年二人者家富志得全身而去天下病矣公議望公爲相公欲何如醫治李不能用予謂此真藥石之言彼李忠定猶聞於此而況庸碌如邦彥者乎苟卿氏有言僅存之國危而後戚之亡國至亡而後知亡至死而後知死若靖康君臣雖身瀕死而猶不之知者也

痛定錄上在青城齋宮名何桌孫觀汪藻輩賦詩

遣興上命用時韻觀詩云噬臍有媿平燕日嘗膽
無忘在莒時藻詩云口帳寢回驚口處都城思切
望雲時有以此達知金帥者見在莒之句又所爲
口帳因撫此爲名遂邀雷車駕雖靖康之禍本不
由於一詩顧此何等時而君臣猶作如此伎倆五
國城之辱非不辜也

朝野雜記逆亮南侵使人至欽宗所犯遼七百餘
人俱受害又癸辛襍識楊兒盜諸陵於徽欽二陵
梓宮內略無所有止有朽木一段其一則木鐙繫
一事耳按襍記乾道中金人許歸靖康梓宮朝廷

類彙卷五十九

五

難之金人乃以禮陪葬鞏縣然則欽宗陵不應被
發癸辛襍識誤也恐只是永祐陵耳咎者楚子伐
宋宋華元曰城下之盟有以國幣不能從也彼徽
欽堂堂萬乘而俱爲和所給卒之淵聖既不良仄
而其遺骸亦俱淪於沙漠其辱社稷也多矣

太子諱

世家第五

中興遺史先是礪山染戶宋從因往南京販棗得
一小兒曰遇僧稍長有京師人張四見之曰此人
全似少帝遇僧心喜遂告於縣自言
子略說宮禁中事單州遂津遣是行在行至泗州

有司理孫守信疑之疏聞於上勘當得淵聖皇帝
卽無第二子委守信取勘獄具決春配瓊州牢城
又按淵聖實有幼子名訓北地所生終於五國城
世家中不載也

李重進

列傳第五

傳中重進赴火死按僧贊寧續傳開寶末江州圓
通寺有客僧將寂滅袒背示其徒有雕青李重進
三字云我卽其人脫身煙焰云云則是重進竝未
死節也然能薙髮衣緇隱於浮屠以終其身其視
賣國乞降者固已賢矣

類彙卷五十九

六

孟昶

列傳第六

邵氏聞見錄昶治蜀有恩國人哭送之至犍爲別
去因號蜀王灘蜀平呂餘慶出守太祖諭曰蜀人
思昶不忘卿官成都凡昶所權稅食飲之物皆宐
罷去按此事恐未然傳有之馬牛維婁委己者而
柔焉若使權至食飲則斂怨極矣昶何恩於蜀蜀
又何思昶之有

又容齋隨筆太宗嘗書銘以戒郡國立於廳事之
南謂之戒石銘其辭蓋出昶所作令箴凡二十四
句中有云寬猛得所風俗可移無令侵削無使剝

疾下民易虐上天難欺又云爾休爾祿民膏民脂
勉爾爲戒體朕深思然則昶固賢主非李煜劉鋹
諸僭偽比也

錢惟演

列傳第七

文僖留守西京歐陽公爲推官按問見錄錢相遇
永叔極厚永叔後用王沂公薦入館然猶不忌錢
相或謂錢相薨三易名卒得美諡皆出永叔之力
及考錢氏私誌頗醜詆永叔且言永叔不樂文僖
歸田錄所載文僖數則俱非美事其異同如此意
者錢氏子弟別有怙憾故耳豈爲錄中竊藏珊瑚
筆格一事深觸其諱耶

類彙卷五十九

七

趙普

列傳第九

傳中普初爲節度使劉詞薦奏世宗既克滁州以
爲軍事判官太祖與語大奇之則普先在軍中久
矣王性之父子以爲太祖入滁之始有鎮州趙學
究在邨中教學多知數太祖微服往訪之用其策
俾爲鄉道藥月夜提孤軍銜枚取道於清流關側
蘆子扎浮西澗入自北門遂禽皇甫暉其趙學究
卽韓王普也與此傳絕異恐是傳聞之譌又孫公
談圃藝祖生夾馬營之前有陳學究宣祖遣藝祖

從之後復得趙學究卽館於汴第與陳俱爲門客
此說近之

王彥昇

列傳十二

韓通李筠李重進皆周室忠臣按齊東野語焦千
之過劉貢父劉問歐陽公五代史成邪焦對將脫
橐劉問爲韓堂眼立傳乎焦默然劉笑曰如此亦
是第二等文字耳事略旣傳二李獨不爲通立傳
以補五代史之闕僅附數語於此且辭氣抑揚稍
甚亦通之不卒也

王旦

列傳二十三

類彙卷五十九

八

傳末兄子睦欲舉進士旦云云按文正公遺事公
壻蘇耆應進士舉唱第日格在諸科陳文惠公奏
曰蘇耆是蘇易簡男王旦女壻上顧公曰卿女壻
邪公不對敏身少卻願且修學及出陳語公曰相
公何不一言則耆及第矣公笑曰上親臨軒試士
至公也某爲宰相自薦親屬士子盈庭得不失體
乎噫後之大臣未有不私子壻者其媿公多矣

向敏中

列傳二十四

傳敘敏中拜右僕射事出筆談且言覘者爲李昌
武按容齋隨筆眞宗朝自敏中前拜僕射者六人

呂端李沆王旦皆自宰相轉陳堯叟以罷樞密使拜張齊賢以故相拜王欽若白樞密使轉及敏中轉右與欽若加左同日降制是時昌武已死四年如此則筆談非實錄傳不當載

寇準

歸田錄萊公自少年富貴不點油鐙尤好劇飲雖寢室亦燃燭達旦每罷官去後人至官舍見廁洞開燭淚往往成堆又石林燕語萊公所臨鎮燕會常至三十釭必盛張樂柘枝舞用二十四人每舞連數釭方畢或謂之柘枝頗然則豪侈是萊公本色

類彙卷五十九

九

色空乎其不終也邵伯溫乃言公居家儉素所臥青帷二十年不易且云得於公之甥王丞相所作公墓誌予謂諛墓語似不足據

陳堯咨

列傳二十七

傳中堯咨善射知荆南時母馮問之云云按湘山野錄眞宗欲擇臣僚伴契丹使射意在康肅上謂晏元獻曰陳某若肯換武當授以節度卿可語之晏以語康肅時太夫人在堂性嚴毅康肅遂曰當白老母不敢自擅既白太夫人命杖撻之曰女第名第一父子以文章立朝爲名臣女欲叨竊厚祿

貽羞於閭閻可乎因而無報益盛世閭房之中猶知右文如此

王欽若

列傳三十二

傳末敘欽若嘗遇裴晉公事按孫公談圃夏竦父爲侍禁時竦尚幼有道士乞爲養子父弗許道士曰是兒有僊骨不爾位極人臣但可憐墮落了愚謂二人儉險必無成僊之理此皆其門生故吏影響附會如唐小說所紀李林甫盧杞皆然傳不當載

丁謂

類彙卷五十九

十

沂公筆錄晉公嘗言古今所謂忠臣孝子皆不足信乃史筆緣飾欲爲後代美談也言者心聲謂本傾邪小人平生不知忠孝爲何事忠臣孝子爲何人故宐有此無忌憚語世所傳晉公談錄乃出於丁氏門客之手中閒多述謂之美事此則緣飾無疑耳

馮拯

國老談苑拯姬媵頗盛在中書密令堂吏市珠絡自持爲遺或未允所售出入懷之有及三四夕者斯其鄙妄可知顧臨歿時猶欲以儉繁欺人主用

心如此無怪乎爲馬知節所薄也又太祖嘗令內夫人問范質疾質家器皿不具內夫人秦知卽令翰林司送果子牀酒器十副以賜之因謂質曰卿何自苦如此質奏曰臣向在中書門無私謁所與似皆貧賤時親戚安用器皿因循不置非力不足也猥蒙厚賜頗涉近名云云斯則去極遠甚可謂賢宰相矣

李迪

列傳三十四

聞見錄真宗不豫迪與宰執宿內殿八大王元儼以問疾留禁中不日出執政患之偶翰林司以金

類彙卷五十九

士

盆貯熱水曰王所須也迪取案上墨筆掬水中盡黑王見之大驚意其有毒上馬去如此則元儼有覲覲天位之意仁宗得立皆迪功也及考道山清話御藥李從吉者自言文定族人仁宗旣卽位從吉使其徒以文定掬水事言於上上曰安有是事若八大王見孟中黑水便不會根究翰林司且渲筆在熱水中也則甚計策當時卻是孃孃畱在禁中明日卽去直無是事云云仁宗語最英明當屬從吉矣傳邵氏所載非實錄

程琳

列傳三十七

傳末言琳獻武后臨朝圖以媚意獻按問見錄亦載此事但爲武后七廟圖又諱琳姓名止稱某公且言某公某受潤筆帛五千端作碑誌極其稱贊天下無復有知其事者矣蓋指歐陽公也六一居士集有程公神道碑文又有誌銘又梁溪漫志云凡碑誌或被旨而作或因其子孫之請揚善抑惡理亦宜然至於是是非非則自有公論歐陽公一世正人而謂受帛五千端人不信也竊謂歐陽公旣不得已作碑文則誌銘雖不作亦可

杜衍

列傳三十九

類彙卷五十九

士

石林燕語公本遺腹子其母後改適河陽人公爲前母子不容因逃河陽依其母傭書濟源其事頗與范文正相類及考歐陽公所作誌銘則言公家故僥財諸父分產以所得悉與昆弟之貧者然則燕語所載非實錄

范純仁

列傳四十二下

歐陽公漢議文字最佳獨所援漢魏五君則非是堯夫言陛下受命仁宗而爲之子與前代定策入繼之主異此不易之論也公乃概指異議者爲小人又爲之作憎惡詩亦稍褊矣

玉照新志呂汲公衆況之劉器之定王介甫親黨
自呂吉甫章子厚而下三十人蔡持正親黨自安
厚甫曾子宣而下十人楊之朝堂范淳父以爲熾
厥渠魁脅從罔治忠宣太息曰吾輩將不免矣按
此舉實爲多事其後蔡元長當國立元祐黨碑牽
連者逾此十倍嗟乎士大夫無論君子小人苟一
旦失足朋黨則往往圖快目前而不思國家異日
之禍彼此操戈相等不已遂致撼社稷而覆之是
蓋古今一轍也

龍氏客語紹聖初籍定元祐黨止數十人世號精

類彙卷五十九

主

選其後泛濫人以得與爲榮而議者不以爲當也
然則朝廷賞罰與士大夫議論趨向相反國家安
得不亡

狄青

列傳四十五

傳中武襄討僂智高兵次賓州斬逃將陳曉曉本
名曙蓋避英宗廟諱也按東坡集有一札東廣西
憲云故崇儀陳侯忠勇絕世死非其辜廟食西路
威靈肅然願公與程之邵議或同一削乞載祀與
然則武襄何故誅之意是時軍政廢弛特借曙以
威衆耳

高若訥

列傳四十六

歐陽公與高司諫書其辭太計謫後東尹師魯曰
五六十年來沈默畏慎者布在世間忽見吾輩作
此事下至竈門老婢亦相驚怪不知此事古人曰
日有也然吾輩亦當絕口不及前事居閑僻處日
知進道而已蓋此時猶似有自喜意晚年編居士
集刪去與高書殆亦淡梅之邪文潞公作文莊墓
碑乃云迭居諫憲當職論事不煩細激許以邀虛
名蓋刺文正與文忠輩耳

尹師魯

列傳四十七

類彙卷五十九

古

歐陽公誌尹墓論其文曰簡而有法又曰在孔子
六經惟春秋可當其推重如此按湘山野錄錢思
公鎮洛陽一驛館命僚屬各作一文文成謝希深
與歐公皆五伯字內外惟師魯止用三伯八十餘
字語簡事備典重有法歐公媿服遂載酒就之通
夕講論師魯曰大抵文字忌格弱字冗諸君文格
雖高少不至者此耳歐公奮然持此說別作一記
妄滅師魯文廿字而尤完粹師魯謂人曰歐九真
一日千里也然則異時誌墓之言良爲此耳

陳執中

列傳四十九

石林燕語恭公初相張安道爲學士仁宗召至殿而諭曰善草麻辭無使外人有言然恐其物未孚也安道載其請建儲之事云納忠先帝有功朕躬上覽稱善然則執中匪人仁宗非不知之所

以始終被眷者止爲建儲一節耳

傳末執中子世儒與其妻李謀殺生母張事最慘酷然考問見錄大理丞賈種民乃黃中之孫爲蔡確所引鍛鍊世儒夫婦獄至極典天下冤之又以確風旨就呂公著府第呼公之子希純及老嫗立庭下問世儒妻請求事以枷捶脅之希純等不承

類彙卷五十九

主

竟無以舉神宗知之怒其陵辱執政特命衛贊又揮塵錄確父黃裳任陳州錄事參軍陳恭公爲郡守以其老病去之黃裳臨終戒其二子確碩必報陳氏確登政路會世儒坐獄神宗云執中止一子雷以存祭祀如何確云五刑之贖三千皐莫大於不孝遂不免如此則此獄尚未可爲定案也馬端臨言宗室世居之獄則呂惠卿欲文致李士寧以傾王安石陳世儒之獄則賈種民欲文致世儒妻母呂以傾呂公著蓋詔獄之興莫盛於熙寧元豐間枋國者之意各有所主而史氏不察亦何以誅

奸雄於既死哉

東都事略跋卷上終

康熙乙卯春三月

同里周靖

休寧汪繩武校字

類彙卷五十九

主

鈍翁前後類彙卷六十目錄

東都事略跋卷中

列傳三十二則

文彥博
韓琦
蔡襄二
王安石二
王韶
司馬光二
孫覺
章惇
蔡攸
仲師道
富弼
歐陽修
劉敞
蔡確二
王廣淵二
蘇軾四
孔文仲
蔡京二
張商英二
何處

類彙卷六十目錄

鈍翁前後類彙卷六十目錄終

東都事略跋卷中

外彙十

文彥博

列傳五十

容齋四筆潞公致仕時年七十八歲後哲宗初太皇太后用司馬公公乞召潞公后宣諭彥博名位已重又得人心天子幼冲恐有震主之威且輔相中無處安排司馬公不敢復言及拜左僕射乃再上奏詔不許范忠宣亦勒名致會韓縝去國后始欲除潞公兼侍中行右僕射事司馬公不敢居公上乞讓左僕射又不許既赴闕劉摯朱光庭王覲俱言彥博春秋高不可爲三省長官司馬公乞命以正太師平章軍國重事始下制如公言潞公此命可謂鄭重費力然居位越五年得歸竟坐此貶紹聖之貶蓋當時廟堂之議俱不欲潞公復出然則公之出也是亦不可以已乎予謂公本功名士不免昧止足之戒卒之以身殉國蓋忠雖有餘而蹈道則未也惜哉

富弼

列傳五十一

按韓忠獻欲立濮邸與仁宗定議殿上是時富公雖在相位然不與聞也以是兩公末路遂有隙又聞見錄富公晚年溪居託疾謝客嘗患氣痞康節

曰好事到手畏慎不爲佗人做了鬱鬱何益公笑曰此事未易言也蓋爲嘉祐建儲耳據此則公之不與定策明矣傳中王同老之譏意在朝必有不悅忠獻者陰主其說故其諡得行後來忠獻門人如王巖叟賈易輩紛紛不平而易遂於宣仁簾前面劾潞公且乞改正舊史同時韓氏有辨欺錄潞公又有私記彼此互相排詆其是非未易定也今合觀諸傳恰似左袒文富者

韓琦

列傳五十二

忠獻遺事仁宗疾亟英宗已立親王皆入後殿是

類彙卷六十

十一

時允弼最尊屬心繫不平公獨先召允弼稱先帝晏駕皇子卽位大王宏賀允弼問皇子爲誰曰某人允弼曰豈有團練使爲天子者何不立尊行公曰先帝有詔允弼曰焉用宰相遂循殿陛上公叱下曰大王人臣也不得無禮左右甲士皆至遂賀按本紀嘉祐七年八月策英宗爲太子已入居慶寧宮矣八年三月仁宗始崩允弼安得爲此誕語恐不足信

歐陽修

列傳五十五

避暑錄話歐陽氏子孫奉釋氏尤嚴於佗士大夫

家問公之子某云公無恙時薛夫人已自爾公不禁也然則本論之作固託諸空言邪石林謂文忠初未有闢佛意而石守道力論其然遂相與協力蓋同出於韓退之又謂公旣登政路法當得墳寺極難之久不敢請已乃乞爲道宮以道宮守墳墓惟公一人予謂公若崇正廟邪自應上一劄子乞盡毀諸宰執家先所賜墳寺庶幾不媿昌黎至於老之與釋相距幾何而顧以彼易此恐難以語信道之篤者矣

蔡襄

列傳五十八

類彙卷六十

三

君謨之謫知杭州也按玉照新志君謨守泉南日晉江令章拱之枉任不法君謨按以臧罪坐廢拱之兄望之訟冤誤造君謨乞不立厚陵爲皇太子疏刊版印售於檀籃中人得之遂于乙覽此風聞所自來也得韓魏公歐陽公力爲辨始稍解然文忠奏事錄中述此極詳獨不及望之事望之素有文名又文忠門下客或爲之諱耳

又聞見錄光獻臨崩以一函授神宗曰俟吾死開之惟不可以此舉人及開函皆是仁宗欲立英宗時臣僚異議文字及考歐陽公奏事錄慈壽坐簾

爲中書言執政數人不顧家族以定社稷而小人幾壞大事又云近臣文字只在先帝臥牀頭近日已於燒錢鑑內焚之矣如此則不應神宗時尚存此函但當時沮立濮邸者固自不乏如王荊公卽其一也

劉敞

列傳五十九

郭后祔廟之議以原父力爭而止傳中不載此議全文卽歐陽公所作誌銘亦爾似皆左袒原父者予以爲不然原父言古者不二適夫所謂二適乃是以賤犯貴以妾竝后之屬此可施之溫成而不

類彙卷六十

四

可以議瑤瑤固嘗正位中宮不當以妾例擬之也又言放妻不可復合瑤無辜被廢況已矣矣豈得云放妻復合耶原父搭辭亦太不倫矣當時惟禮官張洞嘗與原父辨洞字仲通祥符人罷無咎作洞傳詳述此事蓋亦不以原父爲然也區區守春秋之義而不能將順人主之美且教之遂非文過雖通經如原父吾無取焉

王安石

列傳六十二

明道襟志韓魏公當國遣使出諸道以寬恤民力爲名旣行韓大悔之每見外來賓客必問使者不

搜郡縣否無幾皆罷之荆公行新法每遣使其大者察訪小至興水利種稻田皆遣使使者相望於道公嘗言讀大小雅言周文武故事而小雅第二篇便是皇皇者華君遣使臣故遣使爲先務予謂詔使所至未有不騷動公私者荆公不善讀周禮乃亦不善讀小雅邪蘇文忠公曰執聖人之一端以藉其口夫亦何說而不可殆爲荆公發耳

蔡條鐵圍山叢談王舒公熙寧末語條叔父文正公曰天不生才就可繼吾執國枋者舉手屈指曰獨兒子也蓋謂元澤因下一指又曰次賢也又下

類彙卷六十

五

一指卽曰賢兄何如謂魯公又下一指沉吟久之始曰吉甫如何且作一人遂更下一指曰無矣當神宗之世賢士大夫森列介甫與論議不合舉皆詘爲俗儒而平居所推爲才者乃在子弟私昵率之二蔡秉國遂階喪亡孰謂介甫非首禍者新法且勿論也

蔡確

列傳六十三

確車蓋亭詩一案朝論忿爭凡理確者皆坐確黨免黜劉器之至謂確包藏禍心睥睨兩宮按押塵錄吳處厚始諂事確後以推治舒亶獄爲確所怒

確既守安州處厚知漢陽兩人益交惡會漢陽吏至安州確問處厚近況吏誦其秋興亭詩確笑曰猶亂道如此吏歸以告處厚怒曰我文章蔡確乃敢譏笑耶會安州有舉子販米至漢陽規免和糴乃謁縣令陳當且言離鄉里時蔡丞相作車蓋亭詩十章舟中有本歸舟以詩送之處厚得詩於當遂箋注上之謂其子柔嘉曰二十年漢讎今報之矣其子問知其詳泣曰此非人所爲大人何以自立於世處厚悔悟遣健步賸給緡錢追之則文書已投矣然則處厚與確不過語言責望遂造大獄

類彙卷六十

六

確之爲人固死有餘皐然告計一倡率兆搢紳之禍可歎也

朱或可談蔡詩有睡起莞然成獨笑句處厚注云未知蔡確此時獨笑何事又或父帥廣崇寧元年正月游蒲澗見游人簪鳳尾髻因作口號中一聯孤臣正泣龍須草游子空簪鳳尾髻蓋以被遇先朝自傷流落監司指此句爲皐誣注云契勘正月十二日哲宗皇帝已大祥豈是孤臣正泣之時諫口可畏如此既不得笑又不得哭以是知車蓋亭一案器之輩疾惡未能免乎已甚矣

王韶

列傳六十五

傳末韶子案以左道誅按揮塵錄案年少輕財好客客多歸之以事免官其客冀案復用會林靈紫得奉揚言案有術可致天神出靈紫上蓋此客能請紫姑作詩辭案固不能也亦不知客有此語案對人嘗席靈紫妖妄適與前客語合靈紫聞之怒謫於上上令捕案與客下開封開封尹盛章方與工部尚書劉昫爭寵因言案辭語連昫遣吏即訊插架上書得著述草藁有和案詩未成者云白水之年大道盛埽除荆棘奉高真草箋釋以進云白

類彙卷六十

七

水謂來年庚子舉事昫以案爲高真不知以何人爲荆棘遂坐案與客極刑昫竄海外昫視案蓋中表也然則案死實冤非真左道如吳侔兄弟輩比耳又畫繼有周純者成都人游京師以畫知名與案相親盛章嘗謂曰子能爲我圖梅作遙知不是雪爲有暗香來之意乎純曰此臨川詩須公自有此句我始爲之章恨甚案敗純遂編管惠州蓋章之恃寵恣橫如此則案之冤可不辨而知矣

王廣淵

列傳六十八

傳中司馬光極論廣淵奸邪不可近按聞見錄廣

淵以濮邸舊僚進待制貧不能辦儀物韓魏公爲言之英宗曰無名以賜不可後數日有旨令廣淵書無逸篇於御屏賜白金百兩然考廣淵未嘗爲東宮及濮邸官言舊僚者誤也彼方受魏公之知而溫公頗力詆之蓋當時臺諫議論與宰執相左其執大概如此

又按傳家集有論廣淵劄子謂廣淵在陛下藩邸時因時君卿以文章筆札私有贊獻浚自結納故有今日之命云云然則廣淵未嘗爲濮邸僚屬據此可見

類彙卷六十

司馬光

列傳七十

渭南集熙寧初朝士集於相藍之燒院俄王元澤後至時荆公方有召命衆人問舍人不堅辭否元澤言大人亦不敢不來然未有一居處衆言居處固不難得元澤曰不然大人意乃欲與司馬十二丈卜鄰又靖康小錄司馬朴使金管賊問其姓朴云司馬氏賊云得非司馬相公之後乎且曰使相公在朝我亦不敢至城下因欲立朴云云嗟嗟執拗如王介甫兇饒如金人乃能感服其心如此此子瞻所謂誠也

元城語錄言金陵事因言當時臺諫皆金陵人醜造一件大事點污老先生如霍光事神宗謂金陵曰前日言章大無謂司馬某豈有此事余陵請事目神宗曰置之讒言不足道也故老先生以端明爲崇福退居於洛十五年按此何等大事神宗不惑於讒其君德可謂盛矣而傳中不載東坡於碑誌中亦絕無一語及之爲金陵諱邪抑竊畏其黨邪

蘇軾

類彙卷六十

九

趙子止東坡祠堂記極辨少公所作墓誌多非實錄中開如公擢起居舍人爲蔡確所引又公力讓林希又與溫公論役法不合乞外補溫公始怒有逐公意之類是也少公晚年畏禍杜門不復見客宏其文有異辭然何至顛倒是非乃爾又捫蝨新話亦云誌中載役法一事似是後來飾說又所載山光寺詩聞好語之句亦與東坡辨題詩劄子不同

東坡答舒煥書歐陽公天人也恐未易過天之生斯人意其甚難非且使之休息千百年恐未能復生斯人也又秦少游答傅彬老東蘇氏之道最淡

於性命自得之際其次則器足以任重識足以致遠議論文章乃其與世周旋至巖者黃山谷亦云士之不游蘇氏之門與嘗升其堂而畔之者非愚則傲也蓋當時推重兩公如此近世文士僅解握管便謂能學歐蘇且有從而指摘之者亦多見其不知量矣

李元綱厚德錄潭州彭子民隨董必察訪時子瞻在儋州董至雷議遣人過儋彭顧董涕泣曰人家各有子孫董感悟但遣一小使臣逐子瞻出客舍然則子瞻得免於死卒也世人皆欲殺何意乃有

類彙卷六十

十

賢如彭者惜乎知其人者少矣

文忠在杭奏開西湖以溉田又議開石門湖以避浮山之險其佗一應學畫所以惠杭人者至矣嗣後南渡百餘年定都於此上下陰受其福宋之名臣自應首推而理學大儒顧獨指摘其學術至謂其徒秦觀李廌皆浮誕佻輕士類不齒使其得志未必不身為蔡京得毋逆億太甚耶若秦李可以累文忠則邢恕賈易之徒亦足累二程先生矣袒分左右此後學所不能無疑也且秦李不猶賢於邢恕乎

孫覺

列傳七十五

談同莘老在福州民欠市易錢繫獄甚衆有富人出錢五伯萬葺佛殿請於莘老莘老曰女輩何以施錢衆曰願得福耳莘老曰佛殿未甚壞佛又無露坐者孰若以錢爲獄囚償官逋使數百人釋枷鎖之苦得福不啻多乎富人諾之卽日輸錢固圉遂空甕乎後之仕宦者旣不能行莘老此術而又喜崇飾塔廟以爲一方倡取諸家貲乎抑取諸民膏乎返而思之徒增惡業耳何福之有

孔文仲

列傳七十七

類彙卷六十

士

呂申公家傳孔經父以伉直稱然蠢不曉事爲浮薄輩所使以害善良晚乃自知嘔血死朱仲晦據此遂謂子瞻嗾經父劾伊川及考剽器之盡言集論歐陽棐凡九劄子力言棐與程頤畢仲游楊國寶孫朴文結呂范子弟搢紳號爲五鬼又言頤則先以學去語最激切按器之受學溫公不入蜀黨豈亦子瞻所能嗾耶伊川卽申公門下士家傳恐未可盡據又子瞻乞郡劄子言頤教誘孔文仲令其以私意論事爲文仲所奏聞見後錄亦載伊川欲令經父助賈易以彈呂陶云云

章惇

列傳七十八

惇出邵康節之門那恕出程明道之門童貫自謂韓魏公遺腹梁師成自謂蘇文忠出子然則門人子姓敗類如此大是諸賢之恥也惇蚤歲爲康節門下士見邵氏聞見後錄

蔡攸

列傳八十四

傳末燕山之役攸實在行而京送之以詩戒其啓發莫不成得以自釋云云考北征紀實京送詩云老慣人閒不解愁封書寄與淚橫流百年信誓當淡念三伏修途好少休日送旌旂如昨寢身非惟

類彙卷六十

主

幄若爲籌緇衣堂下清風滿好好歸來醉一甌徐達上聽讀之乃曰好改作六月王師好少休也庚谿詩話亦載此予謂蔡氏父子分立門戶攸之宣撫或不出京意揮塵錄亦言徽宗有意北征蔡元長鄭達夫不以爲然惟王黼蔡攸贊成之

京既死門人呂姓者爲作誌銘有云天寶之末姚宋何臯文入下筆乃無恥喪心如此雖曲爲粉飾何益於東京之名在天下東坡所謂胆蠅桑穢也正可與李林甫配耳

蔡攸

靖康傳信錄金人敗盟予夜過吳敏家曰事急矣

非傳位東宮使招徠豪傑何以克濟敏曰監國可乎予曰不可唐肅宗建號之議不出於明皇後世惜之敏翼日求對具道所以且言李某之論蓋與臣同有旨召赴都堂遂上劄子云云而內禪始決與此傳絕異按陳少陽登聞檢院第三疏言傳位事止云贊勳之力吳敏有焉竝無一辭及忠定後一月又爲忠定伏闕亦不及此事又按靖康元年九月九日安置吳敏手詔略云蔡攸自知臯惡不免引敏爲給事中宣制入玉鸞閣閣乃禁中深密之地非外臣所得至攸意欲畱腹心之人伺察動靜且入玉鸞閣之日乃在降旨建牧之次日攸詐傳敏有定策功其姦僞締構如此然則敏之贊勳亦未爲的也蓋適逢其會耳善乎富韓公之言曰此輩何功可書

類彙卷六十

主

張商英

列傳八十五

程史謂商英罷右丞專坐嘉禾頌而指事略爲誤其實不然蓋商英旣勅蔡京御史臺承京風旨特脩此頌爲名耳又言頌中候司馬文正於周公亦非也按頌作於元祐二年十月商英爲轉運使是

時文正歿已逾年矣文忠烈呂正獻當國立以事略之言爲正

傳末商英學浮屠法云云按避暑錄話天覺受法兜率悅歷詆江西諸老宿後天覺漫顯諸老宿略已盡後來庸流傳南學者乃復推天覺稱相公禪近歲遂有爲長老開堂承嗣天覺者前此未有執利之移人此曹亦然也又子瞻有言曰稷下之盛胎驪山之禍太學生萬人兆黨綱之冤本秀二僧皆以口耳區區奔走王公洵都邑安得而不敗云云今之爲浮屠者分門戶附要津視前宋時尤甚衣拂記劖了不足重輕噫吾立見其敗矣

种師道

列傳九十

姚平仲之敗也按靖康傳信錄予時以疾給假夜半上遣中使降親筆命予應援予具劄子辭以疾且非繫約兵不豫備須臾中使三至責以軍令不得已力疾令將士詰旦出勒兵班荆館天駟監分命諸將戰於幕天陂斬獲甚衆是夜宿城外而平仲前一夕劫砦所折千餘人又解知樞密劄子其

類彙卷六十

南

類彙卷六十

主

說略同如此則伯紀似不與劫寨之謀矣然是時伯紀方主兵枋按玉照新志伯紀以爲功在頃刻令行營司屬官方允迪爲露布有云臣分兵以解范瓊之圍遣騎以助平仲之進疾如破竹順若建旆日逐溫禺已示染鐔釁鼓之狀單于行說將羅繫頸答背之刑云云佗如靖康小雅秀水閑居錄皆言平仲爲伯紀所遣又陳少陽伏闕書亦言臣等聞綱比日用兵偶然小有不利少陽乃主伯紀者亦未敢曲爲之諱也然則二月初一日之敗伯紀固不得辭其責既不待舉而又紛紛自解得毋反爲白時中李邦彥所笑乎又按伯紀乞免策應劄子有云近者福寧殿議用兵事期以二月六日云云然則平仲之舉殆蚤五日耳似不可謂全不與也又乞外任宮觀第五劄子論耿南仲有云平仲繫受宣撫司節制在臣行營司安得而與縱使與聞止緣國事豈有佗故而南仲舉以爲舉何也此劄似得其實矣

何桌

列傳九十一

子瞻曰周之失計未有如東遷之繆者也此文士從空發論耳非必能逆料事機也而桌遂據此以

贊欽宗不知效死者正也出卒者權也种師道老將知兵及考北盟會編其遺奏有云青滄衛濟既不宿兵無藩籬之助欲乞大駕幸長安以避其鋒云云又張叔夜亦請駐蹕襄陽然靖康君臣不知行權說於戰守和三者皆無成局而兩宮遂致北狩殆子瞻一論誤之耶胡文定公曰避寇而徙都未有能復振者周自豐鎬徙於東洛而不振魏自安邑徙於大梁而不振楚自渚宮徙於陳蔡而不振劉嗣自咸陽徙於上邽而不振赫連定自統萬徙於北地而不振李璟自秣陵徙於豫章而不振

類彙卷六十

去

故中夏建都必與俱存而不動此亦子瞻遺意也宣和錄金人索降表使者齎草示粘罕往返數四皆不中其文必要四六屬對孫覲與吳玠相推遜上促之曰事已至此勿計空言於是覲玠與桌其成之有云既煩汗馬之勞敢緩牽羊之請上覽訖謂覲曰對偶甚切非卿平日嫻習安能及此既而粘罕抹去大金二字止稱皇帝又抹去大宋皇帝四字又命改易中間數語上悉從之噤乎和者敵國之辭也既請降矣生之惟命殺之惟命奴隸而臣妾之亦惟命尚何和議之有貳而討之服而舍

之此春秋伯主之事豈可望諸粘罕幹離不之徙而桌猶自謂折衝有術唱歌喫酒不亦愚乎或謂金人佗日變計欲立異姓予以爲非變計也是固其本謀也金人雖狡適足形宋人之愚而已

東都事略跋卷中終

類彙卷六十

主

康熙乙卯春三月

同里周靖
休寧汪繩武
校字

鈍翁前後類彙卷六十一目錄

東都事略跋卷下

忠義傳一則

李若水

儒學傳八則

李之才二
李觀

孫復
程頤四

文藝傳十二則

石延年

黃庭堅二

李之儀

周邦彥

蘇元老

蘇舜欽
陳師道
李公麟
唐庚

類彙卷六十一目錄

卓行傳一則

陳烈

隱逸傳一則

常秩

宦者傳三則

童貫二

梁師成

僭偽傳二則

張邦昌二

附錄一則

吐蕃

鈍翁前後類彙卷六十一目錄終

類彙卷六十一目錄

東都事略跋卷下

外彙十一

李若水

忠義傳九十三

傳中若水初名若冰欽宗改賜今名按北盟會編上初見公名曰若冰猶言弱兵也兵不可弱故改之又按隆平集太祖嘗問樊若冰名出何典記對曰臣慕唐倪若冰故名焉上笑曰可改名知古蓋惡其聲近弱兵云與此絕相類

李之才

儒學傳九十六

賈耳集陳搏以先天圖傳種放放傳穆修修傳李之才之才傳邵雍放又以河圖洛書傳許堅堅傳

類彙卷六十一

一

范諤昌諤昌傳劉牧修又以太極圖傳周敦頤敦頤傳二程與此傳稍異然錄中所述原流亦未甚分曉豈太極圖與河圖洛書或皆出自希夸耶如此則宋世理學諸儒悉當以搏與種放穆修爲宗其有功聖道不小後儒極力推重周程絕不源其由來何也

按朱子太極通書後序二篇前篇云此圖決非種穆所及後篇自注云是說之傳固有端緒至於先生然後得之於心云云蓋非不知其由來特諱其出於陳種耳困學紀聞譙天授之學得於蜀曩氏

夸族袁道潔之學得於富順監賣香薛翁故曰學無常師知此則周子太極圖說雖出自之才及陳種不必諱也

孫復

聞見錄張堯封從明復學於南京其女子常執事左右堯封死入禁中爲賓妃寵遇第一數遣使致禮於明復明復閉門拒之終身此視獻定州紅磁器及鐙籠錦者賢否何如傳中不妄逸去

李觀

儒學傳九十七

按歐陽公盛時諸文士皆出其門又善范文正文正最推服泰伯而歐陽公從無一語及之全集中止有與李觀賢良一柬亦寒暄常語耳頗不解其故獨朱仲晦有云老蘇父子自戰國策來皆從小處起議論故歐陽公喜之李不輒怙不爲所喜理或然也然予愛泰伯文簡質猶有唐人遺風自曾蘇各闢門徑而文體始大變矣竊嘗謂曾蘇之文非古文如泰伯退居類彙溫公傳家集拙多於巧

類彙卷六十一

二

樸勝於華乃古文也

程頤

王公繫年錄三省進呈伊川服除欲與館職判檢

院簾中以其不靖令只與西監又道山清話哲宗御講筵手折一柏枝伊川爲講官奏曰方春萬物發生不可非時折毀哲宗急擲於地終講不樂宣仁聞之歎曰怪鬼壞事元城語錄亦云老先生聞之不悅謂門人曰使人主不欲親近儒生正爲此等人也又清話伊川在講筵阻名江西僧元某罷講卽遣書兩省諫垣謂豈可坐視不救於是稱病太皇夜遣使傳旨云皇帝既伏不是說書且看先朝面明日蚤參既出又明日講畢上曰前日所召僧已令要不施行越數日講次又陳奏梁武帝事

類彙卷六十一

三

且請觀武帝紀又欲撫要上之上曰想是如此卿必不妄言云云據此則伊川去國殆屬自取大人格君心之非未必爾也按范太史家傳奏救伊川略謂草茅之人一旦入朝與人相接不爲關防而言者謂顧大鈞大邪貪黷請求奔迭交結又謂願欲以故舊傾大臣以意氣役臺諫皆非實也此奏似最持平後來朱仲晦專咎子瞻極口指摘得毋太褊邪張端義曰君子不黨如伊川見道之明未能免焉

伊川年譜注侍御史呂陶言明堂降赦臣寮稱賀

訖兩省欲往奠司馬光是時程某言子於是日哭則不歌豈可賀赦了卻往弔喪坐客難之曰卽不言歌則不哭弔喪於禮無害蘇某遂以鄙語戲程某衆皆大笑結怨之端自此始竊謂哭則不歌蓋爲餘哀未忘也歌則不哭其指安在以此詮釋聖傳謬誤良多伊川失言宏慚謝坐客之不暇何怨之有平心考之伊川涵養似不及明道邇來諸學者或優伊川而劣明道非篤論也陳氏樂書謂弔日不樂斯須之喪也忘日不樂終身之喪也可謂善讀論語及禮記者矣

類彙卷六十一

四

按東坡集杭州名還乞郡狀臣紫疾程頤之紆云云子瞻於是失言矣然吾謂使孔孟若在必有所以大服子瞻之心不當徒用議論相攻擊也賈易出伊川之門乃指摘山光寺絕句以爲訕謗欲陷子瞻於惡逆則近乎險矣賢者報復固應爾邪子瞻之論曰君子小人襟居而未決爲君子計者莫若淡交而無爲苟不能淡交而無爲則小人倒持其柄而樂吾隙其論非不善也然而當此之時諸君子各以其類自分爲黨日夜忿爭詬訾以君子攻君子而不知章惇蔡京之徒已睥睨其後也卒

之小人復用而洛蜀朔三者皆盡矣豈不慘哉

又賈易劾子瞻法外刺配顏與兩男乞放令自便
按子瞻在杭已經上奏自劾奉旨放舉久矣易毛
舉細過至此老學菴筆記顏與者放後豪猾益甚
以藥塗鹽鈔而用既毀抹賂主者浸洗之藥盡而
鈔不傷佗不法尤衆有司稍按治輒曰某官乃元
祐奸黨蘇某親舊觀望害我公形狀牒雖監司郡
守得其牒亦畏縮解縱乃去然則易之劾子瞻公
邪私邪左袒奸民排沮士大夫亦可歎也

石延年

文藝傳九十八

類彙卷六十一

五

曼卿墓表歐陽公誦蘇子美書邵餽策額按湘山
壁錄歐陽公屬僧祕演曰此文鐫石訖且未得打
忽一日於定力院見此刻問寺僧曰何從得之僧
曰五百文買得歐怒回詬演曰吾之文反與庸人
半千鬻之何無識之甚演滑稽徐語公曰學士豈
不記作省元時邪庸人競摹新賦叫於通衢云兩
文錢來買歐陽修省元賦今一碑五百價已多矣
歐解頤因又語曰吾友曼卿不季蚤世固欲得君
之文張其名與日星相磨而又窮民售之頗濟其
乏豈非利乎此一事殊可笑附錄於此蓋曼卿與

祕演最善公作祕演詩集序亦引曼卿云云

蘇舜欽

奏邸之獄蓋欲以傾杜祁公永叔誌所謂意不在
子美也按揮塵錄李定字仲求洪州人晏元獻之
甥文亦奇欲與此會而子美以其任子拒之致興
大獄梅聖俞詩一客不得食覆鼎傷衆賓指此然
則士大夫以飲食言語細故買禍其酷如此又珊
瑚鉤詩話子美謂人曰食中無餽羅畢夾坐上安
得有國舍虞比斯言蓋卽爲李發絕人已甚殆亦
好名之累也

黃庭堅

文藝傳九十九

類彙卷六十一

六

黃不及蘇遠甚傳末言獨江西君子以配蘇謂之
蘇黃蓋微辭也按聞見錄魯直晚年縣東坡像於
室中蚤作衣冠薦香肅揖甚敬或以聲名相上下
爲問則離席驚避曰庭堅望東坡門弟子耳其推
重東坡如此然又考魯直除起居舍人子由不悅
會後省封還辭頭命遂格不行或言魯直後自欲
名家以此相失周竹坡曰紫薇舍人立江西宗派
圖而雲門臨濟分矣

又劉後邨云李翱張籍皇甫湜皆韓門弟子翱妻

又會女故退之皆名呼之然翺祭退之文乃稱爲兄師弟子姑未論兄妻之諸父可平籍祭文云而後之學者或號爲韓張有抗衡之意湜作墓碑云公疾論湜曰死能令我躬不隨世磨滅者惟子以爲屬退之乃賴湜而傳邪近世推黃配蘇亦類此劉說與愚意最合

陳師道

石林燕語蘇子瞻稱師道詩有云凡詩須做到衆人不愛可惡處方工噫不愛可爾何至以爲可惡此子瞻有激之言也後來陸務觀最喜此語嘗作七律有云客從謝事歸時散詩到無人愛處工又云身游與世相忘地詩到令人不愛時豈有意用之邪抑偶合也

後山學文於南豐學詩於山谷有詩云向來一瓣香敬爲曾南豐顧獨不以師道事魯直何也及考後山詩話言黃詩韓文有意故有工老杜則無工矣又言詩欲其好則不能好介甫以工子瞻以新魯直以奇而子美之詩奇常工易新陳無不好也又言魯直過於出奇不如杜之遇物而奇也三江五湖平漫千里因風石而奇耳似此凡數段得毋

猶未滿魯直詩邪

李之儀

聞見錄范忠宣口占遺表凡八事命之儀次第之蔡京用事小人附會言公之子正平撰造中使至永州傳宣聖語以爲遺表非公意也正平與之儀皆下御史獄捶楚甚苦二人欲誣服獨傳宣中使不服曰舊制凡傳宣聖語受本於御前請寶印出注籍於內東門遣使受聖語籍已而驗之皆如所言又下穎昌府取正平所繳納遺表八事皆實獄遂解正平猶羈管象州之儀羈管太平州此傳言坐黨籍廢黜非也又之儀趙郡人揮塵後錄言赦後復官因卜居富塗與郭功父相輕云云傳言姑熟人者亦非

李公麟

公麟僅以畫知名似不應入文藝傳按聞見後錄鼐以道言東坡盛時公麟至爲畫家廟像後東坡南遷公麟在京師遇蘇氏兩院子弟於途以扇障面不一揖故以道鄙之盡弃平日所有公麟畫於人然則公麟乃小了纖人不足取也避暑錄話宣和間伯時畫幾與吳生等有持其一

二紙取美官者而伯時無恙時但諸名士鑒賞得好詩數十篇耳又畫譜伯時嘗歎曰吾爲畫如騷人賦詩吟咏情性而已奈何世人不察徒欲供翫好邪蓋古人用意如此近世藝術者流不過以書畫乞食其距古人甚遠而往往高自標置可謂廉恥道喪矣

周邦彥

宣和間美成輩製樂章有曰側犯尾犯夢犯玲瓏四犯張端義以爲犯者侵犯之象此二帝北狩識也又云李師師家有二邦彥一卽美成一李士美

類彙卷六十一

九

皆爲道君狎客士美因而爲宰相云云又幼老春秋士美每以鄙俚之句綴成小辭喧傳里巷嘗自言賞盡天下等錫盡天下毯做盡天下官而都人亦呼爲浪子宰相嗟乎國事方急而欲仗此等人物以求康濟亦無以異於兒戲矣閭嫗子奢莫之媒也嫗母刁父是之喜也以旨爲明以聾爲聰以危爲安以吉爲凶其徽欽之謂也

唐庚

子西父病篤母史氏祈以身代已而母死父生見周益公平圖集此事甚奇空附入此傳按子西屬

文本宗蘇氏不幸受知於張天覺竟爲所累劉後邨有詩云無盡頗從橫晚方攻蔡京猶稱賢宰相應爲客先生蓋解嘲之言也

蘇元老

傳中元老罷爲宮祠歎曰吾以家世學術坐累豈不榮哉語雖怨望似猶有忻幸意及考揮塵錄謝表有云念咎黨人偶同高祖以此士大夫少之與傳異

陳烈

卓行傳一伯

李泰伯退居類彙有詩所謂一聲檀板便驚飛卽

類彙卷六十一

十

指烈言也溫公傳家集論陳烈劄子備言福建路提刑王陶奏烈貪污險詐行無纖完乞追奪前後所受恩命云云因欲再行體量蓋溫公之意止是爲國家愛惜大體非姑息烈與薦舉者也烈詐僞沽名本不足取傳中已有微辭其得謂之卓行乎似與常夸甫入隱逸俱應刪去

常秩

隱逸傳一伯一

石林詩話秩居汝陰嘉祐治平間屢召不至雖歐陽公亦推重之所謂笑殺潁川常處士十年騎馬聽朝雞是也荆公當國力致之登朝聲譽大減一

日大雪趨朝時秩已衰寒甚不可忍乃舉歐公詩
自戲曰凍殺潁川常處士也來騎馬聽朝雞按秩
嗜進無恥不應入隱逸傳荆公嘗表其墓云學不
期言也正其行而已行不期聞也信其義而已所
言乎上者無傳然皆知其忠而不阿所施乎下者
無助然皆見其正而不苟荆公阿私所好一至是
邪

童貫

宦者傳一伯四

當道君之世姦佞竊國士大夫苟彊項孤立者必
不復登其朝在朝亦必以不合見黜其一時相率

類彙卷六十一

土

一

旅進者類皆簡賢附執無廉恥之徒也然如楊時
則蔡京客李綱則蔡攸客梅執禮則王黼客劉幹
則又童貫之客蓋其始進俱不以正所賴文章氣
節稍自表見且有殺身以成仁者故一時物論亦
遂從而原之不然與其佞小何以異哉

呂吉甫之文本經術蔡元長之書善大字童貫之
畫工窠石率爲當時所稱然不轉瞬而弃之與涕
唾無異如蘇黃之流皆罹黨禁而寸縑尺幅流傳
後世收藏者不啻寶玉大弓洵乎一材一藝必挾
名節道義以爲重耳

梁師成

蔡攸傳道君親書傳位東宮四字授攸攸以屬吳
敏李綱共成之又此傳耶王謀奪適師成嘗保護
太子蓋傾東宮者王黼童貫也然陳少陽三上欽
宗書乃言攸沮過尤力又言比年都城婦女衣服
首飾往往飾韻字甚至幣帛亦織成此字皆師成
倡之爲耶王之識以滅國本而獨謂吳敏有贊勳
之力恐其說未盡然按賢耳錄內禪之前上諭曰
處置許多事蔡攸盡道不是只傳位一事靠要做
佗功勞又李熙靖傳道君告熙靖曰內禪出我至
誠使我無此意人言之且滅族其誰敢哉又奉迎
錄道君問李綱擁夾城事且曰內禪之事久已定
但人不知偶緣金人犯闕事成倉卒爾然則外論
紛紛類皆出於揣摩非道君意也而敏與綱遂俗
此驟用矣或謂兩人以奇策取執政然邪否邪

張邦昌

僭偽傳一伯五

孫觀鴻慶集莫儔墓誌銘極言邦昌日詣延和殿
後駕玉軒會議俟歸師渡河請昭慈太后御簾訪
大元帥勸進外庭無知者又述儔之論曰口人始
議置署路允迪不從粘罕詬怒拘畱軍中會父老

以邦昌爲請允迪得縱去邦昌既誅死而允迪空見褒顯以王黼客不錄邦昌用呂好問爲門下侍郎同時共政者皆坐僞命席嶺外而好問以蔡攸客本中之父更進右丞百官合二狀詣軍前乞復立趙氏御史臺秦檜爲首尚書省梅執禮爲首後檜論功頌言於朝位宰相執禮雖死空蒙褒贈亦以黼客置不問以爲功功同有不賞者以爲臯臯同有不罰者其筆墨怨望如此蓋觀亦汚僞楚官故爲邦昌與僞解釋也予謂如僞與吳元王時雍徐秉哲范瓊輩皆應詳列始末附僞傳之後金

類彙卷六十一

三

佗粹編呂惠卿之誤國莫僞之附口其人皆不待言而觀序惠卿則謂魁名碩實爲世大儒而自願託名其文誌僞則惜其投閑置散老死不用而廟堂爲非是噫此文人所以不足信也

靖康遺錄邦昌初遣人迎孟后入宮其策云尙念宋氏之始首崇西宮之禮蓋用太祖卽位迎周太后入西宮故事此邦昌逆迹明徵也又趙子崧劄子邦昌既僞僞號胡思獻赦文云無湯武之征誅有堯舜之揖讓讓字直用濮安懿王諱邦昌以爲不可思曰如今更理會甚濮安懿王顏博文則曰

雖欲避堯之子其如畏天之威此僞楚臣僚指席明徵也又北盟會編先是三月二十三日奉旨旨文武權變事人令尙書省出劄子請給恩數依正官法時諸公皆欲作真兩府編鞍重蓋喝門下中書省樞密者盈道及初八九閒事體一變乞免正官帶舊職秉權於是徹徽去鞍呼從稍減人皆笑之然則一時小人無不揚揚得意得者一旦反正幸而免於歐刀乃敢爲怨望之辭以相塗飾欺人欺天何益之有

吐蕃

附錄七

類彙卷六十一

車

按蘇文忠公論鬼章劄子謂阿里骨挾其妻契丹公主弒董毡二妻心牟氏董毡死匿喪不發逾年乃詐稱嗣子僞作鬼章溫谿心等奏請云云與傳中絕異蓋外夸事迹俱出風聞故彼此不免參差大約阿里骨以殘虐失衆心鬼章乃其謀主既禽鬼章則阿里骨不復能寇邊矣

東都事略跋卷下終

康熙乙卯夏又五月

同里周靖

休寧汪繩武校字

序

予撰先生全集考異蓋以崑山本爲之主而悉附
他本異同於其下至於先生之詩惟崑山本刻入
外集新本刻入別集而復古堂本常熟本舉皆無
之故予所考者止於新本而已開嘗竊怪舊刻諸
詩往往有出入孫愐廣韻及吳才老韻者最爲古
雅而新本多從近世所行俗韻不知何以異同如
此或謂歸氏有家藏鈔本可訂則又略考其所刻
全集如歸孝子傳徐郡丞惠政記等篇皆不主鈔
本而參用崑山常熟兩本如王都御史書周憲
副行狀等篇則僅僅節略鈔本數語之不同者附
注於篇末固未嘗專用鈔本以爲據依也又竊意
其家所藏者或未必果出於先生之筆授而其技
離此鈔本之人亦未必親事先生而習見其讀書
爲文者也於是諸家之本紛紜錯出而後生淺學
讀先生之詩若文者幾莫知所適從矣嗟朱子序
韓文考異曰姑考諸本之同異而兼存之以待覽
者之自擇云云予故私淑朱子之例亦不免於有
所疏通證明而自顧其學識之陋劣終未敢悻悻
然自騁其臆而妄加筆削於其閒也覽者詳之全

集考異卷帙頗夥不能遽鐫版以行世而其大
則已見於此云

先生詩集考異序終

類彙卷六十二

工鐫類彙告成翁將載版皮置皆山閣予爲翁筮
 得三澤風大過以示翁翁謂予曰內巽而外兌巽
 爲風爲隱伏爲近利市兌說也互變坤爲文身既
 伏匿矣而猶有文焉以其風聲說人利則倍之是
 大過之象也予不足以當此又兌爲口舌爲毀折
 必有誦之者其人姓名氏或遇水或遇金或上下
 有口者皆是也然川壅爲澤澤止不行誦之無害
 逾十二年版將廢矣內巽爲魚外伏艮爲鼠不見
 蝕于蟲其爲鼠所齧乎予與翁言姑記之以俟善
 易者康熙十五年四月上弦後一日休寧汪繩武
 記

類彙卷六十二

一

記

鈍翁前後類彙卷六十二目錄
 重訂歸詩考異全

類彙卷六十二目錄

一

記

鈍翁前後類彙卷六十二目錄終

重訂歸先生詩集考異全卷

外彙十二

詩新本詩字上有古今二字又按先生之詩

卷十

遊靈谷寺

以下四首皆新本

好鳥鳴喧喧

喧喧二字新本改作絲蠻

今按廣韻二十七刪內有喧字注二鳥和鳴不

知新本何以改作絲蠻字又按此詩除首尾外

其中間十四句皆屬對若改作絲蠻何以與上

句相偶恐不如原本之穩切也蓋按者止見近

時韻譜不收喧字未及見廣韻故誤改耳疑當

從崑本

又按詩毛氏傳絲蠻小鳥貌薛君章

句又云好貌至長樂劉氏始訓鳥聲朱子仍之

前賢尊用傳箋未必輕易下鳴絲蠻三字不獨

爲屬對不工也

鍾山行一首

甫里天隨寺

下第歸安亭寄友人

新本刪

讀史二首

以下四首皆新本

恨詩二首

送王柳州妹丈

新本刪

舟阻姑頭岡陸行二十餘里到沛縣

詠史

新本刪

今按此詩以庚耕清青四韻中字叶入十陽十

一唐韻先生固有所本如昌黎集此日足可惜

一首亦然也新本似不知易詩楚辭以來所以

叶韻之法故於後章管在齊威王一詩則誤改

民中二字而此詩見其不可改則遂從而刪去

之然則先生之詩猶未易讀而況其文乎

落都山前後

今按漢書地理志洛都屬上郡疑落字誤

和俞質甫夏雨效聯句體三十韻

以下五首皆新本

有

高河近通楫

新本近字改作僅楫字改作汲又附注云楫字非韻錢宗伯不選當以此

故今改押汲

今按此詩俱形容霖雨太甚之意若作僅通汲

則反似亢旱矣於通章詩義疑不類

淒淒聽晨鳴

鳴字新本改作鳥

今按此詩絕似退之城南聯句所謂效聯句體

也朱文公於城南聯句詩囚飛黏網動盜嗥接

彈驚之下注云一體六句皆賦物而不言其益

今此詩淒淒濛濛一聯亦然故聽晨鳴不言鳥
下文睇宵熠亦不言蟲也幽風熠燿宵行注熠
燿明不定貌蓋熠本虛字與鳴字相對若改鳴
作鳥則熠爲何物邪疑當從崑本

瀾簡懽啓笈

今按說文大波爲瀾恐非此義瀾字疑當作燭
然崑本新本皆作瀾無伦本可校姑存之

南旺

何必有大猷

今按列朝詩集有字作無字

類彙卷六十二

三

沛縣

雞犬如昨日此亦非咎民

今按列朝詩集無此二句

徐州同朱進士登子房山

自徐州至呂梁述水執大略

呂梁洪

鯉魚山

蚤渡揚子江

鄆州行寄友人

坐調兵食愁無計

今按廣韻十遇與十二霽不相通以計叶聚疑
崑本誤

途中悼內三首

甲寅十月紀事二首

湖上逢王五

繚絲鐙次西涯韻

乙卯春喜聞獨貸有作

乙卯春喜聞獨貸有作

乙卯長至日安亭作

乙卯冬畱別安亭諸友

乙卯冬畱別安亭諸友

丙辰自南宮下第還避倭往來無定居親交

少至獨有一二同志時來問學

謝陳君惠桃樹

讀佛書

山茶

春寒

感興

送友人讀書玄墓山三首

有跋云己亥庚子予在山中佛殿東法堂
前有五株杏此予讀書處也新本刪去此

跋而於題下增己亥庚子予嘗讀書於此十字

偶成四絕

以下八首崑本新本皆有

書王氏墓碣寄子敬澱山湖上

火魚

皇圖日綵貌

貌字新本改作綵

今按綵貌二字出選賦然叶句頗爲未穩姑闕之

子表兄澱山大參以自枉居士墨竹俾予題

詩新本末字上無字

詩改 老可爲能竹寫真

類彙卷六十二

五

今按東坡集作能爲崑本當乙

贈孫太倉

送友人之婁塘次韻

新本刪

樂菴詩

以下三首崑本新本皆有

清寢軒詩

新本詩字下有次滿允韻四字

獨居自常羊

常字新本改作相

今按漢郊祀歌天門云貳雙飛常羊顏師古曰

常羊猶逍遙也先生所用或本此似不必改

又按此卽徜徉之義左傳作方羊楚辭作儻伴

儻或作相又作仿伴漢書作常羊外戚傳李夫

人賦作相羊魏明帝長歌行作翔伴其義皆相

通新本似不知漢書禮樂志之常羊耳

自海虞還阻風夜泊明日途中有作

庚申中秋子敬聞予往東海時有小疾不得

相從作詩送行十五日宿天妃宮風雨不

寐因懷子敬作

新本刪

自劉家河將出海口風雨還天妃宮二首

新本皆有

郭把總營中

新本刪

郭都統戍劉家河因燕觀壁閒文休承詩次

類彙卷六十二

六

韻崑本新本皆有又按新本無觀字下九字止作次壁閒韻四字

庚申中秋偕王詹事張廣平楊百戶劉楊李

三文學詹事子一夔予子福孫從觀海遇

雨還賦此

以下四首新本刪

海邊夜起飲酒聽楊昭信彈琴

辛酉秋次陸光祿端居篇韻

又次陸韻

二石歌

以下三首崑本新本皆有

壬戌南還作二首

衆水明可掬

衆字新本改作渌

今按爾雅葉王芻也水不可言葉又按說文澹浚也一從衆廣韻水下貌疑當從改本或又恐是綠字傳寫譌耳文選曹植詩游魚潛綠水古樂府有綠水曲

卮蠟益潤澤

今按柳文鞭賈篇予乃淪湯以濯之則遽然枯蒼然白向之黃者梔也澤者蠟也先生此句似本此又按周益公謂臘歲終祭名於文從肉其後乃有從蟲者學者每疑柳文中臘言梔貌字當從蟲讀此爲之辨云云見平園集如此則應作梔臘明矣今崑山本新本皆作卮蠟疑其未知所出耳

汶上

新本刪

登濟寧城望城武

崑本新本皆有

夜宿胡陵悼周孺亭

新本刪

淮上作

以下二首崑本新本皆有

寶應縣阻風

送都水朱君視水張秋

新本刪

西苑觀刈麥應制二首

新本止選次首無應制二首四字

送同年何子元之任靈璧

新本刪

俯拾俛有取

今按史記俛有拾印有取俛卽古俯字不應重出俛疑當作印

趙州石橋歌

以下五首崑本新本皆有

六王虎鬪趙更驕

虎字新本改作爭

瓊州張子的與予同年俱爲縣令江南子的自建德改當塗今入覲又改榮縣一歲中

三易縣居京師旅寓相近以詩爲別

詠史

選人以治民

民字新本改作氓

求之傳巖中

中字新本改作形

類彙卷六十二

八

今按此詩亦用叶韻吳才老韻補收中字入十七真韻注云諸仍切劉貢父詩話關中以中爲烝周易訟卦有孚窒惕中吉剛來而得中也終凶訟不可成也中與成叶云云又按樂府相和歌雞鳴曲雞鳴高樹巔狗吠溪宮中蕩子何所之天下方太平中與平叶此類皆有據依不可妄改按者似不知叶韻故誤改民字作氓中字作形耳然民氓字義猶屬兩通如云求之傳巖形雖尚書說命有形字而牽強太甚幾不成語矣又按陳第毛詩古音考以中叶真引詩召

旻及班固高祖泗水亭碑爲證茲不具錄

奉託俞宏黃訪求危太樸集并屬蔣蕭二同

年及長城吳博士

狂犬方信信犬字新本改作吠字

隆慶二年朝京師南還與宣平俞宏黃武進

陸太學同舟贈絕句一首

上巳日晚泊桑園次俞宏黃韻新本刪

鄭家口夜泊次俞宏黃韻因懷管年偕計諸

公以下二首皆新本

淮陰舟中晚坐寫懷二十四韻

類彙卷六十二

出港難以下三首皆新本

舟泊琴亭普照寺河下書事因呈郡中故知

一首

贈同年許太史使朝鮮還

奉臚馮太守行視西山關隘次宋莊見弃田

有作皆本新

偕馮太守於黃寺與諸友燕集有作以下五首皆新本

刪

苦寒

魏郡謁按察張公畱燕賦詩爲謝

送沈伯庸僉憲之任荆湖

邢州承陳大理寄詩未及荅將至京先寄謝

隆慶己巳赴京寓城西報國寺贈宇上人以下四首皆新本

四首皆新本

邢州敘述三首

曲學陋孫弘

今按此詩以十七登中弘字叶入一東二冬三

鍾韻與兩詠史詩相類吳才老韻補收弘字入

一東韻注云胡公切陸機詩懷襲琬瑋播植清

風非德莫勤非道莫弘弘與風叶如新本改詠

類彙卷六十二

史篇民中二字則此韻亦當改矣大率前賢讀

書爲文皆有據依不似後進學術陋劣而敢於

惛然以筆削自命者也 又按先生詩文如此

類叶韻者尙多不及徧舉讀者詳之

送陳玉叔淮安太守之任以下四首皆新本

送同年許侍御出按滇南

送同年溫都判湖行省

香山九老圖

檀谿跳澗以下三首皆新本

宋康王桑龍渡河

十八學士歌

雲龍風虎歌

以下四首
新本刪

唐堯出遊庠衢圖

觀漁

題秦王跳虹霓澗圖擬作鏡歌鼓吹曲一篇

題異獸圖

昆本新
本皆有

毋乃誕漫不足評

今按列朝詩集評字作憑字

附新本增入詩目

京邸有懷

類彙卷六十二

甫里送妹

金山寺

金陵還家作

濠梁驛

淮陰侯廟

送袁太守之興都

清寢軒詩再次孺允韻

東房夾竹桃等

談侍郎歌

黃樓行

寓漕湖錢氏錢本吳越王裔聚族於此地名

錢港

馳驛

姜御史年九十六

送上卿顧東白先生致政還鄉次張奉常韻

漢廷忠厚似相如

今按史漢相如傳不見忠厚字義所出又相如

竊卓氏勸問西南夸作封禪書特一浮薄之士

耳先生大儒不應稱相如忠厚竊疑新本有誤

俗無佗本可校姑闕之以俟再考云 又按史

類彙卷六十二

主

記中與長卿同名者凡二人一直相如一張相

如或謂此詩所引即張相如也然先生既不自

注後人何緣知之其爲僞作無疑諺所謂不考

自招者也且史傳稱東陽侯張相如長者竝無

忠厚二字先生豈至杜撰乃爾 又按崑山本

所載五言古詩如下第歸安亭詠史番渡揚子

江途中悼內春寒諸作皆極有味新本刪去而

增入此種大韻贖付之詩不可曉也或疑是錢

牧齋先生所定然考諸全集則又不專用牧齋

本耳如錢氏列朝詩集所選新本刪去二首可

見

賞荷次韻

夢前韻

小屯

清明濟上

題周冕贈任別駕卷四首

行衛河中

初發白河

過興濟

李廉甫憲副書齋小酌

類聚卷六十二

自天津來至此已過一月去關日遠愴然有

作

又贈陸太學

贈俞公子

送同年查都諫山西行省

文淵閣四景圖

題二魚圖

高郵渴為斷纜所擊幾至失明

光福山

海上紀事十四首

頌任公四首

隆慶元年前上奉太學賜六館諸生寶鈔陸啓

明與賜見分數格

寄胡秀才

今按以上諸詩皆崑本所無無從是正

附錢氏列朝詩集逸詩目

贈星人胡竹軒

積砂寺

按先生之為詩文也用字用句莫不有所從來

非不學者所可得而塗竄也惟諸家之本各以

類聚卷六十二

其臆之所見或增或刪或改一字或抹一句於

是有崑山本如此常熟本如彼而新本則又櫟

用崑山常熟二本不彼不此者一篇之文析而

為三幾何不至於以鴈亂真以非易是也然猶

賴諸本互有異同庶幾使後之好學深思者參

伍而考之以印求先生之命意所在而辨其孰

真孰是則諸本皆不為無助其功誠未可沒云

又按朱子論昌黎集云今去公之時益遠故其

片言隻字名為公之作而決可知其非偽者皆

當收拾使無失墜乃為真能好公之文者周益

公於歐陽文忠集亦然此予所取法舉凡先生之詩文載於新舊諸本者悉存其目而不敢刪去取其閒非欲自別於流俗益亦後學之宜爾也

重訂歸先生詩集考異全卷終

康熙乙卯又五月

同里周靖
休寧汪繩武
校字

類彙卷六十

鈍翁續彙總目

卷一

詩彙一

古今詩五十七首

卷二

詩彙二

古今詩九十首

卷三

詩彙三

洞庭游彙三十七首

卷四

詩彙四

病閒亂彙八十四首

卷五

詩彙五

續彙總目

北游詩九十九首

卷六

詩彙六

南歸詩四十七首

卷七

詩彙七

洞庭後游彙四十二首

卷八

詩彙八

歸田殘彙六十四首

卷九

文彙一

經解四十二首

卦附五
首附

卷十

文彙二

經解六十首	
卷十一	文彙三
經解十四首	
卷十二	文彙四
書四首	
卷十三	文彙五
序四首	
卷十四	文彙六
序十一首	
卷十五	文彙七
序十四首	
卷十六	文彙八
序九首	
卷十七	文彙九
壽序五首	
卷十八	文彙十
記十三首	
卷十九	文彙十一
傳五首	
卷二十	文彙十二

傳三首	書事三首
卷二十一	文彙十三
碑文五首	
卷二十二	文彙十四
行狀一首	
卷二十三	文彙十五
墓表六首	
卷二十四	文彙十六
墓誌銘六首	
卷二十五	文彙十七
墓誌銘六首	
卷二十六	文彙十八
墓誌銘五首	
卷二十七	文彙十九
墓誌銘七首	
卷二十八	文彙二十
塔銘三首	
卷二十九	文彙二十一
頌二首	
贊三首	題跋十五首
卷三十	文彙二十二

祭文三首 哀辭一首附

裸者八首

卷三十一

別彙一

擬明史列傳一

卷三十二

別彙二

擬明史列傳二

卷三十三

別彙三

擬明史列傳三

卷三十四

別彙四

擬明史列傳四

卷三十五

別彙五

續彙總目

擬明史列傳五

卷三十六

別彙六

擬明史列傳六

卷三十七

別彙七

擬明史列傳七

卷三十八

別彙八

擬明史列傳八

卷三十九

別彙九

擬明史列傳九

卷四十

別彙十

擬明史列傳十

卷四十一

別彙十一

擬明史列傳十一

卷四十二

別彙十二

擬明史列傳十二

卷四十三

別彙十三

擬明史列傳十三

卷四十四

別彙十四

擬明史列傳十四

卷四十五

別彙十五

續彙總目

擬明史列傳十五

卷四十六

別彙十六

擬明史列傳十六

卷四十七

別彙十七

擬明史列傳十七

卷四十八

別彙十八

擬明史列傳十八

卷四十九

別彙十九

擬明史列傳十九

卷五十

別彙二十

擬明史列傳二十

卷五十一

別彙二十一

擬明史列傳二十一

卷五十二

別彙二十二

擬明史列傳二十二

卷五十三

別彙二十三

擬明史列傳二十三

卷五十四

別彙二十四

擬明史列傳二十四

卷五十五

別彙二十五

續彙總目

木

汪氏族譜

卷五十六

別彙二十六

先府君事略

翁先是刻類彙六十二卷藏之堯峰皆山

閣矣請告以來復時時發爲述作者幾十

有三年得詩五百二十首經解古文辭二

百六十首彙爲三十卷卽今贊所校詩彙

文彙是也中間曾應博學宏儒之選入史

館者六十日杜門稱疾者一年然後南歸

在館所擬明史列傳一百七十五首彙爲

二十四卷卽今贊所校別彙是也而汪氏

族譜先府君事略二卷附焉合前刻類彙

凡一百十有八卷噫嘻翁之詩若文何其

富且變也康熙二十二年贊與諸同門醕

金謀刻於城西草堂翁遷延不許越明年

秋大病再逾月始瘳遂出原本繕寫蓋始

於甲子十月至乙丑七月告成呈之於翁

翁猶怏怏不自足也必欲合此諸彙嚴加

塗抹而存什之三四則贊請竣之異日震

澤後學周公贊跋

續彙總目

七

助刊姓氏

人門友吳士縉

王申荀

江士駒

江接芹

人門友周公贊

計炳

顧敕五

曹基

吳世介

陸注

周旦齡

朱文顯

金士蘭

江士騄

仲棟

仲樞

張大緒

江承誠

江之訓

金士蔚

周程

顧九成

陸溥

施研

華庠

蔣涵

項繼愷

吳守仁

郭樹畹

范祖說

沈毓華

顧方凝

程楷

江埜

甥 陸 顯 侃 士鍊

鈍翁續彙總目錄

同校前後續彙姓氏

受業門人

惠周惕元龍 吳縣

計炳丙文 吳縣

顧敕五有典 吳縣

葉舒崇元禮 吳江

薛熙孝穆 常熟

田震 德州

范景聲佩 秀水

史景濂茂來 吳縣

鮑駿聲來 平湖

時圯授期五 嘉定

曹基德培 吳縣

吳世介于石 長洲

張壘 長洲

陸洼天驥 蘇州

姚田脩德中 長洲

計默希淡 吳江

項元求華來 吳縣

董文琛乾二 長洲

董麒觀三 長洲

周旦齡漢紹 吳縣

朱文顯武承 徽州

金士蘭湘佩 長洲

江士驂衛蕃 吳縣

仲棟瑤光 吳江

仲樞拱宸 蘇州

盧之楷士則 長洲

盧階升聖望 長洲

張大緒成九 蘇州

呂維揚元英 蘇州

宋勤業嘉禹 長洲

宋聚業嘉升 吳縣

江承誠鼎臣 吳縣

江之訓憲臣 蘇州

陳景琇爾星 長洲

金士蔚六文 吳江

徐	埭洲侯	吳縣	周	程羽達	長洲
葛	瀾中悌民	崑山	陸	瑞麟靈昭	吳縣
周	公贊采侯	吳縣	周	公贊觀侯	蘇州
沈	墳友荒	吳縣	顧	九成永儀	長洲
周	戴裡逸超	杭州	陸	溥雲龍	吳縣
史	景申寶臣	吳縣	周	稔春祈	嘉定
丁	澧芭士	長洲	邵	維祚殿邦	蘇州
熊	枚吉臣	吳縣	范	祖說肖良	吳縣
嚴	茂初元發	嘉定	嚴	茂穎方栗	吳縣
顧	方凝履成	長洲	華	庠今咸	長洲
續彙姓氏					
張	尙瑗弘遠	吳江	徐	祖畱懷萬	長洲
王	振宗友竹	蘇州	吳	諱虞升	吳縣
郭	樹畹芳谷	吳縣	賀	洪道唯一	丹陽
續彙姓氏					
曹	廷炯介昭	吳縣	唐	姜震廷翼	吳縣
徐	惇成裕	蘇州	蔣	涵天存	蘇州
項	繼愷松年	婁縣	徐	恪晨省	吳縣
陸	欽貫中	吳縣	施	瀛升士登	長洲
金	天麟振公	長洲	王	弘展能	吳縣
吳	景朱紫陽	吳江	張	起詣聿脩	吳縣
孫	灼奎章	嘉善	孫	灼奎章	嘉善

施	研務伯	長洲	葉	嘉木瞻裔	長洲
朱	士玉玉尹	蘇州	翁	校秀升	吳縣
金	貴筮文	長洲	張	延邵揮五	吳縣
吳	守仁靜山	吳縣	王	介石授玉	句容
龐	澍子岸	吳江	沈	毓華國彥	蘇州
邵	維禎寧周	吳縣	顧	咸惠俊民	長洲
黃	江挺廷玉	長洲	王	希文心殷	紹興
余	奎宿武	崑山	陳	術抑公	吳江
陸	上佑益之	長洲	周	廷范子瞻	無錫
嚴	茂慎	嘉定	嚴	茂景	嘉定
續彙姓氏					
陳	宋升靈	吳江	余	起霞丹書	崑山
江	埜以謙	長洲	陳	燦台位三	長洲
汪	志綦倩初	太倉	顧	格于皇	吳江
畢	奎曜宿臨	徽州	吳	傳書世掌	嘉善
宋	密同	溧陽	孫	鉉	青浦
金	義模範成	吳縣	金	義植立斯	吳縣
王	豫貞生	句容	安	志遠	遼陽
程	摺廷表	徽州	江	起鵬上臨	吳縣
朱	楫茂淵	蘇州	周	長吉心見	無錫
受業甥					

陸 順孚若 蘇州

受業婿

陸士麟施光 吳縣

莊拱昌東曙 秀水

受業弟

裴翰臣 長洲

受業姪

允諧遂歌 長洲

譚處默 長洲

侃右衡 長洲

士鉉文升 長洲

男

徵蘭湘草 長洲

穀詒迎年 長洲

續彙彙

四

鈍翁續彙卷一目錄

古今詩一

東軒二首

客至

自題游僊詩後二首

看梅二首

風雨二首

老友旣庭暨王子咸中連許過予山莊

僧茶密乞竹影菴主詩

東征歌

續彙卷十目錄

送友人之官京師

桃李二首

漫興二首

過公兒筠簪菴二首

東鄰小飲

一春

衲子歎

有餽筍者戲作

願得二首

王勤中歲寒圖爲尙上人題二首

雨

感事四首

好事

姑蘇楊柳枝詞十一首

後楊柳枝詞六首

晚歸山莊

晴日出游近邨

題楊柳枝詞筆注後四首

鈍翁續稟卷一目錄終

鈍翁續稟卷一

詩稟一

古今詩一 盡丙辰
一歲止

東軒二首

甚矣吾衰也終季愛養病山溪當菟窟屋小抵雞
窠嬾架拋書久塵牀臥筆多文殊不可作誰與問
維摩

階草方爭茁餅梅乍就薦忍窮嗟省事養拙但隨
緣美睡支藤几閑游偕竹篴家人挑燈薺晚飯最
欣然

客至

續稟卷一

快雪初晴後過從有紫文食盤登菜果飲具列陶
匏硯沼微融凍盆萼漸吐苞知君多道氣玄白不
相嘲

自題游僊詩後二首

嬾學金丹嬾問禪隱囊燕几自超然諸君未誦相
如賦誰信臞儒是列僊

季季山下守茅茨爭訝升騰乃爾遲合取藥成猶
未喫直緣身戀太平時

看梅二首

門前積雪僂凍落十枝五枝犯寒開老人未肯殺

風景且擘雀箋等閒來

忍寒谿北邨西頭夜淡猶爲梅萼畱笑殺雄雉雌
蛺蝶緋桃開時方出游

風雨二首

鳩聲未了鶯聲謦噉噉顛風逐雨斜掀屋卷茅吾
不憚但祈風伯赦梅萼

泥濘連邨阻客行祇應簾閣杜柴荆天公似厭詩
人閑壞盡梅萼始造晴

老友既庭暨王子咸中連許過予山莊

湖山數曲接橫塘間有佳賓款草堂穉子儻能供
灑埽小妻猶足任排當三升黍酒傾香碧一寸蔬

芽翦嫵黃明月滿庭萼滿徑爲君隨意設繩牀

僧恭密乞竹影菴主詩

叢篁百尺繞煙扉中有山僧結伴依怪石寒泉充
淨供竹鍼麻綫補禪衣巾將萼戲從容綰拂俗青
松左右揮何日得隨都講後白椎時節乞玄機

東征歌

山城僅斗大數輩皆草竊何須論攻圍拍手卽笑
殺桓桓東征師視女比蠓蟻特假滿刻命豈能延
日月 聖恩廣大眞如天益來面縛軍營前白頭

作賊尙不可女暫況值重騷季

送友人之官京師

老去淡煙會面稀況逢鷁首指京畿綠楊芳草漸
爭發紫燕伯勞相背飛殿上香煙濃惹衰道旁輓
土暝侵衣太平事業須公等畱取衰翁守釣磯

桃李二首

緋桃穠李各輕盈漸逐東風弄晚晴慎勿嫌渠俗
到骨賣萼儋上正施行

春淡是處樸萼香傳粉施朱映夕陽縱乏謝家林
下致也堪作態占閨房

漫興二首

富貴由來泡影虛季舜香土乞閑居衰池故院無
名畫傳寫前賢未刻書蔥蘢作科分畛域李梅成
列覆庭除直饒金紫銀青好未似先生樂有餘
姓名不復挂塵寰分與羣賢絕往還種菜議租旁
舍地設扉圖對隔谿山訪求丹藥緣身病撫榻黃
庭賴手閑怕作熱官眞爛熟故應長物屋三間

過叻兒筠簍菴二首

入門無復整衣迎亭面荒涼半就傾筆竹生孫梅
結子傷心怕到簍菴行

空亭依舊枕方池，畫障雲屏不復施。
嗟女壯年猶至此，老人嫵息幾何時。

東鄰小飲

江岸春無限，鄰家路不迂。
招攜緣社肉，拱揖有邨儒。
顰柳資吟嘯，衣冠入畫圖。
暮歸猶老健，茗芋不須扶。

一春

凡百俱如昨，惟增鬢髮斑。
養痾須小忍，作活要常慳。
屋角籠嘉樹，牆隅出亂山。
幽栖了無事，飽享一春閑。

續彙卷一

四

衲子歎

羣衲住院紛，開爭試問道。
眼誰分明葛藤椿，子推未倒旨喝鎔。
棒頻施行趙州雲，門眇何處重詮玄。
要皆死句豈如竟，作粥飯僧漉囊盞。
帔隨緣寓我亦不必火其書，亦更不必人其人。
但將龍蛇凡聖爲君分，果能踢倒禪牀拘折杖。
俊哉此衲真超羣，有飽筍者戲作。

日午柴門猶未開，怕逢俗客僂蒼苔。
今朝謁入迢然喜，殆爲此君之子來。

願得二首

林間布穀一聲鳴，桑圃陰陰麥壠平。
願得世爲鄉有秩，綠袍皂蓋勸春耕。

一邨姓氏比朱陳，努力耕桑不患貧。
願得與渠輸社戶，共攜簫鼓樂田神。

王勤中歲寒圖爲尙上人題二首

瘳格蒼頡覆佛龕，印陵霜霰俛煙嵐。
問誰曾見開山日，惟有孤松是老參。

一枝和月照寒潭，絕少幽人曳策挨。
夜半暗香禪榻畔，不妨便向鼻端參。

雨

續彙卷一

五

蒲簾不御絺衣輕，快風吹雨來江城。
高梧蕭蕭葉欲落，長松謾謾枝相撐。
濃雲儵忽如山崩，飛電復如枉矢行雨中。
髣髴有龍見，點如車軸聲如傾。
老龍抱珠臥潭水，是誰作意敲之起。
偶然鼓鬚掉修尾，不覺爲霖潤千里。

感事四首

問道征南將羣推，頗牧良旌旗昏白晝。
歌吹沸斜陽，少府持籌急中權。
運策長王師無戰，敝坐見井龍亾。

日者凶門鑿於今，未奏功嘯鳥栖幙上。
巢燕乳林

中芻牧三方徧征徭萬國同 廟堂頻肝食何以
慙 宸衷

稍見饑鷹附猶聞躍馬爭荆襄空守險秦越又徵
兵篝火明荒草妖狐嘯廢城遺黎俱墜哭回首憶
昇平

太白猶匹角天心詎可知興廢皆仕宦保社漸流
移反側情難測誅求力不支病身方忍死願見凱
旋時

好事

好事如君少山齋乃爾幽異書跡萬卷名帖半雙

續彙卷一

本

鉤石向湖中得香從海外收眼前無俗物一笑暫
淹留

姑蘇楊柳枝詞十二首

江干楊柳拂行舟多少離人淚未收不向胥臺高

處望何因知有曲中愁

金昌亭北武昌丘東萬戶垂楊一色同煙水雲山似

圖障游人來往綠陰中

臘盡寒威尚未銷淺黃輕碧影迢迢費佗煙雨知

何限只替東風染柳條

梅萼狼藉杏萼香別有長條拂水長牽得免當來

往路任和煙雨罩鴛央

搖曳長隄覆廣津分明畫出渡頭春倩誰更落徐
熙墨添箇春江喚渡人

露華濃裏曉寒多細葉青青蘸綠波馬上有人看
不厭擬媮新樣入雙蛾

一番風信過江城無數長條折又生記取春陰好
時節粥香餠白近清明

池塘三月柳陰成纔透斜陽幾點明枝上黃鸝身
不露好風忽送兩三聲

望中煙樹繞層樓少婦馮欄思不休悔不從前種

續彙卷一

七

桃李免教容易觸離愁

白玉堂前發數枝妝成每自下階墀中庭不是無

萼看獨爲清陰立少時

漠漠飛萼嫋嫋枝朦朧煙日最相宜南朝張緒今

衰老都把風流遜與伊

楊柳枝詞似竹枝閑情惟有個人知吳兒愛蹋新

翻曲誰向尊前唱此詞

後楊柳枝詞六首

又見春光上柳梢一春常竝酒旗搖季季牽惹游

人思都枉紅欄四百橋

雪後琴前濯濯新兒響
振折敢嫌頻祇愁來歲風
情減輸與曾披雀筆人

綠隄並岸最嬋娟
不帶東風也帶煙
斜葉似顰眉
似輓故應常背百等眠

層層綠浪漾晴空
欲鬪淡紅與淺紅
待得小桃都著
子也將飛絮嫁東風

亞字城西萬萬行
翠帟細帶背時妝
風流要是無人識
自對東君舞一場

樹色依依令食天
幾多繡轂錦連錢
分明少日游僊
寢魚藻池頭水閣前

續彙卷一

晚歸山莊

遙望堯山路輕舟向草堂
雞聲小聚落樹色古陂塘
一水生寒霧諸峰障夕陽
偶然乘興往未暇計行藏

晴日出游近邨

雨後秋光迥未殘
竹扛兜子恣游般
邨邨妥雪蕎麥白
樹樹蒸霞林葉丹
賸借禽魚供逸興
儘驅詩酒佐清歡
寄聲爲報知交道
挂了塵冠不用彈

題楊柳枝詞箋注後四首

身如枯樹漸蹉跎
奈此閑情未遣何
惆悵今春才

盡也窈中錦段已無多

誰家新調入銀簧
遙逐輕風度短牆
倦倚繡牀聽一曲
等閑誤了刺鴛鴦

劇憐楊柳最風流
拈出春來一段愁
若箇解於團扇上
爲儂細細寫蠅頭

正值娶春最好天
牽逢才子與新篇
尊前一曲誰相顧
分付周郎作鄭箋

鈍翁續彙卷一終

續彙卷一

九

康熙甲子冬十月同里周公贄校字

鈍翁續稟卷二目錄

古今詩二

和嚴武伯冰等詩爲許青浮賦

對桃筇作二首

題朱氏畫竹

出游

贈尤屢成

山中後游偃詩八首

續游偃詩八首

邨邨

續稟卷二目錄

過露禪菴

葉子陽生勸予出山以此荅之

閭子巖

怡老園訪王子勤中畱贈

午眠

姜子學在園池

學在所居卽文文肅公葑圃也感賦二首

思嗜軒詩

宣德審脂粉箱歌

再題姜氏藝圃

藝圃十二咏

南邨

紅鷺館

香草居

浴鵝池

響月廊

六松軒

雀柴
乳魚亭
朝爽臺
度香橋
坐雲峰
緇佛閣

藝圃小游偃詩六首

藝圃采蓮曲四解

藝圃竹枝歌四首

離索二首

三續游偃詩八首

四續游偃詩八首

續稟卷二目錄

李明遠過予歸來閣

坐王咸中池亭

薛子孝穆至堯峰山莊數日賦贈二首

從王咸中見山亭歸戲題山莊二首

病

贈壘山王君海

葑理山莊說有感

贈陳均寧十二韻

雪霽

過周觀侯并示公紳

純翁續彙卷二目錄終

續彙卷二目錄

三

純翁續彙卷二

詩彙二

古今詩二 盡丁巳
一歲止

和嚴武伯冰琴詩爲許青浮賦

百卉俱未擗冰琴獨燦然
豔膏殘雪後寒占蚤梅
前不信朔風力能攘東
帝權晨曦行可待猶
時妍

對桃琴作二首

玄鳥銜池紫蜨新夕陽
低映小園春桃琴未必
迷來路直是無人解問
津

偶然乞得數株栽便有
飛英點綠落應笑蟠桃
太

續彙卷二

一

遲鈍千季方見一琴閒

題朱氏畫竹

平生愛竹不愛肉寢想
湘妃廟前綠空山一徑
悄無人願俗濃陰覆茅
屋誰家東絹縣清風髣
髴坐我貧簪中斜陽忽
來金瑣碎細雨欲散煙
迷蒙酷暑季季如酷吏
移栽須是逢渠醉藤牀
石枕最相宜好向北窗
頻暗對千金買琴君莫
爲餘葩俗豔能幾時實
霜殺草尋常事回羨琅
玕百尺枝

出游

披衣擬問向山程乾鶴
飛來作意鳴身欲游時
仍

老健寧當發後恰晴明家人豫整琴書待童子先
操几杖行社酒正清錫粥美可能宋莫守柴荆

贈尤展成

先朝祖德未彫零藉甚梁谿舊典型純扇新詞傳
麗句巾箱小字守遺經池魚吹水如輕縠城雉臨
窗儼畫屏間說比來多好事西堂何異子雲亭

山中後游倦詩八首

攜得丹鑪與藥函獨尋洞府占巔巖上清籙上書
名氏羞受山中宰相銜

芭蕉滴露竹凝煙曉氣激清物態妍手拂案頭玄

續彙卷二

王

玉硯明窗點勘洞靈篇

從來巖洞隔塵氛誰共談玄入夜分驚取琪瓊瀟
雲液擬飛折柬約茅君

洞中藥四時栽牢鎖重扉不遣開爲是玉桃方
著子直須防有歲星來

肉芝火棗未爲珍難侑流霞一醺春傳語麻姑句
相憶不妨爲我脯麒麟

流連藥肆酒家樓潮蹟人閒幾度秋昨訪安期到
東海采雲一朵作扁舟

怪石幽泉曲繞邨道旁藥草榛蘭蓀世人幾箇能

相覓未要乖龍守洞門

謫向塵寰近百季敢希幢節下雲煙而今嬾應虛
皇制合把文章讓鬼僊

續游倦詩八首

睡訣由來自有真漸調心息欲通神寢中已了飛
騰術夜夜朝元向玉宸

養得青鸞骨相奇松閒月下舞纖韮任渠嬌喫瓊
田草不愛升天未用騎

偶來城市值親知驚怪朱顏似少時若問山中萬
季藥不過石髓與松脂

續彙卷二

王

自分平生似蝨魚愛穿經籍略無餘玉皇若賜先
生號乞掌瑯嬛洞裏書

解后諸真下白雲邀來對弈賭清尊斜陽滿地松
陰轉卻賺樵人訪子孫

鼎中龍虎配先天絳雪黃芽火候全旋喫一丸旋
換骨笑佗尸解是頑僊

畱客無煩殺不鳴胡麻飯輒玉漿清煨來白石形
如芋鬻就黃精味似飴

來耳仍雲香莫等人閒歲月易驢驢眼看清淺蓬
萊水不覺回頭已陸沈

邨邨

邨邨菜麥連出戶卽欣然細路坵南北良辰社後
先新煙榆木火初日杏萼天屣步幾能健無煩上
竹後

過露禪菴

愛此精廬好行吟徹竹與白雲平覆徑清涵細穿
渠藤末鳴山鳥萼閒響木魚悠然心地靜蚤已證
如如

葉子陽生勸予出山以此荅之

事不理問伯始濟世安人亦徒爾事不諧詣文開

續彙卷二

四

杜門卻軌何爲哉北路魚南路徐朱輪錦障塞通
衢江千萬蔡五百銅山金埒無遺策執餓炙手手
可熱往往古今齊一轍堯峰壁空獨怡然常栖茅
屋耕石田新知惟恃壁閒杖舊物賸有牀頭甌比
來鬢禿齒都豁但守壠畝終餘季君不見大鵬小
鷗各有慕世人未必知其故功名富貴能幾時久
矣掉頭不復顧

聞子嵩

杏萼結子箭播萌小鳥飛來嘒曉晴久與淵明相
輩行敢勞苦語再丁寧

怡老園訪王子勤中出贈

君家第宅百季遺雅興炎天物色空楊柳小橋通
窄徑芙蓉曲岸枕平池鶴鱸細細焚沈水鴉絹時
時寫折枝但卷畫簾馮渠兒全勝羣屐冶游兒

午眠

檻竹綠初勻清風繞戶頻體中幾少病心上漸安
貧小屨桃笙穩平張葛幔新午窗眠一晌最稱暮
季身

姜子學在園池

何意塵器裏方塘繞綠蘿暑清蟬語減陰密鳥嘯

續彙卷二

五

多斜日明高柳微風響亂荷主人修茗具儻許數
經過

學在所居卽文文肅公葑園也感賦二首

曾爲安石聖屣步倍淒然浩沒園基石萍侵洗硯
泉橋心敲斷版亭面柱危椽依舊煙波好季季豔
渚蓮

東山高臥日亭館迴參差竹影圖書几萼香入酒
卮地鄰俠士冢名在黨人碑門客今零落猶傳妓
從時

思嗜軒詩

故貞毅先生於所居藝圃中植棗數株長君勉中
遂以思嗜名其軒諸君子各贈詩畫予亦賦一首
中庭棗實何離離先生去矣不可追平生絕似子
曾子每逢剝棗朶我頤郎君能泣蓼我句秋霜春
露淒然處目望昭亭墓上雲手扳藝圃池頭樹

宣德審脂粉箱歌

諸君子爲此歌引物連類多至千餘言予不能然
也聊約其詞爲十二句

景陵踐胙承平中干戈不用季屢豐饒州粵薨充
供奉聲價略與官哥同內家妝成希進御調脂弄

續彙卷十一

本

粉常侵曙至今玉骨闕茂斜猶見淡宮舊匳具百
季珍翫散四方民間骨董誇宣皇香鑪壇醊皆奇
品不敵君家脂粉箱

再題姜氏藝圃

隔斷城西市語謔幽栖絕似埜人家屋頭棗結離
離實池面蘋浮豔豔萼幾几只攤淳化帖雪甌頻
試敬亭茶與君企腳揮談塵楊柳陰中日漸斜

藝圃十二咏

南邨

望望路轉溪延緣籬落靜熏風亭午來竹樹散清

影微嫋一縷煙有人方嚮茗

崔柴

朝隨飛鳥出暮逐返景還主人啓巖扉相招松翠
閒中宵數聲警知雨憶蓬山

紅鵝館

高館驅鵝羣一一梳翎翅煥糝莎草眠羣穿苔
戲莫學曇曜邨持換黃庭字

乳魚亭

碧流瀝方塘俛檻得幽趣無風蓮葉搖知有游鱗
聚翡翠忽成雙撇波來復去

續彙卷十一

本

香草居

允風被蘭杜幽豔森然發不知欲遺誰美人勤采
折芳歲每易闌恆憂蕭艾奪

朝爽臺

結構面西嶺流觀及初曦綺霞麗太清溥露斂餘
滋嗤彼拄笏人馬轉猶被羈

浴鵝池

積泉激不流白鳥泛空濶眇眇蘋蓼中數點明如
雪要有兩鴛央飛來共成列

度香橋

紅欄與白版桺映滄波上兩岸柳陰多中流荷氣爽邨居水之南屣步每獨往

響月廊

回廊何窈窕鉤簾夜景清澹澹露華積迢迢漢影橫漸見高梧末斐回圓魄明

坐雲峰

茲峰洵云奇本自太湖選位置小山閒亭亭似孤巘何人舊題名遺墨蝕蒼蘚

六松軒

小築如空山蕭蕭清韻發幽人披縈徐長嘯坐林

續集卷二

樾夜久濃翠寒猶然待明月

繡佛閣

朱甍高入雲冷冷度金磬中有散萼女焚香禮清淨梵音繞空虛從茲證聞性

藝圃小游僊六首

課罷黃庭日欲西偶然鉏藥繞幽谿昨宵雨過青泥潤新長芝苗數尺齊

盡日焚香禮太空的應騰入九霄中乖龍要是難驅駕喚取池邊赤鯁公

竹釘門扉荻織笆澆琴鉏藥是生涯飛來采蝶大

如燕開徧碧桃紅似霞

小飲休辭力不勝呼童頻翦九光鐙手中栴是蟠桃核的貯流霞四五升

滿巖桂柏起秋風鸞雀排煙下碧空問道茅君夜相訪旌幢小駐月明中

松籟泉聲遠近聞重樓縹緲入層雲擬將身附門牆列乞取先生十賚文

藝圃采蓮曲四解

綠蓋平隄曲紅衣藍水瀕隔煙聞笑語知是采蓮人

續集卷二

小

九

采蓮莫采藕拔惹愁根傷采蓮莫采葉畱覆雙鴛

央采蓮池中流月色沿流明不似秋江上愁佗風浪生

纔出紅版橋又入綠楊浦但愛蓮房鮮不知蓮意苦

藝圃竹枝歌四首

池上萼開照眼明流萍無數撲飛英一雙紫燕貼波去三寸銀魚吹浪行

鵲鵲翡翠滿沙棧坐柳坐楊綠幾層好雨忽來新

漲闊阿儂準備打魚罾

數畝清漪弄晚風南邨邨口水濛濛鴛火飛去望
不見疑在枯荷折葦中

紅蓼青蘋九月天澹雲如水水如煙畫橋側畔好
楊柳合繫儂家書畫船

離索二首

離索亦已久幽懷未易降草生都覆徑樹密頗妨
窗入幕容雛燕應門仗小龍漁舟無出入常繫綠
楊椿

繞垣牽緯荔緣砌上莓苔身計霜前葉名心灰後

灰引枯聊遣悶儲藥漫扶衰門牡何須上元無好
事來

三續游僊詩八首

欲求丹藥固形神每爲無師未得眞滿坐談玄堪
一笑只應傭客是奇人

松露冷冷桂魄明酒酣屢自度新聲人間絲竹不
中和乞俗雙成白玉笙

自入溪山不記年等閒落報春天社公雨過青
泥潤鞭起乖龍耕玉田

竹徑松籬一兩層愛除蕨葉翦荒藤門庭須是常

修潔要候佗季帶宅升

壽藤珍木影紛紛谷鳥鳴春不記羣開徧緋桃三
萬樹外人遙認是紅雲

精思牀上坐閑身稍悟先天似宿因但使羣眞容
受易不妨長作守門人

慣學冥心慣隱形洞門宋宋不煩局誰供汲水看
丹竈半是飛符役六丁

碧桃丹草繞汀洲況有瓊漿注玉甌似此洞天畱
不住笑伊劉阮未風流

四續游僊詩八首

鬢能返黑頰重紅游戲塵凡迴不同除廁種蔬雖
賤役姓名標在玉函中

小小茅亭絕四鄰繩牀徹夜守庚申訓狐姑獲爭
嘯嘯或是山靈欲試人

來往名山疾若飛褰中攜得采霞歸相煩玉女親
裁翦要製朝元五色衣

飄然醉下市樓時過客傳觀壁上詩怪殺數行殊
黯澹不知是墨是櫛皮

門前累月絕行蹤坐守丹鑪不啓封竹杖一枝斜
倚壁無人知是葛陂龍

宗宗等陰夜色除降眞香燼月輪斜下壇手寫朝
元曲不倩人閒蔡少霞

盛取流霞與客嘗慙無一物侑瑤觴半酣忽出消
梨實破鼻清芬冰齒涼

不信山中白晝長柴門送客又斜陽松聲泉語都
耽聽忘却殘棊滿石牀

李明遠過予歸來閣

好事誰相訪扁舟祇見君入門驚老態促席話新
聞山色迷青靄松聲繞白雲邨居多簡略牽勿責
儀文

坐王咸中池亭

楊柳芙蓉次第栽一泓寒鑑復新開羣飛白鳥渾
如雀散繞青蘋半似落垣短不將山翠礙廊虛能
引月明來谿鱗信美邨酤熟莫怪游人茗芋回

辭子孝穆至堯峰山莊數日賦贈二首

忽枉扁舟至才高氣復揚以吾一日長敢謂丈人
行學術波瀾闊文心曲折長數宵尊酒裏莫厭討
論詳

如君誠好事相見卽忘歸樸學愁難繼雄談幸不
遠空山寒色蚤貧舍暮煙微若肯安羈櫪淹畱未

覺非

從王咸中見山亭歸戲題山莊二首

數片閑雲遮曲徑百竿修竹接西鄰園池莫羨王
家好矮屋疏籬也可人

門前田舍周遭密屋後谿流宛轉斜位置茅齋技
安穩王家未勝鈍翁家

病

頭旋眼重忽經旬右臂如何又不仁行僭枯藤無
氣力坐馮曲几減精神朝餐廢閣緣湯藥夜睡稀
疏任欠伸鐘露芭蕉眞的喻只應蚤晚作陳人

贈疊山王君海

但得栖身洞壑閒飢看山色只如閑不知賢客緣
何事栲栳量金換假山

葺理山莊詒有感

攀竹葢茅次幽栖正及時風翻黃葉急雲度碧空
遲事佛那嫌伎還書不諱癡惟慙衰態劇零落鏡
中絲

贈陳均寧十二韻

羨君婁水曲栖止愿平生戶外晴波合窗中遠岫
縈女蘿牽翠密人柳弄陰輕臺爲巢雲迴泉綠洗

藥清藝蔬頻按譜選石各鐫評逸興烏皮几清齋
雉尾羹倡礪借德曜均寧內著述繼康成均寧人
高弟句向尊前覓經從席上橫生涯餘釣具心事
託某杵遺世身難老韜才物不爭耽書元雅癖佞
佛亦高情佗口遺民傳縣知獨擅名均寧方輟哭
贊傳

雪霽

風吹餘雪繞柴關凍雀成羣去復還喜共幽人馮
畫檻恥隨穉子弄冰山疏煙細縹空濛外殘照微
明竹樹閒歲計有無姑勿技暫賒邨醞煥衰顏

續集卷二

南

過周觀侯并示公紳

從來洞庭上嘉遯有幽栖似慕梁鴻隱移居西郭
西門閑雞犬靜牆敗薜蘿低惟羨吳季子才名共
爾齊

鈍翁續彙卷二終

康熙甲子冬十月同里周公贊校字

鈍翁續彙卷三日錄

洞庭游葉

汎太湖往游西山

可盤灣贈李子恪臣

次韻訪李翁柱玄

次韻訪岑公不值

石公山道中拉鳳翁勸卿同游

游石公山

石公山櫟吼四首

一錢天
連雲嶂

歸雲洞
石版

續集卷三日錄

十

石公石婆

鳳家岡岡在石公山西爲勸卿作

橘香菴

包山寺

毛公壇小游僊詞四首

林屋洞

過林屋賜谷諸洞至無礙菴小憫因呈同游

諸君子

游洞山

洞山櫟吼四首

賜谷洞
臥龍石

曲巖
伏象崖

銷夏灣

龍渚歌

後龍渚歌

洞庭橘枝詞二首

畱別橘香菴主岑公

湖上襟曲五首

予繫嗜橘此游辱鳳李兩翁竟日以橘見噉

喜而有作

續集卷三日錄

二

鈍翁續集卷三日錄終

鈍翁續集卷三

詩案三

洞庭游稟

同里周子觀侯本籍洞庭西山觀侯妹婿李子恪臣又西山世族也歲之暮秋湖中水落石出觀侯訂予往游予遂拉俞先生無殊與觀侯及周子孫雲汎舟入可盤灣主恪臣家恪臣貧而好客供張甚盛加以風日晴美遂得盡所歷之勝往返凡七日共詩若干首彙爲一卷同游者爲無殊觀侯孫雲李翁柱玄釋同岑含貞凡六人俞周倡和諸作亦閒附其後是歲十月日記

續集卷三

二

汎太湖往游西山

我本謫僊人平居愛幽討暮季向堯峰猶歎所歷少結束布行滕往問西山道寄身漁艇中馮舷忒長眺浩蕩連楚越空濛度雲鳥湖神似識我倍遣風日好孤驅載斜陽去似輕鷗矯茲山峙中流秀出羣象表居人數千家炊煙浮樹杪洞天何處所無謁許徑造飛泉界道明曲徑盤空小行當會諸眞因之拾瑤草

可盤灣贈李子恪臣

數重籬舍枕湖干墜盡秋光不遺殘繞徑泉聲雲

外出卷簾山色畫中看
楓林漸赤猶含翠
橘實纔黃
薄帶酸最羨主人能愛客
旋燒芋栗佐枯盤

次韻

俞南史

愛君樓閣傍斯千
橘柚纍纍未向殘
笠澤亂濤敲枕聽
莫釐寒翠倚欄看
乳鸞浮盞香還嬾
金醴傾壺味不酸
夕月晨煙吟望久
誰知幽谷怡名盤

同前

周公賁

黃鸞籬落繞欄干
又值楓林赤未殘
圃老長留秋色在
湖平更待月明看
尊傾臘酒何妨濁
瓮

續集卷三

二

出醺齋不厭酸
願得先生同信宿
石公角里恣游盤

次韻訪李翁柱玄

輕飄流斜日未晚到門收
籬落寒煙集谿山翠靄
稠新知如舊洽秋色視春
優悔作求名客輪君占一丘

原倡

俞南史

家住西山麓東峰一覽收
湖平空翠積徑宋眾
鸞稿入戶風餘古畱賓
禮過優還思諸夙願卜築
其林丘

同前

周公賁

重湖抱高閣煙景望中收
飄送殘陽沒山連古木稠
衣冠時代遠藝植土風優
婉我飄零慣頻季負故丘

次韻訪岑公不值

草草三間屋枯茅一把遮
畦蔬寒漸甲籬茗老猶
萼雲覆齋廚冷風翻挂笠斜
不知行化處惆悵暫回車

原倡

俞南史

此地何年買茅茨尚欠遮
竹搖千个葉蒨綴半籬
萼茶俗林風響藤穿屋壁斜
久畱徒悵望何處問三車

次韻

周公賁

幽栖倚巖穴竹樹數重遮
午下空臺鶴晴蒸小徑
萼茶煙穿竈上香篆繞龕斜
杖錫何時返徒勞長者車

石公山道中拉鳳翁勸卿同游

一與一短邛信步路難窮
解后邀山空敝屣謁石
公黃橙丹橘外疏靄亂煙中
濟勝雖無具猶能往返同

次韻

俞南史

名山簪曾過游蹟未能窮復與二三子行經十八公雲栖紅樹裏人影綠波中石上欣相得高吟興每同

同前

周枝林

高持數尺邛勝地漸能窮丹樹交祇樹支公引謝公鳥嘯蒼靄裏人入翠屏中無數含香者揆奇若箇同

游石公山

嘗聞石公山名稱習已熟茲游下筇輿緩步向前

續彙卷五

由

麓山色團暝翠湖光瀟晴綠葛萼惹衣袂橋刺礙巾幅所遇石漸奇一一煩記錄或如城堞連或如屏障曲或平若几案或方若碁局虛或生天風潤或聚雲族或爲蜃葆蹲或作羊虎伏或如兒孫拱或如主賓肅或淡若永巷或遠若重屋色或樸青蒼紋或蹙羅縠縠縠高復下離離斷還屬曠或可振衣仄或危容足既疑驚斧劈又似鬼工築不然湖中龍蛻骨堆溪谷天公弄狡獪專用悅人目芳草絡根淺孤松施頂禿敲峯上鼯鼠嵌空縣蝙蝠翫之漸忘返苦被同游促平生解愛石拜揖每匍

匍急欲買茲山誅茅架椽竹爲謀吾已決不假龜策卜

石公山樸咏四首

一綫天

峰顛嵐靄聚壁上藤蘿翻日落樵人絕時時絕飲

同前

周公贊

石壁排空上天光每蔽虧試從崖下望何異管中闕

歸雲洞

續彙卷五

五

誰運山中石架空作此字惟應崔上人常逐雲來去

同前

古洞高且敞面湖開石扉湖中雨初散冉冉殘雲歸

連雲嶂

屏顏欲干霄鼯鼠騰莫及夕陽楓柏明還疑雲五色

同前

蒼翠殊無際氤氲了不分行人衣袂溼渾染嶂

中雲

石版

一片平如砥臨流儼畫圖許儼橫舴艋占作釣磯無

同前

片石一何瑩平侵湖水綠我來弄煙波驚起雙屬玉

石公石婆

山麓峙兩石俗傳公媼對形容極老蒼不受煙靄媚或言石有神主此勝絕地相向拱而立端可作

續集卷三

本

嘉配我來祈石公乞賜風日麗短衣支一策處處揆幽異溪闕洞真居窮闕山鬼祕典盡儻告旋更祈檣颿利湖雲必澹蕩湖水必平駛雖無鵝酒醺庶拜神嘉惠惟虞石不言未能默相契又疑石無情牝牡竟孰是所浴公媼名俚妄欠根抵我將辨其誣下語恐辭費

鳳家岡岡在石公山西爲勦卿作

石公山下秋風起青楓綠橘秋陰裏居人遙指鳳家岡一派坐楊弄湖水鳳家岡子湖之瀕湖水侵窗化作雲雲光水色連山翠湖面三山都屬君猶

道春紅勝秋碧鶯能選歌鸞能拍明春更蕩蜻蛉舟來賃鳳家岡上宅

橘香菴

菴俗橘爲名門前古路橫竹侵衣械潤雲繞腳根平勝槩畫難似高臺營未成主人能楚頌鳥可遜才情時岑公方築拙隱臺

包山寺

風物最清妍禪栖已有季當門重潤曲市屋衆峰圍竹是先師植碑元勝國鐫鐘樓雖擅勝零落半無椽

續集卷三

七

次韻

周公贊

山色倍蒼然來游又一季雲歸痕向溼松老頂初圓脫屣履臨泉洗題詩選石鐫精廬須蚤葺伐竹可爲椽

同前

周枝林

包山自筭傳對此復何季澹澹若鸞馥離離椽實圓歡聲雲外應佳句竹間鐫欲盡登臨美從僧偕一椽

毛公壇小游僊詞四首

羣石參差滿路橫黃芝赤箭逐季生只疑猶有遺

丹在絳氣通宵徹太清

檄取山靈埽洞門歸來重訪舊壇雲月明時節開

清讌先約南鄰墨佐君

玉節珠幢去已遙獨畱殘石鎮山茅愁渠變化成

羊後喫盡黃精數頃苗

壇上亂松高百尋松篁堆積丹池陰劉郎一去不

知處滿樹白雲號翠禽

林屋洞

自少誦真誥識有幽虛天中藏不殊方按定凡幾

篇丹砂凝爲牀石髓滴爲泉琳琴拂雲根藥草紛

芊眠來游若干輩名氏繞壁鐫始入頗偏側稍溪

益幽妍白蝠大如鳥嘗撲松明煙別戶久牢扃剝

啄空鏗然千季或一開季得逢真僊岩巉出絳闕

平行分璫田此境天所闕值此何由緣我行甚矣

憊挾策未能前欲揆既瑟縮欲去仍遷延靈蹤不

可見一任樵人傳

過林屋陽谷諸洞至無礙菴小憇因呈同游

諸君子

金庭玉柱人中天靈境本自僊翁傳千季不聞下

笙雀惟有禪客來安禪我行正值秋景暮疏林橘

柚搖輕煙縈紆細路似蛇繞磽确亂石如羊眠幽

禽忽來哢格磔錦蛙相趁飛翩翾青鞵布韞行復

止剎竿喜峙陂東偏低牽絲蘿絡門牖高挂笙竹

支榼椽老衲一二頗樸樸季無苛禮煩周旋但燒

桌皺作果飢旋取乳湑將茶煎與君選勝恣馮眺

波光鏡朗峰環連山川有靈默相助爭獻奇秀呈

蒼妍況兼風緩日加麗天界此福非偶然徑須扳

藤蹋濃翠穿盡絕壑窮層顛題名巖石勿草草再

到洞府知何季

游洞山龍潭在其下

名山逢勝日取次共登臨龍臥渟泓穩人穿翠确

溪叢生多異藥清轉或僊禽猶媿塵心在金庭未

及尋

洞山樵咏四首

陽谷洞

洞中耀陽烏益覺煙景媚緩緩松陰移人閒已千

歲

同前

曉來古洞口坐觀紅日生煙暝光風和欣欣草

木榮

曲巖

幾折上層巖捫蘿常滿把露濃嵐徑淡惟見采苓者

同前

側身層石閒修藤掩絕壁摩挲舊題名滿前空

翠滴

臥龍石

神龍蟠爲霖高臥荒榛裏蜥蜴竟何知成團戲潭水

同前

續集卷五

十

荆棘成荒叢定非龍潛處湖上片雲來得母欲

飛去

伏象崖

象王在崖中百獸敬侮翫麋麋正相呼見之輒驚竄

同前

何人調象王遂向崖中伏雨過蒼苔生千季毛

骨綠

銷夏灣

湖雨生綠波數尺秋瀾瀾青蒲閒紅蓼動搖微風

裏伊咎吳王時畫舸柳邊橫宮人唱采蓮人夢雨相似誰知千季後緯蕭障流水

龍渚歌

龍渚在銷夏灣有大小二渚予時汎舟觀之遂作此歌

龍公蛻玉騰虛空鱗車魚馬紛乘風玲瓏宮殿鎮無恙屹然撐拄湖心中以石爲梁石爲礎雨工如羊頻戲舞陽侯似拒游人游每遣波濤衛門戶作書試投湖龍姑琅函祕方今有無我將蹋浪訪貝闕拄杖偕取紅珊瑚

續集卷五

十

後龍渚歌

石根盤盤凡幾重吞波架浪疑神工土山壓石石不動倒插無數青芙蓉竭來沿流繞山腳水粲如雪與石搏斗然迸出雲一縷乖龍挾兩湖中去

洞庭橘枝詞二首

西山之人商於湖廣者多予故仿葉水心橘枝詞體以招之

阿儂家住橘林旁郎乘大舩向襄陽寄郎只寄雙頭橘蛋紅坐勝襄陽黃

郎行時節橘萼零南風吹來香滿庭今季橘實大

於斗勸郎莫羨楚江萍

留別橘香庵主岑公

爲我謝支郎幽栖願已償不求梅子熟但愛橘林
香骨以尋詩瘦身緣受請忙浮栢如許渡當卽埽
繩牀

湖上櫟曲五首

湖上芷萼香湖中荷帶長激波明似鏡龍女照新
妝

橘社綠參差湖煙捲橘枝鴛央如有意飛上柳郎
祠

續集卷三

三

蠶妾入春忙春風吹女桑郎郎簫鼓急爭賽水平

王

雙鬟小龍女棄月弄珠回露重綃衣薄呼來舞一

栢

人去壇猶在淡藏隱姓名不知柑橘裏可有弈碁
聲

予築嗜橘此游屏鳳李兩翁竟日以橘見噉

喜而有作

燕市蒲桃如彈丸鵝梨之實栢杆圍十季宦游饒
此味飲酣未嚼先流涎獨有洞庭三百顆霜前霜

後紅如火舟車包致殊久佳寢寐難忘故鄉果秋
來湖上風物新老饕餮盡林閒珍清泉沁齒香啜
爪慙殺從前消渴人

鈍翁續集卷三終

續集卷三

三

康熙甲子冬十一月同里周公贊校字

鈍翁續彙卷四目錄

病閒亂彙

軒中卽事

示僧

和唐孺舍看竹絕句三首

臂疾大作不離東軒二首

浚居

題王勤中畫鞠勤中有詩及淵明略反其意

久雨不止三首

二物

禽言

邨行見小桃盛開

料理東軒南牆外地粗了

鍊虛邨訪俞丈犀月

肩輿登堯峰至露禪菴

出游

過石鵑山房

題同宗蚊門百尺梧桐閣畫卷

王咸中至山莊以松筍餅作供二首

娛老

病中書懷

題石鵑山房

咏四帖

看筇二首

聞薦舉詔言志六首

堯峰讀書五首

捨大

軒中弄筆偶成

延客

過邨家小池

雨

雨中戲咏笠子蓋編樹葉爲之者

陰雨

雨止

堯峰十咏

寶雲井

大龍洞

響泉

多景巖

竹徑

姜學在饋尊菜二首

初晴小步

病後示諸生是日初落一齒

偕門人拉咸中往聽響泉

池上

坐王咸中池上

病起

病中襍興二首

連日酷暑近晚稍得風是夕遂雨

茗琴書屋中睡起

題書屋壁

龍挂

續彙卷四目錄

王

晚景

自題小像二首

家人以病者請禱作此曉之

懷堯峰時方閉戶城西

書歎

夜雨

消暑

聞王師南下有作

病

閔雨

送震禪師歸岑頂

鈍翁續彙卷四目錄終

續彙卷四目錄

四

純翁續彙卷四

詩彙四

病閒亂藁

自戊午春至
秋七月止

予自患臂以來不復親筆硯偶有所得輒口占命
諸門人以片紙繕錄散置破篋中不復省視周子
孫雲請編次成卷故以病閒亂藁爲題云

軒中卽事

北牖風生輭南榮日漸長雲涵硯山潤
香文竹新書几斑絲舊隱囊莫言無長物巖覺勝
王郎

示僧

蹤蹟君母問終季老病侵身如寄生草心似倦飛
禽香火因緣淺文章業力淡笑人圖作佛未敢附
知音

和唐孺含看竹絕句三首

修篁蕭颯覆幽居歎息吾廬絕不如但使主人容
客歡畫船大可替肩輿
羨爾移家海上邨琅玕千个擁寒雲純翁自笑緣
慳甚屏幃中閒見墨君
苦無隙地種扶疏只羨簷簷谷裏圖身似北人方
驚簷能分束筍見存無

臂疾大作不離東軒二首

坐臥守茅茨衰殘強自支點書緣課子倒屣爲迎
醫下食捐奇味行吟戒苦思清談舊塵柄久矣不
曾持

藥囊茶裹鎮相依歎息身如泡影微久廢著書才
思減漸疏把釀笑談稀瓦餅等映明窗放石鼎香
縈燕几飛自分風流慙叔寶也因羸疾揜荆扉

淡居

淡居歷歲時往事獨心知貧悔謀生拙衰嫌學道
遲飯蔬差有味收藥頗無貲偶倚檐前杖梅萼又

滿枝

題王勤中畫藕勤中有詩及淵明略反其意
黃鞠有何好自然多令姿撫我無弦琴爲萼傾一
卮君勿輕此萼頗與小草異饑當餐落英姑置乞
食事

久雨不止三首

今季春比去季遲萼發頻逢雨過時舍北舍南泥
淖甚卷中欠了討春詩
溼雲羃羃雨沈沈姑惡羣嘯繞竹陰病後不禁情
思惡況堪援筆賦愁霖

仗雨闌風滿四天一春等信劇堪憐與等動是經
李別莫怪逢春倍黯然

二物

閑居翫衆物頗覺心境融鼉鼓奏數疊蚓曲鳴三
終翠禽樛采蝶翻翻舞亦工何物敗人意獨有鼠
與蠶松鼠太狡獪下樹捷於風棗桌固不憚任女
穿筠籠奈何敗吾書其災踰蝨蟲石蠹尤不材釀
等有何功惟解近几案爲穴管城中試呼筆公前
被囓幾無縫二物作過多於理難姑容驅去潛復
來倏忽不知蹤此類大抵然奚足介心胃一笑且

續集卷四

三

置之高吟倚孤松

禽言

叢木蔽荒邨衆禽晨夕嘯勿疑太嘲嘲一一中良
規鷓鴣阻我出似嫌路險巖苦口未及已竹雞復
如之架犂何處來相誠勸東田縣吏嚴催科力作
誠難遲提壺則不然導我訪酒旗一醉銷煩憂勸
飲理亦宜是閒無佳客晤耳多羣迷試譯衆禽言
欣欣欲忘疲出處固細事淵明乃吾師且從課農
暇先和飲酒詩

邨行見小桃盛開

江杏稍欲闌海棠尚猶斂春光頗未莫吾意不勝
歡徐行離落閒小桃新吐餞朱顏映日配絳袞隨
風颭結束一何麗似覺李梅儉黃鸝語謹謹紫蝶
來并并竹溪酒帘斜賴此增點染勿嫌標格卑此
亦未易貶

料理東軒南牆外地粗了

春寒趁曉晴幽事費經營徑石鋪初穩山松植已
成藏琴文小葉捐蝶下新鶯送老無多地欣然隱
壁情

鍊虎邨訪俞丈犀月

續集卷四

四

巾了柴車特地來三閒老屋繞蒼苔牆連壁父桑
麻路門對吳王歌舞臺學視程朱知異派詩宗中
晚信雄才長貧不辦留賓客乞得鄰漿僅一桮

肩輿登堯峰至露禪菴

上築堯山麓時時恣淡揆高下數里餘曲折頗盡
請奇石聳危壁飛泉赴幽潭叢篁接空虛偃松礙
煙嵐藥萼擱細萼淺紅樛微藍遙見剡竿立知有
古佛龕叩門揖老僧閒發世外談爲我設蔬具茶
清筍簪甘幽境固可喜名理亦所耽栖止悔已晚

奚庸慕簪簪

出游

春光方澹沲農事漸謹闢斧爲鋤桑渚池因浸穀
穿山禽嘯竹落壁馬暗蕪田解后麗眉容沿門斂
社錢

過石陽山房

不憚扶衰病頻於此地游貼波低乳燕繞徑蔓牽
牛翠靄千重合清山四面收輓甌試新茗竟日小
淹留

題同宗蛟門百尺梧桐閣畫卷

時蛟門方受薦舉

病夫抱病堯山下忽枉輕舫訪茅舍入門示我修

續彙卷四

五

閣圖移日臥游不能罷桐萼馥馥桐葉大最便涼
天與炎夜江上青山橫檻外竹西翠靄穿林罅主
人自是王佐才要刷修翎聘長駕偶然種植高岡
前一片濃陰差碧瓦擬招佳客共聽雨或許異僧
同結夏極知幽興頗不淺會待名成身得謝石渠
天祿正需君縱欲據梧殊欠暇佗時寓直儻思歸
但與哦詩評此畫

王咸中至山莊以松萼餅作供二首

斜陽有客款柴荆畱試椿芽與箭萌別爲松萼出
方略山家風味十分清

書籤畫卷淨無塵欄樂庭萼觸眼新清坐相看渾
不厭笑佗金谷聚歸人

娛老

何地堪娛老空山歲月淡閑雲偏戀岫清溪慣穿
林蠟屐人嫌癖耽書自覺淫由來恬執利眞不悔
拙簪

病中書懷

欠箇窮交裹飯來松扉闌宋午方開此身久矣安
無用明主何嘗弃不才篋裏百篇皆亂藁門前二
頃半汙萊殘季但得專丘壑藜杖藤牀亦快哉

續彙卷四

太

題石陽山房

共住堯山陽山房更覺清筍從輒罇遊草占石根
生不雨澗長溢無風松自鳴慙君頻乞記境絕語
難成

咏四皓

詩書付一芑驪山鬼畫哭獨有希世子虎口幸免
辱賢哉四老人相引入溪谷不知祖龍歿況復倚
巖鹿晚節顧大謬陰受畱侯嗾定儲何與女母乃
蛇畫足竟墮娥姁姁幾危卵金族若無北軍祖炎
火似燧燭何如種桃人但解守耕牧否季武陵谿

桃萼紅簇簇

看萼二首

雪鬢霜顙斗覺加顛狂猶覓四孃家已嗟命薄難
禁得何況都將乞與萼

澹日輕煙暖氣融名萼爛熳笑東風平施五色光
明錦疑在齊奴步障中

聞薦舉 詔言志六首

苑園冊子在牀頭自分迂疏不足收賈董高文姑
撥置可能詞賦類俳優

久忘箋傳語云何蠶譜農書記憶多習了一鐮肩

續彙卷四

七

一笠只應赴箇力田科

曾學雕蟲苦未成讓渠班馬獨專名白頭願作邨

夫子一卷蒙求聚後生

鄰穉謹闌墜父驚爭傳軒騎在柴荆此翁漸被時

賢識悔不從前換姓名

紙窗竹屋栖遲穩絺帳桃笙偃仰寬慙魏譽真

大點不曾西笑爲長安

松黃半落柳陰淡緩步前邨頗慙心莫笑吳音殊

未正也能擁鼻作長吟

堯峰讀書五首

我無宦游才中歲寄一命回翔執戟郎失轡憂踰
證啜咬寮友閒常恐陽機非幸然賦歸來久矣杜
干請生象亦已卜但未下宅冊功名尙何言爲君
付墮甌

自少耽詩筆鉢心擢胃腎文章一小技幾受壯夫
哂遲暮甄遺經庶幾改前軫願以所得餘講說被
童訛東家章句生所見略矛盾恪守先正言吾其
謝不敏

咎我先大夫蚤被京兆薦著述鄙小儒往往貫箋
傳賦命胡不延識者每嗟嗜羈貫奉遺書稍愛趨

續彙卷四

八

筆硯雖踰三紀餘手澤猶未散家學詎易承勉旃
紹編緝

日者文格衰剝剝見瑕癥類以龜呬鳴叩欲希鈴

鑾歸王逝不作敢望柳與韓嚶予異流俗嗜好區

鹹酸端坐諷六經要使正氣完諸子且撥置卑之

況稗官

百金置石田十金結茅榭潛郎荷 主恩甫病卽

得謝所慙習脚衰無力事躬稼屣步攜一編出門

陰桑柘稍值會心境高吟達秀舍勿爲渴吻憂鄰

樂牽容俗

搭大

絕憐搭大太迂疏長物由來一例無說與銅山都
不信只從紙裏見青蚨

軒中弄筆偶成

家近南垞與北垞比鄰鬱鬱徧桑麻不妨拾蕈充
齋益未辦畱錢付畫杈老桺已髡仍有枿小桃纔
接尚無等邨人社鼓謹聞甚攪入閑身一笑謔

延客

延客上茅堂貧家治具忙瓦盆傾白墮土銼熟黃
梁筍斲貓頭大尊撈雉尾長少畱君勿恤風月足

徜徉

過邨家小池

桑典不知遠悠然愿賞心試等桃尚小昂穗麥初
淡翠羽明如錦魚苗細似鍼本非枯槁客澤畔亦
行吟

雨

急雨蕭蕭響竹色溼雲漠漠暗窗紗天公不為酴
醾地壞盡牆東一架萼

雨中戲咏笠子蓋編榭葉爲之者

滿邨風雨苦恩恩葉笠逢時也奏功何限豪門高

蓋在山行輸與敗天公

陰雨

陰雨釀春寒淡憂葉麥殘天心殊憤憤山氣迴漫
漫馬陸穿階出蝸廬繞壁攢病身行坐嬾高枕覺
婪安

雨止

嶺頭雲斂日痕微旋下藜牀換夾衣壯志病來銷
欲盡名萼雨過落將稀檐鳩挾婦欣欣語林燕將
雛款款飛別有悠然心賞處堆盤豆莢藥苗肥

堯峰十咏

續彙卷四

十

王子咸中謂予曰堯峰奇麗甲於吳下吾子居此
六季凡遇勝絕地不能一一吟咏其何以慰山靈
乎予唯唯因疏十題命予各賦五言絕句予矢口
而就媿其非工聊用爲來游者前導爾

寶雲井

井在舊免水院相傳寶雲
經師所開其味最爲甘寒

松間涌古泉下上百尺綆值此槐火新客來鬪奇
茗

露禪菴

明萬曆中湛川法師所
創菴後有大石額可觀

老宿咎開山門庭頗卓犖焚香卽塔前歎息高風
邈

大龍洞

洞在龍巖菴後自洞口地通至菴音巖奇石林立推為一山之勝

此是龍所家忽挾風霆去石上空爪痕飛騰不知處

妙高峰

堯峰最高處右瞰具區七十二峰左見石湖楞伽諸山

倚杖層峰頂斜陽一半晴震霆何處起隱隱似號

響泉

泉從山顛逶迤而下入盧氏墳池雨後聲如暴雷餘日亦清駛可瓶

在山聲淙淙出山流泯泯誰家灌園翁接竹遙相引

小龍洞

洞在山麓與大龍洞絕相似

續集卷四

圭

潛通上穴天迤邐出煙霧慎勿撼洞門恐遭伏龍怒

多景巖

平敞可設數十席前臨太湖

湖水望中平羣峰似黛明南風拂波面吹到櫂歌聲

松塘

湛川法師植松數百本今頗為俗僧所伐

修榦嫋薜衣細皺紛艾納幽人抱琴來埽石坐明月

竹徑

徑為登山所必由者修竹萬挺踰里不絕

濃陰數里中春禽號遠近雨過園頭忙編籬護新

筍

千人坐

陝陀數畝父老相傳為明嘉靖中營兵誅倭之地天陰時輒聞鬼哭

莧童拾遺鏃知是古戰場日落松聲起如聞弔國

姜學在饋尊菜二首

偶然歸理舊柴荆未必風流要擅名但覺暮年塗免俗老饑也合喫尊羹

人世從來為口忙惟須一食療饑腸尊羹孤飯元無價莫與微官共校量

初晴小步

續集卷四

圭

喜值晴光滿四山從容屣步短籬閒受風勁竹如強項熏日名萼似破顏泉欲赴谿頻曲折驚思還樹每回環試馮石墜安茶具徙倚何妨趁小閑

病後示諸生是日初落一齒

齒豁頭童老病侵可堪學術玷儒林將迎但守山居約動止嘗提坐右箴

予方以數字箴坐右恥以文詞矜後

進敢緣名利變初心胷中一段蕭然處自是難從簡策尋

偕門人拉咸中往聽響泉

紅糝青梢漸滿林偶逢佳處便登臨嬾從東閣觀

奇士喜向南邨樂，心怪石染成煙靄色。亂泉流出佩環音，垞中風物皆幽絕。始信山栖不厭淡。

池上予新得一池，灌山即其上有樹五十株。

煥日和風處處妍，獨來池上聽潺湲。柳條細似千行綫，蘋葉圓於半兩錢。丘壑固應麇雅尚，勳名終是欠前緣。恰衣紈扇麤相稱，且樂人間有盡年。

坐王咸中池上

主賓無語似相忘，淨拂蒼苔坐夕陽。乳燕飛飛龍閣閣，楚萍謝絮滿池塘。

病紀

續彙卷四

圭

櫻皮展子癭袍冠，病起時時小倚欄。囊底神方惟斷慾，局中上著是休官。綠梢尚隱稀稀萼，新筍纔播嫋嫋竿。春事已闌身漸老，相煩兒女勸加餐。

病中襟興二首

老去靈臺久泰然，有憂衰病日沈綿。萬金良藥君知否，一味加餐企腳眠。

駭機半爲功名發，禍本多緣祿利生。怪殺盲人乘瞎馬，傷池猶作五更行。

連日酷暑近晚稍得風是夕遂雨

赤日行中天炎炎，一何烈衰羸固難支。況復嬰毒

熱藥開入肝脾，自分那得活姑以靜勝之躁心戒。妄發昨宵月離畢，茲晨蜩蟬遷穴幸甚天將陰快風起。蘋末微涼襲枕簟，高臥亦已決風伯河可人俾我寬消渴。

苔萼書屋中睡起

栖身一几一藤牀，睡足那知晝漏長。硯潤溶溶儲臍瀋，鑑溫細細嫋殘香。驟聞鴉語先疑雨，乍轉桐陰頓覺涼。卜築任渠城市近，安心已竟恰相忘。

題書屋壁

續彙卷四

南

囊收乞米帖，案列換鵝經。病怪醫無驗，窮疑鬼有靈。舊游眞噩夢，故友似殘星。願以癡聾字，書爲坐側銘。

龍挂

樹頭淅淅少女風，鳥聲謹鳴檐角東。亂雲潑墨四面起，白痕一綫橫其中。道旁行人指龍挂，吾亦叩首覘長空。片鱗隻爪杳莫覩，惟見宛延修尾穿迷濛。電光煜煜雷隆隆，兩點竟與飛電同路窪。驟漲水一尺，屋漏疑卷茅。三重人言此龍壞，世界諺語近誣吾。不從未論甘澍愍農舍，先喜快涼蘇病翁。

諺言黑龍壞世界，白龍壞世界故云。

晚景

晚景頗艱辛誰憐白首人
栽田思博飯髡柳欲儲
薪牢補蘆簾密平墁土壁勻餘生如此了眞箇作
編民

自題小像二首

夢甄淨巾常在手斑絲文褥穩栖身偶然寫箇脚
跌影便似香山社裏人
已偕幻泡觀衆法要將蕉槿喻殘身入山自是安
衰朽非學巢由一輩人

家人以病者請禱作此曉之

續彙卷四

五

家有病熱者往往語多囁舉室共驚踴櫟延醫巫
至或曰鬼求食或曰風爲癘衆說頗紛紛未知果
誰是從來本儒崇豈暇崇淫祠稍習黃農書湯齊
固應議藥物與牲鷄二者均一費神奸何能爲治
之以不治

懷堯峰時方閉戶城西

最好夕陽天支邛古岸邊微雲度歸鳥疏雨歇鳴
蟬柳港誰漁鼓淩塘聚鴨船病身思小適悔寄郭
西偏

書歎

暮季貧病兩相妨追數平生黯自傷
草率著書成老謬蒼黃忤俗坐清狂
收身每愛蒲團穩適口惟思麥麩香
家誠比來無別語但祈世世力耕桑

夜雨

病思眞如退院僧況逢急雨打窗棂
麝香淡撥蠅頭鼎屢卷頻挑鴈足鐙
文字起衰甘未逮身名諸俗媿無能
結廬季在郊原外社父園公是友朋

消暑

從來消暑無奇策惟有杜門推第一
梧桐葉大涼陰生梔子萼絲暗香發
齊紈團扇暫離手粵葛短衫微露剝
竹牀斐几樂何如讀書與睡中分日

續彙卷四

未

聞王師南下有作

縱金伐鼓聲謹闐陸馳鐵騎川樓船
王師奄忽自天降鼠子何路求生全
試約長繩各千尺縛取羣凶須努力
宅家封賞不負人諸君勿徒口擊賊

病

將迎常苦客動止每頷人易得心降
伏難令肘屈申淺苓支晚計蒲柳賸
殘身一寸丹誠在空然戀北辰

時方聲薦舉之論故云

閔雨

四月苦恒潦陂塘俱瀾瀾秧馬行淖中騰躍頗難
駁七月苦恒暘青苗半生灰啞啞水車聲比鄰各
爭水禱禱何紛紛空然費牲醴湖龍貪晝眠屢呼
不甯起遙望西山雲其執方靡迤風來忽散之轉
盼露炎暑敢云大有年但冀中熟爾木饑火又旱
吾其狀稌秕

送震禪師歸粵頂

竟攜瓢笠去知是厭塵氛亂瀑縣青壁孤峰入白
雲心空遺萬象道在融多聞絕頂殊清迥團焦牽

見分

師許爲築鈍翁行
寓於其上故及之

鈍翁續彙卷四終

康熙甲子冬十一月同里周公賁按字

鈍翁續彙卷五目錄

北游詩

出門志感四首

沂水道中

述咸中語

泰安行宮

驢車

病中二首

送黃俞邵問計南歸四首

間 駕奉湯泉十韻

續彙卷五目錄

屢辱侍讀王先生以盧藏用神明逸常彝甫

見嘲未敢用鄙句唐突又蒙賜口號四章

語意鄭重督和甚切勉遵無言不隨之義

荅四首以當解嘲

懷故山

讀書

旅中有感

題喬舍人小像四首

和王侍讀韻三首

題王侍所藏畫山水冊

襟憶四首

題坐竿圖

題梅豹方十六羅漢畫冊

寫家書訖遂批一詩於後

懷張隱君六子

敬枕

寄題鮑聲來草庭

阮亭先生賜讀洞庭游稟長句一章謹依韻

奉答

和阮亭口號次韻二首

續稟卷五目錄

題江干阻風圖

聞部議命予以原官帶病修史二首

睡足

送田髯淵南歸

題畫三首

記夢

題畫二首

決策

憶江氏園亭

病

題畫

史館有感

和問亭韻送邵培風處士南歸四首

繪川書院爲湯潛菴先生賦

病況

奉贈徐健菴前輩

冬日憶堯峰作

病中三首

請告六首

十季前請告與舉曰緝先生唱和遮字韻詩

續稟卷五目錄

凡數十首今日再次

新春日再次

五續小游仙八首

書懷三首

得蘭兒家信作

候 旨作

絕句二首

畱別四首

得 旨後作二首

鈍翁續稟卷五目錄終

鈍翁續集卷五

詩彙五

北游詩自戊午秋八月
至辛酉二月止

出門志感四首

兩兒如案長相顧牽別袂阿翁方暮季此去殊謬
計覲顏拊兩兒丁寧勿嬉戲誦讀良須勤農圃亦
當議但使饘粥充勉旃孝友事名利非所期吾道
固如是

安車與蒲輪古人誕語爾纒帛亦何有符檄動盈
紙縣吏恣譴呼敦迫乃至此緩雀猶震驚何況赤
腳婢僮登挈囊衣嗟哉豈得已虛名解誤人貽悔

當沒齒

續集卷五

十一

老屋差可居蝨書差可讀稍暇乞一枕高臥何妨
熟茲游頗意外畫蛇爲之足勉爾荅辟書夫豈夙
所欲故轍諒難改行見不遠復殷勤屬館人慎勿
毀薪木

學書故無益學劍非其流人生衣食耳餘事皆贅
肱條桑朝飢蠶刈芻暮飯牛田父誠我師可免凍
餒憂舍此欲何之母乃非良謀咄哉遠行客三歎
懷林丘

沂水道中

淺水恩忙涉層陂曲折過歲荒禾黍滅土墳聚黎
多旅俗偏能儉方言頗易譌西風牽綫緩驢背鐸
聲和

述咸中語

四山雲執曉迷濛雨點斜飛趁朔風好是米家山
水景此身真在畫圖中

泰安行宮

俗祀所謂碧霞元君土人呼爲娘娘

泰山府君見稗史制人魂魄操生歿冕旒廟貌殊
儼然胡爲舍此趨淫祀元君殿宇侵山岡焚香翁
姥紛相望琵琶聲繅牲酒熟府君屈作兒女喪少

續集卷五

二

姨小姑與此類千季土偶眞兒戲漢家天子廢東
封是處行宮吁可異

驢車

驢車躑躅夕陽閒底事天公不放閑似惜此翁詩
料減再教飽看魯諸山

病中二首

悔吝眞難釋踟愁漸不支文情窮始驗學力病方
知事業輸前輩文章負聖時堯山好山色只合
老茅茨

索米良非願如何滯帝鄉貧多賒酒券老乏染

頤方王侍讀見贈有柴半朽憐枯樹微暄喜夕陽

人情異鷗鳥歎息未相忘

送黃俞邵聞訃南歸四首

朔風吹枯條雨雪方霏霏游子策蹇南血淚霑麻衣創巨痛亦淡入門何所依紫帷空飄揚瓦鐙慘不輝

伊昔別高堂牽裾不能止山川慎跋涉丁寧頗媿媿十指瘳見骨動勞結行李距此曾幾時音容今已矣

豈不懷倚閭承歡埃升斗祿養願未逮遺恨積山

續集卷五

五

阜所期揚令名逝者斯不朽忠孝非殊途勉旃兩無負

世風漸以降喪紀鮮復明古之奔喪者行哭乃見星過竟必盡哀往往無常聲於子且觀禮子其遵禮經

聞 駕幸湯泉十韻

律當無射候 嚴趣向新豐
輦映 鑾輿豔雲迎
輦路紅 天王停綵仗
文母駐離宮
騎從皆羣駿
追陪儼上公
靈泉來滾滾
佳氣繞恩源
自丹砂發流將碧落通
登臨紆 睿覽游豫恩
宸衷

玉甃凝香霧紗窗障朔風陽回溫谷內春在繚垣中惟羨瑤池水能專浴日功

屢辱侍讀王先生以盧藏用种明逸常彛甫

見嘲未敢用鄙句唐突又蒙賜口號四章語意鄭重督和甚切勉遵無言不酬之義敬荅四首以當解嘲

江外重山接五湖十季何幸住潛夫詩翁但戀金

門直曾見漁洋樹色無

先生自號漁洋山人

芭譚相憶不勝情竟微舉比奉檄行車服儻緣稽古力復須飛扎報諸生

續集卷五

四

暫因移疾守柴局曾是含香侍 漢廷太史鎔占

天上象歲星元異少微星

明季春水引歸颿的合移家占一巖從此不稱前進士故人親授隱君銜

懷故山

往者山居時把茅僅覆首積垣絜文石小徑編樅柳位置羅得空山色落吾手自從辱弓旌待命闕門久諸公悉雄才自顧獨老醜辟若官縣中櫟以一土缶何當蒙放罷再拜 主恩厚騎驢出輓土放船逐晴灘二月草如茵三月萼如綬往來故山

開常得招鄰宴黃肥邨社雞白礪市樓酒葵菜與
尊絲一一可饒口浩歌金石鳴醉墨龍蛇走不知
鍾鼎食能敵此樂否計之亦已熟浮名信何有敢
向康衢旁蠅營復狗苟

讀書

龍鍾五十五髣髴如萼顛崇朝手殘書移日卽茫
然回憶羈貫初駿快頗翩翩過目了大義少選竟
一編倍誦若瀉水不受長者鞭因之易驕情研習
未肯專誰知老將至意象衰於前力學誠上策有
志無其季夜闌燭跋短餘光豈遷延身非袁伯業

撫卷慙先賢

旅中有感

平子賦歸田此事已千古時賢戀組紱往往老塵
土吾意頗恥之決策返農圃故廬雖偏小几杖絕
楚楚坐隅列諸生上席延堊父掀顙及抵掌狂語
無不吐麥飯盛瓦盆菰羹輟土釜以此助盤桓其
味勝脩脯擗身利名場得失略相補區區誓墓心
豈因一懷祖

題喬舍人小像四首

桃萼流水洞中春有客停舟解問津儻厭承明思

出牧一麾須乞領泰人石林自言
願爲太守

恰逢餒白粥香天一任蘭橈滌復沿等事旋隨風
信了勸君棄醉暫回船

彩雲隱隱濕重重直是僊家第一峰畫史不須皴
染盡且畱隙地著吳儂

試從卷裏望山茱便覺吾家舊隱遙鴉鵲嶺前春
水好桃萼淡簇擗船橋

和王侍讀韻三首

雪殘猶偃臥旅騎怯掀泥寢憶湖山曲春晴鳥亂
曉迸階芳草苗壓屋壁梅低計日河冰泮還家也

續集卷五

六

短策

欲識堯峰好邨居半墮泥柘溪蠶子長萼喚郭公
嘯小市漁人集官橋酒旆低所慙猶旅食閑倚壁
閒藜

畦上頻鉏藥谿頭每罰泥堊萼無數發幽鳥不多
嘯動止八嫌僻身名自牽低何須天祿閣中夜學
燃藜

題王侍讀所藏畫山水冊

我家障子圖林巒宿雲解駁浮疏煙山晉蒼翠杳
無際千章松櫟俱攬天山前人家面山住土垣堊

店斷復連飛泉嫋嫋絡細石過鵲宋宋盤平田偶
然目送輒神往位置無乃秦人源紅藤拄杖青芒
屨欲往從之無此緣今觀此圖寸幅耳尤覺絳染
加於前紫回嶠岸通木杓檀欒修竹遮茅椽室中
何人自偃仰非隱君子當爲僊僊邪隱邪我不知
儻可依止終餘季僂肩長鏡掘苓朮或置神鼎烹
砂鉛回頭調笑柳州柳如何誤作囚山篇

襟憶四首

綠芷生芽柳弄絲黃鸝睨晚燕差池客游始羨江
南樂歎息衰翁見事遲

續集卷五

八

架犁布穀已爭鳴急買輕颿趁雨行記得清明須
浸種莫教流落誤春耕
殿頭枚馬似鯨星願乞殘骸守故局勻藥醪醪俱
好在未妨萼發抱添丁
怡悵京萼滯此身故鄉風物一番新醪醪過了吾
何恨筍老萼殘最惱人

題坐竿圖

身上短簑沿橈綠偶來停櫂坐楊曲黃魚吹浪上
蘋萼乘興敲鍼殊不俗輕風搖曳酒家旗兩岸游
人歌竹枝羨君獨倚蓬窗坐一任蜻蛉立釣絲

題梅豹方十六羅漢畫冊

梅生解盤礴人物尤推雄前身受具戒曾入兜率
宮失足踟躕塵網榻來東土東猶記諸應真寢寐嘗
過從靜炷一穗香想像龐眉容心手忽融洽不著
臨撫蹤或守跏趺坐或倚支頤邛或揮寶篋巾聚
立談宗風稜稜瘦露骨氣象迥不同是閒有妙悟
變化由襟習俗云傲龍眠此評恐未公若人愛畫
馬幾墮馬腹中晚節雖小悔何嘗得眞空梅生根
器殊筆墨超人工髣髴省本來一洗畫史庸以畫
作佛事儵然證神通

續集卷五

八

寫家書訖遂批一詩於後

家居山水窟游息無不宜至今旅館中夜寢猶憶
之恒虞春雨多土屋或易蔽及此風日佳苦蓋安
得遲徑草須屢薶離檣須牢支橘蠹菜有蝗次第
當翦治辛夸好在無高萼玉簪差此樹吾手植慨
壅必以時申寧責家人柰何飽而娶拂衣具扁舟
止足吾所知筍肥蕨芽嫵社酒行可持杜宇女勿
憂吾方戒歸期

懷張隱君六子

故國風光蚤惟應旅客知埜田挑菜日邨屋焙蠶

時隱隱漁家鼓鼙里社旗眉舊鄰交徒倚倍相思

敲枕

旋放蘆簾整布衾先生敲枕息殘身室無侍婢猶嫌病廚有餐錢更苦貧寒甚臘賒燕市酒風來羞汚庾公塵故鄉節物殊堪憶箭茁槐芽又一新

寄題鮑聲來草庭

鮑生嗜讀書書室開南榮梧石羅四周清陰覆門衡如何了不顧而以草名庭草類區以別割斷不厭精莠藜善蔓延蓬蒿易縱橫葦塵苦如櫟薪堂

續卷五

九

甘似錫此莫堪可染菟葵略堪烹茱蘭本非蘭桂草本非萍凡此皆惡種詳在爾雅經生也愛芳草辨之已分明種植與溉壅往往手親營露濃翠甲滋日煥珍芽萌晨夕觀物變采香攀其英陶令藝籬鞠湘纍佩畦薌二子不偶俗晚節尤惇惇生也生東南才穎超楚倉行脫薜荔衣翻然出柴荆空畱庭前芳搖蕩春風輕

奉答

阮亭先生賜讀洞庭游彙長句一章謹依韻似有毛公勝尚禽別開洞府待幽尋波淡自足魚

千石壤沃真堪畝一金倒景浮空山側畔紛紅駭綠樹中心惜哉如許玄栖地未得招君杖策吟

和阮亭口號次韻二首

谿山猶記昔季游學作王郎僂面秋最好昭亭祠外景澹煙疏柳隱譙樓

偶馮團扇憶曾游絕似吳淞一段秋試問夕陽紅樹裏誰家青旂出高樓

題江干阻風圖

雲如崩山拚寥廓長季謬言風信惡捍索纜收百尺蒲番見顛風轉旗脚大船邪許橫沙洲小船掀舞江中流前頭麗譙定何處計程知是滄陽樓樓外江豚吹浪急無數檣竿嘯空立風波如此路行難寄語兒曹勿輕出

續卷五

十

聞部議命予以原官帶病修史二首

又作東粵客窮愁每萬端酒如交態薄春似旅情闌努力先朝史安心本分官桑榆元自暝無策返江干

翳翳塵侵面蕭蕭雪覆頭酒從王媪貰藥訪宋清求往事槐根寢餘生水面漚兒曹尚齟齬誰倩誰收

睡足

頗怪家書斷仍虞旅病侵忍窮增學力揣分息機
心土銼凝塵滿柴門積蘚淡午餘眠未足軒騎莫
相尋

送田髯淵南歸

一幅輕颿趁好風恰如魚鳥脫鉤籠楊梅爛紫登
盤美蓴菜微青上箸空學與衆殊嗟近樸詩無人
愛始稱工渡江自有名山在莫爲紬書羨史公

題畫三首

遙指山門一徑長丹楓烏柏點清霜風光絕似堯

不續集卷五

主

峰院輪女相攜話夕陽

陰陰灌木壁禽嘯點綴樵邨與釣谿占盡畫圖君
信否鈍翁家在此峰西

小桃著子柳飛絮輕靄濛濛細雨斜慙媿此身非
社燕今季春盡未還家

記寢

寢棺當得官寢衆當得財此是想所致不想何有
哉宵來我何寢髮髯行澤國寒雲壓岸低巨浪黏
天兀短蓑駕輕舸穩傍千樹秋羣鯢吹波來舉網
欣有獲折柳以貫之腮紅鱗點墨呼婦持作羹用

配香杭白老饕一笑粲此境墮恍惚鄰雞喔喔曉
落月耿破壁

題畫二首

黃柳丹楓曲徑寒白鳬翁繞蓼萼灘此中大有娛
人處莫作殘山賸水看

拈取胎亭一段秋淋漓墨瀋化雲流谿山果使佳
如許合荷筇笠上釣舟

決策

久拋鰲雀計全非眇眇吳昌匹練微鄉寢暫隨胡
蜨化客心遙逐鷓鴣飛嬾判衰病耽榮祿悔趁虎

不續集卷五

主

名踐駭機今日眉閒有黃色料因決策挂朝衣

憶江氏園亭

君家卜築倚萼涇風物佳時許叩肩石骨透煙通
體綠松身臥薜一邊青縱橫藥樹穿藤架破碎谿
山上畫屏記得季前曾往返而今相憶鬢星星

病

高敲一枕揜雙扉柳未成絲草未肥獨有東風酸
次骨攪先透入病夫衣

題畫

科頭反手恣閑行直上山南起嘯聲古與今如一

丘貉笑人搥壁歎功名

史館有感

病眼摩挲久不明暫拋史冊繞階行
癡蠅爭喚栖難穩小桺含風臥未成
文字祇慙磨舊牘功名久分付來生
此心已是蕭騷甚更聽春禽巧哢聲

和問亭韻送邵培風處士南歸四首

畫船一櫂趁江波遙望柴門路幾何
綠笥朱櫻鄉味好情知不作采薇歌

長河冰盡浪生弩千里那愁道路賒
未到江南先稱意暝風輕送布帆斜

續集卷五

圭

青梅綠李滿江津君到江南物色新
市市旗亭間社釀邨邨土屋賽蠶神

朱陸云亾道不伸異同細細共君論
長憂絕學今難繼不信菰蘆有此人

繪川書院爲湯潛菴先生賦

孔孟不可作六經無完書爲學賢自得
耳食眞鄙儒宋賢闢絕業已獲龍領珠
從入雖有岐根源亮非殊後進未升堂
論辨徒紛如彼此騰口說孰若勤菑畬
先生奮中原祖程而禰朱貫通諸家學
剗膚茹其腴首席夢士僞次憫鯁生迂
不朽在立德

其言與之俱琬也東南來兀如櫟株拘浮沈章句
中又似忘歸墟側聞繪川瀕高臺卓通衢豆登印
前修生徒盛簪裾講誦方歷歷揖讓兼于于杏壇
一枝春爛熳開榛蕪先生隱金門喟然歎歸與願
言從執鞭往賃堂廡居廁身都養末從容牖頑愚
庶幾遲暮季猶得秉燭趨

病況

透檐殘雪穴窗風沈病潘愁逆旅中材拙敢期同
舍恕過多須仗故人攻缺屑硯貯煙煤潤折腳鎔
支梢桺紅此卽暮季生計在官揮雙淚爲途窮

續集卷五

庚申

奉贈徐健菴前輩

婁水之所經巉峨玉山塔羨此一隅地人傑踵相
躡公家伯仲叔墳麓互醺苔翻然排天門聲望後
先接中朝共推印號爲冠蓋甲長公最雄邁戶外
朋簪益慙問傾篋篋宴笑倒樽楹頻曬長者屢且
置諸生榻辟若大瀛海衆流鮮不納習期極瀟灑
經術沉淹洽觀其所著書無語官落夾壯采陳繪
組宏音振鐙鞞當今右文時詔修經國業已開
蘭臺局匪但給筆札前史頗浩瀚殊論苦未協學
識如長公才又富開闢發凡必超妙寓思當周币

下上三百載歷歷在睂眖何不任著述俾作羣賢
法季紬金匱餘奴僕命壽勝

冬日憶堯峰作

黃泥迢迢接竹垞壞垣齷齪壁壘人家輸此湖蟹肥
堪嚙縮水邨醅賤易賒膩白泉如初滴乳爛紅楓
勝欲殘萼羨伊鄰容都無恙只守柴門領物華

病中三首

談遷彪固本相因玉局那堪賸病身回顧重鳥僅
三尺異時史稟付何人

屏當書籤檢藥囊儘判筋力柱風霜殘秋欲盡人

未續集卷五

五

猶臥不信蘭臺有病坊

鄉書遼絕客途窮身襟牛淩與馬通一笑形骸元

土木任佗流漂自西東

請告六首

筋力蹉跎肺氣衰膏肓豎子去還來行季自分無
官祿馮仗東歸厭此災

一輛柴車出 帝鄉著囊藥笈是輕裘羽觀莫笑

縑衣敝猶帶東萼輓土香

已辦輕驅屢曉雲東來萼信漸紛紛社前擬換江

邨酒解得銀魚未可焚

面如槁葉鬢如霜慙媿承明侍從行縱是 聖朝
堪眷戀也應歸骨故山旁

春向垞南泝北生紅英紫萼漸縱橫馮誰約束司
萼女小待先生曳杖行

劉了柔桑種薄田好騎簪角日周旋槿籬淡處柴
門迤不要安車特地縣

十季前請告與梁曰緝先生唱和遮字韻詩

凡數十首今日再次

去攜兒女管春萼重漱流泉蹋亂霞門外一行陶
令樹籬邊全幅趙昌萼青精黃獨堪爲飯竹几蘆

續集卷五

五

屏算是家京洛輓塵飛不到不須扇角帽檐遮

新春日再和

衰翁兀坐念春萼千里煙波萬樹霞每喜鹿麕能
戀草預愁鴟鴞欲唬萼事多結習難言學文欠師

承未入家歎息暮季須自訟敢將誇語向人遮

五續小游僊八首

西風昨夜起瀛洲贏得羣眞箇箇愁寧但蓬萊水
清淺琪萼瓊樹也含秋

紫殿頻催應制詩侍書僊子擁瑤輝筆稟巨筆從
頭掃但乞銀河作硯池

夜半瑤池宴月明
嬾聽瑤管太縱橫
狂來走向松陰下
獨自攜琴弄泛聲

天上材藝又一新
幾多牛鬼與蛇神
修文老吏迂疏甚
不是瓊樓作記人

藥鑪全按坎離安
每轉惟憂火候難
山鬼纔知一歲事
豈堪役使守神丹

釀桂餐芝已有年
願將身附地行僊
平生解笑施腸鼠
枉自飛騰不到天

急儼全家赴隱居
手籠雞犬上柴車
不知道側青牛客
何事淹留愛著書

續彙卷五

遠離塵土返巖阿
玉洞深嚴鎖閉多
回首長安舊銅狄
幾時相見再摩挲

書懷三首

急將壁服換朝衫
春水初生瀉去颿
猶自畏人重檢點
盡焚史彙諱頭銜

未必人閒行路難
衰遲自是合休官
長安大道如繩直
敢作叩嶠九折看

又趣輕裝去
聖朝松風蘿月足
逍遙行藏無與時
賢事嬾費心情解客嘲

得蘭兒家信作

自赴 徵書又判季藥囊
衣襟故依然病身寄蹟
如賓鴈鴒子催歸學杜鵑
去國但求鉏耒地挂瓢
須趁養等天從今莫作官人看
皓首龐眉是散僊

候 旨作

河上冰融草復斑
此身猶滯旅亭閒
藥無可染衰餘鬢
酒不能回病後顏
家業漸隨等竝落
客心先逐燕雙還
雲泥分與諸賢隔
喜有晉書念閉關

絕句二首

麥青漸覆東西隴
水綠初平大小谿
自媿不能嫺筆削
且畱此手學扶犁

續彙卷五

桑未成陰筍未萌
歸田聊自齒編氓
縣官比歲幾科急
辦取餘齡應踐更

畱別四首

恩恩馬首欲南行
賸喜尊前黍酒清
此別斷無重見日
故應翦燭話來生

小頓柴車大道旁
離亭分手柳條長
不知衰淚能多少
猶爲交情灑數行

去鉏藥補籬籬此
段風流自一奇
鴨鵝嶺前塋可老
免教人誦北山移

春明門外柳等香
故舊臨分黯共傷
從此雲泥相

契闊敢將嵇阮附山王

得 旨後作二首

濫簪綵筆廁蘭臺不是修門供奉材縱使此身真
化雀羽衣丹頂也歸來

爲報歸休事已諧欣然擎袂慙幽懷養牛尊酒三
公禮未及 君恩許乞骸

鈍翁續藁卷五終

續藁卷五

五

康熙甲子冬十一月同里周公贊校字

鈍翁續藁卷六目錄

南歸詩藁

違俗

連遇大風舟行甚遲戲爲二絕

津關二首

阻風

過談家莊始有杏萼時距穀雨僅七日

兀坐

題蘆鴨圖

舟中終日食韭戲作

續藁卷六目錄

一

以榆錢和麪蒸食之

張敦復前輩言汪茗文此行固善矣恨其不

肯從陸不及歸賞牡丹耳予聞之失笑今

日穀雨正牡丹盛開時也以水涸滯舟清

源感賦二首

清源

小住

絕句四首

重三日作

堯峰二首

食齊二首兩岸此菜甚多土人不知采也

旅宦

短檠

春晚

舟中飲酒

迂疏

荆門候啓牖得食鯖魚

兩岸無桃李因采蒲蘭及豆萼入小餅作供

戲賦此詩

濟寧太白樓其碑記爲吾家文節公所

續集卷六目錄

夜雨

書事二首

泊阜湖口其地多警

淮陰道中

隋隄柳枝詞二首

高郵湖

過眼

將抵家三首

又絕句二首

鈍翁續集卷六目錄終

鈍翁續集卷六

詩彙六

南歸詩彙

違俗

闌入少季場功名黯自傷病身坐翅在拙宦觸藩
羊史筆尊遷固玄言愛老莊半生違俗好安可點
班行

連遇大風舟行甚遲戲爲二絕

塵沙漠漠不逢春祇覺狂飈攪水瀕風伯也如時
態薄百端阻抑去官人

怡悵篙師色似灰數重雪浪競離厓老夫別有驚

續集卷六

心處新自風波宦海回

津關二首

正直風輕雨細餘孤舟蕭瑟旅囊虛關門令尹休
相阻身是衰季倦著書

雨中一舸小如梭襖被囊衣本不多季甚暮季窮
至骨免教關吏恣譏訶

阻風

絕無春事慰衰翁竟日彎環小艇中鏗鞳曾吟千
折水飛揚跋扈五更風黃埃全起迷平岸綠鴨驚
呼擾半空歷盡畏途今至此始知摧折坐天窮

過談家莊始有杏萼時距穀雨僅七日

纔賣餛飩餐醪粥江南萼信紛相續
緋桃繁李無數開社鼓
葵葵酒新熟燕齊之閒春最遲
若按月令斯失時篋中袂衣空復在
至今猶著羔羊皮
翁鳴子繞沙棠嘯鵝流鶯不到耳
清明已過穀雨來甫見杏萼初放
藥安得歸驅藥便風故鄉節物兒女同豆筴離離眠地綠櫻桃累累壓枝紅

兀坐

兼旬兀坐守船扉風物蕭條樂事稀
隨病淺淡頻議藥量時暄冷輒更衣
餅等計日愁將落沙草迎

續集卷六

二

風覺易肥未審兒暫相念否
醅醺開後決成歸

題蘆鴨圖

眇眇寒流遠接天
秋萼翻雪水凝煙
竹弓絲畢眞難到俗與沙禽自在眠

世路敲匭不易行
每身經處輒心驚
的應輸與滄江鴨慣狎風波了一生

舟中終日食韭戲作

長安豈非鷺黃色
雪萼飛時冒土出
菜市街頭初上市
每有豪門厚酬直
河干半月春風吹韭葉
尺許何離離
賔人吐弃不下咽
老夫甘之如蜜飴
午

餘漸黍炊香飯配以韭羹寧待勸
尊絲箭茁未足方欣然
舉箸空盤案偶謝微官還故鄉
但得一飽百事忘茹蔬噉藕不須擇
底用流涎思萬羊

以榆錢和麪蒸食之

黍飯齏湯故有緣
先生捫腹每悠然
旋收榆莢成清供
下箸何殊食萬錢

張敦復前輩言汪荅文此行固善矣恨其不

肯從陸不及歸賞牡丹耳予聞之失笑今

日穀雨正牡丹盛開時也以水涸滯舟清

源感賦二首

續集卷六

三

小艇搖搖未肯前
壁桃著子柳拖絲
爲耽煙水濃如畫
愆卻萼期又一季

洛陽人每稱牡丹爲萼見歐陽公譜

故里春光到關茶
尙隨鳬鴨宿晴沙
也知骨相殊酸薄
無福能看富貴萼

清源

孤艇清源上經旬
繫綠楊鳴浮貪淺水
燕語狎危檣淖鷺扶衰疾
渾醅潤渴腸滯留君莫歎
猶投一官疆

小住

卒承尺一返農桑
重理桃栽葺柳塘
仕宦不曾諳

小草文章何必做長楊鳴機白紵如雲薄出旂黃
杭勝蜜香相見莫詢京洛事爲君小住話江鄉

絕句四首

羣賢濟濟曳萼裾潤色斯文已有餘身是腐儒才
思拙祇堪歸校兔園書

九原精爽儼千秋有逐黃埃白草休何事時賢苦
相撼枉拋心力作蚍蜉

馬班未敢比春秋聊取前聞次第修歎息後來嚴
筆削直將書法接尼丘

學術文章兩未工三季噩寢苦恩恩還鄉但逐雞

豚社勝入任文外友中

重三日作

三月三日清源驛牖門水淺纔及尺老夫怕蹋輦
紅土卻向清源作羈客臨清士女不好事水邊初
無麗人蹟映隄綠柳坐陰陰繞瀨等鳬飛拍拍悶
來聊醉市上酤倦甚但屢牀頭席安得捩舵開布
帆閑弄煙波半篙碧

堯峰二首

遠憶堯峰麓谿山市故居層林吮戴勝淺瀨聚王
餘煙繞墟中綠風來水面徐時因行飯出初不更

籃輿

淥淨蜻蛉浦紫紆躑躅岡釣菴編短簑梵舍隱叢
篁遇蔭恆停杖逢邨暫乞漿峰前舊游地敲枕亦
難忘

食齋二首兩岸此菜甚多土人不知采也

攜籃挑取雪中芽未著鹽醃味已嘉說與諸僧都
不信放教徧地發鱖鰲

晚薺青青含甲媿蚤菰白白族科長江湖不少魚
羹飯未抵山蔬出釜香

旅宦

旅宦睽兒女窮愁滯歲時衰來顏暗覺毀甚骨先
知詞賦枚舉拙功名李廣奇昨非今未是惟悔去
官遲

短檠

烏皮小几夜淡馮欲揜殘書尙未能五十季中誰
耐久故交惟有短檠燈

春晚

不覺春又晚猶依孤櫂行河流半清濁天氣襟陰
晴吹水游魚樂迎風乳燕輕淮南眇何處千里暮
煙平

舟中飲酒

月黑風愈高雲腳坐到地繫纜楊柳根搖兀頗可畏蕭然拚蓬窗客悶排不易從來魯酒薄況復出邨肆霑屑取微醺過此卽少味譬若仕宦中沈沒吾所忌夜淡鐙火闌竝船皆熟寐挂颿理煙漿姑俟明日議

迂疏

黍飯蔥湯養此生悠然猶發嘯歌聲極知老大迂疏甚恰要兒替著眼驚

荆門候啓鴈得食鮓魚

續彙卷六

六

斗門縣飛流一片浪萼白樂哉羣魚來躍起每踰尺何人罾笊簪舉網三玄鮓柳條貫其頰作意猶跳躑欣然呼買之頗覺芳鮮溢我家太湖尾繁富魚千石或圓而縮項或狹而豐脊四腮或含紅細鱗或灑墨平時風月佳恆有斫鱠癖自從入京琴此味竟難直今宵享南烹乃得弃官力滿引蕉葉醺醉倒柁樓側

戲賦此詩

兩岸無桃李因采蒲蘭及豆萼入小餅作供一春宋莫動愁顏絕欠名萼任意扳小草恩恩也

承乏得登書几硯屏間

濟寧太白樓其碑記爲吾家文節公所作

先生本非狂古之天人也至今囑遺像丰采猶瀟灑憶當供奉時才譽傾朝壑高標南山松駿氣西極馬動名不能羈況乃富賔假一醉詩百篇吐納皆大雅泐然鍾呂鳴餘子悉喑啞游戲酒人中夫豈沈湎者遺耻任城隅千季構廣廈隱隱面層巒鱗鱗俛萬瓦尊醞時見酌碑文每爭打神爽游八極染雲儼來下

夜雨

續彙卷六

七

草際穉黿鳴林陰姑惡語蕭蕭秋葦聲送此打蓬雨珠梅牖前夜半行小艇點水如蜻蛉平明日出煙霏斂望見淮山一抹青

書事二首

數里南陽牖輕舸趁急流長季占雨候水面有魚浮

河伯祠前泊紛紛禱賽誇舟人爭餒肉不復顧神鵝

泊阜湖口其地多警

鷗鷺拍拍繞斜陽蘆荻翻翻渚潏潏祇喜病身僻

北闕官憂豪客出南塘雲連漲水微茫白風颺飛
埃慘澹黃賴有紫魚松菜美一尊風味似江鄉

淮陰道中

楚尾接吳頭長淮滾滾流王孫不可作芳草至今
愁繞岸魚蝦市連橋估客舟何煩羨騎雀計日到
揚州

隋隄柳枝詞二首

汴水依然日夕流烏栖無復綠陰稠枯查疑是前
朝樹曾與楊家繫彩舟

千里陰陰拂御舟阿麼行樂鎮無愁誰知身後雷

塘上一片蘼蕪埜色秋

高郵湖

蕩葉未生菰未長魚鷹飛飛來復往桃粦水至游
鱗多爭向中流蕩雙槳朝來捕得數斗鮮付與估
客不論錢但祈新嘯魚苗大便是湖邨小有亭

過眼

過眼歡悰少驚心歲月逾病身衰冉冉客路迴悠
悠櫻筍饒新味谿山感舊游歸來兒女大儻得話
離憂

將抵家三首

一別雲山已有年舊游重到輒淒然霜顚雪領歸
來客自是陳人不是僊

幾多朝士擅文雄誰復畱情記此翁老大去官君
勿訝時賢方重黑頭公

知識相逢話舊餘數行清淚落衣裾不須惱我頭
銜小已被虛名暗折除

又絕句二首

豆似瓊珠最覺珍含桃爛熟又嘗新暮季纔識歸
來味縱欠尊鱸亦可人

製得吳中釣具全一聲款乃向江天鏡湖底要君
王賜是處煙波好放船

鈍翁續集卷六終

康熙甲子冬十一月同里周公贊叔字

鈍翁續彙卷七目錄

洞庭後游彙

次韻觀侯山莊晚眺

微香閣

訪詩僧止白不遇

清曠閣偶成二首

與觀侯入舍山登一小丘有石刻題曰場兒

王五郎墓

湖中二首

贈李翁柱玄

落雲陂二首

藤樹歌

次岑公韻游林屋

洞山

贈橘香菴主

屏品

過平嶺見原田流水甚可愛

大龍渚

石公山道中

游石公山

鈍翁續彙卷七目錄

一

石公山後樓別四首

蟠龍洞
石梁

雲梯
石公菴

西山漁父詞四首

次韻寓李恪臣包山書屋

歸後戲與也二首

追述

蒙吳公紳索洞庭游彙賦此寄

附三游彙

包山書屋

西山觀梅二首

補洞山樓別二首

吳王離宮

浴娥池

由雞籠山觀梅遂抵落雲陂

嚴氏傳硯齋三首

鈍翁續彙卷七目錄

二

鈍翁續彙卷七目錄終

鈍翁續彙卷七

詩彙七

洞庭後游彙

予期以九月未定省七叔父於東山於是周子覲
侯復有西山之約晦前一日與覲侯及文子與也
訂行十月朔庚辰從子又衡先從予至山莊翌日
辛巳雨覲侯如期至與也失期壬午又雨候與也
不至癸未天稍霽遂偕覲侯又衡行既至東山寓
嚴翁公奔拙圃越三日丙戌侍叔父過寒山主姜
自宸家自宸爲叔父女夫予再從妹壻也具賓主
甚肅翌日丁亥乘姜氏舟入西山再主李恪臣家
往返凡十一日遇雨者一日得詩若干首覲侯及
釋同岑詩附錄如故事是歲康熙二十季也距前
游五歲矣

次韻覲侯山莊晚眺

偶爾畱嘉客行吟自豁然前山凝暮靄灌木障寒
煙徑小筇能活籬疏槿受編不知心遠未但覺地
尤偏

原倡

周公贊

晚來倚高閣眺望自悠然黃葉孤邨雨青山薄
暮煙坐檐橙蚤熟繞徑竹初編洵是柴桑客歸

田興獨偏

微香閣

樓居仙所好吾亦暫游行木落全湖現天寒衆壑
清亂雲隨地湧老樹與檐平淡魄黃冠客幽栖了
一生

次韻

前人

茅山有道士騎雀洞庭行我亦扁舟至相招凌
太清岳前雙桂老檻外一湖平願事赤松隱脩
然娛此生

訪詩僧止白不遇

島可居雖僻能容款戶人風松謹似雨秋靄澹於
春隙地寒蔬茂虎庭細草勻長明鐙下榻未莫自
凝塵

次韻

周公贊

藻麗今無敵長懷休上人碧雲天外思芳樹灑
前春籬白茶筇密臺紅柏葉勻閑房秋自好半
點不侵塵

清曠閣偶成二首

閻在拙圃

自悔登臨已按遲丹楓飄盡柳殘時莫嫌景物都
寥落石瘦泉清是一奇

雲繞修籬翠繞亭蕭然無客款柴局開窗遙對湖
流坐直取三山作硯屏

與觀侯入含山登一小丘有石刻題曰塲兒

王五郎墓

面湖背崦峰崔嵬不知誰管土一坏王郎定是玉
雪子吁此體魄歸蒿萊下塲胡爲禮不殺特建短
碣移松栽夕陽飛蜨低荏苒月落杜宇嘯裴回卽
今秋色繞楊樹無數黃葉堆蒼苔季季寒食梨萼
發紙錢麥飯何人來嗟予中歲屢喪子亦復餘淚
霑雙腮布帷翩翻寄卹舍瓦棺次第栖山崖人閒
此恨遣不易頓令目暗須皚皚與君歎息殊未已
西風忽蕩松聲哀

湖中二首

湖光似鏡映斜暉紫蓼黃蘆拂釣磯寄語羣鷗須
識我莫隨鵝鴨背船飛
西山景物近如何放取輕舟一葉過乍覺霜風寒
割面白魚黃雀繞灣多

贈李翁柱玄

記與山翁別於今屢判袂容顏俱老矣風物故依
然石筍穿階出藤梢繞墜縣果園仍好在又是橘

香天

落雲陂二首

斑斑薜萼明颯颯松風起時遇采樵人放歌入雲
裏

草中鳴閨泉松際來孤雀極望澹濛濛寒雲向空
落

藤樹歌

古榆一本有藤纏之頗若人力編輯者土人呼爲
藤樹

天王寺松石公石此榆怪甚乃其敵橫柯偃蹇春

霜葉卷七

四

復春綠陰盤盤白日昏修藤出奇與榆角嬾葉絲
稍相束縛歷季不知踰幾何樹紋絕似絲繩絡久
疑造物之有無今歎此榆天巧殊安得良工筆力
活寫配松石作三絕

次岑公韻游林屋

正值吳江又落楓來等僊穴與君同長松磔硤凝
肪白藥草離披結實紅路出漁梁樵隴上人行怪
石壽藤中猶嫌洞府幽淡極未許時流步屐通

原倡

釋大鑑

輕霜一路染丹楓太史尋游衆客同爆竹聲謹

傳洞冷紗籠光燭禹書紅鍾翁命諸從游者山
疑地肺蒼煙外松作龍鱗碧淵中坐想隔凡岳
穴下波濤定與十洲通

同前

周公贊

千株橘柚百株楓路入僊源便不同雲竇秋寒
凝體白鮮書歲久帶霜紅神鉦石鼓煙嵐外玉
柱金庭想像中何牽迫隨蓬島客窮搜靈異許
相通

洞山

輕雲霏霏不成雨天風駕我洞山去盤空曲徑遠

續集卷七

五

橫翠迸壁細泉旋滴乳山中風物故翛然綠毛老
僊不知處玲瓏古竇栖蝙蝠天矯修藤竄鼠松
閒藏丹好在無憑誰乞我刀圭許我欲徑肩長柄
械來斷層嵐撥煙土茯苓如人杞如犬玉延之根
大如股佗季服餌生羽翰儻籍姓名書洞府

贈橘香菴主

等是孤峰頂經營絕不同橘萼香滿樹茱甲翠成
叢詩向禪中悟心從境裏空自今蓮社約未可欠
陶公

屏岳

一轉一幽境肩輿暫許停蜚飛方款款鳥語每惺
惺遠樹俱黃纈層岳是綠屏欲尋舊題字嵐雨幾
凋零

過平嶺見原田流水甚可愛

疑是武陵天人家十數椽危橋跨清壑細路入平
田鳥影藏紅樹雞聲出翠煙此中堪大隱何必羨
游僊

大龍渚

往季龍渚下陽侯頗爲虐乘風駕怒濤澎湃穿石
腳水石互吞吐中有大聲作噌吰而鏗豁相應儼

續集卷七

六

奏樂今季秋不雨湖流數尺縮不暇閉奇觀一一
通戶鑰此是龍所家定役神力鑿鰲若老蛟騰森
如奇鬼搏大石最峻嶒小者復秀削幽竇誠宵溪
平陂忽開拓徧黏滄穀文或挺芙蓉夢曲折境屢
變來游每驚勞始知人世外別自具丘壑嗤彼甲
乙選品題未云確

石公山道中

一徑入平岡邨居迤邐長天寒松圃綠歲早橘田
荒石骨棱棱古茶萼澹澹香經行皆畫本收采滿
奚囊

次韻

周公贊

遙指鳳家岡丹泉翠樾長樓臺仍好在松蘿欲
全荒水出雲根秀風迴藥草台主人不可見空
自抱琴囊附在山西舅氏鳳翁勳卿所居曾借
汪先生造訪追重游而吾舅下世先
矣一載

游石公山

微雨夜來歇初陽麗峰顛綠蕢蕩寒流盧橘謁輕
煙欲盡所歷妙肩輿止復前石公最蒼秀獨立俛
平川露涵葛萼紫風送禽語妍絕壁眇千尺惟有
緩綵緣我將巢雲松於此求長季僊人儻可呼騎

續集卷七

七

崔來蹕蹕

石公山後襍咏四首

蟠龍洞

洞口繞流水洞中卷白雲那知蟠此者不是洞庭
君

同前

周公贊

貝闕接珠宮岳前住老龍如何行雨去但遣碧
雲封

雲梯

雲北嵐千尺雲南浪數重試從梯上望七十二芙

著

同前

此路何年開白雲可與齊自憐癡骨重空望上
天梯

石梁

淙淙雨後泉爭向層岳落一石駕長虹行人愁著
腳

同前

危梁出湖中沿滑我猶度佗時煙水淡扶筇但
延佇

續集卷七

八

石公菴

山僧荷鋤處曲徑頗幽絕離外客來稀款冬萼似
雪

同前

古壁繪蒼蘚陰崖坐碧萼由來幽勝地占盡是
僧家

西山漁父詞四首

澹日輕煙漾綠漪鱖魚吹浪尚遲遲阿儂要放蜻
蛉艇直待風斜雨細時

魚價今季逐漸強偶因換酒到山鄉簪笻箇箇盛

魚滿一寸銀刀論斗量

吳人謂
賤爲強

生長湖中上岸稀
石船只在蓼萼磯
鷓鴣鵲鵲都相熟
長傍船頭自在飛

兩過雲頭日日陰
石鰲腳下水痕淡
全家習慣風波了
不怕湖邨便陸沈

次韻寓李恪臣包山書屋

舊有毛公占盡春
岳栖今復見幽人
拓開泉石俱成畫
邀取湖山竝作鄰
釀黍時時簞玉醴
搗橙細細膾銀鱗
客來況值佳風月
不覺淹留便及旬

原倡

周公贊

續彙卷七

九

初冬天氣暝如春
谷口重來問故人
藹待陶公微有徑
山園謝宅四無鄰
堆盤霜橘嘗朱實
入饌湖魚剖白鱗
此地風光殊不惡
行游莫計動經旬

歸後戲與也二首

山人合在山中住
有底忙時與約違
但遣不嫌秋宋莫
生綃盡搗洞庭歸

丹林翠壑繞嶙峋
游屐猶嫌欠一人
安得無聲詩入妙
竟傳湖上兩山真

追述

得尋洞府亦前因
追述游時不厭頻
丹穴乳泉皆異境
黃甘陸吉是幽人
穿林翠羽形容麗
出網銀刀氣味珍
除是翛然塵外客
更誰解問五湖津

蒙吳公紳索洞庭游彙賦此寄

平生愛山看不足
支頤遠望西山麓
今季身似不羈雀
竟理飛颿挈行樸
山中佳處推石公
俛視羣峰皆婢僕
怪奇自是驚心魂
秀麗真能撲眉目
橘林璀璨步障錦
雲巒宛轉屏風綠
天風不起鏡流平
展盡生綃三百幅
老僧知我非生人
炒鼎鬻茶頻見肅
枇杷夢開雪滿路
點綴衣巾猶馥馥
危橋

續彙卷七

十

天矯曲洞幽別束
行滕恣揆逐洞裏
僊人不我暝徧啓
窗櫺驅蝙蝠數堆
石體堪采喫味美
勝餐玄圃玉從今
解笑嵇叔夜俗骨
塵緣無此福歸來
悅惚寢中游欲記
旋忘什五六明春
約君共長往拂石
更題招隱曲

附三游彙

甲子春正月

包山書屋

每維小舫輒淹留
爲愛君家草閣幽
簾外湖山如卷畫
庭前芍藥儼丹丘
筆牀茶竈眞高隱
布韞青鞵亦勝流
安得從今隨社燕
年年相訪作春游

次韻

周公贊

青簾白舫似堪留，谷口名盤地最幽。
高閣入雲連洞府，好琴帶雪滿林丘。
詩文已率名山業，冠服尤推隱者流。
二老相逢成一笑，十年三度得同游。

西山觀梅二首

處處梅萼映雪明，筇輿竹杖恣經行。
天公似會游人意，貸與斜陽半日晴。

漸覺林閒有落英，山僧導我歷柴荆。
丁寧莫問山溪淺，但揀梅萼多處行。

續集卷七

土

補洞山樸咏二首

吳王離宮

梁欒久無存，荆榛冒荒土。
時時秉鉏人，斷得折釵股。

同前

周公贊

荆棘皆臺榭，煙煤是綺羅。
浣紗人去後，嘯鳥學清歌。

浴娥池

壁泉脂粉香，傳是吳娃浴。
至今葦簍中，鴛央每雙宿。

同前

聞說浴妖嬈，千季香粉銷空餘。
池草綠一道，似裙裾。

由雞籠山觀梅遂抵落雲陂

竹兜隨意好，地邈繞嶙峋。
斜照明殘雪，飛泉破暗塵。
雲痕侵杖屨，琴氣惹衣巾。
解笑劉郎俗，僂源枉問津。

嚴氏傳硯齋三首

迢迢先澤冠，東吳太守詒。
謀近亦無絕，勝風流王內史。
祇書小卷付官奴。

續集卷七

土

室有牙籤映縹緗，庭前書帶數叢長。
封胡羯末今如許，未怕季來硯沼荒。

燕窠凝香有咎賢，百季手澤至今傳。
銅山錢埒知多少，不敵君家寶硯田。

書洞庭游橐後

響基

吾吳山水惟洞庭，寔稱大觀前人登。
臨歌咏見於紀載者，可謂詳矣。
獨是去城百里，限以太湖之險。
雖時時往來於胷中，究未得一至其地。
以爲恨。先是丁巳秋，堯峰先生偕俞無殊、周觀侯、周孫雲游焉。
有洞庭游橐一卷，俞周之詩亦閒。

附其中基讀而豔之辛酉冬十月先生復往游從者爲觀侯及先生之從子又衡也先生得詩則益夥觀侯又衡則亦有詩有記狀物寫情皆前人所未道基讀之益自傷思天下惟功名爵祿或有命焉不可強也至若山林鸞鳥之通師友之弦歌講業歷覽肆志亦何求不得先生凡兩游而俗累牽絀一不獲從則益信乎其窮也答昌黎韓子作滕王閣記以不得躬覽其勝一唱三歎有餘思焉然千百季後讀其文無不爲之流連愴慕則其文之所留遺顧不倖哉基既無其遇復無其文將何以自解免然每讀先生之詩則煙雲之麗泉石之奇金庭玉柱之勝以及晦明變化魚鳥飛躍之致良田美地梨棗橘柚桑竹杭秫之饒凡足以發皇神智澡漑臟腑者宛然遇之尺幅之間雖未至其地而所得已多矣此韓子之所不能兼而基得傲韓子以其所不及者也夫又何恨抑庶幾佗日者先生復爲洞庭之游尚請奉几杖載琴書備冠者童子之列於以極縹緲之高窮林屋之深磅礴湖山之麓取先生之詩而盡和之以夸耀侑周諸子

續彙卷七

七

或未可知也因敬書一言以竣

純翁續彙卷七終

續彙卷七

七

康熙甲子冬十一月同里周公贊校字

純翁續集卷八目錄

歸田殘藁

吳公紳同周觀侯移庖過堯峰山莊觀侯有詩因次韻二首同集者張六子王咸中及公紳次子于石也

題天台訪道圖二首

杏萼

送宗人舟次出使流求

和說巖先生見寄絕句次韻六首

和施愚山見寄去歲贈別口號次韻四首

續集卷八目錄

送周觀侯還洞庭次曉法師韻

再用東字韻送觀侯

寄阮亭先生三首

堯峰懷觀侯

過江氏小山書屋

送惠生元龍并寄綸霞僉事

和諸君子題元龍城東新居圖絕句次韻四首

首

贈沈丈三絕句

舟過虎丘

堯峰山莊招公紳觀侯

吼葉

吼蠅

經營

又題

汎谿

過吳氏南垞草堂

示觀侯三絕句

遇東山王墨池

檢視小園粗了因作

續集卷八目錄

虎丘訪客

畱客

再過南垞草堂

月夜偕周生子瞻登吳氏樺雲閣

答友人出山之問

贈西山李翁柱玄

贈橫金沈丈景之

月下演東坡語二首

甲子冬十月記事詩五首

雪後邀曉師同往蒼鴈三首

題葛震甫畫三首

鈍翁續彙卷八目錄終

續彙卷八目錄

鈍翁續彙卷八

詩彙八

歸田殘彙

自壬戌歲起至甲子冬止

予自南歸僅逾月而喪次妾馬甫期年而喪長妾張不二載而又有幼子景蘇之變歿喪海至衰疾益增遂不復畱意吟咏閒有所作輒隨手弃去其本周子觀侯從後訪求掇拾止得十之三四故以殘彙命名云

吳公紳同周觀侯移庖過堯峰山莊觀侯有

詩因次韻二首同集者張六子王咸中及

公紳次子于石也

續彙卷八

枳籬茅舍也生春今兩欣逢客到頻徑有茶梅初放豔盤登鮭菜卒嘗新喚晴小鳥爭穿樹趁暝羣遙欲撲人多少筍興兼畫舫除君誰慰病餘身喜君載酒遠尋春徑造無煩叩戶頻詰曲樊垣麕勝舊青蒼杞菊恰含新疏篁橫疑妨路馴鳥梳翎似狎人何日耦耕敦夙諾歲寒都作老農身

題天台訪道圖二首

絕壁危梁似畫圖此中有路建僊都蓮萼不托胡麻飯能向山家少住無

自離洞府入塵寰丹竈全拋箇露閒若見諸眞馮

寄語鈍翁久謫頗思還

杏萼

煙雨迷濛古岸斜
澹紅淺白繚邨家
緋桃未放細梅落
占斷風流是此萼

送宗人舟次出使流求

同館四同姓聯行
若鴻鴈推君尤傑出
夙簪妙辭翰方葺
明陽秋聲望甲東
觀史筆有乘長紀表
志傳贊公暇複製詩
信手龍蛇攬煙墨之
所到終篇無點窳
吾儕適旁睨重裘透
慙汗由此邀主知
天語屢嘉歎邇者稱
王人尅期涉浩瀚破
浪長

續彙卷八

二

風中要齟壯夫願
玉韉錦麟袍新從
御前換東閣梅未
萼畫錦達里開長
官負弩矢騶騎填
驛岸瓜步蒜山閒
父老夾道看去作
萬里游奇絕平生
冠鰲脊高于山鯨
目爛如電日月沐
浴處試倚柁樓甌
水天略相接積氣
眇難判欲求彭湖
嶼遠碧浮一綫始
知木玄虛所賦曾
未半槩機亦吾心
惜受老疾絆佗季
待君還雞黍尚可
辦當於談笑餘歷
歷徵變幻臺中奉
使錄技讎應弗憚

和說巖先生見寄絕句次韻六首

白版雙扉畫亦扁
姓名羞入長官廳
只拈舊日陽

秋筆箋徧田家未耜經

鬻石燒金別受方
采芝蒸朮更堪嘗
馮渠算盡周醴數
惟有歸田一策長

交諠元非白首新
偶緣身厭輓紅塵
才疏未是稽康比
何忍將書絕故人

拈取幽栖說似君
鳥窠暖穴與平分
不愁歲儉饑寒甚
紉了谿荷餌澗雲

細草茸茸繞席門
堯峰一曲敢言尊
農書大有奇文在
要與鄰翁細討論

平生亦解羨瀛洲
歲晚其如倦宦游
縱使此身真老健
不堪筆削也玄休

續彙卷八

三

和施愚山見寄去歲贈別口號次韻四首

歸來空學地行僊
分向溪山了暮年
獨羨君爲香案吏
至今身在玉皇前

領雪顚霜倍覺明
燒丹種玉苦難成
此身已是無家了
只荷劉郎一鋪行

飛泉曲折下平沙
來往時時有釣槎
從此殷勤屬流水
莫教浮出洞中萼

虎阜西南崔嶺東
幽栖不與市塵通
飛萼語鳥頻相續
常似人間二月中

送周觀侯還洞庭次曉法師韻

十季飄泊市門東何季重移故里中一路采詩尋
異境全家斷藥入幽叢僊壇高與天風接古洞遙
將地脉通亦擬架秋理煙榜茶邨橘社得君同

再用東字韻送觀侯

世事低低大小東羨君歸隱故山中但攜琴雀爲
家計別貯澆苓備藥籠學術故應師屈蠅文章要
自擅離蟲不知洞府揆奇暇可有心情記病翁

寄阮亭先生三首

待 詔諸賢滿廟廊才名真擅漢京長鄉枚賈董

續集卷八

四

如麻葦未數區區白髮郎

史筆何時到獲麟不妨收取不貲身故人知我吾
能記許向江湖作外臣

崔痠龍鍾絕可憐擬求靈藥養餘年弃官亦是尋
常事直比巢由恐未然

堯峰懷觀侯

獨巾蒲扇草堂中未覺炎蒸病翁高柳陰陰敲
遠翠疏萼宋宋裊長紅松閒漸吐嬋娟月蘋末遙
生荏苒風試說似君君愛否幾時清賞兩人同

過江氏小山書屋

秋色澹融融聊行小徑中書欄饒曲折文石擅玲
瓏叢桂多季綠盆魚一色紅游從都似舊欠了鹿
牀翁俞無殊自號鹿牀

送惠生元龍并寄綸霞僉事

惠生元非山澤癯東吳學者推通儒六經訓故師
馬服五言章句卑應徐連季樸被事行役往返殆
受饑寒驅平原先生富才望生也從之曳修裾填
荒彼此迭醺倡豈伊挾瑟逢齊竿昨朝喜生似憶
我拏舟竟過堯峰堞蓼萼炫眼繞壁岸候蟲聒耳
鳴階除此時空山苦宋與季哉有客來門廬夜淡

續集卷八

五

共翦兩窗燭每聆快論頻軒渠生言平原許受粲
行將脂轄馳驢車丈夫故有四方志安能拘守待
菟株嗟予與生交契久相需不啻蚤隨驢如何忽
被有力奪後來彭戴知誰與一髮青山是齊魯望
中道路殊縈紆老夫老矣衰且甚過從無日良可
吁祇今平原亦閒闊折柬未附雙鯉魚江湖滿地
水流碧鴻鴈叫月天涵虛歲寒但願佳眠食爲予
問訊今何如

首

和諸君子題元龍城東新居圖絕句次韻四

亞城東去結雲亭綠樹紅橋儼畫屏略與硯谿風
味似夕陽惟欠亂山青

元龍故居在東
渚前臨硯谿

平田一曲恰當門蝦浦牛欄埜趣存但得繫心晨
夕共不妨噉作小南邨

竹門松徑接烟蘿剝啄由來好事多粿月中閒頻
得句不知誰與作羊何

也會軒騎往尋春谿水接藍柳拂塵牽俗圖中最
佳處爲儂添箇白頭人

贈沈丈三絕句

與君連袂舊情親今日俱存歲暮身牽得谿山相

續彙卷八

近住杏粿邨裏話朱陳

山莊南去接橫金數里邨居煙靄淡每向榻船橋

畔望優思理楫一相等

橫金鎮卽
沈所居也

別開蓬徑繞巖阿未有羊求共歎歌準擬與君成

二老不論時節數來過

舟過虎丘

載酒出粿涇秋光似畫屏破煙雙白鷺點水一青

蜓漁鼓譙孤店淺船下淺汀雲崑看漸近佛塔已

亭亭

堯峰山莊招公紳觀侯

別久能懷舊老蒼提攜藥笈與詩囊枇杷黃後忙

粗減叢桂丹時興最長水面呻吟奈曉月門前剝

啄趁秋涼莫嫌埜空貧廚薄翦韭烹鮮益共嘗

咏葉

多少離披綴綠枝不禁霜打與風吹而今賸有枯
條在憶女成陰障日時

咏蠅

陡覺金風透袷衣紛紛落葉擁荆扉青蠅能得多
時活猶逐斜陽暖處飛

經營

續彙卷八

又值春將盡淡山換物粿粿殘纔割蜜雨過旋收

茶浸種出陳穀縑絲修故車謀生忙未了眞作老

農家

又題

莫信身無事經營詎有涯醫粿鍼蝨穴壅樹掬蠶

沙短竹扶籬密修筒引水賒雨秧畦薊竟桑雨復

鉏瓜

汎谿

今日佳風日沿谿任短檣綠沈籠岸樹黃豔繞灣

粿魚婢吹微浪鳧翁立淺沙前邨猶里許隱隱犬

聲謗

過吳氏南垞草堂

飯餘屣步出於此每盤桓高下數株石周遭已字
欄廣除分美蔭園沼引清湍筍嫵茶香熟爰令老
抱寬

示觀疾三絕句

城東大道接城西三日秋霖是處泥何似山莊清
絕地陰陰喬木畫眉曉
此身未覺老蹉跎醉向鐙前每放歌新製荷衣耐
涼冷今宵添得酒痕多

續彙卷八

八

顧林翠靄繚邨東一箇茅齋罨畫中君若不嫌雞
黍儉未須分手太恩慇

過東山王墨池

輕舟來自巨區東石隄莊前偶爾逢等是暮年君
較可老夫顏狀更龍鍾

檢視小園粗了因作

料理家園畝許寬輕衫團扇據牀看餘萼隱隱藏
淡葉小蜨翻翻度曲欄加糝箭萌含嫵綠蘸鹽梅
子樵微酸竊居自是饒情味未要尊疊佐一歡

虎丘訪客

亂石疏泉數曲淡祇緣佳客慰幽尋山僧靜掩微
琴室滿徑綠槐生晝陰

畱客

短椽疏牖接修廊剝啄聲稀清晝長馮仗幽人寓
碁簞與君飽享竹閒涼

再過南垞草堂

鄰家草堂好徐步不嫌頻藤翠穿松腹落文裏石
身樾清多語鳥澗淺少游鱗所牽佳風月過從互
主賓

月夜偕周生子瞻登吳氏撐雲閣

續彙卷八

九

今夕是何夕相攜草閣前一規銜嶺月數縷別邨
煙藤影裊絕壁松聲蒼暗泉彩雲天半落吾意始
將僊

荅友人出山之問

不嫌埜父便交歡諱說頭銜是史官車爲久懸差
再駕冠空長挂怕重彈叢祠散社分餘肉僧益逢
齋寄一餐此段風流那易得有馳嶮岨涉波瀾

贈西山李翁柱玄

曾陪杖屨兩經旬知好樓居斷俗塵邀取石公爲
老伴句連洞府作比鄰飢盤多摘黃金實入饌惟

烹澹墨鱗丹白藥鑪俱好在的應已證地僊身

贈橫金沈丈景之

老去知君久息機
肯將蹤跡狎塵機
隱囊棋局風流在
布韞青鞵逸典飛
啄黍黃雞雙蹠美
輸苾紫蟹巨螯肥
一尊從此堪相對
況有籬英采未稀

月下演東坡語二首

自入秋來景物新
地邛放脚任天真
江山風月無常主
但是閑人卽主人

隱隱清規吐遠山
酒鎗茗椀頗相關
人間何處無風月
欠箇閑人似我閑

續集卷八

十

甲子冬十月紀事詩五首

遙望龍顏漸儼然
鵠頭繡繖綠祥煙
不愁日與長安遠
此地重瞻尺五天

右與坊院諸臣恭迎御舟於潯墅

咫尺天威大道旁
寂慙衰病失趨跼
誰知分外承恩顧
不忘先朝執戟郎

右御舟前泊蒙偏詢諸臣姓名獨不及臣
琬琬因自通蒙諭曰曉得

早潦蝨螟政苦頻
窮檐無復見京囷
至尊特地坐清閒
是處吳儂頌聖仁

右蒙 俛詢吳中秋成臣琬謹對曰今歲

歉收夏大水秋不雨

雲漢宸章迥不同
小臣拜賜草堂中
山南父老驚相語
夜有榮光上燭空

右蒙 御書之賜詳具閣記中

竹屋茅檐寄此身
門依邨曲對嶙峋
白雲淡處青山下
僥倖君恩作散人

右白雲淡處云云卽御書中首句也

雪後邀曉師同往蒼陽三首

凍雲淡雪壓檐明
乾鶴飛來忽報晴
縫取納頭修

續集卷八

十一

展子與君準備撥春行

殘雪初當見曉時
筍輿穿歷自遲遲
先生不憚衝寒出
如此風流也大奇

心血方當頻耗後
筋骸況值已衰時
分明曾記兒曹屬
多看梅萼少作詩

題葛震甫畫三首

五字清新久絕倫
如何竹石又通神
湖州僭耳風流在
五百季中有後身

微芳冉冉借光風
萼叢生杞棘中
怪得幽人寫空谷
祇緣臭味與渠同

竹君挺秀敞高岸蘭友滋芳被埜田倉卒寫真俱
酷似此韻風味亦儻然

鈍翁續彙卷八終

康熙甲子冬十二月同里周公贊校字

青溪集

三

鈍翁續彙卷九目錄

經解一

易八卦方位圖說二則

卦對圖說二則

上下經系卦說五則

象說

陽爻稱九陰爻稱六說

陰陽老少說三則

八卦皆配九數二則

坎離乾坤之大用

續彙卷九目錄

八卦在五行之先

卦義襍說二十四則

附卦對圖解一

卦對圖解二

卦對橫圖三

卦對豎圖四

十二辟卦陰陽進退圖

鈍翁續彙卷九目錄終

經解一易

八卦方位圖說二則

河圖者文王八卦方位圖之所自出也按河圖之位以五生數統五成數是故一六居北所謂天一生水地六成之卽坎卦所以北也二七居南所謂地二生火天七成之卽離卦所以南也三八居東所謂天三生木地八成之卽震卦所以東也四九居西所謂地四生金天九成之卽兌卦所以西也然則文王四正卦之方位本法河圖而邵子所謂

續彙卷九

一

伏義之圖則不知所本此先天之學所以見非先

儒也朱子既主邵子而佗日又有康節說伏義八卦近于窮鑿附會之疑後之學者可以審所從矣陽主生陰主殺南主生北主殺乾坎陽卦也而居北殺萬物之至者所以生之也坤離陰卦也而居南生萬物之至者所以成之也推之而極于盛衰禍福喜怒哀樂其倚伏亦猶此也

卦對圖說二則

坎離固皆正對震巽艮兌亦未嘗无正對也頤小過者震艮之正對中孚大過者巽兌之正對是也

六子之中惟坎離能各自成卦震巽艮兌雖有正卦亦必兩相附而後成此坎離所以爲乾坤大用也

震木陽木也艮山陽土也山必宜木故震艮相附而成卦巽木陰木也兌澤陰水也水草所鍾爲澤故巽兌亦必相附而成卦

上下經系卦說五則

先儒謂乾坤爲上經之主坎離用事是矣然亦有辨焉自泰否以前乾爲主坎用事者也屯蒙需訟師比六卦皆有坎雖震長男艮少男亦必附坎而

續彙卷九

二

後成卦天一生水也自泰否以後坤爲主離用事者也同人與大有則離先合乾噬嗑與賁則離又

合震艮地二生火也于是聖人以坎離終焉泰否以前有坎无離泰否以後有離无坎

先儒謂艮兌巽震爲下經之主是矣然亦有辨焉自損益以前艮震用事遯大壯蹇解四卦皆艮震也至損益則艮震與兌巽合而兌巽始用事損益夫婦萃升困井革鼎凡十卦无不有兌巽者至漸與歸妹二卦則艮震又與兌巽合矣巽長女兌少女皆陰也巽陰柔而善入兌陰柔而善說兌巽用

事得非末世之象與

上下經雖卦數不同而其卦往往遙對咸恆與乾坤對損益與泰否對夫婦與剝復對小過與頤對中孚與大過對既未濟與坎離對上經主天道乾坤泰否剝復坎離皆天道之自然者也下經主人

事咸恆損益夫婦既未濟皆人事之必至者也

乾坤者萬物之男女也咸恆者一物之天地也泰否者乾坤之合坎離則天地之所以泰否也損益者咸恆之變既未濟則男女之所以損益也泰否必相循環然後能立天地使无水火則天地幾于

續彙卷九

三

渾沌而并無所謂泰否矣孔子曰天地絪縕萬物化醇此言水火之在天者也損益亦必相循環然後能成男女使无水火則男女幾于冥頑而并無所謂損益矣孔子曰男女構精萬物化生此言水火之在人者也天道相禪而不已人事相因而不絕則皆水火爲之也是故天地消息于水火之中男女亦成生于水火之中

泰否者乾坤全體之交合也則在上篇咸恆損益既未濟者乾坤分體之交合也則在下篇

象說

易之取象不同有取半體者有取似體者有取互體者有取伏體反體者又有取互變體者故曰易變易也不可以一說泥也何謂半體如小畜三四得坎之下二畫則象辭稱密雲不雨是也何謂似體如頤稱龜大壯似兌稱羊是也何謂互體如震九四互坎則四爻稱遂泥是也何謂伏體如同人內卦離伏坎則稱大川是也何謂反體如鼎內卦巽正兌之反則初爻稱得妾是也何謂互變體如乾九三互變離則三爻稱終日是也

陽爻稱九陰爻稱六說

續彙卷九

四

乾卦陽純乎九者也故用九坤卦陰純乎六者也故用六佗卦九六相錯故无用九用六之辭

陰陽老少說三則

老陽者純陽无陰老陰者純陰无陽少陰少陽者陰陽相錯故曰三陽而二陰三其三三其二而爲老陽老陰之數兩其三一其二而爲少陰之數兩其一一其三而爲少陽之數也

三奇爲九三偶爲六一奇二偶爲七一偶二奇爲八九六七八之數卽八卦也

陽老則陰伏焉故老陽之九退卽爲少陰之八陰

老則陽生焉故老陰之六進卽爲少陽之七

八卦皆配九數二則

天之生數九其成數亦止于九是故八卦之畫乾三坤六爲九震巽坎離艮兌六卦兩兩相對男五女四其數亦皆爲九此與天數合者也天地各有生成之數而八卦獨具天數者地統乎天也朱子謂洛書以奇數爲主聖人作易所以則洛書者義取此也

乾一與坤八合兌二與艮七合離三與坎六合震四與巽五合其數亦皆爲九故曰八卦皆配九數

續彙卷九

五

坎離乾坤之大用

乾坤體也坎離用也大小過宵坎頤中孚宵離者蓋長少男女亦未有外水火而能成陰陽者也故曰坎離乾坤之大用

八卦在五行之先

乾兌皆金也震巽皆木也象傳惟言天地水火雷風山澤置金木不言者金藏于水木生于地開闢之始猶未有金木故也故曰八卦在五行之先

卦義襍說二十四則

天一生水地六成之故乾坎先合爲需訟坤坎次

合爲師比地二生火天七成之故離合乾爲同人爲大有其所以不合坤者則先儒所謂上經乃易之陽體合陽不合陰是也

乾中爻互變皆離坤中爻互變皆坎坎離所以爲乾坤之用也

泰和蕭氏曰六子如巽離兌皆陰也震艮雖陽又皆偏者也惟坎得陽之中故在六子中最賢最先用事其說則誠然矣然震與坎合而互艮爲屯坎與艮合而互震爲蒙一卦之中三男皆具坎雖最先用事震艮亦未嘗不在也此聖人次屯蒙之微意也

續彙卷九

六

屯六二變節此女子之屯而守節者也故曰貞不字十年乃字蒙六三變蠱此女子之蒙而善蠱者也故曰見金夫不有躬

上地下天曰泰上水下火曰既濟皆逆行者也故曰易逆數也

泰之九二曰包荒陽包陰也否之六二曰包承陰包陽也陽包陰則爲君子畜小人之象故泰陰包陽則爲小人容君子之象故否逮其甚也君子不惟不能畜小人也方且以君子攻君子小人不惟

不能容君子也方且以小人攻小人是則大亂極敗之道也

泰之上九曰城復于隍此天道之循環也聖人言泰變而否之易也否之上六曰傾否先否後喜此人事之輓回也聖人言否變而泰之難也轉否爲泰舍九五之大人其誰望焉

不耕穫不菑畲則福之无妄者也行人之得邑人之災則禍之无妄者也禍福不可以逆億惟君子修身俟命能不貪无妄之福而不憂无妄之禍天氣下降者也坎水得乾之中畫故潤下地氣上

續彙卷九

七

升者也離火得坤之中畫故炎上

兩坎相接三四中虛此坎中有離也兩離相承三四中滿此離中有坎也故曰坎離乾坤之交非若震巽艮兌各不相蒙者也

坎中爻互震艮震艮中爻亦互坎此兄弟相從之義也離中爻互巽兌巽兌中爻亦互離此姊妹相從之義也

咸象之爲拇爲腓爲股爲脢爲輔頰舌者梁山來氏曰男女相感之情莫如年之少者一身從拇而上自舌而下无不以情相感故聖人取象焉其說

則誠然矣然而感必以正相感而非正則于男女之情有餘而于夫婦之道不足也艮止也止乎禮義則正故彖辭戒之曰利用貞

咸感也兌說也然而有心以感人則其相感也必淺故不曰感而曰咸飾言以說衆則其相說也必僞故不曰說而曰兌

損卦損乾之上爻以益坤之上爻是兌損而艮益也益卦損乾之下爻以益坤之下爻是巽損而震益也在先天則爲損陽以益陰在後天則爲損女以益男也此先後天之分也

續彙卷九

八

天地之化專者不生牝者亦不生春秋傳曰男女同姓其生不蕃穀梁亦曰獨陽獨陰不生獨天不生此專者不生之驗也損卦六三爻辭曰三人行則損一人此牝者不生之驗也

彖傳曰困剛揜也是柔困剛也及觀爻象則又剛柔交困困于酒食困于金車困于赤紱剛之困也困于株木困于石據于蒺藜困于葛藟于輓輓柔之困也以木石蒺藜葛藟之困按酒食車紱始加甚焉至六三之凶又有夙期將至之象然則小人之困君子終不免于自困也果何益哉

漸女歸之正者聘則爲妻者也歸妹女歸之不正者奔則爲妾者也故漸之九三九五爻辭得稱夫婦歸妹不稱者示娣娵不敢與女君抗也

萬物之質變化于水是故屯卦坎在上以水始也未濟坎在下以水終也未濟之終于坎者亦猶十干之終于壬癸十二支之終于亥也傳曰五行以水爲本其星玄武嫫女天地所紀此之謂也

心實則誠乾三畫皆實故聖人以誠言之心虛則敬坤三畫皆虛故聖人以敬言之坎離乾坤之大用也坎得乾中畫故其象辭曰有孚維心亨亨者

續彙卷九

九

誠也離得坤中畫故其爻辭曰履齎然敬之无咎誠敬所以爲心學之本也

天地之數五十有五班固曰五六者天地之中數也是故五十有五之中去其五則爲大衍之數去其六則爲大衍之用數

六畫而成卦故六其老陽之數卽爲乾之策六其老陰之數卽爲坤之策

乾爻以一函三參天之說也坤爻以一判二兩地之說也乾奇三畫震坎艮各得其一巽離兌各得其二合之爲十二畫以一函三三其十二畫是老

陽數也坤偶三畫巽離兌各得其一震坎艮各得其二合之亦十二畫以一判二二其十二畫是老陰數也

立天之道曰陰與陽立地之道曰柔與剛立人之道曰仁與義故聖人于乾卦言仁坤卦言義所爲法天地以盡人道也班固曰仁者生生者闡義者成成者方故仁屬乾義屬坤也

河圖之數陰陽生成相配洛書之數陽居正位而陰居偏位河圖之數十而方隅次序未嘗不止于九洛書之數九而一與九對二與八對三與七對

續彙卷九

十

四與六對未嘗不歸于十也又洛書亦以一合六以二合七以三合八以四合九而以五數居其中悉與河圖數協故曰河圖洛書相經緯

傳曰火日外景金水內景凡能鑒物者皆陽也火日爲離離陽包陰故外景金水爲坎兌坎兌陰包陽故內景然則坎爲月月亦水也何以與日皆外景與曰非也月固借日光以明者也是故其景似日

卦對圖解 附

卦對圖解一

上經

乾 坤

乾坤純陽
純陰對

屯 蒙

屯蒙二陽四陰與需訟二
陰四陽對合六陽六陰

需 訟

師比一陽五陰與小畜履
一陰五陽對合六陽六陰

小 畜

泰 否

泰否三陽三陰自為對上經乾坤具
則為泰否下經六子具則為漸歸妹
同人大有五陽一陰與謙豫
五陰一陽對合六陽六陰

大 謙

臨 觀

隨 蠱
隨蠱三陽三陰與噬嗑賁三陽三陰對臨觀二陽四
陰與无妄大畜二陰四陽對兩對各六陽六陰益卦
對有正有反有
互此互對也

噬 賁

剝 復
剝復與下
經夫婦對

无 妄

頤 過

頤二陽四陰與大過二
陰四陽對合六陽六陰
坎二陽四陰與離二陰
四陽對合六陽六陰

坎 離

咸 恆

咸恆三陽三陰自為對又與上經乾坤遙對乾坤陰
陽各六而咸恆止于三者人不能得天地之全也
遯大壯四陽二陰與晉明夷
四陰二陽對合六陽六陰

遯 晉

家人 睽

家人睽四陽二陰與蹇解
四陰二陽對合六陽六陰

蹇 解

損 益

損益三陽三陰與困井三陽三陰對蹇升二陽
四陰與鼎革二陰四陽對兩對亦各六陽六陰

困 井

革 鼎

漸歸妹三陽三陰自為對又與上經泰
否通對合之亦六陽六陰艮兌互次離
此六子具也

震 艮

豐 旅

兌 震

渙 頤

中孚四陽二陰與小過四
陰二陽對合六陽六陰
既未濟三陽三陰自為對又與咸恆遙對合之亦六
陽六陰夫惟坎離既濟兼後能與乾坤合故聖人欲
盡人道以
法天地也

濟 未

堯峰汪氏曰卦有正對有反對有互對有二卦之
對有四卦之對如乾之于坤坎之于離之類兩卦
正對也如屯之于蒙需之于訟之類兩卦反對也
如屯蒙之于需訟師比之于小畜履之類四卦正
對也隨蠱之于噬嗑賁臨觀之于无妄大畜之類
四卦互對也上經乾坤陰陽各六則坎離亦六陰
六陽應之下經咸恆陰陽各三則既未濟亦三陰

三陽應之聖人之序卦也神妙之極通乎造化者也

上經乾坤坎離下經咸恆既未濟上經泰否與下經之漸歸妹上經剝復與下經之夬姤皆遙對者也上經自乾坤凡陰陽各十八而後有泰否下經自咸恆凡陰陽亦各十八而後有夬姤上經自乾坤凡陽爻三十六而為剝復合老陽之數也下經自咸恆凡陰爻三十二而至漸歸妹合少陰之數也故泰否之于夬姤剝復之于漸歸妹亦遙對也泰否者天地之交合也漸歸妹者男女之交合也

續彙卷九

圭

故泰歸妹之六五其象皆曰帝乙歸妹泰傳曰天地交而萬物通歸妹傳曰天地不交而萬物不興男女亦小天地也是以得為遙對也

正對互對之說是矣然則噬嗑賁之後何為乎閒以剝復損益之後何為乎閒以夬姤也曰噬嗑內卦震賁外卦艮此震艮將用事之漸也故先以坤母乾父統長少二男者繼之損內卦兌益外卦巽此兌巽將用事之漸也故先以乾父坤母統長少二女者繼之此剝復无妄大畜四卦夬姤萃升四卦所以相次也抑又聖人錯綜序卦之微意也震

艮巽兌相對其又閒之以漸歸妹何也曰此與艮交兌與震交者也陰陽不交則萬物不興歸妹傳所云是也

上經屬陽復者陽生之卦也萬物之所由生也下經屬陰姤者陰生之卦也萬物之所由成也萬物无陽則氣不生无陰則形不成

吾為此卦對圖然後知自有畫以來陰陽奇偶未嘗有无對者也其不與為對者唯太極乎所謂太極不離乎陰陽之中而亦不櫟乎陰陽者是也故曰太極生兩儀兩儀生四象四象生八卦逮八卦又生六十四卦而遂生生不窮焉皆太極為之也是以唯太極无對

續彙卷九

占

卦對圖解二

第一節

乾 ䷀ 坤 ䷁

屯 ䷂ 二卦合三男 互卦坤
需 ䷄ 二卦合三女 上下卦乾

乾坤相對坤輔乾者也坎離又輔乾坤者也離又輔坎者也坎用事離不用事為第一節

第二節

續彙卷九

圭

師 ䷆ 有

坤坎 一陽為主居二五 二卦互三男

小畜 ䷈

兌乾 一陰為主居三四 二卦互三女

泰 ䷊

天地之交合

同人 ䷌

乾離 一陰為主居二五 二卦互三女

謙 ䷎

震坤 一陽為主居三四 二卦互三男

泰否乾坤之交合也師比坤合坎同人大有乾合離相對小畜履乾合巽兌謙豫坤合艮震相對在

泰否前後此乾坤交而旁生六子之象至是離用事為第二節

第三節

隨 ䷐

兌震 坎離前五

臨 ䷒

兌坤 坎離前四

噬嗑 ䷔

震離 坎離前三

剝 ䷖

震坤 坎離前二

復 ䷗

震乾 坎離前一

頤 ䷚

兌震 坎離前一

坎離 ䷜

坎離中正

咸 ䷞

兌震 坎離後一

遯 ䷠

兌乾 坎離後二

晉 ䷢

離坤 坎離後三

家人 ䷤

兌離 坎離後四

蹇 ䷦

震坎 坎離後五

損 ䷨

兌震 坎離後五

坎離乾坤之大用也坎離前十二卦坎離後亦十二卦皆相對惟蹇解不以乾換坤而以坎此適子代父之義至是震艮用事為第三節

第四節

夬

兌乾

萃

兌坤

困

兌坎

革

兌離

乾坤坎離合巽兌至是巽兌用事為第四節

第五節

續彙本九

七

震

漸

豐

巽

渙

中

既

濟

兌坎

兌震

兌離

兌乾

水火之交合

震艮巽兌為主震艮之後繼之以漸歸妹豐旅四卦巽兌之後繼之以渙節中孚小過四卦漸歸妹與中孚小過對豐旅與渙節對坎離乾坤之大用則以終焉為第五節

堯峰汪氏曰此錢氏象鈔元圖視諸家最勝予為分五節而櫟取先儒之說以發明之學者詳翫此圖則聖人序卦之意无遺蓋矣錢氏又謂乾坤相綜為變化而泰否居中坎離相綜為變化而既未濟居終艮巽相綜為變化而損益居中震兌相綜為變化而咸恆居中皆由此圖推之也

卦對橫圖三

續彙本九

七

陽爻十八 陽爻十七 陽爻十七 陽爻十八 陽爻十九 陽爻十九

乾 泰 剝 復 咸 姤 夬 旅 豐 旅 兌

坤 同人 大有 無妄 大畜 遯 蹇 升 巽 節

屯 蒙 謙 頤 睽 大過 家人 困 井 渙 節

需 訟 隨 蠱 大過 家人 困 井 渙 節

師 比 臨 觀 坎 蹇 解 震 艮 小過 既濟 未濟

小畜 噬嗑 賁 離 損 益 漸 歸 濟 未濟

陰爻十八 陰爻十九 陰爻十九 陰爻十八 陰爻十七 陰爻十七

鈍翁續彙卷十目錄

經解二

易問六十則

用九用六

坤

蒙二

師

小畜

泰

謙二

觀二

大過

咸

遯

家人

損益

升

革

漸

豐

未濟

四營

太極

六子

長子為馬

人與卦象相應

卦氣

續彙卷十目錄

十

夫

明夷二

中男中女

律二

隨二

泰否

比

需

乾三

兩

陰陽數皆十五

兩地

坎水

納甲

連山坤乾

先儒說易

鈍翁續彙卷十目錄終

鈍翁續彙卷十

文彙二

經解二 易

易問六十則

用九用六

問六爻皆變佗卦皆占之卦乾坤異是何也曰乾坤不可變也何氏曰乾變則之坤坤變則之乾若以之卦占則是天地君臣易位也而可乎是故聖人更其例

乾之同人 之履 乾之小畜

問乾九二見龍在田龍非淵則天何為乎田也曰

續彙卷十

十

雲行雨施則田首被其澤龍之德莫大焉聖人以喻大人之濟時如此是故傳曰見龍在田德施普

也

問乾六爻皆龍也九三何以不稱龍而稱君子曰易為君子謀者也三四人位乾之九三居六十四卦人道之始故聖人首致意焉以明其義

問乾九四或躍在淵躍矣何以在淵也曰此言龍之或躍或在淵也變異為進退為不果又與初應故其象云然傳曰或之者疑之也潛躍俱未可定也

坤之剝

問坤上六龍戰于野陰亦得稱龍乎曰非也說卦傳戰乎乾乾西北之卦也言陰陽相薄也與此爻義同陰不敢與陽戰主乎戰者陽也故稱龍

屯之比

問屯蒙皆坎德也屯不以君道予坎何也曰吾聞諸先儒矣屯獨以君道予初者出乎震之義也蒙兼以師道予上者成乎艮之義也

蒙之象

問六十四卦皆所以筮也蒙之彖獨戒其再三瀆者何也曰蒙內卦坎坎為狐疑凡明者善斷蒙者善疑唯其善疑則雖正告而猶惴惴然不知適從此所以愈蒙也故戒之

問蒙六三見金夫不有躬金夫孰謂曰謂九二也坎性陷而趨下又卦變蠱所謂女惑男者也故六三舍正應而從不正然則九二何以稱金夫曰變蠱則二三四互兌兌為金

需之夫

問需六四變水言血者何也曰坎為血卦四已入險朱子謂之殺傷之地是也不可但以水言故稱

血

師之蒙

問師上六開國承家小人勿用小人孰謂曰謂六三也蓋九二為長子又為丈人六三為弟子又為小人也小人挾上寵以逞則必生驕盈僭亂之禍有功且不可用而況貴師之將亡國之大夫乎

比之象

問比彖辭後夫凶何以言後夫曰夫者九五也四陰在五之前向夫者也一陰在五之後倍夫者也然則後夫者謂上六也

小畜之象

問小畜彖辭密雲不雨豈謂其不成坎與曰然自二至四互兌則澤氣上蒸密雲象也自三至五互離則日麗于上不雨象也上九變坎故曰既雨

泰之升否之无妄

問泰之初九稱彙征否之初六稱彙貞何也曰君子難進則聖人勉之以征小人難退而又易逐于邪則聖人戒之以貞聖人之望君子也重亦未嘗輕于弃小人也

泰之需

問泰歸妹之六五皆言帝乙歸妹有以異乎曰震爲帝兌爲妹二卦者无以異也是故泰傳曰天地交而萬物通歸妹傳反之曰天地不交而萬物不興其義一也

否之萃

問否上九傾否孰傾之曰九五之大人傾之也不曰否傾而曰傾否則天道也而有人事焉所謂取亂侮亡者也

謙之坤

問謙象辭君子有終得母以有終戒君子乎曰非

是之謂也小人之行謙也以僞君子之行謙也以誠誠故有終僞則未有能終者也

問謙九三何以稱勞謙也曰傲則逸謙則勞坎勞卦也二三四爻互坎而三得坎之中畫故稱勞

隨之兌

問隨六三係小子失丈夫丈夫小子孰謂曰六三小子也初九丈夫也三居二上故係之初居二下故失之然則六三亦震之一爻也震長男何以稱小子曰以陰故小之也

問隨六三丈夫小子又孰謂曰九四丈夫也六二

小子也吳氏曰三无應无夫之婦也四亦无應无婦之夫也无夫之婦近于无婦之夫而隨之故謂之係丈夫也

蠱之艮

問蠱象先後甲者何也曰先甲三日辛此巽所納也後甲三日丁此兌所納也蠱內巽而互兌兌巽陰柔之卦易以致蠱故一懲于前一戒于後也

問蠱之九二何以幹母蠱也曰幹之者三男也內卦爲震初二俱變爲坎二互至四爲艮夫以三男之母猶不能无蠱此凱風之七子所以浚自刻責

續彙考

五

也母氏聖善我無令人情迫而辭婉以庶幾母蠱之可幹其始有得于不可貞之義乎

臨象

問臨象辭至于八月有凶何爲乎凶在八月也曰臨遯反對以遯二陰消臨二陽故也又坤數居八兌正秋正秋亦爲八月也

觀之渙

問觀六二何以稱闕觀也曰變坎也處坎窞之中所觀幾何闕觀之象也然則何以利女貞曰婦人无外事闕觀者其正也初位陽爲童二位陰則爲

女

復之頤

問自姤至復歷七月矣何以不言月而言日也曰古人呼月爲日也然則臨象何以言八月曰非是之謂也李氏曰復陽長以日云者牽其長之速臨陽消以月云者牽其消之遲也此扶陽抑陰意也問復上六用行師大敗以其國君凶國君孰謂曰謂六五也孰以之曰上六以之也一陽初復上六值坤爻龍戰于野之位故其占云然

大過之咸之恆

續彙卷十

本

問大過之九二九五何以言得妻得未也曰變咸恆也于是有夫婦之象焉然則九二何以稱老夫曰體乾故也

離之噬嗑

問離九三不鼓缶而歌則大耋之嗟何以凶也曰君子妖壽不貳修身以俟之生非君子所幸而歿非其所畏也或歌或嗟其不達于歿生也審矣夫安得而不凶然則蟋蟀在堂歲聿其莫今我不樂日月其除詩人之說非與曰詩義別有所刺非謂日昃者必當歌也如之何其據詩以例易也

咸恆

問咸恆何以象夫婦也曰獨陽獨陰不能以生成咸恆陰陽合則有夫婦之道也然則蠱與歸妹何以不言夫婦曰以巽遇艮則陰老而陽少以兌遇震則陽老而陰少不若咸之少男少女恆之長男長女其陰陽適相等也

中男中女

問長少既象男女矣中男中女何獨不然曰坎離所以爲乾坤用者微而陰陽之交明而日月之運寓于物則爲水爲火稟于人則爲精爲神何莫非坎離之用也不可專以男女言故不言也

遯之姤

問遯六二執之受執者誰也曰九三也故九三爻辭曰係遯言爲六二所執也上三陽遠陰故能遯九三比陰故受其繫維而不得遯也

明夷之既濟

問明夷外卦爲坤是離明之所由夷也六五乃以箕子當之何也曰自三至五互變離與六二相應明之象也在坤暗之中夷之象也變坎爲險爲隱伏爲心病與箕子佯狂合故曰箕子之明夷

問明夷上六不言明夷而言不明晦何也曰不明而晦則諸爻之明其有不夷者與

家人之益

問家人之九三曰嗃嗃曰嘻嘻是二者有辨與曰嗃嗃義勝者也嘻嘻情勝者也然則九三重剛其亦昵于婦子乎曰閨房之閒易于以情揜義雖剛者殆不免焉故聖人豫從而戒之

睽之歸妹

問睽上九見豕負塗載鬼一車其辭得毋稍怪矣乎曰信則合疑則睽物之情也合則愈信睽則愈疑上九之所見者中心疑也坎為心病為狐疑上九之所見皆坎象也

損益

問損益者咸恆之變也然則何以不言夫婦曰孔子嘗言之矣男女構精萬物化生此釋損之六三爻者也

夬之需

問夬之九四即大壯之九四也其取羊象同其言悔亡同然夬獨不為吉者何也曰大壯變坤成泰故曰壯于大輿之輹夬變坎成需故曰其行次且

曰聞言不信傳所謂需不進者是也何吉之有

升象

問升象辭南征吉何以知其南也曰明夷合坤離成卦故九三謂之南符升合坤巽成卦拱離于中故象辭亦謂之南征皆指離也

井之升

問井之初六九三皆曰不食九五曰寒泉食不言飲而言食者何也曰主烹飪也所以大井養人之功也

革象

問革象辭已日乃孚何以知其為已日也曰卦圖離兌拱坤坤土也故曰已日然則六二何以復言已日乎曰離得坤中爻六二是也象爻所謂已皆主坤也

鼎象

問鼎初六言趾九四言足九三六五皆言耳者何也曰吾聞諸先儒矣蓋析上下體為二鼎也上體之鼎有耳无足故曰鼎折足下體之鼎有足无耳故曰鼎耳革

問鼎九二我仇有疾何謂仇曰嘉耦曰妃怨耦曰

仇二五正應嘉耦也二初雖近比而非應故曰仇

漸之觀之良

問漸九三言婦孕九五言不孕者何也曰三四陰陽交故孕二五應而不交故不孕然則何以九三凶而九五吉乎曰五以二為婦正也三以四為婦非正也三四相比而成夫婦則凶二五相應而成夫婦則吉此女歸之所以利貞也

歸妹之兌

問歸妹六五稱帝乙者孰謂曰謂六五也妹其六三也帝乙以柔中者化其妹使尚德而不奢飾故曰不如其娣之袂良

豐之大壯

問豐六二得疑疾矣何以能有孚也曰孚者疑之反發者節之反離體伏坎有孚發若者以伏體反言之也

巽之漸

問巽九二巽在牀下用史巫紛若何以吉也曰亢之過者往往失諸傲巽之過者往往失諸詐傲與詐皆不可為中道皆凶德也若過于巽矣而又藉史巫丁寧以自達于鬼神是則巽之過而誠者也

故吉

未濟之蒙

問既濟之九三未濟之九四皆言伐鬼方矣而九四獨勸之以震者何也曰九三以剛居剛者也九四以剛居柔者也剛者慮其輕銳而喜事柔者慮其退緩而後事聖人之于九四也勸之以震則未濟者庶其有濟與

大衍之數二則

問大衍之數何以五十也曰太極生兩儀則陽儀一陰儀二衍而為三兩儀生四象則太陽一少陰二少陽三太陰四衍而為十四象生八卦則乾一兌二離三震四巽五坎六艮七坤八衍而為三十六通太極之一兩儀之三十四象之十八卦之三十六是以五十也然則虛一不用何也曰太極其體也兩儀四象八卦其用也太極者數之所自起而非數也故虛之

問所謂小衍大衍者何也曰四其一并一則為五四其二并二則為十四其三并三則為十五四其四并四則為二十是以五十也邵子謂小衍之而五大衍之而五十是也草廬吳氏取之

四營

問四營之說宜何從曰一分二挂三揲四扚此一說也陽爻六九五十四陰爻六六三十六四營則四其五十四爲二百一十六四其三十六爲百四十四也又合二篇陽爻共百九十二每爻以九數之得千七百二十八陰爻亦百九十二每爻以六數之得千一百五十二四營則四其千七百二十八爲六千九百一十二四其千一百五十二爲四千六百八也此又一說也合此二說蓋无往非以四求之者故曰四營而成易然則必以四求之何

續彙卷十

三

陰陽數皆十五

問二少之策何以與二老同也曰一三五爲九二四爲六此天地之生數也積之則爲十五陰陽之數不外乎此而已故老陽遇老陰爲十五少陽遇少陰亦爲十五皆自然合于生數者也故曰參伍以變三五爲十五也以是二老之策與二少之策

各極于萬有一千五百二十

太極

問太極之爲无極如之何曰道生一者老氏說也道在太乙之先者莊氏說也王弼以來依據老莊遂解太極爲太乙則是太極非道當別有道以生太極矣得毋異端惑人之甚與故周子曰无極而太極又曰太極本无極蓋正告學者以太極之義也其義既明則言无極可不言无極亦可朱陸之辨雖相持而不下然略其辭而觀其旨俱有功于太極者也

續彙卷十

三

兩地

問地徑二圍四顧止取其半者何也曰非是之謂也圍三者以一爲三故三其三陽而成九圍四者以一爲二故兩其三陰而成六也然則取半之說亦可通乎曰可九者陽之極數也六者陰之中數也故曰陽取全而陰取半也惟陰數極于十二是以地支如其數而歲有十二月

六子

問六子所以爲雷爲水爲山爲木爲火爲澤者何也曰吾聞諸先儒矣雷出于地下者也故震一陽

在下水畜于地中者也故坎一陽在中山峙于地上者也故艮一陽在上木生于地下者也故巽一陰在下火出于木中者也故離一陰在中澤鍾于地上者也故兌一陰在上木始弱而終強陽在末也火外明而內晦陽在外也澤外潤而內燥陽在內也澤惟內燥故能生金惟外潤故能鍾水

坎水

問天一生坎水水之所以最先者何也曰今夫呵而潤食而涎噓而涕哀而泣媿而汗牝牡之交接草木果蓏之包含莫非水也氣溼然後蒸蒸之久然後熱于是乎火遂熾焉此天一地二之分也

艮不爲馬

問乾震坎艮皆陽卦也艮何以獨不爲馬曰艮止也止非馬之性故也

納甲

問納甲術家之說也先儒或以此言易果可信乎曰傳有之易之爲書也廣大悉備術者知數而不知理則流爲方伎儒者知理而不知數亦未足與窮易之全旨也然則日有十而卦止有八以八納十何也曰乾坤父母也故納其始終之四日甲乙

壬癸是也甲壬陽乾納之乙癸陰坤納之其花六日則三男納其陽三女納其陰此數而協于理者也

人與卦象相應

問人全體亦與卦象相應乎曰然人之爲形也耳目鼻三竅皆偶口與大小便三竅皆奇此泰卦之象也陰陽交而形始成又何惑焉

連山坤乾

問或謂震巽坎離艮兌乾坤爲殷坤乾震巽離坤兌乾坎艮爲夏連山次第然與否與曰文獻不足

續彙卷十

五

徵孔子嘗言之矣吾何以知其孰連山孰坤乾也吾知周易而已曰坤乾以說卦傳雷以動之一章始震終坤知之連山以帝出乎震一章始震終艮知之曰易變易也聖人錯綜言之何不可者必曰此言連山之易也此言坤乾之易也則孔子无明文吾不敢信也彼之爲此言也猶之分伏羲文王孔子之易爲三易皆後儒謬誤者也然則孔子所謂吾得坤乾者非與曰坤乾不傳先儒固以爲禮家依倣魯論妄爲之說也

卦氣

問卦氣之說亦可取乎曰吾取其可取者臨之八月有凶復之七日來復此文王之言卦氣也由是推之則復十一月歷臨泰大壯夬而乾爲四月又姤五月歷遯否觀剝而坤爲十月可知也兌正秋也此孔子之言卦氣也由是推之則震爲春分巽爲立夏離爲夏至坤爲立秋乾坎艮爲立冬爲冬至爲立春可知也其他六十卦直三百六十日每卦直六日七分則緯文之所載京房郎顗術士之所明而非經之所有吾不能知也

先儒說易

續彙卷十

未

問先儒之說易備矣易其无遺蓋與曰傳有之仁者見之謂之仁知者見之謂之知儒者之言易也各言其見而已舍曰能盡易之蘊則得其理者未必喻其象達其象者未必究其數也

鈍翁續彙卷十終

康熙甲子冬十二月同里周公贊校字

鈍翁續彙卷十一目錄

經解三

尚書中星解

春秋作丘甲解

春秋傳筮象四則

秦伯伐晉
穆姜

儀禮說二則

父母之黨之服

姑姪舅甥

疑禮六則

五祀三祀
禘祭

孔子祥琴
武王年九十三

續彙卷十一目錄

冠義母拜子

與人爲後者

鈍翁續彙卷十一目錄終

經解三 書春秋儀禮禮記

尚書中星解

日中謂春分也陽氣自此而中也宵中謂秋分也陰氣自此而中也日永謂夏至也自冬至之後日自北而南陽漸以生則日景漸以長至此而始極也日短謂冬至也自夏至之後日自南而北陰漸以生則日景漸以短又至此而始極也春夏冬不言宵秋不言日互文也星鳥其形也星火其次也星虛星昂其宿也於春言其形則夏為蒼龍秋為

續彙卷十一

一

續彙卷十一

元武冬為白虎可知於夏言其次則春為鶉火秋為元枵冬為大梁可知於秋冬言其宿則春為柳星夏為氐房可知亦互文也經之言約而諒簡而盡者也按史記天官書有四官星蓋南宮朱鳥為鶉火之次井鬼柳星張翼轸七宿其形如鳥故曰朱鳥春分則見於南方東宮蒼龍為大火之次角亢氐房心尾箕七宿其形如龍故曰蒼龍夏至則見於南方北宮元武為元枵之次斗牛女虛危室壁七宿有龜蛇體故曰元武秋分則見於南方西宮咸池為大梁之次奎婁胃昂畢觜參七宿有白

虎體故曰白虎冬至則見於南方也何以獨指南言聖人南面而聽天下嚮明而治故取南方以為準也何以獨指四仲言聖人不能朝夕察候乎星度故取四時之中以驗之也然則堯典中星與呂不韋月令異者何也或曰月令舉其初朔而尚書總舉一月故也或曰非也天三百六十五度四度之一歲三百六十五日四分日之一天度四度之一而歲日四分之一而縮天漸差而西歲漸差而東也自秦莊襄王元年前上距堯之甲子共二千二十八年凡差二十六度蓋七十八年而差一度也

續彙卷十一

二

續彙卷十一

春秋作丘甲解

春秋成公元年三月作丘甲所謂丘甲者惟杜氏與胡氏傳所說為詳謂長轂一乘甲士步卒七十五人此甸所賦今使丘出之是杜氏說也謂一丘所出十有八人積四丘始具一乘今使丘出一甲一甸之中共百人為兵是胡氏說也按周制四邑為丘四丘為甸每甸出戎馬四匹牛十二頭兵車一乘甲士三人步卒七十二人以其數計之一丘凡十六井得一百二十八家一甸凡六十四井得

五百一十二家以一句所出均之四丘則是每丘一百二十八家共出卒二十三人牛三頭甲士則一人不足戎馬則一匹有奇也如杜所說竊疑一百二十八家之中每家不及數口而老幼羸弱婦女半之願欲使出兵車一乘其數太多而其增賦亦太驟故先儒以胡氏說爲允胡氏依司馬法立說蓋舊制四丘出三甲三甲爲七十五人今四丘出四甲四甲爲百人是一丘加二人當出士卒二十五人也但未知戎馬兵車之賦併增與否故曰未知其所作者三句而增一乘乎每乘而增一甲乎是胡氏之說長也

春秋傳筮象四則

秦伯伐晉

左傳僖九年秦伯伐晉卜徒父筮之吉曰其卦遇蠱曰千乘三去三去之餘獲其雄狐夫狐蠱必其君也汪子曰此蓋筮得蠱之象也互變震爲諸侯千乘之象也巽爲進退去之象也三去者初二三三爻皆巽也之卦成坎坎爲狐巽爲近利市三倍獲之象也故曰獲其雄狐或謂卜徒父所筮六爻皆不變者非也夫果六爻不變何以不引象辭觀

晉語重耳筮入國得泰必引小往大來之辭則可以知占例矣

鄆陵之戰

成六年晉楚遇於鄆陵公筮之史曰吉其卦遇復曰南國蹇射其元王中厥目國蹇王傷不敗何待汪子曰此蓋筮得復之頤也外卦坤爲國又爲西南方之卦故曰南國內震木克外坤土故曰蹇震爲蒼筤竹以矢上射之象也凡卦上爲首元者首也元王卽爻辭國君也又爻辭有災眚眚爲目疾故曰射其元王中厥目是所謂用行師至于大敗以其國君凶者是也或謂震坤拱巽離巽爲多白眼離爲目無離無巽則中目此殆近乎穿鑿矣

穆姜

襄九年穆姜薨於東宮始往筮之遇艮之八史曰是謂艮之隨隨其出也姜曰亡是於周易云云汪子曰隨內震外兌是動而得毀折之象也反體爲蠱蓋醫和所謂女惑男者以偃穆姜之爲人亦甚類矣又互體爲艮爲巽艮止巽入入而止焉此其兆皆不能出象辭雖无咎於穆姜乎何有而史云然者殆阿姜意而爲之諱也或謂艮之隨亦隨之

良信如此說則隨六二係小子失丈夫艮六二艮其腓不拯其隨其心不快又皆不可出之象明矣

叔孫穆子之生

昭四年初穆子之生也莊叔筮之遇明夷之謙以示卜楚丘曰是將行而歸爲子祀以讒人入其名曰牛卒以餒歿云云汪子曰楚丘之辭多未易曉姑擇其可曉者言之其曰行者艮爲徑路爻辭所謂于行有攸往是也曰歸者離爲飛禽艮爲止止不得行所謂于飛坐其翼是也曰讒者離火言揚所謂有言是也曰以餒歿者離位居三艮爲兌之

續彙卷十一

五

反不見其口則無以食所謂三日不食是也以上率與爻象合至于爲祀則卦中無祀象名牛則卦中有牛而亦無爲名之象其佗櫟引之卦尤多支離傳會疑左氏嘗文之以神其占未必皆楚丘本辭也若陳敬仲筮得觀之否史知其將興於姜張守節謂爻屬辛未又觀上體巽未羊巽女女乘羊故爲姜此乃以字體牽合則并非左氏之指矣

儀禮說二則

父母之黨之服

先王之制禮也在父黨則父之昆弟爲重而於父

之姊妹則恩殺矣故服諸父期而服姑姊妹大功在母黨則母之姊妹爲重而於母之昆弟則恩殺矣故服從母小功而服舅總先王所以分内外別男女而遠嫌疑者也唐太宗顧加舅服使與姨母同太宗知禮孰不知禮

姑姪舅甥

凡父黨之尊者由父推之則皆父之屬也如世父叔父從祖祖父是也至父之姊妹則不可謂之父矣不可謂之父其可謂之母乎二者皆不可以命名故聖人更之曰姑爾雅謂我姑者吾謂之姪蓋姑亦不敢以昆弟之子爲子也凡母黨之尊者由母推之則皆母之屬也如從母是也至母之昆弟則不可謂之母矣不可謂之母其可謂之父乎二者皆不可以命名故聖人更之曰舅爾雅謂我舅者吾謂之甥蓋者吾謂之甥蓋舅亦不敢以姊妹之子爲子也此先王制名之微意也

疑禮六則

五祀三祀

曲禮大夫祭五祀王制亦然而祭法獨言三祀禮家之言既不能統於一矣鄭玄爲注又往往彌縫

牽合其辭以惑後世之聽然則凡爲大夫者將安所適從哉鄭注曲禮則曰五祀殷制三祀周制也於王制改之曰大夫有地祭五無地祭三也如此則所謂殷周異制者果可信與又注曲禮則曰五祀戶竈中霤門行也於王制又改之曰司命中霤門行族厲也一則有戶竈而無司命厲一則有司命厲而無戶竈如此則五祀之名果可謂之有定制與吾故曰安所適從也殷周之制絕無徵驗出於鄭一時之臆說吾不暇與之辨姑就祭三祭五辨之夫戶之與竈與中霤門相類此特一家之祀

續彙卷十一

七

耳非若名山大川繫於分土者與采地之有無何與焉如之何其以有地無地爲差也彼禮記非一人之書蓋作王制者一人作祭法者又一人也顧在此則專主有采地者言之在彼則專主無采地者言之兩人之言若故爲齟齬而實陰相發明者得毋牽合太甚與且記禮者未嘗分疏及此不審鄭氏何從得之此不可通之說也祭法司命者鄭以爲主督察三命皇氏以爲文昌宮星固不能定其何神矣竊謂三命本術家里俗之談而列星又非大夫所當祭者也族厲者孔疏訓族爲衆以爲

古大夫無後者夫古有宗法大宗無後則族人爲之置後非宗子而爲大夫者無後亦如之尙安得有族厲哉就如其說則司命與族厲類皆荒唐久遠難測知之神也爲大夫者顧舍其近而可知之戶竈不祀而祀其荒唐久遠者與此又不可通之說也是故祭法難信非獨大夫祀典而已如所云三廟二廟一廟皆然也決不當取以爲據嗟乎惑鄭玄者祭法取祭法以彌縫王制而惑後世者鄭玄也然則大夫之祭也玄如之何曰祭當依五祀爲正所祭之神當依戶竈中霤門行爲正其佗則

續彙卷十一

八

非予所及知者也

孔子祥琴

孔子既祥五日彈琴而不成聲汪琬曰此記禮者之誣也祥而縞是曰禫徙月樂祥禫之同月異月吾姑不暇辨然必俟徙月而後用樂則已審矣顧孔子之彈琴也獨不當俟諸踰月之外乎按琴瑟之爲物雖君子無故不徹者然考之於經二者皆燕饗樂器也其在鹿鳴之詩曰我有嘉賓鼓瑟鼓琴鼓瑟鼓琴和樂且湛是宜從徙月之例無惑也況當大祥之時其服則猶麻也其寢則猶未牀也

雖使稍加緩焉以訖於踰月何不可者而孔子必欲彈之以干非禮乎與其不成聲不如其勿彈與其彈於既祥之後不如彈之於既禫之後也魯人朝祥而暮歌則孔子薄言其失孟獻子禫而不樂則稱其加於人一等孰謂孔子者禮教之所從出而反不如獻子乃僅僅與魯人爭五日之先後乎使孔子果琴之彈也必不賢獻子而諷魯人孔子既已賢獻子而諷魯人矣決不身自彈琴以干非禮之誚也曾子問曰廢喪服可以與於饋奠之事乎孔子曰脫褻與奠非禮也說者以爲大祥除服不得與於佗人饋奠之事夫饋奠且不得與如之何其可以彈琴乎哉吾故曰誣孔子也蓋記禮者本非一人故卽檀弓一篇往往彼此相悖謬如此

祿祭

天子植祫禘禘嘗禘烝諸侯祫禘一植一禘
嘗禘烝禘此戴氏所記也毀廟之主陳於太廟未
毀廟之主皆升合食於太廟是故謂之禘此公羊
穀梁二氏所傳也先儒謂戴氏所記時祭也公穀
所傳大禘祭也於是又有三年一禘五年一禘之
說其文蓋出於禮緯緯書漢世所譔本荒誕不經

而諸儒信之予竊意其不然按春秋書有事於太廟者二大事於太廟者一有事者時祭也大事者大禘祭也孔子於春秋禘則書禘郊則書郊未有稱大事者使禘果三年一舉則亦祭之常者爾豈遂大於郊禘而獨以大事見書何也此乃三年之喪既畢新主祔廟遂合毀廟及未毀廟之主告之如儀禮既虞并祔謂之祫事是也是其祭爲易世所僅見且不可拘以歲時故曰大事何三年一舉之有又春秋所以獨書於文二年者蓋禘祭合禮則不書失禮則書孔子書之特譏僖公逆祀爾鄭玄頗主此說而顧謂之魯禮若以周與列國爲不然者蓋猶牽於禮緯三年一禘之文也至於諸儒謂三年一閏天道之小成五年再閏天道之大成以是爲禘禘之節又謂禘以四月取純陽在上禘以十月取百物皆備禘之取閏取十月禮經皆無明文後世何從知之頗疑附會不當取以爲據

武王年九十三

武王寢帝與丸齡文王曰古者謂年齡齒亦齡也
吾百爾九十吾與爾三焉文王九十七乃終武王
九十三而終按鄭玄金縢注文王崩後明年生成

王武王崩時成王年十歲使果如小戴禮與鄭氏之說則成王之生也武王年八十四矣文王壽考幾及百歲及其將歿而尚未見有適長孫抑何武王得子之晚如此也左氏傳邶晉應韓武之穆也是四國者皆成王之弟又何武王八十四以前艱於育子而八十四以後精力益以衰耗乃得子之易且多如此也儻成王爲邑姜所生則武王既耄而邑姜猶可以生子意者其非武王元妃乎武王之世視漢世相去遠矣中間簡冊磨滅且經暴秦之火學者雖闕其所不知未爲失也而漢儒妄說

續彙考十一

云云斯亦惑矣又使果如鄭說武王八十三而喪文王八十四而生成王是時方居文王之喪如之何其遂生成王也豈邑姜任身在文王未歿以前邪又豈武王急於有子雖犯非禮而不之忌邪又豈喪禮爲周公所定而武王時未之有邪琬竊謂其年率繫漢儒附會敢於誣聖人而不自覺其妄者也然則成王幼周公攝政非與曰此載諸金縢大誥者何可非也惟武王之寢及所謂九十三者決不當取以爲據又家禮冠頌孔子曰武王歿成王年十有三孔安國傳亦云而史記魯世家則謂

成王在強葆中似又不能十歲者其說頗多異同是故學者之道求學之可知者而得其要足矣其佗不可知者則姑闕以俟焉夫亦善於尚論古人者也

按鄭說文王既歿成王始生武王崩時成王年十歲如此則是武王在位僅十年爾然周書泰誓有惟十有三年之語金縢又有既克商二年之語孔安國謂十三年者乃合文王受命九年數之宋儒詆其非是以爲文王不立改元而改元武王立改元而反冒先君之年頗屬無理故

續彙考十一

蔡氏別爲之說曰此武王卽位之十三年也但周書不言武王崩於何年皇甫謐謂定位元年歲在乙酉後六年庚寅崩孔穎達則謂伐紂後二年有疾疾瘳後二年崩二說頗不同要之武王決非在位十年者又書序以十三年爲十一年史記仍之邵子經世亦然恐非是姑附記於此

冠義母拜子

冠義已冠而字之成人之道也見於母母拜之成人而與爲禮也汪琬曰母之拜子先儒訓詁紛然

有謂母有從子之義故屈其庸敬以伸斯須之敬者有謂適長子代父承祖故禮之異於餘子者此其說皆非也夫釋經而不求其原委之所出互其紛然悖繆如此也如以爲從子則禮所謂從子者謂婦人不專行夫死則家事聽諸子而已非拜其子之謂也如以爲代父承祖則承祖者所以承父也而可不母其母乎恐先王教孝之道不當若是也夫冠之與昏一也士冠禮冠者取脯降自西階適東壁北面見於母母拜受子拜送母又拜此爲母者答拜其子之明文也又昏禮婦奠棗梩舅坐撫之興答拜婦餽姑之饌姑醕之婦拜受姑拜送此舅姑答拜其婦之明文也蓋冠昏大禮也雖父母舅姑亦無端坐而受子婦之拜者儀禮之文詳而小戴禮之文略不求諸儀禮而欲附會小戴禮之說此所以遂多悖繆也惟孔穎達謂拜受祭脯非拜子者筮得之然亦未察於冠禮之全文故猶不免遷就其辭也

與爲人後者

孔子射於矍相之圃觀者如堵牆使子路出延射曰賁軍之將亾國之大夫與爲人後者不入其餘

皆入汪琬曰此非孔子之言記禮者誣之也何以知之按禮爲所後者之祖父母父母妻妻之父母昆弟昆弟之子若子又爲人後者爲其父母報其說皆載諸禮經周公之所許而孔子黜之何也且賁軍之將無舅亾國之大夫不忠不忠無舅此空爲聖世之大戮者也若爲人後則何辜之有吾故知其非孔子之言也鄭玄求其說而不得則曲爲之解曰與猶奇也以奇訓與疑若未順則又曲爲之解曰後人者一人而已既有爲者而求往奇之是貪財也夫應爲人後而爲之後者義也謂之不得已可也不應爲人後無父母宗族之命而求爲之後者非義也謂之貪財可也以二者校之其人賢不肖得失相距遠甚就如鄭說孔子果欲黜夫貪財者何不明白曉囑以誠於衆曰凡不應爲後而強爲之後者勿入如此則衆皆曉然於懲貪之意矣孔子顧獨不然而概之以與爲人後之一言其指得毋太晦矣乎此不足以漢警貪者徒使凡爲後之人恥其不入而懈心於所後或不能以事父母者事之是則大可懼也且孔子何惜明白言之以爲當世勸而故爲是艱澁之辭視其平時春

秋所載及論語繫辭傳所說簡直可曉者絕不相類何也吾故曰此非孔子之言記禮者誣之也

純翁續彙卷十一終

續彙卷十一

圭

康熙甲子冬十二月同里周公贊校字

純翁續彙卷十二目錄書

與參議施先生書

與宋陳兩先生書

荅顧寧人先生書

與人論墓誌銘篆蓋書

續彙卷十二目錄

純翁續彙卷十二目錄終

書

與參議施先生書

琬啓去歲姜子學在傳述先生之命及齋大集使琬評閱琬不自揣竊嘗竭其區區之固陋而先生不以爲忤顧又命之曰其爲之序受命殆已踰年方趨巡未及援筆而學在數來見督不已遂不敢固辭琬聞古之人有詩文以序重者有序以詩文重者有詩文與序文相重者如子夏之序詩也杜預何休范甯之序三傳也此序以詩文重者也韓退之之序盛山十二詩也蘇子瞻之序牡丹記也此詩文以序重者也上而孔子之序易與書降而訖於昭明太子之序文選也此皆詩文與序文相重者也今先生之詩沈鬱雄麗其去古人不遠蓋非待有序而後見重於時者無惑也至於琬則又殷憂軼軻未老先衰故其才識之謏劣學殖之荒落自分不齒於藝林久矣顧欲以里俗不敏之辭炫諸先生之前亦決不能與先生交相爲重也夫先生之詩既不以序重而琬之序又不能與先生之詩相爲重而先生屬諸學在惓惓不已是猶欲

薦其千金之璧而顧使以庖車羸馬先之毋乃不可乎然琬所以不敢固辭者夫亦自量其謏劣如此荒落如此幸而不見弃於有道長者又幸而挂名卷端得附沈鬱雄麗之作以行世而傳後儻亦所謂序以詩文重者與謹潔本附便納上伏惟先生垂察且辱賜一言以教誨之敢不惟命是聽

與宋陳兩先生書

游暑方甚恭惟尊候動履康吉琬以謏劣下材過辱栽植得廁薦剡之列感恩知己銘鏤心骨閏月中嘗奉短啓鳴謝未審得達否比者臂疾爲患重以咯血已踰二十餘旬矣思誤治療稍瘳便卽治袞入都不圖兩月以來沈綿益甚竊歎當此旁求之日海內士類微有識知者莫不承詔踊躍銳欲奮其所長而琬獨成廢人不能與給筆札從容殿廷交戟之內觀國光而禱知遇此所以北望延領爲之於邑者也不得已具呈當事率荷哀憐已命印官親驗見琬痿痺龍鍾不復檄催上道許爲移咨吏部筋盡力敝甫有成望伏冀先生始終矜恤予以曲全俾得部中准其在告不復駁查則尤門下生成之德也萬一惠邀庠比粗能

延此喘息則嗣後扶杖溪山行歌化日以完晚節
以訖餘齡無一非出於先生其爲賜也大矣感慙
頌禱何可勝言伏惟俛坐鑒察

荅顧寧人先生書

與天生相見語次知長者比來動履清吉著述益
多殊慰印止繼又得手教所以獎勵鄙拙過實萬
不敢當禮教廢壞久矣儻蒙先生斟酌今古原本
禮經而又上不倍國家之制下不失風俗之宜
用以扶翼人倫開示後學甚善甚善別紙所論康
王之誥辨冕服爲踰年卽位之禮依據最明援引

續集卷十二

三

最悉愚嘗證諸春秋昭十年七月晉侯彪卒九月
叔孫如晉葬平公諸侯之大夫欲因見新君叔向
辭之曰孤斬焉衰經之中其以嘉服見則喪禮未
畢其以喪服見是重受弔也云云蓋故君未踰年
則新君不敢卽位故其辭委婉如此也是時晉伯
已衰三月而葬旣不免失之太渴而君臣猶能恪
守此禮以拒列國諸大夫不可謂非叔向力也至
若康王盛時方欲以禮教治天下豈有居喪之初
顧有躬蹈非禮如所服冕服如所稱予一人者乎
則是太保之見反出叔向下也竊不勝惑之今讀

先生此辨亦可以息後儒之喙矣惜不能起蘇公
九泉與相往復耳歎服歎服琬山居讀書九年幾
覺自慙此番進退狼狽當不免有識掩口不審先
生何以誨之時節嚴寒伏惟爲道自愛不宣

與人論墓誌銘篆蓋書

誌銘草就附上有一言欲奉告者儻卽刻石則篆
蓋及誌文首行宜但云某銜某府君云云幸勿加
暨元配某孺人六字此近世無識者所爲凡唐宋
元諸大家文悉無之前明成弘以上亦然卽錢牧
翁文亦然也有碑刻文集可考古人非略之也於

續集卷十二

四

此固有淡義蓋女子從夫故祭曰祔食葬曰祔葬
凡祔食者惟立男尸而無女尸故曰同凡則一尸
亦此義也愚嘗論之古人之有行狀非特備誌銘
之采擇而已將上諸太史與太常者也上諸史官
所以請立傳也上諸太常所以請立諡也今雖不
復行猶當存古人遺意彼女子無傳無諡亦奚用
行狀爲哉其有不同穴者與節烈卓卓可稱者與
先葬而夫猶存者或夫歿且葬已久其事行不及
附見於夫誌者別爲之誌銘可也誌銘之不及雖
表之可也顧欲益之以行狀至於事行始末已附

於夫之碑誌中矣一覽便可得也而篆蓋篆額又
欲益之以暨元配云云必使與男子無別此皆贅
也皆古人所不許也故愚於女子行狀悉拒不作
而於蓋額又欲稍存古法殆可爲識者道爾知足
下畱心文學敢詳言以告未審足下能見信否琬
拜白

鈍翁續彙卷十二終

續彙卷十二

五

康熙甲子冬十二月同里周公費校字

鈍翁續彙卷十三目錄

序一

送宗人舟次出使流求序

送宋牧仲權贛州關詩序

送張牖如之任南寧序

送釋震公歸粵頂峰序

續彙卷十三目錄

一

鈍翁續彙卷十三目錄終

序一

送宗人舟次出使流求序

予聞古王者之待其臣也亦既寵之以尊位厚之以恆祿矣方其平居無事則又往往略上下之分而敦賓主之誼於是乎篚篚玉帛以脫之膳羞酒醴以饗之鼓瑟吹笙考鏞伐鼓以娛樂之一旦有事若行師出使之屬則曲體其道塗之勞與夫家室之私以愍緒而臨遣之小雅四牡之詩所謂王事靡盬不遑將父母者是也惟其情文周浹至於如此然後爲之臣者莫不安其勞而忘其私憊心神竭膂力以圖報稱而無難後世不然平居則體貌之文不至臨事則愍勞之情不周君之視臣奚啻秦人之於越人而大夫從事者亦遂吝嗟感歎於下北山之詩所謂王事靡盬憂我父母者是也夫是二詩者其不得養其親一也使人主代爲言之則皆說而知奮苟出於臣子之自言卽不免乎怨且懟矣今吾舟次才高而學贍器博而志雄天子拔諸學官之中超授史職知遇不可謂不隆也會有詔集廷臣慎簡出使流求者爭首推舟

次應命 天子大說諸賚予悉越故例而舟次復條上便空數事部議俱格不許特出 中旨曲從

其請者四事且俾待陪臣來逆而後行恩數不可謂不渥也知遇之隆恩數之渥 天子之待舟次以拔古王者之時幾無以異也舟次有親在堂年且八十士大夫咸謂空陳情乞畱然而舟次不以親爲解闕尊甫生伯先生之心亦不以其子遠冒煙海波濤萬里不測之險爲虞及舟次馳傳便道過家奉觴上壽父子間氣貌怡然議論偉然安其勞而忘其私未嘗有毛髮吝嗟感歎之意所相勸勉惟懼責越 上命耳是誠賢矣哉其能報效天子如古四牡皇皇者藝之使無疑矣予與舟次同祖越國又嘗同官翰林於其行也義不能無言旣溪嘉舟次父子間之賢而又推本 天子所以寵待舟次者爲之追述前聞以贈

送宋牧仲權贛州關詩序

康熙十七年仲冬之吉刑部宋子牧仲方以才能簡任關使者於贛州瀕行京師諸相識率皆往而餞之又以詩贈之牧仲意猶未已復命予序其端予歎息謂牧仲曰琬蓋嘗受教鄉先生矣願明以

語子勝國時士大夫爲郎吏者往往不樂任戶曹爲戶曹者亦往往退讓不欲以分司之職受知於其長爲分司者又皆不汲汲於征利而惟務以寬恤往來之行旅此所以商賈富饒吏民安樂而士大夫亦多廉恥之風也比年以來其時其執率異此故關政日益嚴而所以勾稽利蔽者亦日益巧且密於是商賈之子錢易耗耗多則舟車不前而賈易漸稀賈易者稀則所產之地患其不售而遠方難得之物黠者將居之以爲奇故其價急趨於翔踊民間既騷然告困而算緡者亦策無所出爲國家致富之術如是可乎顧猶自詫曰我才也我能也是知其一不知其二者也以寬大爲政以招徠拊惠爲心上不闕軍國之供而下不詒遠人之怨是在吾子勉之而已至於贛州山水之雄魚鮮橘柚萼竹之美與夫親舊寮友攜尊設祖殷勤道故黯然傷別之情舉凡見諸詩者皆不暇以云也

送張牖如之任南寧序

善爲政者使上官褒之不如閭閻譽之之爲愈也閭閻之衆譽之不如賢公卿大夫一二人稱述之之爲尤愈也蓋閭閻之言公而賢公卿大夫之言

則可以傳信而行遠也吾門張子牖如爲人忼爽彊力繁以才名著間及筮仕登封絕苞苴祛蠹敝嚴以律己寬以字人如冰之潔而霜之肅也如膏雨之潤而薰風之溫也不踰時而政教大行於是士民頌之於壑河南諸搢紳宦游京師者頌之於朝既受擢南寧而邑中耿先生逸菴以中州大儒方弃官家居復爲詩文若干首咏歌而紀述之且刺諸樂石書諸繁冊以榮張子之行晉季路爲蒲宰孔子入其境歎曰善哉由也既而入其邑所歎如之至其庭又復如之季路政蹟不槩見而自春秋以來傳說其善治蒲不衰者則以孔子之言故也登封距吾吳數千里吾吳之父老子弟未嘗游嵩山之麓造陽城之堂然而傳說張子與登封士民如出一口豈非信逸菴先生之言爲可以行遠與予知張子之往南寧也其政蹟亦猶是矣張子既用卓異舉是宜備臺諫之選顧僅得通守且遠在西南荒微人皆疑張子有不豫色而張子怡然自適瀕行乞予一言爲贈夫予之言豈能及逸菴先生哉聊賦五言一章期以慰張子而勉之

送釋震公歸粵頂峰序

世言天台山高一萬八千丈周八百里爲諸神僊及應真窟蹟顯化之所道家謂之金庭洞天山之顛有等頂峰蓋其形如蓮萼然故名而俗讀萼若胡謬切始音譌也仁山禪師詠震嘗結廬於頂窮茅代瓦伐竹代棟坐土石以代輒率其徒三四輩居之苦水泉不給有小池涸且久師禱於佛像前俄而泉涌出以資盥濯以供食飲無闕者其居此若干年矣康熙十六年冬自錫山杖策而來吾黨延主堯峰興福院不數月弃去將復歸故廬瀕行告予曰頂巖高寒冬必須重裘夏必衣袷無蟲蚋之患每春秋日則等發巖谷閒如光明錦如五色縠絕不知其名頗有虎警然亦未嘗傷人其佗壽藤異石珍禽文獸所在皆是外人倉卒遇之輒驚歎以爲怪奇山中耳目慣熟視之直平平也細徑縈紆多斷崖絕壑巖巖嶺率之險雖土人非習知者不能至欲市鹽醢非走百里外不可得黃精黃獨之屬隨人力所取皆可以代梁肉儻亦所謂別有天地矣於學道宜於避世尤宜又曰吾子無仕宦之慕無聲色賄財家室土田之戀能屏蹟讀書窮邨中庶幾可進於道者益從我隱於此乎山半

續彙卷十三

五

有李翰林書院又有王內史墨池固名賢邀譽栖遯處也吾子顧不如古人乃日夕沈浮於塵壒中乎予淡駭師語且媿赧不自適然以師是行之太速也與之定期而別嗟乎異地非異人不能居師爲玄墓壁公受法大弟子又精於戒律好與吾黨文士窮無藉者游然則師得非異人乎予將裹糧負篋從諸萼頂之上衣草茹木以畢此生雖槁死不悔姑書此爲之券

續彙卷十三

六

鈍翁續彙卷十三終

康熙乙丑春正月同里周公贊授字

鈍翁續彙卷十四目錄

序二

募修長洲縣學序

吳逸民傳序

篆隸考異序

畜德錄序

擬明史列傳自序

僊府十二觀序

參同契衍義序

金剛經注序

休寧張氏世譜序

吳氏家傳序

來虞先生年譜後序

續彙卷十四目錄

鈍翁續彙卷十四目錄終

鈍翁續彙卷十四

文彙六

序二

募修長洲縣學序

諸子興而聖人之道衰自司馬遷劉向父子以儒之一家與諸子竝列或爲六或爲九則儒者於是乎益輕延及後世佛老之學盛行彼之爲害也按諸子尤甚世之才且賢者則聞虛無性命之說而說之其愚且頑者則溺福田利益報應之說而奔逐信從之其波日決其蝕日熾雖搢紳大夫學於聖人之道者亦不能卓卓自拔乎其間而天下遂無儒矣是以如來三清之室虛徧滿於名山大川鐘魚拜誦之聲日夜不絕若其殿閣之崔嵬梁棟之壯麗丹黝金碧之璀璨雖闕庭弗是過也而聖人之宮訖無過而問焉者彝倫之所以放失人心風俗之所以敗壞非是之故而誰咎與吾蓋不能無歎也吾蘇長洲學舍勅建於前明嘉靖而重修於萬曆之中葉類皆有碩德重臣與夫有司之良者出贖緩損官俸爲邑人倡率見於學誌班班可考也及今將百五十年矣木朽而石泐殿堂兩廡之閒旁風上雨傾圯不支甚者化爲菜畦草徑有

司莫之虞也教諭姚君訓導王君始進鄉進士陸子葢文及諸生輩謀更新之估費當糜白金六千餘兩計無所出將徧求助於邑人而以序屬予予惟吳中名山如靈巖玄墓穹窿之屬凡爲佛老雄踞者蹟其土木像設所費視此殆不下數倍矣然而徒黨之勾募都人士之施舍藉以成之甚易而獨於學舍往往攢麀援手有所甚難而不敢舉者何也豈吾道之與佛老執固不能兩盛與抑如吾前之所歎者恒足爲人心風俗之累與巡撫余公方奉天子之命持節茲土諄諄欲以教養斯人

續彙卷十四

上

爲任度所施設必自學校始此搢紳大夫之所從出而民庶之所羣屬耳目也移風易俗莫大乎此儻能首援嘉靖萬曆時故例以倡率之則既有賢上官興之於上復有諸君子應之於下才者奮愚者慕其潰於成也決矣而又何難之足云吾故用是說爲諸君子告請并告諸余公

吳逸民傳序

陳子均寧爲人沈靜澹雅自少不汲汲於名利年未壯值明社旣屋卽弃諸生隱居東郊外斐江之上教授自給尤好著書凡三十餘年矣輯成吳逸

民傳始仲雍訖金先生孝章共如千人蓋以自寓其志云予惟逸民之名原本論語而虞仲在焉按周初有兩虞仲一爲太伯弟仲雍左傳謂太伯虞仲太王之昭也至今虞山上猶有虞仲墓見陸廣微吳地記是也一爲仲雍後人史記謂武王滅商封仲雍曾孫周章弟虞仲於周之北故夏墟是爲北吳是也孔子之所稱逸民者果仲雍乎抑周章弟乎自漢孔安國至魏王肅何晏諸家俱不注虞仲何人近世始以仲雍實之此可疑者也太伯仲雍之逃周猶夷齊之以孤竹讓也孔子亦嘗推太

續彙卷十四

上

伯至德矣及其詮次逸民則登夷齊兄弟於首而太伯獨不得援引此例與仲雍並列其義安在以時代考之仲雍前夷齊且百年論語序事之體亦不當先夷齊而後仲雍此又可疑者也仲雍雖剪髮文身以順荆蠻之俗固儼然繼世有土之君矣孔子逸之可也從而民之可乎春秋杞成公用夸禮則降其伯魯書子楚人猾夏當伐蔡之始則黜其國號書荆皆示貶也然則孔子之民仲雍者律之以春秋之法豈其爲貶辭與此又可疑者也夫未毀齒之時卽無日不肯誦論語願坐老而猶不

得其解予之專愚甚矣然而質疑問難皆後進所當盡心也均寧好學深思爲吳中隱逸之冠其作此傳摛撫叢博而去取嚴嚴發凡起例井然不苟必能講求孔子所以稱逸民之意庸敢述此說著諸卷端而求受教於均寧均寧其母以老諄弃我

篆隸考異序

古今之制不同也古人之所食者俎豆而後世更之以栝孟古人之所安者簟席而後世更之以榻按古人之所聽者簡管琴瑟而後世更之以箏笛琵琶古人之書其器則簡策其字則大小篆籀文

續彙卷十四

四

而後世更之以縑紙與夫隸分行草風俗日流於簡易而人心日趨於靡薄此其不同之故所由來也使後世有王者作必欲盡廢一時之制而大復乎古非不美且善也然徒足以驚駭觀聽而實不足以爲治何則執之積漸使然也今之學者乃區區守其一隅之見輒以小篆正隸文以大篆正小篆予往往惑之度其詭異非遂返諸科斗結繩之世其譏諂者必不止嗟乎此曲士之所尙而通儒之所不許也顧其閒猶有不可不辨者蓋隸之視篆特小更其點畫爾其於周官保氏六書之法未

嘗相鑿也自輓近以來承譌襲繆絕不知造字之

原委於是競行俗字而六書之法遂亾始則市井有之而繼則學士大夫亦然矣始則私家簿籍有之而繼則經典詩文以訖章奏符牒之屬亦然矣小學之教不明而因循苟且者衆舉凡儒林藝苑皆不免於漸染流俗空乎世之曲士得奮其一隅之見以相詆訶也吾郡周子枚寧博學而文慨然有憂之作考異一書發凡起例悉原許慎李陽冰徐鉉三子每字必加折衷先舉隸文爲主然後求之於篆而以俗字附焉上引六經旁及子史究其

續彙卷十四

五

本末晰其是非至詳至細而亦未嘗有詭異之說故雖通儒不能難也韓退之謂凡爲文辭宜略識字若枚寧之學豈非識字之尤者與不必盡廢隸文而所爲小學六書之教藉是可以復相講明其有功於同文之治匪淺尠也予故序之以示學者采焉

畜德錄序

易大畜象曰君子多識前言往行以畜其德夫德體玄默清虛猶天也艮山磅礴蔽虧若將蒞天其中而有之者故有畜德象焉然而君子法之必多

識言行者非徒以夸多爲也蓋學者之所患惟在乎志之易靡也識之易昏也心之易窒而氣質之易入於佻且浮也志靡則墮識昏則卑心窒則愚氣浮而質佻則流宕忘返其德之亾也久矣故必漸漬乎前言往行之中日見所未見日聞所未聞期於深造自得而止夫然後靡者可立昏者可明窒者可通而佻且浮者可變化也是之謂畜德否則問學不徹其原而規規焉爲耳目之所囿辭章之所錮此坐井闕天者耳非艮山所以上蒞乎天也若吾吳洞庭東山席君文興平生以仁厚居心

續彙卷十四

六

以澹泊養口體以輕財樂施周旋親故而安緝鄉里其於君子之德亦既有其基矣顧又閉戶好書家所積書數千卷每擇其尤切身心者手披口吟涵汎而師承之悅然有悟顧又以爲未也遂徧葺周秦以來迄於元明諸嘉言懿行凡二十卷二十有一則名曰畜德錄以便省覽雖久病牀簣間猶倦倦編次未嘗輒易其所好蓋其爲人也不靡不昏不窒不浮於所畜何如也君既歿將葬而其子獻臣出此錄示予受讀既訖喟然曰富矣哉此君子之所謂多識者也答予嘗見宋儒所誤厚德

錄仕學規範及名臣言行錄諸書始與此錄相仿然其所編次類不越本朝諸賢未能若君之上下數千百年門晰部分最完且善也予先以有德與言許君後之讀此錄者藉此以想見君之爲人則予之說不其信矣夫佗若君平生事實與夫家世生卒之詳悉見予所爲誌銘中茲不復論祇論畜德錄云獻臣名永劼君長子也爲人甚文而淳謹有君遺風今且孜孜校刊此錄若惟恐君之氏名無傳於後者予聞之顯揚先人所以崇孝也身比焉順也明示後世教也獻臣其近之矣故并附述

續彙卷十四

七

以見爲德者之有後如此

擬明史列傳自序

世之言史者莫不競以史遷班固范曄三史爲宗顧猶不免後儒之評議議史記者則謂項羽不當本紀也陳涉不當世家也龜策不當列傳也五帝世次不當顛錯也六經傳記不當割裂也稱孔子者不當但言識會稽之骨辨墳羊之怪道桔矢之異也議班固者則謂五行志不當蕪累也古今人表不當乖名而亂體也孺子嬰不當書於王莽傳也西楚所封十八王不當載於異姓侯王表也遷

雄傳不當取其自序也嚴延年傳不當以子貢拜
有比也議范曄者則謂董宣之守正不當槩之酷
吏也蔡琰之失節不當槩之列女也王喬左慈之
妄誕不當入方術傳也庾君盤瓠之俚詭不經不
當入蠻夸傳也聖公之結客報仇不當誣其懦弱
也計子勳卽荀子訓不當一人兩傳也論後不當
復贅以贊也然則鐫誣刺謬雖三史且不免焉甚
者曰史之失自遷固始信如此則遷固尚不足法
乎此蓋後儒以文章相軋之病也非公言也又況
才學識三者俱不逮古人而忝列著述之林如琬
之區區其能免於評議已乎琬又衰老且病蹉跎
一出幾喪廉恥計入史館纔六十日杜門請告者
始踰一年始得放歸故所譔止於如此然而外籍
迭見缺略時有欲無得舉於古人蓋其難矣旣已
錄上史館及歸而猶不能不藏棄此槩者非敢望
名山其人如史遷所說也孤位苟祿遷延歲月亦
聊以志媿云爾

僊府十二觀序

近世言僊道者必謂神僊當有宿命有骨相又有
功行積累致然非勉強可冀者此其說誠善矣顧

吾聞古之爲神僊者非皆忘情於世者也當其始
或年少鏃銳骯髒不平之氣未暇鏟除固嘗思以
功名自奮與世之賢士大夫角材挈知祈效尺寸
以爲人主用及其所遇齟齬則又思所變計而游
平方之外譬諸俊鳥之搏物也一發不中卽翩然
去諸雲霄萬里之上不可蹤蹟如安期生梅子眞
之流是已安期以策干項羽不用遂去不知所之
子眞兩疏譏切王氏不報遂弃妻子爲吳市門卒
兩人者皆長生不死後世所稱神僊中人也由今
以觀雖謂之豪傑可矣豪傑之士使其得志則必
爲張子房爲李長源功成名遂而後解尺一之組
弁萬戶之封寓意於辟穀導引以怡其生苟不得
志則寧與安期子眞齒耳至若寒裳懷臂陸沈於
埃壙之境而傲恣恣睢於金玉錦繡聲色翫好之
場迷不知返此直一妄庸人也雖自負豪傑其誰
許之三原梁子大千爲予同年進士數年以來諸
同年率多取大官致身顯要而大千獨謁選邯鄲
令以禮節忤上官鐫職里居好神僊嚆吸吐納之
術恍若有悟渡江至吳遇予於城西年七十矣顧
鬢無一二莖白者談笑步履不減少壯時出所著

書二卷言神僊事始於僊居終於僊語命曰僊府
十二觀予讀之始不能測其何如人也意者其宿
命骨相與夫功行遂當僊邪抑卽豪傑之士也或
曰使大千果已得僊則終南太萼皆其鄰壤無不
可宿春糧而往者獨奈何舍之而樸被策蹇役役
於埃壘如此邪予曰不然吾郡林屋洞爲左神幽
虛之天此固大千所託僊居也又子眞既隱吳市
門其後竟浮海鍊藥至今海上有梅岑山安期亦
嘗偕羨門隱居蓬萊其地皆在甬東距吾吳不遠
大千之來也儻亦欲邀娶洞天遂招安期子眞諸
人與之乘雲氣而訪太清乎予果何以測之姑識
數語序其十二觀云爾

參同契衍義序

神僊之學賢乎內外交養或養外而遺內或養內
而忘外此莊生所以譏張毅單豹者也魏伯陽參
同契數言坎離龍虎由內丹言之龍者精也虎者
氣也由外丹言之龍者汞也虎者鉛也精若汞陽
也坎之物也氣若鉛陰也離之物也內外丹之指
殊流而同源然後世狎不能相合何也以予所聞
則又有與莊生異者內丹旣成苟無外丹以佐之

續彙卷十四

十

續彙卷十四

十

惟能延年卻病而已欲期變化絕舉不可得也若
內丹未成而驟服外丹則精耗氣散譬諸厝火積
薪之下鮮不焚者固當用內丹爲主也注參同契
者數家其說紛紜不齊而吾里中子佩周先生所
誤衍義一書則專主內養之學章分句晰悉出於
自得至於解上德無爲章如上閉則稱有下閉則
稱無以上爲上兌兌爲口以下爲下兌兌爲精門
則尤非諸家所知亦淵微矣哉先生今年七十餘
矣顏色頽潤如嬰兒步履飲噉過人常若三四十
歲者自言內丹已成洵乎所養之有驗也儻復濟
以外丹不將乘雲氣而游汗漫偕伯陽相揖讓哉
抑予復聞之晉顏魯公不屈於李希烈及旣歿而
握拳不開手爪俱透掌背時人稱其尸解閒又閱
十二真人傳有斗中真人降於曲阜蘭氏自稱孝
弟王授蘭至道且言晉眞僊許遜傳其孝道之宗
是爲衆僊之長然則忠之與孝固吾儒立身之本
而亦神僊家變化超舉之要術也今先生之門則
忠孝其兼得之矣忠介公侃侃義烈旣不忝於魯
公雖受逆闖之禍吾度其精爽可畏必且翱翔天
壤訖今不死亦如魯公之尸解者也若先生直一

孤童耳數千里刺血上書竟白其父冤而肆奸黨於市自其少時至性已卓犖如此豈非斗中孝弟王所欲降而求之引以超舉者乎先生益姑竢之然則先生之當僊也予固不僅以此書決之也承先生命姑敘書之大略云爾

金剛經注序

此經既入中國自鳩摩羅什而下訖唐玄奘義淨凡翻譯者六家自天親無著兩論師而下訖明初宗泐凡箋釋者百有餘家而宋文憲公獨推無著配十八住天親斷二十七疑最合先佛真實了義

續集卷十四

主

然予嘗諷繹數四宗指太密則其解易支往復太繇則其文易晦非不能揆索幽微闡發理事而猶未免乎牽擾紛糾之患也此注相傳出自扈授不攻異論不涉狂見不倍儒宗簡淨曉暢蓋箋釋之超然者其人稱雲峰子又稱谷口子真儻亦隱者之流託名於扈者與吾友沈子東生讀而愛之爲之疏通證明詳加評閱久矣其藏諸什襲而祕諸篋衍矣繼又懼末法陵遲欲盡啓凡夫之信悟也乃鏤版以施而命予爲序予惟沈子之爲人也方其歷官中外卽用廉辦著稱自公之暇補衣糲飯

蕭然一室有黃面衲子所不能堪者士大夫仰望風采相顧歎息固已現宰官身說法及其晚而杜門息機往往研硃滴露惟以評閱此注自課玄言奧旨絡繹奔赴筆鋒舌端儼然夙契不啻若據獅坐而秉塵拂者也則又現居士身說法矣予謂沈子固異人其始與雲峰谷口爲輩流故於其所箋釋也雖欲不形景相符而水乳相合不可得也異時合儒釋爲一盡刊去枝葉岐互之見會性命而超羣果非沈子將誰歸哉予故樂得而序之以示知教法者

續集卷十四

主

休寧張氏世譜序

張之先見於詩若爾雅者曰仲見於春秋傳及短長書者曰老曰翹曰貉曰孟談曰儀之屬稍盛入漢則畱侯良者其功名益大顯相傳休寧張氏卽良後也予考吳郡諸張史俱不載其爲良裔而休寧舊譜則然譜圖自良至六世孫千秋皆與漢書功臣表合獨言千秋次孫讚南渡居蘇州吳江縣九里橋讚長子居蘇爲萼亭縣尹則予竊疑之計讚之渡江當在東漢之初是時吳屬會稽郡有吳縣而無吳江有婁縣而無萼亭且縣官亦不稱尹

安得如譜云云乎又漢順帝始分會稽爲吳郡至隋始改蘇州譜亦安得豫以居蘇名其子哉此可疑者也譜言良之二十三世孫裕其父爲憑祖爲茂曾祖爲鎮而李延壽南史則裕曾祖光祿大夫澄祖廣州刺史彭祖父吳國內史黨與譜皆不合譜言裕子永字景山而史以爲永弟岱字譜言裕長子演無子岱弟囑一子融而史以爲演有子緒囑有數子融第居五又皆不合其佗官爵名字子姓與史傳齟齬者率類此此又可疑者也予固不能信史以詘譜亦未敢信譜以詘史也蓋譜家之

續纂卷十四

五

學從古難之矣以是休寧青山有張氏裔孫發馭名履昇者方用修葺世譜爲己任而又以自良以來世遠無所徵信乃略仍舊譜於前而獨詳休寧四大支以存宗法遺意其先蓋由吳江徙著者履矣至三十三世榮則遷休寧之嶺南三十五世閑遷漁灘三十八世蕩再遷山斗最後四十六世五九然後遷於青山其地皆不越休寧於是以榮公爲始遷嶺南之祖閑公爲始遷漁灘之祖蕩公爲始遷山斗之祖而五九公則爲青山之祖所謂四大支者昏娶卒葬必書有子無子必書而青山其

本支也則尤加詳惟謹予謂是譜有三善焉闕疑一也尊祖二也收族三也夫亦可以示子孫矣義馭爲人謙厚好行善於鄉里來買吳門吳人皆推長者復能延吾友周子牧寧俾訓諸子思以文學大起其宗予觀張之先累世纓紱不絕號爲新安聞家而義馭事行又如此其繼繼承承昌熾殆未有艾也自今以始歲其有君子有穀詒孫子當在張氏矣

吳氏家傳序

延陵吳氏率祖仲雍其後分散佗之往往用功名

續纂卷十四

五

文學著聲前史指不勝屈而畱吳中者支分派衍視佗氏尤盛其宗之簪纓冠蓋亦非佗氏所敢望也顧吾友敬生先生自其尊甫以上再世潛德未耀而敬生父子又皆高材懿軻至今猶據皋比滯斗升之祿於庠序閒識者咸爲惋惜惟同產弟翼生釋褐邑令遠近推冠循吏方驥驥顯達於朝於是敬生喟然曰此吾祖父積善之效也然其事行久遠漸以湮沒散佚儻不筆之於冊則後生奚述焉遂詮次其見聞所得者爲傳若干篇將鐫諸版因書以示予曰某聞先祖無美而稱之是誣也

有善而弗知不明也知而弗傳不仁也某既用是爲鑑今其詮次者具在吾子以爲何如予發書讀之淡歎其質而不俚詳而不蕪洵合禮所謂論議其先祖之美者然則敬生之孝思夫豈易量也哉蓋古者孝子慈孫之愛其親也生養歿哀猶未也爲之合族以敬承之爲之和洽其門內以順適之爲之立身勵志自成其名以顯揚之猶未也歿而爲之行狀以上史官爲之誌其墓以薶於地中而昭示後世猶未也又爲之詩若文以闡發其嘉言懿行以藏於家而勸戒其子姓凜凜焉時抱不明

續彙卷十四

去

不仁之懼若遷固之作序傳韋孟之賦在鄒謝靈運之述祖德莫不皆然而敬生所詮次者則遷固比也予故不辭衰病而敢勉敘其梗槩云

來虞先生年譜後序

從祖祖父來虞先生歷官幾三十年始在工部卽用職守忤巨奄陳永壽汪懷德幾至得辜嗣後在粵藩又忤魏忠賢閑住當先生立朝於諸黨人絕無所附麗及其臨事輒不肯撓詘如此嗟夫熹宗之季士大夫嬖媚無恥爭以媚奄爲事交結之不已繼之以贊導贊導之不已繼之以頌美擁戴而

建祠之議遂起蓋自浙江巡撫倡之薊遼總督應天巡撫輩和之是時主票擬者崑山元城兩相公也相與造爲駢儷揚詡之辭應答如響於是凶德參會而生祠遂徧天下矣假今天不悔禍則九錫勸進之文必出此轡手筆前明之宗社又奚待揭竿斬木之徒棄閒獻聚而始覆亡哉顧先生以一外僚屹然撐撐其閒用能夾輔撫按率厲寮屬嚴禁境內不得擅建生祠卒使逆奄之黨如陳嵩者斂蹟屏氣而不敢出聲風雨如晦雞鳴不已先生之爲人豈非人心風俗所重賴者與否則亂臣賊子相隨屬而孽倫或幾於息矣不亦大可畏邪逮至先生暮年雖復見摺於用事者屏置海外以歿而高風偉節詎今傳述於吳越人士之口彼媚奄者流上之旣已伏法朝市次之卽季免歐刀獲保署項於牖下而兒童走卒販夫餅婦猶能羣焉指席其氏名藉藉唾罵不止然則賢不肖之相距其所得孰多也觀此譜者微獨吾族羣從子姓宜謹毋忘先生之道懿相率起而師之以求繼美於世卽凡百有官君子儻亦當奉之爲楷摹爲龜鑑且以俟太史氏有事明史者采擇其一二以備實錄

續彙卷十四

七

起居注之缺遺不亦可乎譜爲先生第五子沂州公所輯先生歿時沂州公尙少今距先生五十年獨力攬撫凡再脫槁而始就嘗莊語琬曰吾之爲此也文直事核庶幾可以傳信後人琬歎其誠然也故并著之

鈍翁續槁卷十四終

續槁卷十四

康熙乙丑春正月同里周公贊校字

鈍翁續槁卷十五目錄

序三

王敬哉先生集序

金正希先生遺藁序

襲紫樓文集序

喬石林賦草序

願息齋集序

愚山先生詩序

山間詩序

問亭詩序

鈍翁續槁卷十五目錄

問山詩藁序

旅行日記小序

西邨汎雪倡和詩序

續倡和詩序

許南其送行詩序

楊師範詞序

鈍翁續槁卷十五目錄終

純翁續彙卷十五

文彙七

序三

王敬哉先生集序

敬哉王先生不遠三千餘里示琬文集六卷琬受而卒業歎曰富矣美矣琬聞之文者貫道之器故孔子有曰文不在茲乎孔子之所謂文蓋謂易詩書禮樂也是豈後世辭賦章句區區儷青妃白之爲與孔子既沒漢儒收拾暴秦燼燬之餘修明講習可謂勤矣然而言易者不知天人貫通之旨而溺於納甲卦氣之說言詩者不知王國盛衰之原而溺於四始五際之說言書者不知二帝三王所以致治之大本大用而所爭者文王改元周公踐阼之說至於禮樂又往往有其義而不知習其儀有其器而不知名其物甚則溷以圖讖牒以譌僞而孔子所刪述之文不晦卽亂夫日月星辰天之文也山川草木地之文也易詩書禮樂諸經人之文也人之有文所以經緯天地之道而成之者也使其遂流於晦且亂則人欲日熾彝倫日散天地之道將何所託以傳哉嗣後陵遲益甚文統道統於是岐而爲二韓柳歐陽曾以文周張二程以道

續彙卷十五

一

未有彙其源流而一之者也其閒釐剔義理之絲微鑽研問學之根本能以其所作進而繼孔子者惟朱徽國文公一人止耳儻微文公論說之詳辨晰之力則向之晦者幾何而不熄向之亂者幾何而不漸滅蕩盡也然則使孔子之文踰數十傳不墜蓋文公之力居多今距文公又五百年所矣而繼之者無其人或有其人矣而琬僻處海陬猶未有見焉此所以日夜流連太息不能無望於世之學者也及觀先生所示其辭質而瞻其義簡而明求諸文公諸書無所不合於以輔翼傳注而疏通易詩書禮樂之文庶幾由文公而遂溯孔子者與吾然後知天之未喪斯文始自孔子以來訖於今如一日也語云賢者識其大者不賢者識其小者琬亦嘗好學深思力期從事於此固不敢自安於不賢而氣昏質惰雖欲勉進賢者之域以求溯孔子之所謂文而終不能逮也故願附名先生文集之末述其所見以求正於先生云

續彙卷十五

上

金正希先生遺彙序

正希先生諱聲休寧人正希其字也中崇禎戊辰進士選翰林院庶吉士歷官修撰至兵部右侍郎

殉難歿死三十年而先生從子貴與其兄敦澄彙刻先生時文彙若干首而命予序之予惟自有明以來國家令甲勅設五經四子八股之業以爲進退士子之具當其盛也舉凡魁人傑士與夫公卿將相戡定禍亂通達時務之流胥從此出而其文章亦皆昌明博碩妙於語言爲學者所宗雖名爲時文而求諸古人蓋未有不合者也沿及神宗之末文體日益以壞而士習亦日益以變廟堂之中門戶相角人主孤立於上士大夫朋比於下曾不數紀遂蹙社稷而覆之嗚呼國運之治亂人材之賢不肖吾固於時文驗之矣時文之靡爛詭異此卽五行傳所謂言之不從之孽也顧先生於明季獨慨然以國事爲己任敍驅兵間數被黨人所搯而志不少衰卒之建立卓卓如此抑何壯也閒簪取其時文諷誦而細繹之大率以灝瀚之氣雄放之才沈幽峭拔之思馳騁上下於思泉震川鹿門諸作而自名一家上之研極天人次之講明經世有用之學而於前古盛衰治亂廢興得失之故尤惓惓微寓其意而見諸議論翰墨之間闕其所得視全盛時作者無異可謂淳且厚矣惟其所得之

續彙卷十五

三

淳且厚故能不爲威誅不爲利誘雖至於捐軀截脰以歿而曾勿之恤也先生之歿豈世之小丈夫猝焉與患難相偪所可得而遽辨者哉不然使用剽竊牽綴浮游不根之文以倣季功名於一旦其人若風中之蓬水上之稂靡靡然一無足恃而聖其異時之有所建立豈不難乎此先生之文所以彌可寶愛也予故願縣此若干首於國門以示學者云貴字箴文其兄字去泥皆謙謹好學爲諸生有名於時又能釀金以刻此庶幾紹先生遺緒而亢其宗者於此乎在

續彙卷十五

四

襲紫樓文集序

嘉興李君明遠其先世都運公以乙科起家累官至兩淮運使嘗受業顧端文公習其風流餘韻中朝爭以東林黨人指目之歿而錢尚書牧齋銘其墓稱公少而其詩多名章麗句爲文人長而淹經術負經濟爲通儒晚而廉辨幹達爲能吏其見推服如此於是君以諸孫與其再從兄曉令繼之皆用文學有間於東南又皆游牧齋及張翰林西銘之門是時文社方大熾君兄弟又張氏高第弟子世居長水之上四方好事輕舟過長水詣門投謁

者連日夜不絕而曉令尤重然諾性剛直好嫚罵由是爲怨家所中屢傾其產千金曉令既歿有三子斯年武曾分虎才名相頡頏其年皆少於君君則復以所長角逐其閒坐老猶不少倦予嘗歎長水一隅之地居人僅數千家而李氏百年之閒科名蟬連衣冠都雅其子弟耳濡目染無不自澤於學者何其盛也君雖軼軻不偶然自少家居則有都運公爲之祖有曉令爲之兄在外則有牧齋西銘與其同門諸名士爲之師若友故其學易進而其聲望易起最後復有斯年昂季爲之族子晨夕

續集卷十五

五

候問起居相與倡酬詩歌研磨古文辭之曲折遂以是娛其老而忘其貧則君之所得者不可謂不厚且季矣武曾在京師尤善予君以武曾書造予堯峰山中屬予序其文集且追述社中諸故事娓娓可聽予謂君之詩文既行於世四方士大夫必有讀之而知君者至其家世問學之原委則讀者未必能盡知也予故次其始末以復於武曾而寓君俾冠諸卷首焉

喬石林賦草序

先是 天子既下薦舉之詔四方搢紳降及山林

韋繫之士咸集 闕下諸以才藝相炫耀者甚衆

而中書喬子石林尤能絕出其輩行當 御試文

賦之日侍衛諸近臣環列左右佗人方濡墨屬稿

作囁嚅瑟縮狀石林則已展卷疾書千餘言立成

起顧日晷猶未昃也琬與同試者旁睨其所爲未

嘗不太息折服既而石林名在第五琬亦濫廁五

十人之列奉 旨授翰林院官將共入史館有日

矣於是石林盡出平時所擬賦草示琬凡如千篇

琬受而讀之見其命意則根體要摘辭則趨雅正

故能麗而不淫典而有法信乎其夢國之選也或

續集卷十五

木

謂賦家宜於侈靡史家宜於簡直二者之學不同今使石林以賦才司纂修得毋用違其長與琬曰非也登高能賦可以爲大夫古之所謂大夫者求諸尚官如太史小史內史外史之屬皆在焉不必其無兼才也劉向揚雄之於漢也蓋嘗葺天漢以後諸故實訖於元成哀平以續史記矣及考其騷賦之作則又卓然有名如向之九歎雄之長楊校獵反騷諸文是也世稱班固漢書文瞻事詳過於史遷而東西都賦則又敘述山川之險都邑之雄闕掖庭之麗而究歸於靈臺辟雍明堂風化之

盛其辭閑淡灝衍雖後有作者研思十年亦不能稍加焉孰謂長於此者必不長於彼與石林之爲良史才吾卽以其賦知之矣抑琬猶有感焉咎賢歎爲賦乃俳史遷亦言文史星歷近乎卜祝之閒二者之學見輕於前代如此比者天子恢張文治尊崇儒術其於薦舉諸臣往往錫之以金粟勞之以饗燕繼又寵之以清華絕非前代所及使盡得石林輩兼才以應之是誠可以不媿顧琬則非其人也蓋自予告以來才華刊落舊聞放失旣不能出駢四儷六之辭以續騷頌又不能網羅勝國之典章上下二百七十餘年之人物以資筆削乃欲步趨石林之後塵其能勿汗顏而接手乎方惴惴然以上羞朝廷下貽藝林之玷爲懼空乎讀石林諸賦而不勝其羨且慕也遂援筆序之不獨暴揚其賦心之工亦欲以史才之良如揚班比者厚致望於石林云爾

顧息齋集序

義理之學一也經術之學一也史學一也辭章之學又一也學至於辭章疑若稍易而世之文士終其身憊精竭神於中卒未有造其全者杜子美之

續集卷十五

序

續集卷十五

序

詩舉世宗之號爲集大成矣而無韻之言輒不可讀蘇明允曾子固皆不長於詩子瞻之於詩若文雄邁放逸其天才殆未易幾及而倚聲爲小詞則不如周秦遠甚儻猶輸人不能造弓巧人不能操斧斤以斲櫨榘也惟其憊精竭神於一藝夫然後可以盡其變而入於神且化所謂藝之至者不兩能與若吾友徐子竹逸則不然徐子與予同年生開嘗聚首都下旣而釋褐永昌推官別去踰二十年始復相見於吳門出其著述凡若干卷予受而讀之其詩歌甚工也古文辭又工至如酒闌游戲屈其體格以見於小詞則又工古人之所難徐子之所易微獨其才識氣力有以捷出乎衆也蓋徐子家世義興生長山水奧區若銅官善卷張公次里諸勝固已飽聞而飮見之矣及其奔走西南絕徼則又舉危崖峭壑重淵脩阪魚龍之所都虎豹蟻保之所穴與夫箐谷之宵溪篲木之秀麗蟲鳥羽毛之怪奇娟好者無不閱之於目肇之於心而發之於文章加以宦游不達則又褻回險阻吁嗟轉軻撫時觸物幽憤排惻之思生焉故其所作類皆得江山之助者也抑予聞之道成而上藝成而

下子與徐子皆老矣予年五十有九而徐子又過之頽髮皓然顧猶角逐辭章精憊神竭而不知返夫亦遠乎道矣益相與刊落膚華弃捐楮筆以進求其上焉者乎是則有先儒義理之學在今而後願偕徐子勉之

愚山先生詩序

道與藝一也是故道亦藝也禮樂制度文爲皆道之所寓而聖人以藝名之藝亦道也庖丁之解牛梓人之削鐻僂僕丈人之承蜩皆伎術之工巧者耳而可以與乎道仁者見之謂仁知者見之謂知

續集卷十五

九

道藝之不同而精麤內外大小本末之辨亦視乎學者之所得而已六藝之中有詩自公卿大夫訖於委巷細氓與夫婦孺之作悉在焉然而上之可以感鬼神宣政化次之可以喻情志正風俗其遽得謂之非道乎此聖人所以雅言而學者所以尊之爲經也顧後之詩人從未有貫道與藝而一之者惟其釘釘以爲富剽竊模擬以爲工不飲酒而樂不疾痛而呻吟是雖曰無詩可也是固學者之通患而非詩之本教然也愚山先生道孔孟之道而學朱陸之學者也及其爲詩則又命辭簡切立

意澹遠其體益近漢魏而發源則已騷騷乎三百篇之間庶幾乎能貫道藝者與向者予壽先生嘗推明其學術所自來而祈之以用世今方應詔北首則予言始將驗矣異時以其章句登諸明堂清廟被諸簡管瑟琴以潤色天子太平之治者非先生而誰或謂先生講道東南固不妄沾沾以詩自喜而吾黨亦不妄以詩人目先生則予以爲不然詩溫柔敦厚其教之所系甚大而顧用一藝席之則孔子不當雅言而尊經者當遂廢三百篇也豈詩人之能顧不及承蜩削鐻者與夫亦非先生所講以率後學之指審矣予性樸槩雖不能爲詩而嘗問道於先生故敢以斯說冠於其詩之首

續集卷十五

十

山間詩序

自三百五篇以風雅頌稱而漢魏以來之詩人相繼閒起凡後世登臨離別閨情旅怨之作是皆風之屬也朝會燕享征伐使命箴規贊美之作皆雅之屬也銳歌騎吹郊壇太廟樂章之作皆頌之屬也而論者遂別而爲二體有朝廷臺閣之體有山林田塾之體且謂二者有所難兼能乎此者不必其能乎彼其說信然乎哉予以爲詩有時焉有遇

焉有地焉理亂時也窮達遇也朝墜地也世之公卿大夫雍容而入臺閣者非異人也卽向之起家山林之中相推擇而進者也是故方其窮也則必爲枯槁顚顚愁苦之音及其達也則又改而爲和平愉懌嚴重典雅可播金石可叶鐘呂之音雖詩之爲體不同而要其歸則皆其時其遇其地之使然也使易其地與其時若遇而遂不暇以工豈果詩體之不兩能哉夫亦才之疏而學之隘爾不咎其疏且隘而姑諉曰難兼吾不之信也宗人舟次與予相見者再矣觀其儀觀頎然而秀偉聽其

續彙卷十五

上

論議傑然而磊落家故胤於財其後漸廢而賦詩益工日夕瑯鏤章句研極聲韻絕不肖蹈襲時賢一字遂以才學歸焉拔出於東南人士之閒而或者閒疑舟次諸作幽隋太甚若不宜於臺閣者予謂非也蓋嘗覘舟次之所得淵激渟泓其畜之富而養之淡始於無施不可者也儻一旦翱翔朝廷之上珥筆應制於以追蹤雅頌無難者乃不率而僻處一鄉坎珂頓躡發爲風人之言譬諸谷獻泉鳴雖欲不幽不峭也得乎管韓退之稱孟郊東野曰作詩三百首窅然咸池音又爲之太息曰天

將和其聲而使鳴國家之盛邪抑將窮餓愁思而使自鳴其不幸邪舟次固今之東野也使復有退之者出則能知其所得也審矣

問亭詩序

問亭先生固我太祖武皇帝之曾孫而世祖章皇帝之再從子也嘗出其所賦詩歌一編授簡於琬命爲之序因復於先生曰文者道之興而詩又文之菁萼寓焉者也答者周公召公皆以周之懿親夾輔王家翼亮數世若文武肇造於前成康丕承於後誕集大命以詒後之人實惟二公左右厥辟當其時僉力協心罔不夙夜故能使盛德大業爲周室冠空無暇求工於一章一句與學士大夫競能爾長審矣然而考諸詩小序幽風七月鴛鴦東山周公作也小雅常棣亦周公作也大雅公劉河酌卷阿召公作也頌清廟烈文諸什又周公作也其旨婉其思淡其辭春容而典麗後之學者雖欲規模而則效之不可得也夫德業盛大既如彼詩歌典麗又如此一何其有兼長與蓋文以載道周召所得於道者淡斯不求工而無不工也今天子倡右文之治昭示薄海內外方欲舉末俗

續彙卷十五

上

而返之成周故於萬幾清閑屢出 御製炳炳煌煌譬諸列星二曜坐象無極於是化之者近自本支遠暨臣庶率皆竭蹶於藝苑回翔乎文圃摘藝擷藻應之若響而先生則尤 王家之卓爾者也其學貫穿經傳鎔綜典故而又淡研性命之指博求天人之源先生之於道也琬誠愚陋不足闕測其所至若其近體之清新歌行之雄放所謂載道之言之工亦既傳誦而屬和其一二矣顧此豈足以槩先生哉先生位雖尊養雖厚然猶未及見用且復恥於求試故其長隱而靡耀耳儻 天子迪

續彙卷十五

圭

簡有道之佐一旦得以懿親出寄心膂重任用俾恢張至治措天下於乂安然後盡發其所工者上之作爲雅頌以是奏諸 郊廟施諸燕饗朝會必能鋪揚先烈美盛德之形容次之采風謠陳勸戒倦倦反覆三致意焉亦必與幽風七月者比由此進廟周召二公之閒誠未知其孰先孰後也美哉斯編其始始基之矣琬雖病且衰謹拭目以俟願覽觀先生制作之成焉

問山詩彙序

予往在戶曹從晉江丁子澹汝游愛其爲人磊落

多奇未久而予奉使以出既還又以養病請告南歸雖嘗讀丁子之詩顧未暇閱其全也逮予應詔至 闕下丁子始投予問山集若干卷予受而卒業大篇短章閒見層出訇然如鍾呂之鳴煌然如藻火之麗洵乎其爲詩人之雄也蓋丁子之少也生長嶺海萬里之外長風怒濤魚龍變幻靈泉穹壑雲霞出沒怪禽珍獸嘉雩異果極瑰瑋閎闊非常之觀既有以觸發其心志及其仕也回翔畿輔以達乎 天子之都俛首郎署十餘年矣博通國家之故事習聞名公鉅卿之論議而周覽乎

續彙卷十五

古

古咎酒人俠客仗劍擊筑悲歌忼慨之遺趾至於簿書稍暇則所過從者悉皆四方騷雅之士日夕從容乎壺矢碁局鉛槧樽俎之場又有以恢拓其耳目而陶冶其情思故其發之於言無不合黼黻中鏗鏘未嘗求工而自造於工也予比歲退老田塋舉凡杖履之所經不過跬武而輪楫之所至亦不及一舍入與蓬首垢面者居出與簾樵筒釣者爲伍以是學術日陋而神氣日衰雖閒一賦詩往往積唐蹠號叩之喑然而無聲循之黯然而寡色夫豈能勝丁子所造哉而丁子猶惓惓於予殆不

知其老將知而耄及之也幸復得相見於此願往就丁子學焉則又自顧其學術之陋神氣之衰年齒之蹉跎放廢其尚可與研窮其曲折而追溯其源委否邪丁子必有以告我

旅行日記小序

晉賢逾江省其外舅於巢往返凡若干日同行者爲周子青士相與賦詩若干首合爲旅行日記一卷予平生雖未嘗至巢然記中所載如南徐如廣陵如真州皆予束髮以來奔衎南北所習游之地而白門鳳臺則又嘗承乏奉使於此文章政事之

續彙卷十五

五

餘弔金粉之故蹟訪王謝之風流上下俛仰宜其發爲詩歌以稍摭其蘊積顧才拙而思澁先後見諸紙墨者蓋寥寥無幾也今觀兩君子吟咏之富能無媿乎當晉賢之往返江上也賓朋親故相踵登臨躊躇相文錯由日記考之疑若無暇晷者而兩君子從容跌宕贈答倡和於其間口占手錄比於宿構至其意思之清新章句之工麗則又皆不爲苟作此予所尤媿者也余子無殊言晉賢方戒期浹秋將偕二三子由長興泛二次探張公善權諸洞籃輿畫舫匏尊竹杖嬰游山林泉石之中其

境益勝其所得之詩亦當益加恢奇予非獨媿之而已實不勝歎且羨焉姑附數語於日記之末而又執筆以俟

西郊汎雪倡和詩序

常熟蔣子文從所葺汎雪詩若干首并系以圖成一卷如左予惟汎雪韻事也汎雪而賦詩繪圖尤事之最韻者也雖然蔣子知雪之可喜而未知其可畏也予在郎署十餘歲每遇雨雪則京師道上馬牛車驢相蹂踐中閒泥淖踰數尺左右冰陵如山瀕晨入署輒有顛仆之恐又嘗奏事行殿夜

續彙卷十五

未

半抵南海子風雪甚猛大聲發林木間幾於噉噉鬼歛燈火撲滅殆盡迷不知路旁皇良久遇騎者援之始得免及請告歸里冬杪過盱眙寒雲四集彌望無人煙予方棄肩輿積雪覆輿盈寸輿人力倦不能荷衣裘皆溼手足至僵凍欲裂上下齒搏擊矻矻有聲氣色悉沮喪幸而前達逆旅則童僕無不置酒相賀以爲更生甚矣予之畏雪也至今偶一追維猶不寒而栗顧蔣子以高才生從容豁壑之閒青簾畫舫與諸賓客縱觀山雪舉酒吟賞且能見諸翰墨爭奇角勝刻畫盡致夫蔣子不知

雪之可畏猶予之不知雪之可喜也豈果雪有異哉所遭之會不同爾假令予前此脫去塵網輕裘席帽得往從蔣子觀雪於虞山雖風流蒞藉或不足比肩羣賢然猶欲借酣嘯眺望之樂用以娛其情而寓其志亦何不可喜之有予既自歎其所遭而又羨蔣子之擅此靈韻事也故願爲之序

續倡和詩序

予廬在西郭外距楓橋僅五里爲市井闐闐之區四方商旅櫟處比戶無弦誦聲竊嘗歎曰是安所得詩人而友之乎顧有公紳覲侯二子家於洞涇

續彙卷十五

主

之西與予廬最邇二子者皆好爲詩清新秀整駿驥乎造於詩人之域此亦一鄉之傑出者也先是嘗刻其倡和稟旣命予序之矣而二子者復續爲之不已所學逾進而所賦逾工予甚歎而服焉始予之爲序也告二子以作者之法今願益以一言曰求諸風神韻氣之全而已不見夫土木偶之爲美人者乎方其刻木搏土而被之以丹青也其形貌美人也其服飾美人也兒童說之而有識者未嘗顧問焉何則爲其神韻之異於生者故也夫作詩亦有神韻焉摹擬非也塗澤亦非也此則在二

子自得之而予言之所不能助者也審又進乎此則微獨傑出一鄉雖嶺南特立於江之南可也

許南交送行詩序

荀卿子曰藝之至者不兩能占之才人求名於文墨之間未有能以詩畫並著者也有之自王摩詰始蓋其才情氣韻得之有繫每一落筆莫不盡善故世之言詩畫者舉皆宗之嗣後若文與可之竹蘇子瞻之樹石米元章之雲山人物庶乎其配詩以行然文米率畫勝於詩而子瞻則又詩勝於畫若摩詰所謂畫中詩詩中畫者殆未能超然優入

續彙卷十五

本

其域也則荀卿子之言猶信吾吳累百年來士大夫兼長詩畫者殆不下數十家而獨推沈啓南文徵仲爲最啓南人謂沈畫神品文畫妙品得者寶之如拱璧至於其詩則後生晚進從事文學者往往守一說而不能會通乎大全故至今持論微有異同以視摩詰雖或未之能逮而已韻頗乎文蘇之列矣虞山許某南交其家世故多顯者顧獨沈酣詩畫中歌行近體蓋宗晚唐而畫則出入北宋諸家與文沈異派而同源佗日以上舍生將往考職吏部既戒期矣吳會諸君子知南交者悉以一言

贈行而嘉興瞿秋岳先生爲之倡予彙而讀之竊謂南交年少儀觀秀濇問學淹洽固足以傾動一世況又重之以詩若畫乎使當觴咏之餘盤礴點染必能使觀者神怡而聞者竦聽挾此以往其繩王侯之屨而走公卿之車騎者殆不可以指屈矣宜諸君子咏歎不置也答文徵仲貢入京師聲望方爲同朝所重遂得薦入翰林然則南交豈遽以選人終哉

楊柳枝詞序

予按郭茂倩樂府有折楊柳詞凡四調其二爲橫吹曲則梁元帝有詩及古詞上馬不捉鞭五曲是也其一爲相和歌瑟調曲則默默施行違一篇是也其一爲清商西曲歌則月節折楊柳詞是也又有楊柳枝詞者白樂天尙書所製其詞皆咏楊柳本事詩云尙書有妓樊絮善歌小蠻善舞年既高邁而小蠻方豐豔乃作楊柳枝詞以託意曰永豐西角荒園裏盡日無人屬阿誰宣宗聞是曲問誰詞左右具以對因東使命取永豐坊兩株植於禁中尙書感上知名且爲尙風雅又作詞一章曰定知玄象今春後柳宿光中添兩星其後乾符五年

薛能爲許州刺史令部妓少女作楊柳枝使舞復賦其詞爲新聲楊柳枝詞本末如此又按樂天此詞自本事詩所載之外復有八首中間或云洛陽或云館娃錢唐蓋不盡爲小蠻作劉寯得屬和亦然本事詩云云未可泥也今此卷倡和雖非專宗劉白然不可不知其緣起故錄於卷端以示覽者有考焉

鈍翁續彙卷十五終

續彙卷十五

康熙乙丑春正月同里周公贊校字

純翁續彙卷十六目錄

序四

山薑書屋詩彙序

唐孺舍詩彙序

贈處集序

侶菴齋詩彙序

陳均寧詩彙序

春草軒小彙序

張青瑯詩集序

洞庭詩彙序

姚氏長短句序

純翁續彙卷十六目錄

純翁續彙卷十六目錄終

純翁續彙卷十六

序四

山薑書屋詩彙序

開國以來逮今三紀士大夫言詩者莫如山左爲盛自王先生貽上以詩學倡於京師四方騷人墨士爭趨之其鄉綸霞田公於甲科視王先生雖稍後及居郎署詩名亦大震殆與王先生相頡頏王先生之詩其辭雋逸其旨清婉而和平而我公尤縱橫跌宕可喜舉凡隨物寫形緣情敘事無不頓挫開闔各臻其勝開一出奇則如夏雲之突兀

續彙卷十六

文一

怪松之礪礪未易名狀所謂橫空硬語安貼排冪者惟公有之蓋我公之詩近於子美而王先生往往神似太白譬之江河之流發源各異至於波濤奔放望東海爲歸宿則鈞也今王先生既長成均其詩教當大昌矣若我公則方持使者節視學東南擘三山之名蹟弔六代之遺風登高望遠所賦尤工顧猶祕諸篋衍中後生晚進未及盡觀也今年秋予門人惠子元龍還自江寧述我公之命命予爲序遂因元龍以復於公曰國家科舉例依前明故事不復如唐人之用詩顧今天子振興

文治萬幾之暇 御製成帙且嘗 詔舉博學之士 親試諸 體仁閣下復以五言排律第其甲乙殿最既又大宴 廷臣首擬漢柏梁臺體 命諸臣以次繼作固未嘗諱言詩也當我公考校之初亦嘗課諸生以一詩矣益遂盡出其所祕縣播國門俾東南學者人弦而戶誦之各知有所矜式庶幾得與王先生左推右輓以闢揚三百篇之指歸而輔翼 聖天子爲潤色太平之助不亦休哉

唐孺含詩彙序

詩亦難言矣哉才非高弗工學非贍又弗工高矣贍矣非有師友淵源講貫磨礱之益則雖工而猶未盡善也而今之學者顧易於言詩出其譎劣之才與夫固陋卑俗之學上無師承爲之本下無交游磨礱爲之助往往以餽餽爲博以綴緝爲麗儼然自附於作者之林而不之恥抑何多也予游京師者久坐老南歸始得交唐先生孺含讀其詩而歎服之謂其非餽餽綴緝者比也先生自少好詩老而隱於荒江之濱室無萊妻鄰下無通子僦屋而居待脩脯而食欣然長吟雖屢空弗恤也其才雋邁而加雄奇凡翰墨之所至狀人情寫物態牢

續彙卷十六

二

籠萬變纖悉畢具無不寓之於詩其學自經史外諸子百氏稗官小說凡可資爲詩者必皆淹洽貫穿疏通其指歸及其言詩也則又一以子美子瞻爲宗推而上之由開元景龍黃初建安務達於三百篇然後止顧猶不自以爲足往往篋其所得操舟至吳門就陳子均寧輩篝鐙貫酒相與討論而鏃礪之卽屢易其藁弗靳故其詩無弗工者而以淹於布衣杜門挾策甘自退老於田閒由是士大夫知之者少可爲太息也予嘗評先生詩曰子美子瞻吾所不敢論使陸務觀范至能劉潛夫而在儼得與先生上下角逐於文酒之社各出其所長雖有善論者亦未易優劣之也會予老病方甚苦於詩文之逋遯居山莊而鵬者噪之猶不已顧獨淡愛先生作樂爲之序欣然忘其心之所苦云

贈處集序

錢唐趙使君恆夫先是權關揚州京師諸老先生咸賦詩以贈而予方以疾請告未能追逐其後也逮予告歸輕舟見君於江次君已葺諸贈詩成秩鐫之版矣乃命予爲之序予惟士大夫之泄官政者莫易於權課而惟催科爲難又莫易於招徠估

續彙卷十六

三

人而惟駕馭桀驁不馴之衆爲尤難何也方使君之令交城也在兵燹熾定之後揭竿挑戟負固而逆顏行者尚不可以數計當此之時以文告羈縻之不可以武事草刈而禽獮之又不可使俗吏際此未有不心攝而氣沮者君則顧睨其衆蔑如也方集諸賓從以雪夜高會及乎酒闌燭跋奮然戎服介馬超越數百里之險從而相視要害詠致閒諜皆卓焉具有成畫無幾時而諸渠魁悉已泥首曲邾生殺惟命矣抑何神也窮巖溪谷胥吏之所不到符檄之所不通其氓遁租稽稅洽以成俗也

續彙卷十六

四

非一日矣至是佩使君之德而懼其威無不男負女戴輸將恐後使君以是急獲上考出諸郡邑之右雖西漢循吏未有能兩兼者也而君恢恢有餘故吾謂之難至於值承平之餘四方行旅往來江淮吳楚之鄉艫銜尾而車湊輻直其恒耳而揚又一大都會也苟一旦撫之以寬政其孰不輕千里如里閭而叩使君如怙恃乎持籌算縉之暇雖日夕與騷人墨士置酒歡歌翱翔乎觀梅之閣馮弔乎迷藏之樓其於坐鎮不既裕如也哉故吾謂之易立乎潘子次耕太息君之才以爲不可及者在

彼不在此也然則竹西刊水之閒謳吟大作固不俟訖今而始驗也君能勝其難者則於易者何有而贈詩槩未之及乃爲推明次耕之說以序其首

侶菴齋詩彙序

古之爲詩者必有所感慨憤激於中不獲已而始託諸文辭是故欲正言之而不敢也則微言之欲微言之而又懼其不吾察也則旁引曲喻丁寧往復纏綿排側而言之此無佗所以自明其不得志者然也使其得志則將發之於事功而達之於民物又安庸此區區者爲哉故曰詩能窮人古之爲

續彙卷十六

五

詩者自唐宋以來若杜子美寓食於西蜀李太白黃魯直皆羅竈譚陸魯望林君復下及近代孫太初謝茂秦之徒又皆布衣終其身若梅聖俞雖得一官而訖不顯無一非相望於窮者也至其甚者賈閭僂蘇子瞻劉潛夫之屬則又專坐詩賈軹豈非詩愈工則窮愈奇之驗哉吾友張子曾餘始亦窮者之一也張子少好爲詩以格於科舉未竟其業既與予同捷省試又屢上禮部不第後由絳誤被絀遂無復仕進意專求工於五七言體榜其齋曰侶菴蓋自比於物不得平則鳴者短歌微吟

累數百篇其文辭亦既斐然矣至是命予爲之序
予告之曰窮不足以累張子也 國家待詮吏部
者歲不下數千人屈指其達者僅一二而止耳其
佗皆求免於窮而未逮者也且其窮又不坐詩以
予之陋劣其爲詩也加無師友淵源之益距古之
作者尤闊遠然而坎坷偃蹇坐老而無成則亦不
免乎窮獨柰何以張子之窮遂以爲詩咎哉吾聞
之也不有得於今必有合於古不近而榮顯於一
時必遠而留傳於後世若張子之詩是也然則窮
不足以累詩乃足以累張子乎或曰張子既緣好

續彙卷十六

本

詩之故而益窮而復取吾子窮者之言序之其爲
計左矣窮固未易療也予曰然請并述以告張子

陳均寧詩彙序

予友陳子均寧吳中之隱君子也先予甫踰弱冠
與均寧定交是時均寧館於徐氏予同輩皆年少
盛氣坐未定論議遽起均寧獨嘿不應徐出微辭
相屈服舉坐皆竦於是均寧方喪其偶且患衄血
藥鎗若銚竹牀斐几之具位置瀟灑意頗若自得
者閒一賦詩多幽峭奇崛語繼而別徐氏去相見
益稀康熙九年予以嚮郎謁告歸均寧來以詩見

示閱其旨趣不屑規模古人而自然超逸遠出塵
垢之表益勝於曩日譬之噉諫果而飯苦筍咀嚼
有味然猶未及銓次也其後予復由史館歸則已
成帙矣且曰子其序之予惟均寧之詩卓然自名
一家固不待予言而傳獨念予兩人爲故舊將四
十年矣中間人事之抵牾道路之遼闊幾於不復
相見不自意坐白之餘顧得殷勤握手時時慰藉
於里門酒闌燭跋追記向定交時腸肥臍滿其動
止多可笑者悅焉如昨寢如隔生爲之太息不已
是不可以無述也

續彙卷十六

七

春草軒小彙序

處士君諱遠臣字孔興姓蔣氏世爲無錫鉅族少
孤而貧事其母以孝養稱長而習舉子業且潛心
先儒義理之學明胙既訖遂歎息曰先儒有云學
道而應舉譬諸避人而入市也於是絕意進取大
肆力於詩文來吳門徧從前明士大夫游遨靈巖
鄧尉閒所賦詩益多名春草軒小彙未及版行於
世也既歿之十有九年見寢其子侄曰若方鏤吾
詩空乞汪鈍翁序之侄是時已弃儒初不知鈍翁
誰也寢而歷訪親故知其爲予因介中表周生子

瞻詣予請序予讀其詩氣平而語和不失古詩人之教非若麥秀黍離感憤怨懟者比信乎可傳者也雖然周有占瘳之官所掌六瘳曰正曰噩曰思曰寤曰喜曰懼若夢生所夢於斯六者果何徵邪詩文小伎學道者恥爲之君墓木且拱矣而猶惓戀不忘邪當君之生也與予氏名不相諳聲問不相接未嘗有枯酒硯席之雅及其歿也而顧知之地下邪予之窮於世久矣杜門空山士大夫好予者無幾而君之靈爽乃獨愛慕如此邪豈鬼神所好惡視人世遽相徑庭邪予不年少學古文辭晚而衰病荒落自分且湮滅無聞焉若君之所作顧已藉藉騷人逸士之口反欲託予之餘波殘餞然後能不朽邪是皆未可以爲信也抑聞之知道者曰生猶瘳也死猶覺也君既覺矣而予方十沈九浮於碌碌塵瑤之內顧令以瘳中之語傳覺者於不朽則君之爲計左矣特以生之來請也其辭甚哀而思傳先公之詩其志又甚確易所謂子克家者也予故不能嘿嘿云

張青瑀詩集序

晉賢論文有二體有臺閣之體有山林之體惟詩

亦然鋪揚德伐磊落而鬱贍者臺閣之詩也裴回景光雕琢而纖巧者山林之詩也春容翺翔澤於大雅者臺閣之詩也悲嘯憤慨鄰於怨誹者山林之詩也是故王公大人之所賦讀之如伐鼙鼓如考鯨鋪如撫琴瑟之和平臺閣之詩也騷人思婦之所吟讀之如擊土壤如叩瓦缶如聞蛟鼉蟲鳴之淒清山林之詩也有唐諸名家若燕許之巨麗李王錢劉之新逸皆臺閣之詩之屬也至於盧仝之怪奇李長吉之刻削孟郊賈島之寒瘁則山林之詩之屬也爲臺閣諸體者宜資宏壽考宜大其設施於世爲山林諸體者宜不偶宜不永年宜無所表見而自放廢於宋寔之瀕浩蕩之壑以此相士大率皆然獨於吾友張君青瑀失之青瑀起家翰游登嚮郎駿駿乎向用其平生歷臺閣之日居多舉凡見聞所經興會所觸無不寓之於詩大章短什傳頌士大夫之口祭酒吳梅邨先生最善歌行每推青瑀長歌數千言太息其不可殫及所居與予比鄰數用文字相角逐青瑀閒出一篇予未嘗不瞋目而擊節也蓋其體實有合於所謂臺閣者然而官不越郎署年不及耄期最後遂轉軻

困頓以歿何其宜壽而弗壽宜寶而弗克大其設
施與予以是有感也異時 天子右文 詔舉博
學宏儒 御試於 體仁閣下而第其甲乙假令
青瑀在列得奮其淹洽之學雄麗不羣之材抑揚
上下筆墨稍異卽以掄首選非難而追惟青瑀之
歿也則已久矣予以是重有感也於是其女夫金
生名定者排葺遺藁若干卷乞予序之予故論其
大略亦藉以哀吾亡友云

洞庭詩彙序

釋氏之爲詩也有詩人之詩焉有禪人之詩焉唐

續集卷十六

十

之皎然靈徹詩人之詩也貫休齊己禪人之詩也
詩人之詩所長盡於詩而其詩皆工禪人之詩不
必其皆工也而所長亦不盡於詩所長盡於詩者
以其詩傳不盡於詩者則以其道與其詩並傳故
皎然靈徹貫休齊己之作聲聞相頡頏於後世莫
之能優劣也錢公本儒家子少讀書知名長而遜
之釋氏徧參尊宿遂受記別爲暫洞家大師退休
洞庭之顛把茅蓋頭日與其徒以灌園種竹爲務
閒嘗弄筆賦詩句琢字削不極於工不止以是出
語皆標新采雋入唐人閫奧蓋能以貫休齊己之

道而兼皎然靈徹之長者也夫固超唐諸僧而上
之矣吾謂詩與禪非有二也管之言詩者賢乎妙
悟且舉大曆以後作者比諸曹洞一宗信斯言也
讀公之詩知其得於道者至矣遂矣吾豈易闕而
測之哉

姚氏長短句序

詞與詩類乎曰不類詩本於三百篇以溫柔敦厚
爲教者也其後雖不盡然然上之可以徵治忽次
之可以示勸懲猶有風雅頌之遺焉若詞則不足
與於此矣然則能詩與能詞者有異乎曰否李太

續集卷十六

土

白詩人之正宗也而工於詞歐陽永叔蘇子瞻數
百年以來所推文章大家也而工於詞至於黃魯
直秦少游周美成之屬亦無不詩詞兼擅者古之
名公鉅卿下訖騷人墨士旣以其遠且大者舒而
見之於詩矣顧又出其餘力組織纖豔之文流連
閨房之境倚聲而發之用以侑格酌佐笙簫號爲
詩餘未有能詩而不能其餘者也錢唐姚子升聞
方以雋邁之才灝博之學與其友人刻意爲歌詩
相犄角顧皆祕諸篋衍獨取所填新詞一卷寓予
予讀之歎其掇采也麗其寄情也微其攝思也婉

而多味往往語盡而意不盡語意俱盡而情猶不盡此誠詩人之詞也始非世之淫哇浮靡者比矣若曰姚子所工專在是則吾未敢以爲信

鈍翁續橐卷十六終

續橐卷十六

主

康熙乙丑春正月同里周公賢校字

鈍翁續橐卷十七目錄

序五

盛逸齋六十壽序

鮑翁八十壽序

惠母陳太君七十壽序

葉母顧太君七十壽序

賀母荆太孺人八十壽序

續橐卷十七目錄

一

鈍翁續橐卷十七目錄終

鈍翁續彙卷十七

文彙九

序五

盛逸齋六十壽序

崑山盛君逸齋年六十乞詩若文於士大夫諸以頌禱之辭應者固已積成卷帙矣而同邑隱巖禪師又命予一言予惟崑山雖小邑顧自南宋以來號爲賢公賢卿淵藪訖於本朝而徐學士立齋以對策第一人及第葉讀學初菴又居是榜第三人嗣後學士兄健菴果亭兩編修相次登甲第率如讀學而三徐先生遂歸然推鄉邦重望今方請

續彙卷十七

一

急家居東南學者無不躋企其門牆以望見顏色爲幸文軒畫舫日夜相屬而君之伯氏珍示又用文章負盛名釋褐中書舍人與徐葉諸先生有戚誼往還交契最洽獨君居其閒泊如也閉戶埽軌絕無世俗嫫靡驕侈之習惟以讀釋氏書爲事晨夕課華嚴經必盡數卷不踰旬而周雖盛寒酷暑不少輟或設蔬饌招引幅巾方袍之士與之共飯極論性命精微之學娓娓不倦稍暇輒解衣盤礴地筆伸紙游戲繪事閒既成俗子有乞之者亦不輕予也蓋幾忘其爲珍示之介弟與徐葉諸先生

之交游戚黨矣咎馬少游嘗曰士生一世取衣食裁足棄下澤車御款段馬爲郡掾吏鄉里稱善人足矣予誦其言未嘗不感而歎息也然古之君子寓身出處之間得志則龍兄不得志則蚓伏而蛇行固其道然也夫苟不得志矣是雖布衣徒步恬靜自守以終其世無不可者尙何車馬之羨而掾吏之求哉若少游者謂之止足則有之而未可與語達士之觀也今君之爲人如此庶幾乎樂天知命者予聞其膚革甚澤飲食起居與壯盛者無異此非有得於道而能之乎隱巖爲釋氏尊宿所以稱君行事甚具其來乞予言者蓋君之長公玉臣意也玉臣高才好學有聲庠序異時能養君之志而恢大其業者於是乎在然則予烏得而無言也

續彙卷十七

二

鮑翁八十壽序

平湖鮑生聲來游吾門有年矣聲來年少負才氣自舉子業外善咏五字句詩笏及佗古文皆工而又捷戶讀書不爲游閑嬰戲事先是奉尊甫復宣翁之命擎舟過予草堂執禮甚恭予既受其贊卽爲之上下聖賢性命之微古今文章之變與夫事物之所由興廢人才之所由盛衰窮探眇索皆請

生所不樂聞者而聲來不咎其迂也嗣後予養病
堯峰歲時必再至山邨荒落幾不能具鹽醢晨夕
相對蔬羹糲飯而已而聲來亦不嫌其儉也予竊
太息以爲賢顧聲來則謂此皆吾父之教也歲之
季春予方應詔留都門聲來羸糧非屨來省予
於旅次相與慨然追惟吳中前輩所爲課督其子
姓者雖至飲食細故動止進退之小節尺寸悉有
程度而渙疑近世之不然也後生晚出往往以裘
馬相徵逐以賄財和譁競少不習弟子之職長不
知有老成之風然則世變安得不亟亟哉聲來具

續彙卷十七

三

聞其說惓然側立曰吾父之教某也殆不失前輩
遺法洵有如先生所云者予於是知聲來之賢固
非無所本而能者也又嘗聞復宣翁自幼習爲藝
文不季食貧孤露稍廢書服賈以養大母蚤暮起
居善適大母意晚而淡於釋氏諸書怡然若有所
會所置家產僅及中人而性喜施予重然諾恣聲
來結納士大夫不之問以是里人稱長者今年壽
八十蓋嘗與鄉飲价賓爲邑大夫所引重邑中榮
之予遂告聲來曰吾聞古之八十者人主與之杖
而復其子及其拜命也一坐再至所以敬老尚賢

如此自王化衰熄惟鄉飲之儀僅存有司非不以
時舉行顧直迫於令甲而爲之耳其去古禮也遠
矣此不足以榮而翁也聲來底節厲行印承其燕
私之誠俛繼其詩書未竟之緒俾功名昌於身遺
澤被於後人庶幾足爲而翁榮予實於此有厚望
焉雖然予德卑而望輕言之而平湖人士或未之
信也異時聲來致身王庭其賢名益彰而復宣
翁教子之法亦益顯白於天下然後士大夫之信
予者必稱予知言也夫

惠母陳太君七十壽序

續彙卷十七

四

元龍留京師日夕往還於予之門相與講道術勗
文誼甚歡也旣而念其母太君年七十將南歸爲
壽乞予序以一言且以書先之曰吾母陳氏自歸
我先君律和公事先祖母朱夫人孝謹夫人賢之
里巷傳爲美談凡爲姑者至以相譙讓奈何不效
惠家婦前明之季母謂先君曰時事可知君能師
伯鸞高義妾亦請椎髻布衣以從先君慨然曰吾
心也遂弃諸生隱居東渚之龍山吾母躬自操作
先君亦稱吾母能儉勤以佐其生也某同母妹一
人庶弟妹四人吾母悉待如己出親授章句諸嫁

取儀秩均平如一爲人淑婉有度曉詩書略記古
今事蹟舉動以禮訖今踰五十年爲婦爲母無不
可法者也又曰古之言女德者必以無成爲尙故
自執勤服事紆績酒食之外無佗可稱其有遭逢
不牽勞面踰垣如列女傳所云蓋亦有所不得已
也吾母幸處無事從容於舅姑夫婦之間雍雍怡
怡舉措有適雖無奇節異行用以驚駭世俗然於
地道無成之義或者其有合也不幸生子不才如
某者賤貧無藉求食遠方今雖假衰告歸而裝裳
如罄於是推露車而入門曳敝衣以上壽則吾母
之心其亦有不得已者乎又曰某之窮於世久矣
惟夫子諒其遇而察其志得藉一言以重俾後之
讀夫子之文者以爲子雖不才而其母之高風淑
行無媿於古則又不幸中之漢季也元龍之際可
謂婉而中質而不肆彊而不靡者矣予竊有感於
元龍也元龍高才好學恂恂守己卓焉有立於世
京師交游林列名公卿大夫知己甚盛驅車造門
倒屣迎謁者踵相躡不絕士苟若此未有終窮者
也考之於經其始爲窮則變變則通之漸焉而何
賤貧之虞元龍行也使持是以慰太君太君能無

續彙卷十七

五

迥然而喜粲然而微笑邪惟媿予之窮更甚於元
龍衰遲偃蹇舉世之所詬厲則其於言母乃一不
足重乎顧獨歎息元龍所述於予衷淡有會焉因
遂刪掇其語序之庶幾元龍之才可以重太君也
又庶幾元龍之才與太君之賢可以並爲予文重
也

葉母顧太君七十壽序

里中葉子陽生蓋儒而醫者也歲之三月其母夫
人顧太君年七十同郡諸士大夫與陽生厚善者
相率庀羊酒陳篚篚再拜進觴而先期乞予介壽

續彙卷十七

六

之辭予惟葉氏之習醫也兩世矣陽生尊甫紫駟
先生名噪吳中其治小兒也雖委巷矮屋未嘗不
下車親詣雖羣兒嘯嘯襁褓中便溺狼藉佗人弃
去不顧者必詳視顧頗細量其饑寒飽煖未嘗有
倦容寢人子提攜到門手不持一錢必欣然予善
藥亦未嘗有吝色也以是全活甚夥及陽生承尊
甫之業所讀書益多其所治證亦益廣吳中諸屬
邑間陽生名爭延致之日夜肩踵不絕庶幾東垣
丹谿復出也而陽生又善食酒賦詩尤喜畜古書
畫鼎彝彝洗之屬羅列几案閒故士大夫爭欲與

陽生游逾於紫駟在時蓋其父子間爲名醫如此
既而詢諸里人則嘖嘖歎羨太君以爲葉氏數十
年來皆得太君左右之力不淺云予嘗聞太君之
誨陽生曰而父用活人爲心有叩戶者不以昏夜
風雨爲解不以其家之賤賤富貧其嘗謝之有無
爲輕重故見信於鄉黨見禮於達官大人女能之
乎能是則所以慰而父也陽生唯唯受命已又誨
之曰甚矣醫道之難也人之存亡修短係於呼吸
不可少有誤也藥性不辨經絡不審方書不精病
者之飲食起居好尚不明此數者皆敗道也女其

續彙卷十七

七

慎之微獨以慰而父亦所以慰吾心也陽生又唯
唯受命然則太君之用心此可槩見而陽生之醫
所以繼尊甫而獨擅吳中者不有自來與抑予嘗
論之古之言神醫者自俞跗長桑君而外如陶隱
居弘景孫真人思邈其後皆僊去爲道家所推重
然隱居嘗注本草經矣又嘗著名醫別錄矣真人
嘗撰集千金方矣蓋延年久視飛升駐世之道其
積德累仁未有善於醫亦未有大於醫者也若太
君者能教其子壽人之父兄子弟幾千萬家矣而
有不自壽者乎陽生能受太君之教壽人之父兄

子弟幾千萬家矣而有不獲致壽於一親者乎吾
以是知太君之康寧壽考方自今日始而予之大
書特書繼此爲太君壽者尤未易屈指盡也或稱
太君仁孝好善綜理家政皆井然有法此雖閨門
女德所難顧非太君致壽之原故不暇縷述云

賀母荆太孺人八十壽序

丹陽賀拓菴先生以文章學術著聞東南每過吳
門必詣予草堂與予握手講論相善也予因是知
先生家世之詳蓋先生去官家居奉事其母荆太
孺人者二十餘年於此矣太孺人亦安先生之養

續彙卷十七

八

膚革日益潤手足日益彊飲噉步履與盛年不少
異歲之四月壽八十矣子若孫若曾孫與其婦盛
服升堂東西列者若而人女子子攜其子若孫而
至者稱是若宗族之老率其子姓若中外諸姻戚
嘗所往來之黨與邑中諸大夫士車騎填巷陌裘
帶纓絢充溢里門羊酒豆實陳於庭纖紈文綺之
筐登於几酒芬般潔以次捧觴再拜亦足彰拓菴
先生之孝養矣而先生意猶未足又先期命予致
頌禱之辭予以通家子不能往廁大夫士之後勸
太孺人一醵故遂不敢以固陋辭竊惟孔子之作

春秋也書宋伯姬紀叔姬於策而錄詩邯鄲之問則采其姜此其節行當見稱述無疑也至於周召二南其德化極於江漢可不謂之盛與然其中閒如葛覃之節儉螽斯之多男小星之不妒忌采蘋采蘋之供祭祀考其所咏類不出閨房女德之常顧取之以冠十五國風何也易家人彖曰利女貞先儒以爲男貞易女貞難其姜二姬之屬女子之賢而變者也貞也葛覃小星采蘋采蘋之屬女子之賢而常者也亦貞也所遭之常變不同同歸於貞而已今觀太孺人之賢庶幾於古之常而貞者

續彙卷十七

九

其歸我贈公也考憲副公方在堂兩家門戶鼎峙娣姒僕媵爭以華侈相夸尙太孺人恂恂謙退獨用鮮衣好食爲恥尤善承君舅長史公意當長史公之忤驕王而被急徵也太孺人流涕治喪雖愛子抱病未嘗嫌豪願望也贈公少負才學重名性又倜儻不屑問生產凡四方名賢及酒人弈客拏舟投謁者絡繹於門贈公必盛供張列樽莛置酒高會連日夜不絕加以贈遺勞贍之需所費不貲太孺人稟命惟謹悉力拔簪珥質條脫以佐之亦未嘗嫌豪吝惜也故一時推爲賢婦贈公旣捐館

舍拓菴先生又仕宦連蹇不進家益中落太孺人處之怡然閒語先生曰吾非望女以祿養也庸何傷平居喜率家人操作每至丙夜紡績紉紵之具不離於側縫紉綻緝之物不去於手其撫庶出女下逮臧僕咸有恩意人人謂太孺人愛我也故一時推爲賢母於前所云古之常而貞者鮮不合焉宜乎康寧壽考子孫滿前享有拓菴先生之孝養及於百年而尙未艾也予又徵之於詩孔子旣列女德諸咏於前及其末也系以魯頌閟宮一篇所以祈君子者至矣而又承之曰令妻壽母蓋是女德也上而天子諸侯藉以爲王化之基下而公卿大夫亦藉以爲成家理俗之本案道之熾昌未有不始於令妻而訖於壽母者也非太孺人其孰當之予故敢進斯語爲太孺人頌禱無疆云

續彙卷十七

十

鈍翁續彙卷十七終

康熙乙丑春正月同里周公贊校字

鈍翁續稟卷十八目錄

記

御書閣記

草庭記

展硯齋記

蘭室記

姜氏藝圃記

藝圃後記

石鵑山房記

傳是樓記

南垞草堂記

伐楊柳記

游林屋洞記

重修報恩寺記

重修堯峰露禪菴記

重修堯峰露禪菴記

鈍翁續稟卷十八目錄終

鈍翁續稟卷十八

文彙十

記

御書閣記

皇帝踐阼之二十有三年冬十月戊午 東巡至蘇越二日庚申 御舟還次無錫 駐蹕惠山之麓 召巡撫都御史臣斌 諭曰編修汪琬久在翰院文名甚著近又聞其居鄉不與聞外事是誠可嘉特賜 御書一軸女宐傳示不必令彼前來謝恩亦不必具疏陳謝許其從私家祇受臣斌奉命卽東官役俾恭齋 上諭及 御書南下夜

續稟卷十八

一

漏十餘刻臣琬聞知出具朝服跪迎於大門之外繼又九拜三叩首受書於堂中既竣事然後敢啓重封敬覽數四凡行楷三十有五行一百三十有一字乃臨故尙書其昌所錄詩餘三闕也筆墨所到光采暉映如鳳之翥如龍之騰如日麗天如雲出岫橫縱變化幾於化工雖云臨筆夫豈其昌輩流專以一藝名家者所能髣髴其槩哉其前有致中和小璽其末又有癸亥春 御筆臨董其昌九楷字覆以康熙 御筆之寶臣琬舒卷甫竟感懷有加蓋臣在今世諸儒中學術才行最號疏拙向

者承乏史館幸免羣戾自請告以來姓名不挂朝
籍者踰四載矣不虞蟻蝨小臣尙辱眷注勞以
溫言錫以宸翰受恩受獎高厚無際蓬華之內
爛然有餘耀焉在晉唐太宗之於其臣馬周也嘗
賜飛白宋孝宗之於其臣范成大也嘗賜石湖之
號此其人皆居腹心股肱之寄夙爲至尊所親任
宜其恩數稠疊滋渥且澹然而所得筆蹟多者不
過十餘言少者僅兩言耳而史官備載之二臣列
傳推爲榮寵至於成大則又造作文章大書深刻
登諸樂石度諸萼屋用是侈大君臣相得之義以

續彙卷十八

誇示鄰里畱詒子孫況乎臣琬之所被過此什伯
者乎顧惟犬馬之齒漸就搖落氣力疲圖報無
所繼自今以往其敢不夙夜戰戰栗栗益思勉自
剋厲期無負 皇帝不與外事之旨庶幾省身寡
過或能對揚 休命於萬一云

草庭記

平湖鮑生聲來有讀書之屋三楹額其前榮曰草
庭而乞予記之予惟屈原作離騷嘗以香草喻君
子如江籬如薜芷如菑兮如揭車如蕙芷如蘭如
鞠之類皆是也以惡草喻小人則如茅如蕒如茱

如施如蕭艾如宿莽是也而或謂蘭蓋指令尹子
蘭而言然則江籬薜芷又何所指乎無論引物連
類立言本自有體不當直席用事者之名且令尹
繁嫉原而譏諸王此小人之尤者也原顧欲滋之
紉之佩之若與之最相親昵亦豈離騷本旨哉予
竊疑子蘭名氏乃後人緣騷辭附會者其說頗非
是今鮑氏之庭所有者果香草乎抑惡草乎聲來
從予游三年予觀其人篤信好古之君子也使遇
惡草必非其臭味必將斬伐芟刈之不暇而奚暇
俗此以名其庭此其所託始爲蘭鞠蕙芷之類可

續彙卷十八

無疑也聲來讀書稍閒益亦考之爾雅以辨其名
廣之本草以審其性時其榮落等實從而植援以
扶之抱瓮以灌之開徑延賓客親故以翫之寫爲
圖畫發爲歌咏以形容之乎審如是則庭之得是
名也雖百世而後衆芳銷歇猶能與南陽之草廬
成都之草堂並傳於好事夫豈騷人香草空言無
事實者比與

展硯齋記

宗人季青卿得古端硯一於俞子無殊之所其形
如展遂以展硯顏其齋既命四方諸名士作詩歌

以寵之復屬無殊命予爲之記予問曰季青何以好此硯也無殊曰此硯相沿爲宋季物閱世四百載矣自閩流入吳中凡更數姓而入於季青之室季青弱冠以意氣自豪讀書善屬文則其得硯之古者而好之不亦宜乎予曰甚矣季青之拳拳於古也雖然古之宜好者獨硯也乎哉其見於器物者則有鍾彝鼎鬲尊壺盤洗之屬見於翰墨者則有碑文石刻法書名畫近代士大夫遺蹟之屬是皆可謂古矣顧猶非其至也最上則莫如六經三史諸子百家與夫漢魏以來訖於唐宋諸凡賢人

續彙卷十八

四

君子大家名流之文章其好之也非區區供耳目之翫而侈見聞之博也蓋得其鍾彝器皿則可以考制度得其法書名畫則可以怡性情得其經史子集諸書則可以上鏡國家之盛衰興廢下觀人物之是非邪正淺深高下而采擇其嘉言善行以爲楷模而備當世之用其益視一硯不尤大哉夫古人之亾久矣一切流風餘韻往往散見於是數者之閒雖其磨滅乎兵火零落乎山崖墟市而毀弃乎婦人孺子流俗之手殆不知其幾而畱傳人閒者猶十而三四也特患夫有力不能好與好之

而無力耳季青既年少有志而又力足以副之益當遐收博摭使是數者悉充初於齋中然後能極其所好而無憾也而其端蓋自展硯始若區區以此硯爲古則季青之名其齋也毋乃局於一物而未之思邪吾知其必不然矣故爲述前之說以廣之

蘭室記

晉士會食采於范而武子其諡也而班固古今人表則列士會於中上列武子於上中兩公孫龍相距踰百餘年而鄭玄謂仲尼弟子卽論堅白異同

續彙卷十八

五

者盧橘枇杷一果也而相如上林賦有云盧橘夏熟枇杷檍林蔓菁萊菔兩菜也而注本草者或云在南方萊菔在北名蔓菁古之名物甚夥載籍甚冗而學者彼此詆訶又甚繇碎雖有博洽之士亦安能一一疏通證明而俾無小誤於其閒乎予家藝蘭數本每夏秋之交鬱旣放昇置室中以自怡說客至輒從而誇示之有客笑曰此土續斷耳非離騷詩疏淮南子陶隱居之所謂蘭也而吾子取以誇客其不爲有識誚者幾希予曰不然班固不知士會范武子爲一人不害其爲良史鄭玄不知

周時有兩公孫龍不害其爲大儒相如不知枇杷之卽盧橘不害其有辭賦名注本草者不知蔓菁之非萊菔不害其有活人之伎今茲夢也嗅其氣則郁然而芳觀其色則油然而潤可以入咏歌可以侑恬酌可以供采掇可以對之而忘埃壘之爲患溽暑酷日之爲煩蓋非幽人逸士莫之能樂此也雖以蘭譽之夫亦宜矣予固非博洽者又何必辨其孰真蘭孰贗蘭孰專蘭之實孰冒蘭之名而誤者邪因揮手謝客曰姑爲我撥去離騷詩疏請以異日受命

續彙卷十八

六

姜氏藝圃記

藝圃者前給事中萊陽姜貞毅先生之僑寓也吾吳郡治西北隅固商賈闢闢之區塵囂湫隘居者苦之而茲圃介其間特以勝著圃之中爲堂爲軒者各三爲樓爲閣者各二爲齋爲窩爲居爲廊爲山房爲池館卽柴亭臺略約之屬者又各居其一予嘗最其大凡則方廣而瀾漫者莫如池邇邇而淡葭者莫如邨高明而敞達者莫如山顛之臺曲折而工麗者莫如仲子肄業之館若軒至於奇夢珍卉幽泉怪石相與掩靄乎几席之下百歲之藤

千章之木干霄架壑林栖之鳥水宿之禽朝吟夕哢相與錯雜乎室廬之旁或登於高而擘雲物之美或僂於淡而閱浮沆之樂來游者往往耳目疲乎應接而手足倦乎扳歷其勝誠不可以一二計蓋茲圃得名也久矣圃之主人亦屢易其始則有袁副使繩之以高蹈間於前其次則有文文肅公父子以剛方義烈著於後今貞毅先生復用先朝名諫官優游卒歲乎此而其兩子則以讀書好士風流爾雅者紹其緒而光大之馬曉車轍日夜到門高賢勝境交相爲重何惑乎四方騷人墨士樂

續彙卷十八

七

藝圃後記

藝圃從橫凡若干步甫入門而徑有桐數十本桐盡得重屋三楹閒曰延光閣稍進則曰東萊草堂圃之主人延見賓客之所也主人世居於萊雖僑吳中而猶存其顏示不忘也踰堂而右曰餽餽齋折而左方池二畝許蓮荷蒲柳之屬甚茂而池爲

屋五楹間曰念祖堂主人歲時伏臘祭祀燕享之所也堂之前爲廣庭庭左穴垣而入曰陽谷書堂曰愛蓮窩主人伯子講學之所也堂之後曰四時讀書樂樓曰香草居則仲子之故塾也由堂廡迤而右曰敬亭山房主人蓋嘗以諫官言事謫戍宣城雖未行及其老而追念君恩故取宣之山以誌也館曰紅鷺軒曰六松又皆仲子讀書行哦之所也軒曰改過閣曰繡佛則在山房之北廊曰響月則又在其西橫三折版於池上爲略約以行曰度香橋踰橋則南邨崔柴皆聚焉中間壘土爲山登其顛稍夸曰朝爽臺山麓水涯羣峰十數最高與念祖堂相向者曰坐雲峰有亭直愛蓮窩者曰乳魚亭山之西南主人嘗植棗數株翼之以軒曰思嗜伯子構之以思其親者也今伯子與其弟又將除改過軒之側築重屋以藏弄主人遺集曰諫草樓方鳩工而未落也圃之大凡如此主人爲誰前記所謂貞毅先生是也以藝名其圃者主人而命予爲之記者仲子也仲子名實節字學在餘悉載記中不複著云

石陽山房記

吳中石之美者如太湖螭邨之屬最著以堯峰文石爲甲泉之美者如武丘法雨七寶慈憇之屬最著又以堯峰乳泉爲甲故吾吳游者莫不盛推堯峰尤西山幽絕處云石陽在堯峰之麓居人不及數家然其行路所踐皆文石也晨夕所引以灌稻田汲之以供食飲洗濯者皆乳泉也又加以竹樹之美琴藥之勝雲霞煙靄出沒之奇麗悉與泉石相映帶王子咸中愛之遂築別業讀書其閒暇卽拔泉源窺石脈極其登攀所至而休焉予竊異之以爲咸中年力甫壯方銳志勳名學術而故居又在吳市西南隅繁稱舟車冠蓋之衝其中則有文恪公怡老之園有先君子耆俊之堂以娶以游以燕以優自生長以來蓋三十餘年矣出則可以結納四方名士大夫入則可偕其諸伯仲從容獻歌文酒之會計無優於此者顧弃之不居而補衣絮食屏蹟於澹山窮谷與泉石爲伍無四方結納之援無伯仲文酒倡和之樂予度其人非恬執利厭塵囂曠焉有得於胷中者不能然也然則咸中之居此而豈徒哉顧予數嘗詢咸中以所得而終不予告則又何也作石陽山房記

傳是樓記

崑山徐健菴先生築樓於所居之後凡七楹開命工斲木爲櫺貯書若干萬卷區爲經史子集四種經則傳注義疏之書附焉史則目錄家樂山經壁史之書附焉子則附以下筮醫藥之書集則附以樂府詩餘之書凡爲櫺者七十有二部居類彙各以其次繫標細帙啓鑰爛然於是先生召諸子登斯樓而詔之曰吾何以傳女嚳哉吾徐先世故以清白起家吾耳目濡染舊矣蓋嘗慨夫爲人之父祖者每欲傳其土田貨財而子孫未必能世富也欲傳其金玉珍玩鼎彝尊卑之物而又未必能世寶也欲傳其園池臺榭舞歌輿馬之具而又未必能世享其娛樂也吾方以此爲鑑然則吾何以傳女嚳哉因指書而欣然笑曰所傳者惟是矣遂名其樓爲傳是而問記於琬琰衰病不及爲則先生屢書督之最後復於先生曰甚矣書之多厄也由漢氏以來人主往往重官賞以購之其下名公賢卿又往往厚金帛以易之或親操翰墨及分命筆吏以繕錄之然且裒聚未幾而輒至於散佚以是知藏書之難也琬願謂藏之之難不若守之之難

續彙卷十八

十

守之之難不若讀之之難尤不若躬體而心得之之難是故藏而弗守猶勿藏也守而弗讀猶勿守也夫既已讀之矣而或口與躬違心與迹忤采其華而忘其實是則呻佔記誦之學所爲譎衆而竊名者也與弗讀奚以異哉古之善讀書者始乎博終乎約博之而非誇多鬪靡也約之而非保殘安陋也善讀書者根柢於性命而究極於事功沿流以溯源無不揅也明體以適用無不達也尊所聞行所知非善讀者而能如是乎今健菴先生既出其所得於書者上爲天子之所器重次爲中朝士大夫之所矜式藉是以潤色大業對揚休命有餘矣而又推之以訓敕其子姓俾後先躋巍科取膺仕翕然有名於當世琬然後喟焉太息以爲讀書之益弘矣哉循是道也雖傳諸子孫世世何不可之有若琬則無以與於此矣居平質駑才下患於有書而不能讀延及暮年則又跼伏窮山僻壤之中耳目固陋舊學消亡蓋本不足以記斯樓不得已勉承先生之命姑爲一言復之先生亦恕其老諄否邪

南垞草堂記

續彙卷十八

十一

堯峰志南北二垞相傳元末顧阿瑛嘗避地卜居於此其事不見他書未知果然否也南垞在胡巷邨南予居邨中吳公紳先生屢訪予於此而樂之因買地築小園爲草堂於其閒堂之前喬柯數章文石叅列飛泉從山顛來穴垣而入每號號鳴除下堂之東爲漱石之廊又東爲撻雲之閣又東北爲容安之軒予山居多暇輒屣步徐吟其中然其勝未有踰草堂者公紳遂以南垞之名名之而且屬予記之予讀歐陽公所記許氏南園以爲園不足書特書其孝友一節以示勸何其工於立言之體也今吳氏善行殆不減於海陵之許蓋公紳少故儒者及壯始業醫以是喜讀書爲詩好施樂義有以病告者無論寒暑風雨必往旣悉心治療其醕謝有無舉不校也有餘貲必用以分給親故賓客隨手散去家不留一錢親臥待公紳舉火者日常數十人故雖爲良醫有盛名而甚貧異時邁末疾動止須人一切甘肥藥餌米鹽薪炭之資俱自公紳長子毓乾主之毓乾奉侍起居不解衣屨廢寢與食者凡六十晝夜公紳有宅一區有田三頃毓乾願悉推予諸弟又願償其父所負作人金至

五百餘兩然毓乾亦貧方謀贖錢爲之其仲弟子石以諸生從予游三年亦恂恂醇謹如毓乾嗟乎吳中風俗猥惡往往錐刀之末箕帚之微而至於母子相諍伯仲相閤者所在是矣顧吳氏善行獨萃於一家若此歐陽公又以爲使許君子孫其孝弟久而愈篤將見園中之草木駢枝而連理也禽鳥之翔集者不爭巢而栖不擇子而哺也蓋氣戾則咎徵應之氣和則休徵亦應之此理之固然無足怪者故予於吳氏亦云然則公紳其扶杖隱几從其諸子姓愉愉然安居於茲堂以俟焉可也

伐楊柳記

楊柳易生而宐於水涯春夏之間往往多美蔭吾吳故澤國也人家瀕水率栽楊柳以取蔭焉然其木稍久則空中而易朽不足備梁棟器物之用髡之惟可用以薪爾此莊周氏所謂不材者也而吾黨顧作詞以寵之傳相放效多至數百首儻亦楊柳之幸邪刻詞甫竟而官中造火藥需其木爲炭巡撫下令長洲吳兩縣命伐城內外楊柳民聞騷然而無知者懼所由之擾復私自伐之公私所戕殆不啻十之六七或咎予詞若爲之讖然予曰非

也吾間福不可妄邀而名不可倖得楊柳以不材之木而橫被詩詞之寵則其致此災也宜矣然櫟社以不材全而楊柳獨以不材見伐此其不幸而非莊氏之言之不驗也於是復有客曰此二說皆過也夫楊柳無知之物寵之以詞不知榮貶之以斧斤不知辱者也今使士大夫處榮辱之會澹焉漠焉能如此木之無知則幾矣曾是不能而顧譏譏焉於楊柳不亦陋乎予異其言故記之

游林屋洞記

予既至西山之明日遂游包山寺又明日游石公

續集卷十八

古

又明日登洞山始至林屋洞洞門庳隘非偃僂不得人予病臂未能也方褰回洞門之側一輿夫一童子賈勇攜火炬而前得見所謂石牀與神鉦者出爲予道之客或問曰洞果四通乎予曰然是之謂地肺抑道書有云山腹中空謂之洞庭猶身之有膺穴神氣之所行是也然則所通道里幾何曰言其西達蛾眉南接羅浮北連岱嶽者郡國志也言其北通郎邪東武西通長沙巴陵者玄中記與婁地記也其言雖或有本顧世人未嘗有至者莫能悉其然否也然則洞中果有靈異乎曰咎之得

石函繁書及得嶽瀆經者已久遠不可徵矣近世有邨人入洞嘗獲銅龍二持以歸家閭門疾疫大作邨人懼仍投諸洞中而瘞此則山家所共見聞也其非靈異而能之乎大率嶮巖竒絕可喜之境道書所謂洞天福地者不有僊真必有鬼神異物從而呵護之時出光景以震耀愚俗固其宜也吾子又何惑焉

重修報恩寺記

報恩寺直府治臥龍街之北俗但謂之北寺宋世佛日松法師道場也按郡志在孫吳時爲通玄寺

續集卷十八

圭

在唐爲開元寺至吳越有國始易今名宋崇寧中加號萬歲尋以松法師開演藝嚴疏鈔於此敕爲賢首教寺其地故有塔十一成凡再建再毀紹興末行者大圓重建始去其二級爲九成明隆慶中又不戒於火僧如金重建推爲一郡浮圖之冠蓋此寺屢興屢廢踰千載矣由宋而元訖於明初其徒侶日益蕃其規制亦日益恢大長生田至千八百畝有奇黃文獻公潛宋文憲公濂後先爲文以記邇者百餘年以來田俱不可復問而殿宇亦傾圯竝盡寒煙古木荒谿敗草栖鳥雀而牧馬牛者

不知其幾何月日矣惟塔猶巋然獨存逮入國朝亦復彫剝漸甚有僧惟一者募修頗力卒未竟而罷康熙五年太傅金文通公歸老於家偕其仲子侍衛君顧而歎息促延剖石壁公主之首葺不染塵耳殿繼興塔工施者輻湊全集於是飛金湧碧絢耀中天之上欄楯僊雲鈴鐸交風縈俗瞻仰莫不踴躍讚頌方議肇正殿之役會文通公及璧公相次卽世嗣法席者一源聞公卽璧公大弟子也甫蒞事慨然引爲己任盡衰衣孟所儲倡之復集社友凡十輩醵金左右之間公喜曰役可興矣

續纂卷十八

末

遂鳩材名匠諏日從事起十二年冬閱九年而始潰於成其崇十尋而縮修加於崇十三尺而巖廣視修之數而倍其半中楹奉安金像三坐搏土設色悉出名手佗若栖禪之所演法之堂旁及齋寮廚庫之屬大細略備共糜白金二萬餘兩危檐重雷文階畫棟如役神力如入化宮文通公璧公之繫願至此方大慰而聞公又示疾矣臨化召門人曰吾精力盡殫此殿苟無文述之將何以示諸方坐來者乎門人某等旣承遺命乃介侍衛君屬文於琬琬竊觀吳中諸名刹莫如靈巖玄墓兩刹最

著類皆俗名山以成其勝惟其有泉石可翫有峭崖溪壑可汎可游以是春秋佳時士女信向者爭趨焉第非挾宿春之糧藉舟車之力不能以至也若報恩則距闔闌僅步武耳四埔而外市廛買區鱗次櫛比初無泉石崖壑爲士女之觀也然而室廬像設之壯麗寶粦名鄉之幽馥鐘鼓魚版梵唄之悠長無日夜不在庸俗耳目間於以警其情媿而激發其齋心好善之念者豈不尤易易哉所謂不離世間有爲法而入第一義諦將在此矣琬故樂敘其興造本末俾刻諸石若社友氏名及所輸財如干則另列於碑陰云

續纂卷十八

七

重修堯峰露禪菴記

由蘇之府城西南行三十里爲堯峰興福禪院循禪院東麓折而入竹徑以升乎峰之顛松篁交翳泉石旁互而其地獨平行可廣袤數十丈則露禪菴在焉前直具區西接靈巖穹窿東闕楞伽茶磨諸山層巒重壑僊仰左右游者以是菴爲最勝先是有崑山僧性海號湛川和尚者來游堯峰說其山水擇石穴以栖止卽俗所謂大龍洞是也土人安和尚誠樸稍饋之食適大雨雪三日樵采路絕

山顛無煙火土人合噪曰和尚凍餒死矣天霽往求之則宴坐穴中誦佛號如故也父老悉敬異焉其醵財構木龕於菴陞俾居之已而施者全集和尚始初菴其地一切像設堂廡齋寮庖漏之屬釋氏所宜有者皆略具爲屋如干區其後旣興禪院規制日益弘敞乃躬往往持其閒而是菴命門人守之訖今且百年菴不能無傾壞諸僧取足自容旦暮香地僅得弗絕而已上人超曉字尚德和尚之四世孫也慨焉捐其私蒙庀材鳩役大治土木於是易泐支破飾其漫漶而崇其卑庠菴以絢耀

續彙卷十八

本

夢好凡春秋之交士女瞻仰者漸盛然上人衣盂之儲罄矣予所居山莊距菴三里許數肩輿往勞之上人輒自奮曰未也因旁指藝蔬隙地謂予曰此可營建傑閣吾將忝京師具詞禮部而聞諸天子儻得賜吾佛所說大藏教典度鐫於此則死且不憾予益爲我記菴之顛末以示諸檀施庶有哀吾志而扶助之者予許而未暇爲也及予應詔北上則上人先在每過予旅舍必以記請予阻之曰記易易耳教典果可蒙上恩以賜否建閣之貲安出河冰將泮益從我歸老堯峰乎上人默

不應而去予嘉其志之勇以決也因告米子紫來予施文子施書合成此勝緣可乎遂爲之記而乞紫來書之以鐫於石

純翁續彙卷十八終

康熙乙丑春二月同里周公贊校字

續彙卷十八

五

鈍翁續彙卷十九目錄

傳一

御史王公傳

萼鳳超先生傳

前禮部主事王先生小傳

田先生傳

岳先生傳

續彙卷十九目錄

鈍翁續彙卷十九目錄終

鈍翁續彙卷十九

文彙十一

傳一

御史王公傳

并贊

公諱與胤字百斯山東新城人浙江右布政使象
晉次子也中崇禎元年進士選翰林院庶吉士出
爲湖廣道監察御史嘗抗疏劾總兵官鄧玘辜狀
大略謂玘自用兵以來淫污劫掠每捷皆係殺良
冒功以此敗類置之行閒正如狼莠之妨苗虎狼
之噬物爲禍最鉅伏祈罷其兵柄行勘正法庶幾
斬一人而千萬人懼是時主兵者方橫玘又聞臣
私人疏上大忤閣臣意被謫江西按察司知事以
歸遂不復出十七年三月流賊陷京師公聞之涕
泣不食自草檄誌訖再拜訣其父布政公入室沐
浴與其妻于孺人子士和拒戶皆自經死遺命速
葬士和字允協縣學生始公求死時家人或以微
言諷士和俾棗閒譬解士和不爲動且曰此世閒
好事女暫安用喋喋爲遂作絕命辭一章其略云
痛予生之不辰今天滅我之立王嗟世道之溷濁
今何四維之不張彼反面而事仇兮方臣妾之未
皇欲容身其無所兮願從吾親於帝鄉會世祖

章皇帝既定天下 詔禮官具甲申死難諸臣本末上之爲之臨 朝太怠特命賜諡宣付史館甚盛典也凡蒙賜者二十有三人而公以左降家居獨不得與議者至今惜之嗟乎封疆之臣則死封疆社稷之臣則死社稷若夫官已謫矣身已退矣夫固無封疆社稷之責矣當其時雖入山蹈海爲世之逸民遺老無不可者而顧泣血飲恨慨殺身何其壯也故吾謂公死爲難能導其妻若子俱從死尤難予友王子貽上痛從父之不得聞於朝也以其事寓予予讀絕命辭尤爲之潛然出涕

故備載之乃系之以贊贊曰

願爲良臣勿爲忠臣賢所邂逅矣昌辰公職柱史犯顏批鱗侃侃諤諤不有厥躬彼其之子伏機思逞一蹴中之匪人伊命明政不綱門戶鬻爭泰極而否陽詘陰信鴟張螳聚惟此黃巾無小無大瓦解土崩天傾日夸廟社以淪公則痛之叩禱蒼旻羣拜犬豕屈剝苟生公則恥之以臣死君婦也死夫子也死親於乎閒氣萃公家門願告太史毋俾泯泯空不一書以慰九京以勸大節以激積風與天壤俱與日月新

予既作此傳成貽上寓書於予述公間變卽握腦子服之不死赴水者二皆被救不死會僞縣令賈三俊者至公求死益力偕于孺人共縊於室又繫絕不死家人遂共守之公竢守者稍懈乃縊死及葬會哭者數千人賈三俊亦來衆怒爭欲奮前執之三俊策馬走免所述視傳中稍詳因并附識於後

夢鳳超先生傳

先生諱允誠字汝立無錫人舉天啓二年進士歸而受學鄉先達高忠憲公攀龍之門踰一年從忠憲公北上授工部都水司主事是時魏忠賢與閹臣魏廣微等亂政方欲盡誅逐東林黨人凡士大夫爲世指名者悉墮黨中先生將草疏以爭忠憲公力止之會楊忠烈公漣以疏劾忠賢得舉忠憲公與諸賢相次去位先生遂請告以歸崇禎二年赴補營繕司監督琉璃廠減經費銀數萬兩以繕城工南御史疏薦天下清官四人首列先生姓名衆以爲允久之擢兵部職方司員外郎協贊郎中事於是溫體仁在內閣閔洪學在吏部兩人相表裏謀翻故時所定逆案一切是非進退俱不厭衆

望先生憤然曰去河北賊易去朝中朋黨難吾非以養母引退卽當歿職官下耳先上母老乞休疏不許遂直陳三大可憐四大可憂數千言其末謂大輔與冢臣以同邑爲朋比吏部惟阿閣臣之意造門請命昏夜爲常加劾墜淵惟其所欲甚至茆同鄉則逆黨可因事保舉排正類則講官可僭題逼逐皇上惡諸臣之欺欺莫大於此怒諸臣之專專莫甚於此厭諸臣之黨黨莫固於此威福下移而舉錯倒置臣竊寒心疏上凡再奉旨詰責先生遂發洪學冒功冒蔭諸敝言益侃侃不阿且謂喪

續彙卷十九

四

師辱國之王化貞何以不正法也潔己愛民之余大成何以不矜恤也唐世濟之黨護逃臣何以驟得美官也劉宗周之孤忠自立何以不登啓事也時體仁方擅寵中朝見先生疏者悉爲危之先生亦自分禍及然帝意頗悟僅奪俸半年是後釋大成誅化貞而逐洪學最後世濟下獄體仁亦竟罷去訖如先生言其年竟以終養告歸歸十二年而弘光主卽位於南京始調吏部文選司員外郎尋改驗封到署甫十有三日復引疾歸凡通籍二十餘年立朝不滿五載其剛方蓋天性也中間疏爭

者率國家大計而訖未究其用知先生者惜之自諸生時讀忠憲公心性靜坐諸說卽深信不疑及從公游造詣益深遂公既歿先生發明高氏之學歸然稱東南大儒蓋忠憲公之後一人而已平時閉門家居有司罕識其面尤爲巡撫都御史張公國維巡按御史祁公彪佳所重每先生至吳門兩公必先造舟虛心咨訪焉先是周延儒再召過無錫迂道詣先生門且屬其私人傳語許以殊擢及在南京馬士英亦詣門如延儒然先生俱不報謝也先生嘗論經有曰易者聖人之體春秋者聖人

續彙卷十九

五

之用又論爲學曰居謹叟之時常自收斂常自鎮靜處闕宋之地常自震懼常自生發其所得蓋如此本朝順治五年避地鄒氏鎮標兵猝至先生以不難髮被執送抵江寧諸滿漢官咸集竝以緩言款先生先生植立南向舉手曰二祖列宗神靈在上允誠髮不可去身不可降乃遇害年六十有一是日天大雷電晦冥風雨驟至父老見者相語曰此不要錢孽吏部也無不歎息泣下從孫尙廉從先生歿僕薛成聞先生執長慟不食先一日歿僕朱孝聞訃亦號哭立歿十五年縣人作神主附

東林道南祠學者因先生自號尊之曰鳳超先生
前史氏曰余聞先生之當鼎革也閒指頭上髮歎
曰畱此必賈禍然吾食祿先朝去之無以見故主
地下此其定志久矣嗟乎忠憲公授命於前先生
又仗節於後所遭之變雖殊而就義則一也不負
所學誠哉是師是弟子云

前禮部主事王先生小傳

王先生泰徵字嘉生其系出自琅邪後遷徽之祁
門唐乾符中避黃巢亂又遷於歙數傳族益大土
人嘑其邨曰王千故先生爲歙縣人大父贈給事

續彙卷十九

本

公世網父鄉飲公文謨皆客於江陵先生生其地
故遂寓籍爲江陵學生自少善屬文名噪湖襄閒
年二十餘嘗以貢試抵會城有前輩白君某者繁
知名至是年且老矣與先生值詢名氏先生具以
對白君慍曰吾聞王嘉生名已久計其年當與吾
相輩行若年少奈何矣語旣而知其果先生也始
大歎服又嘗醉登黃雀樓適諸名士方大集先生
故使酒桀驁遽出語侵衆衆亦醉爭起誰何之至
有欲毆者或從旁識先生乃嘑曰此江陵王嘉生
女贅繁所嚮往者也衆大驚遂延先生上坐與定

續彙卷十九

七

交其見重如此先生屬文甫就卽爲同儕傳誦以
熟往往竊其所作取科第去而先生猶浮沈諸生
中踰壯始舉於鄉越七年始成進士出馬文忠公
世奇之門釋褐廣東吳川知縣調緜新會丁母艱
服闋補福建建陽縣所至俱大著聲績崇禎十七
年以卓異擢禮部主事會愍帝之變竟不赴官歸
隱歙之檀山杜門教授爲業蓋先生之學非獨長
於舉子義也其於經史百氏無不淹洽旣居文忠
公門習聞其論議所學益進每與人辨說必旁引
曲證纒纒數千言具有條貫及其見之於文尤淡
沈曲折可驚可喜由是徽之學者悉簞糧笥書往
從先生游歲亾慮數百人一經指授其高第顯名
者後先亦不啻數十人先生每出游山水閒不攜
僮從或以一童子自隨或諸門生相扶掖而已晚
年病足久不瘳用晉習鑿齒故事作半士賦寓意
中閒櫟以譏諷其援據甚博徽人皆誦述之年七
十有六卒於家嗟乎天之生材也未有有其具而
不適於用者也然而見用者恆少而湮沒於窮巖
溪谷者恆多如先生其一也使先生冒出所長以
與時賢相角逐未必不比肩抗踵也而顧放棄乎

宋輿之瀕優游乎塵塩之外訖於老且死而不用
豈非其不幸邪抑予聞之管文中子之在隋也其
門有魏鄭公薛太常之屬吳淵穎之在元也其門
有宋文憲公王忠文公之屬故身雖不偶而所造
就弟子率號興王之佐後世稱說其師道數傳不
衰今先生亦然距先生之歿已十餘年矣而徽士
大夫之在朝者濟濟竝列溯其師友淵源一惟先
生之歸夫豈遂遜於文中淵穎哉則亦未可謂之
不幸也予故聞先生之風而樂道之遂從其仲子
基棠之請采掇遺事如此

田先生傳

先生諱緒宗字衍文一字文起世居德州曾祖三
戒明嘉靖中進士歷官戶部主事祖高父實臬皆
州學生先生家貧力學自其爲諸生時設塾於桑
園鎮從游日衆學者已推大師矣已舉順治九年
進士授麗水知縣麗水當浙閩之衝其俗剛悍號
難治又值兵亂後徭賦頻餉胥吏數上下其手人
以益困先生句稽土田戶口各書之於籍凡輕重
多寡疏數一以籍爲準不復任胥吏其敝遂蘇通
濟堰在郭西五十里初自蕭梁時緒以鄣松遂兩

續纂卷十九

人

續纂卷十九

九

谿水分爲支流四十有八所灌田可百餘頃其後
堰廢堰旁田皆不治父老以告先生單騎往視歎
曰此非吾責乎卽募民修復之工省而利倍又學
宮居樺山顛世傳唐李鄴侯泌所建韓侍郎愈所
記者也歲久悉圯先生復出俸金葺之公暇輒親
視生徒必以文行相訓誡由是吏民說服始先生
之未至麗也嘗作筮仕自記一篇所以昂己甚備
既之官凡所設施悉如記中語故甫三月而縣人
歌之曰邑侯清雞犬寧邑侯廉婦子安未幾卒於
任民間罷市號哭者踰七日夜不絕其得人心如
此予惟班孟堅之論循吏也必以經術爲潤飾吏
治之本一切簿書期會不與焉若先生之業經生
也既以淹洽爲人師其蒞官政也又以慈惠爲人
牧經術吏治不兩兼之與然則先生其始古之循
吏也閒又疑孟堅所誤其於趙廣漢張敞之屬類
皆抑揚往復歷道其聰明才幹雖使異世而下猶
慨然想見風采及爲循吏傳也舍勸農建學勸興
水利一二事而外絕無佗稱述若文翁召父皆然
疑未可與趙張輩頡頏也然而所居民富所去見
思恆在此不在彼孟堅立言微矣特讀者未之察

耳世之衰也吏皆浮沈簿書期會之中其治益以敗壞求趙張且不易得而況於文翁名父乎幸而有先生者出驥馭乎西漢治術之遺此非今人所能也予故曰古之循吏也惜先生既不永年其設施亦遂未竟而予筆力積穢又距孟堅遠甚不得已姑承綸霞雨來兩君之命勉爲之傳亦欲以風輓近之居民上者不知讀者見之又以爲何如也先生長子卽綸霞名震次子雨來名需後先皆第進士綸霞今官江南提學僉事雨來方爲庶吉士

岳先生傳

續彙卷十九

十

先生姓岳氏名薦字西來山陽諸生爲時文有名然非先生好也時時獨肆力於古自經傳旁及諸史百家亾不淹洽貫穿久之所得益淡語人曰聖賢精微盡於六經四子書其尤要者在大學一篇耳由是以踐履爲實學以體認天理爲根柢以佛老爲必不可席以古聖賢爲必可法矩言行雖盛暑中衣冠動止秩如也時人皆迂而笑之當明崇禎末知天下將亾酒酣耳熱輒噫鳴歎欬罷去人又或以爲狂獨與劉翁禹度善家苦貧食常糠糲毅然奉兩尊人惟謹其翁性闊達喜爲豪舉先生

求娛其意者百端恆恐不得當也翁姥相繼歿每哭踊氣息不屬者數矣翁壯健無疾至是以毀故病羸終其身有庶弟甫生其生母暴歿會先生亦產女令婦弃女而乳其弟弟又患瘍日夜號啼不止夫婦更抱撫之遂俱染瘍毒膿血淋漓被體先生固怡然婦亦化先生行不少怨恨也劉翁既善先生又雅重其爲人命二子始大始恢從之游先生教二子專用宋儒程朱之學爲準非徒以章句文字相敦勉也其後二子皆成進士始恢官吏部嘗謂予曰先生非今之所謂師也其始古之經師人師也又曰某昆弟所以纍纍知學行不敢貽羞先人者率先生力也先是康熙六年劉翁授官岑谿其地故多瘴或尼翁行先生間之曰人生賦命於天豈必瘴鄉能死人哉咎巢谷不憚萬里省東坡於海外吾雖不逮古人願偕公行遂之岑谿未期年竟歿於官舍矣壽僅五十有一先生無子頗爲歌詩門弟子欲藏弃其藁先生不許曰人願力行何如耳安用區區小伎爲哉又嘗爲文章發明經史之說既成旋亦毀之終莫能闢其際也劉翁作岳先生傳予刪刻其凡如此

續彙卷十九

十

舊史氏曰岑谿翁之稱先生也甚備其末謂謬述
空在文苑經學空在儒林操履堅正空冠獨行選
民後之爲良史者何處焉予甚媿翁斯語然先生
言行風采四方無知者微岑谿翁父子將安所徵
信乎故備述之

鈍翁續彙卷十九終

康熙乙丑春二月同里周公贊校字

續彙卷十九

三

鈍翁續彙卷二十目錄

傳二 書事

文文肅公傳

總督施公研山傳

金節婦傳

書恭迎 大駕始末

書周明在莽親事

記誌銘石刻事

續彙卷二十目錄

一

鈍翁續彙卷二十目錄終

傳二

文肅公傳

公諱震孟字文起先世衡州人自衡康遷始定居於蘇有諱林者偕其弟森後先舉進士林官至溫州知府森巡撫都御史而文之族始大林生翰林待詔徵明徵明生國子博士彭彭生衛輝同知贈左諭德兼侍講元發元發生公年二十一以春秋經舉應天鄉試凡十上禮部天啓二年始舉會試以殿試第一人授翰林院修撰於是熹宗幼冲太

續彙卷二十

一

監魏忠賢擅權羣小相次用事方下講學之禁而謀盡逐東林黨人公乃疏請勸學勤政語侵忠賢忠賢怒指摘疏中字以爲嘲訕有旨將予杖閣臣力救改降二級調外遂策蹇以歸公故與姊子姚文毅公希孟及里中周忠介公順昌友善其志節略同又視東林諸先生輩行甚後而丰采論議數相企慕故羣小爭目爲黨魁及歸里忠介公既被逮死文毅復以事鵠職公日夜懼不免豫訣家人俟緹騎到卽引決卒而不及於禍未幾一妾男子作步天歌以寓刺譏廠衛捕獲卽鍛鍊獄辭令牽

續彙卷二十

上

連公公亦遂削籍崇禎改元薦起侍讀尋進左中允左諭德充日講官累至左庶子少詹事兼侍讀學士纂修熹宗實錄日講如故公在講筵見人主聰察過甚而諸臣方用門戶相齟齬莫有能當上心者每臨講必反復開陳務關切時事以諷帝輒改容嘉納焉旋察公挺挺忠正論說有裨於國中宰輔選嘗曰文某倒好始講筵於五經廢春秋禮記不講神宗方命講禮記至是又命講春秋閣臣溫體仁輩繁不樂公而春秋非顯門不能講公少習是經爲大師體仁不得已以公應命講至宰嚭歸贈傳贈凶禮也於例當闕帝令補講章進覽公乃推明春秋之義極言咥以六卿之長而壞法亂紀自王朝始焉用彼相帝甚嘉歎降諭諸講官今後當講者悉以此類推舉朝益知公將大用矣其明年廷推閣員公資淺不任推中特旨命吏部取公年籍履歷入遂拜禮部左侍郎兼東閣大學士入閣辦事公之爲史官也值北兵甫退吏部將僭邊才以翻前所定逆案公再疏爭之羣小已相與側目繼又上疏請改正光宗實錄其略曰臣猥以非才僞員史局頃因纂修恭請光宗實錄副本校

對見中間舛誤甚多而悖謬之大者莫如先帝之冊立與挺擊紅丸三大事祖要典邪說而應和之蓋逆黨崔呈秀等請旨重修見今藏於皇史宬者是也方進呈之時皇上初登大寶要典未毀逆案未訂以故含糊從事後來亦無復發金匱之祕洗石渠之藏者至今邪說猶在儻謂一入史宬不可復改則流傳後世將安取衷國是攸關非細故也因條次所空改正者其目凡五疏入大忤體仁輩意而帝獨心善其言出御平臺手公疏示閣臣帝銳意嚮公而體仁及王應熊兩人猶斷斷力持之詰問良久兩人者辭窮無以對方叩首曰此誠逆黨所造邪說也今要典之燬已久又蒙皇上申飭即可筆示後世矣實錄雖不果改而奉俞旨申明略如公之奏焉由是益與體仁輩忤既入直應熊去位而體仁漢中多數乃力求所以中傷公者會都給事中許公譽卿與公婚家福建右布政申紹芳得舉公竟以是罷去先是吏部尚書謝陞不厭衆望數爲科道官所糾陞頗疑譽卿指使譽卿故公所推重者也用是并疑公最後陞納山東布政勞某賄推擢登萊巡撫衆議大謬因交章彈陞陞

續彙卷二十

三

審甚具疏自辨遂誣譽卿紹芳坐以馮藉輿授爭官講缺其事絕無左驗蓋陰僭以傾公也故事凡奏疏至閣中閣臣以次分票是疏不隸體仁所而體仁微取之竟擬旨削譽卿籍且票且曰公公從容曰言官爲民極榮事也彼方德公玉成之耳體仁益慍露章言皇上所以鼓勵天下者惟此爵祿名位而文某云云以股肱心膂之臣出此悖倫滅法之語欲以激怒帝帝果意公有私得旨閑住公罷而譽卿削籍紹芳亦下獄矣公歸里甫半歲而病歿當公之病也聞文毅公計往哭之慟其病遂革距文毅歿時相去僅十有五日四方賢士大夫爭悼惜之公性方嚴不苟合以是數忤小人在內閣不滿三月雖屢見寵顧而受同官排陷訖未及有所設施家居公廉自守苞苴不敢及門通籍凡十有五年至於資顯其第宅猶仍諸生時所居從未嘗拓地一弓建屋一椽也生平淡惡內閣不與交通有太監暫化淳者故出王安名下浮慕公賢嘗遣私人祈公儻得循例往來外廷事敢不惟命或勸公往投謁公哂曰此謁一入其辱尚可湔洗乎其後見排體仁咸謂化淳與有力也越三年始

續彙卷二十

四

復原官致仕又二年贈禮部尚書南渡初追諱文肅公嘗因流賊不靖疏言致亂之源有四中開指席廟堂猜疑黨人蒙蔽與將無紀律兵無行伍淫汚慘劫驅民爲賊之狀尤極痛切及公既歿明竟以此亾天下云有兩子長子秉最知名明亾隱居竺陽之內舍杜門著書終其身

前史官汪琬曰琬嘗訪公故居蓋已易主矣因抵其讀書之所所謂清瑤嶼者倪清沼攀修柳慨然久之適大風颯颯起林木間輒想像公掀額抵手痛詬逆黨時也琬謹按公行狀及秉所撰烈皇小

續彙卷二十

五

識詮次爲傳以授秉之子點俾後生有考焉

總督施公研山傳

公諱維翰字及甫一字研山其先大梁人宋靖康末由汴京南渡居萼亭之東南元分萼亭爲上海縣故公遂爲縣人順治五年舉於鄉越三年登進士第釋褐臨江推官有異政以卓異徵遂擢兵部職方司督捕主事其明年選授山東道監察御史公體貌秀偉在班行中頗然俛視諸同列世祖見而異之曰是一漢子也出巡按陝西世祖崩未訖事而徹還康熙二年請告其明年復補江南

道公在院嘗勦湖廣巡撫官田莊貪吏及勦順天巡撫縱兵爲盜而顧卸舉有司以自脫者皆奉旨嚴究一時諸大吏無不惴然潛伏十一年有

詔內陞仍以正四品服俸管江南道事其明年陞鴻臚少卿再轉光祿少卿大理丞累至太僕寺卿宗人府丞十八年擢左副都御史協理院事公性穎敏博通古今尤諳前代典故章奏數十上所言皆宗社大計未嘗毛舉人細過以沽名塞責繁嫉貪吏以爲禁貪之法甚備而州縣多以賄聞者監司爲之囊橐也監司取於州縣則州縣不得不取

續彙卷二十

本

於吏民惟懲大貪則小貪自止又言四民各有定業今文武諸官或兼事商賈質庫連肆販賸彌江既奪閭閻之利復脫關市之算不可以不加禁止又言考察糾舉之法密於文臣而疏於大帥悠悠忽忽養癰成疽此由國家令甲無督撫甄別大帥之責故也自今以往有婪賕肆虐者督撫不以入告則事發同舉庶幾軍肅而人安矣是時方奉新例凡言官所糾不實準反坐論公力爭之且言督撫不能覺察州縣致爲科道所糾已有隱徇之辜矣今仍發與審究彼欲卸其前辜安得不益茫

私人乎況乎陰肆營求陽騁狡辨彌縫掩飾無所不至言官身在內廷復非兩造又何從而折證之臣恐言路從此結舌鉗口矣福建總督題補總兵官公言總兵一方重鎮非上命卽廷推從未有地方題補之例也以朝廷推轂授鉞之權倒付大吏其敝豈可長乎海上諸降卒日至而未有以安插公言投誠之衆不能計口而給食也一遇水旱恐爲隱憂臣思各提鎮官歲有汰兵東其丁壯以補缺額使降者不以游手長奸缺者不以名募滋擾亦杜漸防微之要策也東南賦役煩重民力

續彙卷二十

七

不支公言民間大役五年一僉小役十年一僉此定式也比來官吏奸貪每役止編一年往來僉審頻繇用邀賄賂妄復舊制俾小民時日稍暇得盡力耕桑以安南畝又請減蘇松重賦又言江南租入必俟九十月以是舊制十月開徵今民未東作而催科已迫何以給之又勸天子親耕籍田以重農事又八旗犯辜者例先墩鎖各城門公言民人重舉監禁莫不居有囚室食有囚糧而旗下墩門之害未易枚數暴露寒暑莫之飲食請得與民人一體羈監至於舉婦亦先墩門男女滑襍貞淫

無辨空另行羈候以別嫌疑崇風化前後所言其善持大體悉類此雖下部議或從或否又有始雖不從其後卒見施行者以故章奏每上京師士大夫率傳錄其藁以相稱說而天子亦自器重之既長御史臺通督撫官有薦舉非材例應降調而竟以加級紀錄抵銷居任自如者公首劾之曰故事京察大計及拖欠錢糧不準抵銷以事情重大當寧不可姑息也今皇上委黜陟之責於督撫而大半瞻徇情面顛倒是非其溺職不更甚乎疏入上善其言已而巡撫山東之命下公既荷

續彙卷二十

八

上殊遇甫至官則勸懲彰瘡一奉憲綱以行屬山東歲大侵賴公賑濟有方境內遂得無事又請截留漕米五萬石以活羸餓又因青萊距臨清倉寫遠辦解艱難請永行改折以息轉輸又因米豆翔踊請一應兵馬支應悉照價估辦以避賠累由是士民說服三年政成遂加兵部右侍郎總督浙江地方軍務其爲政一如山東不數月而天子以爲兩浙內地易治惟福建險遠邊兵燹者已久今其民甫脫湯火且地瀕巨海奸人易以生心非具幹略以文武自將者不能制臨而綏馭之及總督

會飲乃度 廷臣而謂公往焉公是時已病會方
滿大臣巡視海上公力疾偕行二十二年春始
嶺病革未抵會城而歿壽六十有三巡撫官以
聞於 朝 天子驚歎下 詔稱公操履清慎茂
著勤勞 命所司賻卹有加公爲人孝友醇至與
人交坦易不設城府居家拊幼弟及諸甥備有恩
義及公之歿也弟甥皆喪之如父仕宦三十餘年
慎於取予無振援訛之習歿而親故檢其遺藁
蓋僅足具殯殮云元配沈淑人子一曰是彝由例
監生考授知縣側室子二曰昌奕塲曰是訓維公

嘉言懿行殆不勝書而其閒服官涖政之實有關
於天下國家不可無所詮次以告後人以俟史官
采擇俾載諸金匱石室之藏顧予嘗辱公同朝爲
郎定交有繫不敢謂不知公者又嘗承乏史館以
紀事爲職故諾公子是彝之請謹刪葺行狀及公
平生所類疏藁件繫如右

金節婦傳

節婦胡樹之休寧人嫁金騰茂騰茂蚤歿於是節
婦年甫二十五姑徐在堂猶無恙遺孤明誠僅周
晷耳節婦號慟不食欲以身殉騰茂死既而矍然

曰姑老息幼吾死將誰依乎遂起治喪如禮不令
姑見毀容騰茂家故貧至是窘益甚餅盎無朝夕
儲節婦藉紡織縫紉易粟肉以養其姑略如騰茂
在時明誠少患痺踰毀齒猶不能行病且篤節婦
抱之涕泣禱於神曰是兒乃金氏所係一綫也不
可死吾願以身代死無憾一笱廖神人授之藥厥
明明誠病果起不踰年彊壯且異恒兒矣其冥感
如此節婦又以貧故不能延師口自命之讀書識
字課督甚力既長又命出游里塾故明誠雖爲賈
而恂恂有士行皆節婦之教使然也未幾姑徐老
病坐臥牀蓐中家無婢媼節婦日夜扶掖起居凡
飲食搔抓下訖澣濯溲溺之役無不親之如是垂
十年而姑始歿節婦艱苦具至無怨言亦無怠色
曰婦道宜然姑之將歿也噓節婦與訣曰吾無以
報女願女得新婦異時所以事女者如女事我我
可慰於地下矣言未既執節婦手泣下而瞑節婦
亦號慟幾絕如哭騰茂時也於是族黨皆太息其
孝以爲難節婦至今在其年七十五矣願彊健如
故明誠生子且有孫若曾如千人內外斬斬悉遵
節婦儀法休寧諸婦女稱節孝者必首推金節婦

云予門人賁字筮文明誠之族也乞予傳之且曰將往求旌於有司予遂爲略其始末嗟乎在禮婦人以婉婉順從爲職國風二南所咏如葛覃采芣采蘋小星諸詩又皆勤幹濯其祭祀與夫不妒忌之常非必埃苦節高行然後有聞於世而見錄於聖人其後王教衰微苟非節義彰著不得與於國家旌門之典然亦皆從事具文而有司莫以爲意率而司留意其間則其所被旌者又皆豪彊賢顯有氣力之家居多至於閭閻之閒雖其苦節高行往往沈寢湮滅坐老而不及旌者殆不知其幾矣如節婦亦其一也夫國家創爲烏頭綽楔之制所以旌此者蓋將以勸乎彼也若其被旌者或不足以勸而閭閻之卓卓可勸者又不皆與於旌則風俗安得不益壞而教化何以復興哉此今之有司之責也故予傳節婦旌旌因并論之云

書事

書恭迎 大駕始末

康熙二十三年冬十月 皇上東巡將抵蘇二十四日丙辰臣琬偕在籍坊院諸臣具舟往迎於望亭是夕 御舟至無錫臣等還宿許墅明日已

夜方半前驅傳呼 御舟將至諸臣皆具朝服露坐民家檐下以待戊午既旦 御舟踰關恭迎於南新橋岸次 皇上傳諭使前臣等竭蹶前趨數十步 御舟始泊臣等列跪岸側 皇上徧詢諸臣姓名訖獨不及臣琬琬因自通姓名蒙 諭曰曉得隨詢臣琬行年幾何琬謹對臣犬馬齒六十有一復詢吳中秋成何若琬又對今歲歉收夏大水秋不雨 皇上若微領者因徹 御前餅餌二盤以 賜且傳 諭曰舟中無佗所有今以此慰勞若等 御舟將發遂遣侍衛送臣等歸舟而後行臣琬退爲諸父老恭述 天語無不歡噉歎息甚且有泣下者蓋聞民爲邦本食爲民天未有不念民食而能致邳隆者也 皇上東巡所至亦旌蠲民租三之一矣顧倉卒弭櫓則又咨訪拳拳專注民瘼如此此稀闊盛事雖尙書所稱皇帝之清問下民何以加焉臣琬老矣隆伏草墊何幸以垂白之年得偕田閒父老沐浴乎 聖人之澤而耕鑿乎太平極治之時也竊懼記注官不在 御舟左右未能遂悉其詳故謹書之以備采擇

書周明在莽親事

里中有周德者忠介公孫諸生茂葵次子也年甫十三而孤繼又喪其母沈家貧不能自活習句讀爲里塾師踰數年積所得塾中金二十餘兩日夜思葬其父母康熙十九年卜地橫山之陽庀葬事悉如禮所積金不足輒稱貸佐之然後克葬是時德年二十有八猶單居未妻也德又有伯兄在湖州或語之曰葬者大事非女弱力可辦盍往就女兄謀諸德泣曰吾兄困於賦役方救死不贍某何能若姑移是金先營昏聘乎德復泣曰此非某志也古者未葬不改服今吾父吾母久淹淺土某其敢求安於家室卒謝不聽葬既訖於是徐先生樹丕聞而嘉之爲作貧葬歌一章德字明任善書法爲人有行義雖貧甚親識以緩急告恒典衣服賙之弗恤也然士大夫無知德者故德至今無婦翁浮沈童子試中舊史氏曰予歸自京師聞德事於里父老故爲書之嗚噲德之用心也可謂加於人一等矣繼今以往儻又能奮於學行不自矜以息雖庶幾乎古之君子可也

記誌銘石刻事

文待詔先生爲陳以弘撰誌銘一首八分書亦先生筆以弘者名鍵都御史璫季子太醫院判周原已壻卽今姚城陳氏之先也當時既刻石矣不知何故不歸於陳竟畱落樂鯉坊民家民婦誤以爲器竄其上是夜寒熱譫語若有馮之者責婦不當擅污此石民家大恐百方禱祀始瘞遂疑此石爲祟移送西鄰禪興寺中寺僧愚俗亦不之識也自是并諸中庭牆隅者若干歲矣寺中相傳石之由來如此族子右衡嘗讀書於寺以予之好訪前賢名蹟也乞諸寺僧遣兩輿夫舁來城西示予予因以一舟載歸山莊稍暇考先生甫田集又不知何故不載此作獨愛其文章之整麗筆墨之端秀乃嵌入莊右垣中蓋由誌所云正德己卯到今康熙壬戌相去凡一百六十四年嗟乎石果能祟人邪豈文字不可褻昵其應遂爾邪又豈先生有靈致然邪抑適會民婦之自病姑委其祟於石邪不然使文字之工且妙者或有物焉實訶護之而不欲使其墮滅無聞也故記之石一共四十四行七百五十七字無篆蓋刻者爲章簡甫

鈍翁續彙卷二十

康熙乙丑春二月同里周公贊授字

續彙卷二十

五

鈍翁續彙卷二十一目錄

碑文

陳文莊公祠堂碑

江南布政使司參議分守蘇松常道方公祠

堂碑

睢州節烈祠碑

明故福建布政使司右參議范公墓碑

清故 敕贈承德郎翰林院修撰加一級誦

先韓府君墓碑

續彙卷二十一目錄

鈍翁續彙卷二十一目錄終

碑

陳文莊公祠堂碑

前明南京國子祭酒贈詹事陳文莊公之歿也是爲崇禎七年閏十年其長君濟生獻公所著書於朝始予贈諡追錄其子一人又一年爲弘光元年復許建專祠以祀於是偕其弟濟楨卜地建祠於府治臥龍街關壯繆廟之右歲月且久有司時節往祀輒歎其密邇市闐湫隘不足以稱也乃謀遷於虎丘得民居若干楹間而更新之門廡壯麗堂寢崇闕其旁則餽食有所庖湑有廬又其旁則有廩有倉凡文莊公所置贍族義田若干頃及祭田若干畝其所得歲租悉出納於此蓋其地山川之雄秀林陸之亢爽煙雲竹木之靚淡實稱神明所栖非故祠比工已告成次君濟楨復聚族謀曰維茲麗牲之碑闕焉無辭以刻非所以妥先靈而示子姓也乃來謁某爲文某自惟鄉曲晚進未及登公之堂而受其學顧少而嘗從兩公子游儻獲挂名碑尾附公以不朽固繫願也遂不敢禮辭謹按劉念臺黃石齋兩先生所譔文莊公家傳備言公

之在熹宗末也以講官負重望曾逆聞魏忠賢父子冒功求給鐵券公當草諍辭忠賢屢遣使趣公公奮曰首可斷諍不可草由是觸忠賢怒典妖人孫文豸獄牽連及公竟削籍以歸數陽言欲殺公僅而得免嗟乎閱觀史所載宦官之禍無世蔑有始未宥如漢唐及前明之甚者也然而漢之亡也以十常侍唐之亡也以北司是直宦官與士大夫爲難耳前明則不然君子小人櫟然竝立於朝日夜用門戶相傾軋而小人遂僭刃於宦官以戕君子此其過狂士大夫非專屬諸宦官也當是之時吾郡被禍最酷不辜而歿則有周忠介忠毅兩公幸而生則有公與文文肅姚文毅三公夫兩周公之歿非輕生也公與文姚之生非避歿也皆天也天之歿兩周公所以伸忠臣之節也其生公與文姚諸賢者所以養直臣之氣也假令諸賢悉畢命於銀鑄桁楊之下則國無人焉吾見夫視顏蒙面絕無顧恤嗟九千歲之不已必至於九錫策九錫之不已必至於勸進亦何所畏忌而弗敢爲邪此公與諸賢之幸存係於前明宗社非小也某故曰天也由今思之向之號爲義子義孫者其威福執

饑非不盛且熾也曾幾何時而俱歸於漸盡泯滅雖下訖於婦人豎子亦往往執手恣口指席其姓氏以爲詬厲而公與諸賢獨名在天壤能使言之者太息聞之者興起然則君子小人其獲報於天者又孰爲愈哉今且距公之歿踰五十年矣四方士庶往來虎丘者登其祠而拜瞻其祐主有不欷歔惋印想見公之風聲氣烈裴回不去者乎吾知其必無是也祠成於康熙十九年又三年某始爲之文至若公之述作已行於時其家世生卒之詳已見於劉黃兩先生所譔者槩不復詮次云公諱

續彙卷二十一

三

堂碑

江南布政使司參議分守蘇松常道方公祠
康熙二十有二年吳中士民合辭言於長吳兩縣曰故分守蘇松常道參議方公諱某之治吳也以勤涖官以方廉倡糴吏以嚴毅約束胥吏而以慈愛拊循閭閻諸士庶咸感其有年於此最後奉徵采木義興溪入山阻衝冒雪霜不辜蒙疾物

訖今始六閱寒暑矣而民間猶謳吟尸祝如公之存實合古者死勤事有功德之義雖已祭於學宮未足爲公報也請遽度地躬爲專祠庶幾有以揭虔妥靈昭示來世言者後先凡數十輩縣用其言上之於府於布政使司以達巡撫都御史余公公慎重祀典再下所司候故例既而訖如士民之請衆遂踴躍效命相率置地虎丘之麓工不待鳩材不待募未數月而遽潰於成升主之日士民胥大和會俎豆既設笙歌既登踴躍肅肅儼公在堂事竣而退各少休於庭廡顧瞻彫牲之石慨其不常無文且曰如是則猶未足以報公也復相率詣余乞其辭余不暇以爲則公之子辰又繼以請蓋余嘗誌公墓所述事行備矣大約謂吳民自入本朝以來旱潦螽蟥盜賊疾疫之虞歲不絕告閭閻之間蕭然愁歎彼爲大吏者曾不知安養而噢咻之民是以益困惟公正身率物用能順民之欲偕與休息故輿望悉歸於公考諸西漢循吏如文翁祀蜀召父祀南陽山公絜之信無媿焉宜乎其血食茲土也乃作迎饗送神之歌俾春秋祀時歌此以慰公於幽冥而辭士民謳思者之望云其辭曰

續彙卷二十一

中

丘有林兮森非非復有泉兮涵文漪神來兮何遲
雲爲輪兮飈駕之林泉佳兮是栖是依擊鼓兮吹
笙薦桂醴兮純之羹神恂悅兮來下弭鸞節兮偃
霓旌飲且食兮斯告馨舉兮雲翔曷不少畱兮
茲堂神之去兮旁皇生撫我兮歿又降康惠士女
兮時雨暘

睢州節烈祠碑

睢州節烈祠在城西隅距州治可一里故建以祠
誥贈恭人趙氏恭人蓋 誥封中憲大夫陝西
按察司副使湯公諱祖契之配前江西分守嶺北

續彙卷二十一

五

道布政使司右參政今翰林院侍講斌之母也琬
謹按前明崇禎中流賊李自成寇闕封歸德閒所
向殘破駿驥及睢恭人聞之謂其家人曰州爲兵
衝未易保也脫變起則吾夫上有老母不可死吾
子又宗祧所係不可死吾直以一身行吾志耳徐
語中憲公命斌讀書於北郭外斌依依不忍去輒
叱遣之已而睢城果陷又急語中憲公俾負其姑
許夫人以逃而身自坐堂皇召家人謂之曰吾家
世名門萬不可受辱闔戶經於梁家人驚解之復
投於井又出之恭人怒誓曰賊至不死非節也死

不以時非義也賊尋入環刃相向恭人厲聲大罵
不絕口遂遇害崇禎十五年三月某日也年三十
有七斌方踰城號哭以躋恭人而恭人則已拒賊
死矣知之者無不太息泣下越七年爲 皇清順
治五年河南提學僉事李公震成始檄知州房君
星聘建祠故居之東每歲率官屬往祀又十二年
巡按御史李公粹然始具其事上於 朝奉 旨
旌恭人之門如故事州人老穉聞有是 命咸謹
嚶奔走拜迎祠下且酌奠以告於是知州戴君斌
顧瞻裴回歎其地之湫隘弗稱非所以侈 上恩

續彙卷二十一

本

厲末俗也乃率州之大夫士與湯之宗老及其子
姓議改築而遷焉卽今祠是也鳩聚庀材自門而
坊達於前堂後阿其旁眡牲有所庖福有房徹藏
祭器有庫俱次第訖工顏其南榮曰節烈棟宇靚
潔丹堊增麗畚耜清潔奉享以時用以揭虔妥靈
昭示遠邇俾無遺 國家烏頭綽楔褒揚大節之
意甚盛典也顧麗牲之碑旣伐旣具久猶無辭以
刻會斌與琬偕奉薦舉之 詔來集京師斌遂以
屬琬琬自分文學竊下固讓不獲命始視顏執筆
爲之辭竊惟春秋歷十有二公孔子書內女之賢

而以烈著者宋伯姬一人而已今歸德故宋大火之墟而睢其西境也恭人生於伯姬守禮之鄉相距二千餘載卒能躬蹈白刃慨不誦顧視屠毒甘之如飴以恭人之死於兵例諸伯姬之死於火庶幾其易地同符者揆以春秋之指其當得書也審矣至於恭人其佗懿行莫不可紀具詳吳祭酒偉業孫徵君奇達所撰傳中槩不備書特書祠之本末俾刻焉以勸來者系之詩曰

上帝降衷乃敘彝倫婦也事夫臣也事君臣忠婦節二者則均弗撓弗汚恒性斯敦世衰道降如川

續彙卷二十一

七

之潰或懼於威或詭於利倪首曲都執勸於義佩紱者然巾幗奚讓恭人之賢是實女師克孝克勸克淑爾儀爾命不猶邁時艱危舍生赴死克全厥歸嗚呼恭人永矢貞正平居從容繫志先定嗚呼恭人睥睨兇鏗戟手奮詬有氣如虹寧碎我首寧堪我胃冒玷髮膚而犬豕從嗚呼恭人遺爽不沒凡厥忌辰陰氛四塞颺颺雨擊陟降恍惚霧車雲旗莫之可測煌煌高閼天子表之潭潭新宮守侯考之春禴秋嘗恭人下之于豆于登于薦蘋繁恭人飲食福爾子孫豈惟子孫徧惠州人

明故福建布政使司右參議范公墓碑

前明福建參議范公既解雲南組綬退居望中惟用文章翰墨倡率後進享有林泉之樂從容壽考殆三十有八年其平時尤工法書遠近購其書者雖寸縑尺幅悉藏弄以爲奇翫與藝亭董文敏公齊名蓋百餘年來吳士大夫以風流溫藉稱者首推吳文定王文恪兩公其後則文徵仲待詔繼之最後公又繼之逮公物故而先哲之遺風餘韻盡矣琬不及從公游幸得偕公子簡討君同官於朝君出其所撰事狀以公墓道之文來屬故敢敘

續彙卷二十一

八

琬常所誦說者爲書首按狀公諱允臨字長倩別自號長白又號石公宋參知政事文正公十七世孫也以諱汝信者爲曾大父贈太僕卿諱啓勝者爲大父由進士歷官光祿少卿諱惟丕者則公之考也先世居吳之支棚天平兩山開太僕公徙家琴亭及公賢而始復故公爲吳人舉萬曆二十三年進士授南京兵部主事改工部歷員外郎郎中俱在南京出爲雲南按察司僉事提調學政遷福建布政使司右參議未至任而歸公自少才識通敏恥爲章句之學盛年仕宦奮欲以功名自效其

在雲南也值鳳克亂臨安諸州縣殘破以十數猝圍會城巡撫陳公獨器公任以城守事時將吏已列戍外地賊攻急旌旗刀槩皆不及設守埤者居民耳公禦之百端凡閱數晝夜城卒得藉以完及賊遞走東川有以克首獻者公爭曰偽也衆不之信尊生獲克於安南界上獻俘京師其露布文則公作也先是教化三部人相讐殺廣南酋儂應祖者自稱知高後志不軌陰闕三部蠻密趨召安南兵取其地自益安南酋武德成兵最彊繁雄視諸部遂擁兵衆號十萬攻臨安教化八砦三長官司

續集卷二十一

九

悉爲蹂躪上官屢諭不聽會城大震在事文武集議公昌言交人入內地執不得久空會諸部併力急擊時武酋已僭號諸賊帥亦皆僞署王公矣氣怵甚度諸部未可猝定允豫且去我師棄之遂大敗俘斬僞王公以下以數百計武酋由是遂衰皆公之謀也幕府方上功次會陳公被逮代者忌公遂不復錄及還福建忌公者猶不止且受中朝要人指竟中以考功法例當貶秩於是公歸而築室天平之陽徙家居之日夜流連觴咏討論泉石數與故人及四方知交來吳者往還遨遊山水間稍

閒則簾閣據几命筆揮灑以應遠近諸購者訖不復措意功名矣東方漸用兵有欲奏起公者公力謝不應也其後時論浸異國是益以收壞中朝諸賢罹黨禍者相望公歎曰吾僅而得免所幸者知幾耳以崇禎十四年某月日卒於家壽八十有四配徐空人太僕少卿諱泰時女也雅工於詩偕公倡和甚夥前公二十四年卒繼仲恭人後十六年卒男子子一卽簡討君也初名雲威易必英順治十四年舉人以名試授今官女子子二長瑩適編修沈某次瑤適國子生楊某孫男三孫女五先是文正公置贍族義田三十頃延至明之中世僅存三分之一顧又困於賦重歲所入不足以支幾盡廢矣公別捐膏腴十頃佐其入然後有美粟以及族人其田卒得不廢至其佗親故老無依者殮無棺槨者生長不能嫁娶者悉以次周恤不倦既昏於徐待徐氏尤有恩意徐空人無子歿而公權命從孫能先主其喪簡討君既生復還能先而終身待之如子吳人咸以爲難空人與恭人後先持家俱嚴重有法其賢略相當恭人歿居教簡討君尤力故能延納良賓師以底於成康熙某年月日

續集卷二十一

十

葬公清流山之祖塋遷空人及恭人暨以祔公之
卒也簡討君年甫十一故其喪事也晚嘗泣語琬
曰過時而不葬春秋謂之慢葬孤非敢慢也承先
恭人治命蓋有待也簡討君博雅善屬文所撰狀
中敘公雲南事雄麗典核深得子長孟堅遺意琬
無以加也於是悉仍其語稍詮次之而系以銘曰
天平巒峨森然萬石維范之先實託幽宅鍾靈我
公高第續家維人之傑維邦之尊滇南荒服往秉
學政既以文育亦以武令厥功煒矣顧遐厚誣公
則遂矣如國是何公在天平於焉游樂筆墨所濡

續彙卷二十一

土

潤及丘壑公在太平有書有詩詩書之澤後人之
遺瞻彼清流與天平邇後人思公公不復起桓桓
豐碑樹於墓門徵是溪刻如公永存

清故 敕贈承德郎翰林院修撰加一級誦
先韓府君墓碑

韓君誦先既歿之十有九年其子慕廬先生以會
試第一人入對 殿廷復賜第一四方士大夫咸
歎異以爲盛事實吳中前此所未有也於是君骭
麟堂鬱之志訓於地上者始得以次信於地下嗚
噓其亦可哀也已蓋君自少爲名諸生記問淹博

行文未嘗屬草默而好淡潛之思逮其下筆鉤幽
剔微悉非佗人所到吾黨同硯席者往往傳寫諷
誦媿其不及也每試輒冠儕偶而屢阨於省闈最
後從閩中出卽病越明年春而歿瀕歿猶口占五
言古詩一章述已志以勗其子及慕廬先生既輿
贈君翰林院修撰配周繼顧皆贈安人然後君之
志始少慰舅弟凡兩人而君庶且幼其生母陳太
夫人之卒也請於伯兄乞祔其棺父墓伯兄業許
之矣旣引而復執不可遂外克葬爲文以哭其辭
引咎甚悲聽者莫不酸楚病方革伯兄與訣曰吾
知若志矣當葬若母如故約耳君不能與猶流涕
叩首枕上以謝然亦竟弗克葬也康熙十八年慕
廬先生請告南還始諏日穿穴告君於殯所而大
葬陳太夫人遠近白衣冠執紼者數千人父老觀
者填塞衢巷俱噴噴稱羨然後君之志始大慰余
故曰訓於地上者信於地下嗚噓其亦可哀也已
誦先字也諱紛別自號幼微其先自鳳陽徙長洲
有贈禮部左侍郎兼侍讀學士諱宗道者君高祖
也曾祖諱世賢太醫院醫士祖諱逢隆考諱治萬
曆中舉人歷官雲和黃巖兩縣知縣以廉能稱君

續彙卷二十一

土

甫冠而黃巖公卒於任扶喪數千里沿路賻遺一無所受以毀瘠故遂患咯血終其身君爲人沈靜有識其孝友敦厚益出於天性待女兄弟尤有恩意一適張者夫婦俱歿撫其遺孤如己子先是周安人來歸資遣加盛歿而君給資具封緘惟謹外姑老而貧悉以還之曰此固姑家物也發封所值逾千余以上親故由是心服吳中故有大役曰首名受役者率至破家君田不及伯兄而兄卸其役於君君受不辭盡哀所有以聽伯兄之命後先費至不貲家遂大困所餘敝書數籠老屋數間而已

續彙卷二十一

七

君脫身攜慕廬先生讀書吳山中菜羹糲飯日益不給而蕭然自得絕無幾微憾也甫臥病卽取伯兄所徵役費諸手書及親故語君役事被禍本末舉焚棄之已復謂慕廬先生恐女轉異時見之或有佗言致傷吾兄弟好耳其用意周密如此享年四十卒於順治某年月日兩安人皆有賢行周安人前君十年卒顧安人後六年卒子男二長照妖次炎今官翰林院侍講學者所稱慕廬先生也皆周安人出孫男三女二慕廬先生既葬陳太夫人因卜葬君暨兩安人於吳縣穹窿山之陽屬余文

其隧道之石余在翰林於慕廬先生爲後進而其少也質臂與君定交以是知之頗深既慨然傷君之不偶而又牽先生之大顯其親有以慰君素志也乃爲敘之如此且作銘曰

節彼穹窿宰木森然維君德人幽宮寓焉積之也澆閱之也久既久既澆其發也驟曰君有子升於帝廷帝寵游加孰能與京君靈榮矣君志遂矣君兮安栖穹窿之陞矣

續彙卷二十一

七

鈍翁續彙卷二十一終

康熙乙丑春二月同里周公贊校字

行狀

故光祿大夫太子太保禮部尚書王公行狀

行狀

故光祿大夫太子太保禮部尚書王公行狀

曾祖龍 皇贈光祿大夫太子太保禮部尚書

祖鏗 皇初贈通奉大夫內翰林國史院學士

加一級再贈光祿大夫太子太保禮部尚書

本生考得明武德將軍錦衣衛正千戶 皇初

贈通奉大夫內翰林國史院學士加一級再

贈光祿大夫太子太保禮部尚書本生適妣

張氏生母焦氏並累贈一品夫人

考愛明中大夫陝西布政使司右布政使 皇

初贈朝議大夫國子監祭酒再贈通奉大夫

內翰林國史院學士加一級三贈光祿大夫

太子太保禮部尚書妣張氏累贈一品夫人

本貫直隸順天府宛平縣

公諱崇簡字敬哉其先家河間府之任丘自公會

祖光祿府君始來京師贊於晉故遂爲宛平縣人

家譜散落不知其族望所自始凡再傳而家始大

公之奇君性孝友讀書知大義掌東廠太監陳矩

賢之欲援府君爲司刑力辭不就布政府君舉萬

曆中進士初仕潞安府推官以清節著一府人稱之曰王青天但飲潞安水耳自後歷官皆有聲績歿而董文敏公其昌表其墓府君無子錦衣府生公甫晬卽以予府君爲之子稍長善屬文秀及詩歌古文辭皆優爲之相繼受知於國子監司業張公鼎提學御史左公光斗二公繫名知人每見公文輒歎曰此公輔器也年二十六舉於鄉又十六年舉進士知公者欲引之入翰林公方請假營焦夫人葬未暇仕也而值流賊破京師遂挈其家播遷東南久之始歸順治三年世祖章皇帝慎簡文學之臣以儲後用公蒙首選卽授內翰林國史院庶吉士特免教習與諸詞臣一體辦事與修明實錄尋除祕書院簡討歷侍讀遷國子監祭酒入爲弘文院侍讀學士遷詹事府少詹事兼侍讀學士如故以疾請告十二年刑部右侍郎戴公明說薦公可大用吏部難之世祖縈知公遂越部議而起公於家其明年以原官兼弘文院侍講學士遷國史院學士尋以太宗皇帝配天詔加一級進吏部右侍郎兼學士加級如故尋轉左不數月遂拜禮部尚書又明年加太子太保

諸生卽肆力於學日誦記數千言自經史外諸子百氏無不貫穿每考論古今治亂廢興之故輒慨然有志當世益務爲經濟有用之術在弘文院詔察明季殉難諸臣始末公卽疏言在內如東閣大學士范景文以下二十有三人在外如山西巡撫都御史蔡懋德等五人或以其身仗節死或父母兄弟婦子相隨死或家人闔門大小俱死其忠烈相同宜並賜褒揚以廣作忠之典疏既上時論悉以爲允及在禮部感上知遇益盡心於職掌會御史乞更定帝王廟祀典公疏言廟制自前明訖於本朝曾經增定皆祀從來開創帝王功業顯著者至於守成令主槩不及與中閒如商之中宗高宗周之成王康王其行事具見詩書漢之文帝史稱其節用愛民方內安寧家給人足宋之仁宗恭儉仁恕明之孝宗亦與仁宗相類憂勤惕勵終始不渝此七君者宜百世祀不當以守成見格又言宋臣潘美不當在從祀列張浚三命爲將凡三致敗一敗於富平則關陝遂陷再敗於淮西則鄰境叛命三敗於符離則中原遂不可復且劾李綱殺曲端與岳飛議不合奏其積慮在於併兵雖

爲南渡名臣而初無灼然可見之功亦當罷其從祀 詔議祫祭禮公疏言宜奉 肇興景
顯四祖及 太祖南向 太宗東向又 詔議大
享殿合祀禮疏言 本朝所封啓運山安附中岳
壇天柱隆業二山安附北岳壇如前明附祀例有
建議請祀周公於孔子廟者公獨以爲不然疏言
周公制作前代比諸帝王今既配享武王於廟禮
數隆重若復祀諸文廟之中於體爲褻非尊崇之
得也議者謂北嶽恒山立廟曲陽非是公以先儒
言考之曰按曲陽有三地里志上曲陽屬常山郡
在恒山北谷下曲陽屬鉅鹿郡鼓聚少陽亭晉荀
吳滅鼓其處也今之曲陽既非鼓聚又不在此谷
距恒山絕遠遂疏言宜從議者移祀渾源州爲僂
是時天下大定 朝壁又安 天子銳意興興禮
樂公既鉅儒問學淹洽爲 上所委任而又身居
禮官之長一切制度沿革必皆援古證今侃侃建
白雖或 廷議糾紛亦皆戾公一言而決 上亦
必從公言由是眷注日厚公有賢長子曰胥庭先
生熙先與公同爲學士至是亦以考績加禮部尚
書父子後先同列海內榮之以爲 國家 王

民盛事晚近數百年以來所無有也顧 天子方
倚用公而公且以夙疾請告矣疏凡再上優 詔
皆不許會 世祖皇帝奄弃羣臣公治 大行之
喪及議今 天子登極禮儀日夜辦事左翼門疾
大作又再疏請解任 上不得已予公告公雖里
居士論益翁然推之康熙三年疾良已人咸望公
復用或私相告語曰 天子且旦暮召公而公於
是歲亦甫年六十有三動止康寧如少壯者故事
當赴補公徑不冝起遽以老乞致仕自是訖公之
歿凡十有五年終不復言出矣一時有識無不爲
公惋惜亦無不服公進退大節以爲仕宦者所難
公文游滿天下少時所親密者率多文章意氣之
士既躋資顯猶汲引不少息雖單門後進輩行闊
絕每到門投謁必相與握手款曲凡被公禮遇者
人人色喜謂王先生親我也諸所獎俗其後率皆
成名性清慎不苟於財嘗貸前明中賁人何某金
百兩何歿於盜公無所歸余遂舍諸僧寺且設位
爲文以告曰吾用資故人冥福有同年生朱君某
者寓赤金百兩白金千兩於公其家不之知也宋
君歿公促其子至如數予之金其子大驚願以其

半奉公爲壽公笑曰如是則與乾沒有異乎竟悉予之平居無聲色博奕之尚晚歲益嗜澹泊惟潛心先儒義理之說以躬行心得爲主於諸儒論難不強爲異同及其發之於文原原本本下筆輒數千言而悉根柢乎六經其論詩風雅正變則謂論正變以體不若論之以聲蓋體由聲而定也三代以上詩與樂出於一古人以聲詩奏之樂是故詩之本在聲孔子刪詩得其聲則存不得其聲則不存或謂詩有正變聲何以有正變不知宮商角徵羽正也變宮變徵皆變也後儒補六笙詩又補肆

續彙卷二十二

本

夏詩皆未達乎聲之義者也論春王正月則謂春秋之作孔子尊王之作也因魯史之文遵周代之制樂乎無可疑者使以夏時冠周月是倍王非尊王也是故孔子所書春者卽周之春所書正月卽周之正月也其說悉有裨於學者至其佗碑銘之文尤見重當世子若孫欲榮其父祖者往往數千里惟公之歸其辭皆典核有則今翰林侍讀學士葉君方藹序公集曰色黝然而光味沖然而長蓋實錄也間召賓從子姓與之觴咏及饜邀山水間所賦詩清新整麗見者爭傳誦之有青箱堂詩十

春續詩十二卷文集十卷家譜年譜各一卷襍著述若干卷以某年月日避疾卒於正寢享年七十有七以某年月日葬於西城關外坊畏吾邨之西原配一品夫人梁氏有賢行前公四十年歿詳具公所謨行狀中公之葬也窆夫人墓而合焉子男六人長熙順治丁亥進士累任經筵講官兵部尚書加三級梁夫人出卽士大夫所稱胥庭先生也次賴國子監典簿次然山西靈丘知縣次照刑部江南司員外郎皆側室趙室人出次燕候補員外郎次默候補國子監學正側室周氏出女子子

續彙卷二十二

本

六人長適太倉州同知陳承吉次適丁亥進士福建按察使張弘俊次許聘諸生朱持正次適辛丑進士行取候補主事米漢雯皆梁夫人出次適諸生張弘佐趙室人出次適候補兵馬司指揮孫道林側室田氏出孫男十人孫女十一人曾孫男一人於是胥庭先生衰經踵門以公之官階與其學術勳業當得賜諡立傳不可不爲之狀以俟太史氏之采擇且藉是乞銘於大人先生納諸幽竈登諸麗牲之碑以示來世而垂於無窮遂述公治命屬狀於琬琰辱於公爲年家子又嘗辱公誤

稱其文又嘗與校公全集雖才識驚下不足以副
公之澹然竊願上附於知公者故敢櫛撫公家譜
年譜及胥庭先生所述行略件繫如右

鈍翁續彙卷二十二終

康熙乙丑春二月同里周公贊校字

續彙卷二十二

八

鈍翁續彙卷二十三目錄

墓表

誥授奉政大夫廣西按察司僉事分巡江左

道李公墓表

鄉飲賓邵公墓表

邵氏石表陰記

九十一翁觀瀾汪府君墓表

天岳山人墓表

敕授文林郎岑谿知縣劉公墓表

烈婦周氏墓表

續彙卷二十三目錄

一

鈍翁續彙卷二十三目錄終

墓表

誥授奉政大夫廣西按察司僉事分巡左江

道李公墓表

公諱允禎字貞甫其先家江西贛縣後徙山東之德州前明世宗朝有諱逢時者以進士歷官山西左布政使嘗爲監察御史諫止大同馬市與倖臣仇鸞忤其事具載前史卽公之四世祖也曾大父諱汝棟隆慶庚午科舉人大父煥國子監生父嗣美以公資贈奉政大夫工部員外郎母高宜人公

續彙卷二十三

十一

少工場屋之文舉崇禎癸酉科鄉試入國朝用薦除故城知縣調豐縣已兼攝礪山縣事礪山土寇方熾上官欲束材幹吏使剝賊度無險豐令者故遂以委公公棄閒冒重圍出賊不意入其城賊疑有大兵繼公後迫遽去於是礪諸大家爭以通賊相告訐公舉其渠而條疏寬釋其株連者甚夥礪人甫定會濟寧駐防軍至聲言將屠城城中惴惴思潰公先諭民無恐卽治牛酒往逆其帥於數十里外爲言境內皆良民已無賊矣帥不肖從公與往復數四大聲曰縣固某之縣也脫有不虞

續彙卷二十三

二

某自任之卒拒使不得入及公還老幼擁拜馬前曰使君活我微使君不歿於寇必歿於兵矣治狀累聞遷南城兵馬司指揮踰三年進工部營繕司主事順治八年初建端門成以督琉璃窰功予員外郎銜加一級賜文綺名馬各一又以覃恩階奉政大夫十一年進虞衡司員外郎以督清江船廠竣事疏獻羨餘白金數千兩於朝世祖嘉公廉再加一級尋進屯田司郎中十三年遷廣西按察司僉事分巡左江道行次岳州遭疾遂乞致事歸閱五年終於家康熙改元九月某日也享年六十有三公性嚴重寡言笑居官以公廉自持尤長於治劇凡所區畫必先事爲之備好釐奸敵勇於敢爲雖老猾吏無不縮手屏氣者而又能拊憐細人若惟恐傷之案牘滿前輒迎見立解挾摘其根株悉盡以是士民始而畏繼而愛及其既去且久而益思慕不釋也故城額丁二萬餘兵燹後死徙者過半顧歲征猶如故民閒大困公編審已有緒矣適改官將去乃大集父老取故冊焚之曰毋爲若輩異日累也因鎖書吏密室中晝夜開除以新冊申上官竟得請其困始蘇豐庫吏張某號蝨魁

樂公始至豫陳金帛什器於署公大駭曰此出正項乎抑爾所自置也吏漫應曰司庫者故例耳公怒曰庫中絲豪皆公賦何得僭是卽我命悉徹其具杖吏黜之未幾吏果以昧敗自是終公之任未嘗支庫中一錢黃河決上官徵柳材急豐當輸柳萬餘束吏請率下里公曰如是則敝安底止且必誤期日遂嘩諸大家告以某所廢地有柳可刈某某戶有斂禾牛車可發官錢以貸衆皆曰然不踰日而事辦豐有豪民欲淫妻之妹爲其夫所辱銜之賄大盜引爲同劫其人不勝擄掠前此獄已具

續彙卷二十三

三

瘼且歿矣公獨覺其冤微行人獄中具得獄吏與豪相左右爲姦狀立置豪及吏於法而釋其人有嫠婦擁貲甚厚其夫兄利所有謀嫁之不可嗾某甲使自誣與婦姦甲至官果如所嗾公以無左證不信也姑緩其讞而繫甲空舍陰使吏誑之曰伯得弟婦財將解訟矣久之公召甲於庭陽正色訶曰若知歿辜乎衆皆質若強姦律強者死促入死囚獄勿畱行甲大懼泣且謫曰實無姦也彼誑某爲之又欲賣某歿乎婦遂得白有兄弟訟田者官得兄賂抑其弟弟訟不已公廉知其情卽判歸弟

田并以大義加鑄責兩人皆感泣率爲兄弟如初

楊諸生有許監生范某欲叛者公嗾騎將詣其家衆力諫不聽既至止從者於外親行視室中所在錢穀充席而叛具無有也出叱諸生曰若替殆睨其財欲藉亂劫之耳柰何遽陷人滅族事未幾復譌言范監生將引賊至矣先是公頗奇范狀貌乃勉使以武自奮遣率衛致諸徐州其後范果官守備屢向公坐涕以謝公之愛護士民多此類也嘗夜度大河猝遇盜艘數十從者皆不知所出公言笑自如已而盜詢知爲公輒謗語曰此好官也不

續彙卷二十三

四

可犯遂以次散去是時民開爭藉藉頌公而諸上官訖搢紳大夫亦數相引重尤受知於徐州道張公兆熊每語寮屬曰李君真能吏也最後公出惟清江巡按御史秦公世禎抵境所逮繫佗關姦胥不下數十輩獨清江一無所問歎息謂公曰某雅聞君清操今所見殆勝所聞矣秦公名御史以風采著江南雖同時大吏莫不震懼者而公顧爲所知如此公歷宦中外十四年囊無餘貲家無膏腴之產先世所授田數頃既舉於鄉悉以讓其弟及引疾歸杜門謝絕干請有司莫能識公而居常訓

誠諸子嚴而有法子姓亦無敢違公教者娶宋玄人繼趙氏又繼董玄人子男三長浹順治丙戌科進士芮城知縣嘗與討叛將姜鏐有功不得敘中考功法免次濤康熙丙辰科進士山庶吉士授翰林院編修次潤州學生孫男六曾孫男二既葬編修君謨次公事略畀琬識其墓琬曰考諸前史所紀如漢之黃丞相霸卓太傅茂皆非有幃幄之勞介甲汗馬之績惟以吏治循良遂得封侯錫土而茂又圖像南宮列名元勳之次照耀史冊聲施無窮以今觀公之爲政夫豈不頡頏古人哉至於碣

續彙卷二十三

五

山之亂揭竿弄兵者遮塞道路公挺身策騎挾數吏卒蹈不測之險視羣兇譬若豚犢然不煩尺箠寸鏃驅之境外卒能撫恤其善良而保完其子女俾碣之遺黎得沐國家休養生息之化殆三十餘載者其誰之賜也惜乎壽不躋德位不配功故公所可表者僅止於此琬不敢以老病無文爲解謹刻拾其大端識之非徒愍公地下而已蓋將告國史之傳循吏者使有所考焉公之葬也以某年月日其地荏州之某鄉某原是爲表

鄉飲賓邵公墓表

公姓邵氏諱文燦字明父別自號海陽武進之渚渥邨人性孝友輕財好施歲凶乏食者哺以粥糜疾病無治療者給以藥稱貸無可償及個人不足於歲入者捐其負歿無棺槨者殮之欲葬無所者坎塋之族之貧不能舉子者歲給乳哺米十斛至十歲止老而鰥嫠無歸者迎致於室與偕食飲終其身中外待公舉火者十餘家待公經紀其昏嫁者又十餘家稱貸不取子錢者皆是也公家故饒坐是漸中落而公施予如故未嘗以爲悔也縣中有大徭役輒悉其家財爲衆倡後先長吏皆愛重

續彙卷二十三

六

公稱公長者凡再飲於鄉再被旌門之典於是巡按御史行部縣令連歲舉公善行請旌之後御史詰曰縣豈無佗士可應若令者乎令謹對曰主臣實未見有踰邵某者其爲長吏推服如此臨歿屬其子長蘅曰吾嘗欲置義田以贍吾族今不逮矣女其割宅一區爲康節先生祠割田若干畝爲祀田吾死不憾其後長蘅竟如公命蓋公卽康節十八世孫也當公之葬也長蘅自狀公行以示前大理評事賀君瞻度爲之銘長蘅自少力學用詩古文詞知名大理君又東南通儒長於三禮之說其

文能不朽公也審矣而長蘅願命予表其墓予曰
惟才力驚下雖欲傾倒其長以爲公役豈復有加
於大理君及長蘅所述者哉顧嘗印公之遺風流
韻謂可以麻頑立懦也又嘗歎世之富人擁貲自
封者之多也又嘗閔公之不得志而歿使其得志
有祿位則所施必博所濡溉必大寧僅見傳頌於
鄉邑已也是數者實於私心有遺憾焉雖徵長蘅
鄭重譴諉猶當出其不敏之辭冀得附大理君後
以推明公之果爲長者而使末俗有勸於此又況
申之以吾長蘅之命乎故遂略其行誼大書於墓
表

續彙卷二十三

七

曰是爲鄉飲賓海鷗邵公之墓至於世系子姓生
卒歲月具詳誌銘庶幾可互見云其墓蓋在定安
東鄉之中邨

邵氏石表陰記附

予既表海鷗公之墓其後與公公子子湘相遇京師
復以母孺人行事爲請蓋予之表公墓也孺人已
先公歿於例當得附書會予文體已就且其佗具
詳賀大理所撰誌銘可以互見故不復書而子湘
則歉焉意若有不足也相繼請不已於是案行略
續爲之書曰孺人姓楊氏大父諱某父諱某年十

五歸海鷗公公性豪邁不屑問家人有無而孺人
能濟之以勤歲時治脯醢粒救之儲以燕集賓客
及饋遺其宗親者無算厚薄多寡悉有程則稍暇
輒手自力女工爲諸婦女先未嘗少懈也公好施
予往往傾其貲不顧而孺人能濟之以儉平居減
衣節食卽銖寸戒勿妄費積其所有率盡用以贊
公爲善以是篋中無私財公屢失丈夫子年四十
餘始得子湘愛之異佗兒每抱者鄰上雖嬰戲不
加呵譴而孺人又濟之以嚴子湘甫十歲卽繕學
宮爲諸生孺人不色喜每自塾歸必詢所業見其
進則言笑異佗日不則怒不食噉之長跽且泣且
數之或相譬止卽曰此吾所以愛兒也已而子湘
數試於鄉不利公及子湘皆於邑不快孺人顧慰
解曰兒但當力學耳遇不遇命也吾又誰憾蓋其
明曉大義能與公相濟多若此晚而好佛構小閣
具像設其中晨夕膜拜不輟時時對婢妾談說佛
法及一切果報事聞者屬耳忘倦卒年六十越三
年葬於中邨又二年公亦卒遂窆其墳與孺人合
焉實順治十八年十月某日也子湘名長蘅子湘
其字也有儒才在京師凡吳楚諸士大夫無不折

續彙卷二十三

八

節下之者其聲譽方驤驤大起雖未及官於朝
信卓然不媿孺人家教者也因書以遺之俾磐石
之陰而并刻之

九十一翁觀瀾汪府君墓表

翁諱如江字觀瀾自少好讀書尤憫儻有大志以
豪傑自任不屑屑家人生產當前明崇禎中流賊
亂中原翁年四十餘草數策自揚州往說南京參
贊尚書范公景文其一爲海運事大略謂寇氛方
熾萬一截淮河漕運之路則京師及九邊諸將士
枵腹嗷嗷將何以濟宜及今招致海上木工講求

續彙卷二十三

九

故元時朱張所運故道每歲運糧數萬石試之以
備不虞先是翁嘗脫范公子於難公故雅重翁至
是益奇其策薦授薊州同知翁笑不顧去游鳳陽
巡撫史公可法幕史公所以奇翁者一如范公滋
欲試翁海運策會邊餉告匱而東南又大旱蝗遂
出帑金數千兩委翁糴於湖廣是時大江多盜乃
置其金瓮中署之以酒舟人揚颿竟進凡糴數萬
斛悉募沙船若干艘汎海尅期達津門司餉者大
說上其事又將糜翁以官翁又不顧歎曰吾爲國
家計耳豈爲一身謀仕宦哉從步南歸絕不自伐

其功也於是海內名公鉅卿爭重翁才凡過揚者

無不造門定交而去山西有富商者至揚捕吏利

其貲誣以大盜將殺而有之翁廉知其故用危言

動捕吏吏恐尋緩其獄卒得白富商者輒金帛拜

謝翁於庭卻不受又欲甘心諸捕吏翁輒善解之

有武弁得舉巡按御史命縣令撫其私令與翁善

以屬翁翁辭曰蹤蹟人過吾不爲也況媚要吏乎

令媿悟而止劉莊場富人訟繫於官出白金數百

兩屬翁援之翁費私財營救事解還富人金驚曰

非金何以得免翁曰實無所須金也卒還之諸親

續彙卷二十三

十

故來假貸者必如其數以應積券累累弃敝簏中
終歲不一省視也於是有緩急者爭慕說翁行訟
無不以翁爲歸旣至悉厭其所欲而去觀瀾翁之
名遂噪於江之南北矣翁世系本越國公後自歙
屢遷始定居於揚曾祖某祖某父某皆世襲錦衣
衛千戶妣應孺人配李室人子五振麟兆麟皆蚤
亾起麟耀麟府學生懋麟康熙丁未科進士內閣
中書舍人女二亦蚤亾孫男女十五曾孫男一翁
年九十猶康健如壯盛時數集諸老人爲燕會須
眉皓然衣冠甚偉談笑踰日夕不倦見者有神僊

之曰又一年不病而歿當王師之下江南也居揚州翁適在閬城中遇刃不死已薙髮爲僧復大索諸僞僧殺之翁又得不死人皆曰此長者之報也故卒能享有上壽及見其幼子登上第以功名文學駿驥賢顯夫豈卒也哉諸孤將葬翁某鄉某原中書君衰經過堯峰乞表翁墓予官京師嘗與中書君合族其視翁也當在同姓諸父行故敢表之曰

鳴乎翁之才行備矣顧予獨歎勝國之季士大夫持祿保位雖有磊落奇偉非常可喜之士往往不

續彙卷二十三

士

能用也用之矣亦不能竟其施設也以翁之奇其所挾持諸策度必有卓卓出人耳目表者其說既不獲盡試於國而其文亦遂不獲流傳於家故爲著其大略不獨以發明翁之本志又以惜翁之遭時不遇也

天岳山人墓表

山人諱策字晉之姓龔氏常之武進人最後客關陝間嘗挾杖登鸞山顛拂石題名而後下因號天岳山人既官本朝爲鄧州同知然猶以山人自命鄉曲熟聞者亦遂號嘽之故不復序言其官所

續彙卷二十三

三

以成山人志也山人自少從大父按察公宦游南方習其言論風指通知中朝故事遂究心國史之學爲文尤長於詩賦典瞻整麗與時俗好尚迥異當明之亡也作金陵燕臺懷古絕句詩各百首其文約其義隱繇音促節如庾信之哀如唐衢之哭如韞人思婦之半愁如露蟬寒蛩之悽咽往復上下三致意焉又作三朝史議三篇其最善者言建文帝未遜時史臣紀事不當內靖難而外遜國持議平正君子避之夫亦可以闡山人之志矣山人先世有諱大有者以進士官南御史值武宗南巡首率諸寮諫請回鑾不報其孫有諱道立者又以進士歷官湖廣按察使擅廉能聲吉水鄒忠介公嘗作兩龔合傳以美之卽山人大父也父可宗國子生山人雅無賢介執綺之習讀書彊記銳欲以文學自奮踰壯方補諸生聲譽卽隱隱起平生所師事皆中朝賢公卿大夫所結納皆四方知名士相與更倡迭和前推後輓故山人姓氏益大噪操舉業選柄爲書買所奔湊其視一第始可掇拾也及數試於鄉不獲收其科於是始自傷坎壈稍稍忘而國亦遽亡矣順治中所厚故人在內閣強

之使游國學例當得一官遂客游秦晉及回翔燕
中者凡十有四年乃返鄧州除日既下頗童鬱不
樂欲弃其符不果之任未數月竟歿於鄧壽六十
八配蔣氏王氏子男曰士勳曰士烈曰國子生士
薦士薦才最高稱能繼山人者也女之壻曰諸生
孫復道曰董元禮孫男七孫女五某年月日卜祔
山人於接察公之墓或疑山人既不忘故國矣柰
之何受官乎曰非也漢之亡也梅福爲吳市門卒
宋之亡也諸名儒者逸或不足於養輒食書院山
長之祿以自給後之尚論者莫能優劣也歸潔其
身於山人何疑焉庸敢表而出之以示士薦俾伐
石刻其辭墓上

續彙卷二十三
三
敕授文林郎岑谿知縣劉公墓表

山陽劉公禹度之歿於蒼梧也分守道秦君仁管
出涕曰古遺愛亡矣爲輟鼓樂者三日凡蒼梧及
岑谿父老皆哭失聲且曰天奪我公誰繼公撫我
者既而喪歸傾兩縣人追送踰三百里道中縞衣
繁車與耄穉扶攜者相望哭聲大震諸孤屢謝遣
之率依依不忍舍去說者以爲白岑谿設縣以來
縣官從未有及公者予聞而太息世傳岑谿在荒

崖叢箐之間獐獐出沒其俗好人而怒獸不可以
文法告諭公直一儒者顧能得民如此咎班孟堅
傳循吏合西漢二百餘年僅得六人揆其本則曰
以經術潤飾吏事然則公之所本可知已公諱昌
言禹度字也其先自濠泗來徙有諱世光者由鄉
進士官沈丘知縣廉直多異政山陽之劉至是始
大沈丘公生禮部主事諱一臨主事公生贈文林
郎知縣諱自靖公則贈公仲子也年未弱冠卽爲
名諸生文才雄博下筆縱橫數千言立就每試輒
第一家世故習禮經公尤號大師所讓經義爲士
子傳誦餘膏腴馥霑溉一時其從弟及山陽諸後
進藉此率後先取科第去而公顧浮沈諸生中自
如益潛心六經三史唐宋大家之學不屑爲時文
蹊徑語最後北游太學試又第一遂舉順天鄉試
孝陵覆試諸舉子 殿廷中公文又稱 旨特
拔置前列踰一年遂舉進士方除岑谿或誡公勿
往公笑曰吾爲其易孰當爲其難者促命家人治
襁岑谿自兵燹後凋敝日甚公捐煩滌苛一切饋
遺請託俱屏不行然後嚴保甲以防民奸均徭役
緩催科減獄訟以蘇民困修葺學舍課選生徒俾

肄文學禮遜其中以勸民讓不期月而政成縣故
產毒草民有小忿輒嚙草致斃首下令禁之自是
草不復生廣人咸以爲異縣中火災延燒若干家
公憫民露處席橐中俸金三百兩命民次第構屋
以居鄰縣賊彭奇等聲言將壓境城中兵士僅三
十人衆詞知不敵悉洵洵思潰公拒不可日夜率
吏民登陴又團結鄉勇數千列營城下以示有備
賊竟不敢犯公閒出方略誘賊其黨李勝高者遂
縛奇來降且獻插血氏名冊公曰此皆良百姓受
賊脅耳若株連者衆何以令反側子自安乎取冊

續彙卷二十三

圭

焚之所全活數千家縣益無事公乃築兼山堂蒔
琴植竹吟歎其中書清心省事四字於坐隅嘗告
寮吏謂居官之道不必立異惟在與民不擾而已
會蒼梧闕令上官檄公兼攝其治一如岑谿於是
蒼梧人喜曰眞吾公也岑谿復爭之曰固吾公也
於女何有及公既歿甫殮而擢授宛平之命始至
由是兩縣人益痛惜之蓋公之吏治其所本於經
術濫矣享年五十有六配王孺人生男子三長曰
始大改名愈康熙二十一年進士次曰始恢十年
進士今官吏部某官又次曰始偉天孫男女各四

詳具誌中公性醇直無城府爲人輕財樂義尤以
孝行著稱既舉進士念贈公春秋高數年不赴選
訖服闋始出居平好行其德於鄉距公歿久矣山
陽人猶能縷述曰某橋公所建也某道公所營也
某子某女被掠公所贖也某里病疫得公藥餌以
起者也某甲某乙道殣幾暴骨得公棺槨以殯者
也然則公匪直良吏也誠有古長者風焉其歿以
康熙十一年某月日葬以十三年某月日芝麓龔
先生亦既誌而銘之矣閱十年吏部君至吳復命
予文其墓道之石予爲芝麓先生門下士自度文
筆衰薄不足以繼先生之後顧又念嘗承乏史館
是宜述公事行表而出之以俟後之良吏如班孟
堅者擇焉故遂不敢固辭公墓蓋在山陽城東之
三里塘云

續彙卷二十三

末

烈婦周氏墓表

洞庭周之球之女曰壽英嫁里中蔡氏其夫瓊喪
有心疾壽英鬱鬱不自得夫兄瓊滋兇暴人也強
欲私之輒往訓壽英壽英走訴諸姑姑反恚曰若
嫌若夫不慧今得慧者顧猶不快邪瓊滋益無忌
復走調之壽英知不可諱也嘗不絕口急剪險中

全服之不殛縊於牀乃死里人惻惻將控諸官會之球遠客湖廣而蔡氏復賄里人止其事於是其冤遂不白矣明年之球歸始葬女於山南復自銘之其辭酸楚讀者無不爲之球及壽英太息也康熙十五年壽英死久矣瓊滋忽夜發狂撻戶手刃其妻與所生女子一人乃自刺死明日戶闔不開家人穴而視之見三尸相枕藉大駭有小婢匿於牀下嚀詢其故具言中夜闔見一紅衣女子往來室中若導之使殺者衆始悟爲壽英冤也紅衣蓋壽英大嬖所服云方死時年十有九汪琬曰太史

續彙卷二十三

七

公有言怨毒之於人甚矣哉蓋微獨生者有之也惟死亦然如杜伯射宣王魏其灌夫守武安是矣至於東海孝婦之死又能致枯旱三年然則匹婦雖微及其精誠所激往往動天地泣鬼神何可忽也今壽英之冤疏而里人不能白也親而父母兄弟訖於周之族與其昏因親故俱不能白也而壽英有知顧自報之於二十年之後瓊滋得不暴尸市中幸矣予於是表其墓既慰壽英於地下且以警夫世之兇暴不仁如蔡瓊滋者十六年四月某日也

是事也訪諸周氏而信訪諸周氏之親故而信及予游洞庭訪諸僑夫而又信顧予作此表一年矣始有蔡旅平者不知何人自稱瓊滋之父挾其族黨執力娓娓爲瓊滋辨且愾予使刪此文是則兇人之幸而烈婦之大不幸也猶有鬼神其遂悍然無忌憚如此乎咎歸震川書張貞女死事又書其獄事又有貞婦辨又與嘉定諸友書與李浩卿及殷徐陸三子書始不啻數千言丁寧反覆不置予始疑其煩由今觀之豈得已哉豈得已哉康熙十七年四月己丑鈍翁記

續彙卷二十三

太

壽英之姑姓陸氏牀下小婢名貞秀篇中言納賄止其事者指其里人有私息議單是也詳見旅平所與予書中旅平字文若年已邁矣其不敢與周氏辨而顧譏諛予側蓋有居中從臾以誤之者始予之爲此表也僅以存烈婦而已初不欲席其舅姑名氏旅平旣已自言則予不能爲之諱矣次日又記

鈍翁續彙卷二十三終

康熙乙丑春二月同里周公贊按字

鈍翁續彙卷二十四目錄

墓誌銘一

誥封奉直大夫翰林院修撰加二級鄉飲大

賓繆公墓誌銘

故廣西布政使司左參政分守桂平道寧菴

徐先生墓誌銘

金孝章墓誌銘

江太乙墓誌銘

鄉飲賓八十翁席公仲遠墓誌銘

周宏叔墓誌銘

續彙卷二十四目錄

鈍翁續彙卷二十四目錄終

鈍翁續彙卷二十四

文彙十六

墓誌銘一

誥封奉直大夫翰林院修撰加二級鄉飲大

賓繆公墓誌銘

自世祖章皇帝定鼎以來國家舉行臨軒

策士之典凡十有三而以第一人及第者吾郡獨

居其五海內傳爲盛事中閒有太公與太夫人皆

無恙能享其子之祿而屢受天子貽封之錫者

則惟學士徐公肅侍講繆猷起兩先生之家爲然

侍講尊甫鮮書公尤老壽侍講既第公數邀嚶自

續彙卷二十四

一

得居則有亭池粵木之勝游則有山川泉石之娛

日夜偕故人賓從與夫鄉里之老談笑偃仰於樽

壺壺矢之側肥腴之味不絕於口絲竹謳歎之音

不絕於耳加以命詞寵章後先疊至門庭之

盛鮮與爲儷如是凡十年而公始效古之洪範傳

所謂五福者庶幾其悉有之吳中之人皆知侍講

之孝養其親顧不知公之勸飭指誨所以勉侍講

於成者惓惓備至蓋訖暮年而後能盡食其報也

公諱慧隆字子京蘇書其別號也先世自常熟遷

於府城故今爲吳縣人曾祖憲祖天秩竝贈布政

使司右參政考國維萬曆辛丑進士歷任賓州右參政而燬嘗平蠻寇安邦彥之亂功載前史妣蘇氏徐氏皆恭人生母齊氏公爲諸生不尙虛名亦不屑屑章句行文不屬彙頌刻數千言可就諸老儒皆遜避之當勝國之末公愀然意有所不願輒弃去舉子業惟以課督侍講爲務於是延予友宋子旣庭館於家是時旣庭方與公之弟子長先生以文章雄吳下名聲相埒予旣善旣庭而予季南貴復受業其門數人者晨夕侍講讀書之舍數用文學相淬礪公每肅予輩入必具酒炙示殷勤未

續彙卷二十四

三

嘗以丈人行自抗也嗣後侍講學益進聞望亦益重四方鉅公賢人及知名之士舟車造門者相望公必率侍講返勞其閒身自備賓主之禮其遇單寒者則折節慰藉尤有加焉雖甚煩費亦不怠以中止故侍講訖成通儒而後遂受天子非常之知特簡之以魁多士皆公善教其子致之也侍講旣第親故動色相賀公不色喜詒書誡之曰若何以不媿科名惟安分不躁進勤學不曠職則忠孝具在是矣侍講內艱服闋公趣之入朝侍講念公老矣故爲事遷延其期公大慍曰忠卽孝也

方國家多事豈若從容內顧時乎立遣治喪爲行計久之侍講又將請告祝公七十壽公復詒書報之曰吾強健善飯毋庸若歸養爲也蓋其始終勉勵侍講者若此然則公之優游暮年以忘其老以遂其志食侍講孝養之報而享有此五福者夫豈偶然哉公性坦直不設城府數好周人之急雖名爲賢公子而弱冠孤露卽能以身堵柱其閒屢思慕參政公悉敘次歷官政績悉數千里外請祀於閩於浙於黔吳人至今稱公孝云公享年七十積封至奉直大夫翰林院修撰加二級配王玄

續彙卷二十四

三

人文恪公鑒五世孫也先公七年卒前禮部尚書宛平王敬哉先生銘其墓子男一人形卽侍講也女子子一人適諸生顧瑞書孫男一人祖齡尙幼孫女七人皆配名族宦人之葬也墓在吳縣鄧尉山之麓至是奉公匱往合馬實康熙十六年十二月某日也予自病假歸里杜門無賓客公獨再詣予茗書屋握手勞問如平生歡且辱有獎借之語故侍講屬予銘予不敢辭銘曰
溯繆之興由東漢晉代有顯問爰及參政參政枻蹟實於吳門服勤王事以啓後人公載其美播之

堂之如彼鵲鸞空奮而飛不在於躬在其哲嗣章
履煌煌安受 帝祉維積之豐維報之隆藏是玄
室壽考令終

歎廣西布政使司左參政分守桂平道寧菴

徐先生墓誌銘

康熙十有六年三月賓陽徐寧菴先生卒於江寧
之寓舍訃至吳門門人沈某汪某既各爲位以哭
其年九月將卜葬蔡家山之先塋諸門人前期會
葬江寧孤時成拜且泣曰襄事有日矣維是墓隧
之石既具而其辭未立其何以不朽先君而釋諸

續彙卷二十四

四

孤之學戾於無窮乎既又告琬曰吾子尤以文學
爲先君所知是吾子之責也琬固讓不獲始敢序
先生族里官次治行之實爲誌而繼之以銘先生
諱某字致公寧菴其別號也先世居彭城明初有
從征賓州者以軍功世授千夫長遂家焉曾祖迪
吉祖講平原學教諭考卿伯累官四川布政使司
右參議先生少聰穎參議公用御史巡按山西歸
陳其車服器翫於庭直可千金召先生眎之曰此
稽古之效也孺子欲之乎先生稍一寓目若不屑
意也參議公益奇愛先生稍長閉戶力學博知古

續彙卷二十四

五

今不專尚經生業參議公爲御史時始挈家僑於
南京卽今之江寧府也公閒一歸視其家先生必
侍側凡議論間見得諸家庭尤多江寧宿儒前進
皆折行輩與交前明崇禎中舉賓州鄉試踰十五
年舉順治己丑進士選內翰林庶吉士授祕書院
簡討充乙未會試同考官出爲河南按察司副使
管理河道遷廣西左參政分守桂平道未之任而
河南巡按御史以私憾銜先生遂爲所中至落職
而總河與巡撫者爭上疏直其冤甫得白會江南
奏銷案起以非辜被株累者凡數萬人先生與焉
於是不復言出矣先生在翰林數論事且請譯大
學衍義進講 天子器而重之欲試以吏事適有
內外參用之 旨遂擢先生治河是時文學侍從
之臣出爲外僚如先生比者未久輒復名用至卿
貳賢顯而先生竟不復名嗣後 世祖晏駕遂坎
塚以終此可爲先生惜者也當先生之治河也河
決方急悉屏去騶從或乘小舸或策單騎日夜奔
走數十百里往來護視雖大風疾雨不少止有勞
先生者先生慨然曰職分空然吾敢愛一軀使吾
民飄流蕩析乎爲人敏決所持策多出佗人上每

秋冬之間下令開濬某所修築某所聚初不喻也
既而卒賴以無敗事於是始大服守職公廉不肖
以一錢入私囊先是河工歲費至白金累數十萬
民間供役率騷然煩怨先生嚴於估計調發一切
諸宿敝悉格不行雖豪猾吏亦相顧縮手不敢爲
欺所上奏銷冊歲不過數千金開興大工亦減舊
費什之八九而功力雄固倍於往時吏民赴役無
敢後期者上官始猶以儒者易先生既効昵其所
爲遂相倚如左右手益無不歎先生之才之足恃
而知其學之通於世用也故既中巡按御史譏卒

續彙卷二十四

六

相與力爭而白之先生性醇謹與人交無疾言遽
色晚歲益務爲沈澹人莫能闕其際家居十餘年
未嘗以事干謁有司官於江寧者幾莫識先生之
面繁食補衣怡然自適也享年六十有七配劉孺
人子男三人長時成江寧附學生次時亮時敏孫
女二人皆幼先生始宦京師與同年嚮厚菴先生
友善所以切劘底厲甚至其學研極性命而尤詳
求經世有用之術琬初第時謁先生於邸舍請問
爲學之要先生曰簪孔子於易乾卦卽發明誠之
一言以是傳諸曾子則曰誠意曾子傳諸子思以

訖孟子則又皆曰誠身誠其可終身行者乎又問
求誠從何始先生曰先儒有言自不妄語始琬至
今誦之不敢忘然則充先生之學使得與嚮先生
皆大顯於朝左推右輓其勲業規模當何如也
顧嚮先生既蚤歿而先生亦位與學不副不能大
究其所施設其見諸官政者厯厯緒餘而已如琬
所序是也此非先生之不卒而實可爲國家惜
者也琬廟門牆之末二十餘年矣氣昏質駑旣不
足以盡達先生之溫雖數用文字見役於人然筆
力褻繭又不足以發幽闡微而暴揚先生所學於
當世宜其執筆逡巡而有媿心也夫乃作銘曰
誠以持己誠以事君先生之學先儒是遵宜公與
卿而卒不振德則多有惟命之屯大江之濤牛首
之側土厚水深龜卜墨食永藏於茲不崩不蝕俾
而子孫世逢其吉

續彙卷二十四

七

余孝章墓誌銘

吾郡故多潔修好古獨行之君子近世如杜用嘉
邢用理沈啓南先生降而至於趙凡夫文彥可之
屬率皆遺榮弗仕或以詩文或以字畫或樸出於
醫卜卓然有名於時其遺風餘韻至今猶傳述鄉

士大夫之口自有明既亡吳中好事者亦皆弃去中服以隱者自命當其初流離患難之中希風慕義儼然前代之逸民遺老也既而天下蕩平苦其饑寒頓踣有能初終一節老且死牖下不恨者蓋實無幾人若孝章金先生庶幾大易所謂樂天知命者與先生諱俊明字孝章吳縣人少從其父宦寧夏往來燕趙開馳游獵頗任俠自喜方遼左多事爲歌詩多憤懣激烈聞於諸邊帥爭欲延致幕府先生意不屑也既歸里始折節讀書受經於孝介朱先生之門朱先生數歎異之補縣學生名

續彙卷二十四

八

以是三吳碑版劓及僧坊酒肆率多先生筆得之者爭相誇示以爲奉閒喜畫樹石皆蕭疏有致其墨梅最工吳人尤傳寶之先生既善書平居繕錄經籍祕本以訖交游文彙凡數百種無不裝潢成帙皮置滕鏤惟謹予嘗忝詣先生老屋數閒塵埃滿案與客清坐相對久之自起焚香淪茗稍出其書畫與所錄者娛客而已予嘗論之以爲先生非忘世者也既已遭逢不偶浮湛流俗凡其豪邁之性磊落軒昂崢嶸突兀之氣未及剗洗方抑抑無所發舒不得已寓諸書畫閒吳中後生晚進高談

續彙卷二十四

九

隱隱起數試於鄉不見收最後復赴試以焦氏易筮之得蠱之艮其繇辭云云先生愀然太息曰天豈欲我高尚其事乎吾將從此逝矣遂不終試而歸歸卽謝諸生杜門以備書自給是時明猶未亡也踰年流賊陷北京又踰年王師渡江吳人始

賞鑒者徒推其書畫之工且競欲求之筆墨蹊徑之內俱未爲知先生也其知先生者則謂先生學邃於古且超然有自得之致夫亦知之而訖未盡者也先生年七十徧乞嘗所往來者賦生輓詩引陶淵明自祭文爲況蓋其風流雅趣如此嘗有學使者慕先生名欲招致之不可得因歎曰清真絕俗雖古之沈冥不過也壽七十有四某年月日其孤莽先生長洲縣瓜山之萬字圩以狀來乞銘按狀曾祖麓祖可大考永昌官陝西寧夏衛經歷妣徐孺人娶浦氏先卒女二長貞琬適吳江張某次

貞瑛通長洲方某男四長上震某科武舉人今方
爲某官次侃次祐次預蚤率孫男三先生篤於孝
友每居喪必手書孝經數百本以乞人撫愛仲叔
兩弟尤力晚而自號耿菴又嘗自書其堂額曰孺
友以志之銘曰

於學則豐於德則崇不逮於用維時之窮庭有幽
蘭先生所藝篋有奇字先生所制潛光隱曜後人
是詒後人其昌斯石識之

江太乙墓誌銘

休寧之江系號右族其先世蓋家於浮梁唐天復

續彙卷二十四

十一

中有主休寧簿者遂占籍焉是後子姓延衍散居
休寧之郊陽梅田二鄉而公則從梅田徙蘇者也
諱五聲字太乙以鄉飲大賓諱茂時者爲父鄉飲
賓諱泮者爲大父昆弟凡七人諸昆率以文學擅
名仲氏又舉於鄉而大賓公獨奇公才特命之治
鐵冶於蘇遂用冶鑄起其家爲人任俠重然諾徧
交四方賢士大夫凡士大夫至吳者無不造門投
謁公必盛供張酒肴筐篚具送迎之禮由是得好
客聲而予之族女方歸公冢孫爲昏因家故汪氏
亦無不交於公者公所居在吾吳西郭外比年以

續彙卷二十四

十一

來予徙居公里相距不數十武顧予宦游京師有
年及其歸也又以病杜門獨不及登公之堂而識
其面然詢里中人則譏然推曰此長者也公既歿
免喪而公之諸子始介其友俞子無殊數往還予
家時時敘說公軼事益知其果長者公性好施予
尤厚於同族有貧而鬻女者立捐貲贖出之且爲
之擇所歸有無行被陷於盜者族人咸唾罵不齒
也公顧閔而援之得脫其舉其人卒悔悟不復爲
非或以緩急告卽如所需以應久而負公不償公
遂毀契書如此者凡數人貲亦不下累千金公之
好行其德悉此類也平居嗜讀史書又喜購古鼎
彝疊洗次至官哥窰以下磁器若前代朱黑紫具
之屬羅列便坐左右每閒於家政及賓客之務必
入精舍焚香據几或摩挲諸甌好或手史傳一弓
且覽且諷翛然如在世外非獨其人長者也蓋寔
有隱君子風焉享年六十歿於康熙某年月日配
程孺人先公十年卒子男五接荷士駒皆國子生
接芹吳縣學生士習蘇州府學生士驍吳縣學生
女六人其四皆配名族餘未行孫男十六人承謨
府學生承備承詩吳縣學生承信承倣承誠吳

學生承份承說之訓府學生承份承度承祐承恩
承祐承恩女十三曾孫男四女三承談即娶子族
女者也承誠之訓從其季父士驥今方游予門某
年月日諸子葬公某墳某原以程儒人附公既隱
德弗曜而子若孫類俱守公道業恂恂謙謹足爲
保家之主且有讀書能文章者其蕃其昌豈不在
後之人乎於是無殊爲之誤狀予則誌而銘之曰
善之積也慶有餘公蓋其善弗及據詒子若孫詩
與書其與勃焉立可頌銘以識之語非虛

鄉飲賓八十翁席公仲遠墓誌銘

續彙卷二十四

主

予嘗兩過洞庭之東山其始至也以事趨謁席太
翁仲遠翁之季子婦予外妹也是時翁年七十餘
矣長身飄須衣冠甚偉其輩行既尊於予年齒且
高顧具賓主禮甚恭拱揖進退如少壯者酒次敘
說山中諸佚事首末纒纒可聽予心知其長者也
別去十年而復至則翁已歿其家將禪矣伯季兩
君方各治一園中閒樹石蒼秀亭榭潔雅又各於
其旁穿池蒔蔬備極幽人逸趣微但係家之主庶
幾能亢其宗者也然則翁之所詒遠矣翁諱本久
仲遠字也先世有仕唐至武衛將軍者始家東山

曾大父某大父某父樊瑞國學生以善封殖起家
翁少爲青浦諸生所至偕諸名士日夜以問學相
鏘礪故其所得醇淡而於應舉之文最工然數不
利於場屋中歲始自喟曰命也文其如命何盡屏
弃所業脩然不以名第介意數延故舊賦詩飲酒
爲樂竟用是老焉暇則簾閣據几手繕寫諸大儒
語錄至數十卷又嘗訓釋孝經而尤研精覃思於
易其論乾之九三曰乾乾者卦之體惕若者卦之
用潛躍見亢莫不須惕故九三不言龍以其爲人
中之龍也怠心一萌龍德乃喪知進退存亡而不
失其正者將枉惕若乎乃自號惕菴其爲學根柢
如此予惟自明萬曆以來山中高譽者推許氏翁
氏兩姓爲甲其人率以文雅相高喜結納四方賢
士大夫非僅嚮慕其財自衛者也故凡春秋佳日
遠近籃輿畫舫爭集其門如萼亭董尚書玄宰陳
徵君仲醇常熟錢尚書受之嘉定李進士長蘅太
倉張內翰天如儀部受先之屬類推翁許爲湖山
主人一切管弦歌舞之娛牲牢酒醴供張之盛所
費始將不貲絕無分毫顧惜雖古諸侯所謂賓至
如歸者弗是過也翁許衰而席氏遂興予雖晚進

續彙卷二十四

主

季而得一從游蓋有往者流風遺韻在焉逮翁沒而山中承平故事邈焉不可復覩矣古曰在簪簪曰先民能無爲之追慨乎哉翁雅性儉樸自奉無重綺兼肉惟用以施予不倦當順治之初臨清賈店所有盡出於兵火而翁施予如故每念族女多嫠而貧者買田若干畝歲計所入贍給之曰吾以勸貞節也元配姜賢而無子嘗出險中金置二女爲翁備側室及冢子甫生翁卽擇對尼妝具嫁遣其最後置者女侍翁彌年旣嫁猶處子也由是里黨翕然推服至於賑饑糴蒞治道梁葺學舍衆所

續彙卷二十四

西

夸說義舉者在翁視爲固然雖更僕握算不能以悉數也有司聞之遂延翁鄉飲邑人無老幼咸謂不忝云享年八十娶姜氏享年六十側室沈氏善事其適其嚴於御下與適姜並以賢著皆先翁卒子男子二曰士琨曰士璵皆太學生候選州同知子女子三曰諸生嚴某曰徐某曰諸生蔡某其壻也皆沈出孫男十孫女七曾孫男十三曾孫女十一始翁壯歲猶未有丈夫子自謂不立子矣至是中外子姓將踰五伯指其枉提抱者弗論也歲時奉觴上壽綵衣珠舄文綰滿前有不能徧認者洪

範五福翁實兼之此長者之效也兩君免喪之次年葬翁夫婦於卜家山新阡以沈孺人附是爲康熙二十一年某月某日銘曰

積財匪艱積善爲艱財久而傾善久則敦翁也善士又益以學閱易微指乾三惕若菑之俞之厥惟播之我躬之淑我後之詒環山而湖幽堂旣考餘澤縣縣伐石是詒

周宏叔墓誌銘

君諱某字宏叔姓周氏其先家於常州有諱應者宋開慶進士歷知建康府制置安撫使始居無錫其後世佗徙越十一傳而復歸故自君以上數世皆無錫人君爲諸生以才略著聲譽不卒蚤世配孀某孫男三鈞鑄鏜孫女一曾孫男女三君卒於順治二年某月日春秋三十六孺人卒於康熙十九年某月日春秋六十八相距踰三十五年先是廷旦卜葬君於大池之新原及免孺人喪之次年遂啓君墳以某月日奉孺人匱往附其距君之葬亦踰三十年矣君有弟文季予鄉試同門生也故廷旦介文季子某來乞予銘予不得辭因按狀中

續彙卷二十四

圭

所載次第韻之爲銘以授之廷旦復言曰先人弃孤某蚤故其述遺事也弗詳此某沒世有餘憾者也予應之曰管孔子少孤不知其墓問於邠曼父之母然後得合葬於防若吾子知而述者視孔子不既多乎夫何憾銘曰

以國爲氏巨莫如周源也則遙需需其流君之鼻祖曰瑜公瑾爲吳名臣江東以振自瑜而下繼繼繩繩醇儒循吏在宋有聞爰自毘陵來居無錫里曰錦雲於田於宅元明之交子姓播遷有諱清者始還故塵曾大父後大父惟新潛采匿曜仍世弗

續彙卷二十四

去

振皇考懷良碩德謁謁郡延鄉飲充賓之介厥緒既作逮於君身少居賢序郁然有文文何足多此小儒事君視勳名直戾契致詔遴騎射聘而輓疆俛叩自雄莫與抗行勝朝之末黨人騰沸君雖家食爲國暗噫辟彼發婦不恤其發宗國將隕午夜涕洟江淮搶攘震驚郊壑醢酒椎牛願衛里社志斯豪矣人則楹之材斯長矣命又促之及乙酉歲游臻喪難殷憂弗勝竟訖君算嬪惟孺人爲湖其鄉婉婉令儀克事尊章克睦娣姒諸姊妹妹以是助君克稱賢對君之甫歿孺人號吁臣也歿君婦

也歿夫於義空然藐孤孰怙強顏視息冀完門戶孺人盛年苦節以貞送老字幼如君尚存孺人白首甘節以終見君地下靡媿於東長山之陽大池之側君與孺人實棲體魄有槨有松鬱乎墓門君與孺人用佑後昆後昆如何遺澤爾係爾熾爾昌茲銘可考

純翁續彙卷二十四終

續彙卷二十四

去

康熙乙丑春三月同里周公贊校字

鈍翁續彙卷二十五目錄

墓誌銘二

清故朝議大夫江南布政使司參議分守蘇

松常道加三級方公墓誌銘

前明兵科右給事中吳公墓誌銘

顧徐赤墓誌銘

席舍人墓誌銘

周文季墓誌銘

鄉飲賓徐府君墓誌銘

續彙卷二十五目錄

鈍翁續彙卷二十五目錄終

鈍翁續彙卷二十五

文彙十七

墓誌銘二

清故朝議大夫江南布政使司參議分守蘇

松常道加三級方公墓誌銘

康熙十六年冬分守蘇松常道參議方公以疾歿於位閭治聞者自士大夫以下至於委巷老穉無不慟哭失聲及明年春喪行遮道號咷拜送者數十里不絕公子其樞既免喪以事至吳舟過閭胥門父老爭招攜往觀或太息泣下相告曰見公子猶見我公也其明年公子復至聚觀如初其泣下者亦如初嗟夫公何以得此於民哉蓋吳人入本朝以來甫脫兵火卽早潦疫癘之災無歲不有十室九空蕭然愁歎而爲有司者不思覆露拂循之術方勘輿大役以腹其生而摧其力獨公用清靜無事爲治順民之欲與之休息故輿頌悉歸於公予嘗論之吳人所患如病羸者然神耗氣衰雖峻補猶虞其不任況可益以苦寒剗削之劑乎是宜節其起居調其衣服飲食然後可以稍延公能得此意以治民民旣翕然說服而又惜其設施未竟也儻天假之齡俾得建牙開府於江淮之間

以宣布 朝廷德化不當大有造於吾吳與然則公之歿也豈惟公之不卒直吳人之不卒已公諱國棟字干霄別自號艾賢先世居浙之德清後徙順天明太師文端公從哲從子也六世祖允及高祖夢曾祖天敘皆贈少師吏部尚書中極殿大學士祖希哲縣學生私諡恬節先生考士淳以文端公廕歷官至饒州太守公讀書明敏過人十歲善屬文順治初與伯兄皆以諸生舉於鄉伯兄既擬進士而公連不得志於禮闈遂授蠡縣教諭遷國子監助教進博士丁饒州公艱服闋補故官遷刑部江南司主事歷雲南司員外郎福建司郎中出爲廣東按察司僉事分巡海北道巨寇鄧耀盤踞海島中時時出沒剽掠爲雷廉患公請諸制府集兵三千分五路以行而躬總其節制繼又慮賊之佗跳也急檄鄰道及安南國王各出兵分益要害耀遂受禽招徠餘黨所全活數千人廉人爭感公德刺主於名宦祠生尸祝焉遷整飭寧武兵備參議久之以裁缺改分守蘇松常道公屢官監司率在兵戈倣擾中更事多矣及蒞蘇蘇居江浙舟車之衝視佗道尤劇而又值 王師有事於閩粵羽

續纂卷二十五

二

書旁午芻蕘糗糧之需猝不及辦有司皆惴恐公縻具成算從容指擲咸中冓竅軍興賴以無乏而民閒晏然若不知有兵者未幾而采木之役起疾驅入空輿溪山中晝夜督視以勞邁疾而歸踰三月歿是歲十一月某日也享年五十有七公頎然長身問學淹雅工詩喜書而於弈尤入能品與人交不翁翁熱亦不落滂涼雖接布衣下士未嘗有疾言傲色歷官三十餘年補衣糲飯絕無聲色補飲之好約束胥吏往往皆重足立而撫視士民則藹焉具有恩意尤耿介自守不爲禍福利害所搖終其身如一也雷廉諸富人被賊誣後先株連下獄公察其冤力爭於制府前悉脫其械而出之諸富人念無以報哀白金數千兩壽公公大嘆曰吾憫若無辜耳若柰何以此污我卒卻不受中朝賚人遣牽伶入吳伶故吳中無賴子里人屏不齒者也至是怙執恣爲姦利有司以賁人故爭折節下之至與揖讓行鈞禮公獨不少屈伶又以非法干請亦不聽或勸公益稍委曲爲一官計乎李峻拒不可伶大怒去然亦不能豪毛有加於公也由此聲望益大重喪歸之次年卜葬於大興縣方家莊

續纂卷二十五

三

祖塋之次元配買恭人前奉遂耐葬焉子男一人辰卽共樞例監生娶徐氏側室葉孺人出也女一人塲賈恭人出也共樞好學而有文所娶爲太僕卿武進徐君某女故數往還吳中其始至也實來徵銘且曰知公者莫子若也予惟前此請告十年適當公治吳時公嘗以微言動予曰何以教之予正色曰晉漢杜密家居每多所陳託而劉季林以閉門埽軌稱清高士頗爲密所譏評然黨事之興季林徃免使君將使某爲密乎抑寧爲季林也公笑而頷之故其相知最深不可以不銘銘曰

續彙卷二十五

四

鼎鼎鉅族文端基之碩儒循吏惟公繼之公未來吳吳人惶惶及公至止歌舞康莊仁以矜物廉以律躬活千人者後必有封吳人思公瞻望公子餘慶絲絲是續是似

前明兵科右給事中吳公墓誌銘

故兵科給事中吳公旣歿之十有一年諸子卜葬於長洲金鷺鄉之誠字圩又十有一年其配顧孺人率越明年諸子將奉其匱與公合兆公之葬也未及具石以銘至是持某所撰行狀問銘於琬琬之祖妣湯太君視孺人爲姪孺人益琬重表姑也

吳汪又有通家之好公季子又從琬游故琬不得辭按吳之譜曰周太伯後裔由太伯至今二千餘年屢徙不離於吳大王父涪贈襄陽知縣王父之佳以進士累官都給事中萬曆中與同官合疏請豫教皇太子忤旨削籍後贈太僕少卿父承科以公賢贈戶科給事中公諱适字幼洪晚值明亡自稱南國廢人蚤歲敏妙下筆成文章贈翁器之曰此兒頗類乃祖中崇禎十年進士釋褐衢州推官以卓異徵甫去任而弘光主南渡入除戶科給事中內閣馬士英遣人致殷勤於公公弗報也於是士英擅政力援逆案中阮大鍼使掌樞柄共招致羣小謀盡逐東林黨人而武臣如誠意伯劉孔昭忻城伯趙之龍之屬皆與表裏相倡和尙書張公愼言爭之不能得引疾去閣臣姜公曰廣都御史劉公宗周復相繼去公意憤激極言老成淪弃可憐因請申明祖制以清議專歸言官不報未幾公兼辦吏科事趙之龍疏薦前少卿陳爾翼爾翼亦在逆案中得旨起用公業鈔駁之矣之龍復疏辨公遂彈之龍略謂祖制惟科臣得司封駁未聞以勳爵參者爾翼嘗稱魏忠賢用命而薦崔呈秀爲

續彙卷二十五

五

本兵夫以諂魏逆者爲公道假魏逆而在亦必昭雪而後可以薦崔逆者爲公道假崔逆而在亦必推用而後可若一經勳臣條列無論是否卽登啓事則科臣封駁與銓臣甄別俱可罷而不設是悖旨自雄而弁髦故制也疏入羣小憾公刺骨其明年進兵科右而總兵官寧南侯左良玉方與馬阮交惡舉兵焚武昌以叛以清君側爲名初公之枉衢也蔡奕璫嘗以黃緣事發覺上官傲公偕佗推官會勘公執法無所屈奕璫坐是得羣南渡初召爲吏部右侍郎或勸公往謝公故不往奕璫溪銜公及居內閣思因事中傷之公疏薦侍郎楊鶚可仍撫荆襄且言鶚與鎮臣良玉忤慨同仇共矢夾輔云云奕璫摘其語稟旨嚴加詰責已而良玉兵起卽暴歿軍中其子寢庚代將連艘二百餘里破九江安慶諸處京師未知良玉之歿也中外大震九卿諸御史爭上疏請討良玉科中公疏獨中止不果上羣小益疑出公意會士英遣私人方國安統兵往禦良玉於江中國安顧焚銅陵掠南陵所至人皆嬰城固守公調知之中夜起草疏勅國安學當斬并及鎮臣牟文綬劫掠狀或沮公曰君休

矣言之何益直促禍耳不聽奕璫果稟旨責公阻撓國安軍又自露章劾公誣以黨逆下錦衣衛獄羣小必欲殺公以快憾御史張孫振遂言公東林後勁復社渠魁宜速正兩觀之誅獄由是益急公亦自分必死纔逾月南京失守始脫身歸奉其母徐太孺人避地邨舍中 皇清順治三年巡按御史用地方人才薦非公志也不得已遷延行至中途而返凡杜門卻掃者十有七年太孺人壽終哀毀骨立以不勝喪卒享年五十公爲人公廉彊直在科中僅數月所上章奏二十餘悉關宗社在

癸丑科進士誦塲說廩例太學生謀乙卯科順天舉人誦太學生卽從琬游者也女五人長適諸生申岳來次適申祖琦次塲次適候補中書舍人錢廷銳次適貢生李絛初孫男十一人女四人曾孫男女若干人長女申出也申孺人前從葬贈翁墓左故不附公與其祖太僕公後先俱以直言顯名又俱以諫官終果符贈翁之言吳人謂贈翁知子云銘曰

善祝國者祝人有無苟無人焉其國將墟明之季世蠅營蝸沸肆言鈎黨清流喪氣公也侃侃枝之

續彙卷二十五

八

梧之棟榱崩折執莫能支幅巾布袍言旋三徑訖爲遺老名高節勁浮圖雙峙壁水環流宰木鬱蒼公歸斯丘桑雲駕霓風雨下上公靈儼然百世所印

顧徐赤墓誌銘

君諱植字徐赤姓顧氏自孫吳有國以來千四百餘年爲吳中著姓父某祖某皆太學生曾祖某蔭監生而高祖九思則隆慶中進士累官至通政使者也娶於王亦著姓少傳文恪公六世孫女君年甫二十六而病病數年始瘳方危急中所費醫禱

無算其家遂落且以文士雅不善治生數被困於徭賦而會王孺人又歿自分病不能支遂析產諸子而身受其養性恬澹寡欲効無媵侍至是病稍瘳益捷戶獨居一室中諸子以鮮衣好食進者輒屏不御巍然靜坐終日頗習導引養生之說悅焉若有所悟如是者若干年而丁太學公艱以過毀復病病屢瘳屢發又六年而卒享年五十有八實康熙二十二年某月日也君少善屬文號名諸生爲人仁厚坦易未嘗忤物尤喜賓客凡四方士大夫造門者無不盛供張與相結納當君未病時里

續彙卷二十五

九

中故有文社曰慎文予之族人多廁其間而君亦與焉故予與從父自遠再從弟寶文皆數從君課藝飲酒甚歡而予仲弟摺九尤善於君其後社事益盛往來率賢豪知名士然以文章行誼見推輩行者計不過數人君其一也旣而各以佗故引去予亦宦游滯甯京師而君遂病廢識者悉爲君歎息及予自卽舍告歸始復得相見君雖善病而起居動靜如故予謂君旣知養生以致壽考無難者嘗舉此以告君之長子敕五顧予言竟不驗也哀哉予長君二歲自遠少於君亦如之摺九寶文祝

君俱略相上下當君之卒也寶文已先一年歿而自遠播九死且久其最久者幾二十年矣獨予衰老僅在爾然則敘君事行使傳於後世非予其誰君有子五人曰敕五曰敷錫皆太學生曰撫五曰三典吳縣學生曰良五女三人適太學生陸裕國吳閩諸生胡鳴皋孫男女若干人先是王孺人葬長洲縣尹山某鄉之原君歿之明年諸子奉其匱往合焉君性純孝絜不信術家言其葬父太學公也術者阻以日干不利正色曰古者葬有定制何論利不利哉設不利吾自當之蓋達而知禮如此

續彙卷二十五

十一

故諸子悉守其家法云敕五字有典三典字有常方以文學著聲庠序間用能大君之後而顯揚君者將於是乎枉銘曰

名不升於朝壽不逮於耆天乎何知以君之善士而僅止於斯

席舍人墓誌銘

予數游洞庭之東山自俞家舍抵薛家橋其道多圯每新雨輒淖不可行諸往來者病之最後過其地則旁規以石中墊以甃者堅緻且袤數里矣問誰爲之則曰席舍人所築也故時山中婦女無佗

業每空手坐食以爲恆最後織作聲殷然接衢巷問誰爲之則又曰舍人募鄰郡女工所教也問絮本及紡車繅絲諸具安所取乎則又曰舍人所給也予甚異焉問舍人爲誰蓋諱啓圖字文興歲貢生候補內閣中書舍人未授官而卒山人雅重君故不字而爭以其官呼之云已予寓於嚴氏君之諸孤皆嚴出也因知君事行頗詳及將葬君來儀嶺之原復詣予徵銘予以是益悉君之爲人按狀席氏避唐末黃巢亂始家莫釐峰之陽曾祖洙祖端攀皆不仕考本楨前明文藝殿中書舍人擢太僕少卿贈其先兩世如少卿官妣吳淑人而君之母則譚也君自幼喪母鞠於適母吳事吳有至性吳疾病晝夜不離左右自草青詞籲於神願以身代歿先後四十九章至今其墓有存者爲人恬靜寡欲未嘗孜孜錢刀爲俛拾印取計惟好行其德於鄉里凡宗族親故待君舉火者若而家待君資其昏嫁歿喪者若而家山中細民苦貧寒則施褚衣炎暑則施紵櫛病則予之藥不吝歿而無以斂者畀之棺無地以藏者又廣少卿先所置義塚至三十餘畝以畀之坎穉歲值大歉則出聚周

續彙卷二十五

十一

之多或千餘石亦不下數百石而又贖歸其子女之被鬻者收育其嬰孺之弃遺於道者歲所費率逾數千金山中大姓類以商旅熾起家往往擁財自衛其尤豪者必募衣服盛輿從以相夸炫而君自奉獨與寒素者埒室無姬媵篋無翫好每積所入悉罄之於施予親黨患其異己或竊議之君聞而不少顧惜久則令一山大小疏昵莫不頌服焉然後知予前之見聞猶未足爲君異也君好讀書時書累萬卷於是徧葺先賢嘉言懿行條晰諸書其若干卷名曰畜德錄晚歲病風痺者數年益鍵戶著此書嘗題於書尾曰吾病瀕死惟以書未成爲憾今幸少瘳有不彊力成書而敢自惰媮者歿無以見先賢地下病不能轉側至置書牀簣上俛睨之蓋其勤於問學如此予故考君事行本末以爲得之先賢者居多享年四十有三卒之日宗族親故哭之曰今而後緩急將誰叩也山中父老子弟哭之曰今而後凍餒患難將誰恤也嗚呼若舍人者可謂有德有言之君子也已常病之未革也先期謝遣醫藥語諸子曰吾之生也太歲枉寅今歲申也月又如之寅申相戰吾殆將不免既

續彙卷二十五

圭

而果然達者謂之知命卒於康熙十有九年某月日葬於二十有三年某月日晉太史公謂淵淡而魚生之山溪而獸往之人富而仁義附焉顧其所迷蜀卓氏程氏宛孔氏之屬其贏視君數倍而輕財好學不聞有似君者也以太史公之文雄麗可喜故得遂傳於後世予自分筆力衰劣弗稱其能永君之傳哉惜乎君之不遇太史公也然而不可以不銘君娶嚴孺人生子男三長例監生候補國子監典簿永勅次歲貢生候補內閣中書舍人永勛出嗣世父後次諸生永渤女二長適諸生許彰次許鄭茂鼎孫男七女二俱幼銘曰古不朽者維德與言後儒弗能漸滅忽焉君也獨否善積慶延佐以著書日星昭然倚山面湖宰木森芊人亡名存庶幾萬年

續彙卷二十五

圭

周文季墓誌銘

無錫周君文季諱炳文享年五十有四以康熙七年某月日卒於家以十年某月日葬於軍鄆山先塋之次曾大父某大父縣學生惟新父鄉飲賓懷良皆有潛德配倪孺人三子廷韓廷范廷楊三女壻王仁濟萼僑蔣士震孫男四曾孫男二君舉順

治十一年鄉試與予同門生而予回翔郎署過從甚稀君至京師開一詣予飲往往栢未闌燭未熄卽上馬言別未嘗促御握手相款曲談笑也故予之知君也淺逮予老且病鍵戶溪山中故交闊絕初不測君在亡廷范質來堯峰揖之問故則曰吾父墓木且拱吾母倪孺人亦相繼物故久矣問其學則曰廢而輓彊矣問其資生之策則曰吾父不喜治生遺汙萊若干畝已不足給糜粥矣因出其再從兄緘齋先生所撰事狀示予然後得君之爲人已廷范畱山中浹辰相與徵述君遺事然後益悉其詳予泫然流涕自悔知君晚也乃襍取事狀中語并所述者書之曰君內行醇備析產不計多寡肥麻奉母方太孺人最恭自始疾訖革搖手戒家人毋令太孺人知將殮而目猶視太孺人至哭而拊之乃瞑雅善地理之學先是父莽鄧嶽山有年君揣非吉壤謀欲遷葬諸昆弟難其事治命諭諸子曰必遷之廷韓遂改卜軍鄆山及啓故窆則羣螳果蝕棺木幾盡矣是時君置猶在堂當遷之夕家人聞堂中嗚咽號泣咸以爲君之靈也平居著長者譽好急人之難鄉曲有忿爭者必詣君剖

曲直交游親故以非辜被陷者必向上官爭其冤上官見君持論抗爽發於至誠亦俱信從之有同年生頗使酒難近方醉謗時聞君聲歎聲輒肅然起嘗語人吾所敬事者闔一縣惟周筠心耳筠心蓋君別號也自少嗜讀書博覽強記不專資爲舉子文也凡四試禮部不第歎曰得而不止是無義也失而不止是無命也吾其如命何可以止矣遂考選教職其後以佗事註誤亦竟不及選也家故雄於一鄉暮年益中落賴倪孺人力持之孺人尤習儉勤至老且籌鑾操作不少休迎婦送女皆出自孺人遂以積勞邁疾享年五十有五卒於十二年某月日距君歿五年矣又十年與君合葬按周氏世譜相傳爲吳偏將軍瑜之後其徙無錫景雲鄉者自宋制置安撫使諱應者始至今四百餘歲子姓猶環居是土土人因姓其涇周涇云銘曰才之充學之豐誰不如轡軻終命爲之道則窮猗幽宮氣鬱蔥侍兩親有婦從筮言吉子孫逢

鄉飲賓徐府君墓誌銘

徐之先皆祖偃王又皆祖漢徵士穉而吾吳諸徐故多仕宦家然往往各自爲族其譜牒絕不相通

莫知其何別也宋淳熙間有爲常熟教諭者始家
直塘鎮其後又遷長洲之采雲鄉列居下塘是爲
下塘徐氏自明世宗時迄今百六十年徐之以進
士爲大官者凡四人舉於鄉者又數人餘或以貲
或以諸生貢學宮遂出而仕宦者相望也故其人
視他徐尤豪凡貲產之饒室廬臺榭園池之壯與
大輿服伎妾優伶之麗都悉冠於吳中四方冠蓋
日夜爭湊其門旣入本朝而徐氏驟衰子姓多
以騎釋縱恣破其產略盡中間能爲恂恂篤行長
者始不過一二如府君是也君自少喪父族人輕

續彙卷二十五

未

其孱弱輒搆訟傾之君家於是中落及君爲諸生
頗彊忍自力既而有子曰堂又能佐君幹理其家
故稍稍復起然君每安澹泊好善樂施親故有不
能婚葬者必贍給之羣從有盜鬻先世義田者復
率衆捐橐中余贖出以供歲祀由是徐之長幼俱
服焉醇厚謙謹蓋其天性族少年嘗有所恃桀醉
以非禮侮君旁坐皆爲憤恨君笑不校也中歲喪
其配汪獨居二十餘年旁無侍媵蕭然自得晚尤
潛心於釋典遂嘯子堂傳其家日惟晏坐諷習而
已與予比屋而居予旣老病杜門而君亦簡出不

數數見也歲時偶一相見言若不出口者其在里
中雖賤夫幼豎成蹊蹊然與焉稍聞謹競聲輒
趨避去里人推君長者年七十舉鄉飲賓衆悉以
爲允其明年以病脾卒又明年堂將卜葬君於陽
山祖塋之次汪孺人先卒遂舉其匱合焉君諱綸
字廣父景達王父治安皆有隱德大王父有聲
鄉學生汪孺人生男子一卽堂也太學生女子三
皆曰諸生施贊曰朱楷曰江文模葬有口矣堂麻
衣冠踵門言曰吾父於先生爲世戚且鄰比也知
吾父者殆莫如先生茲墓石已具而未有刻辭孤

續彙卷二十五

七

大懼無以顯揚而遂賈越其遺緒敢惟先生也請
予乃諾而銘之銘曰

予聞君祖考以來累世長者至君之身益以長者
有聞微獨徐氏所希觀也卽吳中巨室以資富顯
名者多矣而布衣恂恂卒莫踰於君維秦餘杭馬
鬻巍然宏爾孫曾餘慶之延如曰無徵祇予銘言

鈍翁續彙卷二十五終

康熙乙丑春三月同里周公贊校字

鈍翁續彙卷二十六目錄

墓誌銘三

貞憲先生墓誌銘

湖廣湖南布政使于公念劬墓誌銘

仲翁文濤墓誌銘

觀濤翁墓誌銘

侯記原墓誌銘

續彙卷二十六目錄

鈍翁續彙卷二十六目錄終

鈍翁續彙卷二十六

文彙十八

墓誌銘三

貞憲先生墓誌銘

嘉定侯先生研德之效也其友宋先輩既庭聞之爲位以哭且往弔其孤集先生故人門下士語之曰按諡法清白守節曰貞博聞多能曰憲今先生當家國破亡之餘顧能履艱出險以無墜其先緒可不謂貞乎修身立言以無忘其師學可不謂憲乎益以貞憲易先生名衆皆曰然因作諡議之文奠告殯所由是學者稱爲貞憲先生將葬其孤來

續彙卷二十六

乞誌若銘予與既庭皆文先生久既庭既議其諡矣予故不敢辭乃爲誌而銘之誌曰先生諱泓字研德晚更諱涵別自號掌亭有諱堯封者累官福建右參政先生高祖也祖諱震陽萬曆中進士累官吏科給事中抗疏忤魏忠賢削籍卒贈太常少卿祖妣龔太恭人生三子其長子曰峒曾天啓中進士官至左通政明亡以城陷不屈死其季子曰岐曾太學生後通政公二年亦以事坐累死是卽先生考也先生少補諸生與伯仲及羣從受經陶菴黃先生之門竝有文章聲譽而先生最爲陶

菴所引重 王師下江南通政太學兩公既後先
殉國太恭人亦及於難而上官又有沒通政公遺
產及名捕公幼子澍之令相繼下縣是時侯氏禍
患踵至死喪狼籍而官吏且絡繹交馳於門親知
相率驚竄其佗株連鈎引者尤衆計莫知所出先
生兄弟合羣從僅六人仲兄前天兩從兄又皆從
其父死伯兄又挾從弟澍亡命惟先生在耳顧以
獨力撐柱其間上應官府符檄次謀殲殲次拊孤
寡蓋瀕於死者數矣其室孫孺人病坐革先生亦
不暇恤也有司捕澍不獲遂執先生應命上官誅

續彙卷二十六

二

以好語脅以嚴刑俾具白澍蹤蹟先生慨然力辨
不少動久然後得釋而羣無藉睥睨侯氏者猶桀
閒思擠之先生懼終不免乃攜家徙佗縣匿邨落
中無恒居凡三年而始遷郡城又三年而歸故里
伯兄亦歸相與經理太學公故產則僅餘十之一
矣性尤友愛析產一聽伯兄一切有無多寡肥瘠
置不較也宇仲兄遺腹子恩義勝於己出子塲哭
之過時而悲故有嘔血疾至是益甚以逮於歿享
年四十有五先生頽然長身其面上豐下削丰采
偉然自少博覽強記凡經史百氏古今典故次至

天文地理醫藥卜筮浮圖老子之書無所不通好
從鄉先生討論天下大事每豫揣事後成敗得失
亦無所不合太學公方負盛名四方賢公資卿訖
諸名士造門登堂者彌日夜不絕一見先生輒喟
爲小友晚而定交於予予少先生四歲先生以弟
畜之予尤嚴憚不敢以鴈行進也其論學則悉本
大學致知格物之說以爲物不格而遽談主靜則
遇事不無涸竭若遽談主敬則用力不無斷續此
皆未徹乎其原雖有積累往往能處常而不能處
變能獨善而不能兼善也論文則用孟子一書爲

續彙卷二十六

三

宗以爲讀孟子而悅然悟其所以爲文者然後知
事理象數變易吾前者莫非是物引而出之汨汨
乎其來也浩浩乎其不可窮也奇正隱顯起伏闔
闔隨吾意之卷舒而未嘗有一成者也是故吾無
常師能驅使古人而不受古人所驅使論詩則欲
別裁譌體而極之自得以爲苟自得之師心可也
法古可也苟無自得法古非也師心亦非也以是
先生於詩絕不苟作或一日數篇或經月不得一
篇平生所著掌亭集凡若干卷玉臺金鏡文一卷
蓋自陶菴歿而先生繼之諸儒稱能得師傳者必

首推先生云元配孫孺人巡撫都御史諱元化女有賢行以哭祖姑冀太恭人舅太學公毀卒繼章孺人知縣諱簡女又繼莫孺人子三長開國監貢生出嗣仲父後次棠縣學生次萊出嗣伯父後女一塲某年月日卜葬於某鄉某原距先生歿若干年矣銘曰

先生著述絕塵而奔有如海濤澎湃揭天復如雷霆晦冥轟擊倏焉止霽雲激水宋才與學充氣又如之惜遭艱貞細大莫施苟其施之功建名立命也如何汔於潛蟄魁壘輪囷悉寓斯文讀其遺書

想見其人

續彙卷二十六

四

湖廣湖南布政使于公念劬墓誌銘

公姓于氏朋舉其諱襄于其字而念劬其自號也于之族稱金壇巨室先世有累官都御史諱湛者公之七世祖也恩貢生諱玉鳴者大王父也費縣教諭贈布政使諱之鏞者王父也累贈至布政使諱景者父也荆夫人其元配也子五女六星煥星燦星炳皆太學生與星耀星炯則公之子也候選州同姜伊鄉進士張恕可太學生徐時成李肇軫吳遠立與王緝馨則公之女夫也公舉順治六年

進士選翰林院庶吉士授簡討越五年奉旨外

陞遂除分巡睢陳道按察司副使還福寧道布政使司參政四川按察使山東右布政使外艱服闋補湖廣湖南布政使此公所歷之官也自文林郎至通奉大夫此公所積之階也其在睢陳嘗自署其廳事曰無求於吏吏自察不擾於民民自安其爲政大指如此會公婦翁荆公其惇知郟城縣縣故公之屬也一咎盜踰城劫庫帑殺縣官去闔城士民洶洶謂城將受屠公聞變卽開道馳至諭以無恐且救縣吏閉城門已而營將果統兵抵城下

續彙卷二十六

五

公拒不聽入營將怒譴諸總督總督召公詰責公曰縣官於某爲舅甥某顧不欲甘心是盜乎然柰何株牽平民俾以非辜被禍總督大悟未幾而獲盜佗所最後補湖南由京師取道郟城郟人喜相告曰是前活我于使君邪空一縣遮道迎送凡數十里不絕其在福寧甫抵任而興化兵譁事起興化瀕海協鎮官部率皆羣盜受撫者也適有材官辱張給事僕爲給事所訟鎮將撻材官數十衆率大憤相率入給事家毀其門戶什器將殺給事急走竄以免衆遂欲脅鎮將爲亂會其將已潛行入

會城既不得逞乃縊死彼捷者復噪入給事家誣其僕殺人公先廉得首惡數輩因集文武諸官會鞠卽禽首惡者縛階下於是健兒帶劍方林立咸瞋目悻悻有不平意公從容嚀首惡語之曰軍法士在伍惟將之聽今若嚀乃敢挺而謗以至殺人皇不赦顧吾新下車且奉上官指念若嚀約束無繫止用殺人律從事則皇有專坐於若嚀何如衆始泥首言殺人者張氏僕也公叱之曰若嚀氣微何等視張僕直徂上肉耳彼顧能於千百健兒中奪一人縊之邪要台被縊者妻及其家廝養童訊

續彙卷二十六

木

之俱吐實遂按首從三人實諸法而釋其餘於是軍民以安是日微公幾至大變泉州提督官剿海盜盜或逸入興化界鎮將禽數百人將悉俘之公視其膏薙髮者則曰此良民被陷也法當宥有年少者則曰童稚何知又當有所全活甚夥漳州與海中廈門相望號要地國家既遣固山額真統兵營會城中備應援而額真別遣梅勒分番駐漳以守歲凡四易兵馬往返七百餘里輒檄民夫供役多至三四千人其人荷重踰險或受鞭撻或苦饑飧墜崖以死者相繼公憫之言於總督請駐防

者母踐更總督曰不可公曰然則屢其瓜期可乎乃議屢歲四易者爲再易蓋自此始其在湖南湖南人甫脫兵火率不聊生公一切休息之每見司中胥吏猥濫踰數百人歎曰湖南百姓皆鶉衣鵲面而此嚀子鮮衣張蓋縱橫市井問何所取之悉下令汰去止畱謹厚者數十人俾供文書而已數爲上官力言士民利病暨有司賢不肖狀上官絕不省且疑其立異有所誅責公又槩置不應積與巡撫者忤竟以事中傷公得旨鐫二級調用公未歸而巡撫亦遂以貪殘獲辜士民咸快巡撫而

續彙卷二十六

七

惜公無不相顧歎息者公故以廉慎知名其去唯陳也將渡洪澤湖榜人慮舟輕不敢前因昇岸刳巨石以實舟公笑曰惜此石幾頑耳不然卽陸鬱林故事矣福建總督李公某亦嘗曰在地方不愛錢者惟我與于參政耳此公蒞官之大凡也公少喪妣馮贈翁引至殯所誠曰汝母僅生女儻不讀書自力母在棺中目不暇也公旣受命則又曰俟女有立而後葬女母及公以檢討謁告始葬馮太夫人於西墳如贈翁言晚歲公屬諸子曰異時必葬我太夫人側其事繼母張尤謹病將革慮遺張

太夫人憂數力疾往問起居待諸父及拊幼弟皆孝友無間言此公居家之大凡也公享年五十有六以某年月日卜葬縣之某鄉某原距馮太夫人墓若干步從公志也將葬公之冢君星煥已蚤世其來請銘者次君星燦而介之以請者徐君時成也銘曰

學優入官維古之制後世不然學與政貳表表于公國之偉器起家文儒乃諳吏治帝曰往哉女學既達女佐女長試女政事遂歷五藩不敢告瘁所去見思咸懷其惠修涂方軌胡然中輟所學什百施未一二壯年歸休韜此鏐銳積慶趾美用詒來嗣惟爾嗣人既有既似活千人者厥封可竢巍巍新阡宰木森然詩以章之億萬斯年

仲翁文濤墓誌銘

由吳江縣治東南行七十里有地曰盛澤其間川流回環煙火稠密四方商旅雲檣風颿相望至止號爲巨鎮而處士仲翁之家在焉蓋居此累數世矣翁善生殖喜讀書好客不厭遺其兩子棟樞擎舟過堯峰之麓數從予游予聞翁之訓曰儒者以品行爲上辭章次之以問學爲先仕宦又次之故

續彙卷二十六

八

續彙卷二十六

九

兩子斌斌醇雅有聲庠序間爲輩行所推許及翁歿將葬棟來乞銘侍予側竟日與之談笑未嘗露齒揖之食飲未嘗輒舉酒肉訪以先人遺事必掩淚而對不踰月樞復來速銘其舉止復然予始歎仲氏家學有綦又稔知翁爲孝義篤實之君子也翁諱某字文濤其系出先賢季路世居山東濟寧州有諱基者宋建炎初南渡始徙籍吳江嘗知台州府卽翁之十六世祖也曾大父某大父某父時彥皆潛德弗耀母徐生四子翁其季也甫八歲而孤臨父喪極哀如成人里父老以爲異長值湖寇之亂忝避佗境屢瀕於歿家以是遂落而奉事母徐逾謹最後母病將革夜輒顛天求代并刲股肉以進母歿且久言之必嗚咽不止里父老益以爲難家旣中落以儉勤濟之故復起其自奉過薄無世俗華靡放佚之習輕財好施雖傾橐弗顧中外姻族子姓不能衣食婚嫁者必以告不率死喪不能含殮坎輿者必以告翁悉厭其所欲而去佗如藥病者棺殮者泉粟其窮獨者不問識與不識也甃其衢路之淤者圯者木石其港瀆之不梁與梁而不支者不問里衆之句募以否也先是故產已

析矣而伯兄爲怨家所訐遂興大獄翁度兄不能
枝梧願出所受十之四爲助族父或搖手曰若年
少不解事必貽後悔翁奮曰吾奚悔哉旣而獄久
不決挺身趨諱上官乞直兄冤牽連彌年盡費其
所受產始得解伯兄陽陽弗之問翁亦怡然無秋
毫芥蒂意也嗚呼斯可謂之君子也已以故遠近
慕翁者爭趨之歿而里中無少長爭出涕太息咎
孔子曰十室之邑必有忠信吳人澆浮舊矣顧以
斯鎮一隅之地而得孝義篤實如翁之爲者則孔
子之言不猶可徵矣乎翁自少警敏雖以避亂廢

續集卷二十六

十

書暇卽記誦經史劄及天官曆數諸家略皆通曉
以吳江瀕水尤好言水利至於合縣所賦錢穀一
切款項本末利病無不瞭然者在衆中論議侃侃
不肖脆骸婢阿隨衆意開闔衆亦敬而服焉臨歿
告諸子曰吾家故先賢裔也若瞽能力學積善母
辱我與吾祖足矣壽五十四娶吳氏子男六棟國
子監生果捷吳江學生樞府學生鸞鳴浙江錢唐
學生楷槐女四長適太學生王統次許諸生蔡某
方某孫男女四卒以康熙二十年某月日葬以明
年某月日其墓在琪字圩之八轉灣距所居凡九

里銘曰

遙帶淞江近俛具區有木喬如有丘孟如旣鞏旣
安君子之居維後之振維前之儲委慶後昆久益
有餘銘以俟之斯言匪諛

觀濤翁墓誌銘

東山金君孝植曰吾金之先故居彭城宋建炎初
始散徙江左元延祐中吾始祖遷於洞庭東山之
橘社邨十一傳而至吾父觀濤翁年十歲略通經
書大義不率年十一而孤稍壯弃儒佐席氏買翁
故席出也門下諸客行賈者數輩其舅獨知金甥
公廉可任禮之在諸客右命諸客悉聽翁指翁善
治生佗買好稽市物以埃騰踊翁輒平價出之轉
輸廢居務無畱貨而已以故佗買每致折閱而翁
恒擅其利佗買所市物爭取賤直其貨多苦麻翁
獨求其資良者人以是悉趨翁諸所居物旣易售
而其利又數倍凡佐席氏者三十年所遣客歲走
四方往則受指於翁返則報命其子本悉集翁所
席氏不復問其出入然未嘗取一無名錢所親厚
或微諷曰君縱不欲自潤獨不爲子孫地邪翁叱
之曰人輸腹心於我而我負之謂鬼神何諷者色

報而去爲人有至性尤忼慨尚義居母喪號踊殯
葬悉如禮伯兄病客任丘翁往與訣病者嚙不受
藥翁以藥進齧翁指幾墮翁絕不覺痛遇僧傳以
良藥始得瘞有寄白金若干兩者其人客死無子
行求其壻歸之壻家大驚初不知婦翁有金在吾
父所也故山中人皆推吾父長者又曰吾父之歿
也植年甫十有九未嘗語戶外事吾弟幼者九歲
吾妹幼者猶在襁抱中賴吾母施孺人左提右挈
以有今日吾母外持門戶內勤操作送女迎婦代
吾父枝梧者三十餘年而始歿吾父不問生產有
財輒分散貧交及疏兄弟既歿而家無餘貲吾母
施予亦然遠宗近戚以緩急告者無不應有幼而
無所歸者率招致於家衣食而嫁娶之病將革植
從弟之婦來視疾手白金償逋吾母猶卻之曰若
夫客外若益畱此資薪米乎蓋其用意仁厚如此
此直吾父吾母之大略爾其他懿行甚夥植老矣
始不能悉記而備數也因遂再拜流涕曰植之葬
吾父也年尙少隧中之石闕焉未有以刻今吾母
又將葬矣敢以其辭累吾子遂出事狀及侍郎葉
文敏公所撰翁小傳示予侍郎性耿介不妄許可

續彙卷二十六

主

顧傳中次第遺事略如金君之言且謂洞庭人龔
龔逐末趨利而獨推翁有古獨行君子風洵如是
是可銘也翁諱汝鼎字元調曾祖昭祖壁考有聲
皆不仕翁少奉父命出嗣從祖祖父某後嘗考授
禮部儒士晚而築室太湖之瀕額以觀濤故用以
自號云享年五十卒於順治二年某月某日以四
年某月某日葬管家嶺之原孺人享年八十卒於
康熙二十年某月某日諸子卜於二十三年某月
某日奉其圹合於翁兆子男四孝棐先翁一月卒
孝植國子監生孝樞亦蚤卒孝梓女四適周時杰
張起鴻葉文榮姚垠孫男女各六曾孫男女四銘
曰
士而賈行吾所歎也賈而士行衆所難也孝友潔
廉翁之賢也侍郎有云不可刪也吾復申之後人
之所徵信也

侯記原墓誌銘

嘉定前左通政侯公峒曾既以城陷不屈歿其子
演潔皆從歿已其弟太學公又以事被執太學冢
子桓園府君與通政公幼子潛適在佗所故不及
於禍不移日而名捕潛之令下君不暇顧家竟挾

續彙卷二十六

主

靜以逃達於支硎之中峰訛言追者將至潯大懼
欲歸就死君持之泣曰不可女死吾世父目不瞑
矣女速行吾代女死立遣潯而身自登小舟攜酒
痛飲解其臂閒金以與舟人揮之去乃大書潯姓
名於衣襟始徧躍入水自分必死矣會有酒而拯
之者出水良久始甦土人詢知其故歎曰此忠義
家也益畱故衣水次儻有追者當以示之給令求
尸水中耳君從其言易服夜走吳山有老僧難君
髮更其名一正授以益曰女勿畱此吾誓不女泄
也復至中峰中峰僧匿之而潯亦難髮亡命閒道

續彙卷二十六

古

渡江匿於揚之天寧寺矣事甫定君母弟掌亭先
生迹知君在所遣書勸君還君乃謝中峰僧變姓
名往來崑山常熟閒逾三年間潯死與掌亭先生
哭之慟君拊膺曰吾萬死一生以保吾弟吾爲世
父遺孤計耳今顧至此極乎趣歸故里以其長子
棄嗣從弟演以主通政公祀祭天死又以幼子來
空繼之於是君遂無後潯歿命以掌亭先生子來
爲己後嗟乎天之禍侯氏何酷也微君兄弟相與
奔奔內外枝梧門戶則侯氏斬焉無遺矣豈天果
未定乎抑視天寢寢從古所歎不獨在侯氏然邪

君諱方字記原老居柘園遂以此自號蓋太學公
諱岐曾子而太常少卿諱震暘冢孫也幼聰穎太
常公家居嘗與子弟論李可灼紅丸事君甫九歲
侍側卽請曰楊漣旣與方從哲同被召在內廷當
進紅丸時何不面諍而顧從衆出宮門乎公由是
大奇之稍長爲諸生與諸弟講求經世之學期達
於用而君尤忱爽有志節落落自喜嘉定之以銀
折漕米也著爲令甲久矣崇禎之季流賊告警議
者復令輸五萬餘石以佐軍興嘉定士民苦之其
明年將伏闕請免募能行者君慨然與張先輩鴻

續彙卷二十六

圭

磐詣闕下疏陳嘉定繁不產米連歲大饑人相食
之狀且爲諸公卿條具利害甚悉朝議遽之訖如
所請至今士民賴焉是歲以例監生中順天鄉試
乙榜凡與乙榜者方合疏乞準貢而閣臣顧遣私
人邀賂君卽拂衣以歸是後遂不復應舉晚而學
使者旌其門曰高士君亦峻拒不受也始君歸自
京師知明將亡盡出其室甯孺人匭具易金歸諸
王母與太恭人請白塔田二頃將往耕之筮得震
之剝筮者曰未可行也君曰否予退也非進也來
也非往也不往則无不利也予爲長子成卦皆動

友與婦行也變而碩果宜得獨全也互曰禴祭受
 福所謂不喪匕鬯也又曰吉大來互之曰黃裳
 元吉所謂大來也且吾資於婦上承王母黃裳居
 尊王母當之矣吾其行乎既而俱如筮言康熙十
 六年遯疾復命筮之筮者曰是兆也是爲出於死
 門君笑曰嚮者震之剝所謂出死門者也今已矣
 不可復出矣遂卒達者以爲知命壽六十有四配
 杜繼甯二子榮來友皆甯出卽後先嗣從弟者也
 女二許嫁許秘柴某俱殤君既丁禍患故爲學益
 進嘗論易乾坤二卦曰世之衰也所向无可剛
 直者乾主於剛然繼之以健中正又繼之以純粹
 精益必如是而後可以剛也坤六二之動直內以
 敬然繼之以方外以義一本乎柔順中正蓋必如
 是而後可以直也不然恃吾血氣而不撓不摧吾
 能免於悔吝乎蓋晚歲所得如此某年月日其孤
 萊卜葬君於某鄉某原乃來請銘銘曰
 侯之門兮忠且義孤難兮殺身易君九死兮心
 彌慤極飄泊今天之涯茹荼櫟兮甘如飴卒生全
 兮返故栖君之兩父兮翔正氣薄雲與日兮摩天
 際今往從之兮其可以無媿

續彙卷二十六

去

鈍翁續彙卷二十六終

康熙乙丑春三月同里周公賁校序

續彙卷二十六

主



鈍翁續彙卷二十七目錄

墓誌銘四

誥封王母張空人墓誌銘

誥封陳母張淑人墓誌銘

誥封薛母王空人墓誌銘

王母徐夫人墓誌銘

敕贈喬母潘孺人墓誌銘

李母顧孺人墓誌銘

敕封楊母吳太孺人墓誌銘

續彙卷二十七目錄

鈍翁續彙卷二十七目錄終

鈍翁續彙卷二十七

文彙十九

墓誌銘四

誥封王母張空人墓誌銘

予既請告歸吾友王子貽上命予傳其伯兄考功府君越二年又傳其從父御史府君已又以書來告曰某用文辭累吾子者凡兩世矣今吾妻張空人年甫四十而歿某感悼不已願復以累吾子吾子其亦憐我而惠之銘以慰吾亡者而損吾悲乎予於是發書往唁之且讀胎上所謄行狀其狀里居世系曰鄒平空人所生邑也前巡撫河南都御史諱一元者曾祖也都察院左都御史諡忠定諱延登者祖也鎮江府推官諱萬鍾者考也李孺人其適母而空人則景出也其狀生卒子姓曰前明崇禎十年六月某日今康熙十五年九月某日空人之生卒年月日也有四子長啓涑例監生也大啓渾又次啓沅皆縣諸生而渾蚤錫者也次啓沐甫五歲方呱呱而泣也其狀事實曰空人之歸於我也年十四雖生長富貴而無執轡金玉之好衣非數澣濯不忍易也上事王舅暨君舅君姑孝謹如一接姑姊妹娣姒和而有禮取婢僕嚴而有恩

終歲絕不聞譙訶聲兩大人皆喜謂新婦賢某忝
成進士族黨卑賀空人顧歛然無幾微見顏色空
人又舉次子渾兩大人愈益喜謂新婦能相夫有
成且空男子也先空人之喪空人治家益勤吾諸
姊妹歸寧空人禮之視簪有加食飲服用之物纖
悉周至諸姊妹嘗歎曰吾輩無母微弟婦無與歸
矣此空人之佐某操家政者然也同里徐隱君東
癡貧且老冬無緼袍空人出絮帛曰君得勿念徐
先生乎曷以遺之官廣陵吾友許天玉北上以置
絕告是時橐中蕭然媿無以應也空人笑曰勿慮
因指跳脫示某曰此不足許君行李費邪舉以相
授無吝色在京師與諸子爲文譙四方人士輻輳
邸舍空人治肴核茗醴必躬親之不以委臧獲有
不給輒質簪珥不恤也此空人之佐某禮遇賓客
者然也已矣今而後不可復得也蓋貽上之狀云
爾予與貽上同舉會試又先後同官戶轉往予宦
游時與貽上詩文杯酒相往來日夜無閒其能知
空人之賢者當莫如予予踰壯而喪其室袁顧視
弱息穉女在側數浪浪涕下不可制其能悉貽上
感悼之情者又當莫如予顧使予言之不如貽上

續彙卷二十七

二

自言爲詳且到也使予代貽上言之又不如貽上
自述其所欲言爲尤嗚咽而歔歔也故爲次第行
狀中語稍刪潤之而繼以銘曰
蕭艾敷榮芝蘭戕兮鷦鷯匹游鷗鷺傷兮懿哉空
人令德章兮曾是不延天難詳兮有止歸然遠咎
缺兮九丸檣柏元青蒼兮夫君逢吉子孫昌兮爰
勒貞珉示不忘兮

誥封陳母張淑人墓誌銘

康熙十七年冬翰林院掌院學士子端陳先生將
奔其母張淑人之喪所司以聞天子爲之惻然

續彙卷二十七

三

詔遣學士屯泰公喇沙里公勞問先生於喪次
賜以乳茶桐酒四器且宣上諭曰爾廷敬空
勿過哀以致減性恩意有加焉已而復命上又
問先生動止容色如何兩學士具以對嗚乎休哉
此皆君臣相與之異數攷諸故事惟滿洲重臣
始得之先生漢人也其官又甫及三品顧獨蒙眷
注優渥如此本朝三十餘年未嘗有也於是先
生擗踊號咷幾絕者數矣及奉 上諭然後哭有
常節積五六日然後能蒲伏踵宮傳大學士高陽
公之門乞銘淑人隧道之碑公既許諾顧又屬琬

誌其壙琬按張氏世居澤州之沁水淑人則故陝西商維道左參政諱之屏之孫威縣知縣諱洪翼之女歸澤州陳氏則故贈儒林郎浙江道監察御史加贈通議大夫詹事府詹事兼翰林院侍讀學士諱經濟之婦今封通議大夫詹事府詹事兼翰林院侍讀學士昌期之配也與詹事公相莊者四十餘年而歿凡積三封而始錫今稱則皆用學士先生資故也淑人自少聰穎爲翁媼所鍾愛威縣公嘗曰若男也我張氏其可復興乎教以四子及通鑑列女傳諸書無不成誦且能通知其解妣王

續彙卷二十七

四

孺人又善理家其訓率淑人者尺寸具有程度淑人亦善承翁媼意由是張氏諸宗黨無不賢淑人者以女公子之賢來歸詹事公絕無纖介驕逸態一切烹飪縫紉諸瑣細必躬親之姑范太安人老而喜潔清非淑人饋食則不甘性端靜笑語率不苟稍暇卽出書於置莊諷若經生然絜不信鬼神祈禱之事尼師巫姥尤距弗與往來待內外大小疏近悉以禮其於庶出子愛之均一雖家人初不覺其異母也先是順治初姜瓖以大同叛澤州爲賊所據賊繁間詹事公名數遣人誘致公公數裂

其書幣以惡言復之最後嬰賊怒趨衆間公於所居之中道莊堡公率堡中人力禦之是時淑人甫婉女卽自奮曰此非吾安寢時遂起具糗糧治酒炙佐詹事公拊循堡中人人皆感激無異志一堡得賴以完淑人與有力焉由是陳氏諸宗黨又無不賢淑人者淑人享年五十有九以某年月日卒於家以某年月日卜葬於中道莊東山之原子男八淑人出者六廷敬順治戊戌進士累任經筵日講官起居注翰林院掌院學士兼禮部侍郎教習庶吉士廷繼恩拔貢生候補國子監官出繼叔

續彙卷二十七

五

父後廷蓋州學生蚤天廷憐例監生候選州同知廷展歲貢生太原府府學訓導廷統歲貢生候選知縣廷弼例監生廷翰州學生廷敬廷蓋廷憐廷統廷弼廷翰皆淑人出也女子子五淑人出者四適諸生盧啓茂例監生候選州同知秦光先例監生王仁堂官生候選州同知張中驥例監生楊健其適秦氏王氏張氏楊氏者亦皆淑人出也孫男七曾孫男一當學士先生之幼也凡四子書悉淑人口授以熟及就外傳哺自塾中歸淑人必督課之與塾師不少異學士既登侍從以儒學

文章在 天子左右然淑人歲時必寫手書其訓
誠尤嚴於詹事公 天子器先生日久每稱先生
厚重沈默可屬大事方有意嚮用而惜其以喪去
位咨嗟太息者移日用是勞問不置先生述以告
琬曰廷敬兢兢守官奉而得荷 上異恩微吾母
教不及此言竟因拊膺而慟蓋淑人讀書曉大義
其賢比於古之列女故其教子之效卓然可見而
庶幾耀於無窮宛老矣無能爲役然竊惟少爲諸
生嘗受知於提學御史道莊公公卽學士先生世
父也繼又從先生游有年其能悉淑人事行者宜

續纂卷二十七

六

莫婉若故遂忘其不敏覲顏執筆以誌淑人且謹
列 上諭於前俾先生稍紓其哀以無忘 天子
休命而大慙淑人於地下儻亦淑人之志也夫乃
作銘曰

采蘋之敬葛覃之勤樛木之和鳴鳩之仁風詩所
美萃於淑人淑人如何以古律身豈惟律身曰忠
與義用相夫大君亦勗其子爲國良臣乃熾乃昌乃
裕後昆幽室有石是刻銘文石可泐也名不可泯

誥封薛母王宜公墓誌銘

宜人諱寧字子安姓王氏其家世故孟縣著姓爲

前明處士諱某之女年十五歸於薛爲 皇朝故
資政大夫禮部左侍郎弘文院學士諱某之寡婦
今大理寺右寺副名某字大武之妻大武嘗官戶
部郎中故宜人得 錫今封最後從大武宦京師
遭疾而歿享年五十有四康熙十八年某月日也
大武既遣其喪還詣予言曰將葬願有銘予惟與
大武偕舉進士稱同年者凡二十有六年中閒偕
授戶曹稱同寮者三年雖出處睽合匪一而垂老
復得過從於此予交游漸以衰落惟大武遇之如
昔於相知爲溪銘宜人者當莫宜予遂序而歸之

續纂卷二十七

七

按大武諱狀其述宜人平素大約謂儉勤以飲其
夫孝謹以奉其尊章觴豆腆潔以供其夫之賓客
歲時問饋不絕以睦其娣姒與薛之諸姑姊妹逮
大武伯仲析箸宜人則指所遺翕園一區曰此園
不足灌所乎吾翁無他厚產舍此非吾需也大武
述之夫亦詳且具矣雖然是猶未足槩宜人也方
大武自轉郎入爲吏科給事中賀者填問宜人不
色喜及其被誅左遷卽大武亦不免慌憐不自聊
之意而宜人顧獨安焉語大武曰歸耳諫職誠不
易稱君今而後釋重荷矣大武性微卞急又落落

負才氣不官逆自摧折以合時俗空人憂其如此必隨事慙勉之且樂聞數出苦語以相鐫戒訖晚歲不廢大武間空人言亦未嘗不心屈也故其狀中具述空人事行既訖則又槩括於篇末曰空人於某名爲伉儷而實有朋友之益焉然則空人洵賢矣哉今夫女子之賢者考之於經不過率其烹飪澣滌紡績補綴之恒以義豐家以禮正內而已至於安窈而輕達善世而諧衆在吾黨猶或難之豈閨房婉婉者之及知哉觀空人所以勸勉大武者則空人之賢又加於詩若禮之所謂賢也生子

續彙卷二十七

八

男子三長宏聲次同聲皆縣學生次振聲子女子一婿諸生禹卜年孫男女五卜地在縣之某鄉某原其葬以某年月日銘曰

君子友之家人空之宗親嫺嫺罔不儀之燦燦者嬰麟麟者輻達於幽宮空人之棲其藏萬年不彫不夸欲知空人咏此銘詩

王母徐夫人墓誌銘

惟太倉太原王氏爲吾吳望族之冠自文肅公以名德秉政在明神宗朝調護兩宮保全諸諫臣號賢宰相事具前史編修公繼之雖位不大顯而材

譽燦然著聞海內有子太常公耳目濡染克守家學以訓其子姓訖今由甲科登仕版者接踵起太常公治家尤整肅閨梱內外雍雍雅雅相勸以義相勗以孝謹文肅公父子之遺澤沿數十年賴以不墜則太常公側室徐夫人勸助之力多焉夫人与太常公相次歿其子進士君揆等卜以某年月日附葬夫人於太常公之新阡使來徵銘琬於進士君爲同年生相從游者久其母弟仲君則又琬從妹婿也故雖老疾杜門不敢以文辭荒落爲解按狀夫人姓徐氏父繼良世居青浦本儒家子弃

續彙卷二十七

九

而業賈以然諾忼慨稱母沈氏夫人年十六歸太常公是時太常公之母周太恭人尙無恙動止必據禮法子婦輩少當意者顧獨親夫人未嘗譴呵夫人居恒無媒語戲容侍太常公側奉盥授悅惟謹至其佗食飲瑣碎之務承命皆然闔門數千指滋以夫人爲賢爲人有器識親故緩急來告者必傾囊周之雖力有不及亦必爲之咨嗟窮皇良久乃止進士君與其家子原郝後先高第內外悉賀夫人坦然不加喜迨進士君絳誤被格不獲仕於朝又皆謹譔稱屈而夫人亦怡然不形於色辭

嘗口占數百言命原祁繕錄以戒諸子其略曰比者歲荒賦急家落親衰女轉日夜惟修身保家爲念猶懼不支若或喜怒失常或宴飲踰節招尤致疾將何以慰我老人乎又曰世情險巇取友實難貌交不如心交以酒食結人不如以道義結人皆格言也故進士君以下類能卓卓自立用學行知名東南而諸巨室子弟當喪亂後率緣交游匪類傾其家者相屬夫人言遂驗性儉勤妝澤不愛華侈一切女巫尼姥簪婦拒不使進室中條畫搭置雖下至屢綦盤匱之屬咸井井有方咸黨中微涉

續彙卷二十七

遊擊及所營服玩過珍好者必搖手相約勿使徐夫人知間有竊議夫人迂者夫人知而哂曰畱我一人作女流樣子可矣於是間且見者滋益以爲賢或退而祝其婦若女庶幾異日師法徐夫人萬一也於乎自先王之教既衰內則廢缺凡爲女子者耳不聞保姆之誡口不誦圖史之文加以臧獲婢媼構煽其間鮮不浸染於驕恣睢相安成俗者也夫人顧獨不然是可以銘矣春秋六十有六生於明萬曆某年月日歿於康熙某年月日距夫

三人接順治乙未科進士并撫皆國子生女子子二人皆通名族孫男九人原祁康熙庚戌科進士候補內閣中書舍人原博州學生兆新國子生兆建兆封昭溥昭復府學生昭駿昭彼孫女十有四

再告也銘曰

女惟其德不惟其才婉婉淑順亦曰艱哉夫人之賢實應禮經有不知者視而子孫子孫奮興爲王國積大人成之俾似前人葉丘登登植植如雲

續彙卷二十七

越百千世永從其君

救贈喬母潘孺人墓誌銘

予往以薦舉抵京師曾介家舟次與實應喬子石林定交舟次落筆妙天下於人少所許可顧獨推服石林才學不去口且謂石林之成名也實其母先孺人教之於是石林亦介舟次屬予銘其母墓蓋距孺人之歿二十餘年矣石林之言曰吾母姓潘氏先世有諱墳者以都御史巡撫河南平青羊山賊有功載在前史其高祖也吾外祖父諱叔賜雲南馬龍州知州母仲孺人吾母生而穎異爲父

母所鍾愛外祖母雅好讀書故吾母亦好書外祖母雅工五七字詩故吾母亦善詩先府君喪吾前妣王孺人吾母年十九來歸卽操家政旣而府君以御史官京師吾母方家居有同官來巡鹽者知府君之不受賂遺也乃私餽白金二百兩於家吾母固辭曰金至二百非交際恒禮也卒拒不受府君巡按浙江副都御史陳乾陽以書屬薦貪吏府君不聽而遽劾之用是觸乾陽怒及回道誣奏府君所薦非是得旨鐫職府君索乾陽書將上諸朝吾母執不與報曰發人私書咎賢所恥茶香酒熟

續彙卷二十七

三

待君偕隱久矣府君始大說服明之亾也吾母流涕累日作絕命詩四章置衣帶間闔戶自縊爲家人所覺故得免最後萊補諸生吾母忽忽不樂復作詩一章略敘其所以教萊者以淡有負於前四詩爲媿其通曉大節多類此吾母旣好書遂能博知經史府君晚隱柘谿之上杜門謝客坐臥一小樓吾母數舉古人出處成敗以相質且以慰安府君府君喜曰女眞吾益友此吾母之爲婦道者然也前妣王孺人生吾兩兄曰邁曰英又生吳氏長姊至吾母歸時兄姊皆長矣吾母昏男嫁女晝夜

拮据鮮違禮者尤篤愛兩兄然待之嚴甚兄嘗游飲至中夜吾母燒燭端坐讀書於室中必俟其歸然後寢旣而兩兄悟訖不敢夜飲其督責萊益嚴萊出或侵夜始還吾母怒必令長跪達旦蓋府君生萊也晚故稍示寬假而吾母以爲不當驕而縱之輒賦戒子詩示意焉自是萊嚴吾母過於府君又視庶母所生兩幼弟不異已出疾方革猶諄諄以屬萊與兩兄也此吾母之爲母道者然也予因以其言訪諸舟次舟次爲石林同郡又嘗同硯席又加有昏因之好其稱述孺人與石林言悉合則

續彙卷二十七

圭

孺人之賢信矣府君諱可聘天啓二年進士累官河南道監察御史孺人封安人以子資復贈今稱率於順治十有四年享年四十有九生子女各一子卽萊也字石林康熙六年進士今官翰林院編修方爲天子所知駿駉資顯未已女嫁劉士壯孫男三崇烈太學生崇讓歲貢生崇修女六長適進士劉國猷次適歲貢生丘琿次許舟次子宸褒次許太學生朱經次許黃之鈞次幼其王孺人及側出子女具詳御史府君誌中府君葬柘谿而孺人之墓在鄭府莊距柘谿凡二里銘曰

詩三百篇孔子所采女子諸詩蓋莫善於衛之二
姜顧予猶謂其貞而入於變哀而近於傷也孰如
孺人彤管有輝賢婦賢母除古列女厥封若堂樓
鬼於此敢作銘詩永告來裔

李母顧孺人墓誌銘

李氏世居嘉興長水之上當勝國末有李曉令先
生諱應者以文章氣節著聞東南晚歲鬱鬱失意
客歿粵中其配顧孺人躬拊諸子督以讀書修行
晨夕不怠嘗述先生語曰窮達命也但俾吾有子
爲通儒爲善人足矣否則雖錢萬緡得三公非吾

續彙卷二十七

古

望也以故李氏諸子次第巋然成立伯曰繩遠字
斯年仲曰良年字武曾叔曰符字分虎率皆器識
雄邁論議卓犖所學則地演淹貫悉達於用爲詩
賦古文高筆雅韻可歌可誦閒出新拔句輒絕去
晚近窳陋畦徑同縣嚮侍郎秋岳雅推轂後輩極
口首稱之浙東西嚮爲三李遠近交游知三李者
未嘗不歸重孺人之善教其昏因宗黨知孺人者
又未嘗不推服三李之善承其母教也武曾北游
京師舉朝士大夫熟習其氏名而予尤與之相得
文譽藉藉在人耳目閒最後應博學宏儒舉諸儒

竝集 闕下是時武曾學益高聲價益大噪凡名
卿巨公悉爭先延致求識武曾而私屈指揣摩以
爲必李生也當首是選者語問諸儒則謬應曰然
既而竟中忌者襍被出國門矣衆遂搢擯顧代
爲武曾懊惱及武曾歸省孺人於家孺人安之再
述先生前語從容曰古人有言吾期女以志養非
祿養也母子閒怡然慇懃絕不以屈抑見於邑辭
嗟乎在孺人母子則得之矣如 國家失材賢何
如當路者以人事君之道何今遠距舉宏儒時且
五六年矣武曾尚浮沈諸生申斯年分虎亦如之

續彙卷二十七

主

誰之不如而褐衣徒步相率旅食於四方何也豈
誠先生所云命邪孺人顧氏考廣東左布政使元
鏡妣吳淑人性警敏識大體以女公子爲翁姥所
鍾愛遣嫁甚腆曉令先生喜豪俠賓友櫟香造門
供張贈遺費撙節中物略罄孺人不少愠亦不少
顧恤也事君姑沈及少姑張盡得其歡自先生之
歿家事遂落一手指柱門戶檢校米鹽屏當裘裘
用以迎婦送女辛勤者凡若干年昆弟奉布政公
遺指分與孺人田二頃他產稱是笑曰吾嫁時所
齋安在此亦命耳奈何復以吾故減昆弟產乎卒

不受少習孝經毛詩小戴禮列女傳及唐人詩集
背誦無失忘長從布政公官署書牘旁午輒代削
荅草以進尤工於詩與先生倡和甚夥既居先生
喪悉取槩焚之曰吾不忍憶和詩時也遂一意歸
命佛槩稍作偈頌道所得而已疾革不亂出簪珥
衣襦徧給家人與訣曰吾期至矣康熙二十一年
某月日也享年六十有九諸子卜以明年某月日
合葬先生之墓子男五季曰震遠蚤妖又側出幼
子曰嗣遠女三壻曰祝翼銓曰諸生徐章曰鄭魯
孫男四女五曾孫男一同縣繆山人天士評孺人

續彙卷二十七

七

夫婦詩曰先生遭喪亂其辭多憂憤感激而孺人
每佐以達人語不入兒女嚮纖弱氣習惜乎其槩
既焚予不及見也銘曰
內則邈矣世無女師有儀有德孺人之思手塚足
瘠以支坎圻孰慰其心有子克荷孺人在堂諸子
羣趨教之誨之遺澤父書孺人在室子則出游秉
是懿訓譽問乃適維天之報視爾所積積既厚矣
報未十一嗟爾後人宜昌宜熾天久斯定益姑峇
之

敕封楊母吳太孺人墓誌銘

太孺人姓吳氏太學生諱某之女年二十歸於楊
則太學生諱某之婦贈徵仕郎行人司行人諱某
之配也贈公捐館舍者逾九年而太孺人卒壽六
十有八耐葬贈公之兆先是贈公之未病也豫自
爲誌銘且戒其子勿乞身後之文於諸顯者蓋又
八年而歿諸子遵行其志惟謹及太孺人將耐然
後家子行人君率其仲季請予銘太孺人之藏予
聞太孺人之訓諸子曰女父嘗勗女嚮親名師謹
交游敦天倫飭行檢戒情愉節嗜欲勿絕書種勿
墜先人遺緒女嚮儼以此數語書紳庶幾能有立

續彙卷二十七

七

矣行人君以王事便道歸省太孺人又誠之曰
官雖閑無負廩祿家雖貧無事干謁蓋其庭訓如
此然則太孺人洵賢矣哉是宜銘按狀贈公家產
僅及中人稍贏輒庠以施居平勇於爲善里中饑
者食之寒者衣之疾病者抹瘡之嬰孺弃遺者收
育之婦女自遠方流離至者贖還之其女兒之窮
者無不恤也諸甥之孤露者無不撫也因戚宗族
之以緩急告者無不應也凡此皆太孺人與有力
焉贈公每爲一善太孺人必從旁相勸和往往盡
傾囊中所儲終其身未嘗有吝色奉事君舅君姑

以孝謹著降而承接贈公之女兄及公之諸甥情
禮周至終其身未嘗有怠容以故里人既雅稱贈
公長者每牽連太孺人稱之以爲善相君子也性
尤儉勤耄老不輟女工有諫止之者微哂曰吾非
此意不慙也享年雖不甚永然及見兩子同時舉
於鄉又及見豕子行人君以高第宦於中朝躬被
章服享有祿養歲時奉觴上壽合內外子姓連袂
接踵登堂跪起者不下數百指其於洪範五福固
已略備矣此賢者之報也予觀贈公之自銘有曰
生而自述之恥也死而人諛之亦恥也行不孚於

續彙卷二十七

太

人可畏也言不足以示後昆尤可畏也予銘士大
夫家者多矣始不能無媿贈公之言故其述太孺
人也惟采叢其信而有徵者不敢用膚文剝說以
誣太孺人儼亦贈公之志與子男三人泓康熙已
未進士官行人淵與伯兄同年鄉舉穎上學教諭
溥國子生子女子五人壻貢生藝倣銅陵教諭秦
汝泌秦準諸生藝學潛國子生高大酉其許秦準
者未嫁而塲孫男六人孫女十三人曾孫男一人
卒以康熙二十三年某月日附以是歲某月日墓
在姚灣祖塋之側銘曰

相夫於善訓子於學婦德母儀於焉卓卓伯也先
翔遂登天達仲季有聞尚其繼之我非良史慕古
遺直銘此賢母庶秉直筆如贈公言戒爲諛辭公
而有知知之否邪

鈍翁續彙卷二十七終

康熙乙丑春三月同里周公贊校字

續彙卷二十七

左

鈍翁續彙卷二十八目錄

塔銘

中峰曉菴了法師塔銘

崑山選佛場性空臻禪師塔銘

廣福院藐菴谷禪師塔銘

續彙卷二十八目錄

鈍翁續彙卷二十八目錄終

鈍翁續彙卷二十八

文彙二十

塔銘

中峰曉菴了法師塔銘

師諱覺了字曉菴長洲朱氏子年十六贅徐翁家
生子女各一逾數年嘗羈挈其家人汎海遭風俱
溺一老僧獨負師以出驚寤有省又逾年婦若子
女俱歿徐翁欲爲娶師執不許雍髮崇義菴中
居無何往受戒於退翁儲公已又聽講於蒼雪徹
公既訖事復歸故菴杜闕閱藏經三載始受法於
徹公大弟子緣中經公支刪故有中峰講院廢久
矣至一雨潤公居之始復興當明崇禎中徹公次
補潤公講席來住中峰其同門友汰如河公住萼
山兩山對峙鐘唄之聲交應相與日夜弘法闢義
傾動四方凡名公賢人降及閭閻士女無不肩摩
踵接往來絡繹於支刪天池閒惟二師之歸故其
道場最盛自二師繼歿萼山竟屬退翁爲靈巖子
院而中峰亦復漸廢悉席賣所有田以償官稅於
是殿閣傾圯道旁諸喬木斬刈略盡僧徒亦次第
仡竄矣諸檀施集議非了師主之不可師繫以楮
柱大法爲已任卽空兩手入院歎曰某不自力則

先祖一燈熄矣住院凡十有六年始師之至也一室蕭然食無鹽豉臥無幃榻披無褚絮師顧恬不搭意益務發明微公之道及其暮年施者大集然後葺宇繕垣甃長徑植穉松復飯僧故田若干畝俱有端緒遠近謬曰蒼雪法師復出矣會盛夏講奪嚴玄談以勞示疾講未竟而化世壽五十二僧臘三十二將入龕緇白哭送者數百人康熙二十一年某月日也師狀貌清削雙目炯然性坦直無城府好學不倦自釋典外如左氏傳國語史記漢書竝能倍誦下筆行文多可觀而尤長於詩平居口不言勾募足不踟躕顯之門與予友吳先生公紳及周子觀侯交善春秋佳日非師杖錫出山即公紳觀侯榜舟樂輿訪師山中三人者焚香歆茗流連吟獻往往以夜續晝故師倡和詩尤多亦數從予游自見予後詩體遂因之小變予惟古之文人苟不得志必自放於山顛水涯招致方袍白足之徒相從嬰遨醅對無間如淵明之於慧遠退之之於大顛子瞻之於辨才參寥輩皆是也蓋其徒類皆聰明忠信顧又淡之以學問濟之以雄談偉辨故率爲諸賢所喜而其徒又欲藉士大夫之賢

者以見重於世儼所謂置名儒行者與抑果此失之而彼得焉也以予之才識陋劣其距古人遠甚而師之期待殆不啻陶蘇者比予亦愛慕其爲人每相見必坐語移時各不忍舍去夫豈偶然哉師臨化召諸徒屬付訖又告之曰銘我必堯峰先生蓋猶不忘於予也以是受法門人明瑞隆三來乞予銘以刻諸石越明年將奉龕入塔公紳觀侯又代爲速銘且曰石已具先是微公與其師潤公兩世皆建塔講院之側師至是又附其右方相去若干步云銘曰

吾嘗遇師訪以藝嚴綱提領挈其語誦誦如車引絲蟬連不絕如泉注壑淙潺不竭如牡出輪轟然而開疏通貫穿是大辨才才既辨矣又嫻文學小儒聞之鮮不退卻胡爲不延遽示化期吾喪良友衆亡導師宰堵巍巍與祖相望維此祖孫法門師象

崑山選佛場性空臻禪師塔銘

康熙十七年冬臨濟宗三十二世性空臻禪師告宋於京師之龍泉寺越明年正月門人趙曉等用其法閣維火燼之餘四齒不壞得五色舍利子凡

三百餘顆法衆見者咸流涕太息謂師之道行爲希有也超曉將函其骨南歸乃持道安靜公所誤行狀乞銘師之塔師嘗訪予寓舍予見師眉目蒼秀脊骨稜稜出衣表與之語簡澹有味方欲援爲方外交而不意其遽逝矣予悵然久之因是不敢以不文爲解按狀師諱行臻字性空代州人姓邊氏母韓寢金牛入懷而娠弱不如輩好靜坐甫十餘歲雞髮爲僧徧游諸方者數年間天童密雲悟公法席之盛往受具戒咨決生死大事問生從何來悟公棒云卽今從何處來進云從堂中來公又

續集卷二十八

四

棒云旣從堂中來還歸堂中去師茫然其後聞山石崩墜有聲始有省復求密公印明甫開口公連棒趲出已而游揚州福緣菴閱大藏經至雲門語錄中一棒打殺語恍然見悟公大機大用欲復往依之而值公遷化遂忝謁費隱容公於金粟寺容公卽悟公授法大弟子也命充監院如是十三年淡加器重曰先師之道賴子不孤矣而師猶不欲以出世自炫也栖止崑山陳氏廢園中積垣老屋饘粥不給恬然不爲意逾五年徒侶漸集檀施亦不遠數百里而來於是剏建殿堂樓閣旁及方丈

之室香積之廚無不悉備粥礪丹黝冠於一邑巍然稱寶坊矣乃標其額曰選佛場諸方衲子傾慕挈餅扶錫問法坐下者日夜相繼恒苦乏食又募田若干畝以備接衆費會虞山維摩寺延師住持師厭選佛場之譙也往應其請未幾語諸門人曰吾老矣吾北人也緣當在北益往游帝都乎遂偕超曉輩擔囊附舟趨京師寓龍泉寺不四月而示疾常熟翁編修寶林方進謁次師與之坐語未竟合掌跏趺而逝室中微聞異香逾時不絕臨逝時不說偈不作遺囑識者稱其有古雪竇風云師

續集卷二十八

五

在選佛場也曾因僧化席書偈有百丈當年卷卻玉峰今日重鋪之句僧問百丈旣經卷卻玉峰何故重鋪師云爲女瞋睡未醒僧送拄杖師云古人道你有拄杖子與你拄杖子你無拄杖子奪卻你拄杖子意旨如何僧云學人送與和尚師云如是卽被山僧奪卻也僧擬議師大笑問縣羊頭賣狗肉意旨如何師云看破不直分文進云衲僧本分事如何師云老僧無氣力荅女蓋其方便接引多類此壽七十一僧臘若干嗣法門人若干人受度者又若干人有語錄二卷行世塔在崑山選佛場

之某原銘曰

道法如川源同派別臨濟一宗雲仍相接堂堂天
童實推中興師其世適祖印是承建大法幢鼓大
法鼓應機豎拂用導警警清風白雲去來無蹤撞
倒須彌獨露虚空婁江之瀕巍巍宰塔人龍歸依
永衛斯土

廣福院藐菴谷禪師塔銘

師諱秉谷字風遇別自號藐菴俗姓任氏楊之通
州人父某母馬氏師少警敏狂提抱中間曾誦經
及念佛聲輒喜躍不已甫就塾授書過目不忘及

續彙卷二十八

六

長弃家投本州天寧院年十七受度十八受具戒
已復入揚之天寧寺方禮佛次聞有諷報恩經者
至諸行無常是生滅法憊然汗下有省自是徧參
諸方巖栖水宿參究不怠最後謁退翁儲和尚於
靈巖翁問女何處人師曰與和尚生緣不別翁曰
老僧雖從人家屋檐下來且喜無腳跟到女尋覓
師曰某甲慶幸已得展禮翁笑曰隨女顛倒參堂
去依翁久之乃處以書記於是契悟日淡先後閱
八年始遣領衆遂出世於泮聖之廣福院院雖古
剝然蕪廢且久師補衣直履隨衆作務見者咸爲

攢席接手而師顧坦然也閒受施舍輒銖寸積累

悉費以支傾起仆如是者十有七年重游放生池
盡恢民閒所侵故阨大緝殿堂樓閣垣廡之屬俱
有成緒矣一日忽示微疾卽豫尅化期且諭監院
某俾主院事灑滅嗙侍者取盥水水至則曰我身
本淨無煩此也因掬水拭目顧左右曰箇段光明
也要大家委悉遂含笑而逝康熙十九年閏八月
某日也世壽五十有四僧臘三十有八受度弟子
若干人越二年建塔於院後之隙地遵遺命也師
性抗直在院與諸學人晝夜相淬厲每值往來問

續彙卷二十八

七

答必禽縱不少置然訖無所付囑或以爲請慨然
曰道法陵遲有日吾安忍妄用一拂一偈記前非
人以裨販先師乎其孤陋率類此院故密邇樵關
爲吏胥商旅錢刀譁爭之地師晨鐘夕梵清規肅
如暇則閉門宴坐無異窮山深谷中絕不知有闕
市也以故衆皆習師而安之予章句之儒於宗門
絕無知解不足以闕師之所詣先是嘗遇師於院
中語及玄要師詰曰居士畢竟作如何會予曰一
卽三三卽一耳師哂曰是則是矣然猶未在即如
所謂第一句中薦得與祖師爲師第二句中薦得

與人天爲師第三句自救不了云云分明有三句
在玄要亦然然則三玄次序豈可漫無剖判邪今
相距幾十年猶能記師此語故并述之銘曰
三峰之傳熾然天下甘露法雨如傾如瀉爰有嗣
孫闢揚綱宗門庭峻絕誰紹遺蹤緣聚而來緣散
而去去來從容本無礙故瓦甃數尺石幢嶙峋詩
以表之用示學人

鈍翁續彙卷二十八終

康熙乙丑春二月同里周公贊授字

續彙卷二十八

八

鈍翁續彙卷二十九目錄

頌 贊 題跋

睢州湯烈婦旌門頌 并序

念佛頌 并序

俞無殊像贊

琴士某像贊

釋曉公像贊

獲邨石硯銘 附

題時御史西臺奏議後

題楊柳枝詞後

續彙卷二十九目錄

一

題袁氏冊後

跋 御書閣記

跋紫問

跋正字通

跋茅鹿門手蹟

跋梅淵公詩畫

跋鮑聲來游黃山記

跋宋其武遺蹟

跋王咸中手簡

跋來虞先生手蹟

頌

睢州湯烈婦旌門頌

并序

順治十七年巡按河南監察御史臣粹然言睢州諸生湯祖契妻趙氏值明末李自成之亂賊入祖契家挺刃劫氏將驅之出氏厲聲呵曰國家何負於若乃至屠割民人羸辱女婦天誅將降行兇磔若輒肉餒飲犬鉗曾不愍死尙敢以刀鋸脅我賊大怒遂刃之以死訖今舉州流傳言發涕下夢顛毀齒一無異辭於是士民某等白其狀於長其長

續彙卷二十九

一

上諸府若司道以達於臣臣加覆覈謂旌旌氏門閭用勸流俗臣謹昧死以聞天子下其章禮官定議如御史言遂詔有司遵著令行事署其門曰節烈之門越康熙十八年氏子侍講某暨琬俱職禁林具述其母節死始末琬惟我世祖章皇帝誕受天命甫定鼎宅土於燕卽諭臣僚博求明末死事諸臣凡得二十有三人贈官賜諡有差與古之釋囚封墓者信無異焉蓋興王尊崇義烈甚隆甚渥於以作新臣庶變易隋煬國規摹莫先於此然則氏之得與褒寵豈不宏哉琬忝史

官幸得廁某之後以文字爲職不揣固陋敢造旌門頌一章授某鑱諸樂石垂示永久其辭曰

維聖建極撫有萬方武功既弛文教以張維忠維節爰錫寵章靡遠弗屆靡幽弗光唯女氏趙來嬪于湯幽閑貞正秉惠之常時艱孔棘兇豎扇殃叫呶紛紜雖人心恒氏也獨否彼兇是抗彼兇何知方恣彼猖有沫者血卒膏兇鉗維此唯人載謳載颺亦維唯人眷言盡傷柱史采之上於明堂帝曰俞哉是協輿望朕豈有愛而不女揚亦匪女私女節則臧乃命唯人伐石崇岡乃築之基乃樹之坊烏頭雙表絢茲門牆詩美游女實扞暴彊史稱禮宗之歿以忼氏也儷之卓焉焯焯維帝女嘉女節益彰有嵩則高有河則長山摧川竭令聞不亾

續彙卷二十九

二

念佛頌

并序

中峰了法師與諸居士倡蓮社示予念佛三昧詩一首予爲作此頌

佛在女心念在女口一百八珠數在女手心口手如與佛爲一欲求西方先藉佛力如何是佛念佛者誰戴頭覓頭狂走何爲根塵清淨是卽淨土身

心安隱卽蓮琴坐六時行持悅見佛容默然坐斷
佛見亦空一念不著一念不生是真念佛佛其證
明

贊 銘附

俞無殊像贊

於乎先生其貌甚臞而才思則腴此一異也其年
甚耄而筋力則少此二異也其居甚陋而問學則
富此三異也太湖之涯玄墓之次梅琴郁芬筆竹
森翠以嘯以吟樂此千春是蓋今之詩老而古之
逸民

續集卷二十九

三

琴士某像贊

攜此頌琴供奉 天室淫哇之曲是屏是黜安用
琵琶空侯感樂 帝歌南風爰和其音庶階治平
以慰 帝心襄邪曠邪復作於今

釋曉公像贊

未開口前猶較些子開口道得便落第二惟此上
人據坐乘拂有聲如雷非言非默

獲邨石硯銘

獲邨良材黃章黝質登翁之几殺墨空筆兼是二
者以相著述其形石也其德維玉

題跋

題時御史西臺奏議後

右嘉定時公乾所西臺奏議三卷公諱偕行字汝
健乾所其別號也前明萬曆中進士由知縣擢四
川道監察御史以抄沒崇信伯事特旨降調邊方
襍職歸卒於家當公之甫爲御史也太倉王公錫
爵在內閣餘姚陳公有年在吏部富平孫公丕揚
在都察院時方崇尚清節百寮凜凜奉職人主雖
不視朝而礦稅未開中官未遣內外治安無事號
爲國家之極盛居言路者類多挺挺守正不撓不

續集卷二十九

四

阿公卽其一也琬讀公所葺諸奏凡二十六篇中
閒如論沈惟敬媚倭之姦以爲陽稱封貢實許和
親遂并劾石星宋應昌李如松輩皆國家文武大
臣曾不能練兵選將屯田積粟以衛封疆乃今日
議封明日議貢驥驥乎又有和親之說不聞請尙
方劔以斬惟敬首而反爲曲辨隱諱其謂之何又
因雷震西夢門極言章奏既畱中不發加以小臣
言事獲舉者一切禁錮而驥驥不分大臣稱疾請
告者一切慤畱而薰蕕無別臣願視逐臣之才品
爲取舍如孟養浩鄒元標之直諫所當亟用而中

有沽名偏徇者舍之可也視大臣之賢否爲去留如陳有年之忠鯁所當亟輓而中有瑕疵可指者聽其去可也又言財譬諸水也導之爲江河疏之爲溝澮則羣生咸霑其益若積壅既久必奔潰四出而流害無窮單穆公曰絕民用而實王府猶積川原而爲潢汚也其竭也無日矣今太倉之積貯已空矣太僕之馬價已賤矣而東倭北敵未有息肩之期皇上以天下爲家何必藏富內府而徒爲潢汚之聚乎蓋公所爭者率皆天下大計苟從其言有裨宗社非淺於乎偉哉顧考之神宗實錄既不及爲公立傳後來秉筆纂修者亦無從悉公始末琬鄉里後進距公之歿不過數十年去公之居不逮數舍而其流風餘韻亦茫乎未有聞焉是可歎息者也今季公會孫圯授來游於琬之門然後得觀此二十六篇者惜其名位猶未大顯設施猶未大究而遽連蹇以終也意者其待後之人乎無念爾祖聿修厥德是在圯授念之而已圯授字期五縣學生方以高才知名吳下云

題楊柳枝詞後

楊柳枝詞七言絕句體雖權輿於白尚書樂天而

實原本風雅後之人既相與師承其意又從而變易其體而推廣言之是故有言離別者卽詩管我往矣楊柳依依之意也有言閨房男女者卽詩東門之楊其葉牂牁之意也有感身世之低俯上僭之以示諷刺次僭之以自鳴其不偶者卽詩折柳樊圃狂夫瞿瞿苑彼柳斯鳴蜩嘒嘒有苑者柳不尙息焉之類之意也其閒或興或比所以師承風雅而寄意於楊柳者其旨趣固顯然明白讀者可以吟諷紉繹而悅然遇之於不言之表者也特其體與風雅異爾若其意則未嘗異也近世後生淺學不能詩者往往敢爲大言鄙此詞近於兒女子之語而傲睨以爲不屑爲果如此也則三百篇之內諸詩咏楊柳者具在孔子何故不刪而自漢以來諸儒之傳箋訓詁者亦何故尊之爲經使得廁於風雅之列而又相與師承之乎至於稍能詩者方其爲此詞也則一切取前賢之殘膏賸馥釘鉅囊積以自附於騷人墨士以厭塞求者之請若有程課督責不得已而後作者而徐按其中舉無有也蓋其能成章者亦厯厯矣於是倡和諸詞多至一千六百餘篇而所錄止於如此就其所錄之中

又皆瑜瑕優劣層見迭出求其旨趣之所在則未
知視三百篇之興比果孰離而孰合孰近而孰遠
也豈不難哉予故不敢以繩佗人姑題其後而願
私與諸門人共易之云

題袁氏冊後

予家與袁世戚袁之先介隱公以隱君子稱生方
齋懷雪兩公兩公之子吳人推汝南六俊方齋所
生則谷虛志山兩公懷雪所生則陶齋謝湖臥雪
胥臺四公是也胥臺諱袁官至僉事生吳門公諱
尊尼官至副使爲予父室空人曾祖臥雪公諱褒

續彙卷二十九

七

生德門公諱年官至參議爲空人本生曾祖相沿
甲科文望具載國史家乘吳人其目爲巨族之冠
今振之先生年七十餘須臾郁然讀書好義僭醫
以隱其次子令推尤英妙能文卽志山公諱褒之
孫也方兵燹後袁氏稍衰先世遺澤暨正嘉隆萬
間諸名公所贈翰墨悉落好事者手散佚久矣先
生與令推力加購求始復袁先人諸小像自介隱
公下略備而吳文定諸公題贈及志記之屬具在
褒潢成冊嗟夫介隱公以來所以詒子孫者非不
善也顧非得先生父子之賢相與引之於勿替則

散者其何以復聚而佚者其何以復存乎夫寶玉
大弓魯之重器也魯人失而復得春秋許之是冊
也祖考手澤在焉不啻如弓玉而已袁之子姓庶
幾承先生之志世世寶之先生命予題其後予娶
於袁空乎述袁之家世也加詳焉

跋 御書閣記

臣琬僻居堯峰歲月已十有三易茅茨數椽安之
久矣旣拜辱 御書之賜謀構一室以度而費力
弗能逮也先是草堂之後有閣曰皆山敢徹故扁
稍加塗壁恭隨 御筆於中及記旣登石則又
陷置壁閒而更其顏曰 御書閣命家人灑掃啓
閉惟謹并戒賓從子弟毋得非時輒登示不敢褻
也

續彙卷二十九

八

跋紫問

經言五運六氣詳矣抑予聞元人葛恒齋卽可久
諸父行也嘗立說以爲醫當視時之盛衰爲益損
劉守眞張子和輩值金人殫盛民悍氣剛故多用
宣洩之法及其衰也兵革之餘饑饉相仍民勞志
困故張潔古李明之輩多加補益至宋之季年醫
者大抵務守護元氣而已此說實發內經所未備

予則以爲微獨衰世之人宜用補益也方其盛時至於承平稍久率皆養於聲色酒食之中平居則精神氣力先已衰耗一旦有疾而用宜洩寒涼之劑必不能堪也審矣葛之同時惟丹谿朱先生亦得此意後之凡爲醫者不可不知也雖然豈惟醫哉

跋正字通

甚矣學者之好奇而不知有經也此書論禪字則宗戴氏何以爲釋服之名如此則禮喪服小記宗子母在爲妻禪爲父母妻長子禪其說皆不可解矣論袒免免字則宗程氏大昌以爲免冠之免讀如字如此則左氏傳穆姬以免服衰經逆趙鞅使衛太子纔其說皆不可解矣學術不能通經而好爲新異可喜之論以詆譏前人故其蔽如此此書方行於世予聊摘之以戒後學云

跋茅鹿門手蹟

茅順甫先生手錄所賦詩一冊其曾孫某上人購藏予按順甫在前明世宗時自命有文武材爲文章滔滔莽莽尤善談兵嘗僉事廣西提率五千人直搗府江賊巢連破十七砦又東南被倭胡績谿

開制府浙西凡料敵設謀率用順甫策居多其才氣雄奇如此設使今世有順甫輩數人落落布行閒何患寇氛充斥之有是故覽其遺墨雖在吾黨後進猶不勝高山仰止之思慨然想慕順甫之爲人又況身親其裔孫如上人者乎至其詩體字學姑不備述云

跋梅淵公詩畫

淵公與予同籍踰二十年出處相左及今始得把手且得見其詩若畫其雄邁之才雋逸之氣風流跌宕之姿絡驛奔赴於枯澗談笑筆墨文采之間游吳諸吟尤爲絕構名章傑句一惟唐人之歸蓋梅氏自都官以來才士閒出獨淵公以其裔孫頗頡前哲嗟乎世無歐陽永叔蘇子美久矣其誰能與淵公抗行者摩挲此冊不勝嘉歎云

跋鮑聲來游黃山記

嘗徧讀游黃山記惟好吾家文節公一篇以爲序次整麗近世莫能及也後文節二百七十餘年而虞山錢牧翁復有紀游如千首造語甚奇刻畫幽峭賔絕非常可喜之境櫟以論議甚備然予不之好也鮑生聲來自山中攜所記示予且發問曰錢

記若何予告之曰嫌其客氣勝爾於是生唯唯而披覽生作見其不造語而工不刻畫而幽隋復絕之境絡驛奔赴紙上能令覽者目動神懷髮髯俛羣崖中危壁扳蘿捫松至乎其顛而休焉喟然太息以爲此真能言之士也但未知與吾家文節相距上下幾何爾姑題其後以俟習於文者評之

跋宋其武遺蹟

始予官戶曹其武先生方在翰林每得侍教左右見其節鈔漢書一冊或行或隸悉妍麗可喜心甚愛之訖今相距幾二十寒暑其從子叔遂乃出此冊示予筆墨爛然與前所見無異而先生之墓草則宿已久矣拊歲月之易邁慨舊齒之云亾展閱未及終冊輒不勝泫然也

跋王咸中手簡

咸中自京師簡予言諸公追溯當年媚嫉之人甚且嗟而詬之云云嗟乎君子小人初非難辨方小人之媚嫉君子也排擠者一附和者十幾遂變白爲黑以猶易薰此自古聖賢所不免況衰庸陋劣如予者乎然而非予所患也至於稍久則水落石出而議論之公自不可揜向之排擠者既已骨化

續彙卷二十九

十二

形銷莫知所往矣仰其他附和之徒其始或諛於執利或壓於氣談皆不得已而出此者也一旦無氣談之可畏與執利之可馮亦遂烏散冰解而無餘其於予則豈有損哉予自歸田以後布衣蔬食讀書講藝以自娛說數年之中習而安焉幸而問學不致荒落名節品行不致墜失者是亦媚嫉之人之玉成我也豈非所謂愛我者疾疾惡我者藥石與閒嘗辟之如作噩癘癘之既覺則恍惚不復記憶矣尙何容芥蒂爲寄聲中朝諸公姑勿嗟且詬焉可也

續彙卷二十九

十三

跋來虞先生手蹟

右子美秋典詩一卷從祖祖父來虞先生所錄卷末自誌丙寅歲蓋天啓六年也按年譜先生先自粵東入覲觀畢歸里兩乞致仕不允始復之任不數月竟被黜以歸此爲再至粵時手蹟也又按是年奄黨方熾乃楊左受禍之次年先生方不安其位故書此以託諷寓志所謂問道長安似弈碁及文武衣冠異替時者頗附合時事其意益亦微而章矣竊惟先生在工曹數忤巨璫使當魏奄擅秉之日或得入居卿貳則其盡言直諫必不亞於楊

左諸君子顧獨以外寮之故不及與楊左齊名朝
右此先生之命也先生之不幸而楊左之幸也然
先生既被黜優游家食合於明哲保身之義末年
雖未大用可謂身名俱泰而楊左竟與禍會身死
之後至不能託其家室此楊左之命也又楊左之
不幸而先生之幸也距先生歿五十年其曾孫俱
年少好學出此卷示琬琬不勝撫卷太息爲之尙
論其世如此至於忤璫始末具詳年譜及琬所撰
族譜中此不復著

跋石交紀牘

續彙卷二十九

三

來虞先生嘗以部使者持節張秋會宛平米太僕
亦使清源相與往還最數此石交紀牘序一篇石
與石隱贈答詩二首皆先生爲太僕作石隱蓋太
僕自寓也其橐舊藏從父沂州公家今始裒爲一
帙而附太僕赤牘於後琬嘗追遡神宗之世國家
方承平無事部轡在中朝頗加遴擇其官故尤號
清賢而是時又令甲寬弛吏牘稀少中間士大夫
有才望者率能出其詩文相與頡頏上下每遇燕
集則往往命緝染翰流連倡和以爲常及其出使
往還亦然風流文采每爲好事者所豔稱以近時

郎吏視之不既瞠乎其後哉於乎自諸弊流品漸
穢而予於是歎士大夫遭逢之會各有幸不幸也
琬在京師與太僕孫紫來相善顧琬生既晚不能
通知兩家世好之誼而紫來亦未嘗以此見語蓋
距先生與太僕之歿亦已久矣異時有假鄉將乞
沂州公繕錄其文寓書紫來使知此始末以備吾
兩家嘉話云

跋擬明史侯岐曾傳後

予嘗任纂修嘗作侯氏三傳上之史館未知其得
入明史否也今讀岐曾子涵所撰父行實類略述
陳給事亡命事尤詳且與父同死者有僕僉兒朱
山鮑超陸二李愛凡五人皆傳所不載涵之言曰
子龍與叛人吳勝兆有連辜當歿府君不知而舍
之以舍之之故而卒失子龍償歿可也府君就頌
繫而責以必獲子龍亦可也顧子龍近在百里不
待其獲而府君先見法於二日之內何也子龍尙
無反狀況府君乎其一老書生耳下一檄禿一隸
坐首就逮歿生惟命何爲乎統兵五百聯舸四十
若將摧巖城當大敵者已而擔簦揭篋繫其妾婦
廝養罄室而胥劫之班師之後復出所劫一婦人

續彙卷二十九

古

至責直數百金何也且使坐府君以藏匿藏匿之
舉誅及其身亦已過矣兪兒等五人以奚奴不曉
事竝駢首服上刑是勝兆子龍不孥戮而府君孥
戮又何也問勝兆事未舉而就縛是時一郡竝皆
按堵於法勝兆依謀叛律斬子龍依謀叛未行逃
避山澤律絞府君藏匿子龍律減子龍一等佗人
捕得及舉人已死又減一等法如是足矣諸大吏
據實上聞必蒙報可從此燒交關誦毀之章焚詣
鼎投名之牘而地方本無事也今欲張靖亂之功
利縈囚之畜指書生爲強寇麗童孺以極刑勾連
瓜蔓抄掠不已卒使一時士民魚亂獸散亡命湖
海往往相構煽爲羣盜致厪 當宁十餘年南顧
之憂得毋有任其責者乎予讀至此未嘗不撫卷
太息蓋涌躬遭家難又不敢逆席厥考無辜故其
辭徬徨宛轉猶有古人怨而不怒之遺意因附記
之以抒涵之志且俾後之君子有以考焉

跋詩問

予前作詩問其首則言諸侯之詩亦有風雅頌三
者不獨天子詩爲然或疑其臆說非也予又嘗以
詞詩考之幽雖成周王業所基當其在有夏之季

特岐梁間一小國耳十五國風之中旣殿以幽風
而周禮又謂祈年於田祖獻幽雅擊土鼓以樂田
峻祭蜡則獻幽頌擊土鼓以息老物此亦列國有
雅頌之明驗也不然何獨有幽雅幽頌乎朱子嘗
引或者之說以爲楚茨信南山甫田大田四詩所
言皆農事而篇次又在小雅之中欲以當幽雅至
近世何氏則遂謂甫田大田幽雅也豐年良耜載
芟幽頌也立說甚辨理或然也獨鄭玄以七月一
詩倘有風雅頌三體不知何所據依其爲穿鑿也
斷斷爾予故書此以祛觀者之疑

續彙卷二十九

去

鈍翁續彙卷二十九終

康熙乙丑春三月同里周公贊校字

鈍翁續彙卷三十目錄

祭文 樸著

祭葉訥菴先生文

祭陳母張太夫人文

先墓焚黃文

陳氏子哀辭并序

交道說

戒非毀詩文

文戒示門人

汪姓緣起考

續彙卷三十目錄

二蟲喻

蠅

白蛉

記律呂

記納甲

鈍翁續彙卷三十目錄終

鈍翁續彙卷三十

文集二十二

祭文 哀辭附

祭葉訥菴先生文

嗚呼有明名臣夙推文莊碩德鴻材史所褒揚延
二百年遺澤浪浪爰及先生伯仲抗行巍科甲第
後先焜煌伯也溢外宣力東方先生居內委佩巖
廊咸謂二難永紹前光云何竝逝理不可詳計音
踵至親故倉黃憶昨分袂春明一觴宛嗟老疾分
守田桑旋睨先生志氣激昂期先生者致主澤眠
位不爰立年不杖鄉命也如何殊失所望言別幾
時音容渺茫向黍昏媾又側門牆感念平昔每九
回腸本非至人曲折難忘喪之南歸焄蒿悽愴匍
匐几筵淚霑盈眶既悼我私亦斯文傷嗚呼哀哉
玩故不敏才疏學荒先生知我指摘膏肓髮種種
矣敢絮短長擬謝子墨綰手山莊復陳蕪辭何不
自量侑此爵耳非曰成章先生有靈幸鑒中藏

祭陳母張太夫人文

母儀煌煌內則烈烈其姜伯姬聖經所述孰如淑
人安常履吉篤生儒臣用佐 王室嗚呼哀哉淑
人之賢聲聞曩日內自君姑外訖親暱歎息惘範

無不遵率謂與太翁偕老可必何行之婉何境之
遜顧促其年而不期耄天豈有靳奪之倉卒空修
反促空隆反替學士涖官久參密勿瞻望二人迨
遯天末每念倚閭繾綣如結版輿錦軒將迎莫達
屢欲陳情弃此組紱淑人附書語極懇切勸以報
稱俾無燕佚無戀庭闈致曠厥秩慈訓諄諄形諸
楮筆非此母也寧具此識手澤儼然至今成帙陽
月既望云發腫疾學士旁皇頷感心忉奔走日者
以數推覈五行家言皆曰小厄流星爲災禳之卽
山言而不驗可爲嗚咽彼醫雖良束手獲求嗚呼

續彙卷三十

二

哀哉如琬輩者才疏志拙受知學士毀言弗恤嗟
枯植朽十年如一豈惟感恩實印賢哲我儀其清
私餽必黜我服其慎溫樹必訥文章工邪學術得
失酒闌鐙地殷勤相質白首若此辟膠黏黍詒於
淑人有同子姪媿未登堂以名通謁赴音亟來能
不驚恒踣旅京華舉步如屢何由匍匐往助執紼
醴酒不清蔬肴不潔悵焉生悲淚霑嬰絢無不
之悽愴怳惚庶其來乎千里一呷

先墓焚黃文

琬忝冒祿位積有歲時幸叨餘庥免於臯戾用獲

荷茲 寵錫粗效顯揚伏奉順治十八年正月
登極制書 榮贈先考奉政大夫刑部山東清吏
司郎中先妣宜人 璽書褒嘉光賁泉壤而琬以
久廢官守弗克躬告幽冥乃者既卜新阡敢襲簪
賢燎黃之義祇薦墓下以展慕思音容眇然詎勝
哀感

陳氏子哀辭 并序

陳鳳翥字聖章予友均寧次子均寧方病及鳳翥
生而瘵故小名曰愈年二十夭蓋距上躬無幾也
少不好舉子業好唐宋以來大家之文又好爲小

續彙卷三十

三

詩旁攻書畫通筆皆有法度予見其所寫牡丹芙
蓉頗得前輩筆意詩亦整秀可喜均寧哭之久而
不衰乃刻遺藁一卷以行又爲淚言凡數十章附
其後云晉虛谷方氏謂自周東遷以入春秋卿大
夫壽者鮮矣獨魯季孫行父季友子也僖十六年
季友卒至襄十五年行父始卒吳季札王壽夢少
子讓國時年可十五六至哀十一年救陳猶存兩
人壽皆近百歲鄭子產歷事簡定聲獻四公齊晏
平仲之父桓子襄十七年卒平仲卽以知禮稱至
定十年始卒兩人亦以慮八九十歲當春秋衰世

卿大夫不得其壽之時而四卿皆恭儉慈惠薄取厚予有以致壽考其說甚新異然而非通論也孔子在春秋年僅七十有三顏子淵蚤死夫孔子大聖卒不登上壽及門之賢者莫如子淵顧蹈六極短折之禍豈孔顏不及此四卿邪何壽夭相闕絕若此也蓋使有德與才而天不害其不朽若愚無知之流雖年逾百歲與瓦礫木石頑然長存者亦何以辨聖賢之所以壽者固在此而不在彼也然則所謂才而天如陳氏子亦其一已予既以此愍均寧且系之以辭曰

續彙卷三十

四

吁嗟孺子性端良兮濡染家學藝能長兮譬彼威鳳燦文章兮將翺將翔如其名兮雲遶匪遙儵摧傷兮鷹隼高飛鳶鷂鳴兮休畱姑獲恣披猖兮鳳也何辜中道戕兮君毋叫天天茫茫兮彼修此短靡厥常兮賴是遺墨紛球琅兮襲之匱之騰輝茫兮爰載令問未渠央兮吁嗟孺子斯不亾兮

裸著

交道說

子夏曰可者與之其不可者拒之子張曰君子尊賢而容衆嘉善而矜不能夫子張之說與子夏相

成者也非相倍者也子張之所謂賢者善者卽子夏之所謂可也其所謂衆者不能者非子夏之所謂不可也何則衆可容也不肖可容乎不能可矜也不善者亦可矜乎夫君子小人之相左也殆不啻若火之於水白之於黑也君子疏而小人密君子信而小人詐君子嚴氣正性有不可犯之色而小人每陽爲柔和以陰行其險陂其執不能合而其情不能通也果欲兼容并包調停乎其間則君子必退小人必進君子必見屏弃於門牆而小人必被親暱於戶闥之間矣自古論交之道未有裸

續彙卷三十一

五

出於君子小人而能相與無間者是故二子者之說猶不如孔子之言之善也孔子曰無友不如己者又曰友直友諒友多聞益矣友便辟友善柔友便佞損矣夫不如己者非其人盡不肖也殆亦衆與不能之流爾然且戒其爲友又況便辟柔佞之小人顧可與之醕酢往返使得參與君子之列乎然則大易言包荒得尙於周行何也曰此聖人所以化小人者也非聖人能若是乎苟未至於聖人而欲行之其不爲小人所用而敗壞家國者幾希

戒非毀詩文

浙僧某自詭善詩向予極詆東坡予徵其說僧曰如汲江煎茶詩大瓢貯月歸春甕云云甕乃盛酒器詩言貯水眞亂道也予笑曰易卦九二爻辭甕敝陋豈謂盛酒乎又一生矜其博學詆東阡北陌句爲誤予曰河南人謂東西曰阡南北曰陌此出風俗通義也已而復指論語注穀於菟穀當作穀遽言晦翁不識字予因出左傳漢書序傳示之則正此穀字也師古注漢書云讀如本字又音乃苟反生始語塞噤乎後進讀書不多而年少氣盛知其一說不知其又有一說遂敢於非毀前賢此直井甕夏蟲之見耳故書此以爲見輩戒

續彙卷三十

文戒示門人

昌明博大盛世之文也煩促破碎衰世之文也顛倒諄謬亂世之文也今幸值右文之時而後生爲文往往昧於辭義叛於經旨專以新奇可喜爲然自命作者噤乎人文與天文地文一也日月星辰天之文也山川草木地之文也假令如日夜出兩月並見日中見斗又令山涌川闕桃冬粦李冬實夫豈不震耀耳目超於常見習聞之外其可喜孰甚焉而經史書之不曰新而曰妖不曰奇而曰變

然則今之作者專主於新奇可喜儻亦曾南豐所謂亂道朱晦翁所謂文中之妖與文中之賊是也僕竊憂之而一二小子輩方且詆僕言爲老狂故不敢以告佗人所願諸同志戒之而已其有及僕之門而志或不同者僕亦不敢以告也

汪姓緣起考

按越國公行狀汪姓其先汪苾氏之後或言魯成公支子食采於汪因氏焉羅鄂州汪王廟考實曰氏族之書皆以汪姓出汪罔氏亦曰汪苾孔子所謂漆姓守封囑之山者在虞夏商爲汪罔氏於周

續彙卷三十

七

爲長狄於春秋時爲大人又海外西山經有汪野李善以爲汪氏國在西海外然則汪罔其氏而汪野其國也顧所居距中國遼遠而哀公時魯乃有汪錡者歿齊難爲聖人所褒竊嘗以汪罔之人世皆長大號十倍僬僥氏春秋閒蓋嘗一至矣兄弟四人各適一國以歿其適魯者曰僑如魯之亞卿以名其子而太史又志其藏以爲異然則所謂汪罔之後者何從而容於魯乎藉令在魯雖傳數世其質尙當與常人異孔子之答吳客何至近舍本國之汪而遠稱封囑之長狄大人以爲證乎羅說

甚辭故吾汪當從姬姓裔爲正又按舊譜魯成公庶子生而有文在左手右王故名曰汪其後子孫遂氏之竊疑春秋時諸侯命大夫之族於是大夫有以王父字爲氏者在魯如展氏臧孫氏孟孫叔孫季孫氏之類是也不問氏王父名者周人以諱事神逮事王父則諱王父名安敢取以爲氏魯君亦不當以此命大夫也至若季公鉏之後爲公鉏氏伍員之後爲員氏此皆後世不知禮者所爲春秋時當不然也故吾汪之得姓當從食采爲正蓋始則以采地爲氏繼則以氏爲姓也

續彙卷三十

八

按春秋秦地有汪邑傳所謂先且居伐秦取汪及彭衙而還又史記年表秦報我殺敗於汪是也若魯邑之汪不見經傳未詳所在姑闕之以俟博雅者考焉

二蟲喻

蠅

京師多蠅而赤首者爲患最甚其所嗜乘也其所遺亦乘也尤善招引同類羣集器物間凡物白者遇之皆黑芳者遇之皆穢驅去復來民閒往往撻竹擊之每擊必殺數百其患猶不止嗟乎蠅逐臭

以數其軀視蟬之吸露蓼蟲之茹苦者異矣

白蛉

有蟲細若浮塵北方土俗謂之白蛉善蝨人雖設幬帳不能隔也民閒率蒙絮衣自蔽猶能入人肌肉其毒逾於蠹陳子請公管許之曰蠹陽而蛉陰蠹拙而蛉巧蠹之用疏而蛉之用密其真蟲中之小人與善哉評也吾何術以避之

記律呂

續彙卷三十一

九

太史公曰律呂爲萬事根本是故吹以考聲列以候氣以聲之清濁考之而樂生焉以氣之先後候之而曆生焉何謂律陽管有六黃鍾太簇姑洗蕤賓夸則無射六者爲陽月之管名之曰律律法也與陰氣爲法也陰管有六林鍾南呂應鍾大呂夾鍾中呂六者爲陰月之管名之曰呂呂助也助宣陽氣也又拒也與陽相承更迭而至也又總而名之曰十二律其閒有上生下生同位異位長短分寸之別有旋相爲宮之次所謂上生下生者陽下生陰陰上生陽是也蕤賓陽律空下生乃上生大呂陰律者蕤賓當五月於時以陰爲主故陽得上生陰此一說也黃鍾爲宮隔八相生至蕤賓而窮

窮則變故復爲上生此又一說也所謂同位異位者如黃鍾初九下生林鍾初六同爲初位則象夫婦林鍾初六上生太簇九二初與二乃異位則象子母故曰律取妻而呂生子也所謂長短分寸者諸律以黃鍾爲準下生者三分去一上生者三分益一五下六上是也所謂旋相爲宮者以黃鍾爲之宮則姑洗爲之角以中呂爲之宮則南呂爲之角自宮律本位左旋第五位則角律也以隔八相生法推之則宮生徵徵生商商生羽羽生角也凡十二律皆然十二律之變至於六十猶八卦之變

續彙卷三十

十

至於六十四也大略律出於管管定於尺尺成於黍後世有言隔七上生隔八下生者有言每律減三分而以七寸爲法者是律無一定之說也有斷竹爲管者有別用準以代者是管無一定之說也有取古尺爲節者有請人主中指寸爲節者是尺無一定之說也有爭圍積者有爭方積者有以黍橫累者有以黍縱累者有以一黍之廣爲分者有以一黍之長爲分者有以十二黍爲寸者有以十黍爲寸者則是積黍亦無一定之說也諸儒彼此衆訟而各自詡其有心得神受及其爲曆則往往

失之不密爲樂則往往失之不諧亦孰能闡明之全旨哉善乎溫文正公之言曰非后夔復生莫之決也予初不明此學姑記其略以俟考爾

按班志製賓亦下生如此則中呂止三寸三分使三分益一不過四寸四分豈能復生黃鍾之律其誤甚明而蔡氏取之非是又有謂黃鍾三寸九分者其說雖辨然盡變先儒之說亦非是

記納甲

乾父納甲壬陽日坤母納乙癸陰日者乾坤始終包羅十日故也三男納其陽震納庚坎納戊艮納

續彙卷三十

十一

丙三女納其陰巽納辛離納己兌納丁者六子各得乾坤一畫故也乾坤始於甲乙長男長女居其次而不納丙丁少男少女居其末而不納庚辛者卦必自下起先初爻次中爻末乃至上爻此易自然之序也又乾初爻交坤生震故震初爻納子午中爻交坤生坎故坎初爻納寅申上爻交坤生艮故艮初爻納辰戌陽道順故順傳也坤初爻交乾生巽故巽初爻納丑未中爻交乾生離故離初爻納卯酉上爻交乾生兌故兌初爻納巳亥陰道逆故逆傳也納甲之義盡此矣至於沈存中所謂天

地包育之理與參同契以月之明鬼取象於卦畫者其說皆傳會不足取

鈍翁續彙卷三十終

康熙乙丑春三月同里周公贊校字

續彙卷三十

十一

鈍翁續彙卷三十一目錄

擬明史列傳自序

列傳卷一

太祖十三公主太原長公主
福成慶陽兩公主

續彙卷三十一目錄

十一

鈍翁續彙卷三十一目錄終

擬明史列傳自序

世之言史者莫不競以史遷班固范曄三史爲宗顧猶不免後儒之評議議史記者則謂項羽不當本紀也陳涉不當世家也龜策不當列傳也五帝世次不當顛鎔也六經傳記不當割裂也稱孔子者不當但言識會稽之骨辨墳羊之怪道稽矢之異也議班固者則謂五行志不當蕪累也古今人表不當乖名而亂體也孺子嬰不當書於王莽傳也西楚所封十八王不當載於異姓侯王表也遷雄傳不當取其自序也嚴延年傳不當以子貢什有比也議范曄者則謂董宣之守正不當槩之酷吏也蔡琰之失節不當槩之列女也王喬左慈之妄誕不當入方術傳也糜君盤瓠之俚詭不經不當入蠻夸傳也聖公之結客報仇不當誣其懦弱也計子勳卽蒯子訓不當一人兩傳也論後不當復贅以贊也然則鵠誣刺謬雖三史且不免焉甚者曰史之失自遷固始信如此則遷固尙不足法乎此蓋後儒以文章相軋之病也非公言也又況才學識三者俱不逮古人而忝列著述之林如琬之區區其能免於評議已乎琬又衰老且病蹉跎

一出幾喪廉恥計入史館纔六十日杜門請告者始踰一年始得放歸故所誤止於如此然而舛錯迭見缺略時有欲無得舉於古人蓋其難矣旣已錄上史館及歸而猶不能不藏弄此藁者非敢望名山其人如史遷所說也孤位苟祿遷延歲月亦聊以志媿云爾

擬明史列傳卷一

別彙一

公主傳

仁祖二女

太原長公主淳皇后所生下嫁駙馬都尉王七一
洪武初追冊命有司具禮改葬

轉國長公主太原母妹下嫁駙馬都尉李貞主性
純孝助貞理家尤儉勤蚤薨貞引其子文忠避兵
依太祖洪武初封貞恩親侯追冊皇妹孝親公主
先是兵亂主未葬命有司具禮葬於李氏先墓詔
曰公主祠堂碑亭其制悉視功臣之贈爵爲王者

續彙卷三十一

二

已進貞駙馬都尉右柱國轉國公因加冊轉國長
公主帝恆追念妹自是待貞益厚爲賜第禁城西
偏旣就第敕貞免朝贊拜不名數臨幸與宴飲甚
歡皇太子諸王亦數往存問帝有征行輒令守官
省貞亦孝友晚歲尤折節恭謹嘗曰富貴而忘貧
賤君子不爲也以是始終蒙恩甚渥薨贈隴西王
諡恭獻子文忠自有傳

太祖十六女

第三第十十三女
發無封號凡十三公主

臨安公主下嫁駙馬都尉李祺韓國公善長子也
是時始定公主婚禮先期賜祺駙馬官誥并朝服

儀從甚盛旣婚會帝以疾罷朝者踰旬善長失不
候問於是御史大夫汪廣洋陳寧勅善長早且言
駙馬李祺六日不朝宣至前殿復不行禮請父子
竝付法司奏上善長父子免冠待梟闕門有詔勿
問洪武二十二年祺卒永樂中子芳官至畱守中
衛指揮使茂至旗手衛僉事主蓼闕

續彙卷三十一

二

寧國公主孝慈皇后所生下嫁駙馬都尉梅殷汝
南侯思祖兄子也殷善馬射尤能屬文旣尚主嘗
命提督山東學校兼理地方事務稱殷幼承家教
長而篤學博通經史頗有才藝其爲太祖獎許如
此建文中以總兵官鎮淮安燕王遣使假道殷割
使者耳鼻縱之曰畱汝口爲殿下言君臣大義燕
王乃自泗水濟師及卽位詔主招殷南歸主不得
已嚙指血爲書授中使馳示殷殷得書慟哭詢建
文帝起居中使曰去矣旣入見成祖謂曰駙馬勞
苦咎曰勞而無功已都御史陳瑛希帝指勅殷招
藏亡命私匿胡人與女秀才劉氏朋邪咀呪幾得
梟其明年都督譚淡指揮趙曦伺殷入朝擠之宜
橋下溺死誣殷自投水主疑帝殺之牽衣哭問駙
馬安在帝笑曰當爲公主跡賊俄都督許成發其

事帝自臨訊淡曦兩人者乃曰上命也奈何皇臣
帝怒使力士挫落其齒斬之謚殷榮定既又官殷
子順昌中府都督景福旗手衛僉事諭之曰朕不
念爾母爾安得至今日後俱改孝陵衛指揮使宣
德中予世襲始成祖之起主嘗貽書阻之成祖不
荅及抵淮與主書言兵故以自解且命徙居太平
門外勿罹其禍主亦不荅然帝故重主卽位後歲
時勞賜精鏐文錦名果法酒及它珍玩無算諸主
俱莫敢望焉蒙宣德末

安慶公主寧國母弟下嫁駙馬都尉歐陽倫倫頗

續彙卷三十一

三

不法洪武末茶禁方嚴數遣私人販茶出境以牟
利所至騷擾雖大吏不敢問有家奴周保者尤橫
輒呼有司科民車至數十輛過河橋巡檢司擅撻
辱司吏吏不堪以聞於朝帝大怒遂賜倫死保等
皆坐誅主蒙闕

汝寧公主下嫁駙馬都尉陸賢吉安侯仲亨子也

主蒙闕

懷慶公主成穆孫賓妃所生下嫁駙馬都尉王寧
寧壽州人既尙主掌後軍都督府事建文中嘗洩
中禁事於燕籙其家繫錦衣衛獄成祖卽位稱寧

孝於太祖忠於國家正直不阿橫遭誣構封永春
侯予世券久之坐事下獄見原卒子貞亮官羽林
前衛僉事先寧天宣德中主既薨貞亮子彝數乞
嗣衛僉事不許十年援詔言公主適孫當嗣侯乃
命以衛僉事帶俸奉主祀寧能詩頗好佛一日侍
成祖語及太祖時事帝爲愴然因勸帝飯僧誦佛
經資太祖福利帝不憚恩禮由是漸衰寧又有子
貞慶詩尤工與十才子列

大名公主下嫁駙馬都尉李堅堅武陟人父英洪

武初爲驍騎右衛指揮僉事敵歿贈指揮使堅有

續彙卷三十一

四

才勇既尙主掌前軍都督府事建文初以左副將
軍從北伐及燕師戰勝負略相當封灤城侯予世
券最後戰濬沱河燕卒薛祿刺堅墮馬因揮刀斫
堅堅大呼我李駙馬也勿殺械送北平道卒子莊
年七歲嗣侯成祖卽位莊父姓名在姦黨中天子
以主故有莊主懼禍及遂納誥券於朝主蒙宣德
初莊在南京師事劉溥先生放浪詩酒以壽終
福清公主鄭安妃所生下嫁駙馬都尉張麟鳳翔
侯龍子也麟未嗣侯卒子傑侍主京師亦卒語在
龍傳主蒙永樂中

壽春公主下嫁駙馬都尉傅忠穎國公友德子也
主最太祖所愛詔賜吳江縣莊田一百二十餘頃
田皆上腴凡爲糧歲八千石踰佗主所入數倍費
洪武時賜明器儀仗以葬

南康公主下嫁駙馬都尉胡觀東川侯海子也海
嘗以臯奪祿田及觀尙主有詔給田如故永樂初
遣觀使晉府還科道官劾觀僭乘晉王所賜輿輿
笈逮問詔姑宥之已都御史陳瑛等又劾觀娶倡
爲妾強取民閒子女數十人且言與知李景隆逆
謀陛下曲加寬宥絕無悔心遂罷觀朝請先是觀
兄斌歿後無子觀以得臯不得嗣侯卒宣德末主
乞以子忠嗣詔授孝陵衛僉事進都指揮同知主
蒙正統中

永嘉公主郭惠妃所生下嫁駙馬都尉郭鎮武定
侯英子也英卒鎮不得嗣侯以建文元年卒至宣
德末主乞以子珍嗣語在英傳景泰六年主疾革
上書願捐前後所置無錫縣田十二頃歲入租七
百餘石盡歸有司以佐軍儲從之是月主薨世宗
卽位玄孫勛方承寵爲主乞追諡特賜諡貞懿前
此公主無諡例蓋異數也

含山公主韓麗妃所生下嫁駙馬都尉尹清建文
初清嘗掌後府都督事宜德末清已卒主乞以子
勛爲孝陵衛副千戶從之最後天順六年英宗以
主壽最高嘗致書慰問詞最恭謹所脩金珠銀幣
良厚是歲薨特輟視朝一日

汝陽公主永嘉母弟下嫁駙馬都尉謝達達父彥
字子起鳳陽人少孤育於外家孫氏冒其姓數從
征討有功累官前軍都督僉事詔復謝姓選其子
尙主建文初達嘗掌中府都督事及李無子成祖
命以其從子爲後賜名鏞宣德末主乞以鏞爲孝
陵衛百戶從之主蒙

中

寶慶公主太祖最幼女下嫁駙馬都尉趙輝輝父
和以千戶從征安南歿後輝襲父官先是成祖卽
位主甫八歲命仁孝皇后撫之如女永樂十一年
輝以千戶守金川門年二十餘狀貌偉麗帝見而
異之遂選以尙主主旣爲后所撫褒賚視佗主倍
渥婚夕特詔皇太子送主入第蓋異數也主有賢
名先輝薨輝至成化十二年始卒凡事六朝歷掌
南京都督及宗人府事家故豪侈姬妾至百餘人
錦衣玉食享有資富者踰六十四年壽近九十中

朝莫不欣豔或謂其有房中術故致壽考云然輝
爲人貪橫天順中自言嘗上書請迎駕沙漠乞視
王寧例封侯詔不許又受郭昭賂助昭謀奪其兄
昌爵相與誣昌不孝爲都察院所劾奪得宥焉
福成公主南昌王女母妃王氏下嫁駙馬都尉王
克恭克恭嘗爲福建行省參政後改福州衛指揮
使

慶陽公主蒙城王女母妃田氏蚤寡有節行太祖
甚重之既薨命皇后皇太子及諸王皆以少牢致
祭主下嫁駙馬都尉黃琛琛本名寶後改今名以

續彙卷三十一

七

帳前參隨舍人擢兵馬副指揮太祖愛其謹厚選
尙王女累從王師征討多著勞績歷官龍江翼守
禦千戶洪武初冊兩王女爲公主授克恭琛駙馬
都尉遷琛淮安衛指揮使其後禮官上言皇姪女
宜改封郡主克恭琛當上駙馬都尉詔帝曰朕惟
姪女二人不忍遽加降奪其稱公主駙馬如故公
主歲給祿米五百石視佗主減三之二駙馬止食
本官俸尋擢琛中都留守卒官子鉉至都督僉事
或謂福成慶陽皆太祖從妹者誤也

擬明史列傳卷一終

康熙乙丑夏四月同里周公贊校字

續彙卷三十一

八



鈍翁續彙卷三十二目錄

列傳卷二

韓林兒 劉福通附

郭子興

明王珍 子昇

陳友諒 子理 熊天瑞

續彙卷三十二目錄

鈍翁續彙卷三十二目錄終

擬明史列傳卷二

別彙二

韓林兒傳

韓林兒，樂城人。或言本李氏子也。自其先世以燒香惑眾，謫徙永平。至林兒父山童，益倡言天下大亂，彌勒佛下生河南及江淮，愚民翕然宗之。潁州人劉福通與其黨杜遵道、羅文素、盛文郁等數人，復鼓妖言，謂山童實宋徽宗八世孫也。當主中國，乃殺白馬黑牛，誓告天地，欲同起兵。以紅巾為號，事發覺。福通等遽入潁州，以反而山童為縣官，所捕禽林兒與其母楊，逃入武安山中。福通據朱皋破羅山，真陽、確山犯舞陽，葉縣陷汝寧及光息。二州眾至十餘萬元，人無以禦也。踰三年，為至正十五年。福通物色林兒，在所得諸礪山夾河，逆至亳。州奉以為小明王，未幾稱皇帝，建國號曰宋，改元龍鳳。都於亳，擄鹿邑縣太清官材以治宮闕，尊其母楊為皇太后。以杜遵道、盛文郁為丞相。福通與羅文素平章政事，劉六知樞密院事。劉六者，福通弟也。遵道等各遣子入侍，會遵道有寵於林兒，頗擅政。福通疾之，陰命甲士撾殺遵道，自為丞相，加太保、政權一歸於福通。元人圍亳，福通挾林兒走。

安豐踰一年以其黨分道略地遣毛寶入山東遣李武崔德破商州下武關以圖長安而福通身自攻汴梁已又遣關先生破頭潘馮長舅沙劉二王士誠趨晉冀白不信大刀放李喜喜趨關中田豐趨益都宋兵大振元人皆恟懼其明年汴守將竹貞逃去福通逆林兒都汴既而關先生破頭潘等又分其軍爲二一軍出絳州一軍出沁州踰太行焚上黨破遼州雲中鴈門代郡燹火數千里不絕達於塞外無不苦宋兵者關先生復東掠遼陽抵高麗境悉燬上都諸宮殿元主以此不復巡幸而田豐遂破濟寧東昌諸路毛寶亦遂破膠萊濱莒諸州陷益都路殺元宣慰使董搏霄於濟南進掠柳林以逼大都元主至徵四方兵入衛議欲遷都避其鋒賴大臣諫乃止林兒本起盜賊無大志又聽命福通徒擁虛名於上諸將在外者率不遵約束所過焚劫無遺甚至噉老弱爲糧且皆福通故等夸雖福通亦不能制福通嘗譴李武崔德兩人無功將以逗撓羣之兩人遽叛降於元由是宋兵雖盛而林兒號令不行於外略相羈縻而已數攻下城邑元兵亦數從其後復之宋人不知守也惟

毛寶視佗將稍有知略其破濟南也立賓興院選用元故官姬宗周等分守諸路又於萊州立屯田三百六十所每屯相距三十里造輓運大車百輛凡官民田各十分取其二多所規畫故得據山東者凡三載及元將察罕帖木兒起兵盡復關隴其明年大發秦晉之師會於汴城下察罕自將鐵騎屯杏營營以諸軍環城而壘宋人屢出戰輒敗嬰城自守自五月至八月城中食將竭福通計無所出卽挾林兒從百騎開東門逃還安豐盡弃其後宮官屬子女及符璽印章寶貨之屬皆爲元人所得是時李武崔德既外叛白不信李喜喜兵敗相繼奔於蜀關先生亦破亡而毛寶復爲其黨趙均用所殺有續繼祖者又殺均用齊地大亂察罕已取汴梁乃川兵威脅降田豐王士誠棄勝趨定山東於是宋人之執孤矣益都守將陳棣頭獨爲宋堅守不下與福通遙相聲援豐士誠亦棄開刺殺察罕入益都元以兵枋付察罕養子擴廓帖木兒圍城數重棣頭等遣間使詣福通告急福通引兵援之遇元師於火星埠再戰又大敗遂還保安豐元人急攻益都穴地道以入殺豐士誠而檻送棣

頭於大都宋人執益窘是歲龍鳳八年元之三
二十二年也其明年吳將呂珍圍安豐宋人乞師
於太祖太祖曰安豐破則張士誠益彊不可不救
也太祖遂親率師以往而珍已入其城殺福通矣
太祖擊走珍以林兒歸居之滁州其明年太祖建
國號曰吳又二年林兒姐先是太祖駐師和陽值
郭子興率宋人遣使招諭和陽諸將牒子興子天
敘爲都元帥張天祐爲右副元帥太祖爲左副元
帥太祖慨然曰丈夫寧能受制於人邪然猶遵用
龍鳳年號不與林兒絕也有司歲時每設林兒御

續纂卷三十二

四

坐於中書省最後劉基語太祖曰此牧豎子耳奉
之何爲遂徹之林兒既姐始下詔以明年爲吳元
年其年遣大將軍長驅定中原元主北遯蓋距宋
亡僅歲餘云林兒凡立十二年

論曰宋之林兒不足當楚之義帝然而蔽遮江淮
俾太祖從容肇造得以剗漢平吳無佗牽制者誰
之力與司馬遷謂陳涉爲漢驅除竊於宋人亦云

郭子興傳

郭子興其先贛州人父郭公少以日者術游於定
遠言禍福輒中由是貨稍饒竟畱居馬里中富人

有瞽女郭公推其祿命當資其人笑曰疾廢無所
歸何言資郭公乃請昏遂贅其家生三子子興則
仲也始生郭公卜之視其兆曰吉長必大吾門及
長任俠喜賓客會元政方亂益散其貲椎牛醢酒
與壯士相結納至正中偕少年數千人襲據濠州
太祖往從之門者疑其謀也縛以告子興子興奇
太祖狀貌解其縛而與之語收置帳下俾爲十夫
長數從戰有功子興喜其次妻小張夫人亦指太
祖曰此異人也娶以所撫馬公女是爲季慈高皇
后始子興同起事者孫德崖等四人與子興而五

續纂卷三十二

五

各自稱元帥不相下四人者翬且羸惟日事剽掠
子興意輕之四人俱不說合謀傾子興子興以是
多家居不視事太祖窺間說曰彼日益合而我益
離久之必爲所制子興不能從也元師破徐州徐
帥彭瑄住趙均用率餘衆奔濠德崖等以其故盜
魁有名乃共推奉之使居己上瑄住有智數子興
與相厚善而薄均用於是德崖等譖諸均用曰郭
某知有彭將軍耳不知有將軍也均用以爲然因
窺間襲取子興幽諸德崖若太祖自佗部歸知而
大驚急率子興二子諱於瑄住瑄住曰吾在共孰

敢魚肉而翁者與偕詣德崖砦中破械出子興挾之以歸既而元師圍濠乃釋故憾合力守者五閱月始解圍去蚤住均用遂皆自稱王而子興及德崖等爲元帥如故未幾蚤住病歿均用專兵枋很戾益甚將以計殺子興太祖乃遣人說均用曰晉大王窮迫賴郭公開門延納有德於大王甚盛顧不能報反聽細人言圖之是自翦其羽翼失豪傑心竊爲大王不取也且其部曲猶衆萬一稍不如意大王能無悔乎子興藉是得免及太祖取滁州乃將其所部徙居之子興爲人故長悍善鬪然性

續纂卷三十二

太

惇直少容方事急時輒從太祖謀議親信如左右手及其既解卽猜忌而疏席之人疑太祖必不平而太祖與孝慈皇后奉事子興夫婦愈謹子興欲據滁自王太祖告之曰滁四面皆山舟楫不通商旅不至非可以卽安者也子興默然太祖又取和州子興命統諸將守其地孫德崖軍饑就食和州四境數懇太祖求駐軍城中太祖不得已納之有讒於子興者以太祖之納德崖也怒甚自滁來視師將有所行遣而德崖問子興到遽謀引去前營甫發德崖猶畱視其後軍子興不以語太祖立誘

致德崖鎖其項與之對坐飲酒於是孫郭兩軍聞於道太祖馳至德崖軍慰撫之亦爲其軍所執得徐達救免語在達傳子興既執德崖欲甘心焉聞太祖被執始縱德崖去是口微太祖救解幾名變居無何子興卒其子長天敘以元帥攻集慶路被執次天祐官右丞陷賊又次天爵坐謀叛後先歿女入後宮事帝爲惠妃子興無後洪武元年追封滁陽王詔有司建祠用中牢祀復其鄰宥氏世世守王墓十六年諭太常丞張來儀文其碑或曰有郭老舍者卽子興季子也老舍生謙謙生昇昇生信信生琥俱以王孫歲朝京師弘治十五年命琥爲奉祀琥請乞不已正德中奪官

續纂卷三十二

七

明玉珍傳

明玉珍隨州玉沙邨人身長八尺餘目重瞳子徐壽輝起玉珍與里中父老謀避兵父老曰足下繫剛直儻能選集壯勇保完鄉里衆所願也乃團結千餘人屯青山推玉珍爲屯長及壽輝稱皇帝使人招玉珍曰來則共富貴不來舉兵屠之玉珍引其衆降以元帥守沔陽與元將哈林禿戰湖中飛矢中右目其目遂眇是歲元至正十三年壽輝治

平三年也久之玉珍率斗船五十艘掠糧川峽間遇元義兵元帥楊漢於江中漢言重慶無重兵而左丞哈林禿與右丞完者都不相能若回船出不意襲之可取而有也玉珍意未決部將戴壽直前曰機不可失也若分船爲二以半貯糧歸沔陽半因漢兵攻重慶事不濟則掠財物而還於我無損也玉珍從其策竟委完者都執哈林禿以獻壽輝壽輝以玉珍爲隴蜀行省右丞已而完者都自果州屯嘉定之大佛寺玉珍遣義弟明二禦之明二者黃陂人知勇有異於衆玉珍寵愛之使從己姓

嘗爲大名路經歷棄官歸家玉珍之攻重慶也道瀘部將劉澤民語玉珍曰是閒有劉維周者能文章政事其材可大任也玉珍欣然往見之與語大說卽日延至舟中尊禮備至玉珍稱王之次年檜屏人說曰西蜀形勝之地東有瞿唐北有劒閣沃犂千里自遭青巾之虐人物凋耗大王撫而有之養其傷殘之民用賢治兵可以立不世之業當於此時稱大號以係人心玉珍駭曰此非吾敢望也檜曰大王所部皆四方之人若謙讓猶與一旦將士或思其鄉土瓦解星散大王孰與建國乎玉珍猶不聽及翼日檜又言之玉珍乃謀於衆以明年春卽皇帝位於重慶國號大夏改元天統立妻彭氏爲皇后子昇爲皇太子倣周制六卿以戴壽爲冢宰萬勝爲司馬張文炳爲司空向大亨莫仁壽爲司寇吳友仁鄒興爲司徒劉楨爲宗伯牟圖南爲翰林院承旨改府州縣官名是歲至正二十二年宋龍鳳八年漢大義三年也蜀兵跡諸國爲弱勝卒不滿萬人玉珍繁無遠略然性節儉頗好文學數折節下士旣卽位設國子監以教公卿子弟設提舉司教授所以教州縣生徒建社稷宗廟求

雅樂開進士科定賦稅額以十分取一爲則蜀人
悉便安之皆劉楨爲之謀也其秋廷試進士賜董
重璧等及第出身有差又下詔除釋老二氏教然
猶令民間持彌勒佛號蓋玉珍以己從壽輝起兵
壽輝本倡言彌勒出世故也由是識者譏其蔽云
其明年出師攻雲南命萬勝由界首鄒興由建昌
指揮李某由八番三道竝進鄒李皆不至惟勝以
兵抵雲南梁王李羅逵營金馬山又明年挾大理
兵擊勝勝以孤軍無繼引還重慶復命鄒興取巴
州又明年更六卿爲中書省樞密院以戴壽萬勝
爲左右丞相向大亨張文炳知樞密院事鄒興鎮
成都吳友仁鎮保寧莫仁壽鎮夔關皆平章事寶
英鎮播州姜珪鎮夸陵皆參知政事荆王鎮永寧
商希孟鎮黔南皆宣慰使是歲命萬勝取興元遣
參政江儼通好於太祖太祖遣都事孫養浩報聘
遺玉珍書曰足下處西蜀予處江左蓋與漢季孫
劉相類近者王保保以鐵騎勁兵虎踞中原其志
殆不在嚮操下使其有謀臣如攸或猛將如遼邵
予兩人能高枕無憂乎予與足下實唇齒之邦願
以孫劉相吞噬爲鑑自後信使往返不絕其冬蜀

中星隕如雨明年春玉珍病革名戴勝等諭曰西
蜀險固若協力同心左右嗣子則可以自守不然
後事非吾所知也遂薨凡立五年年三十六子昇
嗣葬玉珍於江水之北
昇年六歲爲皇太子既嗣位改元開熙尊母彭氏
爲皇太后權同聽政是時昇甫十歲諸大臣皆羈
梏不旨相下而右丞相萬勝知樞密院張文炳兩
人故有隙文炳與玉珍養子昭善昭出入禁中乃
嗾昭矯彭氏旨召勝殺之勝開國功最多死不以
辜蜀人多憐之者吳友仁自保寧移檄以清君側
爲名昇命戴壽討之友仁遣壽書曰不誅昭則國
必不安衆必不服昭若朝誅吾當夕至壽乃奏誅
昭友仁入朝謝昇於是諸大臣用事而友仁尤專
擅自恣國枋旁落天統之業衰矣是歲昇遣使告
哀於太祖已又遣使入聘太祖亦遣侍御史蔡哲
報之昇嗣位之三年是爲明洪武元年明師克元
都昇奉書稱賀其明年太祖遣使來求大木昇遂
并獻方物帝賜璽書答曰朕觀古之有蜀者如公
孫述劉備以來類能棄機進取而善守之術未聞
今足下立國必圖所以守此可也其冬遣平章楊

環來招諭環勸昇歸朝昇不能從又明年興元
將以城迎降於明師吳友仁數往攻之不克是歲
明遣使假道征雲南昇不奉詔又明年乃命征西
將軍湯和率副將軍廖永忠等以舟師由瞿唐趨
重慶前將軍傅友德率副將軍顧時等以步騎由
秦隴趨成都先是戴壽言於其主曰以王保保李
思齊之彊猶莫能與明抗況吾蜀襟山帶江非中原
計將安出吳友仁曰不然吾蜀襟山帶江非中原
比莫若外假交好以緩敵內修武事以示備昇以
爲然遣莫仁壽以鐵索橫斷瞿唐峽口至是又遣

續纂卷三十二

圭

戴壽鄒興吳友仁等益兵爲助遂北倚羊角山南
倚南城砦鑿兩岸石壁引鐵索爲飛橋三平用木
版置礮以拒明師又遣兵北守金牛隘傅友德
知階文二州無備進破階州又破文州戴壽聞二
州破乃留鄒興等守瞿唐而自與友仁還會向大
亨之師以援漢州數與明人戰皆大敗壽大亨
保成都友仁走保寧會廖永忠亦破瞿關飛橋
鐵索皆縱火燒斷鄒興中矢歿夏人皆潰遂破夔
州師次銅鑼峽昇震恐右丞劉仁勸奔成都昇母
彭氏泣曰縱成都可到亦僅延旦夕命耳仁曰然

則奈何彭氏曰大軍所過執如破竹不如蚤降以
活民命昇即遣使齎表乞降於是面縛銜璧與觀
與母彭氏及官屬降於軍門湯和受壁廖永忠解
縛承制撫慰下令諸將不得有所侵擾使壽大亨
子弟以書往成都招諭悉送昇等京師秋七月昇
既至詔禮官議受降禮禮部臣援孟昶降宋故事
上言皇上御奉天殿明昇於午門外跪進待昇表
侍儀使奉表入宣表官讀訖承制官出傳制昇等
俛伏侍儀舍人掖昇起其官屬皆起跪聽宣制釋
昇昇等五拜三喏萬歲承制官傳制賜衣服冠帶

續纂卷三十二

圭

侍儀舍人引昇入丹墀中四拜出丞相始率文武
官行賀禮帝乃曰昇幼弱事由臣下與孟昶異
免其伏地上表待昇之儀是日授昇爵歸義侯賜
第京師冬十月湯和等悉定川蜀諸郡縣執保寧
守將吳友仁遂班師還凡得夏金銀印五十八銅
印六百有四總制府七元帥府八宣慰宣撫司二
十五州三十七縣六十六官吏將士五萬九百九
十人詔侍臣劉基作平蜀頌又御製文一篇推功
傅廖兩將軍以示廷臣云五年徙歸義侯昇於高
麗

陳友諒傳

陳友諒沔陽人本姓謝氏祖千一贅於陳因從其姓父晉才業漁友諒少讀書略通文義有術者從友諒游相其先世墓地尅期示友諒曰某年當大賢友諒心竊喜嘗爲縣小吏非其好也聞羅田徐壽輝與倪文俊兵起壽輝已稱皇帝國號天完慨然偕其兄弟赴之晉才內恐語友諒曰汝漁家子何不歸守故業乃作此滅族事荅曰術者之言此其時矣竟不聽文俊以友諒爲簿書掾數從戰有功擢領兵元帥文俊專天完政友諒心不平值文

續纂卷三十二

南

俊謀弑壽輝而不果出奔黃州友諒樂變襲殺之自稱宣慰使尋稱平章政事是歲元至正十七年天完治平七年也其明年率兵陷安慶又破龍興瑞州諸路因分遣諸將取邵武及吉安而自以兵入撫州已又破建昌贛州信州諸路已又遣將取襄陽又攻衢州取杉關由是友諒兵在天完諸將中最彊友諒既陷安慶命部將趙普勝鎮其地普勝數與王師鬪太祖患之招致普勝所善客爲其謀主者厚資金帛使潛入友諒軍說陳氏所親以間普勝普勝不之覺見友諒使者輒自誦其功恠

續纂卷三十二

主

恠有德色友諒屢銜之且疑其貳於己藉會師安慶爲名自江州猝至普勝不虞友諒之見圖也以燒羊逆於鴈汊甫登舟友諒卽殺普勝而并其軍乃以輕兵襲池州遇伏發盡覆於九華山下僞使使者告太祖曰戰非吾意也巡邊者悞爲之耳蓋其飾詐類如此始友諒之破龍興也其主壽輝欲徙都之友諒不可數遣人阻其行未幾壽輝遽發漢陽次於江州江州蓋友諒治所也友諒伏兵郭門外然後逆壽輝入乃閉城門悉殺其所部而卽江州爲都奉壽輝以居友諒自稱漢王置王府官屬立府第於城西隅遂挾壽輝東下攻陷太平路駐舟采石磯急謀篡位遣部將陽白事壽輝前陰戒壯士挾鐵撾伺其後立擊壽輝碎其首壽輝旣死以采石五通廟爲行殿昇神像棄之卽皇帝位於其中國號漢改元大義命天完官屬自太師鄒普勝以下皆仍故官會天大風雨羣臣班沙岸稱賀冠服俱沾濡幾不能成禮識者以是知其不終是歲元至正二十年天完治平十年也友諒性雄猜好以權術馭下旣卽位盡撫有江西湖廣之境益驕蹇自恣恃其兵彊遂欲東取建康又爲故將

康茂才書所誘引兵直抵龍江先遣萬人登岸立柵王師覲前拔之友諒麾衆與之爭衆潰趨舟適舟膠於淺殺溺及被俘者無算友諒棄別舸脫走江州王師乘勝復取太平路既而太祖悉兵西上奄及江州距城五里而軍友諒倉卒不能禦挈妻子夜奔武昌於是江西諸將相次乞降於太祖其明年治樓船數百艘皆高數丈飾以丹漆每船凡三級級置走馬棚上下人語聲不相聞艙箱皆裹以鐵載其家屬百官盡銳往圍南昌親督衆屯於撫州門用飛梯衝車諸具百道薄城城中堅守幾三月友諒不能下聞太祖以兵來援始徹圍東出鄱陽湖逆戰於湖中之康郎山所殺傷略相當越三日友諒集巨艦連鎖爲敵旌旗樓櫓望之如山王師不敢叩攻友諒氣盛指謂諸將曰是可一鼓禽也日將哺東北風作太祖以漁舟實荻葦及火藥其中遣善舟者操之使前傷具走舸因乘風縱火延燒漢舟百餘艘友諒弟友仁等皆燒死友仁號五王吵一目以勇略見推於漢既死友諒爲之氣索是戰也王師乘小舟往返輕駛而漢軍俱艤艤巨艦不利進退故遂及於大敗翼日戰又敗友

諒欲退保鞏山而太祖已先搃湖口邀友諒歸路相持湖中者數日友諒謀於其衆其右金吾將軍曰出湖實難莫若焚舟登陸直趨湖南以圖再舉左金吾將軍曰此則自示弱也萬一彼以步騎躡我我進不及前退失所據大事去矣友諒不能決既而曰右金吾之言是也左金吾以言不用而懼舉所部詣王師降右金吾知之亦降友諒益困太祖凡再移友諒書其略曰吾欲與公爲約從之舉各安一方以俟天命此雅志也公既失計肆毒於我我輕師開出遂奄有公之龍興十一郡猶不自悔禍復構兵端一困於洪都再敗於康山骨肉將士重罹塗炭非逆天背人之效邪公卽僥倖生還亦安卻帝號革黃屋左纛之制坐待眞主不則喪家滅姓悔之晚矣友諒得書忿恚卒不報久之漢軍乏食不得已率樓船突圍欲出禁江口西遯王師復以火筏火器衝之漢軍且鬪且走日暮猶不解而友諒方從舟中引首出有所指搗驟中流矢貫目睛及顙死矣其軍遂大潰太子善兒被執太尉張定邊夜挾友諒次子理載其屍還武昌先是友諒之起既不聽父普才言普才家居漁如故

及賢往逆其父於是普才又曰汝違吾命吾不知汝死所矣不數歲竟死如普才所揣云友諒故豪侈嘗造鏤金牀甚工其宮中佗器物類是漢亡之後江西行省以牀獻太祖歎息曰此與孟昇七寶溺器何異陳氏窮奢極靡宜其敗也命有司毀之友諒凡立四年

理爲友諒幼子兄善兒被執張定邊率羣臣奉理嗣位改元德壽其冬太祖親督兵征武昌明年春定邊知事急遣卒夜縋觀音閣踰城走岳州告其丞相張必先入援必先次軍洪山王師擊禽之以

續纂卷三十二

九

徇於城下必先嘗兄事定邊遙呼曰事不濟矣兄其善自圖惟速降爲上定邊氣結默默者良久必先故曉將漢軍號潑張一時倚以爲重見之皆喪沮由是欲降者衆太祖乃遣漢故臣羅復仁入城招理語在復仁傳理率定邊等開城門出降旣入軍門理俛伏不敢視太祖見理幼弱掖之起握其手曰吾不汝臯也師旋建康授爵歸德侯先是普才五子長友富次友直又次友諒又次友仁友賢友仁友賢前死鄱陽遂封普才承恩侯友富歸仁伯友直懷恩伯贈友仁南康王命所司立廟祀之

以友賢附理歸京師出語頗怨望帝曰此童孺小過耳恐爲小人蠱惑不得完朕恩宜處之遠方洪武五年徙歸德侯理及歸義侯明昇於高麗詔故元樞密使延安荅理護行賜高麗王羅綺俾善視之亦徙普才等滁陽

論曰術家之言多奇而牽中筭與王固嘗有之而奸雄亦開託焉彼相墓云云得毋陳氏欲僭以惑衆與不然知其興不知其亡卒陷友諒僭逆致不良死其言不亦妖乎

熊天瑞荊州人本爲樂工蔡亂從徐壽輝鈔略江

續纂卷三十二

九

湘閒後受陳友諒命攻陷臨江吉安又攻陷贛州友諒嘉其功俾以參知政事守贛兼統吉安南安南雄韶州諸路久之陽言欲率兵東下署其幟曰無敵自稱金紫光祿大夫司徒平章軍國重事兼侍衛親軍都指揮使友諒不能制也漢人攻南昌檄天瑞會兵天瑞觀望不應命陰圖取廣東乃造戰艦於南雄不一年艦成遂率舟師數萬趨廣州是時元將何真方據廣以兵逆於胥江天瑞恃已彊謂廣東可不戰下也會天大雷雨震折其艦檣不能進天瑞驚惶叩天祝曰某不應取廣州者卽

天常霽祝已天果霽始旋師歸贛望氣者言於天
瑞曰將有外兵至可爲厭勝天瑞不之信太祖兵
克臨江始大懼遣養子元震築壘太壺頭爲備及
平章常遇春等抵贛州城下天瑞悉力拒守凡五
越月乃肉袒詣軍門降太祖宥之授指揮使其明
年從攻浙西叛降於張士誠敕城中飛礮以擊外
軍外軍多傷者城中木石俱盡至擁祠廟民居爲
礮具吳人皆患之士誠旣禽天瑞遂伏誅有周時
中者龍泉人嘗爲壽輝平章事其後亦率所部降
太祖問天瑞何如人時中極言天瑞反覆不忠策
其必叛至是果如時中言時中累官吏部尚書出
爲鎮江知府歷福建都轉運使司副使元震本姓
田氏善戰有名天瑞愛之故養以爲子常遇春之
圍贛也元震竊出覘兵執遇春亦引數騎出猝與
相遇元震不知是遇春也過之及遇春還始覺遂
單騎前襲遇春遇春遣從騎揮刀擊之元震奮鐵
撾且鬪且走遇春曰壯男子也舍之由是喜其才
勇旣從天瑞降薦以爲指揮使天瑞誅復故姓云
擬明史列傳卷二終

康熙乙丑夏四月同里周公贊校字

鈍翁續彙卷三十三目錄

列傳卷三

張士誠

陳友定

子海附

方谷直

劉仁本附

納哈出

鈍翁續彙卷三十三目錄終

擬明史列傳卷三

別業三

張士誠傳

張士誠小字九四泰州白駒場亭人有弟三人士義士德士信兄弟並以操舟運鹽爲業緣私鹽作奸利頗輕財好施得羣輩心常鬻鹽諸富家多陵侮之或負其直弗酬而弓手丘義尤窘辱士誠甚士誠忿卽率諸弟及壯士李伯昇等十八人殺義并剽滅諸富家縱火焚其居自度得舉入附近場招集少年起兵過丁谿爲大姓劉子仁者所益士義中矢死士誠擊走子仁棄勝陷泰州取興化結砦德勝湖有衆萬餘元以萬戶告身招之拒不受攻據高郵自稱誠王國號大周改元天祐是歲元至正十四年也元命右丞相脫脫討之久不下會脫脫罷官去元兵遂大潰士誠復振踰一年淮東饑士誠留兵守高郵而身由通州渡江入常熟攻據平江并陷湖州松江及常州諸路改平江爲隆平府卽承天寺爲府第踞坐大殿中射三矢於棟上以識是歲太祖亦下建康遣使通好於士誠其書曰晉隗囂稱雄於天水今足下亦擅號於姑蘇事執相等吾漢爲足下喜睦鄰守境古人所贊竊

甚慕焉今者信使往來毋惑讒言以生邊釁士誠得書不報太祖之以兵爭常州也士誠遣士德赴救馬蹶被執始復太祖書請歲輸糧二十萬石黃金五百兩白金三百斤以贖士德太祖不許士德小字九六勇略爲士誠諸將冠潛寓書士誠俾降元人以求助遂不食死士誠旣感士德言而又數爲苗帥楊完者所敗因請降於元元拜士誠太尉授其黨官秩有差久之元賜御酒龍衣且來徵漕貢士誠乃貢糧十一萬石於大都歲以爲常旣而士誠益驕命其所部頌功德以求王爵元人不可士誠以計誘殺楊完者遣兵趨據杭州遂自立爲吳王尊其母瞽氏爲王太妃以弟士信爲丞相置王府官屬別治府第於城中元人徵糧不復與遂與元絕有參軍俞思齊者字中孚泰州人諫士誠曰爲賊不貢可也臣而無君可乎士誠怒抵案仆地思齊卽移疾退是歲至正二十三年也當是時士誠拓土南抵紹興北踰徐州達於濟寧之金溝上下二千餘里帶甲數十萬以士信及女夫潘元紹爲腹心左丞徐義李伯昇呂珍爲爪牙參軍王敬夫蔡彥文葉德新主謀議元學士陳基石丞饒

介典文章又好招延賓客所贈遺輿馬居室什器甚具諸僑寓貧無藉者爭趨之士誠爲人外遲重寡言號爲有器量而中實闇弱既據有吳中吳承平久士庶戶口殷盛士誠漸奢縱怠於政事士信元紹尤好聚斂自金玉珍寶訖古法書名畫無不充牣於家前堂羅鍾鼓後房被綺縠理箏弦日夜以歌舞相娛樂諸將亦偃蹇不用命每有攻戰輒稱疾高臥邀求官爵美田宅然後起甫至軍所載婢妾樂器踵相躡不絕或大會游談之士樗蒲蹴鞠一不以軍務爲急及其喪師失地而還士誠槩置不問已復用爲將其威權不立如此故遂至於亡焉太祖與士誠接境士誠數以兵侵掠適太祖方討陳友諒未暇技也友諒亦遣使約夾攻太祖而士誠欲守境以觀變故雖許漢使者而卒不行太祖既平武昌卽回師徇下士誠淮東諸郡移檄平江數士誠八舉使大將軍徐達副將軍常遇春率兵東伐自太湖趨湖州吳人逆戰於弁山又戰於七里橋於舊館皆敗士誠親督兵戰於阜林之埜又大敗復遣潘元紹以赤龍船屯於平望爲聲援常遇春縱火焚其船所失軍資器械無算由是

續纂卷三十三

三

湖州及嘉興松江諸守將相次出降而杭州亦降於朱文忠遂進築長圍以困士誠先是太祖之東伐也集諸將議所向常遇春請曰逐梟者必覆其巢去鼠者必熏其穴此行宜直擣姑蘇夫亦士誠之巢與穴也太祖曰否士誠與張天驕潘原明輩相倚如左右手今不分其執若天驕出湖州原明出杭州援兵四合非取勝之道也莫若先攻湖州使其疲於奔命破之必矣至是果如太祖言士誠拒守數月太祖移書招之曰古之豪傑以畏天順民爲賢以全身保族爲知若漢竇融宋錢俶是也爾宜三思慎勿自取夸滅爲天下笑士誠得書不報數突圍決戰俱不利故養勇勝軍號十條龍者皆驍猛善鬪每令被銀鎧錦衣出入敵中亦悉敗溺萬里橋下死最後丞相士信又中礮死城中洵無固志平江城遂破士誠猶收餘衆戰於萬壽寺東街其衆散走倉皇歸府第拒戶自縊故部將趙世雄促解之大將軍數遣李伯昇潘元紹等諭意瞋目不荅昇出封門入舟不復食至京師竟自縊死年四十七命賜棺葬之方士誠之被圍也語其妃劉曰吾敗且死矣若暫何爲劉荅曰君母憂

續纂卷三十三

四

妾必不負君積薪齊雲樓下及城破驅羣妾登樓
令養子辰保縱火焚之亦自縊死有二幼子匿民
間不知所終先是王敬夫等三人用事吳人知士
誠必敗有黃葉葉十七字謠其後卒驗云士誠既
亡潘元紹等皆誅死太祖乃御戟門召故吳諸降
將諭曰取富貴易保富貴難汝暫在吳耽於逸樂
惟知聲色子女是故卒爲我禽自今宜革心滌慮
勉佐大軍削平禍亂庶幾長享富貴延及子孫張
氏覆亡遺轍不可不戒也諸將皆叩頭唯唯士誠
自起至亡凡十四年

續纂卷三十三

五

論曰士誠斗筭小器願得乘時僥倖割據方隅既
無立國之謀又鮮幾先之哲乃欲擁烏合之衆假
浮夸之客屈強跳梁遷延歲月不亦難乎太祖比
之隗囂可謂知人矣

方谷真傳

方谷真本名珍一名國珍台之黃巖人身長七尺
餘體白如瓠兒者皆異之元至正中起兵掠沿海
州縣元不能制招授定海尉谷真不受趨犯馬鞍
諸山誘殺達魯等赤泰不魯元人復招授徽州路
治中谷真仍拒命乃以爲海道漕運萬戶由是據

有台溫慶元三郡之地同縣章子善者好縱橫家
言悉說之曰今豪傑竝起有分裂之勢足下奮袂
一呼海瀕響應溯江而上則南北中絕擅餽運之
聚以舟師四出則青徐遼海閩廣甌粵可傳檄定
也足下豈有意乎谷真曰君休矣吾始志不及此
願君勿言子善遂謝去元累擢谷真至江浙行省
參知政事是時東南承平日久特起稱亂者自谷
真始谷真既受元官益擁兵驕恣元人亦姑羈縻
之藉以通海運於上都不復詰責也太祖取婺州
使主簿蔡元剛使慶元谷真謀於其下曰江左號

續纂卷三十三

六

令嚴明恐不能與之抗況爲我敵者西有吳南有
閩莫若姑示順從藉爲聲援以觀其變衆皆以爲
然谷真遣使奉書進黃金五十斤白金百斤文綺
百匹太祖復以鎮撫孫養浩報之谷真請以三郡
獻且遣次子關爲質太祖乃曰古者慮人不從則
有盟誓盟誓不已有交質子此皆衰世事也苟誠
心來歸何嫌何疑而以質爲哉厚賜關而遣之復
使博士夏煜拜谷真福建行省平章事弟國瑛參
知政事國珉樞密分院僉事谷真名獻三郡實陰
持兩端煜既至乃詐稱疾自言老不任職惟受平

章印誥而已太祖察知其情以書諭曰吾始以汝
豪傑識時務故命汝專制一方汝顧中懷叵測欲
覘我虛實則遣侍子欲卻我官爵則稱老病此何
爲者夫知者轉敗爲功賢者因禍成福汝審圖之
是時元方超授谷眞行省左丞相賜爵衛國公分
省慶元谷眞受之如故特以甘言謝太祖絕無內
附意也及得所諭書竟不省太祖復以書諭曰福
基於至誠禍生於反覆隗囂公孫述故轍可鑒矣
大軍一出恐不可以虛辭解也谷眞詐窮始陽爲
惶懼對使者引過曰鄙人無狀致煩鐫責既而谷

續集卷三十三

七

眞從子明善趨爭平陽爲參軍胡漢軍所敗乃與
谷眞謀請歲輸白金三萬兩以給軍賞又謂埃杭
州下卽納土入朝太祖遂詔溪班師吳元年旣克
杭州谷眞據境自如方遣間諜假貢獻名以覘王
師勝負又數通好於陳有定圖爲犄角計太祖聞
之怒命徵軍糧二十三萬石於谷眞仍以書諭之
且曰非分之恩不可數得也書到谷眞集衆議事
其郎中張本仁曰江左方圖姑蘇姑蘇勍敵成敗
未可量也彼安能越千里而取我左丞劉庸曰江
左多步騎此平地長技也其如吾海船何衆皆以

爲然有丘楠者獨爭曰二者均非公福也惟知可
以決事惟信可以守國惟直可以用兵公之經營
浙東十餘年矣遷延猶與計不蚤定不可謂知既
許之降抑又倍焉不可謂信彼之徵師則有辭矣
我實負彼不可謂直季而扶服請命庶幾可視錢
俶乎谷眞不聽惟日夜運珍寶治舟楫思汎海而
已太祖遂數谷眞十二過命參政朱亮祖下台州
繼又下溫州命平南將軍湯和以大軍長驅抵慶
元谷眞率所部遁入海中其部下諸將相次出降
湯和數令人開示以順逆谷眞始遣關奉表乞降

續集卷三十三

八

曰臣聞天無所不覆地無所不載王者體天地
於人無所不容臣荷主上覆載之德舊矣不敢自
絕於天地故一陳愚衷臣本庸才遭時多故起身
海島非有父兄相藉之力又非有帝制自爲之心
方主上霆擊電掣至於婺州臣愚卽遣子入侍固
已知主上之有今日矣所以依日月之末光望雨
露之餘潤者也而主上推誠布公俾守鄉郡如吳
越故事臣遵奉條約不敢妄生節目子姓不戒潛
構讒端猥勞問學之師私心戰兢用是遂俾守者
出迎然而未免浮海何也咎季子之於其親小杖

則受大杖則忝臣之情事適與此類卽欲面縛待
梟闕庭復恐嬰斧鉞之誅使天下後世不知臣得
辜之濫將謂主上不能容臣豈不累天地大德哉
蓋幕下士詹鼎辭也太祖覽而憐之賜書曰汝違
吾諭至於六師徂征猶懷觀望不卽斂手歸命次
且海外負恩實多今者窮蹙無聊情辭哀懇迫人
於險吾故恥之當爲汝不記前過汝勿自疑遂促
谷眞入覲面讓之曰若來得毋晚乎谷眞頓首謝
授廣西行省左丞數歲卒於京師子禮官廣洋衛
指揮僉事禮弟關虎貴衛千戶所鎮撫關弟行字

續纂卷三十三

九

明敏善詩承旨宋濂嘗稱之劉仁本字德元谷眞
同縣人元末以進士業中乙科歷官江浙行省左
右司郎中與張本仁俱入谷眞幕數從名士趙俶
謝理朱右等賦詩尤有稱於時谷眞海運輸元實
仁本司其事朱亮祖之下溫州也獲仁本以還太
祖數其辜鞭背潰爛死餘官屬從谷眞降者皆徙
滁州獨赦丘楠以爲韶州知府

論曰小說家謂谷眞故佃富人田桑閒臨田主貯
瓮中遂以倡亂信如此亦倍義甚矣然且不忠於
元不信於明顧太祖殺陳有定而賞谷眞其視漢

祖之待丁公季布相距得毋遠乎抑果表文悽惻
足以動帝心也國珍稱谷眞者蓋以降後避明諱
云

陳有定傳

陳有定一名友定字安國福清人徙居汀之清流
世業農爲人沈勇喜游俠鄉里皆畏服之嘗充明
谿鎮驛卒有汀州府判蔡公安者至清流募民兵
討賊有定應募入見公安與語而奇之使掌所募
兵署爲黃土砦巡檢以功進清流縣尹及陳友諒
兵戰於黃土擊走其將鄧克明不數年元趙拜有
定行省參知政事尋加平章事開省延平盡有福
建八郡之地有定以農家子起傭伍目不知書及
據八郡數招致文學知名之士如閩縣鄭定廬州
王翰之屬畱置幕下麤涉文史習爲五字小詩皆
有意理然頗任威福不循法度所屬違令者輒承
制誅竄不絕漳州守將羅良心不平以書責之曰
郡縣者國家之土地官司者人主之臣役而屠廩
者朝廷之外府也今足下視郡縣如室家驅官寮
如園僕擅屠廩如私藏名雖報國實有鷹揚跋扈
之心不知足下欲爲郭子儀乎抑爲瞿孟德乎有

定得書怒移檄漳州曰蚤降則享富貴不則唯類無遺良不受命有定竟以兵誅良由是威振閩中太祖既取方谷眞遣使至延平招諭於是有定置酒大會諸將及賓客殺明使者瀝其血酒瓮中與衆共酌飲之酒酣誓於衆曰吾輩竝受元厚恩有不以死拒者身磔妻子戮遂往巡視福州環州城皆築壘距壘五十步輒築臺一成益嚴兵爲拒守計太祖遣將軍胡廷美等山江西路入杉關湯和等由明州海道趨福州有定聞杉關破急分軍爲二命其將以一軍守福而自率一軍守延平以相

續纂卷三十三

本

犄角及明師抵福之五虎門城中引兵逆戰而敗明人竝緣南臺蟻附登城有定不能救也踰一月湯和進攻延平有定謀於衆曰敵方氣銳難與爭鋒不如以持久困之諸將請出戰不許數請不已有定疑所部欲叛而會軍器局災城中礮聲震地明人知有變益急攻城有定噤其屬訣曰大事已去吾惟一死報國諸君宜自努力因退入省堂印藥於是所部爭開城門納明師師入趨視有定猶未絕也昇出水東門適天大雷雨有定復甦遂械送京師先是明師在浦城參軍胡漢敗於錦江上

有定執而殺之語在漢傳旣入見帝詰有定殺漢狀有定抗對曰事敗家亡死耳尚何言卒坐弃市子海一名宗海工騎射亦喜賓禮文士有定旣被執自將樂詣軍門降至是從有定死帝命胡漢子積鬻有定肉以祭其父云有定與方谷眞後先起事皆假元位號據有一方其才亦略相埒谷眞舉族內附徑保令終而有定父子死義時人稱其完節益非谷眞可望也鄭定字孟宣好擊劍爲有定記室及敗浮海入交廣閒久之還居長樂洪武末累官至國子助教王翰字用文在子偁傳中

續纂卷三十三

本

納哈出傳

納哈出札刺兒氏元魯國忠武王木華黎裔孫也至正中以萬戶守太平太祖旣拔采石磯因縱兵克其城執納哈出以其元世臣子孫待之良厚納哈出居常鬱鬱不樂太祖遣降將黃儔往察其去就納哈出曰荷恩不殺誠不知所以報然我北人也終不能忘北儔以告太祖太祖曰吾固知其心也顧謂徐達等曰納哈出心覲北歸今強留之不如縱之達爭曰狼子野心縱之必貽患不如殺之太祖曰無故而殺之非義也遂資而遣之及

大都既下帝數命諸帥北清沙漠凡故元遺衆或俘或遠徙由是鈔掠益希邊境漸以無事獨納哈出駐兵金山入寇遼東自若帝頗患之每遣璽書反復風以利害且用好語爲納哈出敘說故恩不聽凡遣使數輩最後復遣黃儔遂爲其衆所殺至洪武十九年乃命大將軍馮勝率師討之初納哈出既歸元元人超擢其官累至丞相所部遂益彊分爲三帳曰榆林曰養鶯莊曰龍安一禿河輜重無算馬牛羊布壁元主屢招之亦不至及是大將軍以師薄其地而帝又遣其故將乃刺吾齋書往

續纂卷三十三

主

諭乃刺吾抵松等河納哈出且驚且喜謂曰吾意汝死矣顧得復相見於此因執手勞問殷勤乃刺吾具道所以始使使者獻馬於大將軍名爲約降實覘明師彊弱使者見大將軍師盛還報納哈出納哈出指天噴噴歎曰天不復許我有此衆矣奈何會大將軍遣右副將軍藍玉往一禿河受其降納哈出從數百騎詣玉營飲酒歡甚酒次以口語相讓爲鄭國公常茂斫傷其臂都督耿忠以騎擁之趨見大將軍語在藍玉傳於是所部官屬將吏三千餘人士卒二十餘萬人悉解甲隨納哈出降

帝聞之大說齎賜納哈出玉帶一金飾香帶一白金文綺稱是賜其妻子粟五百石既入見帝撫慰曰若猶念朕故恩乎今而後可以報矣納哈出頓首謝遂封海西侯授其官屬指揮千百戶分隸諸都司有筓乃刺吾者故納哈出部將從寇遼東爲明守將所生得帝遂活之既抵松等河納哈出送之元主所元主欲殺之賴左右力諫得免復歸納哈出因爲其部衆備述朝廷撫恤之意以是納哈出所部心動無有戰者帝嘉其功亦擢授千戶二十一年命納哈出從征雲南納哈出性嗜酒日夜

續纂卷三十三

南

耽飲不節盛夏又好以水沃體遂得疾詔太醫視療數戒其飲及行飲酒如初疾大作卒於武昌子察罕嗣改封濟陽侯坐藍玉黨死同時有五十八者阿速人習其國書入元國子學巍識傳記元主在應昌以爲平章政事聞納哈出降亦帥衆來歸賜姓汪氏授河州衛指揮僉事數從征阿者失力八禿及打里番皆有功爲人頗淳謹既歸明益恬退不與衆競卒能以功名終

擬明史列傳卷三終

康熙乙丑夏四月同里周公贊校字

鈍翁續彙卷三十四目錄

列傳卷四

徐達 子輝祖 增壽

常遇春 子茂昇

續彙卷三十四目錄

鈍翁續彙卷三十四目錄終

擬明史列傳卷四

別彙四

徐達傳

徐達字天德濠州人滁陽王郭子興之據濠也太祖爲其部帥達往從之一見語合畱置麾下出入必從謀議授鎮撫俾位諸將上尋從破元兵於滁州澗再從取和州皆有功太祖爲孫德崖軍所執子興亦方誘執德崖達詣德崖軍請代且曰歸我朱公子我亦歸而帥太祖始得脫身歸達亦徑獲免未幾從渡江拔采石磯搗太平與常遇春皆爲軍鋒冠尋從破禽元將陳也先於太平城下別將兵取溧陽溧水二州遂從下集慶路命達率諸將以舟師拔鎮江授淮興翼統軍大元帥時張士誠方據常州挾我叛將陳保二將闕建康達禦之於龍潭大敗之請益師以圍常州其平章張士德來援達曰士德勇且狡未易力勝也豫設三覆以待遂禽士德進圍常州與先鋒遇春合擊張士誠軍於牛塘復大敗之禽其將張德其明年克常州進僉樞密院繼克寧國又以輕兵徇下空輿太祖親攻婺州命達畱守應天別遣兵破天完將趙普勝於池州遷同知樞密院事從取無爲州別以兵夜

掩浮山寨破普勝部將於青山因得潛山縣還鎮
池州與僉院遇春設伏敗陳友諒軍於九萼山下
斬首萬人生擒三千人遇春曰此勁旅也不殺將
爲後患達不可乃以狀聞報使勿殺而遇春先以
夜阮其人過半太祖不懌悉縱遣餘衆於是始命
達盡護諸將矣士誠兵陷宜興率師復之進行中
書省右丞從破友諒軍於龍灣取江州前營漢江
之沌口復從取南昌降將祝宗康泰叛以沌口軍
還討平之從援安豐破士誠兵遂圍廬州會漢人
寇南昌召達自廬州來會師遇友諒軍於鄱陽湖

續集卷三十四

三

以輕舸搏戰獲其舟一艘俘其衆千五百人友諒
軍奪氣再命畱守應天進左相國率兵取廬州略
下江陵常德夸陵衛州復下淮東諸郡縣太祖遂
議征吳右相國善長請緩之達曰張氏諸大將如
李伯昇輩擁子女玉帛直且暮人耳用事者黃蔡
葉三參軍白面書生易與也臣奉威德以大軍蹙
之當自潰太祖大說拜達大將軍平章遇春副之
率師東下大破士誠兵於湖州之阜林鹵甲士六
萬人進抵平江達軍蒔門遇春軍虎丘郭子興軍
婁門藝雲龍軍胥門湯和軍閶門王弼軍盤門張

溫軍西門康茂才軍北門耿炳文軍城東北仇成
軍城西南何文輝軍城西北築長圍困之架木塔
與城中浮屠等別築臺三成曰敵樓下瞰城中上
置弓弩火筒又置巨礮其中所擊輒糜碎城中大
震達遣使請事敕勞之曰將軍天性忠勇故能遏
絕亂略消弭羣雄雖古豪傑士不是過也今者事
必稟命此將軍之忠吾甚嘉之然將在外君不御
自後軍中緩急將軍其便宜行之吾不中制平江
城破執士誠送應天得勝兵二十五萬人始達之
將破城也與遇春約曰師入吾營其左公營其右

續集卷三十四

三

又令將士曰掠民財者死毀民居者死離營二十
里者死既入城吳人按堵如故師還封信國公等
拜征虜大將軍北伐車駕親駕於龍江是時稱名
將者必推達遇春兩人者才勇相類皆太祖所倚
重遇春懷疾飲淡入而達尤長於謀略遇春每下
城邑不能無誅戮而達所至不擾卽獲壯士與謀
亦皆結以恩義俾爲己用由此多樂附大將軍者
遇春不及也至是太祖而論諸將謂軍中持重有
紀律戰勝攻取得爲將之體者莫如大將軍達又
謂達閫外之寄汝責任之進取方略宜自山東始

於是師行克沂州降其守將王宣取益都定兗東諸郡縣其明年爲洪武元年冊立皇太子以達兼太子少傅達游河取汴梁李克彝遁去由虎牢關入洛陽攻潼關李思齊奔鳳翔張思道奔鄆城遂入潼關徇下華陝鈞許陳汝諸州及諸山寨帝幸汴梁達率諸將還謁行在所置酒勞達曰河朔士民忍倒懸以待將軍將軍其以時進兵達既拜命渡河取衛輝彰德廣平趙州山臨清趨德州取長蘆次於山沾作浮橋以濟師敗走元軍於河西務長驅入大都元主北逃達陳兵登齊化門執其監國淮王帖木兒不勢左丞相慶童平章迭兒必失朴賽因不勢右丞張康伯御史中丞滿川等數以泣職無狀且不先納款斬之自餘不戮一人封府庫籍其圖書寶物以兵千人守宮殿門使宦者護視諸宮人妃主禁士卒毋有所僥暴凡獲玉印二玉璽一奏捷京師詔置六衛命孫興祖領之分徇保定及中山河間真定懷慶次第平之合兵西取澤潞元主使其河南王擴廓帖木兒出鳳門徑保安以攻北平達聞之與諸將謀曰擴廓遠出太原必虛孫都督統六衛之師足以鎮禦今桀敵不

備直促太原傾其巢穴使達不得戰退無所依所謂批亢搗虛者也彼若西還自費此誠善計諸將皆曰善乃引兵徑趨太原擴廓至保安果遣軍救之達選精兵夜襲其營擴廓遁去遂克太原得甲士四萬馬稱是別遣步騎屯石州於是崞忻霍絳猗氏平陽悉下二年取鹿臺河中關中進克鳳翔議師所向諸將皆曰張思道之才不如李思齊而慶陽易於臨洮請先向慶陽達曰不然慶陽城險而兵精猝未易拔也臨洮北界河湟西控羌戎得之其人足以備戰關地產足以佐軍儲威以大兵思齊不走則束手縛矣臨洮既克於旁郡何有遂度隴克秦州入鞏昌遣右副將軍馮勝逼臨洮李思齊果不戰降張思道弟良臣亦以慶陽降達西征平涼良臣復叛還督諸將攻拔之良臣自投於井出而斬之盡定陝西地詔達班師賜白金文綺甚厚其明年北征復破擴廓於定西取興元乃還是歲授開國輔運推誠宣力武臣特進光祿大夫左柱國太傅中書右丞相改封魏國公參軍國事予世券爲建第京師表其里曰大功坊名達與輿國公文忠宋國公勝宴射勞以交趾弓五十彤弓

百論曰古者諸侯有四夸功賜之弓矢因復命北征達抵嶺北而還自是往返鎮北平者十餘歲太陰數犯上將帝心惡之召達歸京師十八年蒙帝臨其喪拊屍大慟者良久追封中山王諡武寧賜葬鍾山之陰御製神道碑文配享太廟肖像功臣祠位皆第一達在軍中號令嚴肅諸將奉之若神尤能與最下士同甘苦統兵幾三十年勳勞甚盛不自矜伐帝嘗以兄呼之益恭謹不敢失禮家居絕聲伎之好日夜延接儒生雍容如也以是帝稱之曰婦女母所愛財寶母所取忠正無疵昭然曰

續彙卷三十四

六

月者大將軍一人而已子輝祖添福增壽膺緒添福蚤卒

輝祖初名允恭身長八尺五寸有材氣以勳衛署左軍都督府事達蒙以皇太孫嫌名改賜今名嗣爵數往巡陝西北平山東河南還領中軍都督府加太子太傅建文初燕王將起兵王次子高煦方畱京師輝祖其舅氏也先是帝頗疑輝祖兄弟至是高煦入輝祖殿中竊其善馬而逃輝祖大驚遣人追之不及乃以聞於朝帝遂親信輝祖久之命率師往援山東與燕兵遇於齊眉山凡再戰再破

之其之驍將死者至十餘人燕人大懼將引避而有詔召輝祖還衛京師輝祖既還於是諸將執孤相次敗績矣及燕兵渡江輝祖猶與開國公常昇分道力戰王既至全川門獨弗迎下吏命供皇狀輝祖操筆惟書其父開國勳及券中免死語成祖大怒削爵勒歸私第尋繫詔獄五年卒永樂十八年帝乃曰輝祖與齊黃輩謀危社稷朕念中山王有大功曲赦輝祖輝祖病歿中山王不可無後遂命其子釋迦保嗣賜名欽萬曆初詔錄建文時死事諸臣廟祀南京以輝祖居首欽嗣爵之次年入

續彙卷三十四

七

見帝於北京乞守其父墓忤旨謫居中都仁宗卽位復爵卒子顯宗嗣卒無子弟承宗嗣屢爲軍府提督南京守備加太子太傅卒子備嗣持重善爲容南京士民稱之加太子太傅卒贈太傅孫鵬舉嗣鵬舉之生也備寢宋鄂王岳飛入其室故以飛字名之爲人溫然長者加太子太保自備鵬舉嗣爵後相繼踰百年備凡再領提督守備共五十三年鵬舉亦三領是職共五十六年既皆享有壽考又久握兵政一時稱盛事云卒子邦瑞嗣邦瑞其庶長子也先是鵬舉有所嬖妾奏立爲夫人欲以

其子邦寧冒過爲非次格不許故邦瑞得嗣卒子
惟志嗣卒族弟弘基嗣加太子太保卒諡莊武子
久爵嗣順治二年歸附

增壽勇敢善騎射以父任累遷至左都督徐氏既
於燕爲戚屬而增壽又數從燕王出塞征乃兒不
繆由是歸心燕王建文帝既與王相猜嫌因謂增
壽王得母反乎增壽頓首曰燕王先帝同氣且富
貴已極何故反及燕師起數以京師虛實輸於燕
帝覺之未及問既而燕師至帝召增壽詰之不對
手劍斷其臂於左順門下王卽位追封武陽侯諡

續彙卷三十四

人

忠愍已又進定國公子景昌嗣永樂二十二年坐
事奪爵仁宗卽位詔與魏國公欽俱復爵如故卒
子顯忠嗣卒子永寧幼懋七年始得嗣以心疾予
半祿罷朝請卒子光祚嗣以東宮舊恩超進太傅
又以監修武庫二宗實錄成加太師太子太師卒
子延德嗣卒子文璧嗣加太保太子太傅卒子某
嗣嘉靖中詔裁恩澤侯世封有言定國公功弗稱
者世宗卒弗奪也洪武諸功臣惟中山子孫有兩
公分居南北京而累朝恩數則定國公常倍之矣
膺緒初爲尙寶卿擢大同中衛指揮僉事進中軍

都督僉事奉朝請永樂中仁宗爲皇太子時輝祖
增壽皆前死而膺緒以舅氏獨見尊寵既卽位授
其子景珩中軍都督僉事景璿企吾前衛指揮僉
事諸孫世襲指揮使勿絕

常遇春傳

常遇春字伯仁懷遠人長身白皙鰲臂善射初從
劉聚爲盜遇春察聚終無成率所部壯士歸太祖
於和陽未至困臥田閒寢神人被甲擁盾噉曰起
起主君來寤而太祖騎從適到遇春卽迎拜無何
請自爲前鋒太祖曰汝饑來就食耳吾安得汝爾

續彙卷三十四

九

也遇春涕泣固以請猶不許曰能相從渡江乎矣
克太平事我未晚也既引兵薄牛渚磯元兵陳於
磯上其下巨舟相次距岸且三丈餘莫能登者遇
春操輕舸繼進太祖麾之前遇春應聲奮戈先登
元軍皆披靡我師乘之遂入太平乃授總管府先
鋒進管軍總管元中丞蠻子海牙復以舟師襲據
采石太祖患之遣遇春多張疑兵以分元軍勢既
合戰復出奇兵衝其舟大敗之尋命守溧陽從攻
建康功爲諸將先從元帥徐達取鎮江再援達於
常州之牛塘遇春督諸將力戰破張士誠兵進統

軍大元帥既克常州遷中翼大元帥從達下寧國別取馬馱沙從下池州功最進行省都督馬步水軍大元帥從取婺州轉同僉樞密院事守婺等攻衢州降之進僉院移兵攻杭州未下召還應天從拔安慶趙管勝之水寨陳友諒將攻池州聲言救安慶太祖策知之命從知院達守池遇春與達伏銳士於九華山友諒軍果至伏發俘殺萬餘人復從破友諒軍於龍灣太祖追友諒命遇春畱守進行省參知政事從取安慶破江州還守龍灣命援長興俘殺張士誠兵五千餘人其將李伯昇解圍

續集卷三十四

遜尊號安慶城破斬叛卒羅友賢於池州悉平其餘黨當是時太祖所任將帥最著者平章邵榮右丞達與遇春爲三而榮尤宿將善戰至是怏怏有異心謀伏兵劫太祖事發覺太祖欲宥榮死遇春以爲不可曰人臣而以反名如之何宥之臣諫不與其生乃飲榮酒流涕而戮之自是益愛重遇春從援安慶戰功最俘殺士馬無算遂從圍廬州城將下太祖召遇春會師伐漢遇春至友諒亦引樓船出鄱陽湖以逆我師遇之康郎山漢軍築上流傾國東下其鏃銳甚遇春與之聯舟大戰會友諒

太尉張定邊直前犯太祖舟舟適膠於沙執且追遇春從旁射中定邊定邊退走太祖舟始得脫而遇春舟猝被圍又力鬪以出翼日復偕諸將大戰噓聲動天地無不一當百且縱火苴焚漢樓船風怒火熾煙燄障天湖水爲之盡赤所焚溺甚衆凡廬三日漢軍死者過半而我師失亡略相當諸將頗內怯以江水湍急請放舟東下姑縱友諒去遇春在側獨無言太祖知其情命迦舟西上以控湖口遇春乃應曰善而又別出奇兵絕漢饗道是役也卒熾友諒蓋遇春力多焉已從圍武昌圍甫合

續集卷三十四

而其丞相張必先自岳來援遇春逆擊禽之必先漢驍將也城中由是氣奪遂出降進中書平章政事從左相國達取廬州略下臨江之沙阮麻嶺十洞牛陂諸寨又取贛州悉定南安南雄韶州還取安陸襄陽等從克泰州復克高郵淮東地既下以副將軍進攻浙西鹵張士誠將尹義於太湖直趨湖州之弁山水陸鏖戰吳軍大潰遂圍湖州吳丞相張士信悉發境中兵屯於舊館壓我師背遇春將奇兵繞出敵後營東阡以絕士信歸路士誠知事急親出兵拒戰遇春一鼓破之復破其援兵赤

龍船於烏鎮於是舊館降得兵六萬以徇湖州湖州亦降遂圍平江久之諸將破封門遇春亦遂破閶門以入吳平召見進中書平章軍國重事封鄂國公復以征虜副將軍與大將軍率步騎二十五萬以北帝親諭曰當百萬之衆摧鋒陷堅莫如副將軍遇春吾不虞其不能戰虞其輕戰耳夫遇春大將也而好與一小校角甚非吾所望也遇春拜謝洪武元年以遇春兼太子少保從下山東諸郡取汴梁進攻河南元軍以五萬人敵洛水北遇春單騎手弓弩矢數十隻突其敵敵發二十餘騎攢槊刺遇春遇春一發中其前縫大噓馳入麾下壯士從之盡俘其衆於是河南悉平還謁帝汴梁帝勞之曰將軍以大軍北征不踰歲而取中原之半功亦大矣勞且倍矣遇春頓首曰臣之民服上威德耳臣與大將軍祇奉成算以效馳驅何功若勞之有復辭往河南從下河北諸郡遂入元都別下保定河間真定與大軍次太原擴廓帖木兒來援遇春言於大將軍達曰我騎兵雖集而步卒未至驟與之戰必多殺傷不如夜劫之可以得志達用遇春策立忝擴廓而太原下二年詔改遇春左

續集卷三十四

主

副將軍居右副將軍馮宗異上出塞取大同轉徇河東下奉元路遂與宗異軍合西拔鳳翔而會元將也速寇通州詔遇春還救以平章李文忠副之遇春擊走也速遂還步騎徑鹿兒嶺進追元主於開平獲其宗王慶生及平章鼎住凡得將士萬人車萬輛馬三千匹牛五萬頭子女寶貨稱是師還次柳河川蒙贈翊運推誠宣德靖遠武臣開府儀同三司上柱國太保中書右丞相開平王諡忠武葬給明器九十事納之墓配享太廟肖像功臣祠位皆第二遇春沈鷺有膽力每臨敵輒爲士卒先尤以射知名平居雖不習書史而用兵多與古合長於大將軍達二歲數從征伐必聽約束惟謹一時言名將者率推遇春配達竝稱二王遇春嘗自言能將十萬衆橫行天下故軍中又稱常十萬云子茂昇茂以遇春功封鄭國公予世券性驕穉不習事帝亦知之故不使將兵洪武二十年始命從大將軍馮勝北征納哈出勝固茂婦翁也茂以不得任褊裨意邑邑不樂多不奉勝約束勝數誚責之茂應之又不順勝頗銜茂未有以發也會納哈出請降

續集卷三十四

主

來詣右副將軍藍玉營酒次與玉相忤納哈出取
酒澆地顧其下咄咄語是時茂方在坐麾下趙指
揮者解蒙古語密以告茂謂納哈出將遜矣茂被
酒因出不意直前搏之納哈出大驚起欲就馬茂
拔刀斫其臂傷於是納哈出所部聞之有驚潰者
勝故銜茂至是增飾其狀奏茂激變遂械繫至京
師茂亦言勝諸不法事帝收勝總兵印而安置茂
龍州龍州故守趙貼堅土夸也其妻黃以愛女予
茂爲小妻最後茂歿戍所而會黃與貼堅從子宗
壽爭州印相告訐其事頗連茂帝已置不問矣或
搆蜚語曰茂隱佗所實不死且謂宗壽知狀帝命
窮索茂久之卒不得茂蹤跡或曰定歿矣乃解茂
無子

續彙卷三十四

南

昇以兄茂得舉嗣封開國公尋加太子太保建文
末燕王兵至江上昇力戰浦子口及卽位安置臨
安以憂歿弘治初錄昇曾孫復爲南京錦衣衛指
揮使嘉靖十年以刑部主事李瑜言因命求遇春
及李文忠鄧愈湯和四臣後遂續封復四世孫玄
振懷遠侯奉子文濟嗣奉子胤緒嗣

論曰太祖奮自一旅戡定四方雖曰天授實二王

之力多焉二王身依日月皆得剖符錫土其功名
可謂盛矣顧中山慶延後裔與明終始而開平獨
不牽蚤世子姓亦相繼得舉此何以哉或謂開平
嗜淫好殺非中山比觀其阬九斨之衆流血數里
宜乎食報若斯之促也後之爲將帥者可不鑑哉

擬明史列傳卷四終

續彙卷三十四

圭

康熙乙丑夏四月同里周公贊校字

鈍翁續彙卷三十五目錄終

列傳卷五

李文忠

子景隆
增校

鄧愈

湯和

曾孫胤勛

沐英

子春
景

續彙卷三十五目錄

鈍翁續彙卷三十五目錄終

擬明史列傳卷五

別彙五

李文忠傳

李文忠字思本小字係兒泗之盱眙人父貞尚仁祖女是爲替國長公主太祖之親姊也係兒生甫十二公主蒙貞攜之開關避兵幾不能存久乃謁太祖於滁陽太祖見係兒且喜且悲拊之曰吾甥猶吾子也即使從國姓賜名文忠延師誨之讀書年十九以舍人從策應池州驍勇爲諸軍冠別攻青陽石埭旌德皆下之敗元院判阿魯灰於萬年街復敗苗軍於於潛昌化前襲洪元帥營降其衆千餘等會鄧愈胡大海之師取嚴州授帳前左副都指揮兼領元帥府事嚴州守禦張士誠遣苗獠數萬水陸奄至文忠以輕師破其陸兵取所馘首載巨筏中放之中流水兵見之亦遞遂克諸暨進浙江行中書省左丞苗將蔣英襲殺金華帥胡大海以叛急擊走之諸暨守將謝再興亦挾士誠兵叛又擊敗之其明年士誠將李伯昇悉兵號二十萬來寇新城文忠往救令去城十里而軍日未哺有白氣亙天或告曰吉是破敵徵也新城守將遣閒使詣文忠所以謂衆寡非敵益姑避之以俟大

續彙卷三十五

軍之至文忠曰以衆論之則我非彼敵以謀論之則彼非我敵且符堅八十萬敗於謝玄庸非衆乎乃下令曰彼衆而囂我寡而整何彼之虞彼輜重山積是天富汝轉也戰既合文忠橫槊親引數十騎乘高馳下斷其中堅手格殺數人出入敵中所向皆靡遂督大軍乘之城中守兵亦鼓噪而出曄聲振地是時兩山民方觀戰山上至是復羣譴曰賊敗矣伯昇兵遂潰前後蹂踐死者甚衆谿水爲之不流凡斬首數萬禽將校七百人委棄鎧仗芻粟無算伯昇僅以身免自是氣奪不能軍矣太祖

續纂卷三十五

名文忠還賜以御衣名馬復鎮歲餘又命率師攻杭州進下桐廬新城富陽餘杭四縣杭州守將潘原明懼遣其員外方彝詣軍門乞降文忠詰之曰兵未交而員外遠來得毋以計緩我師乎彝謝曰王師所過秋豪無犯杭吏民方慶更生其何敢緩文忠因引入臥內與飲酒而遣之翼日入城原明以女樂道迎急麾之去營諸軍於麗譙乃下令曰敢擅入民居者斬一卒下俗民釜立礫以徇捷聞卽軍中加行省平章政事復姓李氏洪武元年率師平閩中餘寇還爲偏將軍從右副將軍常遇春

續纂卷三十五

北伐語在遇春傳旣而遇春卒於軍詔文忠代將率師往援慶陽甫及太原聞慶陽已下而大同被圍甚急文忠曰移援大同便軍中或以爲疑文忠按劔叱曰聞外事吾得專之有言不援大同者齒此師遂次馬邑禽其平章劉帖本進至白楊門禽四大王命前軍阻水爲營元人棄夜攻之文忠堅壁不動以二營委之士皆殊死戰不可敗比明策其饑疲乃分左右翼奮擊大破之禽其將脫列伯所俘斬及降者萬餘人追至莽哥倉而還未幾授征虜左副將軍從大將軍徐達北伐別出櫟狐嶺抵察罕腦兒禽其平章竹貞克應昌獲元主孫買的里八剌及后妃宮人諸王省院官又獲宋元玉璽金寶十五玉冊二鎮圭大圭玉帶玉斧各一選精騎追其太子愛猷識里達臘不及而還道興州降其兵民三萬七千人至紅螺山又降萬六千餘人捷聞帝大說御奉天門受羣臣朝賀加文忠開國輔運推誠宣力武臣特進榮祿大夫右柱國大都督府左都督封贊國公同知軍國事予世券尋領都督府事蜀平詔文忠鎮撫還復以左副將軍從大將軍北伐總東道兵取和林抵哈剌莽來元

人遯去文忠曰兵資神速千里襲人難於負重乃
留東平侯韓政守輜重驢駒河令士卒人持二十
日糧兼程達土刺河破走其將哈刺章等追至騁
海敵來益衆文忠據險爲營示以單弱敵疑有伏
遯去文忠亦引而歸迷失道乏水渴死者甚衆文
忠方患之俄而所樂馬跑地泉以湧出三軍賴之
俱濟乃刑牲祭焉尋復從大將軍行邊營於代縣
分遣兵出共至三不刺者俘其平章陳安禮其至
順寧陽門者斬其知院珍珠驢至白登者俘其國
公鄧孛羅帖木兒又破大寧高州復斬其宗王朶
朶失理俘其承旨百家奴自是敵益遠避邊境無
事尋命參軍國重事兼領國子監事文忠有器量
膽略頗好學問嘗師事金華范祖常胡翰通知經
義爲詩歌亦雄壯可觀功名既大顯矣及其釋兵
家居則又恂恂若文士帝心雅重之非獨以甥故
見寵待也晚節諫帝誅戮稍過帝乃曰安得儒生
家言乎由是微忤旨洪武十七年夢追封岐陽王
諡武靖配享太廟肖像功臣祠位皆第三始帝卽
位卽以文忠父貞爲駙馬都尉封恩親侯其後以
文忠故又進封魯國別食公祿一時親重無有踰

續集卷三十五

四

李氏者貞先文忠蒙文忠三子曰景隆增枝芳英
皆帝所賜名也芳英至中都正雷守

景隆小字九江讀書通典故與天台方孝孺友善
爲人長身秀眉明目顧盼燦然每朝會進止雍容
甚都太祖數目屬之既襲爵進掌左軍都督府事
加太子太傅建文元年燕兵起大將軍耿炳文數
敗績兵部尚書齊泰太常卿黃子澄共薦景隆乃
詔卽軍中代炳文賜通天犀帶親餞之江潯令一
切得以便宜行景隆資公子本不知兵而又暴握
兵枋自尊大每升帳輒踞高坐無敢與抗者其麾
下故多宿將皆景隆丈人行景隆一無所加禮悉
快快不肖爲用識者知其將敗矣景隆馳至德州
受代卽會兵前營河間燕王聞之語諸將曰李九
江統綺少年耳一旦付兵五十萬是自阬其衆也
景隆棄開圍北平與燕王戰於城下再戰再大敗
所失以十數萬計已復戰於白溝河又大敗景
隆南奔燕王追之熾其衆略盡建文帝未之知也
方加景隆太子太師遣使者賜黃鉞金鉦彤弓矢
使者渡江遇風失之乃復製以賜而景隆敗問至
遂召還京師泰與子澄慟哭乞正景隆辜以謝天

續集卷三十五

五

下不聽燕師渡江學士方季孺又執景隆於朝請誅之曰壞陛下事者此賊也於是廷臣爭毆景隆幾斃帝徑宥之及燕師抵龍潭遣景隆等數輩往見王王曰勞苦公等意良厚景隆蒲伏叩頭不能語王曰公欲何言始以割地講和請王不聽曰公等顧爲說客邪吾救死不暇何用地爲吾惟欲得奸臣耳景隆遂密請輸款以歸師至余川門遂從谷王迎降成祖既卽位所以獎怒甚至尋充修太祖實錄總裁官永樂二年刑部都察院大理寺臣論劾暫國公景隆包藏禍心畜養亡命與其弟左都督增枝謀爲不軌已成國公朱能等吏部尚書蹇義等復言之已六科都給事中張信等復言之乃削景隆勳號勒歸私第帝不忍奪其爵猶以贊國長公主故也未幾廷臣復言詞事者至景隆家景隆坐受閹人伏謁如君臣禮大不道其辭復株及增枝命削增枝官與景隆俱禁錮私第中盡沒其家產奴婢且命絕景隆食餓旬日不死乃稍稍給食至永樂末始死或云谷王構謀反遣其黨造妖讖謂高皇帝十八子富有天下帝疑景隆姓應之故遂得重舉如此孝宗卽位錄景隆曾孫璿爲

續彙卷三十五

六

南京錦衣衛指揮使嘉靖中續封璿孫性爲臨淮侯卒無子璿三子沂嗣性諸父也卒子庭竹嗣卒子言恭嗣好學喜賓客以詩名著有岐陽王風卒子宗城嗣亦能詩同時諸徹侯中士大夫無不推譽言恭父子者宗城文采差不及父而風流好事相類萬曆中東封議起宗城嘗奉命出使其事不竟而歸語在 傳

續彙卷三十五

七

增枝建文中任前軍左都督成祖卽位命節制荆襄諸處兵備既坐景隆得舉遂同禁錮景隆死而增枝獨存正統十三年以恩例聽自便壽終於家論曰岐陽雖用肺腑之親受心膂之寄及考其奏功始過寧河東甌遠矣顧又能敦詩說禮從容尊俎小雅云文武吉甫萬邦爲憲岐陽其殆庶乎

鄧愈傳

鄧愈本名友德太祖賜今名虹縣人父順興據臨濠與元兵戰死兄友隆代之復病死衆推愈領軍事愈年甫十六每出戰必先登陷敵爲軍鋒冠衆皆喜曰悔不使仲君蚤將太祖起滁陽愈自盱眙來歸授管軍總管元將陳也先之被禽也愈功最及從入建康下鎮江皆與有功進廣興翼元帥出

守廣德州破長槍帥謝國璽於城下俘其總管武世榮馘甲首千移鎮宣州以其兵取休寧績谿復與元帥胡大海合師取婺源別遣將徇下高河壘進攻建德再破丞長槍帥余子貞獲其馬百戰艦三十俘其卒三千遂克建德以爲嚴州進同僉行樞密院事自嚴移鎮饒州饒濱彭蠡湖與漢人接壤屢戰皆有功擢中書省參知政事僉院如故兼總各翼軍馬以其兵取浮梁樂平悉定饒地前屯臨川之平塘鄧克明據撫州遣使僞降以款我師愈知其情卽卷甲夜馳二百里比明入其城克明乃單騎走愈號令嚴秋豪不犯城中人爭勞牛酒亦悉謝不受改江西行省參政鎮南昌初太祖之下江西也漢平章祝宗同僉康泰皆降兩人者以降非已意殊快快不自得太祖旣命兩人以所部從愈守已又命從右丞徐達攻漢兩人者不欲行遂謀作亂舟次女兒港掠所過商船布爲旗幟還趨南昌夜襲新城門而入愈猝聞變以數十騎走數與賊遇從騎被殺且盡所跨馬三易皆踣幾不能脫最後得養子馬乘之始奪撫州門而出自歸於太祖太祖弗之臯也旣而右丞達還師復南昌

續彙卷三十五

八

宗走死檻泰送應天命愈佐大都督文正再往鎮之其明年陳友諒悉衆號六十萬入寇治樓船高與城等築漲直抵南昌城下圍之數百重愈分守撫州門最當漢人要衝友諒親督衆以攻於是城壞且三十餘丈愈且築且戰城得復完漢人攻之益急凡晝夜不解甲者三月會太祖親赴援射殺友諒於禁江口其圍始解遂與平章常遇春合師取贛州略下南安南雄諸郡尋進江西右丞加湖廣行省平章政事平章位次丞相是時愈年甫二十八兵興諸將帥蚤賢未有如愈與岐陽王文忠者愈容貌魁梧多膂力爲人慎密守法其事太祖最恭順有所委初不憚危苦雅好敬禮士大夫尤嚴戢士卒嘗引師過安福州士卒有掠州民者鄱陽潘樞方爲州判官入謁愈曰將軍奉行天討若良民先被其害甚失弔伐之義樞辭氣激揚將吏悉怒睨其側愈聞大驚急下令禁止且欣然顧謝曰微君見責吾不及知也由是所往皆著聲望而太祖亦心重焉乃命出鎮襄陽襄陽爲建康上游西抵巴蜀北控河洛燹火壁壘相望新附之民尚未有固志太祖賜愈書曰汝宏謹法度施惠愛無

續彙卷三十五

九

臯者勿妄殺有臯者加詳審古之良將以仁義爲先汝其勉旃毋俾我有西顧憂愈之治襄陽略如所賜書遠近說服及愈去襄陽且久其人猶慕思之吳元年擢御史大夫其明年加兼太子左諭德拜征戎將軍攻下唐州南陽隨州悉定金商均房之境後二年改征虜左副將軍從出隴右大敗王保保於定西諭降河州土蕃諸大酋及朶甘烏思藏等部來歸者甚衆論功授開國輔運推誠宣力武臣特進榮祿大夫右柱國封衛國公參軍國事予世券又明年改征南將軍討平澧州谿洞蠻獠又四年復改征西將軍征吐蕃分兵三道窮追至崑崙山斬首捕肉無算獲馬牛羊十餘萬召還道蒙追封寧河王諡忠順桓至三山門帝臨奠且躬視其葬地因諭侍臣曰愈事朕二十二年歷鎮八州勤勞甚至有功無過言竟爲之歎息遂命侍郎朱寯炎文其神道碑云長子鎮改封申國嘗征江西有功卒無子次銘西安護衛指揮使次鏞旗手衛指揮使弘治初錄銘曾孫炳爲南京錦衣衛指揮使嘉靖中續封挺子繼坤定遠侯卒子祖錫嗣卒孫世棟嗣卒子某嗣

續纂卷三十五

十

湯和傳

湯和字鼎臣濠州人與太祖同里閭幼有奇志每逐羣兒娶必習騎射爲戲及長身長七尺倜儻多知略家貧以賣漿自給滁陽王初起仗劍率壯士數人歸之以管軍總管從太祖取和州諸將多滁陽王部曲率資驕不用命惟和奉約束甚謹太祖心嘉焉采石之役和所部獲馬三百卒千人從擊陳也先水軍流矢中左臂不爲動卒與諸將禽也先以獻別下深水句容從入建康命從大將徐達取鎮江進統兵元帥從取金壇轉同僉樞密院事守常州以其兵攻下江陰地與吳人接境張士誠凡再寇再擊卻之遂從達大破其軍於錫山進中書右丞復從參政常遇春解長興之圍功最超拜平章政事尋討平江西劇盜取永新州再守常州從大將軍率師伐吳略太湖降其左丞呂珍於舊館進會諸將攻拔平江諭功賜金帛洪武元年建御史臺以和爲左御史大夫兼太子諭德命討方谷珍於慶元谷珍棄大船走海島遣使諭降之棄勝下福州函陳有定以歸遂從牽汴梁偕右副將軍馮勝取懷慶澤潞晉絳諸郡二年從大將軍平

續纂卷三十五

十一

開隴三年從襲擴廓帖木兒於定西師抵察罕腦
兒復獲其將虎陳積功封中山侯四年拜征西將
軍奉詔伐夏人鎖罹唐峽以遏舟師和不能進
而值副將軍廖永忠以奇兵破夔州夏人洵懼和
遂長驅入重慶降其主昇是役也前將軍傅友德
與永忠功大且多和不與焉師還所賜倍減於兩
將軍五年從北伐窮追至和林其明年命鎮通州
八年移彰德是冬出追伯顏帖木兒於察罕腦兒
十年加號開國輔運推誠宣力武臣左都督左柱
國進封信國公俾議軍國事予世券明年巡撫西
河州十四年再從北伐下灰山又明年經理四川
永寧塘濠士馬十八年討平五關山獠還入朝是
時帝念天下承平無事意不欲諸大將久典兵枋
然猶未及發也和微覺之從容爲帝言臣老矣不
敢稱畫繡願得歸故鄉爲容棺之墟以待骸骨先
是和任常州多酒過醉中出語怨望帝知而心銜
之其後至鐫之券誥及伐夏又數賜書責其逗撓
至是一言合帝意帝大說立賜寶鈔五萬錠命治
第中都既而謂和日本小夸數擾東海濱卿雖老
強爲朕行視要害地築城以守和遂築海上數十

續纂卷三十五

三

城民四丁取其一成之二十一年新第成和率其
妻陞舜賜白金以兩計者二千黃金以兩計者三
百鈔以緡計者萬有五千文綺凡四十襲賜和夫
人稱是夫妻皆各降手敕褒諭蓋諸大將莫敢望
其寵焉自是和歲一朝京師二十三年朝元旦感
疾失音帝卽日臨視歎惋久之遣和歸故里旣又
詔其長子鼎迎至京師俾以安車觀內殿宴勞備
至賜金帛御膳法酒相屬最後復朝疾寢劇又命
安車舁入躬自摩撫其體與敘舊勞及里閭諸事
和不能對惟稽首而已遂又賜寶鈔命有司豫爲
營葬二十八年薨追封東甌王諡襄武和故豪侈
繁畜膳妾百餘晚歲悉資遺寧家所得賞賜半以
問遺里中諸父老雖位上公及歸而見布衣時故
交遺民意歡如也其後諸大將相繼受譴而和獨
享壽考以功名終和之築城海上也先是有指揮
方鳴謙者谷真從子帝以其習於海名問防海事
方鳴謙請量地遠近置衛若所陸聚步兵水具戰
艦壁壘相望則倭無所得入入亦無所得傳岸又
請裕民四丁爲一軍其議皆自鳴謙始和因乞鳴
謙偕行鳴謙又進其客王文啓代和圖所相城戍

續纂卷三十五

三

處上之詔俱從其策和在浙東築城夫多擾民
間藉藉咸以爲不佞文啓懼謂鳴謙曰浙人譁矣
君益爲湯公一言鳴謙入言於和和怫然曰吾聞
成遠算者不恤近怨任大事者不顧細謹復有譁
者老夫將手刃之不踰年城成浙人卒賴以安正
德中巡按御史英上言故東甌王和守備寧波城
戍精堅倭至今不敢犯請立廟定海縣命有司歲
時奉祀報可子鼎官至前軍都督僉事卒贈信世
子觀至太原中護衛鎮撫鄧燮皆蚤卒禮至右軍
都督同知征五開率於軍悉弗及嗣弘治初錄鼎

續彙卷三十五

古

五世孫紹宗爲南京錦衣衛指揮使嘉靖中續封
靈璧侯卒子佑賢嗣卒子世隆嗣領漕事十餘年
以勞加少保太子太保卒子之誥嗣
胤勛字公讓和之曾孫也年十五六入學廩生徒
負才使氣尤工爲詩應天府尹嘗詣學嘯諸生胤
勛後至當答顧植立與府尹大聲相辯折奮褒走
出既罷題詩府署門而去巡撫尙書周忱聞其名
召作啓事卽席具狀數萬言忱上書薦胤勛有文
武才是時少保于謙在兵部請集衆試之因摘古
今將略及兵事以問胤勛應對如洪鍾衆環視歎

賞遂累任錦衣衛千戶遣與中書舍人趙榮通問
英宗皇帝於沙漠大酋脫脫不魯問中國事云何
抗荅不少屈景泰中又用尙書胡濙薦進署指揮
僉事久之坐事謫爲民成化初復官充參將守禦
延綏孤山堡三年八月虜方大掠子女而東率麾
下百餘人邀之境上以衆寡不敵力戰歿之胤勛
爲人軒豁倜儻兩眸睜然顧奮起如戟每掀顙談
論輒欲起古豪傑與之友視世人蔑如也平居博
學強記所賦歌詩悉豪放奇崛酒酣援筆揮灑不
少休觀者莫不氣奪與太醫院吏目劉溥御史晏
鐸之徒號十才子胤勛尤矜伉自喜獨兄事溥推
遜之以爲已不及也歿之日朝士賢者爭太息謂
用胤勛才未盡云

續彙卷三十五

圭

沐英傳

沐英字文英濠之懷遠人年八歲失母太祖與孝
慈皇后憐之撫爲己子冒姓朱氏名之曰文英其
後英漸以功名顯有詔使復沐姓遂止名英而以

文英爲字年十八授帳前都尉守鎮江稍遷廣信衛指揮使洪武元年從下福建別以兵破閩谿諸砦移鎮福寧節制邵武延平汀州三衛尋遷大都督府僉事進同知府中機務係積英年少明敏處決賴以無滯孝慈皇后每愛重之數稱其才於帝而帝亦自器英久之命鎮撫關西等充征西副將軍從將軍鄧愈出塞西渡黃河略川藏耀兵至於崑崙俘男女以萬計馬駝牛羊以十餘萬計論功進開國輔運推誠宣力武臣榮祿大夫柱國封西平侯予世券再充征西將軍平朶甘納兒七站拓地數千里俘男女以二萬計櫟畜以二十餘萬計復以所部兵略亦集乃路登賀蘭山偵知其穹帳所在分兵四翼薄其營降其國公脫火赤及知院愛足其明年又以所部從大將軍出古北口別以兵渡驢駒河酋其知院李宣以歸遂改征南右副將軍從將軍傅友德取雲南由辰沅徑羅鬼中前下普安循格孤山而南梁王把匝剌瓦爾密遣其平章達里麻以兵十萬距王師於曲靖英曰彼謂我師罷於溪入未有虞心及其無虞乃可破也會天方大霧冒霧趨白石江達里麻大驚以爲神友

德欲濟師英曰未可我步卒未集不若以計破之率諸軍嚴陳若將渡者而出奇兵潛從下流以濟使張疑幟於山谷開梁人恟懼英急麾軍渡江以猛而善泅者先之鏖戰良久復縱鐵騎蹙之遂大敗之長驅入雲南梁王悉歿滇池島中悉收其金玉子女圖籍移兵分徇屬郡皆下之獨大理不下大理倚點蒼洱海爲固又有龍首龍尾二關號險要故南詔所築也土酋段世搤之以守英自將取之不能得別遣一軍從閒道扳點蒼山而上度其旣上乃策騎亂流進克龍尾關與山上軍前後夾擊遂圍段世得其城由是永昌崔慶會川相次平悉定雲南地是歲詔班師命英留鎮雲南英辦方物以定貢賦視民數以均力役疎闊節目以便安其人未幾平緬及八百媳婦皆內附已而宣慰使思倫發悉衆三十萬入寇定遠英親率兵擊之始戰獲一象殺百餘人英喜曰賊不足破也翼日寇驅百象而前象皆被甲荷關楯左右挾大竹爲筒筒置標槍以標我師英分軍爲三都督馮誠將前軍甯正將左軍都指揮同知湯昭將右軍多列火器閒以長刀將戰令曰今日之事有進無退因衆

風縱礮大嘯諸象皆股栗有斧刺亦者寇之梟將也方殊死鬪左軍小卻英登高望之取佩刀命左右斬帥首以來左帥遙見一人握刀馳而下益壓衆力戰英督大軍乘之不移時而賊大潰斬馘四萬餘人生虜四十七象餘象盡燼渠帥刀思郎斯郎理各被百餘矢伏象背以死自是諸蠻震懼麓川始不復梗矣其明年入朝宴英於奉天殿賞賚加厚陞舜帝親捐之曰使我高枕無南顧憂者汝英也既還鎮復破歪上酋阿資於龍窩使使以兵威諭降諸番番部有重譯入貢者矣英凡後先鎮

續纂卷三十五

本

雲南十年自其畱鎮之次年哭慈皇后及再鎮之三年哭懿文皇太子皆極哀至嘔血遂感疾二十四年蒙追封黔寧王諡昭靖英之在鎮也簡置守令勸課農桑有惠愛於民居常讀通鑑綱目大學衍義略不釋卷暇則延諸儒生使講說經史聽之靡倦性又好良馬嘗曰行天莫如龍行地莫如馬由是似馬甚盛太祖初起時數養佗姓爲子每攻下郡邑輒遣之出守養子多至二十餘人惟英之勳績在西南最大佗如徐司馬何文輝雖名賢將猶遠不逮云子春晟昂皆嘗鎮雲南斯駙馬都

叙

春字景春材武有父風年十七從英征西番及從征雲南平江西寇皆先登積功授後軍都督府僉事羣臣請且試職帝曰兒我家人勿試也遂予實授嘗命慮烈山囚又命鞠捕叛黨於蔚州所開釋各數百人既嗣爵鎮雲南屢平緬甸東川叛夸復平越楊龍窩刁干孟諸砦在鎮七年畱意屯田水利闢田至三千餘頃復民五千餘戶鑿鐵池河又灌田數千頃民受其利率無子弟晟嗣

晟字景茂少凝重寡言笑讀書善強記太祖喜之

續纂卷三十五

左

甫冠授後軍都督僉事進左都督既嗣爵卽代鎮雲南建文帝自焚也成祖疑其由地道以出或言匿晟所使使者詞察無狀始獲免充征夸左副將軍率雲南諸衛所兵從平交趾入朝論功封黔國公予世券又賜玉帶金帛寶鈔大宴殿上御製詩褒美之遣還鎮已復從平交趾餘寇正統四年命征麓川叛酋思仁發不利前鋒都督方政戰死晟燒輜重擁衆走永昌布按官以聞英宗使使者薄責晟晟告使者失律喪師辜固當死因慚憤發疾歿於楚雄方思仁發朱叛孟養宣慰使刁賓玉嘗

命思仁爲質於晟晟兒子畜之至是師次潞江遂遣人往諭思仁降思仁故桀驁陽許諾晟爲按兵以待而思仁部將緬檢壁江上急挑方政戰政不勝憤數請濟師晟不許政夜與其子瑛獨率麾下渡江擊緬檢走之斬首三千餘級獲象數千乘勝溪入爲賊所敗乞援師於晟晟方卒思仁降恚政遽已節制開賊斃欲不遣兵左右固諫乃姑以少兵往又徐行政知晟援不力卽遣瑛歸曰毋庸父子俱死也瑛叩頭流涕求與政偕歸政拔劍叱之曰吾將官死分耳策騎馳賊賊中殺一軍皆歿

續纂卷三十五

圭

而晟衆亦潰走矣其後思仁發誅朝議念晟元勳後且有平交趾功薄其辜與方政並予封諡追封定遠王諡忠敬雲南自黔寧王以來攝服其父子威信莊事之無異人主晟家前後所置土田園墅邸舍其直鉅萬珍寶金貝充牣庫藏後房曳羅綺者至累百人所役使奄奴亦數十計而又謹事中朝諸賢人歲時饋問不絕雖用兵非晟所長然獨能檢馭其下頗善致聲譽云子斌嗣幼以晟弟都督同知昂代鎮斌率贈太傅諡榮康子琮尤幼不能嗣以琮從兄右都督璘璘弟都督同知瓚相繼

續纂卷三十五

圭

代鎮其十五年琮始得嗣數討服叛酋以功加太子太傅卒諡武僖無子族孫崑當嗣請於朝朝議崑高祖昂寔英之子晟之弟崑空嗣西平侯不得嗣黔國公下雲南守臣議皆言百餘年來南蠻知有黔國公不知有西平侯也侯之恐爲蠻人所輕從其言崑遂嗣公爵崑能詩既嗣爵亦數平酋寇凡三賜璽書褒諭再益歲祿加太子太傅卒贈太師諡莊襄子紹勳嗣卒諡敏靖子朝輔嗣好學有文父子皆加太子太傅贈太傅朝輔卒二子融肇繼瑒弟朝弼當嗣虛其姦且錮之不使還南京於是上疏相計久之始得嗣其淫惡益甚詔削朝弼爵以子昌胙嗣朝弼復欲殺昌胙逮至京幽於南京故第以死始沐氏鎮雲南久不能無資驕自督撫諸大臣往謁者及門率下輿布按兩司官以下遇輒避道是時天下承平士大夫方用事頗弗謂善也萬曆中昌胙嘗出恚僉事楊寅秋不避遂笞責其隸人寅秋亦恚與昌胙訟於朝中朝率右寅秋於是昌胙屢奉旨切責云萬曆中論平隴川酋岳鳳功加昌胙太子太保久之乞休子獻以都督同知代鎮論平順大酋莽亢等功進獻右都督已

而武定尋旬諸夸相繼叛既平昌胙効失事狀獻
被逮復起昌胙鎖之累加少傅太子太傅卒孫啓
元嗣卒子天波嗣安南酋沙定洲突引衆入雲南
城大掠天波倉卒不及戰逃走永昌先是元謀土
官吾必奎叛天波乃檄諸土司會剿必奎既禽而
定洲承檄至聲言謁舜天波遂作亂天波母妻皆
死是歲 皇清順治二年也踰一年爲流賊孫可
聖所誘遂降可望及 王師至復走緬甸緬人又
誘執之天波竟不屈死其子忠顯忠顯子神休事
具國史沐氏鎮雲南者二百六十餘年凡二王九

續彙卷三十五

三

公一侯一伯四都督傳十二世乃絕

昂字景顯能詩歷官都督同知嘗從其兄晟討麓
川不利既代鎮復討麓川又不利與定西伯蔣賓
合兵始平之擢左都督賜金帛加等卒贈定邊伯
謚武襄子僖南京錦衣衛千戶僖子璘璘弟瓚皆
官都督同知瓚子誠都指揮使誠子崑卽爲族祖
黔國公琮後者也

論曰太祖之封諸勳臣也或中絕或及身嬰禍衆
矣其剖符受土延十餘世者惟中山黔寧爲然黔
寧名雖藩臣而實君長一方視中山殆尤季焉抑

原缺

鈍翁續彙卷三十六目錄

列傳卷六

廖永安

胡大海

養子德洲

何真

韓政

楊環

胡海

張赫

朱壽附

張溫

王弼

孫炎

胡溪

續彙卷三十六目錄

十一

鈍翁續彙卷三十六目錄終

擬明史列傳卷六

別彙六

廖永安傳

廖永安字彥敬其先由黃州徙巢遂爲巢人永安少以氣自豪妖人彭祖兵起與兄永堅爲祖萬戶祖既敗死永堅走往仕漢永安復與弟永忠率戰艦千餘艘偕俞通海等屯巢湖結水砦以捍寇患與廬州左君弼有隙屢受其窘永安輩懼爲所襲遣閒使至和州請歸太祖且乞發兵爲導太祖乃親詣巢湖道其戰艦以出會元中丞蠻子海牙聚兵馬場河太祖督舟師攻之元人駕樓船不利進

續彙卷三十六

一

退而永安輩操舟如飛凡再戰再破元兵於是始定渡江之策矣頃之發江口永安請舟所向太祖曰采石大鎮其備必固不如徑攻牛渚可以萬全乃舉颿向牛渚是時西北風方驟頃刻達岸守磯者驚亂太祖急麾甲士奮勇以進采石鎮兵皆潰遂從取太平授管軍總管以舟師破海牙水柵獲其船十五艘又從俞陳兆先於江寧鎮遂入集慶擢建康翼統軍元帥以舟師從取鎮江克常州擢同僉江南行樞密院事又以舟師從將軍常遇春自銅陵趨池州永安去城十里而軍遇春率師抵

城下合攻之破其北門鹵天完將洪某遂克池州偕俞通海攻江陰之石牌砦降張士誠守將樂瑞擢同樞密院事又以舟師破士誠兵於常熟之福山港再破之於通州之狼山獲其戰艦以歸遂從將軍徐達復立興棗勝追敵於太湖遇其將呂珍與關舟膠於淺被執永安長於水戰本率舟師歸太祖所至輒有功及是士誠愛其才勇欲降之不可卒爲士誠所囚太祖聞壯永安守義不屈遙授行省平章政事封楚國公竟死於吳吳平始還喪帝迎祭於郊洪武六年帝念天下大定諸功臣如永安及俞通海張德勝桑世傑耿再成胡大海趙德勝皆已前歿猶未有諡號乃下禮部定議禮部臣議曰有元失馭四海糜沸英傑之士或起義旅或保一方泯泯棼棼莫知所屬真人奮興不期自至龍行而雲虎獻而風若楚國公臣廖永安等皆熊羆之士膂力之才非陷堅拔敵卽罹變捐軀義與忠俱名耀天壤陛下潤一天下追惟舊勞爵祿及子孫燕嘗著祀典易名定諡於禮爲立臣謹按諡法以勳敵逢難諡臣永安武閔殺身克戎諡臣通海忠烈奉上致果諡臣德勝忠毅勝敵志疆諡

續彙卷三十六

二

臣大海武莊關土庠境武而不遂論臣再成武壯折衝禦侮壯而有力謚臣趙德勝武桓其臣世傑業封永義侯與漢世祖封寇恂景丹相類當卽以爲謚詔從其議又皆加贈開國輔運推誠宣力武臣光祿大夫柱國同知大都督府事已又改封永安郎國公無子授其從子昇爲指揮僉事始永安兄弟之歸太祖也其父旺從渡江不仕卒凡有子五人長永清卽昇父也次永寧蚤卒次永堅爲漢參政來歸亦卒又次永安最少永忠與俞通海等六人自有傳

續纂卷三十六

三

胡大海傳

胡大海字通甫泗之虹縣人太祖初起大海忝謁滁陽命爲前鋒從渡江與諸將略地以功授右翼統軍元帥宿衛帳下從破宣城命偕院判鄧愈戍之遂從拔徽州大敗楊完者援兵於城下又從克嚴州降完者谿洞兵三萬人進樞密院判官大海謂蘭谿去嚴甚邇蘭谿下則婺之右臂斷矣遂自引兵攻克之從取婺州遷樞密院僉事復引兵下諸暨州張士誠將呂珍來爭州城謀堰水以灌城中大海救之奪堰反灌珍營珍執蹙乃馬上折矢

續纂卷三十六

四

與大海誓請各解兵許之都事王愷自婺移書謂大海曰此珍授首之日也慎勿聽珍狡謀大海曰言出而背之不信旣縱而擊之不武師還人皆服其威信尋引兵平處州已又平信州以爲廣信府擢江南行省參知政事守金華又以王愷爲左司郎中使佐大海先王師克嚴時苗將蔣英劉震李福皆自桐廬來歸大海喜其驍勇畱置麾下至是五人者謀作亂震以大海遇已厚未忍發也福獨謂其衆曰舉大事寧顧私恩乎於是三人者晨入分省署英陰攜鐵槌襲中而陽請大海乞觀弩於八詠樓下大海信之噉馬將上英遣其黨鍾矮子者跪馬前詐謫英過惡且曰蔣某欲殺我大海未及荅反顧英英出所裹鐵槌若擊矮子狀因中大海腦仆地遂被殺又殺大海子關住及郎中愷大掠城中叛奔吳其後李文忠出師杭州杭人執英以降太祖命誅英刺其血以祭大海也大海善用兵每自誦曰吾武人不知書惟知三事而已不殺人不少掠婦女不焚毀廬舍是也以是其軍一行遠近爭趨附之及聞大海死無不流涕者初大海嘗夜出人見其兩目煜煜有光旣死敵兵犯境軍中

或寢大海若生時或覩炬火滿壁洶洶有甲騎聲
師出輒大捷或疑大海陰助云累贈開國輔運推
誠宣力武臣特進光祿大夫柱國同知大都督府
事追封越國公諡武莊配饗晉卞壺廟洪武初配
饗太廟養子德濟

德濟字世美不詳其何許人大海率以從太祖與
攻婺州爲誘兵大破元師於梅萼門外禽其將李
肩章由是知名大海既下信州太祖以德濟爲行
樞密院同僉使守之漢將李明道寇信懼大海之
趨援也分兵據草平鎮以遏其師德濟告急大海

續宋書卷三十六

五

率師由靈谿進德濟知之乃出兵與明道力戰大
海復從後來擊之遂禽明道及其宣慰王漢二得
士馬器械甚衆會大海爲蔣英所害而處州降將
李祐之亦殺院判耿再成以叛張士誠聞浙東亂
遣其將呂珍寇諸暨德濟自信往救之乘懈得入
城與院判謝再興分門而守夜過半出敵不意選
甲士斫珍營珍士馬大驚擾相蹂躪死者無算珍
遂遁去擢浙東行省參知政事移守新城士誠將
李伯昇又率步騎大入寇德濟閉城門戒將士勿
輕鬪遣使取閒道乞師於總帥李文忠文忠馳抵

龍潭距敵營不數里而軍密語德濟期以明旦逆
戰戰甫合文忠引騎奮擊突入敵人皆披靡而德
濟亦出城中兵衆之斬其甲首數萬燔燬其營落
數十伯昇復遁去所奔輜重山積累日舉之不盡
於是太祖召德濟至建康既陛見諭廷臣曰孰謂
我朝無人如德濟亦豪傑士也已又召文忠至詰
以誅羅彥敬事彥敬故德濟行省都事先是德濟
所部有潛移家入新城者文忠知之意不樂且疑
德濟使然乃誅彥敬欲微以戒德濟其所部將士
皆怒悉說德濟曰何處不富資益改圖之德濟怡
然曰右丞殺彥敬自爲廣信作戰衣有敝耳非爲
我也敢再言者斬至是太祖責文忠以爲失將士
心且曰胡德濟之量汝不及也擢浙江行省右丞
賜駿馬一未幾改左丞移鎮杭州命從大將軍徐
達出塞方駐兵沈兒峪會元人夜劫德濟若德濟
失利大將軍因斬其部將數人械德濟至京師帝
念其舊功乃曲赦之使還軍中聽調而敕諭大將
軍曰將軍欲效衛青不斬蘇建獨不見穰苴之待
莊賈乎自今諸失律者將軍其用軍法從事久之
復以德濟爲都指揮使使鎮陝西卒

續宋書卷三十一

六

何眞傳

何眞字邦佐東莞人少英偉好書劍元末歷河源務副使弃官歸會縣人王成陳仲玉作亂眞請於行省起兵討誅仲玉復圍成砦募能禽成者予鈔十千成奴遂縛之以出眞既如數予之鈔卽促具湯鑊烹奴使數人號於衆曰四境有奴叛主者視此於是衆皆說爭趨歸之盡併有循惠二州之境已又破海盜邵宗愚累官江西行省右丞贛州熊天瑞引舟師數萬欲圖眞眞逆之胥江會天晝晦大雷雨震折天瑞軍舟檣舟不得進眞遂擊走之

續彙卷主十六

廣人得賴以完洪武元年征南將軍廖永忠將取廣東時方營福州先使使以書諭眞其略曰乃者元綱解紐天下土崩豪傑之士乘時奮起分割州縣竊據疆土或假元之號令或自擅其兵威暴征橫斂蠶食一隅可謂極矣今天子受天明命肇造區夏四方底定惟爾廣僻在遐荒未霑聖化予受命南征順者撫綏逆者誅殛恐足下未悟輒遣一介之使相告惟足下其留意焉遂航海趨潮州師旣至眞遣都事劉克佐詣軍門上其印章復籍所部郡縣戶口兵糧奉表以降永忠聞於朝賜詔褒

眞曰朕惟古之豪傑保境安民以待有德若竇融李勣之屬擁兵據險苟立羣雄之間非眞主不屈此漢唐名臣於今未見朕方興歎爾眞連數郡之衆乃不煩一兵不費一鏃先期來歸雖竇李奚讓焉茲者驛名來庭錫爾名爵用旌爾功於是永忠抵東莞眞率官屬迎勞遂奉詔入朝擢眞江西行省參知政事且諭之曰天下分爭所謂豪傑有三易亂爲治者上也保民達變知所歸者次也負固偷安身歿不悔斯其下矣卿能輸誠納土不逆顏行信可謂識時務者眞叩首謝曰臣眞本蠻邦之人遭亂結聚不過全軀保妻子之計非有他也今幸日月麗天靡幽不燭臣眞夙舉其敢上違天命帝曰名者德之輿也卿令名已著尙其懋修厥德以輔我國家眞受命之官頗著聲望尤喜儒術平居讀書綴文無虛時已復轉山東遷右布政使尋轉浙江進湖廣左使加封東莞伯致仕卒眞貌豐偉美須頰吐音如鍾少時有相者謂眞異曰當封侯眞笑不應也其後卒如相者言子榮嗣坐藍玉黨死榮弟賢常侍懿文太子授北城兵馬指揮擢鎮南衛指揮僉事賢弟宏官至尙寶司丞亦坐死

續彙卷主十六

韓政傳

韓政睢州人嘗爲義兵元帥率衆歸太祖授江淮行省平章政事於是李濟據濠州名爲張士誠守而實觀望不決太祖使右相國李善長以書招之曰嘗聞順逆者成敗之執也去就者禍福之機也閣下誠能審成敗之執察禍福之原因敗爲功轉凶爲吉則身榮當時澤流子孫名垂於竹帛信矣濠梁乃吾主上故里陵墓親戚皆在無時或忘於心左相國方統三軍徇取淮東西未下之地惟是父母之邦不忍加兵故獻計左右願閣下觀天時

續纂卷三十六

九

驗人事因時立功使吾主上得以上奉祖考之陵寢下慰鄉里父老之望則閣下之功甚大纖芥小釁不足爲閣下累也竊又思閣下所爲果爲元與爲張與如爲元也則元君關弱軒孽擅政疆將跋扈天絕其命久矣如爲張也則彼驕淫悖道亡在淵刺閣下以此彈丸孤絕之地歸元不足恃歸張無所成甚爲閣下憂之夫不權事執之本昧於成敗禍福之幾非知也使人民苦於鋒鏑非仁也不仁不知亦閣下所惡聞也惟閣下效古人之明哲舍逆就順舉城來歸豈不偉然大丈夫哉若復遷

延疑貳大軍一下淮安縱欲乞降已在人後或身爲俘囚或膏塗草壁不亦貽天下笑哉濟得書不報太祖歎曰濠固吾家也濟所爲如此使吾有國無家可乎乃命政率指揮顧時以雲梯礮石四面攻濟濟度不能支始出降政歸濟於應天太祖聞之大說以時守濠州命政移師攻安豐盱其四門不下潛穴城東龍尾壩入其城二十餘丈城壞遂破之其將忻都竹貞左君弼皆走追奔四十餘里獲都俄而貞引兵來援與戰於城南門再破走之是時淮東西悉平已從平姑蘇已又從北伐分兵

續纂卷三十六

七

盱黃河以斷山東援軍遂取益都濟寧濟南皆與有功克東平政功尤多改山東行省平章政事以師會大將軍於臨清檄政守東昌既下大都檄政分兵以守廣平政遂諭降白土諸砦并下蠆尖砦蠆尖砦在林慮西北二十里爲元右丞吳庸王居義小鎗兒所據大將軍之北伐也嘗遣將士收服諸山砦降者相繼而蠆尖獨恃險不下至是以兵逼之庸誘殺居義及小鎗兒以降凡得士卒萬餘人居民男女稱是尋調征陳西還兵守禦河北洪武三年封東平侯予世券移鎮山東未幾復移河

北招撫流民復業甚衆從左副將軍李文忠出塞由東路踰居庸關擣應昌遂取和林漢人土刺進抵阿魯渾河大獲而還命巡河南陝西再從信國公湯和練兵於臨清卒追封鄆國公子英散騎舍人

楊璟傳

楊璟合肥人本儒家子以管軍萬戶從太祖由總管進親軍副都指揮使從下婺州遷樞密院判官再從伐漢以功擢湖廣行省參政移鎮江陵進攻湖南蠻寇駐師三江口復以招討功遷平章政事

續纂卷三十六

土

充征南將軍與廖永忠會師取廣西進克永州攻靖江未下而永忠以師來會璟告諸將曰敵所恃西濠水耳今決其隄岸破之必矣乃遣兵破閘口關盡決濠水築土隄以達城下且購守隄士爲內應遂入城執其守將也兒吉尼先是參政張彬攻南關爲守城者所訴怒欲屠其民璟甫入立下令禁止之民乃以安復移師徇下彬州降其兩江土官黃英岑伯顏還爲偏將軍從北伐留鎮南陽未幾詔璟往使於夏是時夏主昇幼母彭及諸大臣用事璟既至數諭昇以禍福俾從入覲昇集其下

續纂卷三十六

土

共議而諸大臣方專恣心不利昇歸朝遂皆固持以爲不可昇亦莫能決也於是璟還復遣昇書曰竊聞古之爲國者同力度德同德度義義不足則不敢抗德不足則歸順焉故能保身家於兩全流名譽於無窮福及子孫族姓長久反是者往往敗今足下以幼冲之姿席先人之業據有巴蜀黔然在位不吝至計而聽羣下之議以瞿唐劔閣之險一夫負戈萬人無如之何此皆不達時變以誤足下何則晉之據蜀最盛者莫如漢昭烈且以諸葛武侯佐之綜核官守訓練士卒財用不足皆取之南詔然猶朝不謀夕僅能自保今足下疆場南不過播州北不及漢中以此準彼相去萬萬而欲藉一隅之地延頃刻之命可謂知乎若以險阻可恃則三苗之墟不滅有扈之國不亡蠶叢魚鳧之鄉不至足下矣我主上仁聖威武神明響應順附者無不加恩負固者無不致討以足下先人通好之故不忍加師數使使諭意又以足下年幼未歷事變恐惑於狂瞽之說失遠大之利故復遣璟諄諄面諭漢仁厚德所以待明氏者不淺足下可不漢念之乎且向者如陳張之屬竊據吳楚造舟塞

江河積糧過山嶽疆將勁兵自謂無敵然鄱陽一戰友諒授首旋師東討張氏面縛此非人力實天命也足下視此以爲何如友諒子竄歸江夏王師致伐執窮銜壁主上宥其辜愆剖符錫爵恩榮之盛天下所知足下無彼之過而能幡然覺悟自求多福則必享茅土之封保先人之祀世世不絕豈不賢知矣哉若必欲屈強一隅假息頃刻魚游於沸鼎之中燕巢於危幕之上禍害將至恬不自知環恐天兵一臨凡今之爲足下謀者佗日或以郡獻或以城降各自爲身計以取富貴當此之時老

續彙卷三十六

圭

母弱子將安所歸縱足下年幼未曉語及於此能不爲之痛心乎禍福利害瞭然可觀順逆之機在足下審之而已昇遂不聽踰二年而夏亡蓋略如璩書云洪武三年論功封環營陽侯予世券從伐夏戰於瞿唐不利夏平充副將軍討定辰沅蠻寇再從大將軍徐達鎮北平十五年卒追封芮國公諡武信子通嗣部韃靼軍戍雲南以多道亡降普定指揮使

胡海傳

胡海字海洋定遠人嘗入土豪赤塘王總管營自

拔來歸授百戶從敗元將賈魯兵克泗潞二州進萬戶從渡江拔元中丞蠻子海牙之水砦矢傷左足遂破陳也先兵從取集慶先登取鎮江矢傷右脅從敗元將謝國璽於寧國刀傷左手因還充先鋒從圍湖州墮其東南門月城矢傷小腹及右臂從攻空輿刃傷右股及胷鏖戰於紹興生得賊四百餘人進都先鋒從破漢兵於龍灣又從克安慶矢傷右臂與漢人相持凡八戰皆大捷遂入江州從攻廬州礮石傷右臂海屢戰屢受傷然鬪益力太祖壯其勇授參槍上千戶復從克荊澧衡潭之

續彙卷三十六

南

境擢寶慶衛指揮僉事遷指揮使命鎮益陽從平章楊璟征湖南廣西未下郡縣由祁陽進圍永州與守兵戰於東鄉橋生得千萬戶四人以夜三鼓先登及抵靖江又與守兵戰於南門生得萬戶二人以夜四鼓自北門入剽亭先登海功最命爲左副總兵剽平左江上思蠻調征蜀克溫湯關殺守關將一人予世襲指揮使仍鎮益陽從征雲南由永寧定烏撒進克可渡河與副將軍沐英會師攻大理酋段世悉衆搃上下關以守是時定遠侯王弼自洱水東引兵趨上關英親率大軍抵下關而

遣海以夜四鼓取石門開道度河繞出點蒼山後
扳大樹緣崖而上立王師旗幟平明英士牽望見
之皆踴躍嗾噪酋衆大驚英遂斬關入海亦麾山
上軍下擊酋衆前後受敵悉潰雲南旣平論功
封東川侯予世券踰三年以左參將從北征又三
年以征南將軍討湖南諸蠻寇皆有功師還乞歸
鄉里賜黃金二百兩白金二千兩鈔幣稱是病疽
發背卒長子斌龍虎衛指揮使征雲南敵歿次子
觀駙馬都尉

張赫傳

續彙卷三十六

五

張赫濠州人江淮大亂嘗團結義兵以捍鄉里嘉
山繆把頭每遣人招之卒謝不往聞太祖起遂率
衆來附授千戶以功進萬戶從渡江所至攻伐皆
與以功擢常春翼元帥守禦常州等從擊陳友諒
於鄱陽湖又從攻武昌已又從伐張士誠進圍平
江諸將分門而軍赫軍間門士誠屢出兵突戰屢
挫其鋒吳平賜彩段表裏又從克慶元并下溫台
洪武元年擢福州衛都指揮副使進本衛同知復
命署都指揮使司事是時倭寇出沒海島中棄間
輒傳岸剽掠沿海居民悉患苦之帝數遣使使諭

續彙卷三十六

六

日本國王詔書謂能臣則當奉表來庭不能臣亦
當敍兵自固永安境土如必欲爲寇將尅期命舟
師颺驅往剽滅其國繼又數絕日本貢使然竟不
得倭人要領赫在海上海上久所捕擒不可勝計最後
追寇至琉璃大洋親率士卒與戰禽其魁十八人
斬首數十級獲倭船十餘艘收其弓刀諸器械無
算帝偉赫功遂命掌都指揮印尋調興化衛召還
擢大都督府僉事會遼東漕運方艱軍食後期帝
深以爲慮以赫久於海上習知海道曲折因命赫
督海運事久之封航海侯予世券赫前後往來遼
東十二歲凡督十運勞動備至軍中賴以無乏病
卒追封恩國公諡莊簡同時有朱壽者亦積戰功
至都指揮大都督府僉事又積督運功封舳艫侯
皆與赫同二十三年肅清逆黨榜示勳臣五十七
人各從其類爲標目以江夏侯周德興而下十九
人爲一類赫壽相次皆與列焉後三年壽坐藍玉
黨死

論曰海之通運始由秦始皇時起黃腴琅邪負
海之衆轉輸北河其後元萬戶張瑄朱清遂獻海
運之議海中風信有時自浙西抵大都凡萬四千

里比及運駿不過旬口力省而利倍未有善於此者明初仍之歲漕粟七十萬石以給遼東則航海舳艫兩侯之功茂焉兩侯與瑄清適同姓氏夫豈其苗裔與一何習於海也逮會通河成而海道竟廢萬曆以後雖建策紛如直空言而已

張溫傳

張溫不詳何許人從太祖渡江授千戶從平武昌擢統軍元帥又從禽張士誠賜綵段表裏擢天策衛指揮僉事從大將軍徐達北伐檄守蘭州洪武二年冬元將王保保偵知大將軍南還自甘肅率

續纂卷三十六

七

步騎奄至溫集諸將議曰賊悉眾襲我擊與不擊孰便或對曰我兵寡不敵不如固守溫曰彼遠來未知我虛實乘暮擊之可挫其銳俟彼不退然後守以待援未晚也於是整兵出戰保保軍少却已而復進圍城數重溫閉城門戒將士備禦甚至時鞏昌守將于光赴援會戰敗被執保保以徇於城下光大噉曰諸公努力大將軍行將大軍至矣城中聞光言守益固保保數攻不利且懼大軍至乃引去事聞擢溫大都督府僉事已又命兼陝西行都督府僉事當蘭州之受圍也保保兵以夜坎

城而登于戶郭佑方被酒臥不之覺佗將巡邏者擊退之聞既解溫將斬佑天策衛知事朱有聞入爭曰當賊犯城時將軍能斬佑以令眾此所謂軍法也將士無敢議者今賊既退矣始追僂之不惟無及於事且當有擅殺名竊以爲不可溫謝曰非君不聞是言也遂杖佑釋之帝聞而兩善焉并賞有聞綺帛各五表裏其明年命溫以參將從平蜀賜白金綵段十一年又命以副將從討西羌俘獲人畜無算封會寧侯子世券又明年命往理河南軍務十四年從征雲南二十一年從北伐皆有功

續纂卷三十六

大

後以居室器用僭上獲辜遂坐藍玉黨死初溫自陝西至京師入謝帝諭之曰蘭州一捷可謂奇功夫將帥之道有功不伐則功益顯恃功驕恣則功以槩故仁者不矜其功而知者克成其名惟仁與知所向無敵二者有一不備雖勇敢之士百萬不足恃也古稱高而不危滿而不溢又曰功蓋天下守之以謙爾能知此則可以長保富貴矣及溫被辜蓋率負帝所誠云

王弼傳

王弼其先定遠人祖四七始遷臨懷之谿河弼有

營力善用雙刀號雙刀王初結鄉里依三臺山
柵相保踰年率所部來歸太祖知其才使備宿衛
數從攻伐積戰功累遷至驍騎右衛親軍指揮使
從圍平江弼軍盤門張士誠親悉銳士突圍出西
門轉戰將奔副將軍常遇春營遇春覺其至分兵
據北濠截其後而別遣兵與關良久未決遇春往
拊弼背曰軍中皆稱爾健將爾能爲我取此乎弼
應曰諾卽馳騎揮雙刀奮擊敵小卻遇春遂率衆
乘之吳兵大敗人馬溺死沙盆潭甚衆士誠馬逸
墮水幾不救肩輿入城由是不敢復出吳平賜白

續集卷三十六

九

金彩段從北伐旣定元都自河中渡河取陝西前
至紅螺斡頭山而還擢大都督府僉事世襲指揮
使從討西番進封定遠侯復從平雲南予世券洪
武二十年以副將軍從征沙漠降元將納哈出二
十一年復以副將軍從大將軍藍玉出大寧路抵
慶州諜言虜主脫古思帖木兒方營捕魚兒海上
乃從閒道往襲之達百眼井不見虜玉將引還弼
拒曰不可吾與公奉詔提十餘萬之衆期以埽平
王庭空行空返將何以復命玉於是復進詰旦飲
馬捕魚兒海南偵知虜主在海北相距八十餘里

因以弼爲前鋒選輕騎直薄其在所會天大風揚
沙晝晦虜不之覺也虜自謂去塞下絕遠大軍乏
水草必不能深入竟不設備方整輜重驅馬牛欲
北徙忽顧見弼軍大驚相次皆潰脫古思不知所
爲以數十騎遁去所鹵后妃子女官屬及人畜鎧
仗凡數十萬二十二年詔功臣還鄉賜弼金帛銀
鈔如例帝親諭勞之弼頓首謝曰臣弼蠢庸語知
不足料敵語勇不能陷堅屬當天心厭亂眞人棄
運弼等奉行天誅如振枯摧槁其何力之與有願
得叨冒寵靈榮及三世愧無以報稱萬一於是歲

續集卷三十六

三

一朝京師又五年卒子六人或謂弼坐傳穎公友
德事與友德皆自殺故其子不得嗣封也

孫炎傳

孫炎字伯融句容人長身鐵面一足偏跛所至持
犇風生人莫當其口元至正中天台丁復同郡夏
煜皆以詩名炎游兩人閒日夜相切劘爲歌詩雅
以才略自負嘗輕視章句儒太祖取建康召見炎
炎陳元運將終勸太祖延攬賢士以成大業太祖
甚說之授行中書省掾所謀多合太祖心乃愈以
爲可用從征浙東以勞擢同知池州府歷遷行省

都事會克處州命擇守臣咸以處在山澤間盜賊
馮結難其人太祖既才炎遂以炎爲處州總制以
敕牒未署者付之悉聽炎自辟用炎匹馬入處州
是時處城外皆賊窠穴不奉官府約束炎坐廳事
名城中父老列階下諭之曰天將弃元人共知之
海內分裂七八然吾觀其志皆無以生民爲心者
得天下者必吾主上也今爾民梗化未知朝廷意
甚或握兵戲構中自招誅滅主上不忍加兵故命
面諭爾民將以安爾也爾民審思之有不遵化者
必盡爲僇皆叩頭受命出以轉告其鄉人謂孫使
君不可翫狎炎亦下令屬縣徧諭之數月皆化良
民擇其勇健者練爲兵時時教習之復擇衆所服
者爲之長有寇則率以禦無事罷歸農於是民皆
安之炎又鉤至一二儒生問才而賢者錄其氏名
如劉基章溢葉琛輩皆伏匿山谷中不肯出輒爲
書遣使招致之基尤豪俠有名自以嘗入石抹立
孫幕不當爲佗人用使者再往返不起以一寶劍
遺炎炎作詩以爲劍當獻之天子斬不順命者我
人臣不可私受封還之草數千言開陳天命以諭
基基無以荅遂巡就見炎置酒與飲爲敘說古今

成敗事基溪歎服之曰始基自以爲勝公觀公論
議如此基何敢望哉炎遂致基於建康太祖方征
伐無一兵與炎踰三年苗將李祐之賀仁德叛襲
破處州禽炎幽空屋中列卒守之賊知炎不爲用
搗燭鴈斗酒噉炎曰以此與公訣炎拔劍割鴈舉
卮酒曰嗟乎我乃爲鼠輩所陷賊方持刀擬炎炎
飲酒自如賊叱其解衣炎極口罵且曰此紫綺衣
主上賜者吾當服以死耳遂引枕臥賊伺其睡害
之洪武元年追封丹陽縣男

論曰讀炎御寶劍歌又觀方孝孺所譏炎事知其
偉然丈夫也使炎不死其勳名殆與文成公侔矣
文成身居王佐而炎不免以血膏凶刃命也夫

胡濙傳

胡濙字仲淵處之龍泉人父鉅仕元至征東行省
左右司員外郎歿遼東濙載其匱南歸夜泊大崖
下寢老父促之行曰此崖且崩驚寤甫移舟而大
風雨至崖果崩濙僅得免人謂幸感所致至正
中處州萬戶石抹立孫江西行省參政恩寧普相
繼辟濙參謀其軍事是時郡縣盜賊竝起濙佐其
帥且討且招之積功甚著最後立孫以行樞密院

判官鎮處復假漢行軍都事督兵討賊所至無不平者是歲冬太祖命僉院胡大海擊破寇孫於處州得其城移兵分徇屬縣漢方以假元帥統龍泉慶元松陽遂昌四縣兵謀閉關爲拒守計四縣士民咸請於漢願內附以活百姓命且曰公治兵十年勤勞亦至矣而國家未間有一命之錫國家則負公公何負哉漢遂往見大海以降太祖縶聞漢名名授中書省左司員外郎監築龍灣虎口二城尋命招集舊部曲從征漢進親軍指揮使守吉安於是處州爲苗軍所據總制孫炎歿命以所部馳

續纂卷三十六

重

往討之比至而城已復遂擢浙東行省左右司郎中總制處州軍民事其明年叛將謝再興引張士誠兵犯東陽漢往援之因建議謂諸暨浙東藩障諸暨失則衢婺不支矣乃度地距縣五十里別築一城以守其工不旬日成樓櫓壕柵畢具已而吳人舉兵號六十萬頓城下城堅不可拔始引去太祖嘉其功遣使賜以名馬溫州方明善取平陽漢遣偏師復之而親以大軍攻溫明善者國珍從子也乃與國珍議貢白金三萬兩以乞退師太祖命漢班師入覲欲遂枋用之漢辭願還守外以自效

太祖方卽吳王位卽除王府參軍仍總制處州等翼諭之曰侯閩浙平當還爾中書矣其明年漢請以廣信撫州建昌三路兵會取福建乃命指揮朱亮祖等赴之漢先以兵攻下浦城又下崇安建陽二縣太祖復遣使卽軍中賜以所御名馬還師與亮祖遇遂合擊有定別將於錦江漢視黑覆壓營以爲戰必不利亮祖促之曰師至此庸可緩乎山澤之氣變化無常何足徵也漢不得已進擊破其二柵敵兵圍漢數重會天已暮漢突圍欲出馬蹶爲所執送於有定有定方欲誘漢從己未有害漢

續纂卷三十六

重

意也漢因具道主上神聖四方歸心羣雄樂爲之用且援竇融歸漢故事以減之會元使至竟遇害於福州洪武元年追封縉雲郡伯先是漢之師曰王先生者嘗率門弟子起兵逐寇完龍泉城龍泉長吏及里中惡少年疾其功因害王先生漢枉恩寧晉幕間之馳而歸泣告同門友曰咎毛術能爲師復仇吾徒顧不能耶乃引兵求害王先生者盡繆之十大夫率推其義漢在兵閒久又守鄉郡餘五年善拊循兵民以故衆皆愛之及其歿也處人立私祠祀之是歲值有星變太祖嘗占之曰東南

當失大將急遣使諭漢漢已敗歟矣

擬明史列傳卷六終

康熙乙丑夏四月同里周公贊授字

續彙卷三十六

三

鈍翁續彙卷三十七目錄

列傳卷七

何文輝

徐司馬

郭雲

王銘

武德

張鑑附

王溥

李伯昇

三十七月錄

一

鈍翁續彙卷三十七目錄終

擬明史列傳卷七

別彙七

何文輝傳

何文輝字德明滁州人元帥世隆之孫年十三太祖撫爲己子冒朱姓及長授總制尋以天寧翼元帥使守宣州頗著聲望久之擢江西行省參政收攻討江西未下州縣新淦鄧仲廉負固率兵往克其城禽斬之遂以參政從取淮東復從破平江賜綵段表裏進行省左丞復姓何氏以征南副將軍與平章胡廷美由江西路進取福建師度杉關入光澤縣徇下邵武建陽竟趨建寧元同僉達里麻用其參政陳子琦謀閉城距守文輝與廷美環四面攻之踰十日達里麻不能支夜潛至文輝營乞降詰旦總管翟也先不驁亦率衆降於文輝於是廷美怒兩人之不詣己也欲屠其城文輝馳告廷美曰與公同受命至此爲安百姓計耳今旣降矣柰何以私忿殺人廷美乃止師入城秋豪無所犯惟檻子琦送京師由是汀泉諸州縣聞之皆相次歸附文輝功居多會車駕幸河南召文輝扈從旣至汴梁命爲河南衛指揮使畱守河南遂以指揮從大將軍北取陝西所至皆有功檄守潼關擢大

都督府都督僉事予世襲指揮使復以參將從平蜀賜白金綵段要命畱守成都文輝號令明肅軍民皆德之遷大都督府同知踰三年移鎮北平又移鴈門以疾召還卒於家帝稱文輝謀略深遠威望凜然遣營葬滁州東沙河上卹賚甚厚子環成都護衛指揮使征韃靼敵後國初多畜義子與諸將士分守諸路故用周舍守鎮江道舍守宣州馬兒守婺州柴舍眞童守處州金剛奴守衢州皆義子也周舍者沐英故軍中又皆嗜沐舍馬兒者徐司馬柴舍者朱文剛文剛與胡大海耿再成死處州之難而道舍卽文輝也其人率皆以功名顯惟眞童金剛奴無考又有朱文遜者亦以義子前死無爲州史不言其小字云

徐司馬傳

徐司馬字從政揚州人元末兵亂年甫九歲弃道傍太祖得之因養爲子名馬兒旣長出入侍左右及取婺州除總制命助元帥常遇春守禦吳元年授金華衛指揮同知洪武元年從副將軍李文忠北伐禽故元宗王慶生擢杭州衛指揮使尋進都指揮使詔復徐姓九年遷鎮河南是時南北兩京

竝建汴梁號國家重地帝繫賢司馬故特從正
任之於是宋國公馮勝方往河南鍊兵會星象有
變術者以爲占在大梁乃使使者齎敕誠勝且曰
并以此語馬兒知之爲帝所親暱如此既而復敕
勝與司馬曰天象屢見不可不警大梁軍民鎔處
尤宜戢防今秦晉二王還京常嚴兵宿衛王抵汴
之時若宋國公出返則都指揮居守都指揮出返
則宋國公亦然爾其夙夜小心無忽敕中皆官而
不名其見倚重益略與宋公埒十九年入覲遂擢
中軍都督府僉事二十五年率師討越嚮其明年

續纂卷三十七

三

還至成都以疾卒司馬故好文學遇人無貴賤率
溫溫謙厚所至能拊循士卒拯恤其貧苦甚得衆
心其在浙東河南尤有惠政結納士大夫無所不
傾公暇退居一室相與講論終日蕭然如寒素者
比雖戰功不及何文輝而儒雅過之自少賢富卒
之日家無餘貲與文輝竝稱賢將云

郭雲傳

郭雲南陽人武勇有謀略身長八尺餘狀貌魁偉
元季聚鄉人爲義兵保裕州白泉砦賊不敢犯累
官湖廣行省平章政事及元主北奔河南郡縣皆

降明雲獨堅守裕州不從太將軍徐達遣指揮曹
諒園之雲猶數出戰及兵敗被執大將軍呵之跪
雲植立且罵且求死脅以刃不動大將軍壯之繫
送京師既見太祖奇其狀貌命釋縛值方閱漢書
問之曰識字乎對曰識因以書授之使讀雲誦其
書甚習帝大喜厚加賞賜用爲溧水知縣民皆稱
之帝益以爲賢特擢南陽衛指揮僉事兼知南陽
府事使還鄉收故部曲就戍其地凡數年卒長子
弘年甫十三帝爲下制曰答之君天下者尤必褒
崇忠義故漢高祖封雍齒而斬丁公傳於史冊以
爲美談郭雲出自田間倡率義旗保障鄉曲斂
累年竭心所事王師北伐人神響應而雲集一旅
之衆數戰不屈執窮援絕終無異志朕嘉其節概
試之有司則閭閻頌德俾鎮故鄉則軍民樂業斯
可謂純臣矣雖無汗馬之勳倒戈之效治績克著
忠義凜然可以子弘入開國功臣列授宣武將軍
飛熊衛親軍指揮使司僉事世襲兩職爾弘毋狎
小人毋墮武事用承乃父厥惟懋哉

王銘傳

王銘字子敬和州人初隸元帥俞通海麾下從通

海攻元將蠻子海牙於采石以銘驍勇選充奇兵戰方合銘率諸奇兵大噪衝之遂拔海牙水砦自是數有功從通海與吳軍戰於大湖流矢中銘右臂引佩刀出其鏃復戰通海勞之曰爾誠壯士答李陵賢將也其麾下裊創而鬪固宜顧予何人乃得此於爾復從拔通州之黃橋鶩項諸砦賜白金文綺復從擊漢軍於龍灣逐北至采石銘獨突其隙敵兵攢梁刺銘傷頰銘三出入所殺傷過當賜文綺銀盃還充宿衛遂從太祖取江州復從破漢軍於彭蠡湖之康郎山又從破之於禁江口等

續集卷三十七

五

命銘招諭英山諸砦銘乃以意諭守將沈頭陀輩曰爾主連城數十方地萬里精兵百萬樓船數千猶不能自完汝暫保區區等丈之險況能久延哉今大兵四討遺孽不蚤束手歸順將安所逃死且戰且撫徑下英山擢管軍百戶從副將軍常遇春與吳軍戰於湖州之弁山再戰於舊館已又戰於烏鎮凡大小戰數十銘功爲多命守松江移太倉以其兵捕斬倭寇千餘人復賜白金文綺洪武四年都試百戶諸善用槍者率莫能與銘抗進太倉衛管軍副千戶擢長淮衛指揮僉事移溫州銘在

溫上疏曰臣所領鎮岸大海而控島壘城池樓櫓因陋就簡非獨不足以壯國威靈猝有風潮之變捍禦無所執須改爲臣敢以聞於是繕城濬濠其功悉倍於舊又加築外垣起海神山屬郭公山首尾二千餘丈宏敞壯麗屹然稱東浙巨鎮焉帝甚嘉之予世襲銘嘗請告暫還和州溫士女遮道送迎府縣長吏皆相顧失色歎曰吾屬爲天子牧民民視吾屬去來漠不甯意有愧王指揮多矣銘之得人心如此竟卒於溫

武德傳

續集卷三十七

本

武德壽州安豐人元至正中以材略應募爲義兵百戶累功至千戶德知元將亡慨然言於元帥張鑑曰天生吾才堂堂雄萬夫今不卹於東卽挫於西事執可知矣不蚤擇所依一旦與草木同腐爛豈不愴哉鑑然其言遂相率歸太祖以功授千戶分隸李文忠麾下從文忠赴將軍常遇春於池州力疾戰流矢中右股拔去之血流至踵戰自若從取於潛昌化遂從克嚴州賞銀盃一由千戶進萬戶前軍元帥楊完者軍於烏龍嶺德請曰此可襲而取也德願爲前驅文忠問曰何以知其可襲對

曰藥高覘之見其部曲徙舉不安且其聲驚是以知之文忠曰善卽襲完者覆其營移兵從取蘭谿又從克諸暨又從攻紹興先登陷敵傷右臂不顧文忠歎曰諸將士人人如武某何戰不捷哉賞米三百斛加銀盃一將英叛金萼賀仁德叛處州浙東大震從文忠定金萼又從攻處州遇仁德兵於剡山德馳當之戟手詬仁德曰若叛逆當死死在

續集卷三十七

七

七

後二年定官制改管軍百戶從文忠擊破吳兵於諸暨賞綵繒二段文忠遣從諸將援浦城所過山砦皆下又遣從擊江山盜德直抵其營羣盜大驚徐譬以禍福相率羅拜乞貸死皆撫定之復從文忠下建劔汀三州還師守嚴再從文忠悉定閩谿諸砦由百戶進管軍千戶移守衢等予世襲賞文綺四襲最後從靖海侯吳禎行邊禎以平陽重鎮外控島壖而察德可屬任命就鎮平陽在鎮八年致事久之帝發兵征雲南以德宿將命與諸大帥偕行始同德來歸者張鑑淮西人善用槍故號長

槍軍既歸太祖太祖每遣鑑攻伐必與德俱先德卒官至江淮行樞密院副使

論曰德直一舉旗陷堅之才耳顧能擇主而事可謂知矣及其最功則又僅受中賞不得與佗公侯齒何數奇甚也竊感德所與張鑑言者故爲論次於篇

王溥傳

王溥饒州安仁人仕漢爲平章事守建昌頗著聲績太祖南征嘗命將攻建昌不克未幾院判朱亮祖復擊溥於饒之安人港溥以兵拒戰師遂不利

續集卷三十七

八

而還漢將李明道等寇信州僉院胡大海往援禽明道及溥弟漢二歸於行省李文忠文忠命二人以書招溥是歲太祖帥師征漢拔江州友諒敗走武昌溥遂遣使來降命仍守建昌明年太祖次龍興率其衆來見數加慰勞命從歸建康賜第聚寶門外號其街曰宰相街以寵異之尋遣溥取撫州及江西未附諸郡縣復從克武昌進中書右丞洪武元年以溥兼詹事府副詹事從大將軍北伐屢有戰功賜文幣七表裏尋擢河南行省平章不畧事歲祿率視李伯昇潘原明云先是溥未仕時奉

其母葉避兵資谿遇亂與母相失不知在亡者凡十八年溥思母切骨寢母若告以所在者命卜者筮之其繇辭曰非巖非穴厥得朽骨及是溥從容言於帝曰臣少孤賴母葉以長以教故臣兄弟得事陛下立分寸功比者蒙恩褒崇三世陛下假寵於王氏甚厚念臣去鄉邑且久儻得賜告歸屢丘墓以伸私情臣不勝至願帝惻然許之且命禮官具祭物給之溥歸率士卒躬詣資谿之桃源山以物色求之不得晝夜號泣者三日既乃得居人吳海能言賊逼時狀謂是時夫人病不能行即投井中死矣溥又訪得井方疑信次俄有鼠自井中出徑撲入溥懷中旋復入井遂汲井索之母遺屍果在溥哀嘯不自勝乃具衣棺卽其地葬之人皆稱溥孝感溥卒子孫世襲指揮同知

李伯昇傳

李伯昇泰州人初與張士誠俱起鹽徒士誠據平江路伯昇官至行省平章事數引兵寇常州長興新城之境及王師伐吳攻湖州士誠遣伯昇赴援伯昇由荻港潛入城與右丞張天驤拒守既而大將軍達達馬國勝以降將呂珍徇於城下語伯昇

出降伯昇在城上對曰張太尉養我厚我不忍倍之搥刀欲自殺左右爭抱持之得不死眾誅伯昇曰執孤援絕太尉且不自保何況公乎不如降也伯昇俛首不能言遂從眾出降平江被圍既久伯昇知其事迫不忍士誠之歿欲說令歸命乃遣所善客踰城詣士誠門告急士誠召之入曰若欲何言客曰吾爲公言興亡禍福之計願公安意聽之士誠曰何如客曰公知天數乎晉項羽喑鳴叱咤百戰百勝卒敗於垓下天下歸於漢何則是天數也公初以十八人入高郵元兵百萬圍之此時如虎落阱中一旦元兵潰亂公遂提孤軍東取三吳有地千里甲士數十萬南面稱孤此項羽之執也誠於此時不忌高郵之危收召豪傑任以職事撫人民練兵旅有功者賞敗軍者僇使號令嚴明百姓樂附不特三吳可保雖天下不難定也士誠曰足下此時何不言客曰此時雖有言吾知公不吾聽也何則公之子弟親戚將相提兵者自以爲韓白謀畫者自以爲蕭曹儼然視天下不復有人方且美衣玉食歌童舞伎日夕酣宴而莫之倦當此之時公處居於內敗一軍不聞失一地不知縱知

亦不問故其事至此士誠曰吾甚悔之足下將何
以教我客曰吾有一策恐公不能從也士誠曰不
過死耳客曰使死有益於國家有利於子孫死固
當不則徒自苦耳且公不聞陳友諒乎跨有荆楚
戴甲百萬與江左之兵戰於姑熟鏖於彭蠡友諒
舉火欲燒江左之船天乃反風而焚之友諒兵敗
身喪何則天之所興人力固無如之何也今者敵
攻我益急公始恃湖州援湖州失嘉興援嘉興失
杭州援杭州又失矣獨守此尺寸之城誓以死拒
吾竊慮執極忠生狎有變從中起公雖欲速死不

續彙卷三十七

主

可得也故吾以爲莫若順天之命自求多福遣一
介之使疾馳金陵稱公所以歸義救民之意開城
門幅巾待命最下當不失萬戶侯況嘗許以賓融
錢俶故事乎且公之地譬如博者得人之物而復
失之於公何損士誠仰視良久曰足下且休吾將
思之然徑不降也平江破大將軍復遣伯昇詣士
誠所諭意伯昇諭之再四士誠終不應士誠繼伯
昇復促解之語在士誠傳至京師太祖命伯昇仍
故官洪武元年進中書平章兼同知詹事府事尋
命征守陝西三年以功賜文綺及帛十六段帝欲

優待之使食平章祿不署事五年以征南右副將
軍率兵討靖州五谿諸蠻寇平之帝甚嘉焉十三
年命往理漳州軍務無何復遣使召還卒於京師
子孫世襲指揮僉事

擬明史列傳卷七終

續彙卷三十七

主

康熙乙丑夏五月同里周公贊校字

鈍翁續彙卷三十八目錄

列傳卷八

宋 濂

子璵

陶 安

孔希學

父克堅附
族孫公恂

從子諤

楊元杲

阮弘道附

范常

危 綮

許存仁

劉承直附

曾 魯

鄭 湜

弟海附

徐宗實

續彙卷三十八目錄

一

鈍翁續彙卷三十八目錄終

擬明史列傳卷八

別彙八

宋濂傳

宋濂字景濂其先金華之潛谿人至濂乃遷浦江始師吳萊先生受其學已又游柳文肅公貫黃文獻公潛之門兩公皆大儒亟遜濂自謂弗如也於是學者悉稱濂潛谿先生元至正中薦授翰林院編修辭不行徑入龍門山著書踰十餘年太祖取建康遣使者辟濂濂始歎曰吾聞大亂極而真人生斯其時矣遂與青田劉基等俱入見帝尊禮之除江南等處儒學提舉兼命授皇太子經筵改起居注濂長於基一歲皆起東南負重名於時然基雄邁有奇氣數求爲世用而濂尤雍雍自命儒者不肖矣有所合既俱被徵基遂佐軍中謀議濂亦首用文學受知恆侍帝左右備顧問嘗名講春秋左氏傳濂進曰春秋乃孔子褒善貶惡之書苟能遵行則賞罰適中天下可定也已御端門帝口釋黃石公三略進曰尙書二典三謨帝王大經大法畢具願畱意講明之已又論賞賚復曰得天下以人心爲本人心不固雖金帛充牣將焉用之帝悉稱善未幾以疾告歸帝與皇太子竝加勞賜濂上

箋稱謝并奉書太子勉以季友敬恭進德修業以副天下之望帝覽書大說召太子爲語書意遂賜札褒荅焉洪武二年召充元史總裁官除翰林院學士知制誥兼修國史濂雖用文學進然在帝側遇事輒有所規益未嘗依違順旨會甘露屢降帝問災祥之故對曰受命不於天於其人休符不於祥於其仁春秋書異不書祥爲是故也皇從子文正得皇進曰文正皇固當歿陛下體親親之誼置諸遠地則善矣帝又語及神僊對曰漢武好神僊而方士至梁武好佛而異僧集使移此心以求賢

續彙卷三十八

三

天下其有不治乎車駕祀方丘患心不寧濂從容曰養心莫善於寡欲審能行之則心清而身泰矣帝稱善者良久其明年遷國子司業又明年坐事謫安遠知縣五年名爲禮部主事遷太子贊善大夫問以帝王學問之要濂請觀大學衍義乃命大書揭之殿兩廡壁頃之御西廡諸大臣皆在帝指衍義中司馬遷論黃老事命濂講析濂既如詔因曰漢武溺方伎之學喜塞外之功民力旣敝然後嚴刑督之臣竊謂人主能以義理治心則邪說不入以學校治民則禍亂不興刑罰非所先也問三

代歷數及封疆修短廣狹旣備陳之復曰三代之治天下以仁義故多歷年所後世莫及又問三代以上所讀何書對曰上古載籍未立人不專講誦君人者兼治教之責以躬行率之則衆胥化矣濂之隨事納忠皆此類也未幾又遷翰林侍講學士欲使參大政舜曰臣少無佗長惟文墨是習率待皇禁近足矣由是帝益重之濂性朴誠加小心周慎官內庭旣久從不計人之過帝多暴怒在側者輒惶懼失度不知所出濂獨樂間以一言解之帝亦未始不嘉納也所居室署溫樹二字客有問禁

續彙卷三十八

主

中語者卽指示之值方與客飲帝密使人偵視翼日問濂昨者飲酒否坐客爲誰所進何具濂悉以實對帝喜曰誠然卿不欺朕也間召問羣臣臧否惟舉其善者且曰善者與臣交故臣知之佗則不能知也有奏書萬餘言者帝厭其迂衍議欲擧之以問廷臣或指其書曰此不敬此誹謗非法復以問濂對曰彼盡忠於陛下故耳陛下方開言路惡可淡皐旣而帝覽其書有足采者悉召廷臣詰責因字諱濂曰微景濂幾悞皐言者於是帝廷譽之曰朕問太上爲聖其次爲賢其次爲君子朱景濂

事朕十有九年必誠必謹始終無二非止君子抑
可謂賢矣故久而愈益親信每燕見必設坐命茶
每旦必令侍膳往復咨詢常夜分乃罷所以恩藉
之甚至濂雅不善酒帝嘗強之至三觴行不成步
帝大歡樂御製楚辭一章并命侍臣咸賦醉學士
詩又嘗躬調甘露於湯手酌以飲濂諭之曰此能
愈疾延年故願與卿共之又詔太子賜濂良馬復
爲製白馬歌一章亦命侍臣和焉其寵待如此九
年復擢學士承旨其明年致仕賜綺帛若干問濂
卿年幾何矣曰犬馬齒六十有八帝乃曰藏此綺

續纂卷三十八

四

三十二年作百歲衣可也濂頓首謝又明年來朝
十三年以長孫慎獲舉安置茂州濂狀貌豐偉美
須頰於學無所不通爲文醇淡演迤與古作者並
在朝一切郊社宗廟山川百神之典朝會宴享律
曆衣冠之制四夸貢賦賞勞之儀劾及元勳巨卿
碑記刻石之辭天子咸以委濂屢推爲開國文臣
之首士大夫造門乞文者後先相踵外國貢使亦
知其名數問宋先生起居無恙否高句驪安南日
本至出乘金購濂文集四方學者悉稱爲太史公
不以姓氏雖白首侍從其勲業爵位不逮誠意伯

基而一代禮樂制作多屬濂所裁定聲譽燦然播
聞海外卽基猶遠不敢望也其明年卒於夔年七
十二矣先是濂之謫安遠也坐議孔子廟制失旨
然濂又有私議一篇其說皆本於禮略曰世之言
禮者率取法孔子然則爲廟以祀之其可不稽於
古之禮乎奈何今之人與古異也古者將祭主人
朝服卽位於阼階東西面尸出入降立於阼階亦
東西面此皆主人之正位也卒香主人盥升自阼
階祝先入南面主人從尸內西面祝酌奠主人西
面再拜稽首皆爲几筵之在西北也尸升筵主人西

續纂卷三十八

五

面立於尸內拜妥尸尸酢主人主人西面奠爵拜
皆爲尸之在西北也開元禮亦謂先聖東向先師南
向三獻官皆西向是猶未失古之意也今襲開元
二十七年之制遷神南面則非神道尙右之義矣
古者造木主以栖神天子諸侯廟皆有主大夫束
帛士結茅無像設之事開元禮亦謂設先聖神坐
於堂上西楹閒設先師神坐於先聖坐東北皆以
莞則猶埽地而祭也今襲開元八年之制博土肖
像則失神而明之之義矣古者灌用鬯臭鬱合鬯
臭陰達於淵泉旣灌然後迎牲蕭合黍稷臭陽達

於牆屋既奠然後燭蕭合壇鄉蓋求神於陰陽也
今用熏鄉代之庸非簡乎古者有大事皆設庭燎
司烜共之火師監之以爲不若是則不嚴且敬也
今用秉苴當之庸非質乎古之有道有德者使教
焉歿則以爲樂祖祭於瞽宗此之謂先師若漢禮
有高堂生樂有制氏詩書有毛公伏生之類也又
凡始立學者必釋奠於先聖先師釋奠必合有國
故則不謂國無先聖先師奠當與鄰國合若唐虞
有夔伯夷周有周公魯有孔子則各自奠之不合
也當時學者各自祭其先師非其師弗學也非其

續彙卷三十八

六

學弗祭也學校既廢天下莫知所師孔子集羣聖
之大成顏回曾參孔伋孟軻實傳孔子之道尊爲
先聖先師而通祀於天下固宜也其餘當及其邦
之先賢雖七十二子之祀亦當罷去而於國學設
之庶乎其弗悖禮意與今則櫟實而妄列甚至荀
況之言性惡揚雄之事新莽王弼之宗老莊賈逵
之忽細行杜預之建短喪馬融之黨附執家俱廁
其中吾不知其說也古者立學專以明人倫子雖
齊聖不先父食久矣今一切實而不講回參伋子
也配享堂上路點鯉父也配食廡閒張載則二程

之表叔父也乃坐其下顛倒彝倫莫斯爲甚吾又
不知其說也古者士之見師以榮爲摯故始入學
者必釋菜以禮其先師其學官四時之祭乃皆釋
奠今專用春秋矣釋奠有樂無尸釋菜無樂是二
者之重輕係乎樂之有無耳今則襲魏漢津大晟
之樂乃先儒所謂亂世之音者也其可乎哉古者
釋奠釋菜名義雖存而其儀不具開元禮彷彿儀
禮饋食節文爲詳三獻各於獻後飲福卽尸酢主
人主婦及賓之義也今憚其煩惟初獻者得行之
其可乎哉嗚呼學校者禮之所自出乃外繆至是

續彙卷三十八

七

佗可知矣至於廟制之非宜冕服之無章器用之
櫟乎雅俗升降之昧乎左右則尤更僕未易數也
議出諸儒臆之顧訖明世竟不及盡從云正德中
追謚文憲仲子璫最知名

璫字仲珩善詩尤工書法洪武九年以濂故名爲
中書舍人其兄子慎亦爲儀禮司序班帝數試璫
與慎并教誡之笑語濂曰卿爲朕教太子諸王朕
亦教卿子孫矣濂或奏事久不能起帝必命璫慎
扶掖之祖孫父子共官內廷衆皆以爲榮慎坐胡
惟庸黨璫亦連坐竝歿建文帝卽位追念濂舊學

名璣子懌復官翰林而濂門人樓璉鄭楷亦次第擢用璉自有傳

論曰當濂之受知於帝也優游禁近非堯舜之道不陳觀其奏對往往諷而不失乎正蓋所以匡救將順者微矣卒能大屢所學潤色鴻業俾有明制度煥乎出兩漢上區區叔孫通桓榮之徒曷足道哉曷足道哉

陶安傳

陶安字主敬當塗人少敏悟有大志博涉經史嘗從耆儒李習游元至正初舉江浙鄉試授明道書

續彙卷三十八

本

院山長換高節書院避亂家居太祖取太平安與李習率父老出迎安見帝狀貌謂習曰龍姿鳳質非常人也吾輩今有主矣帝召安與語時事安獻言曰方今海內鼎沸豪傑並爭攻城屠邑互相雄長然其志皆在子女玉帛非有撥亂救民安天下之心明公率眾渡江神武不殺以此順天應人徧行弔伐天下不足定也帝曰善吾欲取金陵何如安曰金陵古帝王都龍蟠虎踞限以長江之險若取而有之據其形勝以臨四方則何向不克帝又曰善授安元帥府令史亦授習太平知府習字伯

羽年八十餘矣卒於官安遂從入建康調行省都事擢左司員外郎進郎中帝既得劉基宋濂章溢葉琛四人問安四人者何如對曰臣謀略不如基學問不如濂治民之才不如溢琛帝多其能讓克武昌命安爲黃州知府安性寬仁長於吏治既至黃輕徭薄稅招徠流亡民賴以樂業視事三年移知饒州治如其故是時方急軍興安善諭所部輸之軍中賴以無乏信州盜蕭明攻饒安督吏人拒守且登城諭賊衆曰若皆良民奈何反爲賊用衆泣曰使官府悉如太守吾輩寧至於此城卽破保不相害也會援師至賊遂敗去諸將欲屠鄉民從賊者安不許曰彼爲所脅耳奈何殺之由是民得以完帝嘉其功賜詩褒美焉視事三年入朝饒人歌之曰千里榛蕪侯來之初萬姓耕闢侯去之日旣而復命知饒饒人復歌之曰湖水悠悠侯澤之流湖水有塞我思侯德立生祠尸祝之吳元年初置翰林院首召安爲學士於是方徵四方宿儒集闕下議禮命安爲總裁官已又修律令復命爲議律官洪武元年帝御東閣與章溢等侍側命安論前代興亡本末帝曰喪亂之原未有不由驕佚者

續彙卷三十八

九

也聞卿論此淡傲朕心古者今之鑑豈不信與又嘗論學術安因對曰道之不明邪說害之也帝曰邪說害道猶美味之悅口美色之眩目鮮不爲所惑者邪說不去則正道不興天下何從而治安頓首曰陛下誠拔本至論也既爲議禮總裁遂與省臣條上郊社宗廟諸議請分祭天地於南北郊日冬至祀天圜丘以大明夜明星辰太歲從祀日夏至祀地方丘以嶽鎮海瀆從祀宗廟則四代各爲一廟四孟及歲除凡五享孟春特祭於太廟餘合祭於高祖廟社稷則仲春仲秋上戊日凡兩祀安

續纂卷三十八

復奏古者天子大社必受霜露風雨以達天地之氣若亾國之社則屋之不受天陽故也今柵屋非禮或祭而遇風雨當於齋宮望祭帝皆從其言安事帝十餘歲視諸儒爲最舊及官侍從其承寵遇愈渥至御製門帖子以賜褒美有加御史或言安隱過帝詰曰朕繁知安安寧有此且若安從聞之曰聞之道路帝大怒曰若取道路言毀譽人以此爲盡職乎立黜御史既又命安爲江西行省參知政事從容勞之曰自卿首謁軍門爲朕陳王道論時務固已渙契於衷繼是而往敷歷中外裨益良

多茲念江西上游都會撫治者實難其選朕故以命卿安對曰臣微陋所虞奉職無狀敢不竭力以報至江西政績益著四年卒於官疾劇猶草上時務十二事贈姑孰郡公安所學尤長於易諸儒稱其筮驗若神云方國初之議諸禮也是時宋濂方以外艱家居其儀率經安裁定大祀禮專用安議祫禘禮用詹同齋戒禮朱升五祀禮崔亮朝會禮劉基祝祭禮魏觀軍禮陶凱最後復有所收易焉

語在禮樂志

論曰太祖之渡江也三吳豪傑未有至者而安獨先迎謁力贊大計卒之無一不讎非王佐之才能之乎管鄧禹追光武於鄴下房元齡謁太宗於軍門竝以一言合意遂爲元勛安殆兼之矣以擬劉宋斯亦其流亞也

續纂卷三十八

孔希學傳

孔希學字士行孔子五十六世孫祖思晦奉母以孝聞仕元爲寧陽學教諭仁宗時訪求孔子世適平章李孟具以思晦對遂封衍聖公思晦薨子克堅嗣克堅卽希學父也爲人豐頤秀額通春秋左氏傳順帝用薦者言徵爲同知太常禮儀院事以

爵傳希學既而克堅官集賢直學士亦徵希學授
祕書監卿值劇盜毛寶犯畿輔廷議遷都關中克
堅爭曰天子當與社稷宗廟俱存亡柰何弃而佗
之今勤王兵方四集可一戰平也其後卒如克堅
言克堅累遷國子祭酒以世亂不樂仕父子相率
弃官歸鄉里明師抵濟寧克堅謝病使希學迎謁
大將軍於軍門大將軍徐達禮重之遣詣京師太
祖召見希學訪以古今治道奏對稱旨因諭曰爾
父果有恙乎希學曰主臣臣父實病不能行乃使
使者齎敕起克堅而會克堅亦已力疾抵淮安遂

續纂卷三十八

主

偕使者至覲帝謹身殿帝以老秀才嘑之從容慰
勞曰爾年幾何對曰臣犬馬齒五十有三帝曰爾
年未耄而疾嬰之朕不煩爾以官爾家先聖後其
不可不務學爾宜教誨爾子暨爾族人俾知進學
以振揚爾祖之道則儒術有光矣克堅頓首謝即
日賜第一區馬一匹米三十斛翼日又名見顧謂
侍臣曰朕不授孔克堅官者欲優崇先聖後故養
之以祿而不責以事也於是命希學襲封衍聖公
如故且置衍聖公官屬六人並從希學選舉帝待
克堅父子以賓禮郊社必致膳肉歲時賚問不絕

洪武三年克堅疾篤特詔中官臨視賜金綺遣還
薨於道希學既服闋歲一朝京師班次丞相帝嘗
問希學曰爾上距爾祖幾何年矣對曰近二千年
矣帝曰世代綵遠如此而人尊禮如一日何也為
爾祖明綱常興禮樂傳至萬世其道不可廢也且
聖人無所不學故得為聖如游實之對雖童謠尚
識之況道德之奧乎爾其勤學不怠毋孤朕望希
學頓首謝希學兼通經史文辭典瞻每賓客識集
輒談笑揮筆其章立就又工隸書得者率皆藏去
家居復祭田為豪民所侵者五十頃禮器禮服樂

續纂卷三十八

主

舞儀式悉以次修舉士大夫無不稱之始元仁宗
以思晦為中議大夫予四品印最後進嘉議大夫
改三品印帝既命希學襲封乃謂禮部官曰孔子
萬世帝王之師今其後嗣秩止三品弗稱褒尊孔
子之意因授秩二品鑄銀印賜之其誥則視一品
云希學襲子訥嗣傳十世 皇清順治初仍 命
世襲不絕至今希學從子諤族孫公恂
諤字貞伯舉永樂六年鄉試明年會試乙榜第一
時仁宗方以太子監國謂侍臣曰孔氏子姓在本
朝未有仕者何不以進士取此人侍臣皆曰考技

者不容徇私也吏部將除謬學官仁宗召見賜冠帶命送國子監肄業未幾春坊缺左中允仁宗顧謂東宮官曰中允官幾品曰正六品仁宗曰孔謬可因授左中允俾教皇子諸王賜第一區及佗器物甚具謬師道嚴正一無所阿嘗撰中庸補注三篇繕槧以進仁宗嘉之尋轉大理寺評事洪熙初改監察御史巡按江西遼東所至皆著風采出爲河南按察司僉事卒於任

續纂卷三十八

南

公恂字宗文中景泰中會試適聞母疾遂不赴廷對帝知之問禮部官曰孔公恂何以不至禮部具以故對乃遣使召之入於是日將午矣試卷不及備命翰林院給以筆札既登第卽丁母艱歸天順初補禮科給事中久之詹事府缺左右少詹事帝慎擇其人有以公恂及春坊右贊善司馬恂薦者因而授是官帝還宮大喜謂孝肅皇后曰朕爲汝子得兩賢臣爲輔孔公恂聖人之後也司馬恂賢人之後也孝肅皇后者憲宗生母是時方以皇貴妃有寵於帝於是具冠服拜謝中官謹傳以爲盛事憲宗卽位改大理寺左少卿尋復以少詹兼左諭德坐言事謫漢陽知府遭父艱不行服闋復以

少詹管南京詹事府事卒於任孔氏在明世舉鄉試者自謬始進士甲科自公恂始

楊元杲傳

楊元杲字文繁滁州人家世儒者太祖駐兵於滁通天大旱憂之元杲言於太祖曰滁之西南豐山中有柏子潭龍祠每禱輒應既禱或魚躍或龜躍浮皆雨微也太祖卽齋沐往禱訖立潭西崖久之無所見乃彎弓注矢祝曰神食茲土其可不恤吾民與神約三日必雨不雨則毀神祠因連發三矢潭中而還及期雨果澍元杲由是爲太祖所知與

續纂卷三十八

北

同里阮弘道數侍左右日見親幸旣入建康立江南行中書省授元杲弘道左右司員外郎是時幕中軍務絡繹命偕侯元善陶安夏番掌行機文文字悉當太祖意尋進元杲本司郎中會計婺州叛將蔣英命詣金華總理軍儲事賊平始召還而弘道亦於是歲以郎中從大都督文正鎮南昌於是漢人入寇圍南昌甚急弘道佐文正督率諸將晝夜拒守以待援兵城竟得全弘道與有力焉得擢宣徽院使元杲弘道皆於太祖最故又皆儒雅嗜文學練達政體而元杲知慮尤周密數見器於帝

帝嘗曰文臣相從渡江掌簿書文字勤勞十有五
年如楊元杲阮弘道者子孫皆令世襲所鎮撫可
也其後元杲歷應天府尹弘道歷福建江西行省
參政皆卒於官元杲有子賁尤博學強記以辭翰
知名薦授大名知縣至周府紀善

范常字子權亦滁州人祖孟申學者稱青山先生
常幼警悟嗜學淹通古今知名於時同里楊元杲
阮弘道既在太祖左右常亦杖策謁軍門因畱置
幕府太祖之取和州及渡江建康也悉參謀畫
禮遇視元杲弘道久之授太平知府太祖諭之曰

續纂卷三十八

宋

此吾股肱郡其民數罹兵革勞飢久矣爾宜有以
撫輯之常既至募民墾荒土時民間乏種糧會官
廩有穀數千石常請於朝悉發貸之至秋大稔公
私俱賴以濟暇卽延師儒招誘民閒子弟教之學
民甚安之入爲侍儀使數訪時政及古今事宜常
述所聞以對其辭多質直又嘗撰滁和事蹟至是
上之太祖大喜洪武元年擢翰林直學士尋兼太
常卿凡禮樂制度皆命與議以老疾免復起爲起
居注力請致仕御製詩四章送之初常每自稱琅
邪山人或問曰山人隱者稱也吾子方在天子左

右何山人爲常應之曰獨不聞士各有志乎某雖
忝侍從抑鄉土之念誰能忘之犬馬齒且益衰憊
荷天子哀憐得返故隴此吾所以識也竟得請以
老壽終於家子組官至雲南參政有修潔稱

危綮傳

危綮字太樸其先建昌人始祖全諷唐末以起兵
討羣盜功擢撫州刺史累封南庭郡王後遂遷撫
之金谿故綮爲金谿人少通五經大指以文學見
重於時游吳激范梈之門皆折行輩與爲禮南臺
中丞張起巖少所稱許獨推服綮挾之入大都薦

續纂卷三十八

主

授經筵檢討歷官中書參知政事翰林學士承旨
出爲嶺北行省左丞上疏言事不報弃官居房山
者四歲明師將抵燕淮王帖木兒不平等監國起爲
承旨如故綮甫至而師入乃趨所居報恩寺將投
井寺僧力輓之大噉曰公無死公不食祿有年矣
且國史非公莫知公死是喪國史也綮遂止兵塋
入史庫往告鎮撫吳勉輦其書出之元實錄得以
存者綮之力也帝悉召元故臣來南京綮等陛見
命以新衣冠賜之尋授綮翰林侍講學士數訪以
元興亡之故且詔謨皇陵碑文皆稱旨會甘露降

鍾山廷臣稱賀翰林應奉雕稼曰聖人之德上及
太清中及太寧下及萬靈則膏露下起居注魏觀
曰陛下寬租賦減徭役百姓歡豫此所謂和氣之
凝也於是繁又進曰王者敬養耆老則甘露降而
松柏受之茲者降於松柏蓋陛下尊賢養老之所
致也繁因勸帝立告宗廟頒示史館帝不許繁等
皆頓首謝頃之坐失朝被劾罷居一歲復故官兼
弘文館學士賜小車免朝謁嘗偕諸學士賜宴屢
遣內官宣勸又御製詩一章以示恩寵命各以詩
進繁詩最後成帝獨覽而善之曰繁也老成殆有

續纂卷三十八

太

先憂之意佗日帝御東閣側室中繁行簾外屢聲
橐橐然帝誰何之對曰老臣危繁帝哂曰朕謂是
文天祥也於是御史王著等希旨論繁亡國之臣
不宜尚列侍從詔謫居和州守余闕廟歲餘卒先
是元之滅宋也江南浮屠總攝楊輦真珈方怙執
淫虐嗾其徒嗣古妙高上言以為前宋會稽諸陵
寢當毀是時丞相桑哥擅政即可其奏真珈遂悉
掘徽宗以下十餘陵攫取金玉珍寶無遺已乃盡
哀諸帝后骸齒建白塔於杭之故宮名曰鎮南以
示厭勝而又截理宗顱骨為飲器真珈敗其貲皆

籍於官飲器亦入宣政院以賜所謂帝師者繁在
翰林時宴見備言始末於帝帝歎息良久謂繁曰
宋主初無大失德元與宋亦無世仇既取其國何
乃縱奸人肆惡如此邪特遣主事谷秉義之北平
購訪顱骨所在得諸西僧汝納所諭有司厝於高
坐寺之西北其明年紹興以永穆陵圖來獻遂赦
葬故陵蓋實自繁發之云

續纂卷三十八

尤

會能母為上所菲薄乎和州之謫非不幸也

許存仁傳

許存仁名元以字行金華人父謙受學於金履祥
學者稱白雲先生太祖克金夢訪求謙後名存仁
至應天與語大說授府學教授仍命入傳諸子等
擢國子博士從至濠州太祖將改葬仁祖謂存仁
宜何服存仁曰於禮改葬總既葬除之太祖愴然
曰改葬雖有常禮父母之恩豈能盡報邪命有司
製紫冠白纓衫經皆以麤布為之又嘗命存仁進
講存仁講尚書洪範至休咎徵之說太祖曰天道

微眇難知人事感通易曉天人必以類應今宜上下交修以求格天之本存仁對曰善御白虎殿見諸子有讀孟子者顧問存仁曰孟子何說爲要對曰勸國君行王道省刑薄賦其要也太祖曰孟子專言仁義使當時有一賢君用其言天下豈不定於一乎是歲吳元年擢祭酒存仁故通經術有學行淡見禮遇出入殿廷坐十年每從容訪以經傳笏及古今禮文施行損益之宜亦無不與論議既官國子條上事例數則皆報可而會言官以移用官物奏坐存仁臯太祖覽其章不問也既而存仁請告歸里浙江僉事程孔昭劾存仁寓杭取妾以象身飾牀失師臣體乃詔安置韶州遇赦歸復爲忌者所劾言存仁歸不應赦條被逮死獄中弟存禮亦有學行嘗爲北平教授存仁嘗祭酒時贛縣劉丞直字宗弼元至正進士亦知名士也由博士擢司業與存仁同寮相厚善存仁將請告丞直曰不可主上方天與人歸公爲儒臣宜留此以俟登極存仁既得舉始悔不從丞直之言丞直仕至浙江按察司僉事以才識爲帝所稱

曾魯傳

曾魯字得之江西新淦人年七歲能暗誦五經或欲以神童舉之其父不聽稍長日取三史記之筆及其餘凡數千年國體人才制度沿革無不能言者遂以文學聞於時元至正中魯率里諸豪集少壯共保鄉井數具牛酒爲衆開陳順逆衆無敢爲非義者人號其里曰君子鄉洪武初召魯纂修元史總裁官宋濂稱魯諳典故最多史成賜金帛以魯居首復與編類禮書議禮者繕起魯於衆中揚言曰某禮宜據某說則是從某說則非有辨詰者必歷舉傳記以告等授祠部主事開平王常遇春之夢也高麗王遣使來祭魯欲觀其文使者固靳不得已始出之外函襲金龍黃帕函中文不署洪武年號魯讓曰龍帕誤耳若納貢稱藩而不奉正朔君臣義安在使者謝過命易去乃已安南來貢主客贊已受其表將入見魯取其副視之其王陳叔明也魯曰前王曰煜今何以驟更名趨白尚書詰之使者不敢諱始具知叔明篡日煜位頗不自安故託修貢以覩朝廷意帝曰島夸乃爾校邪卻其貢不受由是帝器重魯嘗問丞相曰曾魯在禮部何官對曰主事耳即日超六階進禮部侍郎帝

將歸倭人俘命儒臣草詔魯具稟以進帝說曰頃者陶凱文已起人意今魯復如此文近其昌乎未幾命主京畿鄉試會甘露降鍾山羣臣爭以詩應制魯獨進賦帝命侍臣取諸作更番誦之至魯文獨喜其整核歎曰此曾魯作邪豈新進可驟至哉是冬以疾乞休未抵家卒嚴陵徐尊生嘗曰南京有博學之士二人以舌爲筆者曾得之也以筆爲舌者宋景濂也其見推重如此

鄭湜傳

鄭湜字仲持浦江人其始祖綺常戒子孫勿異爨

續彙卷三十八

圭

子孫世守其言至湜凡同居者十世矣國初表其閭四方稱之曰義門鄭氏洪武十四年奸人誣其家以交通故丞相胡惟庸事吏逮捕甚急是時主家政者爲湜之從兄濂先以事往京師吏將逮湜諸兄代行湜奮曰有弟在其忍使兄陷刑辟自詣吏請行至京師濂迎謂曰吾家長也當任其舉弟勿與湜曰非兄舉也二人爭先就獄帝聞之名見二人論曰朕知義門無是也人誣之耳卽赦其舉賜酒食且問濂治家所以長久之道濂具以所行對帝嘉歎良久遂放濂還而命授湜布政使司參

政吏部言參政無缺員乃特設參議官以處之因授福建布政司左參議賜冠帶襲衣復命湜舉所知湜遂舉同郡王應等五人其後亦授參議皆有聞於時湜少聰警姿貌魁偉嘗受學於承旨宋濂濂急稱其才既至官吏民熟湜家聲輒相戒勿犯南靜民爲亂被誣誤者數千人諸將部曲多掠其婦女湜皆言於主帥俾縱遣去有劇盜殺商而取其財其同行者得脫諱於官既禽盜矣驗屍無有不肖承湜夜取盜訊之因縛置於庭匿吏案下聽其語夜半盜顧庭空無人果相向私語始知其沈厥井中明日以詰盜盜驚服吏民以爲神未踰年卒湜卒後四年詔天下度田命太學諸生繪田爲圖諸生有以賄敗者其事牽及濂復當逮濂弟洧又奮曰吾家以義名吾兄老矣吾可不代吾兄就吏乎遂自誣服死京師洧字仲宗亦宋承旨門人也夜嘗籠雞臥側聞雞初號輒危坐誦讀下筆爲文章多奇俊語死而鄉人哀之私謚曰貞義

徐宗實傳

徐宗實本名屋以字行其先鄉人宋南渡後有爲黃巖令者卒官子孫遂家焉宗實與弟宗茂皆穎

悟力學昆弟自相師友時人以二難目之元末兵亂宗實無仕宦意設塾教授於家性方嚴諸生至者輒立教條課督其勤怠以爲常久之被薦赴闕太祖欲使任風憲官宗實以草壁辭除銅陵簿復請告迎養重忤帝意謫戍淮陰驛已而朝廷選駙馬都尉東川侯子觀在選中帝欲爲之擇師難其人乃命起宗實比至教法嚴明略如家塾時觀受教甚恭既入府成昏會當講授中使援佗府例置駙馬位於中堂北牖下南向而布師席於西階上東向宗實慨然曰師嚴道尊然後民知敬學豈以一布衣故誦師道哉卽手引駙馬位使下然後爲說書越明日復然中使侍左右者皆大驚相顧以目觀年少又緣賢公子尚主宗實慮其驕蹇遺書數千言引古義相戒勸甚備且曰如此則福不如此必名禍觀得書流涕謝執弟子禮愈益恭自後遇士大夫率循循退讓若儒者帝聞而嘉之名宗實懇勞數四由是宗實賢名噪於都下洪武末授蘇州同知嘗奏發官粟二十萬石以活饑民又春時暴水鰥隄建議請修築上官以妨農且勞民山之宗實奏記曰治隄非佗役比若水患不退斯

田不可耕田不可耕斯農事盡廢其所妨多矣今第規令有田之家量田多寡俾募貧人代力則無衣食者悉得所資所謂以佚道使民非勞之也上官卒從其策吳人皆以爲便屬縣有節婦王氏元季未及旌宗實乃爲之請禮部謂事在前朝不當允於是宗實上言封比干墓至今傳爲盛典獨非前朝事乎朝議稱其識大體婦遂得旌用薦超擢兵部右侍郎奉命出使兩淮海州女子年十六許嫁而夫亡歸夫家持服養其姑姑死既葬自誓不更嫁采訪使上其事禮部又謂年未五十不在旌例宗實復言隨事處中斯爲合義不空但拘牽文法也此女既能哭夫筮嫁之初又能剪髮葬姑之後雖矧自截耳無以復加自應與立志卓異者同科詔如宗實言宗實意以海內方又安爲吏者宜勸農桑敦教化佐天子休養斯民故其所至輒詢民疾苦表率孝弟節義之行其舉職類如此及在朝則又數陳時事得失凡與大臣廷議是是非非率所見力言之一不肖出傳會語以是不得久居位再使浙江爲忌者所中被劾免尋起尙寶司丞成祖卽位疏乞骸骨歸踰二年坐事逮至京卒於

逆旅少保永嘉黃淮其高第弟子也

擬明史列傳卷八終

康熙乙丑夏五月同里周公贊校字

續彙卷三十八

末

鈍翁續彙卷三十九目錄

列傳卷九

荅祿與權

張籌父翼附

胡子祺

劉士猗

羅子理

劉辰

續彙卷三十九目錄

一

鈍翁續彙卷三十九目錄終

擬明史列傳卷九

別彙九

荅祿與權傳

荅祿與權字道夫其先乃蠻部人有別號荅祿者子孫因以爲氏四世祖抄思始仕元至隨穎等處萬戶自是世爲元官與權舉至正初進士由祕書監管勾歷河北道廉訪司僉事入國朝寓居河南之永寧故遂爲永寧人爲人博學強記善諧詭以元故官名赴京師洪武六年用薦者言授秦府紀善改監察御史是歲重刊律令憲綱頒之諸司從與權請也盱眙縣民進瑞麥一莖二穗者凡十

續纂卷三十九

一

六本與權言天產嘉祥皆所以兆國家之福明聖世之應也茲者瑞麥乃上帝假草木以彰君臣異體同心之象又產於盱眙盱眙地屬臨濠固帝鄉也是宜薦諸宗廟用慰祖宗在天之靈且新麥之登尙以時薦況瑞麥乎帝曰以瑞麥爲朕德所致朕非薄不敢當其必歸之祖宗御史言是也已又請祀三皇其略曰臣稽經史伏羲神農黃帝號稱三皇盛德大業被於萬世三綱由之而正九法由之而敘者也故堯舜禹湯文武承其道爲統孔子顏曾思孟述其道爲學統以續其業學以傳其心

續纂卷三十九

二

三皇所爲繼天立極爲萬世宗者豈但陰陽醫術而已哉其在祀典法施於民則祀之今社稷宗廟山川之神皆得享祭而三皇者獨闕焉非所以崇德報功也臣愚謂陛下宜祀三皇春秋躬行祀事帝覽疏稱善遂因與權言廣之命右司特建帝王廟於京師且遣使者巡視歷代諸陵寢設守陵戶二人每三年一致祭其制度皆自此始七年出爲廣西按察司僉事未之任復畱爲御史又請行禘禮其略曰古之王天下者既立始祖之廟必推其所自出之帝祀之於廟而以始祖配之故曰禘者大也王者之大祭也周祭太王爲始祖推本后稷爲自出之帝今陛下受命七年矣而禘禮未舉宜敕羣臣參酌古今行之以成一代盛典事下禮部太常寺翰林院議議者以爲虞夏商周四代其世系明白皆可得而推故禘禮可行自漢唐以來世系無考莫能明其所自出當時所謂禘者不過祫已祫之主序昭穆而祭之乃古之祫禮非禘禮也今國家旣已追尊四廟而始祖所自出者猶未有考則禘祭難於遽行於是與權議遂格未幾擢翰林修撰坐事降典籍進應奉十一年以年老賜致

仕帝既停禘禮至嘉靖中禮官復以爲言或云禘德祖或云禘顓頊世宗皆不從詔曰可稱皇初祖帝神母庸主名五歲一行於太廟奉太祖配其禮始定焉

張籌傳

張籌字惟中無錫人父翼性隋直任氣當張士誠之被禽也吳將莫天祐固守無錫屢殺明招諭者不宥下明師謀將屠城翼奮曰事急矣卽率父老與天祐大聲相辨折使速約降天祐意沮復縋城趨謁明帥祈勿誅僇降人帥兄翼氣貌奇偉大喜

續彙卷三十九

三

許諾城中人率賴以完翼有力焉籌舉元浙江省試第一洪武四年尙書詹同薦授翰林應奉未幾進禮部主事奉詔與尙書陶凱編葺漢唐以來藩王事蹟爲昭鑑錄六年擢湖廣行省參政九年召爲禮部尙書命與學士宋濂定諸王妃喪服之制籌有文學記誦淹博又在禮曹久其於歷代禮文沿革俱所諳曉然亦頗善附會先是吳元年建大社大稷壇於宮城西南皆北向社東稷西又嘗命學士陶安等進圖丘方澤宗廟社稷諸議悉從其說行之已數年矣既而天子以創業之始凡一切

禮樂皆宜有所更定而社稷國初所建未盡合禮且悉沿前代之舊不足以彰一代盛典遂命禮部再議於是籌上疏言臣等奉詔詳考社稷配祀及合祭分祭與夫社主之設臣謹按通典顓頊祀共工氏子勾龍爲后土后土爲社烈山氏子柱爲稷稷田正也高辛唐虞夏皆因之周弃亦爲稷自商以來祀之此社稷之祀所由始也商湯因旱遷社以弃代柱欲遷勾龍無可繼者故止然王肅謂社祭勾龍稷祭弃皆人鬼非地神而陳氏禮書又謂社以祭五土之祗稷以祭五穀之神鄭康成亦謂社爲五土總神稷爲原隰之神勾龍以平水土功故配社弃以播種功故配稷二說不同漢元始五年以夏禹配食官社弃配食大稷唐宋及元則又以勾龍弃配蓋皆本鄭氏此配祀之說初未有一定也至於社稷分合之義書名諸社於新邑孔注云社稷其牢又封人掌設王之社壇注云不言稷者舉社則稷從之如是則當時社與稷固已合而一之矣陳氏禮書曰稷非土無以生土非稷無以見生生之效故祭社必及稷以其同功均利而養人也而章氏考索則曰土爰稼穡其本一也社爲

續彙卷三十九

四

九土之尊稷爲五穀之長稷生於土則社與稷不可岐而二之矣又曰祭主乎誠誠苟不至分祭何益是則社稷之祭合而一之於古亦有明徵也至於壇位則周禮小宗伯掌建國之神位右社稷左宗廟起大事動大衆必先告於社而後出其制在中門之外外門之內尊而親之與先祖等漢建官社大稷在宗廟之右唐因隋制在含光門之右大氏皆本成周左祖右社遺意社主之設周禮大司徒設社稷之壇而樹之主各以埤所宜木名其社小宗伯立軍社鄭注云社主用石爲之蓋以石者

續纂卷三十九

五

土地所生最爲堅實故也唐神龍中議立社章叔夏引鄭義以爲社主用石韓詩外傳云天子社主長五尺方二尺刻其上以象物生方其下以象地體埋其半以象根在土中而本末均也宋初祭社稷正配位用神位版大社又以石爲主其形如鐘長五尺方二尺刻其上培其下半其中植槐是則木主石主前代蓋兼用矣今擬社稷合祭其爲一壇皆設木主而丹黍之祭則設於壇上祭畢收藏仍用石主瘞之中如唐宋之制至於以勾龍配社以弃配稷弃雖唐虞農官而勾龍其工氏之子也

祀之無義商湯欲遷之未果漢嘗易以夏禹而禹已列祀帝王之次弃亦配食先農請罷勾龍與弃配位謹奉仁祖淳皇帝配享大社太稷以明祖社尊而親之之道帝覽奏大說乃命有司改築籌又疏言天地社稷宗廟崇敬之禮一也故書稱成湯顧諟天之明命以承上下神祇社稷宗廟罔不祇肅後世列爲中祀失所以崇敬之意至唐升爲上祀而國初復仍中祀祭服或用通天冠絳紗袍或用皮弁行禮訖未有定今有事社稷既奉仁祖淳皇帝配其禮嚴重宜爲上祀具冕服以祭奏可籌

續纂卷三十九

六

既驟更祀典其說最當帝心願通儒或竊非之十年坐事罰輸作十二年再起爲本部員外郎其秋復尚書任等以事免

胡子祺傳

胡子祺名壽昌以字行吉水人明師下吉安粹有寇變民爲寇所脅者千餘人寇退大帥將盡殺之子祺忝謁營門力言從寇非民所欲殺之且失人心始得免洪武三年以儒士選授監察御史先是帝嘗召諸老臣問以建都之地有言關中險固金城天府之國宜爲都者帝以天下甫定國家財賦

轉輸悉資東南重勞其民故遂已之詔改建康平梁爲南北京以臨濠爲中都然而非帝意也至是子祺首上書請都關中略曰天下形勝之地可都者四河東地執高厚控制西北堯嘗都之然其地苦寒江淮士卒所不堪汴梁襟帶河淮宋嘗都之然其地平曠無險可馮不足以限禦戎馬洛陽周公嘗卜之周漢嘗遷之然嵩卽諸山非有轂函終南之阻淵濶伊洛諸水非有涇渭灞澇之雄故據百二山河之勝可以聳諸侯之望縣宗社之胙舉天下莫關中若也帝覽書稱善其後遂命皇太子

續彙卷三十九

七

巡行陝西爲擇文武諸臣扈從且諭之曰天下山川惟秦地號爲險固汝一游以省觀風俗懋勞秦父老子弟益微示太子以遷都意及太子自陝西還無幾時而夢會帝亦遂病於是卒不果云子祺爲御史尋遷廣西按察司僉事屢平冤獄凡祠廟不載祀典者悉令徹毀開宋元祐黨人碑在融州山谷中卽昇出搗碎之已又改知彭州彭故有都江諸堰秦時守李冰所鑿導江水以灌成都田歷代皆用鐵石修之勞費不貲元季兵興堰廢民失水利旁堰田遂不治子祺建議修築請以竹木代

鐵石爲之衆初疑不可就又謂當役萬人子祺曰得二千人足矣未幾堰成費省而利溥民甚便焉遷延平知府延平聽事側有淫祠數爲妖前知府徙舍避去子祺至命焚祠更作室其上居之妖亦遂息踰年卒於任子祺有惠政吏民皆罷市走哭次子廣永樂中至大官有傳

劉仕貍傳

劉仕貍字伯貞安福人父開開兄開與其弟閔皆以春秋應舉爲元官獨開不仕家居著書終其身仕貍少受父學洪武初里人有忌仕貍者以里役

續彙卷三十九

八

陷之爲安福丞張禧所辱仕貍心憤益以學自力扁所居室曰悠然晨夕讀書其中從游者口衆洪武十五年應賢良舉策以求賢圖治之道仕貍條對略曰取人自古爲難求之以貌則偉於容者或內行之不立考之以文則富於學者或才用之不足辨之以識則達於務者或心術之多乖察之以言則佞於口者或力行之未逮收之以望則隆於譽者或實德之尤病以是五者取人猶曰不然況乎郡縣諸臣舍是五者惟取庸碌之流醫巫工卜之子僥倖以寬其責顧欲至治之與其將能乎是

故任一人不如任衆人自今學校所貢宜令學官審之有司覆之其果經行修明然後升之禮部有司所舉宜令縣令審之郡守覆之其果行藝清淑然後進之吏部舉凡學官所貢有司所舉每得人則錄以爲績每失人則紀以爲過及其考課績多者陟過多者黜加又厚祿秩以作其廉信刑罰以警其墨如是則官得其人人稱其職矣對奏稱旨授廣東按察司僉事分司瓊州州在海外外民夸錯居其俗故犷悍不可盡繩以法且善用蠱每上官至輒致所產珍貨爲贊受則喜以爲無猜嫌不受

續彙卷三十九

九

則懼且致禍遂投毒蠱殺之由是仕宦者至瓊悉爲所汙無得免者仕貲方以廉正自持既蒞任又數有惠愛輕徭理枉大得民俗之和雖卻其贊夸人不忍害也故時辱仕貲者張禧適調丞瓊山以屬吏進謁大慙怖幾不敢叩視仕貲待之坦然與佗吏等禮遂感服其不宿怨如此未幾朝議省僉事官仕貲亦例降遂改授河泊使二十三年渡河遭風歿於水其同寮張仕祥言諸官乃得葬焉

羅子理傳

羅子理本名性以字行泰和人洪武四年舉於鄉

授德安同知先是有盜號糟李萬戶者引其黨入府治劫殺太守以下掠庫藏官禽其黨悉就僇獨糟李逸詔捕方急蹤蹟所過食宿凡繫獄者數百輩民間騷然子理至或負遺尿詣府稱糟李實死此是也詰問死幾何時一歲矣子理曰始死時曷不言驗其首則須髮具在皆皓然白也因曰糟李年未四十此安得是邪乃出所繫數百輩諭之曰朝廷但欲得賊耳若糟李旦出汝輩暮皆寧家何爲甘受楚毒庇一賊乎與尅期十日期必獲卽汝輩俱良民也繫者叩頭曰府公欲活我敢不竭死

續彙卷三十九

十

方悉解縱去七日果生縛糟李至庭下遂以獲賊聞於朝勞其衆罷遣之部檄促賦民鐵民猝不能辨子理先治署後蔬圃得窖鐵萬餘斤民爭趨求鬻子理曰無庸鬻也盡出以代民賦有餘則取貯官庫鉢兩不以自私蓋其公廉如此爲政務寬恕與小民相見煦煦如恐傷之惟遇剋賊吏一無所假貸有干請者輒不聽聲望大著其下舉畏服焉應城縣吏劉仁盜官麥發覺子理方攝府事逮治之仁懼死不敢出會僉事朱逢吉行府仁乃出誣子理佗過欲規以自免子理將就鞠參政陶凱吳

雲間之馳招逢吉還謂曰君不知德安有羅同知
邪湖廣二十七府纔得賢守三人其可枉乎三人
者岳州馬知府沔陽彭知府及子理也逢吉應曰
諾卒抵仁舉白子理之誣秩滿至京坐擅用東木
染軍衣爲御史大夫陳寧所劾謫戍西安行橐無
百錢不以幣意年七十卒於戍所子理性耿介不
喜與俗人處記問賅博爲文章切淡工書法其枉
西安也四方諸宿儒集者甚衆吳人鄒奕歎曰合
吾輩所讀書僅及羅先生半耳西安諸生從受經
者其後率多舉進士云

劉辰傳

劉辰字伯靜金華人其祖少育於舅因冒舅姓爲
王至辰始復姓劉氏太祖下婺州辰首詣軍門上
謁署典籤左丞李文忠開省嚴州辟置幕下有元
帥葛俊者守廣信文忠嘗檄使出兵俊不受命又
嘗當嚴寒集丁夫浚城濠民閒苦之洵洵思爲變
文忠檄止俊俊亦不聽且出惡語侵文忠文忠怒
欲臨以兵辰進諫曰如此則變生矣季公母張皇
某請得以單騎往諭遂到廣信反覆爲俊陳說大
義俊始悔謝文忠意亦解是時俊頗桀驁其不至

續纂卷三十九

土

激變者辰之力也尋授監辦金華茶鹽官秩滿以
親老乞歸久之薦授湖廣道監察御史數奏釋冤
獄帝皆從之擢鎮江知府辰爲人忼慨善議論喜
立功名尤長於吏治數爲民興利除害不少怠府
有瀕江田八十餘頃久淪江中有司責民賦如故
辰請於朝得免京口牘廢東南漕運者別取新河
江陰二港出江遭風輒損辰親相視自京口抵呂
城百二十里悉募民浚治重立牘門凡數處漕河
盈涸不常每卽練湖相灌注湖故有三斗門亦廢
辰復修築之及斗門成漕舟無阻而湖下山亦益
稔公私俱以爲公浙東西輓輸民死境上者輒爲
收瘞之其疾病者給口食衛出境賴以全活凡數
百人丹陽道接句容諸惡少無籍者率伺昏暮行
劫爲行旅患辰調得其巨渠縛以徇其盜遂息士
民無不頌說辰者永樂初召修太祖實錄既成進
江西左參政尤有惠愛奏蠲荒田額蓋至六萬餘
石未幾坐事免尋起北京行部左侍郎數被顧問
以老致事歸踰年驛召至京疾作復遣還卒於常
州始辰之署典籤也嘗奉命使方谷眞谷眞夜遣
左右飾二豔姬以進辰叱卻之谷眞大慚服由是

續纂卷三十九

圭

遂知名云辰有從父良仕元爲常州萬戶府知事
張士誠圍常州良遣其子毅齋蠟書取閒道求援
浙江行省未還而城陷良獨不屈闔門赴水者十
餘人於是良歿久矣辰向士大夫數稱述其從父
歿時事良藉是亦有聞於世

擬明史列傳卷九終

續彙卷三十九

三

康熙乙丑夏五月同里周公贊校字

鈍翁續彙卷四十目錄

列傳卷十

馮堅

李仕魯

陳汝輝附

韓玄可

周觀政歐陽詒附

凌漢

葉居升

道同

續彙卷四十目錄

一

鈍翁續彙卷四十目錄終

擬明史列傳卷十

別彙十

馮堅傳

馮堅不知何許人洪武中授江西南豐典史縣民說之爲作德政謠一章二十四年上書言九事一曰養聖躬以福民社王者綜理萬幾固當宵衣旰食勵精圖治然而兆民之安宗社之固咸係於一人陛下春秋高矣未見日而朝百官日晏而猶未罷此非順時調護之道也臣願清心省事不與細務以爲民社之福二曰擇老成以福諸王諸王方當英妙壯盛其左右輔導不可不慎也臣願擇取老成之臣出爲王官使得正色直言以時匡救庶幾謹守藩屏以爲諸王之福三曰攘要荒以福中國先王立綱陳紀制禮作樂以成至治者由其懾服遠人然後中國奠安得以施其政教也今天下一家四海一人而邊鄙無備可乎臣願務農講武屯戍邊圉以爲中國之福四曰勵有司以福生民方面諸臣所以表率守令者也臣願得廉正有守之士旌別所屬賢不肖具實以聞於朝而黜陟之則爲有司者有不遷善改過而勇於自治者邪上下守法則刑清訟簡家給人足足爲生民之福矣

續彙卷四十

一

續彙卷四十

二

五曰褒崇祀典夫生而功業顯於當時則其逝也聲藝著於後世往往載在祀典崇德報功使民慕思不忘者也臣願備敕有司采訪歷代忠烈事蹟量加封謚俾末俗有所興動六曰減省宦寺夫寺人之設不過備使令給灑掃而已在管人君多爲所制由其晨夕密邇故其言易入遂養成禍患而不自知也以陛下鑒察之明萬萬無此臣願上覽史籍裁去冗員不惟嚴重朝廷實可杜異日威福陵轡之漸七曰調易邊將用將開邊國之大事在管人君假以兵枋久在邊圉卒致放縱淫佚不可駕馭陛下聖謨廟算業已舉無遺策凡諸將帥必察其言行可託腹心者然後置諸閫外又必時遷歲調不使久居其任不惟保全勳臣實可防將驕卒墮內輕外重之漸八曰采訪吏治先王以知人安民爲急夫知人所以安民也今有司未盡得人廉幹之才或爲上官所忌寮吏所嫉其能自立不屈鮮矣故爲善於下而上不加察非激勸之善術也臣願廣布耳目訪廉席貪以明黜陟九曰增置關防夫立法防奸有國之先務也自陛下旣置勘合編字爲號彼此各藏其半凡有徵發必驗之使

同然後得行可謂得革敝之本矣近聞諸司惟以帖委胥吏俾督所部少不如意輒加箠楚其害乃及於民臣願增置勘合以付諸司聽其填寫差遣既訖繳報如此則所司必不輕發以病民而庶務亦不至屢曠也書奏帝覽而嘉之稱其知時務達事變顧又謂侍臣曰堅言惟調易邊將則未然邊將數易則兵力勇怯敵情出沒山川形勝無以備知儻得若趙充國班超者又何取數易爲哉乃命吏部擢堅左僉都御史在院頗持大體其明年卒於任堅同時有寶慶衛舍人倪基者亦言四事一

續彙卷四十

上

任武臣二制民產三興學校四察賢能帝命參贊興平衛軍事其言雖不盡施行然欲以廣開言路故率皆超擢云

論曰馮堅之疏非能自下刪上如賈誼劉向然也其言邊將蓋揣摩迎合者微矣故能漢常帝心驟致尊顯帝顧謂之未然豈其然乎

李仕魯傳

李仕魯字宗孔濮州人自少穎敏篤學足不闕戶外者蓋三年又聞婆人朱公遷得朱儒朱熹之傳千里往從之游盡受其學聲望隱隱起太祖故知

仕魯名洪武初詔求能爲朱氏學者有司舉仕魯入見太祖喜曰吾求子久何相見晚也對曰臣逢掖士不能左轡右弭佐陛下馳驅中原冀武功成以文學進耳帝笑謂文武一也朕方收攬賢才豈區擇文武乎除黃州同知諭曰朕姑以民事試子所學行且召子矣居黃期年用治行聞果命爲大理寺卿帝自踐阼後頗好釋氏之教詔徵東南戒德僧數建法會於蔣山應對稱旨者輒賜金襴袈裟衣暇則召入禁中賜坐與講論若吳印夢克勤之屬又驟蒙拔擢至大官時時寄以耳目由是其

續彙卷四十

甲

徒橫甚羣臣莫敢言者惟仕魯與給事中陳汶輝後先爭之汶輝疏言古帝王以來未聞縉紳縉流裸居同事可相濟也今者勳舊耆德咸思辭祿去位而縉流儉夫乃益以讒閒如劉基徐達之見猜李善長周德興之被謫視蕭何韓信其危疑相距豈有閒哉伏望陛下於股肱心膂悉處以德行文章之彥則太平可立致矣帝不聽而會諸僧怙寵者遂請爲釋氏勅立職官許之乃改先所置善世院爲僧錄司設左右善世左右闡教左右講經覺義等官皆高其品秩其於道教亦然嘗度僧尼道

士至踰數萬仕魯疏言陛下方創業凡意指所嚮
卽示子孫萬世法程柰何舍聖學而崇異端乎亦
不聽仕魯爭之力章數十上其爲人剛介有氣節
本由儒術起方欲推明朱氏之學以闢佛自任既
見僧徒賡橫如此而所言又訖不施用遽請於帝
前曰陛下深溺其教無惑乎臣言之不入也還陛
下笏乞賜骸骨歸田里遂寘笏於地帝大怒立命
挫擊死士大夫皆痛惜之汶輝字耿光詔安人薦
授禮科給事中累官大理少卿在朝數言得失最
後忤旨投金水橋下死仕魯與汶輝死數歲帝始

續彙卷四十

五

悔悟有詔清理釋道二教云然僧錄及道錄諸司
所設官訖明世竟不復革矣
論曰甚矣哉佛教之惑人也英武如太祖猶不能
納仕魯讜論且加慘殺焉況欲以止輦愉顏望諸
中主而下乎嘗考蔣山之爲法會也天子親屈萬
乘之尊皮弁搢圭率公侯百官臨幸筵坐樂舞竝
作僂僂奠獻傳會者至謂佛光夜見天雨娑羅樹
子夫亦近於不根矣於時朝多巨儒率莫能救止
而朱濂又侈以詩若文至謂普拔幽冥感動天地
噫此儒者所不道也

韓玄可傳

韓玄可字伯時浙之山陰人元至正中行御史臺
辟爲掾玄可拒不行洪武初薦授山陰縣學教諭
轉楚府錄事尋擢監察御史無何丞相胡惟庸御
史大夫陳寧中丞涂節侍太祖坐方從容燕語玄
可直前出懷中彈文劾三人險惡似忠紆佞似直
恃功怙寵內懷反側擢置臺端擅作威福乞斬其
首以謝天下帝怒曰快口御史乃敢排陷大臣邪
命錦衣衛監問尋釋之出爲江西按察司僉事時
官吏有舉者笞以上悉屯鳳陽其人毋慮萬數玄

續彙卷四十

六

可疏爭之曰刑以禁淫慝一民軌玄論其情之輕
重事之公私舉之大小而施舍之今悉令誦屯此
小人之牽君子殆矣乞分公私大小以協衆心帝
可之著爲令已入朝京師會賜諸司沒官男女以
爲奴婢玄可獨不受且極論舉人不孥古之制也
有事隨坐法之濫也官吏有舉厥辟勿宥國之典
也罰及妻子何居況男女人之大倫昏因踰時尙
傷和氣合門連坐豈聖朝所宜帝是其言後坐事
將刑御謹身殿親鞠之適天晴無雲忽雷火遶殿
中帝驚曰得無枉是人邪玄可遂獲免復疏陳二

十餘事皆報可未幾以例罷歸已復徵至命撰祀
鍾山大江文諭日本征鳥蠻詔皆稱旨特授山西
右布政使以事安置安南復用薦再起雲南參政
入爲都察院左副都御史率於官是夜大星隕櫪
馬皆驚嘶人謂宜可當之云帝之建御史臺也諸
御史以敢言著者自宜可外則稱周觀政觀政山
陰人以薦授九江學教授擢監察御史嘗監奉天
門有中使將女樂入觀政止之中使曰有命觀政
執不聽中使慍而入頃之出報曰御史且休女樂
已罷不用觀政又拒曰必而奉詔已而帝親出宮

續纂卷四十

七

謂之曰宮中音樂廢缺欲使教內家肄習耳朕已
悔之御史言是也於是左右無不側目駭者觀政
累官江西按察使前觀政者又有歐陽韶字子韶
永新人亦薦授監察御史方有詔日命兩御史侍
班韶嘗侍值帝稟怒將謬人佗御史不敢言韶趨
跪殿廷下倉卒不能措辭急捧手加額呼曰陛下
不可帝察韶樸誠爲霽威從之未幾乞致事卒於
家

凌漢傳

凌漢字斗南河南原武人洪武中以明經舉至京

師獻烏鵲論帝善之授司經局正字未幾出爲會
稽知縣以事逮繫久不決會按察使陶晟入覲帝
知漢無辜爲晟所淹命釋之召爲監察御史巡按
陝西疏陝西民病數事且曰古人謂大夫出疆有
安國家利社稷者專之臣竊謂在春秋戰國則可
今大一統則不可苟許其專恐啓大臣擅權之漸
帝善之召其子賜鈔二百錠衣一襲及還京師有
德漢者邀漢置酒且欲厚報以金漢曰法如是耳
非我私子酒可飲金不可受帝聞之嘉歎擢右都
御史時詹徽爲左論議頗不合每面折徽徽銜之

續纂卷四十

八

奏遣按事蘇松因嗾御史桂滿劾其失職左遷刑
部侍郎未幾命署吏部已又改禮部帝憫其衰令
歸田里漢叩頭曰臣願生居京師死葬此土許之
居歲餘徽誅起左贊善又歲餘復擢右僉都御史
尋令致仕漢入辭帝問先賜歸不行今歸何也對
曰先詹徽在臣有後憂今伏誅矣臣故敢歸爾漢
性嗜酒帝數戒諭之然以廉直爲帝所知亦以此
見忌於衆故居官數起數仆云

葉居升傳

葉居升字伯巨臨海人洪武九年以平遙學訓導

上書曰臣伏讀聖諭有云邇者五星紊度日月相刑夙夜思惟咎在朕躬其詔臣民直言得失無有所諱於是海內聞之歡噉雷動皆曰此禹湯臯己之道也凡有識知莫不欲竭知盡忠以應陛下之求況臣愚蒙久承養育以至今日者乎臣竊惟漢晉唐宋之世凡有災異必由刑政失宜賢愚倒置遂致紀綱不振或制於權臣或移於宦寺或陵遲於女主或潰敗於戎翟上下偷安苟延歲月天變於上而不知戒人怨於下而不知恤天下已壞而莫之能救臣每讀史未嘗不切齒益擊於其間也

續彙卷四十一

九

勝國之季天厭元德特命陛下以神聖之資掃除亂略薄海內外罔不臣服方宵衣旰食以圖至治漢晉唐宋之失舉皆無有然而日月星辰失序者得毋陛下鑑觀前世矯枉其敝而又有太過者與臣觀當今之事太過者三曰分封太侈也曰用刑太繇也曰求治太速也何以明之曰者君之象也月者臣之象也五星者卿士庶人之象也詩曰彼月而食則維其常陰盛陽微斯為不善矣是故日刑於月猶之可也日月相刑是月敢於抗日臣敢於抗君也陛下之有天下掃除羣雄如刈草芥包

絡豪傑如使臂指公卿大臣將數十萬之衆戰必勝攻必取者朝廷遣一介之使召之則拱手聽命無敢後時況有敢抗者乎傳曰都城過百雉國之害也先王之制凡上下等差必有定分上得以兼乎下下不得以兼乎上所為彊幹弱枝遏亂原而崇治本也今裂土分封使諸王各有土地益懲宋元孤立宗室不競之敝也然而秦晉燕齊梁楚吳閩諸國無不連邑數十城郭宮室之規廣狹大小亞於天子之都優之以甲兵衛士之盛臣恐數世之後尾大不掉然後削其地而奪之權則必生缺

續彙卷四十二

十

望如漢之七國晉之諸王否則恃險爭衡否則擁衆入朝甚則緣閒而起防之無及此皇天眷國之甚或者謹告以相刑之象與議者曰諸王皆天子骨肉分地雖廣立法雖修犬牙相制其誰敢抗者臣竊以為不然何不撫漢晉之事以觀之乎孝景皇帝漢高皇帝之孫也七國諸王皆景帝之同祖父兄弟子孫也當時一削其地則遽搆兵西向晉之諸王皆武帝之親子孫也易世之後迭相攻伐以危王室遂成五胡雲擾之患由此言之分封踰制禍患立生援古證今昭昭然矣此臣所以為太

過者也。晉賈誼勸漢文帝盡分諸國之地空置之。以待諸王子孫。向使文帝蚤從誼言。則必無七國之禍。願及諸王未之國之先。節其都邑之制。減其衛兵。限其疆理。亦以待封諸王之子孫。此制一定。然後諸王有賢且才者。入爲輔相。其餘世世藩屏與國。同休割。一時之恩。倡子孫之利。消天變而安社稷。莫先於此。臣又觀歷代開國之君。未有不以任德結民心。以任刑失民心者。國祚長短。悉由於此。前代享國之數。具在方冊。可得而鑑也。蓋古者之斷死刑也。天子必爲之徹樂減膳。誠以天生斯

續纂卷十

主

民立之。司牧而教養之。固欲其並生。非欲其卽死也。不率而率教者。入於其中。則不得已而授之以刑。惟其仁愛之篤。浹於民肌。淪於民髓。民思其德。愈久而不忘。故其子孫享國遠者。至六七百年。近者亦三四百年。議者曰。宋元中葉之後。專事姑息。賞罰無章。以致亡滅。主上痛懲其敝。故制不宥之刑。權神變之法。使人知懼而莫測其端。臣又以爲不然。開基之主。垂範百世。一動一靜。必使子孫有所持守。況刑者民之司命。可不慎與。夫管仲徒流。死今之五刑也。用此五刑。旣無假貸。一出乎大

公至正可也。而用刑之際。多裁自聖衷。遂使治獄之吏。惟務趨求意旨。淡刺者多。獲功平反者多。取辜或至以減辜多寡爲殿最。欲求治獄之平。豈易得哉。近者特旨。櫟犯死辜。免死充軍矣。又刪定舊律。諸則減宥有差矣。然未聞有戒救治獄者。務從平恕之條。是以法司猶循故例。雖聞寬宥之名。而未見寬宥之實。所謂實者。誠在皇上不在臣下也。故必有辜疑惟輕之意。而後好生之德。洽於民心。必有王三宥然後制刑之政。而後有囹圄空虛之效。此非可以淺淺期也。何以明其然也。古之爲士

續纂卷十

主

者。以登仕版爲榮。以罷職不敘爲辱。今之爲士者。以涸蹟無聞爲福。以受玷不錄爲幸。以屯田工役爲必獲之辜。以鞭笞捶楚爲尋常之辱。其始也朝廷取天下之士。網羅摺摭。務無餘逸。有司敦迫上道。如捕重囚。比到京師。所學或非其所用。所用或非其所學。泊乎居官。一有差跌。苟免誅僇。則必在屯田工役之科。率是爲常。不少顧惜。此豈陛下所樂爲哉。誠欲人之懼而不敢犯也。竊見數年以來。誅殺亦可爲不細矣。而犯者日月相踵。良由激濁揚清之不明。善善惡惡之無別。議賢議能之法。旣

廢人不自勵而爲善者息也。有人於此，廉如夷齊，知如良平，少戾於法上之人，將錄其所長，棄其所短而用之乎？將舍其所長，苛其所短而寬之乎？苟取其長而舍其短，則中庸之才，爭自奮於爲廉爲知矣。苟取其短而弃其長，爲善之人，皆曰：「某廉若是某知若是。」朝廷不少貸之，吾屬何所容其身乎？莫不苟且旦夕以求自免，良以此也。漢之世嘗徙大族於山陵矣，未聞實之以舉人也。今鳳陽皇陵所在龍興之地，而率以舉人居之，怨嗟愁苦之聲充席園邑，殆非所以恭承宗廟意也。且夫疆敵在前，則揚精鼓銳，奮三軍之氣，攻之必克，禽之必獲，可也。今賊人突竄山谷，如狐如鼠，無窟可迫，以計求之，庶或可得。顧勞重兵以討之，彼方驚駭潰散，入於溪林大壑，不可蹤蹟之地，與之較奔走，則彼就熟路而輕行，與之較死生，則彼負必死之氣。三軍之衆，孰肯舍死而爭鋒哉？捕之數年，既無其方，而乃歸咎於新附戶籍之細民，而遷徙之數千里之地，室家不得休居，雞犬不得寧息，況新附之衆，向者流移，佗所朝廷許之復業附籍矣，而又加遷徙，是法不信於民也。夫戶口盛而後田墾闢，田

續彙卷四十

圭

墾闢而後賦稅增，方貴守令，年增戶口，正爲是也。近者已納稅糧之家，雖承旨分釋還家，而其心猶不自安。已起戶口，雖蒙憐恤，而猶見在開封祇候，訛言驚動，不知所出。太原諸郡則又外界邊境，民心如此，甚非安邊之計也。晉郭璞有言曰：「陰陽錯繆，皆煩刑所致。」此臣所爲太過者也。臣願自今朝廷立錄大體，赦小過，明詔天下修舉八議之法，嚴禁濫刻之吏，蠲獄平允，則超遷之殘酷，哀斂者則罷黜之，鳳陽屯田之制，見在居屯者聽其耕種，起科已起戶口，見畱開封者悉放復業，如此則足以隆好生之德，樹國祚長久之福，而兆民自安，天變自消矣。晉者周自文武至於成康，而教化大行，漢自高帝至於文景，而始稱富庶，文武高帝之才，非不欲使教化行，富庶備也。蓋天下之治亂，氣化之轉移，人心之趨向，非一朝一夕之故也。今國家紀元九年於茲，偃兵息民，天下大定，紀綱大正，法令修明，可謂治矣。而陛下切切以民俗澆漓，人不知懼法，出而姦生，令下而詐起，故或朝信而暮猜者，有之；昨日所進，今日被僇者，有之；乃至甫令而尋改已赦而復收，天下臣民莫之適從，甚不稱陛下

續彙卷四十

市

求治之心也臣愚謂天下之趨於治猶堅冰之及於泮也冰之將泮非太陽所能驟致也陽氣發生土脈微動然後得以融釋聖人之治天下亦猶是也刑以威之禮以導之漸民以仁摩民以義而後其化熙熙也孔子曰如有王者必世而後仁此非空言也求治之道莫先於正風俗正風俗之道莫先於守令知所務使守令知所務莫先於風憲知所重使風憲知所重莫先於朝廷知所尚則必以簿書期會獄訟錢穀之不報爲可恕而俗流失世敗壞爲不可不問而後正風俗之道得矣風俗既

續彙卷四十

奎

正天下其有不治者乎古之郡守縣令爲民之師帥以正率下以善導民使化成俗美者也征賦期會獄訟簿書固其末也今之守令以戶口錢糧獄訟爲務至於農桑學校王政之本乃視爲虛文而置之將何以教養斯民哉以農桑言之方春州縣下一白帖督里甲回印文狀而已守令未嘗親視種蒔次第早澇戒備之道也以學校言之廩膳諸生國家資之以取人才之地也今四方師生缺員甚多縱使具員守令亦鮮有以禮讓之實作其成器者朝廷切切於社學故屢行取勘師生姓名所

習課業如是之詳今之社學常廂鎮城郭或但置立門牌遠邨僻處則又徒存其名耳守令未嘗以教養爲己任也不過具文案以備照刷而已上官分部按臨亦但循習故常檄取遵依又未嘗遣人巡行廉訪也興廢之實上下視爲虛文小民不知牽悌忠信爲何物鬪爭之俗成姦詐之風熾而禮義廉恥埽地矣風紀之司所以代朝廷宣導德化訪察善惡者也顧其始但知以去一賊吏決一獄訟爲治而不知勸民成俗使民遷善遠惡爲治之大者此守令風憲未審輕重之失也王制論鄉秀

續彙卷四十

夫

士升於司徒曰選士司徒論其秀士而升於太學曰俊士大樂正又論造士之秀升諸司馬曰進士司馬辨論官材論定然後官之任官然後爵之其考之詳如此故成周得人爲盛今使天下諸生考於禮部升於太學歷練衆職任之以事非不可以洗歷代舉選之陋上法成周矣然而升於太學者或未數月遽選入官委之以民社者閒亦有之臣恐其人未諳時務未熟朝廷禮法不能宣導德化上乖國政而下困黎民也顏回子奇之屬舉世不可驟得以買諛之材識文帝猶疑其年少不用顧

開國以來選舉秀才不爲不多所任名位不爲不重自今數之枉者有幾臣恐後之視今亦猶今之視管管年所舉之人豈不深可痛惜乎凡此皆臣所爲求治太速之過也管者宋有天下蓋三百餘年其始以禮義教其民當其盛時閭閻里巷皆有忠厚之風至於恥言人之過失泊乎末年扞城之將力屈計窮往往視死如歸忠臣義士不可勝數雖婦人女子羞被污辱此皆教化之效也元之立國其本固不正矣犯禮義之分壞廉恥之防自古未有不數十年奔城降敵者亦不可勝數雖老儒碩臣甘心屈辱大將北征以來爲之死者何人乎其遺風流俗至今未革深可怪也臣謂莫若敦禮義尚廉恥守令則責其以農桑學校爲急風憲則責其先教化審法律以平獄緩刑爲急如此則德澤下流求治之道庶幾得矣郡邑諸生升於太學者須令在學肄業或三年或五年精通一經兼習一藝然後入選且令宿衛辦事以觀公卿大夫之能而後任之以政則其學識兼懋庶無敗事且可以塞覬覦富貴傲幸爵祿之心也治道旣得於是陛下端拱於上百官效能於下陰陽調而風雨

續彙卷四十

七

時諸福吉祥莫不畢至尙何天變之不清也哉臣干犯天威臯在不赦書上帝大怒命逮繫刑部獄瘐死獄中先是居升將上書語其友曰今天下惟三事可患耳其二事易見而患遲其一事難見而患速縱無明詔吾猶將言之況有詔求言乎其意蓋謂分封也居升死二十餘年皇太孫卽位湘齊代諸王相次得臯而燕王獨起兵用靖難爲名遂以有天下

論曰居升所說大氏祖賈誼之故其文則不如云嗟乎邈不可以議邇疏不可以問親何則淺言之疑其怪迂深言之疑其構圖故也居升雖切中利病顧欲以此自免難矣諸史竊改此書率失其真爲略剽原文著於篇

續彙卷四十

七

道同傳

道同河間人其先韃靼族也洪武初薦授太常寺贊禮郎出爲番禺知縣番禺故號煩劇而軍衛尤橫數鞭辱縣中佐吏無所忌前令率不能堪同峭直少濫藉不避資要凡軍衛非理者一切弗從民賴以少安未幾永嘉侯朱亮祖至數以威福撼同同不動土豪數十輩好抑買市中珍貨稍不快意

即巧詆人以舉人莫敢誰何同廉得之立械其冠
通衢諸豪家爭請亮祖以賄求直亮祖置酒召同
酒次從容言之同厲聲曰公大臣奈何受小人役
使亮祖不能屈也佗日亮祖出遇被械者暴酷日
中悉搏顙哀嘯乞免亮祖遽破械脫之富民羅氏
以女納亮祖府中其兄弟因怙勢爲奸利同復按
治之亮祖亦奪去既而以佗事答同同積不平乃
條其事奏之奏未至亮祖即先劾同訕傲無禮狀
帝不知其由遂使使誅同會同奏亦至帝始悟以
爲同恥且卑而敢席言大臣不法事其人有骨鯁
風可用復使使宥之兩使者同日抵番禺後使甫
到則同已死矣於是縣民爭悼惜之或刻木爲同
主祀於家有事卜之輒驗遂謹傳同死爲神云當
同未死時布政使徐本雅重同同方答一醫未竟
而本急欲得醫遣卒語同釋之同岸然曰徐公乃
亦效永嘉侯邪必咎竟始得遣自是上官益嚴憚
之然同竟用此敗亮祖既陷殺同帝召之還以同
故坐臯罷其職語在亮祖傳

擬明史列傳卷十終

康熙乙丑夏五月同里周公贊校字

續彙卷四十

九

鈍翁續彙卷四十一目錄

列傳卷十一

汪河

羅復仁

蔡哲

傳安

趙秩

沈秩 楊載附

郭驥附

續彙卷四十一目錄

十

鈍翁續彙卷四十一目錄終

擬明史列傳卷十一

別彙十一

汪河傳

汪河字某廬之舒城人少儻有大志嘗師事武威余闕受其學以文章知名太祖渡江用爲行中書省掾數陳時務每高其才進大都督府都事會元察罕帖木兒下山東命河使察罕議論稱旨已而其子擴廓帖木兒遣使尹煥章亦以書幣來通好太祖卽遣河與錢禎往報河至河南擴廓遂畱之太祖方有事於漢未暇接也久之遣使以書遣擴廓俾遣河還其明年又遣書曰曩者遣汪河報

續彙卷四十一

聘三年不返予竊疑之意者閣下方與李羅相競得毋慮使者或泄其謀乎予竊以爲不然夫幽燕北襟居庸南阻三關此都會之地閣下兼得而跨有之此所謂伯王之基也閣下自應遠交近攻以圖大業顧計不出此方且千里裹糧與我爭江淮之利弃舊好而生新讐非策之得也夫兵執旣分其力必薄是以李羅雖死餘孽跳梁西北鳳翔鹿臺之兵合黨而東出閣下內無腹心之託外無蜉蝣之援執孤力竭此皆中原將士來歸者所說豈不詳於使臣往復之辭邪若復益以東南之兵

續彙卷四十一

三

則四面竝起閣下將何以禦之然則孰我行入於閣下亦何利焉意者閣下不過欲挾天子令諸侯如魏武之於漢乎然魏武能使公孫康禽袁尚以服遼東使馬超禽韓遂以定關中皇后太子皆在掌握然後略定中原閣下自度能埶紳正笏決此數事乎恐皆出魏武下矣古之爲國者非獨其君善斷於上也其臣亦善謀於下漢王待楚使以草具待亞父使以太牢從陳平計也今拘畱之意雖出自閣下亦以見謀臣又出陳平下矣事皆如此伯業其可得而就邪儻能幡然改轍返我行入續我舊好救災恤患各保疆宇予爲閣下計當無愧於此者吳元年春復遣書曰予起義以來拓地江右閣下之先王以興復爲名提兵河北相距數千餘里繼聞先王捐館閣下克承其緒先命使者跋涉而來予喜閣下能行先王未行之事用是遣汪河報禮不虞反得舉於閣下獨不知春秋已事乎當春秋之時諸侯分治朝聘以時會盟以道如魯襄卽位衛使子叔晉使武子來聘公亦以武子如衛穆叔如晉此交好之閒不問孰其使者齊桓伐楚屈完與盟晉人絕秦呂相先往此兵交之閒亦

水聞執其使者古人豈不能爲閣下所爲哉誠以
所爭者小所失者大也今閣下地非不廣而兵非
不多也然而張思道操刃於潼關李思齊抗衡於
隴右俞寶之兵畜變於肘腋王信之衆生釁於近
郊予恐閣下自以爲成功坐使羣雄連結禍機一
發首尾莫救此深爲閣下惜者也是以奉書惓惓
實欲盡愚誠竭忠計閣下何爲拒之若是力哉誠
能以春秋諸侯爲法卽擇使者將命且命汪河錢
頑南返豈惟不失前盟亦足以取信於天下不則
禍患日嬰疆敵日衆仇讎不解閣下必將悔之凡

續彙卷四十一

王

三與書終不報亦終不遣河洪武元年王師下河
洛擴廓遁走定西河始得歸河自出使被拘陝右
者後先六年完節不屈帝甚嘉歎之進吏部侍郎
備陳西征方略擴廓竟以致敗九年立皇子橐爲
晉王拜河晉王左相親御便殿論遣之居數歲卒
於官

羅復仁傳

羅復仁字某吉水人少嗜學尤通天文書漢陳友
諒辟爲翰林院編修未幾弃官去王師取九江復
仁謁太祖營門因畱置左右從破友諒於鄱陽齊

蠟書諭降江西未下諸郡授中書諮議又從圍武
昌太祖欲招陳理降以復仁故友諒臣也遣入城
諭理且曰理若來當不失富貴復仁頓首請曰如
陳氏遺孤得保首領俾臣不食言於異日臣雖死
不憾太祖曰汝行吾不汝誤也復仁至城下號慟
者竟日理驚絕之使人入見復仁又持理哭止問
故乃以太祖意諭之曰蓋聞成大事者不忘人之
功亦不錄人之怨況足下卽承先業本無辜戾儻
能稽首歸命必受土田之賞通侯之印孟景錢儼
可得而擬也與其閉門邀禍孰若開門求福乎主

續彙卷四十一

田

公心憫足下故特遣復仁諭意理心動猶未肯決
復仁因語理曰大兵所向猶摧拉枯朽不降且屠
城中民何辜宜蚤爲之所理善其言卽率官屬出
降遷國子助教以復仁老特賜小車出入每見又
賜坐食飲已出使山西還擢編修會安南以兵侵
占城占城遣使諫於朝遂命復仁齎詔至安南使
歸所侵地其王旣奉詔贈遺復仁金貝及佗土物
甚衆悉卻不受帝聞而賢之進弘文館學士在帝
前數率意陳得失嘗操南音帝顧喜其質直嗾爲
老實羅而不名閒牽其第值復仁方手塗具完壁

急呼其妻抱枕以坐帝曰賢士豈宜居此命賜居第於城中等乞致仕陛辭賜大布衣題詩衣襟上褒美之已又召至京師復仁奏減江西秋糧及兵餉帝皆許之畱三月復賜玉帶鐵拄杖裘馬食具遣還鄉竟以壽終

論曰自果桃萊茹之饋集以成臧而攫珠玉者不問於是乎士無廉行久矣羅復仁卻絕域之贖躬巧者之器然卒爲人主所知優致醲賞既久不衰其孰謂苦節不可貞與夫太祖之表復仁蓋亦以示勸也

蔡哲傳

蔡哲字思賢武昌人始仕漢陳友諒爲御史太祖既下南昌哲遂來歸授江南行省理問進右司郎中遣之贛州招諭熊天瑞天瑞遂遣子入侍太祖嘉哲功擢行省參政會夏主昇遣使來聘乃命哲往報之先是帝與夏使語使者盛言其國東有瞿唐北有劔閣棧道西控成都沃塹千里實爲天府之國帝笑曰蜀人不以修德保民爲本而恃山川之阻誇其富饒豈爲國久長之道邪至是誠哲曰若勿效蜀使多設浮辭貽笑鄰國也哲既受命遂

挾畫史與俱所至輒圖其山川隘塞處及還自蜀哲言於帝曰明昇闇弱大臣戴壽吳友仁輩擅政其亡可立待也因出所圖以獻遂爲伐夏張本尋出爲江西按察司僉事擢浙江行省參政召入中書已又移福建復召爲侍御史洪武三年以所舉御史犯法被劾免官卒帝深惜之命賜棺歸葬鄉里

傅安傳

傅安字志道祥符人洪武中起家後軍都督府吏授四司館通事舍人歷鴻臚寺序班擢兵科給事中先是西域撒馬兒罕數使使貢馬帝因遣主事寬徹往使哈梅里別失八里及撒馬兒罕諸國甫至別失八里其王黑的者火拘畱之帝乃復遣安爲使安遂與其副郭驥發甘肅酒泉出玉關八百里徑流沙西北二千餘里至古高昌復西至亦刺八里自此水皆西流又西三千里始抵撒馬兒罕之境其王駙馬帖木兒自恃去中國遠頗驕倨不禮安安辭氣侃侃爲具陳本朝富彊振古莫與敵王宜以時順命不當倣詔使貽後患其王遂拘畱安不遣而又欲自誇其國廣大發使道安由小安

西至乙思不罕又南至失刺思還踰黑魯諸城計萬一千餘里凡六年始復返撒馬兒罕國都安始終不爲屈其王亦竟不遣安永樂四年駙馬帖木兒死安等乃還明年抵京師於是十二年矣成祖錄其勞賜第東驂門外與郭驥俱進禮科都給事中給祿不署事以示寵異安奉使既久通知外國情僞爲番人所信服天子有事西域必以命安復屢使馬哈麻諸國諸國悉使使者隨安貢獅子名馬珍寶於朝最後又使別失八里封其酋納里失罕爲王復被拘留者十餘年乃還洪熙末遂請終

續集卷四十一

七

養且乞賜救命行在吏部言安畱外國凡二十餘年未及考覈例難給授宣宗曰安爲朝廷使遠存艱苦多矣其可拘故例乎其卽予之踰四年卒於家賜祭葬安之屢使西域也京師士大夫爭推重安爲賦西游勝覽詩侍讀學士曾棨序之以漢博望侯張騫爲比士大夫謂棨知言郭驥從安還自撒馬兒罕踰二年使本雅失理見殺

趙秩傳

趙秩不詳其何許人洪武三年爲萊州同知奉詔往使日本至析木崖入其境拒弗納秩以書達其

王良懷乃延秩入秩諭以中國威德且援詔旨譏其不奉皇帝正朔王曰吾國雖僻在扶桑未嘗不慕中國化惟蒙古小視我使使趙姓者視我虛實姑用好語誅我而以兵隨其後吾國賴天之祐靈靈波濤漂溺使者戰艦無算自是絕不與通今天使亦趙氏豈咎蒙古使者之苗裔乎始亦誅我以好語而襲我也命左右將刃之秩不爲動徐曰皇帝聖神文武固非蒙古比我亦非蒙古使者後若悖逆不我信卽先殺我我朝之兵天兵也爾禍必不旋踵矣況天命所在人莫能違皇帝之以禮懷

續集卷四十一

八

爾孰若蒙古之以兵襲爾者於是其王氣沮下堂禮遇秩秩遂以其使入朝是時天下大定帝數遣使招諭海外諸國有沈秩者字仲庸烏程人是歲以福建行省都事與監察御史張敬之往使渤泥既至其王馬合謨沙倨坐不爲理秩乃命譯通言曰皇帝撫有四海海內外無不臣者渤泥彈丸地顧欲抗天威邪王舉手加額曰皇帝爲天下主卽吾君父也安敢抗秩隨折之曰果如是王若何不敬乃率官屬受詔如禮翼日王辭曰渤泥數被蘇祿侵擾國事不靖俟三年然後入貢秩曰皇帝登

大寶有年矣東則日本高麗南則交趾占城閩婆
西則吐蕃北則蒙古諸部落其貢使皆接踵於道
王卽行已晚何謂三年王許之已復畏蘇祿不欲
行秩見其相王宗恕厲聲曰爾謂蘇祿非中國臣
邪蘇祿尙稱臣爾國何有宗恕乃以白王瀕行秩
卻王贈遺王又惑左右言謂其使曰天使不受刀
布若等殆不生還矣秩復禿王所曉譬之王舉酒
酌地曰願天使蚤抵中國亦願渤泥使得卽還敵
邦秩遂以其使至又有楊載者嘗官行人凡再使
日本還復使琉球皆有功帝皆嘉之賞賚有加云
論曰孔子稱使於四方不辱君命若汪河傳安此
固有明之蘇武而趙秩沈秩則猶隋何陸賈也持
尺一之函仗萬里之節卒能播揚威信以服遐荒
其勳名殆與將帥等矣

擬明史列傳卷十一終

康熙乙丑夏五月同里周公贊校字

鈍翁續彙卷四十二目錄

列傳卷十二

費宏

翟鑾

鈍翁續彙卷四十二目錄終

擬明史列傳卷十二

別彙十二

費宏傳

費宏字子充鉛山人年十六舉於鄉甫冠舉成化二十三年進士第一授翰林院修撰改左贊善連丁內外艱歸服闋召修通鑑纂要進左諭德兼翰林侍講武宗卽位進太常少卿兼侍讀還禮部右侍郎轉左尋擢尚書正德五年太監劉瑾已敗凡釐正瑾所更禮部諸事宏之功居多惟加鄉試諸解額自若或以爲疑宏曰求賢國家盛典也科場期迫矣盍姑聽之聞者俱大服其明年兼文淵閣大學士入直內閣推平盜功錄一子錦衣千戶舜換六品文階又舜乃加太子太保武英殿大學士尋改兼戶部尚書是時倖臣錢寧方驕橫無忌而又陰黨寧庶人宸濠欲交歡宏餽以綵幣拒不納改餽佗珍玩其直率數百金卒拒卻之寧慙且悲初天順中朝廷知寧靖王不軌革其護衛爲南昌左衛至宸濠始貽劉瑾復之瑾誅再革至是宸濠有異志謀藉護衛爲助輦白金鉅萬主寧家徧賂中朝賢人遂上書求復護衛宏歎曰予之則江西士民無噍類矣乃揚言閣中曰王虎也而可傳以

續彙卷四十二

十一

續彙卷四十二

二

翼乎勿予便事下兵部兵部尚書陸完故宸濠黨也宏遇諸朝語之曰護衛再革矣不可復也完繆曰如祖訓何宏作色曰公自爲之某不與知也卒詔予寧王護衛於是宸濠與寧合而志宏寧數偵宏事無所得不兩月中旨責宏私縱其從弟編修宏以是引咎罷去甫發而寧遣騎尾宏抵臨清焚其副舟始盡宏歸卽杜門自守宸濠猶恚不已嗾費氏怨家訐於朝不能直立縱羣盜發掘宏先人墓毀其家宏僅而得免未幾宸濠及寧相次伏法中外士大夫愬薦宏者衆十六年夏世宗遣行人卽家起宏加少保入直如故推翊戴功錄一子錦衣指揮使舜改授正千戶又舜始換七品文階焉自正德以來人主荒逸無度羣盜竝起四方民力凋敝及帝卽位加江淮大水山東河南旱蝗相繼宏持重識大體明習國家故事偕同官楊廷和輩同心輔政數勸帝反武宗之舊以休養小民爲務因條上荒政十策并請蠲逋稅減太僕所賦馬十之五席輕齋羨銀以給漕卒大同軍叛朝議將討之宏獨曰亂生於激耳若討而勝則玉石共焚不勝則彼將據城拒守所傷威重多矣莫若觀變而

徐圖之其後卒禽首惡而鎮城以定悉皆宏本謀也先是主事桂萼張璁數爭論大禮宏頗搖知帝旨間與廷和輩連名以諫然不復爲特疏每議事帝前亦絕不復言帝以是漸親宏諸閣臣後先引去而宏得獨留萼璁猶未有以怨也嘉靖三年進吏部尚書謹身殿大學士其明年加少師兼太子太師又明年進萼蓋殿大學士宏爲人和易好推轂後進其於大禮雖不能強諫亦從不附離萼璁諸議兩人驟資顯用事舉朝率惡其人諸翰林官至不屑與並列宏亦每示裁抑使不得擬佞翰林

續彙卷四十二

三

萼璁始大怨其銜之如廷和而會帝禮待宏有加帝喜爲詩歌嘗御平臺特賜御製七言一章命輯倡和詩集署其銜曰內閣掌參機務輔導首臣其見尊禮如此蓋前此未有也萼璁滋害宏寵且怨之萼卽言詩文小技非聖學所急且使宏得以馮藉寵靈厭服朝士帝置不省遂與璁毀宏於帝言宏納主事陳九川所盜天方貢玉受布政使鄧璋等賕又言嘗結納宸濠黨樂工張仁及佗不法事宏上疏乞休略曰萼璁之挾私而怨臣者屢矣不與經筵講官則怨不與修獻皇帝實錄則怨不爲

兩京鄉試考官則怨不爲教習則又怨萼璁者疑臣內閣之首事必屬臣操縱抑知臣下采物望上取聖裁非可徇私專擅者也萼璁日夕攘袂搯擊覬覦臣位臣安能與小人相齟齬伏祈俛賜骸骨曲爲引避而已及璁居兵部右侍郎言宏劫制部臣又與萼醜詆宏無不至章奏十餘上宏連疏乞休帝亦輒下優詔慰留然終不以譴萼璁也六年春千戶王邦奇希兩人風指上書請誅故大學士楊廷和等并誣宏與同官石瑄爲廷和黨給事中楊言疏爭以爲宏等不辜爲奸邪所誣陛下宏嚴

續彙卷四十二

四

究主使勿俾得動搖大臣帝繫言詔獄語在言傳宏愈不自安事白乞休愈力竟偕瑄致仕仍許馳驛如例是歲璁遂以尚書大學士入直內閣開一歲萼亦入矣十四年萼旣前歿而璁已愛名乎敬用少師去位帝始追念宏再遣行人卽家起官如故至京師使中使勞以上尊御饌而諭曰與卿別久矣卿康健無恙宏悉心輔導以稱塞朕懷宏頓首謝是後顧問益切賜銀記曰舊輔元臣其冬暴疾卒官天子咨嗟久之賜典加等贈太保諡文憲宏釋褐始五十年凡三入內閣佐兩朝始十年中

閒雖遭讒構訖能以功名始終其自少保入也弟
案爲贊善從子懋中由進士第三人爲編修並在
史館宏長子懋賢方改庶吉士父子兄弟共列一
時罕與爲比懋中者宏同產弟舉人完子也仕至
某官懋賢至某官宏世父瑄嘗爲工部主事治河
呂梁亦有能名至貴州參議

案字子和舉正德六年進士選庶吉士八年授翰
林院編修案故與宸濠妃家婁氏者有連宸濠因
欲結納案兄弟其謀復護衛也陰遣所親誘案持
千金屬賄宏而案拒不聽且急以語宏故宸濠黨

續纂卷四十二

五

思并中之始御史余珊嘗劾宏私案援使入翰林
事已解矣至是復奉旨詰責令宏陳狀宏陳本末
略曰臣弟案之改庶吉士也在臣未入閣之先其
除編修也則在臣既入閣之後一門羣從並列清
華竊自揣度濫叨已極言官指摘情非不公語非
不正也向者屢辱詔旨許案如舊臣上貪天恩次
昵骨肉之愛不能具章牢辭舉莫大焉卒而猥蒙
陛下保全放臣兄弟俾得吮歌聖澤於草野臣之
願也卽許宏及案致仕案歸踰五年宸濠遂反乃
閒道走贛州言於都御史王守仁曰儻先取南昌

以覆其窠穴次據大江上流以遏其歸路賊進退
首鼠必成禽矣已而果如案策於是紀功給事中
齊之鸞訟宏冤并言案清慎無過宐賜錄用世宗
復案編修充經筵日講官進左贊善嘉靖六年出
爲南京尚寶卿歷右庶子掌翰林院事及右通政
國子祭酒吏禮二部右侍郎凡六改官皆在南京
共十有四年始名爲兵部左侍郎尋改禮部擢尚
書兼翰林學士二十六年屢加太子太保至少保
是歲卒官贈文通帝方寵信案適使使者賜金帛
甫及門而案歿矣

翟鑾傳

續纂卷四十二

六

翟鑾字仲鳴其先諸城人永樂中隸籍錦衣衛至
鑾始讀書以孤童善屬文舉弘治末進士選庶吉
士正德二年授翰林院編修與修孝宗實錄忤劉
瑾與同官皆外遷遂爲刑部主事五年復故官進
侍讀嘉靖改元充經筵日講官與修武宗實錄進
學士尋擢禮部右侍郎六年會推閣臣帝意屬張
孚敬而推者弗之及也諭令再推遂次第及鑾不
得已用之俾以吏部左侍郎兼學士入直內閣不
數月而孚敬亦竟以尚書大學士得入鑾長身玉

立語音清朗動止可觀先在經筵時常爲帝所稱
實爲人好滑稽然實醇謹無佗腸胸中竝直者楊
一清及孚敬一清故元老其封望輩行俱前於鑾
而孚敬尤驟資用事鑾居其闕惟折節謙和墨墨
自謹守而已帝賜鑾銀記二諭以密封言事鑾訖
無所言詰之則頓首謝曰陛下明聖臣將順不暇
何獻替之有用是能久安其位而帝頗心易鑾不
甚委重其明年明倫大典成進禮部尚書兼文淵
閣大學士踰四年進兼武英殿大學士自一清去
繼入者桂萼李時方獻夫之屬遠在鑾後悉得加

續纂卷四十二

七

公孤官鑾顧不得也數以文章娛侍帝帝有作每
令鑾齋和或元夕或壽辰必令撰致語及詩或佗
有瑞應鑾亦必撰表頌以賀又嘗召游西苑令簪
紅藥等於首佩以蜀扇敕中官促鑾賦詩稱謝詩
成賜飛魚服時人咸以爲榮其明年以母艱罷積
五六歲帝亦不復記念鑾也十八年春車駕將南
巡慮俺答窺聞有警少傅顧鼎臣建議請遣重臣
按行九邊以休止寇患且薦鑾可任乃卽家起鑾
充行邊使改兵部尚書右都御史發帑金二十萬
兩付鑾賜璽書俾便宜從事一切總督鎮巡官俱

聽約束其行自甘肅始遂至大同益西入偏頭關
保德州渡河歷清水營次榆林仍自驪馬池而西
直抵寧夏越甘肅肅嘉峪關止復折而東由延綏
取內道山潼關以達保定復折而道遵化永平踰
山海關極於廣寧還入薊門過喜峰燕河太平馬
蘭諸鎮往返凡三萬餘里所至宣威德散金錢以
犒諸士卒其在宣大則與總督尙書毛伯溫議築
五堡堡成加太子少保在喜峰則與總督都御史
劉天和議拓關關成予一子官中書舍人及復命
仍以故官入直再論諸邊漸減功予錦衣世副千

續纂卷四十二

八

戶尋加太子太傅又以陝西捷推功加少保以安
南降推功賜金帛及俘奴二十一年少師夏言既
黜遂進少傅謹身殿大學士代言班閣臣首鑾雖
恭謹無大建白然遇事亦閒有所裨益帝怒言官
奏不以實鑾從容對曰彼得毋恃許風聞故邪怒
卽解又詢邊將鑾曰莫踰於周尙文微嫌過嚴耳
帝欣然曰善嚴固當以寬濟也尙文果以功名著
世謂鑾知人旣代言秉政其次鑾者嚴嵩方藉勤
敏結帝知帝寵禮愍勞嵩者過鑾遠甚嵩日益驕
縱而鑾頗示裁抑以故積不相能思中傷鑾而去

之會科場議起先是鑾子中書舍人汝儉國子生
汝孝已同舉於鄉矣二十三年春又同舉進士高
第其所受經師崔奇勳者又與汝儉兄弟竝舉皆
同考官編修彭鳳所取士也京師中口語藉藉嵩
適欲中鑾立喉科道官勅鑾等帝怒下其章吏部
都察院鑾上疏辨其語多引西苑入直以自解帝
益怒曰翟氏子雖有軾轍才亦不宐竝進奪寒士
路部院其勘治以聞卒勒鑾及汝儉汝孝除名爲
民奇勳亦如之鄉會考官論皐有鑾鑾初歷官有
修潔聲中閒持服家居至困頓不能自給其用行
邊起也邊境文武大吏俱鑾鍵郊迎恒恐不得常
鑾意鑾愈益和雅絕不事威福諸大吏盛供張食
飲輒與燕集相笑語連日夕衆大喜過望然所入
饋遺亦不貲已歸京師輜重殆千輛充席道路家
藉以饒足而聲譽由此頓衰晚歲又爲其子所累
訖不復振踰二年卒於家穆宗卽位復官諡文懿
方鑾之爲侍讀嘗偕同官湛若水等疏爭大禮後
在內閣充明倫大典總裁則又附會爭敬極論爭
者非是其前後異節多類此汝儉復以錦衣蔭累
官指揮僉事

擬明史列傳卷十二終

康熙乙丑夏五月同里周公贊校字

續集卷四十二

十

鈍翁續彙卷四十三目錄

列傳卷十三

夏言

李春芳

曾孫信附

續彙卷四十三目錄

鈍翁續彙卷四十三目錄終

擬明史列傳卷十三

別彙十三

夏言傳

夏言字公謹，貴谿人。正德十二年進士，授行人。擢兵科給事中，奉詔核罷錦衣冒濫官屬三千二百人。出按皇莊侵占地二萬頃，糾中官趙彬建寧侯張延齡次第其七疏，皆報可。尋轉右請杜傳乞及傳奉諸員論救被逮，知府郭九皋其章率謬謬爲舉朝所誦。內艱服闋，補故官，尋轉禮科左進兵科都給事中。往勘山西諸將平盜功，舉所奏皆當，還又勅去行邊都御史王憲聲望大，重調吏科都給事中。帝漸器言才，思大用之矣。是時天子旣盡絀廷臣議，尊冊獻皇帝徽號而專任張孚敬，遂日夕畱意禮文以制作爲務。嘉靖九年言上疏曰：農桑天下本禮，天子親耕南郊以供粢盛，王后親蠶北郊以供純服。陛下躬行籍田而後宮不備蠶事，非以昭陰教示婦職也。帝覽而說之，以爲然而郊議遂起。當太祖初卽位，本用陶安諸儒說建南北郊，不數年而改合祀鍾行已久。帝顧弗謂善也，大學士孚敬頗持之言，窺帝意上疏曰：古者祀天於圜丘，祭地於方澤，圓而高以象天也，方而下以象地

也南郊之壇曰太壇以燔柴也北郊之坎曰太圻以瘞埋也是故兆於南郊就陽之義也瘞於北郊卽陰之義也凡以順天地之性審陰陽之宜也圻丘祀天者高朗在上所以昭天明也方澤祭地者卑順在下所以承天統也安有崇樹棟宇襍諸人道者哉今國家合祀輒殿而屋之設主其中弗稱經義宜以太祖卽位詔爲據帝益大說以爲然下廷臣議羣臣無應者詹事霍韜辨論尤切遺言書序爲奸邪言繳上其書并劾韜七皇帝爲繫韜都察院獄久始得釋而賜言四品服繼又議改配

續彙卷四十三

二

太宗於大享殿孚敬持之亦下廷臣議無應者言獨上疏贊成之曰禮父坐子立孔子云事死如事生太祖之於太宗以分則父以功德則肇基受命之祖顧與太宗連袵並席用卑匹尊非禮甚矣周人郊祀后稷以配天宗祀文王以配上帝先儒謂天卽帝也郊而曰天尊之也以后稷配焉后稷遠矣配稷於郊亦以尊稷也明堂而曰帝親之也以文王配焉文王親也配文王於明堂亦以親文王也尊尊而親親周道備矣今陛下配太祖於圻丘以擬周之后稷配太宗於大享殿以擬周之文王

續彙卷四十三

王

所以尊太祖而親太宗也斯百世不易之道也帝愈益大說進翰林院侍讀學士仍兼都給事中充經筵日講官浸益向用其賜束帶且視尚書矣繼又議禘禮言上疏曰禮不王不禘禘者蓋以禘祖之所自出也惟王者竭四海之有以奉神明力足以備禮故祭可以及遠虞夏皆禘黃帝殷周皆禘帝嚳是也我祖宗之有天下以德祖爲始祖百六十年以來居中南向享歲時之祭者德祖也陛下定大禘之禮而統羣廟主者又德祖也然則主禘祭者復可屬諸德祖乎身爲太祖之始祖又爲始祖之所自出無是理也三代而下必欲如虞夏商周之禘黃帝帝嚳則無所於考若強求其人如李唐之祖老聃亦非孝子慈孫所忍爲也臣愚以爲宜設先祖虛位如宋儒朱熹說而以太祖配於是中允廖道南以朱氏顓頊裔請禘顓頊字敬皆不可曰仍禘德祖便言復疏爭其非是帝竟從言議進少詹事兼學士言驟以論議忤孚敬及韜悉思僭事中言然帝方器言甚未有間也而會司正薛侃乞擇親藩司香太常卿彭澤先竊其疏示孚敬且曰言爲屬草孚敬聞諸帝帝出侃疏問言言絕

不知遽答曰陛下春秋鼎盛此疏不可行帝疑之及命會訊侃侃被劾掠不冝承都御史汪鏞從劾大聲實言皇言不勝憤推案出都語詬詈敬復以聞帝不得已下言獄最後遣太監張佐出訊其故始得白乃罷孚敬而釋言進禮部左侍郎兼學士遂擢禮部尚書言眉目疏朗美須頰號能折節士大夫既掌禮部所建白益當帝意遂加公孤官至少傅太子太師所資銀記御書暨編蟒飛魚麒麟諸服玉帶精鏤上尊珍饌異果之屬歲時不絕其寵待出諸尚書上始與閣臣侔矣霍韜益害言寵而又會府尹劉淑相坐事捕繫從獄中上書詰言非法言知韜主之與韜數攻擊至條韜大學十餘時韜已官南京禮部尚書帝爲庶淑相而鵠韜俸一級以愆言言由是氣遂驕十五年兼武英殿大學士入直內閣尋加上柱國少師十八年行幸大峪山進居守救緩帝怒切責言怠肆令上所資銀記御書以少保尚書大學士致仕未幾怒解命止言行復以少傅太子太傅入直其秋奉先殿震名言不時至帝不說越明年始還所追銀記御書以陝西三邊奏捷推功言復少師太子太保又以

續彙卷四十三

四

江淮賊平再推功言賜金帛言氣益驕是時霍韜適掌詹事府事數修故怨不平於言而言復偕武定侯郭勛爭寵交惡有訓導蕭時芳者奏言勛言韜皆中興元佐同功一體而心蹟未協非國家之福宜召賜杯酒以釋其釁語多不經御史舒鵬翼亦言比者災異頻仍邊隅告警所賴以輔翊匡贊者二三大臣也今顧私相攻訐以報纖芥疑必有小入引類譎訛煽禍其間此臣之所大恐也帝遂降謫時芳鵬翼有差既而韜以病物故言與勛交惡猶自若又明年昭聖皇太后晏駕詔問皇太子服制言報疏多譌字帝切責言言謝舉且乞歸治疾帝益怒令以禮部尚書武英殿大學士致仕而廷臣交章爭劾郭勛勛亦遂以是月坐斬未幾瘕歿獄中言既罷乃上禦邊十四策嘗帝帝怒復解復言少傅太子太師命疾瘳入直尋盡復所奪官階顧寵待亦稍減矣自郭勛歿帝憐勛不已頗疑廷臣受言風指以此追咎言而未發方帝之居齋宮也許入直諸賢人乘馬言獨乘小輿輿以自異又嘗雕香葉冠賜諸賢人言拒曰非人臣法服不敢當又請以皇太后所居慈慶殿改太子宮帝積

續彙卷四十三

五

怒言者久二十一年秋日有食之既下諭曰此臣子欺君父外陰僣內陽所致也令言革職閑住其明年始復禮部尚書武英殿大學士致仕言既去繼言者其才悉弗逮不稱帝任使且相繼或死或免帝遂復念言又明年召至京師再復所奪官階入直如故言性奢靡所居率多高齎雕題廣池曲榭之勝左右媵侍旁及音樂諸部以累百計俱極海內甲選服御膳羞不啻王公氣剛而懷每偃蹇自信其在內閣也前後所值同官如李時顧鼎臣嚴嵩輩行故先於言言以氣陵之出其上視嵩尤

續彙卷四十三

六

蔑如也然時鼎臣長者數恟恟退遜置不校而嵩傾險有城府言絕不以為虞先是言為尚書嵩以侍郎事言最恭謹其後有隙至是言猶用故意待之凡有所擬旨略不顧嵩嵩亦噤不能吐一語以此悲言次骨京山侯崔元都督同知陸炳竝為御史所糾言故擬旨令陳狀以寤之皆造言所請死炳至長跪親奉橐金以進然後得解遂與嵩比其謀搆言萬端言未之悟也故遽及於禍言喜功名思建立不世勳以固寵其婦翁蘇綱雅善總督侍郎曾銑銑方請兵將復河套言以綱故信銑可倚

以為其勳必成亟下銑疏兵部帝猶允豫未決嵩乘閒為帝言銑兵啓釁狀陽引咎乞罷陰以語侵言言始大懼謝舉且自辨帝不說切責言強君脅眾嵩復力詆言專擅言亦力辨而帝已入嵩譖其怒不可解矣二十七年春盡奪言官階令以尚書致仕然帝無殺言意也言甫去京師而禍作嵩伺言去便代草咸寧侯仇鸞奏計言納銑金二萬兩相關通為奸利事連蘇綱詔捕綱下鎮撫司考問嵩與陸炳崔元等定謀炳遂煅煉不餘力而元爇中官向帝前實其事已論綱成邊即遣官校逮言

續彙卷四十三

七

於是會銑先坐斬矣言逮抵通州聞銑所坐大驚墮車曰噫吾不免矣凡再疏訟冤極席嵩靜言庸違似共工謙恭下士似王莽奸巧弄權父子專政似司馬懿在內諸臣受其牢籠知有嵩而不知有陛下在外諸臣受其箝制亦知有嵩而不知有陛下實殺臣害臣以肆其毒名愴臣救臣以市其恩臣之生死係嵩掌握惟歸命聖慈曲賜保全而已其辭絕痛切獄具法司官不敢雪言冤據銑律以請謂言當在議賢議能例帝悉置不省竟弃市年六十七流其妻蘇廣西削其從子主事克承從孫

尚寶丞朝慶籍爲民天下爭惡嵩以故無不咨言
死者隆慶初復官諡文愍言少有時譽文章敏捷
雖以附會致賢顯然所學頗長於禮其在禮部適
孟冬時祭侍郎顧鼎臣霍韜當奉主值有期功喪
於例立引避援古諸侯絕期喪以自解言駁之曰
自封建法廢而罷侯置守無諸侯久矣古之諸侯
建邦啓土世有其國於分君也其伯叔父兄弟皆
臣也故期服可絕今之所謂公卿者果能偃然以
君道自處而臣其伯叔父兄弟否乎禮如諸父昆
弟姑姊妹之喪既宿則與祭卒事出公門釋服而
歸由是觀之若未宿則無有與祭者也二臣之喪
前於祭矣乃欲棄喪以自便乎又禮小功總麻執
事不與禮執事謂擯相禮謂饋奠執事輕饋奠重
故也今二臣所服非小功總麻比皆服之重者也
太廟奉主實兼饋奠又皆禮之重者也以服之重
者而與夫禮之重者非臣所敢聞也又禮期之喪
卒哭而從政從政者謂庶人供力役之政也夫庶
人尚須卒哭躬爲士大夫顧冒期大功而與於禮
是今之士大夫其守禮不及古之庶人遠矣鼎臣
韜亦無以難也或疑言緣私忿發此然識者稱其

續彙卷四十三

八

得禮意云言始無子有賤妾任身妻蘇嫁之及言
死始逆妾所生子歸其貌絕類言未幾病歿言後
竟絕

論曰嘗聞之也富者必使可貧貧者必使可賤不
則執極於難返而禍生於所忽使言也繹滿虧之
義守止足之戒一席卽退不亦翩翩賢公卿哉惟
其履盈蹈險怨偶爲仇卒之先笑後咤人與己俱
不免也身劇宗亡復誰尤乎

李春芳傳

續彙卷四十三

九

李春芳字子實其先自句容徙興化少舉鄉試五
上禮部不第嘗游南太學爲祭酒歐陽德所知曰
李生大器也特晚成耳舉嘉靖二十六年進士第
一授翰林院修撰閱十年帝棟詞臣入直西苑特
命春芳撰文多稱旨遂與侍講嚴訥俱超授學士
再進太常少卿賜一品服尋進禮部右侍郎改吏
部左四十二年擢禮部尚書先是宗室蕃衍中外
數十萬人悉印給縣官歲入不足以供天子患之
春芳乃臚列故事具疏以進一切封襲昏娶及子
女名數歲時祿賜之屬皆嚴爲之限帝覽而嘉焉
賜名宗藩條例諸藩之有約束蓋自此始其明年

加太子太保又明年兼武英殿大學士偕嚴訥俱入內閣春芳性寬和立論喜持平不事操切與訥略相類雅以潔廉自持餽遺請屬一無所受而又屢推轂賢士大夫舉朝竝稱其長者於是徐階方秉政爲天子所寵任春芳遇事必推階階亦自重之以故相得歡甚其明年改兼吏部尚書是歲穆宗卽位進少保尋充纂修世宗實錄總裁官再進少傅已又進兼太子太師建極殿大學士曾有詔重修翔鳳樓春芳歎息以爲縱不能勸成節儉奈何令開侈端卽密上疏曰先皇之世海內騷然苦

續彙卷四十三

十一

工役久矣今朝政方新宜與百姓更始顧惠澤未洽而大工復興天下將有以闕陛下繼又言太倉羨金不當取江南織造歲額不當增牙簞及奇巧珍異不當以次徵索帝皆感悟而止是時階既去位春芳繼階秉政務以安靜稱帝意帝亦稔知其廉謹頗倚信焉未幾而俺荅款塞之事起詔下廷臣集議衆不能決春芳與同官高拱張居正獨力言其可許或難曰此前代和戎覆轍也不鑑且辱國春芳曰不然前代歲致金繒予皆媮甚則爲之臣妾是故制款在彼今天以其孫畀我爲餌彼方

願聽要約則制款在我與前事迥異夫何辱國之有許之便或難曰卽不辱費且不貲春芳曰不然白敵人之倡亂也數十年矣朝廷耗糜金錢芻粟歲以巨萬萬計是猶填巨壑而注漏卮也貢市之費與軍興之費兩者孰多許之便或又難曰是誘我也有如得孫而倍約奈何春芳曰不然彼之愛其孫異甚孫歸且厚德我我之放一齒雛始奔匹鷺孤豚等耳有不如不慮而殺之毋乃激憤而啓侮也許之便或又難曰是狃我也彼以羸畜竭我帑藏必將伺釁而逞奈何春芳曰不然我外與之市

續彙卷四十三

十二

而內修備士有餘力國有餘財非制敵之勝算邪許之便衆訖無以難乃率拱居正而贊於帝前款議始決以俺荅歸我叛人推功春芳進中樞殿兼支尚書俸當春芳之秉政也其次爲居正最後拱亦以故少傅復入兩人皆負幹略用功名相期許每傲睨公卿問其視春芳蔑如也而拱尤驕橫方修徐階故怨所以搯之萬端語在階傳春芳旣善階數從容出語譬解之拱益內憾且與居正俱忌春芳踞其上春芳在閣率不能有所施設意抑抑不自得嘗課庶吉士因引漢丙魏同心輔政爲試

目欲以諷拱居正兩人兩人者忌猶不解遂引疾乞歸疏凡六七上隆慶五年許致仕遣行人護行命有司給夫廩如例甫一歲而拱復爲居正所擠幾不免士大夫謂春芳知止云春芳歸而翁媼皆尚無恙惟日夜置酒侍養爲樂及翁媼俱以壽終又數年而春芳始卒贈太師諡文定先是春芳雖大顯其諸子悉滯場屋閒有以試事上謁者欲請開輒正色拒之既致仕居正遂大用事其三子後先取進士高第或以告春芳春芳哂曰彼子資不如吾子安也未幾果如春芳言孫思誠萬曆二十年

續彙卷四十三

三

六年進士仕至禮部尚書曾孫喬曆末進士仕至兵部左侍郎其他以科名著者踵不絕至今稱望族云又有名信者亦春芳曾孫由歲貢生授和平知縣大清兵至廣東州縣望風降附信獨城守及城陷與其子泓遠淑遠皆死

擬明史列傳卷十三

康熙乙丑夏六月同里周公贊校字

鈍翁續彙卷四十四目錄

列傳卷十四

倪岳弟阜附

毛澄

汪俊弟偉附

吳一鵬子子孝附

朱希周

金獻民

續彙卷四十四目錄

十一

鈍翁續彙卷四十四目錄終

擬明史列傳卷十四

別彙十四

倪岳傳

倪岳字舜咨其先由錢唐徙上元父謙以進士第三人仕至南京禮部尚書卒諡文僖謙嘗奉詔祀北岳因祈子於神母姚夜寢緋袍神入室寤而岳生故名之曰岳舉天順元年進士選翰林院庶吉士授編修成化中進侍讀充經筵講官久之進學士擢禮部右侍郎尋轉左岳爲人環偉秀異目光炯炯望之若神人然自少文章敏捷居官益博綜經傳貫穿經世之學每大廷集議輒侃慨極論一

續彙卷四十四

二

切軍國便宜多所參定又長於奏疏操筆數千言會文切理無不舂容條暢善啓人主意既佐禮部是時耿裕方爲尙書嘗稱疾在告惟以方正持大體諸若禮文制度率皆待岳而決弘治改元憲宗祔廟議起議者咸謂太祖爲不遷之主德懿倍仁四廟以次當祔岳言是知尊太祖而未知太祖之尊其祖也國家自德祖而上莫推其世則德祖比周之后稷其不可祔也明甚懿僖仁三祖當祔今空祔懿祖一廟別於寢廟後建藏祔所在以效古夾室之制每歲暮奉祔主合享以備古大禘之制

續彙卷四十四

二

禮也議者又謂孝穆皇后當祔廟者岳言周姜嫄爲帝嚳次妃后稷之母故周禮有享先妣樂舞蓋指姜嫄而魯頌閟宮之詩特見其名此別廟之證且唐宋以來皆有故事可考又有欲改孔廟從祀諸儒及七十二子者岳言馬融王弼之徒立身不無貶議然秦漢以來六經出於煨燼賴諸儒各抱遺經專門講授故得復存自唐之注疏咸加祖述說今引用尚多何可盡廢至於七十二子名字相沿已久生二千餘年之後安敢臆定詔悉從其議諸疏皆岳所具草也會災異求言岳既與裕合疏陳七事已又獨陳八事大率諷帝躬節儉以先天下言四方奢靡成俗財匱民窮惟從上所好而已且天下之土地有限而宗室之分封益增後將何以繼之是宜以時減殺比歲額外設官多濫凡所供億皆出於民民安得不困亦宜以時裁革其言雖不盡用然公卿間率推重岳與王恕馬文升劉大夏三人者齊名朝廷帝亦濫器其才有意大用之矣於是遂代裕爲尙書又數勸帝勤講學開言路黜奸貪進忠直止無功之賞停不急之役買胡邀利以奇獸獻者不可受番僧惑世以異術售者

不可進故事歲終類上四方所奏災異具文而已
岳必詳次其月日博引經史爲據言甚懇至冀以
感動帝心帝頗嘉納焉調南京吏部改兵部參贊
機務召爲吏部尚書益以進退人才爲己任于請
皆過不行或沮岳別白太過且召怨岳笑曰吾職
當是耳佗非所恤也同官中尤推遜馬文升然論
事不苟苟阿文升嘗言方今財用大耗惟蘇松折
糧銀價可稍增以儲國費岳拒曰東南民力已竭
顧復重之萬一有意外變誰任其咎事乃止十四
年卒官贈少保諡文毅岳前後所上奏疏甚夥其

續彙卷四十四

主

在南京論西北用兵利病略曰近歲毛里孩阿羅
忽孛羅出紂思加蘭大爲邊患蓋緣河套之中水
草甘肥易於屯剽腹裏之地道路曠遠難於守禦
是以轄榆林者若孤山安塞安邊定邊諸路轉寧
夏者若弩馬池興武高橋萌城諸路皆其入寇之
所迤東則延安綏德鄜州諸路迤西則環慶平涼
固原諸路皆其肆掠之所擁衆長驅遠逾千里近
不下數十百里諸將或嬰城自守或擁兵自衛輕
佻者挫衄怯懦者退藏既不能折其前鋒又不能
邀其歸路敵進獲重利退無後憂以致兵執不輯

續彙卷四十四

四

邊患靡寧四年三舉絕無寸功或高臥而歸或安
行以返析圭僞爵優游朝行輦帛與余充牣私室
且其軍旅一動輒報捷音賜予濫施官秩輕授甚
至妄殺被掠平民捏稱首級凡功籍所載實格所
加者非私家之子弟卽權門之廝養而骨委戰塵
血膏草壘者非什伍之卒卽轉餉之民天怒人怨
禍機日浚非細故也京營繁號冗怯此空而鎮京
師以壯根本顧乃輕於出禦用喪天威延緩邊也
去京師遠宣府大同亦邊也去京師近彼有門庭
之喻此無陞析之嚴可乎頃兵部建議遂於宣府
出兵五千大同出兵一萬併力以援延緩而不慮
其相去既遠往返不逮人心厭於轉移馬力疲於
奔軼況乎聲東擊西者敵人之奸態也擣虛批亢
者兵家之常策也精銳旣盡乎西老弱乃畱於北
萬一北或有警而西未可離首尾衝決遠近坐困
其謂爲得策乎至於延綏兵馬屯集軍餉不貲乃
以山西河南之民任飛芻轉粟之役仰關西向徒
步千里夫運而妻供父輓而子荷道路愁怨井落
空虛率而至也束芻百錢斗粟倍直不卒遇賊身
已斃矣輸將不足則有輕齎輕齎不足又有豫徵

水旱不可先知豐歉未能逆卜如之何其可豫徵也甚不得已令民輸芻粟以補官然婦權賢私親故者或出空牒而授之而倉庾無升合之入又令民輸芻粟以給鹽然恃豪右專請託者率占虛名而鬻之而商粟費倍徙之利官級日濫鹽法日沮而邊儲之不充如故也又朝廷出帑藏以給邊者歲爲銀數十萬山西河南之民輸輕齎於邊者歲亦不下數十萬銀日積而多則銀益賤粟日散而少則粟益貴不知者以茶鹽銀布名爲準折糧價實則侵剋軍需故朝廷有糜廩之虞軍士無果腹之樂至於兵馬所經例須應付平居人日米一升馬日芻一束追逐一日之閒或一二堡或三四城豈能俱給哉而典守者陰懷竊攘之計巧爲影射之謀凡其所經悉有開支背公行私罔上病下莫此爲甚又曰舉朝論議紛紜不一其有懷敵愾之心馳伊吾之志者率謂統十萬之衆裹半月之糧奮武揚威足使河套一空計非不善也然帝王之兵以全取勝孫吳之法以逸待勞今欲鼓勇前行窮搜遠擊桀危履險倣季萬一羸糧遠隨則重不及事提兵深入則孤不可援且其閒地方千里絲

續彙卷四十四

五

互無際旣無城郭之居亦無委積之守情見執屈爲敵所乘失坐勝之機蹈覆沒之轍必矣復有欲圖大舉以建奇功者謂必盡除朶顏諸衛乘勝而西遂平河套夫祖宗之於諸衛也不過羈縻保塞以固吾圉耳今設若是將使藩籬頓壞邊釁益多矣挑禍患是爲無策或又謂管之東勝不可守旣已弃東勝矣今之延綏不易守莫若并弃延綏則兵民可以息肩關陝得以安枕夫一民尺土皆受之於天於祖宗不可忽也向失東勝故今日之害萃於延綏而關陝騷動今并延綏則異日之害鍾於關陝而京師震驚賊逾近而莫支禍逾大而難救夫亦謀國之繆者矣遂條備邊五事其一爲復邊漕略曰今關陝所需皆山西河南所給三方俱近黃河中閒雖有三門析津龍門之險然晉漢唐糧餉由此而通卽今鹽艘木筏往來無滯且以今戶部所計山右米豆必令運貯潼關衛及陝州諸倉諸州倉河南米豆必令運貯潼關衛及陝州諸倉諸州衛地皆瀕河可通舟楫儼踵故蹟而行以省陸運之費公私之利奚啻萬萬也況方今河道當潼關北數十里接連渭河可通陝西及鳳翔鞏昌渭河

續彙卷四十四

六

西流數十里接連洛河可通延安及北上源以達邊堡又西流三百餘里接連涇河可通慶陽且龍門之上舊有小河徑通延綏加以修濬必可行舟此空命水部諸臣示以必行之意相度地形訪求故蹟某處可以水運某處避險可以陸運某處可設倉以備倒運某處可造舟以備賡運悉疏通而導滌之毋憚一時之勞而失永遠之利不但三方之困獲紓雖遠方之物不難致矣岳之立論詳盡切於世用皆此類也先是嘗與父謙同時在翰林士大夫榮之其後父子遂竝諡文尤相傳盛事云

續纂卷四十四

七

弟阜字舜熏成化末進士以庶吉士歷官至四川左布政使清介知名歿幾無以殮同官爲醵貲歸其喪倪氏自是世以文學稱南京皆阜後也

毛澄傳

毛澄字憲清本家崑山弘治中割其地爲太倉州遂爲州人祖弼有長者稱壽至百歲有司爲建人瑞坊澄舉弘治六年進士第一授翰林院修撰充纂修會典官書成進右諭德侍東宮講讀武宗爲皇太子稱於孝宗曰聽毛先生講殊明白也孝宗喜方秋夜置燕卽徹以賜武宗卽位進左庶子兼

侍讀充經筵日講官內艱罷尋以太監劉瑾摘會典誤降侍讀累遷學士吏部侍郎進禮部尚書武宗南巡數倡羣臣疏諫及寧庶人被禽車駕駐通州議卽行在所僭之復倡羣臣言當告太廟如故事武宗皆不能從也其明年武宗崩充奉迎使逆世宗於興邸將入見有議行五拜三叩首禮者澄曰後將何以加之豈勸進辭讓之文遂可廢乎乃不果行既卽位賜金帛有加尋加太子太保蔭一子世錦衣指揮使固辭不受於是帝欲上興獻王尊號而羣臣謂宜考孝宗四月戊申下禮官議澄引宋司馬光濮議以進且曰興獻王於孝宗爲弟於陛下爲本生父與濮安懿王相類臣等議立崇仁王厚炫爲興獻王後陛下嗣大宗承天地宗廟社稷宜稱孝宗皇考改興獻王爲皇叔父興獻大王興獻王妃爲皇叔母興獻大王妃凡祝文告興獻王及上箋與獻王妃皆自稱姪皇帝某議上帝曰父母可移乎事體重大其再議內與尚書臣澄侍郎臣俊會同侯臣倫臣勛臣果駙馬都尉臣震臣泰臣元伯臣銳臣偉臣全禮臣柱臣佶尚書臣瑄臣觀臣子麟臣春侍郎臣欽順臣宗仁臣廷儀

臣願壽臣璜臣琳都御史臣綸通政臣義臣瓚參
議臣霑臣明卿臣鑑少卿臣鏗寺丞臣瘡臣縉少
詹事臣詔侍講學士臣龍臣廷相侍讀臣縉臣鑾
侍講臣孔暉諭德臣鼎臣臣仁和臣熙臣時洗馬
臣霄祭酒臣永給事中臣九敘臣錫臣寰臣玄錫
臣洙臣巖御史臣以旂臣秉中臣龍臣琳臣綸臣
鰲臣克宅臣仲賢臣孟和臣鎮臣洛臣潮臣茂堅
六十有三人上議禮爲人後者爲之子天子庶人
一也興獻王子惟陛下下一人繼大統承宗廟崇仁
王藥興王封主祀最宜明制天子於諸王尊行稱
伯叔父自稱皇帝不名今陛下稱興獻王皇叔父
稱御名至矣大學士臣廷和臣冕臣紀曰三代以
前聖莫如舜未聞追崇所生父瞽瞍也三代以後
賢莫如漢光武未聞追崇所生父南頓君也羣臣
議是帝曰前王典禮至博爾諸臣其悉心究之六
月甲申尙書臣澄侍郎臣俊會同公臣崙侯臣倫
臣崔齡臣延齡臣勛臣壑臣杲駙馬都尉臣震臣
泰臣元伯臣欽臣偉臣總臣全禮臣柱臣坤臣佶
臣熹臣良都督臣勇尙書臣琦臣觀臣子麟侍郎
臣欽順臣宗仁臣廷儀臣鉞臣願壽臣璜臣琳都

御史臣綸通政臣義臣瓚參議臣霑臣明卿臣鑑
少卿臣鏗寺丞臣瘡臣縉少詹事臣詔侍講學士
臣龍臣廷相侍讀臣縉臣鑾侍講臣孔暉諭德臣
鼎臣臣仁和臣熙臣時洗馬臣霄祭酒臣永司業
臣惠給事中臣九敘臣錫臣寰臣玄錫臣洙臣巖
御史臣翰臣以旂臣龍臣溱臣鰲臣獻臣英臣克
宅臣孟和臣鎮臣伯溫臣金七十有二人上議加
皇於叔父陛下伯叔諸父莫齊矣加大於王天下
諸王莫齊矣興獻王稱號既定王妃隨之天下王
妃莫齊矣推尊非禮也莫詳魏明帝詔稱親非禮
也莫詳宋程頤議仲尼曰事之以禮臣等愚昧其
敢越禮異論叩累聖德因錄明帝太和三年詔及
頤議以進留中不報於是帝惑張璉說八月庚辰
朔復下禮官議澄集羣臣五十有二人如前議不
聽戊申如前議又不聽九月庚午復如前議天子
既迫禮官言以是久不決而興獻王妃至自興止
通州不入乃復下議戊寅澄集六十有三人議曰
臣等昧死言夫禮可以義求不可以情徇也臣等
一得之愚竭矣若叩體聖衷俾稱情合義則密勿
腹心之臣在臣非臣有司所敢專也帝竟以張太后

旨加稱本生父母帝后繼又得所示御批加皇字
去本生字澄復爭曰二統無別恐不可以告郊廟
班示天下帝乃曰此慈壽太后懿旨也卿休矣其
能勿議澄既議數不合意重鬱欲乞骸骨去而會
亦遂病凡十餘疏請致仕帝數詔御醫往視遣中
使勞以羊酒蔬米覽其疏愀然曰澄老成持重朕
方倚毗奈何病至此驗一年始命其屬一人護行
竟卒於道贈少保諡文簡澄爲人簡易不設城府
喜推轂士大夫遇事侃侃無矜嫻態又雅好退讓
在禮部時遇吏部尚書缺廷議首屬澄固謝不可

續纂卷四十四

主

侍郎羅欽順力持之澄正色請推喬尚書字故時
論尤以爲難舊史稱其有古大臣風云
論曰嘉靖初之請考孝宗也廷和與澄倡之舉朝
賢士大夫和之至杖戍以死不悔嗚呼盛矣然而
世之學者或右楊毛或右張桂紛紛訖無定論善
乎黃進士淳耀推言之也曰大禮之議張桂附會
歐陽修一時槩議爲非竊考歐陽濮議是非固可
兩存張桂不得而藉口也何也宋兩制官議以濮
王稱皇伯韓歐則據儀禮爲人後者爲其父母報
及開元禮爲所生父齊衰不杖期爲所後父斬衰

三年是所後所生並稱父母古今典禮無改稱皇
伯之文蓋韓歐止欲依漢宣帝諡史皇孫爲悼考
例非欲追尊爲帝也兩制議稱皇伯實出無稽古
人稱伯兄叔兄伯父叔父則是伯叔乃諸父昆弟
之通稱未有斷然以稱本生父者歐陽席爲鄙俚
雖若過當然本生父天性之親而稱伯又無明文
宣帝稱考亦何渠不可訓乎且宣帝之失在
立廟京師不在稱考始議諡時有司奏爲人後者
爲之子故降其父母不得祭陛下爲孝昭皇帝後
承祖宗之祀親諡宣曰悼考悼后當時固未嘗以
史皇孫稱考爲有妨昭帝則安得以濮王稱考爲
有妨仁宗乎顧稱考可也稱皇不可也漢稱悼后
者諸侯王之母亦爲后非用是匹帝也濮安懿王
稱懿皇殆非歐陽本意而至是不得不爲之辭故
引漢師丹疏言恭王稱皇乃丹所許夫董宏議尊
定陶太后爲帝太后丹以爲帝太后至尊之號勅
宏註誤聖朝帝太后既不當稱則知稱恭皇非是
丹疏所云不可復改蓋亦既往不咎爾而謂丹許
之此歐陽遂非文過之辭不可以此并舉其稱考
也今張桂議漢哀宋英立爲皇嗣育之宮中猶有

父子之道皇上以倫序當立非爲孝宗後云云夫世宗入繼雖不如漢哀宋英宮中所育然止可比宣帝不可以光武中興比也光武遇亂崛起且緣大宗之義承元帝後徙四親廟於章陵先儒援此斷宣帝立廟京師之失張桂建議不從光武之得而從宣帝之失可乎濮安懿皇止於置園卽園立廟尚比諸侯之禮獻廟用十二籩豆及八佾與二祖八宗竝爲世數是固歐陽之所譏二統而其徒曾鞏氏之所譏以子爵父以卑命尊者也故曰張桂不得藉口也淳耀之言云爾特采刻之以俟知

續彙卷四十四

主

禮者折衷焉

汪俊傳

汪俊字抑之弋陽人舉弘治六年會試第一旣成進士選翰林院庶吉士授編修正德中與修孝宗實錄以忤太監劉瑾及閣臣焦芳調南京工部員外郎瑾芳敗召復原官累遷侍讀學士嘉靖初擢禮部右侍郎尋轉吏部左會詔上興獻王尊號與尙書毛澄及喬宇輩同心力爭澄旣引疾去代爲禮部尙書於是獻王已加帝號矣主事桂萼復請稱皇考下其草禮部三年正月俊集羣臣共七十

有三人上議力辨萼言非是其略曰祖訓兄終弟及指同產言今陛下爲武宗親弟自宜考孝宗明矣孰謂與爲人後而滅武宗之統也禮傳曰爲人後者孰後後大宗也漢宣起民間猶嗣孝昭光武中興猶考孝元孰謂入繼之主與爲人後者異也萼言孝宗有武宗爲之子安得復爲立後臣謂陛下自後武宗而上考孝宗非爲孝宗立後也又言武宗全神器授陛下何忍不繼其統臣謂陛下旣稱武宗皇兄矣豈必改孝宗稱伯乃爲繼其統乎又言禮官執者不過前宋濮議臣等愚昧所執實不出此謹集諸章奏惟進士張璁主事霍韜給事中熊浚與萼議同其佗八十餘疏二百五十餘人皆如臣等議議上帝不聽俊不得已乃集羣臣請加皇字以全徽稱又不聽於是議稱皇考益急且詔建祀室於奉先殿側俊復爭曰陛下入奉大宗不得祭小宗亦猶小宗之不得祭大宗也晉興獻皇帝奉藩安陸則不得祭憲宗今陛下入繼大統亦不得祭興獻皇帝是皆以禮抑情者也臣不敢導陛下於非禮凡再下部議俊等爭益力最後俊兩疏乞休帝切責其肆慢予致仕俊與毛澄後先

續彙卷四十四

主

長禮部竝以議禮忤旨去位澄之在告也數遣御醫中使慰勞不絕而後獨被譙讓其恩禮視澄有閒矣及明倫大典成鐫職閑住卒隆慶改元贈少保諡文莊始俊父鳳累官貴州右參議四子皆舉進士俊其次子也俊兄僊至工部郎中弟偉字器之以簡討與俊皆忤劉瑾調南京禮部主事後至吏部左侍郎又與俊皆以議禮不合相次歸偉季弟佃字有之初父兄慮門戶太盛爲擇是名曰畱此子力耕可矣佃奮曰某獨不能繼父兄讀書進取乎亦山庶吉士累官侍讀中忌者謫寧國通判

續彙卷四十四

五

吳一鵬傳

吳一鵬字南夫長洲人弘治六年進士選庶吉士授翰林院編修尚書周經以讒去位一鵬疏請畱之士論皆咨其直正德中進侍講充經筵講官與修孝宗實錄以忤太監劉瑾出爲南京刑部員外郎遷禮部郎中一鵬在翰林久兩尚書皆故舊見輒瑟縮不自安而一鵬抱成牘立左右咨稟自若也瑾伏誅復官如故出爲南京國子祭酒轉太常卿內艱服闋入爲禮部右侍郎尋轉左數與尚書

汪俊悉心爭大禮無所憚及俊既去一鵬署部事會外轉給事中陳洸附會張璉桂萼請議其說益不經至謂陛下生於孝宗歿後三年卽位於武宗歿後三月無從受命一鵬疏爭曰謹按春秋以受命爲正始故隱公元年不書卽位謂其上無所承內無所授則削之所以明繼統大義也陛下遵武宗之遺詔奉昭聖之懿旨合於春秋之義而洸謂孰從授受是以陛下爲不得正始之君矣洸又慨傷壽安皇太后喪禮不復三年臣等愚昧竊以爲獻皇帝旣厭於孝宗而不及申迎養之情今陛下亦制於正統而不及隆居喪之禮禮與情一而已矣洸本小人不痛加懲艾無以杜效尤之漸疏入畱中不報已遂詔議建室一鵬率羣臣六十七人上議事于正統臣等方欲守祖訓本禮經援師丹程頤之論以啓悟聖心昧死不敢奉詔因遂劾璉萼等曰璉萼謂繼統公立後私又謂統爲重嗣爲輕臣惟正統所傳之謂宗故立宗所以繼統立嗣所以承宗宗之與統何輕重公私之有請遂罷議以璉萼付法司論治不聽已遂建觀德殿命奉安獻皇帝神主一鵬請別設神位如奉慈殿故事亦

續彙卷四十四

六

不聽已遂遣一鵬往詣安陸改題神主爲本生皇
考恭穆獻皇帝奉迎以來一鵬復爭曰歷考前代
無自竊園逆神主入大內者安陸乃啓封之地晉
太祖重中都太宗重畱都皆以王業所基永修世
祀惟陛下財察又不聽於是一鵬遂行及神主至
自輿則席書爲尙書與璵萼等怙寵用事方以議
禮自任俛視諸僚屬一鵬及朱希周皆在部亦遂
不能與抗矣等以左侍郎兼翰林學士入東閣掌
內制修武宗實錄成進尙書予告歸省旣還朝乞
賑恤江淮水旱濬治運道帝頗嘉納之命出理部

續纂卷四十四

十一

事一鵬貌穎而龐爲人寬然長者先官學士於例
不當得南京祭酒繼又不當得太常一鵬居數年
俱不爲意至是復由內閣出未幾爲桂萼等所忌
加太子少保復改南京吏部人或代一鵬不平亦
絕不以形辭色也其器量蓋如此久之年七十再
疏請致仕卒於家贈太子太保諡文端子子孝字
純叔少有才譽嘉靖八年進士由庶吉士出爲吏
部主事歷光祿丞至湖廣參議先是陳洗上議也
鴻臚少卿胡侍亦與辨曰祖訓兄終弟及者蓋以
嚴適庶防覬覦爾曾嬰齊不受命歸父漢病已不

受命昭帝何以受命爲哉唐睿宗不當兄中宗宋
太宗不當兄藝祖以其爲君也不當稱兄則不當
稱伯明矣與一鵬疏稍別其意亦相發明云竟所
潞州判官等下詔獄削籍侍字承之正德十二年
進士

朱希周傳

朱希周字懋忠其先山崑山徙吳縣高祖吉官至
戶科給事中父文至雲南按察副使希周舉弘治
九年進士第一授翰林院修撰正德中與修會典
成進侍講充經筵講官等爲劉瑾所不說奪一官

續纂卷四十四

十二

與修孝宗實錄成復官如故別賜御製詩一軸十
一年進侍讀學士踰三年擢南京吏部右侍郎改
禮部復轉左嘉靖初佐其長數爭大禮三年六月
奉迎獻皇帝神主將至詔協律郎崔元祈習樂舞
生於大內是時希周署部事疏諫不聽已而議更
本生章聖皇太后尊號復率郎中余才汪必東等
疏諫曰陛下考孝宗母昭聖越三年於此矣而更
定之諭忽從中出則明詔爲虛文不足以取信天
下祭告爲瀆禮不足以求孚於天地宗廟社稷且
本生非貶辭也今若去之則與昭聖皇太后無辨

昭聖之心萬有一不安陛下之心安乎章聖皇太后之心安乎於是羣臣諫者甚衆疏皆留中不下遂相率詣左順門跪伏希周悉告諸閣臣曰羣臣伏闕公等能坐視乎亦遂偕羣臣跪伏以請帝聞大怒命希周與何孟春等俱待臯竝奪俸一月而大禮遂定其明年遷南京吏部尚書希周性謹愿舉動率守尺寸與同里吳一鵬皆有長者稱顧尤恂恂退讓以及第第一人官六品者二十年不遷意泊如也既掌南吏部開歲司考察及事竣科臣無與者或譖希周有私希周意不樂抗疏自辨謂

續纂卷四十四

五

科臣故應考者少卽臣以言路私之固不可如避言路嫌誅責之尤不可且使舉賢必去一二入示公設舉輒皆不肖亦但去一二人塞責乎因力引疾乞休溫旨許之仍敕有司歲給夫廩歸近三十年中外慰薦者前後凡百疏竟不復起居恆耿介不妄取予所遇雖里巷婦孺亦必煦煦問勞無疾言遠色其恭謹蓋天性也吳下少年有爲不善者輒搖手相戒舉希周別號曰祕之恐玉峰先生知其見嚴重如此卒年八十有四贈太子少保瀕歿屬諸子曰天子儻哀憐老臣賜諡易名季勿

以文爲諡文故其父諱也後遂諡恭靖訖得從所屬云

金獻民傳

金獻民字舜舉絳州人成化二十年進士授行人擢監察御史爲人通敏彊幹習於法律前後巡按雲南及順天竝著風采出爲山東湖廣副使正德二年遷湖廣按察使當獻民之巡按順天也嘗承勘魏家店隙地定蘆葦及木占可稅者凡千二百餘頃至是閱十餘年已更赦矣而司禮監監丞張淮承劉瑾風指劾獻民勘地不實逮繫詔獄席爲

續纂卷四十四

三

民瑾誅累起賁州山東按察使擢右僉都御史巡撫延綏歲中回院歷右副都御史刑部左侍郎南京刑部尚書召爲左都御史掌院事嘉靖二年京師歲旱風霾加四方災異頻仍詔諭中外百官修省獻民條晰上諭列爲五事以進帝善而從之歲中調刑部尚書尋改兵部兼督團營三年春五星聚於營室占者謂天下有兵獻民疏陳邊備因勸帝用賢納諫罷土木屏翫好席傳奉諸員以外絕門庭之寇內弭蕭牆之虞其秋土魯番寇肅州命獻民兼右都御史總制軍務率太監張忠總兵官

杭雄等西征既行御史鄭氣言獻民惟懼重臣顧
使行師邊境既非居重馭輕之道抑以馳驅數千
里罷敵之卒而欲當鴟張虎視暴悍難測之虐亦
非所以爲算也不聽行次蘭州諸將已大破賊逐
之出境捷聞乃命旋師卹事如故以功蔭一子
錦衣世百戶獻民疏辭且引疾乞休溫旨不許會
總兵官种勛者坐行賄事連獻民爲言官所劾獻
民不與辨力懇致仕優詔賜馳驛以歸仍給夫廩
如例初獻民偕諸大臣疏諫大禮疏俱畱中不下
及將冊皇考獻皇帝獻民與少卿徐文藝號於衆
曰改稱孝宗爲伯則太廟無考矣如正統何遂相
率跪伏左順門又語侍郎朱希周曰是舉也在閣
臣尤空力爭希周以獻民語趨告大學士毛紀石
珪亦遂跪伏以諫帝錄諸伏闕者姑薄獻民等辜
各奪俸一月是時獻民旣以議禮忤旨內不自安
凡引疾欲歸者數四然帝無怒獻民意也至是始
得如所請云卒贈太子太保

擬明史列傳卷十四終

康熙乙丑夏六月同里周公贊校字

鈍翁續彙卷四十五目錄

列傳卷十五

秦金孫柱
族曾孫耀

趙鑑

趙璜

何孟春

徐文藝

續彙卷四十五目錄

鈍翁續彙卷四十五目錄終

秦金傳

秦金字國聲其先家高郵宋國史編修觀之後觀子湛通判常州因徙武進其後又徙無錫故金爲無錫人年八歲能賦五字詩父客皆傳誦焉舉弘治六年進士授戶部主事歷員外郎至郎中父艱服闋起故官出爲河南副使進左參政分守大梁道會流賊方劫河雒開金帥民兵期參將宋振於陳橋合帥破賊多所斬馘賊聞風大震境內由是得完進山東左右布政使擢右副都御史巡撫湖

續彙卷四十五

十一

廣前後條上便宜十八事語極剴切數討巨盜賀璋廖琪於江上叛苗於香爐峰叛搖於彬州桂陽諸境次第平定詔加俸一級蔭一子錦衣世百戶疏辭得免進戶部右侍郎改吏部又改戶部左侍郎世宗卽位賜金帛仍命加俸如初嘉靖二年擢南京禮部尚書金率諸臣上疏曰陛下入繼大統以來昭德塞違勵精圖治動無過舉空致天祥而災眚頻告者何也詩曰靡不有初鮮克有終此言保終之難也竊觀陛下臨馭未幾政漸弗逮是以天心仁愛示之警懼因歷舉不能如初者八且曰

有一於此足以上干天和況兼之乎夫初政所以

清明者政在公朝而左右不與也今政所以溷淆

者政在左右而外廷不知也臣惟政不可一日不

在朝廷權不可一日移於左右股肱有託耳目有

寄是謂政在朝廷主威重於九鼎國執安於泰山

自古帝王制御天下操此術而已不則官府之地

隔而信任有所偏婦寺之情親而聽受有所蔽名

曰總摯而太阿之鐔實移於下矣是時帝漸就內

寵諸嬪御進幸者衆加內官崔文等恣橫用事故

金疏及之章下所司尚書汪俊浚善其言力勸帝

續彙卷四十五

十二

加采納帝雖無嫌忤然亦不能盡用也尋改南京兵部已召爲戶部尚書先是金在南京數諫爭大禮及三年秋七月又率羣臣伏闕以請帝大怒詰問侍郎何孟春是舉孰爲倡者孟春頓首謝曰臣與尚書金等叩惟高濂欲效涓埃之助協心同辭實無庸於倡也乃奪金等俸一月既而上聖母皇太后冊金及孟春等遂不至帝復加切責良久始得解金爲人樂易喜推轂士類及居官則一以廉正自守在戶部視事三年尤孜孜爲國內府諸監局所招軍匠多者至數千人金執奏以爲財用國

之大命其出納之盈縮係四方安危輸將之緩急
係小民休戚比者庫藏空虛而顧滋此轉餉耗後
將難繼不聽供應庫太監請下部撥辦珠石余又
奏以爲珠石不產於中土皆遐荒之人鑿山絕海
跋履險阻而後得者也今滇黔南粵頻年凶旱子
女他僑若復行誅責公私騷擾其何以堪且陛下
方躬節儉爲天下先奈何用翫好之具動勞斯人
苦又不聽余既積失帝旨六年春以考察遵例自
陳遂命放歸仍予馳驛夫廩如故事閱四年懇薦
金者不已帝亦追念金老成明鍊年且未至起南

續彙卷四十五

三

京戶部尚書十一年召爲工部閒一年加太子少
保其明年進太子太保改南京兵部尚書致仕自
釋褐訖謝事五十餘年經事三朝歷官六部始徧
南京諸尚書皆號閑秩獨兵部最爲重任金凡再
居是職其寄倚之隆亦當時所僅有也卒年七十
有八贈少保諡端敏孫柱族曾孫耀

柱字汝立爲諸生工書選授中書舍人與大學士
高拱雅故拱得舉倉黃去京師官校方四出偵視
諸門下皆走匿柱追送百里外顧謂偵者曰語而
主吾中書秦某也武進吳中行疏諫閣臣張居正

奪情被杖下詔獄時偵者益衆柱挾醫往視湯藥
自若又顧謂曰吾固秦中書也居正積前嫌遷柱
魯府審理故事中書無由爲王官者柱亦絕不搭
意尋以考察罷同縣顧憲成極推之謂有古烈士
風云

耀字道明隆慶五年進士選庶吉士授兵科給事
中歷刑科左及吏科都給事中張居正方秉政操
切諸官寮如束溼獨耀以才幹爲居正所稱數參
駁部議不已居正反戒之曰持論何過峻乎耀從
容對曰當言則言非故求多於人也擢太常卿歷

續彙卷四十五

四

官右副都御史巡撫湖廣距族祖金官巡撫時已
七十餘年矣其祖孫聲望略相類於是忌者追論
居正故黨命解任聽調猶不厭竟坐事削籍卒士
論咸歎息以爲冤

趙鑑傳

趙鑑字克正壽光人成化二十三年進士授蕭山
知縣擢監察御史巡按大同宣府二鎮會虜酋火
篩入寇疏陳方略甚悉并勅平江伯陳銳等討賊
逗撓狀聞者壯之出爲安慶順德知府遷浙江右
參政正德八年進陝西左布政使是歲擢右副都

御史巡撫甘肅歲大侵請發內帑以賑軍民且率僚屬力講救荒諸術其明年遂條列所行五事一曰均水利二曰實屯丁三曰墾屯田四曰給牛種五曰團耕牧以聞乞加獎勵朝廷從其言又明年改掌南京都察院尋歷大理寺卿南京刑部尚書嘉靖二年召入仍爲刑部寧庶人之誅宗室被逮者衆疏請止坐元惡而寬釋其株累者所全活亡慮二百餘人鑑居心平恕而尤精核法比數典刑獄俱以稱職聞爲人氣剛好而折人過然性坦直無城府以是鮮有怨者前給事中陳洸緣家居不法論死桂萼故與洸有私數爲訟冤於朝鑑向萼固爭至聲色並厲又嘗待滿直廬或屬鑑以事立呵之曰此豈君請託地邪其守正不詘率如此先是萼及張璁以議禮驟拜學士舉朝爲之不平給事中張紳輩前後交章劾萼璁賦性奸邪立心傾險變亂宗廟離間宮闈詆毀詔書中傷善類不可不示重懲奏旣入紳因謀於鑑曰儻奉旨下部便須撲殺二人以雪衆憤鑑乃上言二人之學誠如言官所劾宜付臣實之於理帝逆知其情切責鑑朋比翫法由是其謀訖不行旣而鑑與伏闕遂奪

續彙卷四十五

五

俸一月五年夏引疾乞休優詔馳驛以歸陛辭日御製詩一章書於龍箋賜鑑以寵其行蓋異數也卒贈太子太保諡康敏大學士石珪每稱鑑清鯁忠實時人不以爲過

趙璜傳

趙璜字廷實安福人少從其父之官過石首墜江水中流半里許不溺見者驚異稍長還巨賈遺金一囊其人援囊爲謝不顧去舉弘治三年進士授工部主事改兵部歷員外郎出爲濟南知府府多豪猾吏善舞文璜豫擇里民樸敏者教以法律期年得二十餘人遂逐豪猾吏殆盡漢庶人牧場歸於官募民佃作久矣王府復爭之勘者率依違持兩端璜訖以予民民皆說服正德二年遷順天府丞坐累下詔獄削籍閱三年復職擢右僉都御史巡撫宣府革官吏冒支之敝歲省軍儲萬餘石改調山東是時齊魯間多盜民以益困璜長於治劇一切科徭悉爲區畫得宐公私便之有河灘地數百里民間號膏腴乃集流氓墾之許復其業遂爲良田番僧怙寵者黷其利奏乞起科以自入璜上疏力爭始得免十年擢工部右侍郎兼左僉都御

續彙卷四十五

六

史總理河道閱三年召理部事世宗卽位加俸一級以乾清坤寧兩宮工竣賞勞有加轉左侍郎署部事尋擢本部尙書久之以世廟工竣復賜金帛璜在部久才幹與戶部尙書泰金齊名其守正不阿亦相類工費出入金錢例皆漫漶無可稽以故蝨吏得窟穴其中至璜始令所司各具簿籍相句校其敝訖除先是有仁壽宮之役璜虞工費不貲乞毀玄明宮石經山諸房保安洪福諸寺悉付庠賣以資用玄明宮者故太監劉瑾所勑也飛梁危棟連房洞戶其制度尤極壯麗雖內庭亦不及計瑾所糜財亡慮數十巨萬至是皆毀璜又取其餘材別修佗官廨旁及城隍神廟俱新之時人咨璜以爲能方議毀時給事中徐景嵩持不便也遂誣劾璜關通富豪爲欺蔽空加罰治璜疏辨語侵景嵩并發其先時變易官產恣行奸利狀且請移疾以避言官之橫帝以璜公清有繫爲謫景嵩而特賜慰畱焉及詔治皇后父陳萬言賜第估工直六十萬兩璜頗持之萬言乃譖郎中葉寬員外郎崔璘於帝欲激帝怒以怵璜帝果下寬璘詔獄璜不爲動疏言二臣聽命於臣者也臣奉行無狀於

續彙卷四十五

七

二臣無與焉乞宥之而以其舉舉臣不聽然其後僅予直六萬兩寬璘亦竟釋皋山是戚里滋不說旣而與泰金等伏闕疏諫大禮又嘗言東廠匠價不宐追陝西織造江西建真人府不宐遣使最後復言觀德殿當勿改作章奏累上諸權倖忌者益衆帝意亦漫疏璜六年春引例自陳與金及兵部尙書王時中竝罷閱五年復起工部尙書以疾辭不至卒於家贈太子太保諡莊靖璜在部中適遇大工劾牛佗人接手無所出獨璜調度自若及落成而財不告匱役不告勞繼璜者殆弗逮也故旣去而人爭思之

續彙卷四十五

八

何孟春傳

何孟春字子元彬州人少游李東陽之門舉弘治六年進士東陽將選以入翰林以父艱罷已授兵部主事歷郎中嘗出使山陝清馬政還上五事并劾巡撫官不職狀朝論避之出爲河南參政進太僕卿武宗欲取馬價佗用極言不可乃止擢右副都御史巡撫雲南討平十八砦叛夸設永昌府復增五長官司五守禦所歲益賦若干石以功蔭一子舜不受世宗卽位名爲南京兵部右侍郎中道

改吏部尋遷左會蘇松諸府旱潦相繼而江淮北河水大溢漂沒田廬人畜無算孟春緣歲不登倣漢魏相條奏八事一引相言請禁止奢靡一引唐陸贄言請慎重賞罰一引宋王禹偁言請減百官俸一引范鎮言請裁冗費一引蘇轍言請廣聽納一引范仲淹言請勞來安撫江淮百姓一引廖剛言請禁遏糴一引趙汝愚言請豫免災傷州縣來歲稅錢帝曰制祿養廉國家恆典也其如故餘悉嘉納焉與同部尚書喬宇侍郎汪俊同心謀慮舉朝皆倚以爲重而會力爭興獻王大禮竟觸帝

續彙卷四十五

九

怒得舉去先是大禮議之初起也孟春猶在雲南卽虞小人有以邪說進者上疏曰臣聞卽報進士屈儒奏中請尊聖父爲皇叔考興獻大王聖母爲皇叔母興獻大王妃未見部議則知猶未奉俞命也臣惟秦漢來帝王或自旁支入奉大統推尊本生得失之蹟具載史冊漢宣帝不敢加號於史皇孫光武不敢加號於南頓君晉元帝不敢加號於恭王抑情守禮此實爲得宋司馬光所謂當時歸美後世頌聖者也哀安桓靈乃追尊其父祖犯義侵禮此實爲失司馬光所謂取譏當時見非後世

者也儀禮喪服爲人後者傳曰何以三年也受重者必以尊服服之爲人後者爲其父母報傳曰何以期也不二斬也重大宗者降其小宗也夫父母天下莫隆焉至繼大宗則殺其服而移於所後之親蓋名之不可以二也名也者天下之辨也所以別嫌明微而不可不謹也爲人後者爲之子不敢復顧私親聖人制禮尊無二上若恭敬之心分於彼則不得專於此故也今者多官詳議事猶未決豈非皇叔考之稱有未當者乎抑臣愚亦不能無疑禮生曰父母歿曰考妣白虎通父矩也度以教

續彙卷四十五

十

子者也考成也言有成德也廣雅母牧也言有養子也妣嬪也匹於父也曰教曰養親之之辭也曰成曰匹尊之之辭也故禮有世父母叔父母而無世叔考世叔妣之文此所以別也然則皇叔考之稱其可加興獻王乎或疑考字爲誤必且稱皇叔父於義亦未安也經書稱伯父叔父皆生時相呼及其既歿從無通親屬冠於爵位之上者然則皇叔父之稱其可復加先朝已諡之親王乎臣伏覩前詔陛下稱先皇帝爲皇兄誠於獻王稱皇叔如宋王珪司馬光所云亦已慝矣而議者或不然何

也天下者太祖之天下也自太祖傳至孝宗孝宗傳先皇帝特簡陛下授之大業獻王雖陛下天性至親然而所以光臨九重富有四海子子孫孫萬世南面者皆先皇帝之德孝宗之所詒也臣故願以漢宣光武晉元三帝爲法若非古之名不正之號非臣所願於陛下也及孟春官吏部則已尊本生父母爲典獻帝興國太后繼又改稱本生皇考恭穆獻皇帝本生聖母章聖皇太后孟春三上疏乞從初詔皆不省於是帝益入張璪桂萼等言復欲去本生二字璪方盛氣列上禮官欺妄十三事

續彙卷四十五

續彙卷四十五

十一

竝席爲朋黨孟春卽夕具疏略曰伊尹謂有言逆於心必求諸道有言孫於志必求諸非道邇者大禮之議邪正不同若諸臣匡拂累千萬言此所謂逆於心之言也陛下亦嘗求諸道否乎一二小人敢託將順之說招徠罷閒不學無恥之徒熒惑聖聽此所謂孫於志之言也陛下亦嘗求諸非道否乎何彼言之易行而此言之難入也遂發十三難以辨折璪且曰宋歐陽修謂小人欲讒害忠良必指爲朋黨臣等用是大懼不得已條爲之辨者非與璪殆口頰誠欲聖明知欺妄之枉彼也疏上帝

大怒責孟春徇情奏擾孟春乃倡於衆曰憲宗朝嘗議慈懿皇太后葬禮有跪門哭爭故事此可援也因相率赴左順門跪伏大啼高皇帝孝宗皇帝聲徹於內帝傳諭使退衆皆曰必得俞旨乃敢退凡再傳諭衆猶跪伏慟哭不起帝益怒命收繫四品以下官幾二百人而令孟春等待臯翼日責孟春曰若藐朕冲齡敢於聚朋譏訕其姑從輕奪俸一月然怒孟春猶不已改調南京工部旋引疾以歸其後明倫大典成遂削孟春籍踰數年卒於家穆宗卽位贈禮部尙書諡文簡孟春問學淹博李

續彙卷四十五

續彙卷四十五

十一

東陽數稱之曰子元必張吾楚凡居恆論議俱依據古今不爲浮辭冗說官郎中時嘗請復孔子帝號及釐正七十二子氏名并請以公孫尼子入從祀朝廷莫能行也又嘗論郊祀有曰古人立言或舉一以該二或舉重以見輕如言祀天則地在其言社則稷在其中是也周禮封人掌詔王之社壇州長祭祀州社禮擇元日命民社非遺稷也是皆言社則稷在其中也夫天之與地社之與稷類也天地不可合祀然則社稷而不同壇壝也

賦氏引舜肆類武王柴望及昊天有成命之詩以明之謂祀天則地祇在焉其亦辨矣孔子曰孝莫大於嚴父嚴父莫大於配天則周公其人也魯周公郊祀后稷以配天宗祀文王以配上帝朱子言上帝卽天也聚天神謂之帝又言爲壇而祭謂之天祭於屋下謂之帝夫郊者古禮而明堂者周制周公以義起之也兩漢魏晉以來郊祀皆配以一祖唐遂有二祖三祖同配之禮至宋亦嘗以二帝配我太祖合祀天地於南郊以一壇而加屋焉則是泰壇明堂爲一制也列聖相承皆以太祖太宗竝配則是郊祀宗祀爲一體也此亦以義起者也意蓋緣世宗改祀典而發是時孟春已家居久矣孟春所居有泉用燕去來時盈涸得名學者遂稱燕泉先坐云

徐文彞傳

徐文彞字用光嘉定州人正德三年進士授大理評事擢監察御史巡按賓州風采大著吏人莫敢撓以私既還會江西副使胡世寧爲寧庶人所陷詔鎮撫司考訊文彞疏救曰世寧上爲聖朝下爲宗室竭誠發憤言甫脫口而禍患隨之亦可哀也

比見寧王乞護衛則與護衛乞屯田則與屯田凡璽書之褒嘉恩禮之稠疊諸宗藩未能或之先也威燄日以張隱患日以甚失今不戢容有紀極顧又置世寧於重法臣恐杜天下之口奪忠鯁之氣弱朝廷之執啓宗藩之心招意外之變皆自今日始矣幸臣馬昂納任身女弟於帝又疏諫曰中人家不取再昏之女願陛下萬乘至尊而乃有此舉返之於心則不安宣之於口則不順傳之於天下後世則醜孰加焉萬一防閑闕略不牽而有李園呂不韋之徒棄閒投隙其害豈眇小哉疏入俱不報文彞爲人有節操遇事侃侃敢言居恆號能詩文而所學尤長禮經乃條上太廟五事一曰祀廟按禮天子七廟三昭三穆與太祖之廟而七成周以文武爲宗別立二世室比太祖俱百世不遷蓋親盡則祧宗廟之常數也世室在七廟之外以待有功與德當祧而不可祧者故劉歆謂周至懿孝則文武當祧於是世室始立國朝追祀四祖迄仁宗而七廟已備宣宗升祔固當議祧而禮官習見太祖改建九室謂爲定制不敢輒議不知聖意淵淡正欲虛二世以擬周之二世室也使當宣宗

升廟時卽奉德祖爲始祖則懿祖當祧矣自時厥後英宗憲宗升祔則僖仁二祖當祧矣孝宗升祔則太祖當居東第一室以擬周之文世室仍虛西第一室以俟太宗以擬周之武世室始爲不詳於先王也今仁祖已祧列猶奉以備九廟之數臣愚以爲過矣一曰祧祫按禮王者旣立始祖之廟又推始祖所自出者祭諸始祖之廟而以始祖配之則謂之祧合毀廟之主而享於始祖之廟則謂之祫蓋縉儀備節莫詳於祧祫而報本追遠亦莫淩於祧祫謂之閒祀謂之毀祭謂之四獻謂之饋食皆是也漢唐而下或祧非其祖或祫不及祧雖曰不祧不祫可也太祖崛起自德祖以上無可推之親此祧祭所由不講也憲宗升祔禮官始議祫禮顧所定儀節不於三年而於每年不以十月而以歲暮不知其何所取也夫不王不祧者禮也未聞王而可以不祧三年一祫者禮也未聞可僭歲暮之祭當之也臣竊惑焉宜蚤爲興革使不疏不數可矣一曰特享按禮祖祫祫祫皆合食由是春徇則特祭者各於其廟也祧嘗烝皆合食由是觀之春時特祭三時合享自古然矣方太祖之始

建四廟也亦嘗孟初特享於各廟餘時合享於德廟自同堂之制興而特享始廢臣愚以爲禮資得中專於特則不足以萃其離專於合則不足以全其敬專特傷仁專合傷義二者胥失今合享旣專在禮則爲失中而臣之區區又有甚不安者太祖創造區夏厥功莫大而百二十年於茲未嘗正東向特享之位其何以伸萬世報功之典乎宜仍準禮經是仁與義兼盡也一曰出主按禮天子祫祭於祖則祝迎羣廟之主出廟入廟必踣是古者合享於太廟未有不出主者也自夫改建太廟之制正殿止設各廟衣冠而木主永韜不出臣愚以爲主所以依神主之所在卽神之所在也廟無二主而可用衣冠代之乎漢作原廟月以衣冠出游頗見譏於先儒而以之代主何以異是宜自今合享之禮必出木主庶乎列祖在天之靈式依於上而聖子神孫亦得致誠敬於下也一曰祫食按禮塲與無後者從祖祫食孔子亦曰凡塲與無後者祭於宗子之家程頤又謂成人無後者祭終兄弟之孫之身太祖建廟每祭以壽春王等配蓋取古祫食之義也然本爲親祀宜有節及孫而止是祀

止三世耳舍曰此主士庶人而言非可通於天子則從祖祔食各以班祔固不得而紊也既從祖而祔亦從祖而祔安有正享之祖已祔而祔食之孫乃歸然獨存者乎所謂二十一王者臣愚未明其昭穆以意逆之非太祖之伯叔父行則其昆弟行也在伯叔父則與懿祖同昭而祔食於懿祖在昆弟則與僖祖同穆而祔食於僖祖今二祖奉祔而諸王猶以時享不知其所祔者何祖此尤空永停者也疏入帝震怒譙文藝出位妄言命禮部集議以聞是時文藝方以數言事見忌權牽爭欲棄間

續纂卷四十五

七

擠之而禮官又率無學術不能浚通禮意遂席文藝所言非是命下詔獄治臯法司當文藝杖贖還職竟以中旨黜爲民世宗卽位起陝西河南按察司副使入爲大理右少卿尋轉左於是集議興獻帝大禮文藝偕諸大臣力爭帝入張璠桂夢言不聽三年七月戊寅率羣臣伏闕命奪文藝俸八月辛亥大禮議已定又疏請曰孝宗有祖道焉不可以伯考稱武宗有父道焉不可以兄稱不若直稱曰孝宗敬皇帝武宗毅皇帝猶爲兩全無害也疏入命再奪俸未幾而有洛川張寅之獄三法司官

會訊者皆被詰讓待臯而巡按御史馬錄逮矣其事遂連文藝并下詔獄於是璠夢等攝法司事獄既具責文藝阿附御史殺人遣戍遼陽遇赦卒於道隆慶初贈僉都御史自大學士毛紀侍郎何孟春去位凡大臣前爭大禮者最後或依違順旨文藝顧堅守前議不變及得臯論者咸咎璠夢報復云

擬明史列傳卷十五終

續纂卷四十五

七

康熙乙丑夏六月同里周公贊校字

鈍翁續稟卷四十六目錄

列傳卷十六

鄒守益

崔銑

馬理

舒芬

崔桐附

朱泚

豐熙

子坊附

安磐

楊言

陳察

夏良勝

續稟卷四十六目錄

鈍翁續稟卷四十六目錄終

擬明史列傳卷十六

別稟十六

鄒守益傳

鄒守益字謙之安福人正德六年會試第一廷試及第第三授翰林院編修踰年告歸嘗讀中庸歎曰程朱補大學格物致知傳中庸乃首言慎獨不言格物者何邪疑久不釋往謁王守仁於贛州守益故守仁會試同考時所取士也相與反復者閱月乃釋然曰道在是矣遂從守仁游復從起兵討宸濠世宗既即位始赴官京師嘉靖三年議加興獻帝尊號且議建室以祀守益上疏曰禮所以正名分別嫌疑者也君失禮則入於亂臣失禮則入於刑不可不慎也今陛下推恩本生尊爲帝后其於私親非不隆矣乃復加以皇考之稱去其始封之號則視正統疑若無別臣聞尊無二上是以我太祖製孝慈錄其敘五服之制有曰爲人後者爲所後父母三年爲所後祖父母承重爲本生父母降期卽喪服之隆殺則廟制祭法皆可類推伏望陛下恪遵祖訓不爲異論所惑致以失禮詒譏天下疏入帝責守益出位不聽是時張璁桂萼數與廷臣相辨詰尚書汪俊及御史馬明衡朱泚等力

爭不能勝先後罷黜以去守益復上疏曰伏見陛下欲隆本生之恩屢下羣臣會議自公卿至於臺諫百執事惟大宗小宗之義辨正統私親之等以道事君甚盛節也繼而一二奸人妄熒聖聰致煩天語詰責由是人懷畏懼不敢復陳一言道路相傳且有孝長子之稱是陛下徇情以爲孝羣臣願令以爲忠長此不已殆非國家之福也嘗曾元以父寢疾憚於易簣蓋愛之至也而曾子責之曰姑息魯公受天子禮樂以祀周公蓋尊之至也而孔子傷之曰周公其衰矣臣願陛下勿以姑息事獻

續彙卷四十六

二

帝而使後世有其衰之歎且羣臣之議援經證古欲陛下專意正統此皆爲陛下忠謀者也陛下不察而督過之謂忤且慢喜怒好惡夫亦少失其平矣臣歷觀前史如冷褒段熲之徒當時所謂忠愛後世所席以爲邪媚也師丹司馬光之徒當時所謂欺慢後世所仰以爲正直也後之視今猶今之視古也伏望陛下屈己從善不吝改過察羣臣忠愛之情信而用之其去國者召而復之庶幾聖志堅定國論昭明無復奸人敢有動搖宗廟離閒宮闈者皆先帝之南邇也羣臣交章諫阻先帝赫然

震怒重加席罰豈不以謂欺慢可舉哉然而陛下在藩邸聞之必以是數臣者爲盡忠於先帝也今日入繼大統獨不能容羣臣之盡忠於陛下乎疏入再責其出位下詔獄謫廣德州判官因建復初書院與學者講授其間稍遷南京禮部郎中聞守仁卒爲服心喪繼又告歸忝哭其墓復與同門生講學於天真書院久之起南京吏部郎中召爲司經局洗馬充經筵講官上聖功十三圖帝又責其假借訕謗幾再得舉遷太常少卿兼侍讀學士掌南京翰林院事御史毛愷言守益名儒宿學宜畱侍東宮不當投之散地竟以忤旨被謫而守益遂復南矣尋擢南祭酒二十年夏四月九廟災應詔自陳備言上下交修之道至引殷中宗高宗反妖爲祥享國長久爲據帝大怒削籍閒住守益爲守仁高第弟子其赴補編修也既別守仁守仁念不已門人問故答曰曾子所謂有若無實若虛犯而不校謙之近之矣及削籍益以講學自任四方學者踵至嘗語之曰良知一也自其無昏昧謂之覺自其無放逸謂之戒懼功夫則同所從言之異耳若以戒懼起意爲非斯誤矣其持論率如此學者

續彙卷四十六

三

梅東廓先生凡家居二十餘年卒隆慶初贈南京禮部右侍郎諡文莊子善官太僕卿孫德涵至按察司僉事德溥舉會試第二至沈馬尤知名

崔銑傳

崔銑字子鍾安陽人父陞累官至參政銑舉弘治十八年進士選庶吉士授翰林院編修與修孝宗實錄與同官見太監劉瑾率長揖不拜由是忤瑾指書成出爲南京吏部主事瑾敗召復故官是時閣臣李東陽當國上書東陽曰銑聞事幼主與成主者不同度而建功處平世與紛世者不合蹟而

續纂卷四十六

四

毀績夫告人之道有三積以誠者要其信也動以容者要其感也示以利害者要其懼且聽也文字章奏言者意弗盡而聽者情不達效固難獲矣執事何不時請面對難而覆易善存而惡敗帝王之軌祖宗之典誠於中而徵於容因其明而通其蔽使人主誠信改度然後天下可徐理也若一二帷幄臣執事與之共政矣咎有二客世讎也見必以刃援及其同舟遇風率共圖以濟非前相怨之淺而後相爲之力也志誠在於生故也彼臣者亦願執事善告之彼如我聽夫亦可以有助矣又聞

續纂卷四十六

五

古之君子之事君也智不售則曲執以求成力不施則廣謀而獲遂不然使事敗而圖之亦奚及也因以薦賢理財彊兵諸事爲勸懇懇數千言東陽不能用也充經筵講官進侍讀引疾歸作後渠書屋讀書講學其中學者稱後渠先生世宗卽位召復故官尋擢南京國子祭酒嘉靖三年集議大禮久不決於是大學士蔣冕尙書汪俊俱以執議去位其他擯席杖戍者相望而張璁桂萼等驟賢顯用事銑上疏求去且劾璁萼等曰臣究觀議者其文則歐陽修之餘其情則樂望意嚮求勝無已悍者危法以激怒柔者甘言以動聽非有元功碩德而遽以官賞之得毋使傲幸之徒踵接至與臣聞天子得四海之歡心以事其親未聞僅得三四人之心者也賞之是自章其私昵而已夫守道爲忠忠則逆旨希旨爲邪邪則畔道今忠者日疏而邪者日富一邪亂邦況可使富哉帝覽之不說命銑致仕閱十五年用薦起少詹事兼侍讀學士擢南京禮部右侍郎有都御史王暉者故句容人也乃言句容朱家巷爲皇祖故里宜賜表揚當銑覲實銑持不可曰興王之基失實爲罔事始得復未幾

疾作復致仕卒贈禮部尚書諡文敏銑少輕俊中歲自勵於學言動悉皆有則嘗曰學在治心功在慎獨又曰孟子所謂良知良能者心之用也愛親敬長者性之本也若刪良能而獨摯良知是霸儒也又嘗作政議其序曰三代而上井田封建其民固故道易行三代而下阡陌郡縣其民散故道難成況沿而下趨至今日乎然人心弗異也係乎主之者予政議十篇制遵今道循古不激不隨期之可久凡篇中所論說悉倣此意世多有其書故不載

續彙卷四十六

木

馬理傳

馬理字伯循三原人少舉於鄉再試禮部不第入國子監與高陵呂柟安陽崔銑相友善數共切劘於學由是名重京師高麗使人慕之錄其文以去已而丁生母及父艱連不與試安南使人在館問主事黃清曰關中馬理先生何尚未登仕籍耶其爲外夸所知如此正德九年復上禮部四方學者聞其名至相率聚觀之是歲舉進士授吏部主事與郎中不合以疾請告歸閱三年始起偕郎中張衍瑞等疏諫南巡詔跪闕門五日予杖奪俸未幾

告歸教授諸生於家嘉靖初母艱服闋復起轉員外郎偕郎中余寬等疏諫獻皇帝大禮下詔獄再予杖奪俸如諫南巡時等進郎中五年考察外任官於是內閣與尚書挾私忿欲去廣東河南陝西提學官理以爲不可力爭曰魏校蕭鳴鳳唐龍此三人皆當今有數人物也必欲去之請先去理三人者乃得免朝議遽之其明年擢南京通政司參議未幾告歸閱三年卽家起光祿卿開一年又告歸閱十年復起南京光祿卿尋引年致仕三十八年以地震卒年八十三嘗語學者曰見行可之仕惟孔子能之學聖人者不可不自量其力以故理之出也不一二年卽歸歸必久之始起凡釋褐四十六年歷官不過十年而已其恬於進趨皆此類也平生爲學之指每舉慎獨爲言本與呂柟崔銑善其立教亦相似

續彙卷四十六

七

舒芬傳

舒芬字國裳進賢人年十二獻馴鴈賦於知府祝瀚由是知名舉正德十二年進士第一授翰林院修撰其明年先是武宗數微行會有孝貞皇后之喪甫踰月卽欲輕騎往詣天壽山且詔罷沿道兵

衛芬度帝將幸宣府疏諫不納及還自茂陵帝乘
輿車入西長安門遣左右奉孝貞皇后神主從之
又疏諫曰太皇太后作配憲宗者有年矣生無失
德非前代所謂不得正終者比也而祐主顧不得
從午門入害禮傷化莫斯爲甚使佗日作史者以
春秋法書之曰六月某日車駕迎孝貞純皇后主
入自長安門則讀者必以春秋公薨書地不書地
之法求之將太皇太后不得正終之疑其何以解
於天下後世與祈廟之夕疾風迅雷甚雨意者聖
祖列宗及太皇太后之靈儆告陛下也又曰本朝
太廟之制有步輦大涼輦大小馬輦有玉輅大輅
未聞有輿車也此蓋庶人所載樂者古之帝王嚴
尊卑之分定上下之儀其孰大於車服哉今夫大
人君子必冠冕佩玉以爲常使之袒裼裸裎則媿
而不敏出矣輿臺阜隸必袒裼裸裎以爲常使
之冠冕佩玉則束縛而不能拜舞矣安有爲天子
者顧厭弃大輅衰冕而輿車褻服之是安哉惟陛
下不吝改過則幸甚俱不納其明年帝將南巡於
是寧庶人有異志大臣陸完及佞幸錢寧江彬輩
皆與私相結納芬憂之歎曰車駕出必不利復率

編修崔桐等疏諫曰古之帝王所以巡狩者協律
度同量衡訪遺老問疾苦黜陟幽明式序在位是
以諸侯畏焉百姓安焉今陛下兩巡西北六師不
設四民告病哀號之聲徹於遠邇故一聞南巡之
旨凡在衢路莫不張皇逃竄然則陛下之出幾於
秦皇漢武非能行巡狩之禮者也博浪柏谷其禍
亦可鑑矣且陛下以鎮國公自命苟至親王國境
或據助臣之禮以待陛下陛下將北嚮朝之乎亦
將南面受其朝乎假令循名責實則左右寵幸之
人無死所矣抑臣有痛哭流涕不忍爲陛下言者
宗藩蓄劉安之志大臣懷馮道之心方且以祿位
爲故物以朝署爲市廛以陛下爲弈碁以革除年
閒事爲前例特左右者知術短淺不能以告陛下
耳如陛下得聞此言雖禁門之外亦警蹕而出其
有與是漫游哉是時諫者甚衆而芬言尤危激大
臣及諸佞幸皆怒詔芬等百有七人跪闕下者五
日乃悉予杖芬創獨最甚幾斃臥翰林院中掌院
者懼得辜命標芬出芬不爲動曰吾固翰林官也
當死於此遂謫福建市舶副提舉世宗卽位召復
故官且加俸一級嘉靖三年春昭聖皇太后壽旦

詔免諸命婦朝賀芬疏諫曰皇太后誕節此陛下愛日承歡之時而諸命婦朝賀則又得天下之歡心以事其親者也今遽傳免臣恐敬以禮衰情以文薄矣使此旨而出於皇太后也陛下固不當將順使果出於陛下得毋重傷皇太后心乎伏乞別降綸音以彰至孝疏入奪俸一月自是凡四疏乞致仕又疏乞改官以便養皆不許是秋詔尊興獻帝爲皇考獻皇帝復偕羣臣跪闕以爭下獄予杖芬創如前杖時再奪俸三月其明年以內艱歸卒於家芬性穎拔所學貫通諸經頗好天官家言而尤明於周禮嘗曰周禮視儀禮禮記猶蜀之視吳魏也賈氏謂儀禮爲本周禮爲末謬妄已甚朱子不加是正何也疾革語其子曰六經皆明於世而獨周禮未行予校定率成全經惜乎其未進諸朝也汝其毋忘吾志先是修撰羅倫以諫謫福建提舉踰六十年而芬又以諫知名與倫同鄉同官所謫地與官又同福建士大夫遂祀芬配倫云崔桐字來鳳揚州人鄉試第一與芬同舉進士桐及第二授編修既諫南巡竝跪闕受杖復奪俸六月嘉靖中以侍讀出爲湖廣右參議累擢至國子祭

酒禮部右侍郎致仕卒

朱泚傳

朱泚字必東莆田人舉鄉試第一嘉靖二年進士其明年與同縣馬明衡並爲御史泚選授甫閱月是時羣臣方爭論大禮未決而會昭聖皇太后壽辰有旨免命婦朝賀泚遂疏言皇太后親挈神器以授陛下母子至情天日昭監若朝賀一免無以慰親心而隆孝治明衡亦疏言旨之出也非惟臣疑之在廷及衆庶莫不疑之何也暫免朝賀在恆時則可在議禮紛更之時則不可且與興國太后令節相去不過數旬而彼此情文違互臣民之疑其何足怪伏惟孝宗皇帝臨御十有八年淡仁厚澤實任人心至今閭閻父老道及孝宗遺事甚或流涕天下思慕孝宗如此則其念皇太后何如哉萬一禮儀末節稍成嫌隙俾陛下貽議於天下匪細故也夫母子之閒人所難言人臣愛君思杜其漸況孝敬難篤而易疏讒言難拒而易入其可不委曲加之意乎帝得泚明衡疏大怒遣官校梓兩人至內庭命中官詰責曰旨出皇太后意若小臣顧敢離開宮闈歸過於上乃俱下詔獄考訊侍郎

何孟春論救不聽御史蕭一中復論之亦不聽
後御史陳逅季本員外郎林應聰相次論之竟貶
謫逅等有差於是帝意必欲殺此兩人召閣臣蔣
冕變色謂曰此輩誣朕不孝皇當死無赦冕卻行
頓首請曰淵等愚昧死固當然陛下方興堯舜之
治奈何有殺諫臣名良久帝色稍解乃曰卿休矣
當爲卿成之冕又固請未減至繼之以泣帝不得
已始命俱除名爲民然其大治議禮諸臣辜蓋自
此始矣淵明衡雖同縣同官又同以直諫得辜而
淵獨號長者其交於人不欺或爲人所欺亦不之
報

續彙卷四十六

十一

按與明衡皆家貧而淵貧尤甚發爲詩文無豪髮
怨尤語亦絕無所干請及遇小民利病則又不能
嘿嘿雖忤有司弗顧也以故爲興化賢士大夫所
重柯維騏尤極推之謂淵所養最淡云巡按御史
屢薦不報凡家居三十年始卒

豐熙傳

豐熙字原學鄞縣人宋清敏公稷之後祖文慶以
進士累官布政使嘗筮遇豐之革喜曰卦符吾
姓吾子孫其昌乎熙舉弘治十二年會試既廷試
孝宗親覽其卷大奇之拔爲第一已易置第二特

賜第一人袍帶授翰林院編修進侍講轉右諭德
劉瑾心銜熙出掌南京翰林院事父艱服闋疏乞
終養繼母不報世宗卽位進學士與獻王大禮議
起熙偕禮官數力爭及以張璁桂萼爲學士方獻
夫爲侍讀學士熙倡翰林諸官曰此冷衮段猶流
也吾輩其可與同列邪竝疏請告歸帝不允旣而
卜日將上皇考恭穆獻皇帝尊號冊熙等又力爭
且相率詣左順門伏哭以埃帝怒滋甚錄熙及給
事中張紳御史余翺郎中余寬黃待顯陶滋相世
芳寺正母德純八人下詔獄遣戍遂戍鎮海衛先

續彙卷四十六

十一

是廷臣競席張璁等爲小人而璁亦勦羣臣朋比
欺妄及璁等旣得志始相率請釋謫戍諸臣辜其
疏皆以熙居首帝悉不聽最後熙老矣會謹身殿
災給事中田濡復請矜有熙等刑部尚書龍亦言
熙年且七十乞量許生還終不聽遂卒於戍所長
子坊字存禮鄉試第一舉嘉靖二年進士授南京
禮部主事坐事降通州同知致仕熙坊父子皆博
學能文章熙爲人嚴重不妄交許而坊尤狂誕傲
僻數與人忤故所至率畏而遠之家居稍久乃上
書言建明堂事又言宜加尊獻皇帝廟號稱宗以

配上帝帝覽其言大說無幾時而遂稱睿宗配享
玄極殿其議蓋自坊始然坊所言絕純繆與熙前
所爭尊號相反時人責坊畔父云坊晚歲改名道
生字人翁竟貧病以歿居恆別爲十三經訓詁類
多穿鑿語或謂世所傳子貢詩傳亦坊僞纂也

安磐傳

安磐字公石嘉定州人弘治十八年進士選庶吉
士改授兵科給事中嘉靖初累至工科都給事中
會以太監張欽義子李賢爲錦衣衛指揮磐疏言
不可者八且曰此八者在朝廷則壞法令在天下

續彙卷四十六

南

則係安危在人心則關向背疏入帝不能用初有
錦衣千戶張儀者在武宗朝附太監張銳以進頗
恣橫及帝卽位始奉旨革任至是御史楊百之代
儀訟冤極稱儀當宸濠逆謀時首倡大義固勸故
太監銳卻其餽遺今銳以是免死而儀首功不錄
無以薄示麟報於是舉朝咸鄙百之爲人磐疏言
百之儉邪陽爲儀游說而陰與張銳交關爲再起
地百之情得度無以自解乃誣磐挾私行誦事下
所司吏部尚書喬宇等悉不直百之已議加黜罰
矣而刑部則謂兩人交訐宜俱逮治以昭曲直詔

續彙卷四十六

五

從寬奪磐及百之俸百之遂卒免其明年京師大
旱風霾竝作而帝在宮中又好興齋醮所斂物料
不貲磐疏諫曰變不虛生夫霾豈明有所蔽與夫
旱豈澤有所壅與開歲以來法宮不聞露禱之誠
外廷不覩求言之詔非所以承上帝子萬民也伏
乞早御經筵咨詢輔弼約省宮中用度以爲臣庶
先庶和氣可回災沴可弭繼又疏劾太監崔文曰
臣聞佛老皆異端而佛之害尤甚臣不敢遠引願
以近者武宗皇帝爲陛下鑑武宗初歲亦嘗留神
講學矣其後受左右蠱惑卽從事內典內典既習
卽從事番教於是鎖南綽吉出入豹房矣番教既
誦卽從事取佛於是太監劉允馳驅西域矣十數
年間糜費大官流謫道路皆陛下所見聞也自劉
允放而鎖南囚天下服陛下之明正道復而異端
息天下服陛下之聖供億減而光祿裕天下服陛
下之儉宮掖清而小人伏天下服陛下之英斯所
由垂譽無窮者也曾未踰時而遽襲舊轍臣愚其
何望焉然非陛下本意實文等爲之也臣按文本
鐘鼓斯役冒陞太監既革復任夤緣用事顧乃導
陛下至此使陛下失其所謂明喪其所謂聖忘其

所謂儉損其所謂英貽譏天下後世皆文爲之臣
謂文可斬也文之意以嘗試陛下也陛下既爲所
動欲行否則從之欲登壇則從之欲拜疏則又從
之臣恐無已則導以聲色無已則導以貨財無已
則導以游幸導以土木導以征伐文等方且連類
以進伺便以逞故曰文可斬也疏入皆報聞而已
磐爲人剛正遇事鑿鑿敢言率切當世之務方大
禮議之起也卽與同官力爭不聽既而議稱典獻
帝典獻太后磐又爭以爲典爲國號不可加於帝
之上獻爲諡號不可加於母妃尊號之上決當仰

續纂卷四十六

主

大義屈私恩以示天下不聽既而議稱皇考磐又
數爭并席張璉桂等附和之非亦不聽是歲七
月偕羣臣伏闕慟哭立逮下詔獄與修撰楊慎等
七人凡再受杖遂削籍以歸卒於家萬曆改元始
贈太常少卿磐力學工詩文雅善楊慎及同里程
啟充徐文憲彭汝實時推四川人士冠云啟充字
以道以御史坐事謫戍卒隆慶初贈光祿寺卿汝
實字子充南京吏科給事中坐事黜爲民

楊言傳

楊言字惟仁鄞縣人父明彝官至四川按察司僉

事言舉正德十六年進士授行人使於代爲代人
所重既而大同卒作亂代懿王出奔復遣言往覓
奉懿王以歸嘉靖四年擢禮科給事中會詔建獻
皇帝世室言疏諫曰陛下考獻帝而祀之觀德殿
明親親也不復躋太廟以干正統明尊尊也斯求
諸義而協者也願獻帝雖有聖德非若周文武之
勳興王業也而欲襲世室之名夫亦舛矣如以獻
帝爲自出之帝是前無祖宗也以獻帝爲禰而宗
之是後無敬毅二帝也諸說率皆不經陛下前既
皇醫士劉惠之言今乃納署丞何淵之言前既俞

續纂卷四十六

主

禮卿席書之議今乃拂書之議臣不知其何以相
戾也疏入不報未幾而有王邦奇之獄邦奇在武
宗朝用傳陞得錦衣千戶最貪縱不法已遇詔裁
汰矣邦奇以詔出閣臣惕廷和屬臺由是心怨廷
和及數譴寃於朝輒爲尚書彭澤所抑則又怨澤
乃上書陳邊事以爲吐魯番侵軼皆澤廷和啟釁
所致宜亟誅此兩人事下兵部部議猶未具也邦
奇復誣大學士宏珪悉廷和邪黨又訐廷和子主
事惇擅廢舊牘令前後奏辭不得驗及其甥侍讀
葉桂章女夫修撰余承勳與澤弟冲相交關請託

諸狀帝爲邦奇下悖等於獄所株連甚衆言疏諫曰臣聞廉遠地則堂高宏瑤乃天子師保之官而百寮之表也邦奇心懷怨望文飾奸言詬辱大臣熒惑聖聽若窮治不已臣竊爲國家之大體惜也廷和當權奸擅政之日保全神器歸於陛下持危定亂所謂十世宥之者也卽所擬詔條或矯枉過正然事專爲國今去國無何禍延子胥臣恐全軀保妻子之臣皆口實廷和安有爲國家任事者哉惟陛下盡席諛言以全大體疏入天子方內銜廷和不已怒言代大臣游說并收繫言親鞫於午門

續彙卷四十六

太

羣臣悉集言備極五毒手指且墮無撓辭御史陳察在側大聲曰臣願以不肖軀易楊言羣臣問察嘩大驚相顧引避帝數目攝察察不爲動旣罷察復極言無論邦奇語非實卽大臣不自飭或扞文罔無以厭消物議亦宜體貌終始聽自投劾不當使小人窺見風旨帝亦不能舉察也以是言獄得解謫爲宿州判官御史程啟充復言前給事中楊言因事納忠心非有佗也願以敢諫得舉用舍如此其何以勵臣工示民庶伏乞召還故官則聽言之知使過之仁圖治之勇三者胥得矣遂不報言

旣被謫稍遷至蘇州同知南京吏部郎中坐事再謫夸陵知州稍遷荊州同知累官湖廣參議又坐事削籍卒言性儉約家居爲巾布袍而已見子弟豪侈者痛呵之曰吾死不願汝轉爲此初王邦奇之自謫也奏至六七上天子輒下其章所司給事中安磐惡之力言邦奇小人不有所懲則不畏不奪其心則不知止陛下寬其累犯之辜該部成其敷奏之辭故巧辨厚詆乃至此極惟勿惑奸謀俾釀禍源則幸甚給事中章僑亦繼言之俱不見省其後邦奇果興大獄而言遂得舉幾死矣獄成邦奇亦降總旗不復用

續彙卷四十六

尤

陳察字原習常熟人弘治中進士授南昌推官擢監察御史忤劉瑾罰輸邊粟百五十石旣而引疾歸者九年始復起爲御史出巡按雲南會武宗將南征察瀕行抗言弄兵者陸梁彭蠡間豈能舉大名哉發三千騎渡江可徑縛取奈何屈萬衆尊奪吏士任且上出而京師虛無人卽不北憂慮獨不憂蕭牆內邪帝不懌奪俸一年至雲南又念天子數俠邪游後宮無就館者疏請曰臣越在外微安干國家大議死辜死辜陛下踵先帝稱尊者十五

年矣先帝十八年而弃羣臣臣卒然之患以有陛下也陛下壯未有子羣臣心忤然竊慮萬一空早定大計擇親賢真禁邸遂端良之士屏翼左右庶有以植根本息閹昵臣誠不勝大望不報嘉靖初復出按四川還既脫楊言於死上諭尤推之以久次擢太僕少卿坐事謫海陽學教諭累遷至浙江按察司副使山西按察使山東浙江布政使入爲光祿卿改左僉都御史提督南贛汀漳軍務致仕卒察短小精悍繁忙慨喜事所居官必有廉潔聲再日始進一肉其儉約與楊言略相類年八十餘

續彙卷四十六

主

者且革猶請捐私田三頃於官以給縣中諸生貧

夏良勝傳

夏良勝字子中建昌人少游鄉先生羅玘之門舉正德二年鄉試第一明年成進士閏五年授刑部主事改吏部進員外郎於是流賊劉六等方熾條上用兵便空諸狀有曰戰陳之法識時爲上賊所恃者弓馬之力值茲秋爽誠彼之利必乘雨攻之如李愬雪夜取蔡可也又曰京軍懦弱才能被甲有據鞍上馬者尅矣臣度一馬之費可備三卒竊

意自邊軍外其餘調用諸軍不必給與馬匹非惟奪其逃生之具抑且堅其必死之心如古之濟河焚舟是也又曰軍威以殺爲主賊令嚴多殺故進則生而退則必死我屢敗未修一卒故進則死而退則可以卒生勝敗之異職此之由今若申令主帥使得按法行誅如懷直之僂莊賈將吏其有不

續彙卷四十六

主

嘉靖初召復故官仍加俸一級尚書喬宇才之薦爲文選郎中會大禮議起良勝疏爭不聽以久次擢南京太常少卿外轉給事中陳洸上書自訟乃附會張璁等議席良勝與尚書宇等羣結朋黨任意排擠狀帝怒遂謫良勝茶陵知州良勝官茶陵凡所入薪俸一切納諸公庫或議其矯欺曰某待辜於此此豈足贖邪及明倫大典成詔責郎中良勝協持庶官釀禍特濫復坐黜爲民其明年逮繫都察院獄久之成遼東三萬衛先是良勝在吏部也嘗輯部中章奏名曰銓司存彙凡前後議禮諸

疏具在既家居有怨家王榮者進其藁於朝以爲
訕謗并許良勝佗不法事獄成法司當良勝杖贖
而帝怒良勝不解竟以特旨遣戍矣踰五年卒於
戍所始爲諸生時猶未名良勝也提學副使蔡清
奇其文謂曰吾子異時爲良臣當無以勝矣因命
易今名其後良勝立朝果不負清許云

擬明史列傳卷十六終

續彙卷四十六

康熙乙丑夏六月同里周公贊校字

鈍翁續彙卷四十七目錄

列傳卷十七

薛蕙

汪應軫

王思

王相等附
張曰類

張原

毛玉

姚涑

邵經邦

馬元

韋商臣

續彙卷四十七目錄

鈍翁續彙卷四十七目錄終

擬列史列傳卷十七

別彙十七

薛蕙傳

薛蕙字君采亳州人年十二以能詩聞王廷相謫判亳州見其詩異之曰可繼何李其後卒與寢陽景明齊名舉正德九年進士授刑部主事疏諫武宗南巡受杖奪俸三月卽引疾歸久之復起故官換吏部歷員外郎至郎中嘉靖三年廷臣數爭大禮與張璁桂萼等相持不下蕙撰爲人後解爲人後辨及辨璁萼所論七事合數萬言上於朝其解曰禮之所以立後者重大宗也何言乎重大宗小宗無子以爲可以絕者也故不爲之立後大宗無子不可以絕故立後以繼之小宗不可擬大宗故曰重大宗也曷爲後大宗不後小宗重本也其重本奈何大宗者祖之正體也本也小宗者祖之旁體也支也本存而支亡亡而猶存也尊者存焉耳本亡而支存存而猶亡也存者微矣是故小宗無後祖不絕大宗無後祖絕矣禮之後大宗不後小宗重絕祖也雖然大宗者卿大夫之禮也何以曰卿大夫之禮古者公子爲卿大夫及始仕而爲大夫者謂之別子繼別子者謂之大宗故曰大宗者

卿大夫之禮也此卿大夫也而不可絕益知天子之不可絕矣天子之不可絕奈何大宗者繼別云爾曰尊之統也收同族云爾曰收族者也天子之統受諸始祖始祖受諸天不啻尊之統也內治同姓外治異姓不啻收族者也饗百神以爲天地社稷主也育萬物以爲天下君也此天子之禮也甚大宗矣是故不可絕也可絕也者則始祖之統可闕也同姓異姓之治可不辨也天地社稷可無主也天下可無君也故天子無嗣建支子以後天子禮也支子後天子子不爲後乎禮之正者支子爲後禮之變者適子亦爲後矣何言乎禮之變者適子亦爲後適子不爲後者非佗也傳小宗之統焉耳明小宗之統爲重也益知大宗之統爲重矣明大宗之統爲重也益知天子之統爲尤重矣故適子可以後大宗可以後大宗斯可以後天子矣天子者始祖之體大統之所莊尊則無上親則本始也諸侯雖有尊焉不敢信其尊矣雖有親焉不敢專其親矣信其尊嫌於貳君專其親嫌於貳祖故諸侯適子後天子者不敢遂其尊親也尊親者人之至重也然而不敢遂焉示猶有至重者也繼

大統者因斯舉也而知其所由來則可以事天可以保宗廟可以有天下是故明於爲人後之義者錯諸天下無難矣其辨又曰陛下繼祖體而承適統合於爲人後之義坦然明白無可疑者也廼有二三臣者詭經畔禮以惑聖聽夫經傳纖悉之指彼臣未能睹其十一遽欲恃小慧而騁奇辭可謂不知而作者也其曰陛下爲獻帝不可奪之適嗣按漢石渠議曰大宗無後族無庶子已有一適子當絕父祀以後大宗否戴聖云大宗不可絕禮言適子不爲後者不得先庶子耳族無庶子則當絕父以後大宗晉范汪曰廢小宗昭穆不亂廢大宗昭穆亂矣先王所以重大宗也豈得不廢小宗以繼大宗乎汪又曰大宗者人之本也人不可以無其本所以立大宗也小宗之家五世則遷安知始祖之所從出與宗祀之所由來敬宗所以尊祖禰不爲重乎此二說者其亦得禮意矣夫謂得禮意者以其別祖禰之統權大宗小宗之輕重而達於立後之義也蓋人子雖有適庶其親親之心一也而禮適子不得爲後庶子得爲後者此非親其父母有厚薄也直繫於傳重收族不同耳今之言者

不知推本祖禰惟及其父母而止此弗忍薄其親而忍遺其祖也其曰爲人後者爲之子乃漢儒邪說按此踵歐陽修之謬也夫爲人後爲之子其言出於公羊罔漢儒所傳者然於儀禮實相表裏古今以爲折衷未有異論者也蔣若修之說其悖禮甚矣禮爲人後者斬衰三年此子於父母之喪也以父母之喪服之不曰爲之子而何其言之悖禮一也傳言爲所後者之祖父母妻妻之父母昆弟昆弟之子若子其若子者由爲之子故爾傳明言若子今顧曰不爲之子其言之悖禮二也爲人後者不爲之子然則稱謂之閒將不曰父而仍曰伯父叔父乎其言之悖禮三也又立後而不爲之子則古立後者皆未嘗實子之而姑僞立是人也是聖人僞教人以立後而實則無後焉耳其言之悖禮四也夫無後者重絕祖考之祀故立後以奉之今所後既不得而子則祖考亦不得而孫矣豈可以入其廟而奉其祀乎其言之悖禮五也由此觀之名漢儒以邪說無乃其自名也抑二三臣者亦自度其說之必窮也於是又爲遁辭以倡之曰夫統與嗣不同陛下之繼二宗當繼統而不繼嗣此

一言者將欲以盡廢先王爲人後之義與則尤悖禮之甚者也然其牽合附會眩於名實苟不辨而絕之始將爲後世禍矣夫禮爲大宗立後者重其統也重其統不可絕迺爲之立後至於小宗不爲之後者統可以絕則嗣可以不繼也是則以繼統故繼嗣繼嗣所以繼統也故禮爲人後言繼嗣也後大宗言繼統也統與嗣非有二也其何不同之有自古帝王入繼者必明爲人後之義而后可以繼統蓋不爲後則不成子也若不成子夫安所得統而繼之故爲後也者成子也成子而后繼統又將以絕同宗覲覲之心焉聖人之制禮也不亦善乎抑成子而后繼統非獨爲人後者爾也禮無生而賔者雖天子諸侯之子苟不受命於君父亦不敢自成尊也春秋重授受之義以爲爲子受之父爲臣受之君故穀梁子曰臣子必受君父之命斯義也匪直尊君父也亦所以自尊焉耳蓋尊其君父亦將使人之尊己也如此則禮義明而禍亂亡今說者謂倫序當立斯立已是知禮與春秋之意哉若夫前代之君閒有弟終而兄繼姪終而伯叔父繼者此遭變不正者也然多先君之嗣先君

於已則考也已於先君則子也故不可考後君而亦無兩統二父之嫌若晉之哀帝唐之宣宗是已其或諸侯之嗣則未有仍考諸侯而不考天子者也陛下天倫不先於武宗正統不自於獻帝是非予奪至爲易辨而二三臣者猥欲比於遭變不正之舉故曰悖禮之尤者也佗所辨七事亦率倣此意書奏天子大怒下蕙鎮撫司考訊已貫出之仍奪俸三月會陳洸由外轉給事中辯議禮驟得復官恣橫甚舉朝惡其爲人爲諸給事御史所劾洸以已之外轉也事緣吏部郎夏良勝及蕙先已切齒及良勝旣被訐見席而蕙故在洸因上疏自辨逆揣帝風旨盡排擊諸異議者於是亳州知州顏木方坐舉乃誣蕙與木同年相關通疑有姦利章下所司蕙亦上疏自辨帝不聽有旨勒令解任聽勘蕙遂南歸待命旣而事白吏部數移文促蕙起蕙見聰等用事復引疾堅臥不肯起竟以此終其身爲人貌腴氣清持已峻潔屏居州之西原上陂魚灌藝意欣然自得也晚歲悟老佛之旨又嘗證之於經笈及宋儒諸書至中庸喜怒哀樂未發之謂中始喟曰是矣撰約言五經樞說及老子解

以自見武進唐順之極推之時人不之好也顧獨盛好其詩或以爲溫雅麗密有盛唐詩人風殆勝李應陽云朝議甫欲以春坊官起應則應既前歿矣

論曰旨哉應之解爲人後也江寧顧璘嘗言當議禮時兩家附和者俱衆其人非能深考極論折中禮制也甚則懷觀望心以國爲玩惟侍郎何孟春情辭明晰實由其衷斯則信矣及觀應之所解援據經傳視孟春始有加焉意者璘或未覩與不然其何以無稱也解有上下二篇上篇但說儀禮不及采采其尤切者云爾

汪應軫傳

汪應軫字子宿山陰人少有志操補諸生慨然慕宋范仲淹之爲人舉正德十二年會試第二既成進士選庶吉士大學士毛紀聞其名欲一見之竟不往也十四年詔將南巡應軫抗言自下詔以來臣民勞皇莫有固志臨清以南率棄業罷市逃竄山谷儼不卽收成命則生人必至塗炭陵寢宗廟必至震驚萬一變生叵測其禍有不可勝道者皆谷永諫漢成帝謂陛下厭高美之尊號好匹夫之

續彙卷四十七

七

續彙卷四十七

本

卑字數離漢宮挺身晨夜與羣小相逐典門戶奉宿衛者執干戈而守空宮其言切中於今夫谷永諧諛之臣成帝庸闇之主永嘗有言而成帝能容之臣雖不才欲以永自況矧當不諱之朝遭逢陛下聖明其何懼而不言哉疏入留中繼復偕修撰舒芬等連章以請跪闕門受杖幾數教習事竣擬授戶科給事中已狂譴例矣而會有旨補外遂改授泗州知州州地衝瘠又緣祖陵在所禁民不得濬池築隄爲旱潦備由是益困有力者惟以艾草捕魚參雞豚爲業應軫到始課民植桑因募江南女工教以蠶繅織作民大悅之政聲日起帝方南征中使絡繹道路皆桀執橫暴多所求索應軫率壯夫百餘人列舟次嘯聲震地中使爲之氣奪應軫又立廳夫使輓舟行頃刻出州界後使至者乃斂戢不敢肆車駕駐南京命州進美婦善歌吹者數十人應軫拒不可奏言州子女荒陋且比多流亾無以應敕旨臣向募有桑婦儼蒙納之宮中俾受蠶事實於治化有裨事遂寢嘉靖元年召復故官仍加俸一級疏辭不允新建伯王守仁爲御史彭啓充所劾應軫代守仁辨且言守仁有功無過

論者不當輕聽摺撫之辭援以入告忍使勞臣解體山東礦盜王鏜等作亂分掠東昌兗州流入直隸河南諸境奏言弭盜大略不出安之勝之之策安之之策匪一而莫急於推擇守令勝之之策亦匪一而其要有六離間賊黨一也收用材豪二也固搃險要三也廣開告奸四也明賞罰以勸士五也別首從以招降六也且弭盜與禦戎不同禦戎之法驅之境外而已若弭盜而縱使出境是以鄰國爲壑也夫自官司視之則有此疆彼界之殊自朝廷視之則皆祖宗之土地天子之赤子也諸著爲令凡一方有警不卽撲滅以致延蔓者兩處鎮巡諸官俱從重論報可京師諸舖戶例以十年編審充是役者類皆破家又奏言晉西漢以郡國豪傑大姓實京師本朝亦徒有富家凡所以重根本也桑輿用度取之遠近之職貢錢帛之屬則戶部掌之瓮醯庖膳之屬則光祿掌之所謂以天下奉一人柰何其獨困京師哉縱曰抑末不當若是之甚也且京師之民五方靡襍惟以懋遷爲生今平居既加抑勒而緩急調用又先於天下豈先王能邇與宅中圖大之道與臣考和買之敝自宋南渡

續彙卷四十一

九

始或準以鹽或估以絹蓋偏安一隅不得已而爲此取辦之計耳夫和買本非善政和買而不給直與偏累京師以戕根本則尤非政之善者也臣以爲革之便章下戶部然亦不能從也應軫在科歲餘所上凡三十餘疏俱落落可用以優養乞改南遂換南京戶科是時張璫桂萼在南部方講論獻皇帝大禮雅知應軫名璫又同鄉也意欲倚以自助應軫與議不合卽奏言請遵禮經崇正統以安人心疏入不報已遂出爲江西僉事引疾歸巡按江西御史徐岱稱應軫文行暴聞於時加以居官氣節衆望所推不宐實諸閑散遂復起故官視江西學政無何又以父艱歸服甫闋病卒鄉人私謚清憲先生

續彙卷四十七

十

王思傳

王思字宏學太保直之曾孫舉正德六年進士選庶吉士授翰林院編修九年春乾清宮災思應詔上疏曰天下之治賴紀綱紀綱之立係君身而已私恩不偏於近習政枋不移於左右則紀綱立而宰輔得以行其志六卿得以專其職今者不然內閣執奏方堅而或撓於傳奉六卿擬議已定而或

阻於內批此紀綱所由廢也惟陛下抗公道以抑私恩重大臣以端政本用舍不以讒移刑賞不以私拒則體統正而朝廷尊矣祖宗故事於正朝外又日奏事左順門且不時召對優殿凡此皆欲通上下之交也今每月御朝不過三五日每朝奏事不過一二件其養德之功求治之實宰輔不得而知也聞見之非嗜好之過宰輔不得而知也則上下不交甚矣伏願陛下悉遵舊典凡遇燕閒少賜召問勿以遇裁而懼裁過而弛然後可以享天心保天命其年九月帝爲虎所傷閱月不視朝思謂

續彙卷四十七

士

同官曰臣事君猶子事父父有疾子不可不問君有過其可不諫邪復上封事略曰孝宗皇帝之子惟陛下一人當爲天下萬世自重宜親享太廟孝養兩宮總摯乾綱緝熙聖學奈何嗜酒以荒志好勇以輕生始非壽考萬年子孫千億之道也疏上思待命數日留中不下特旨降遠方樸職遂謫三河驛丞王守仁巡撫南贛檄思使贊軍議從討寧庶人亂嘉靖改元名復故官仍加俸一級又錄軍前功復支九品俸等充經筵講官三年與同列屢爭大禮不報其年七月又與伏闕繫詔獄予杖

續彙卷四十七

主

病創歿於是死者思與編修王相給事中毛玉襄紹宗御史胡瓊張曰韜郎中楊淮胡璉員外郎申良張潔主事安璽件瑜臧應奎余禎殷承敘司務李可登凡十有六人隆慶初俱贈官有堯思別自號改齋安福鄒守益每推之高陵呂相亦曰聞過而喜似季路欲寡未能似蘧伯玉則改齋其人也王相字懋賢鄞縣人正德十六年進士襄紹宗字伯修渭南人正德十二年進士楊淮字東川無錫人正德九年進士申良字延賢陵川人以舉人授招遠知縣縣爲流賊所圍良數出戰有功由是城

得以完累遷常州同知至戶部員外郎件瑜字忠父蒲沂人舉鄉試第一正德十二年進士臧應奎字賢徵湖州人亦十二年進士張曰韜字席珍興化人亦十二年進士授常州推官武宗之南巡也江彬縱其黨橫行州縣執張甚先至鎮江吏民莫敢誰何將抵常曰韜名父老往逆之而命壯者儲瓦石以待父老遮彬黨境上以好言諭使勿入俱不聽卽壯者起投瓦石大噉彬黨顧耳目非是又怪衆洶洶疑有佗變乃稍退且馳使告彬而曰韜亦上書巡按御史言狀御史東

郊立行部過常謂曰韜事迫矣彬將以佗事縛君
命曰韜登已舟行而東自以小舟尾之彬黨果累
騎至大索曰韜誤截御史舟東陽捕截舟者而陰
縱使去曰韜遂免由是常得以安人皆頌張推官
矣爲御史僅數月數言時政得失方席書等之以
中旨超擢也疏劾書等陽述議禮之文陰懷干進
之路不可不重加撻罰既受杖舁臥於地猶口占
疏曰臣言狂詩空席免未幾竟死追贈光祿少卿
張潔字景川順德人祖善昭以舉人授兵部司務
超擢四川僉事謫臨江通判先是永樂初旣殺練
子寧其親黨成臨江者八十餘人於是善昭上書
曰子寧忠貫日月太宗謂使練某若在朕固當用
之仁宗亦謂方孝孺等忠臣夫旣忠之矣何肺附
外屬尚以姦惡賜配百年不宥哉乞復其家疏入
中外皆壯之潔舉正德九年進士授建平知縣忤
巡江御史賀洪改調廣昌乃訟洪不法狀洪坐削
籍潔官廣昌如故遷禮部主事監督會同館事會
尙書王瓊與都御史彭澤有隙澤之經略哈密也
遣使以金幣許土魯番贖城印旣而土魯番叛瓊
勦澤啟釁欲中以危法謀贖番人在館者暴澤過

惡乃遣私人誘潔署牒且曰澤所爲者南宋覆轍
也事成當有顯擢潔力拒曰王公誤矣澤與土魯
番檄具在豈宋和戎比邪答范仲淹亦嘗致書元
昊寧獨澤也爲我謝王公毋汙我訖不署事始
解尋進員外郎潔性剛不能容人過嘗有御史毛
鳳者招之飲被酒語不合遂起搏之其任氣如此
竟受杖被創死或傳未死前猶力草疏數千言及
病革投其疏顧友人歎息疏已亡不知其辭云何
也追贈太常少卿

毛玉傳

毛玉字用成雲南人弘治十八年進士授行人擢
南京吏科給事中於是太監劉瑾初敗玉疏言致
仕大學士焦芳劉宇秉心傾險制行儉回舉浮於
羣姦惡憚於逆瑾不加顯謬何以服天下心疏入
不允然聞者皆快之丁外艱去服闋補南兵科又
丁繼母艱去服闋畱爲吏科尋轉左是時世宗卽
位逾年矣凡從興來諸內官漸怙帝寵竝驕佚不
法又故太監谷大用等相次謀復起事有萌芽玉
卽疏言前事之失後事之鑒因歷敘武宗時事勸
帝戒嗜欲杜請託以破僥倖之門塞蠱惑之隙帝

嘉納焉寧庶人既伏誅株連諸戚屬收繫者不下數百人命玉往訊玉多所全活又疏請表揚死事諸臣用勸忠義事皆下所司先是有御史瞿嘉者故號狂躁數上書計大學士楊廷和尙書喬宇且效宋范仲淹百官圖歷敘廷臣五十餘人列爲四等論者弗之予也給事中安磐首劾嘉以小臣肆侮殆非盛世所宜有而玉亦言嘉僭違成憲變亂國是宜席之以爲言官恣睢者戒由是諸御史不說與玉交惡玉遂請罷不許三年七月與伏闕諫大禮下獄受杖偕王思等相繼死踰十有一日給事中張原亦杖死玉爲人樂易善事繼母撫寡妹有恩既死凡爲諸臣請卹者悉不報巡撫江西都御史陳洪謨又偸陳玉與張原歿無以殮妻孥流離狀亦置不省隆慶初贈光祿少卿

張原傳

張原字士元三原人正德九年進士授吏科給事中卽疏言朝政六事其三四爲禁貢獻明賞罰語尤剴切大略謂天下幅員萬里宜乎賄財不可勝用然一舉事而計臣告匱者何也民貧故也民所以貧不由於守令之哀斂則由於守臣之貢獻也

比年軍需樵輸十倍前制皆取辦於守令守令假以自殖又十倍於上供民閒既不能堪矣而貢獻者復巧立名色競出新異號曰孝順彼豈損己之財以娛陛下哉取於民者千百進於上者一二國家亦何樂於此而受之今夫人君馭下惟賞與罰賞罰不明下何以勸邇者庸才庸養莫不封侯爵玉甚至禦敵者或弗霑恩覆軍者或弗示優且有足不出門而受賞身不履職而奏功者此士卒所由解體而夸虜所以跳梁也疏入帝責原奏擾謫爲新添驛驛丞嘉靖初召復兵科仍加俸一級在科逾年章奏凡數十上會毛玉與御史許宗魯倫以諒相攻擊原疏言祖宗寄耳目於言官風聞有諭撫拾有禁所以防壅蔽導忠益也今被劾者率具辭巧飾或乃迭相排觝庶僚同於聚訟朝廷爲之多事所損國體非尠因乞先賜席罷帝以原言爲然詔加慰畱焉其明年伏闕與修撰楊慎等俱被杖原遂死杖下隆慶初贈光祿少卿原文章敏捷書法入能品或稱其紀事得史法可觀

邵經邦傳

邵經邦字仲德仁和人正德十六年進士授工部

主事進員外郎嘉靖二年詔工部治泰和伯陳萬言賜第其費當白金六十萬兩經邦力諫不允寵待外戚太過由是直聲大起內艱服闋補刑部明倫大典告成之次年十月癸亥朔日食經邦抗疏其略曰詩小雅十月之交朔日辛卯日有食之亦孔之醜說詩者言正陽之月古尤忌之又曰純陰而食陰壯之甚也又曰所以然者以四國無政不用善人故也今茲日食質之小雅所咏其象縣符得毋調和變理亦有皇父其人乎邇者陛下納諫官陸粲之言已令大學士張璁致仕等以議禮有

續彙卷四十七

主

功見留眾議洵洵陛下不之恤也夫君道陽也臣道陰也陰盛至於侵陽變無大於此者是以漢制策免三公而璁顧去而復留何也臣竊謂議禮與臨政不同議禮資當臨政資公正皇考之徽稱以明父子之倫以示繼統繼嗣之辨此禮之當也故雖排眾論任獨見而不以為偏若夫用人行政則必分別忠邪斟酌才力與卿士庶人共之乃陛下稱璁有功不察其心不揆其才而加之任是私議禮之臣也私議禮之臣是不以所議者為公禮也夫禮惟其當然後百世不易使所議而誠非公禮

也則固可守也亦可變也可成也可毀也陛下果以尊親之典為至當而欲世世守之乎則莫如於諸臣之進退一付諸至公而無容私焉若璁輩者厚之以資予時之以慰勞保全其終始以答其功於是博選碩德重望之賢置諸左右相與講明勵翼用建光明正大之治俾萬億年之後廟號世宗聖子神孫永久勿祧顧不偉與失此不為而避加璁輩以非分之任使之履盈蹈滿犯干天人之怒微獨非國家福也亦豈璁輩利哉臣抱區區竊效茅焦伏質之義不敢避斧鉞以聞疏入帝覽而

續彙卷四十七

本

怒曰經邦妄毀典禮動搖國是且引茅焦自況其視朕何如主立下詔獄考訊是時帝怒方甚經邦禍且叵測會乾寧宮西房災乃命遣戍鎮海衛於是學士豐熙先戍其地五年矣經邦既至日夕相與勉勵於學稍暇即著書不輟踰七年刑部尚書唐龍乞放還熙經邦等有旨不許又踰二十八年竟卒於戍所隆慶初長子諸生康生上書請卹會大學士高拱方力爭濫卹先朝得臯諸臣非是由是久不得請神宗即位康生復訟於朝始復經邦故官先是豐熙之以戍歿也士大夫無敢恣哭者

獨經邦經理其喪甚至衆莫不多之經邦初患無子及至鎮海有五子最後諸孫仕宦不絕咸謂以忠直獲冥祐云萬曆中衛人立祠祀經邦與熙及故主事陳九川爲三賢九川亦以謫戍至鎮海者也

姚涑傳

姚涑字遂東總制尙書鎮之子舉嘉靖二年進士第一授翰林院修撰三年七月與學士豐熙等跪諫大禮於左順門遂下詔獄予杖復官如故九年四月郊祀議起又與學士張潮等並主合祀而涑

續彙卷四十七

左

言尤切其疏略曰臣愚以爲合祀之禮未易輕改也斷之於定鼎之時者太祖也行之而安者二十年襲之於徙都之日者太宗也行之而安者亦二十年承之於繼世之後者列宗也行之而安者復百有餘年天清地宴百神受職命其燕慶成者慶天心之克享也臣故曰未易改也且言必慮其所終而行必稽其所敝古之祭日於壇謂春分也祭月於坎謂秋分也其陰陽先後之序斯則得矣從之可也若冬至夏至之祭臣有疑焉周以建子月爲歲首故冬至祭天夏至祭地陰陽之義先後之

倫各有攸宜蓋制禮本意也今所用者夏正也以一歲之月序之則夏至前而冬至後苟以分祀爲說則地先於天非所以尊上帝也行周之禮不可以用今之時用今之時不可以行周之禮是其大者且難通矣佗如樂有六變八變之奏儀有繁車大裘之文去古已遠必欲悉倣周官非今日所能考議也章下所司率不用未幾充經筵講官累進左諭德侍讀學士以外艱歸卒於家涑所學長於諸史少從鎮宦邊塞頗知兵閒利害數謂邊防海運最當世要務作邊圖海運策且嘗論邊患曰今之議禦寇者或欲植榆柳以搯其馳或欲列戈戟以防其突或欲高塞垣以限其入技之予所聞皆非也天以五材濟民用而邊鄙所闕有三平沙浩漫溪沒馬足雖樹弗茂弗滋則木之爲用寡矣短兵相接鎧仗鏃楯所謂鐵者必求之遠方始足則余之爲用寡矣民多窟處寇至輒先築壁壘自固而肩土在百里之外則土之爲用寡矣加以遠戍無水則卜諸雨近郊無草則刈諸塞下民皆冒死以爲生而顧欲以書生之說施之不已疏乎然在天者猶可誘也今所謂人謀者予惑之夫論執則

續彙卷四十七

辛

外急而內緩用才則內重而外輕士大夫恥當劇任率謂莫勞於董徒役莫瑣於司會計莫係於獄訟獄莫危於治軍旅往往遷延求避夫責之以一事之長猶難若此至於邊鄙之任則一人而四責具焉者也其難不啻倍蓰而議者曾不之察何也刑難於獨勝食難於遙請役難於頻仍兵難於兼示訓養而食之不給尤甚執刀筆者得以破勳勞持議論者得以輕事功此邊鄙之深憂而予之大惑者也其所慨大都類此然既以議禮被杖其後復與修明倫大典又待詔文徵明在院中諸同院率推重之獨數見籍於涑故爲士論所非云論曰涑之敘邊患具矣自是軍興促數百餘年間士大夫率操文墨論議盛社稷而覆之始有甚於涑之所惑者可勝歎哉故附掇涑語著於篇

韋商臣傳

韋商臣字希尹長興人舉嘉靖二年進士在京師屢從侍讀湛若水游授大理寺右評事三年冬上疏略曰臣惟古之刑官有士師卽今之大理是也大理也者理其情之是非擧之輕重而已有廷尉平卽今之評事是也夫評也者評其是非之當輕

續彙卷四十七

至

續彙卷四十七

至

重之宜而已故銓曹參注評事必以才望清高者充之臣商臣魏非其人而悞蒙此授則平決庶獄其職也請得以獄之大者爲陛下評之臣自授官以來竊見羣臣以議大體忤旨者調任則吏部左侍郎何孟春一人其佗謂成則學士豐熙等凡八人杖繫則編修王思等凡十有七人以拂中使逮問者則副使劉秉監布政馬卿知府羅玉查仲道等凡十人以失儀就繫者則御史葉奇主事蔡乾等凡五人以京堂官爲所屬及細民計奏下獄者則少卿樂護御史任洛等凡四人此皆國家大獄上干天象下駭衆心所關甚鉅者也因遂言豐熙等當宥者三劉秉監等當宥者四又言比者水旱疾病星隕地震山崩泉涌風雹蝗蝻之害殆徧天下加以西戎犯順說者謂卽五星聚於營室之應有識莫不寒心臣竊以爲平反庶獄亦當災禳患之一道也蓋刑罰不失其平則人事和於下天道亦順於上矣惟陛下大奮明鑒復戍者之官錄死

者之後釋逮繫者之囚而正告評者之臬則率甚帝詰商臣沽名賣直譎靖江丞量移德安推官遷汝寧道僉事討平永寧巨寇董某以功受賞又治

伊王用宿忿虐殺其妃臯不爲執力所撓具論如法商臣意頗自憊數以搏擊豪彊爲能由是諸大家率不樂臨穎有杜給事者與同縣趙僉事構怨共仇殺三人商臣署按察事持之甚急中朝賢人每寓書求緩其獄弗聽也遂積謫語聞於朝甫遷四川左參議竟以考察罷官卒商臣性剛介敢於嫉惡故多得謫至貧困以死然垂老終不自悔也知商臣者或以狷者稱之

馬永傳

馬永字天錫遷安人世余吾左衛指揮使父榮嘗爲鎮番參將永性機警善射遇人俯首下視不苟言笑既襲官以討流賊劉六等知名進都指揮同知江彬之練兵西內也永當隸彬麾下稱病不起強之輒稱病篤歷官至都督僉事同知充總兵官鎮薊州薊州一軍遂爲諸邊雄數戰有功武宗嘗幸喜峰口馳馬欲出塞永和馬固爭帝注視久之顧左右曰此馬永邪笑而止以功進右都督嘉靖三年大同軍亂廷議將撫之永疏謂賊不可撫佗日九邊效尤將釀唐室河北藩鎮之禍乃不果撫先是永之討流賊也爲提督都御史陸完所賞識

續彙卷四十七

七

續彙卷四十七

七

至是乃上疏雪完乞加賜諡蔭又請有議禮諸臣豐熙等臯帝大怒奪永總兵命南京閒住御史魏有本疏救帝益怒并命調有本外任於是給事中沈漢上疏曰永之枉邊也知勇過人稍略過衆士卒感其惠外夸畏其威實國家干城之將也其爲完陳乞完已死矣子孫微矣聲執無可託富賢無可求然而永言之不已者以受知於完故也晉齊威王使章子將以應秦師侯者言章子以齊入秦齊王不應後章子大敗秦師左右曰王何以知章子之不叛也曰章子爲人子不欺死父豈爲人臣而欺生君哉有本之意以永受知於完尚思圖報又況荷陛下生成之恩覆幬之德其有不竭力報稱邪蓋有本之視永如章子然是故略其言而取其意錄其功而悲其臯也陛下既不之聽又從而加虜遂焉不已過乎都給事中鄭自璧亦訟永功曰永往爲把總則有襄子岳諸處之捷爲參將則有擦崖子之捷及陟總兵則有洪山口大領諸砦之捷卽大同用兵一疏見稱縉紳閒亦可占永之將略矣今官民保畱者其疏不下十數使威望不足以及服人才識不足以禦寇胡同然一辭若是哉

是後救永者益衆始命以右都督掌南京後府事
十四年遼陽軍亂召鎮遼東十八年廣寧軍亂永
帥家丁捕斬數十人軍始定以功進左都督明年
率於鎮遼人爲罷市哭喪過薊薊人哭亦罷市皆
立祠祀之永爲將每厚撫閒謀數得虜情僞故戰
輒勝又能與士卒同甘苦雅名知人凡所拔率校
後多至大帥云永既歿尙書鄭曉作頌兩篇盛稱
永與梁武壯公震竝有古良將風

擬明史列傳卷十七終

康熙乙丑夏六月同里周公贊校字

鈍翁續彙卷四十八目錄

列傳卷十八

趙時春

曾

銑

李珍附

王象乾

弟象晉
從弟象恒

象朴

鈍翁續彙卷四十八目錄終

擬明史列傳卷十八

別彙十八

趙時春傳

趙時春字景仁平涼人幼與羣兒嬰每列旗幟都署自御之年十四舉於鄉踰四年爲嘉靖五年會試禮部第一既成進士選翰林院庶吉士授戶部主事改兵部嘗上疏曰邇者災警頻仍陛下下詔求言已涉旬餘然而大小羣工類以浮辭面諛者何也蓋自往年靈寶縣官言河清受賞繼而都御史鉉進甘露矣今則副都御史讚訓導仲斌進瑞麥矣指揮樺進嘉禾矣鉉及同官東進鹽麥矣禮

續彙卷四十八

一

部尚書時再請稱賀矣鉉東等憲紀攸司不能激揚獻替而尚書時職典三禮罔上要君壞風傷政小臣所以撫胷流涕不能自己伏乞中令百官直陳時事敢有託瑞設諛熒惑聖聰者卽加誅譴庶其可化佞爲忠也帝乃曰時春必有所瀝其詳列以聞卽趣時春對對上譙其掇拾賣直下詔獄黜爲民踰數年以薦起除翰林院編修兼司經局校書與羅洪先唐順之上疏請朝東宮復黜爲民久之又以薦起除兵部主事凡再協贊大將軍仇鸞軍鸞方倡馬市時春憤曰此匹夫宋秦檜續耳身爲

大將軍而效市儈可乎由是忤鸞爲所構幾重得

舉已遷山東按察司僉事命統民兵禦虜轉副使

超擢僉都御史巡撫山西提督鴈門諸關時春忼

慨多大言遇人有不合意卽面詰不少資或方持

杯酒相歡笑有語及寇警者輒投袂起數謂人曰

使吾得備偏裨領選卒五千挾弓矢閒以長槍巨

斧卽俺荅丘福不足平也其氣銳如此作禦戎論

論攻守有曰夫散兵不足制人而制於人疑志不

足應敵而應於敵天下無事盡封疆印約束利兵

健將星羅雲布執不爲不彊威不爲不張狴有狂

續彙卷四十八

二

夫奮挺之難恫惴相杖莫肯受命者顧妻子私賄財之念重而赴義致果之志微也故曰制於人內顧重而外難輕則上下異心上下異心則投機有閒投機有閒則僭離齎盜故曰應於敵有生之心必喪其生設守之謀常罅其守使有必死之心則其生不足爲也使有必攻之謀則其守不足爲也敵人之衆曾不百一於中國而能爲中國患者攻其所守者也獲其地不足以益土役其民不足以廣衆而征伐之兵執不得息者以攻爲守者也衆均尙勇勇均尙知知均尙聖四者敵人之所短而

中國之所長也攻守之執在中國不在敵也明矣
散衆而守則守有定形聚衆而攻則攻無定執以
有定之守禦無定之攻雖有聖知難爲而況勇怯
之閒哉此彼之所以襲吾長而毀吾短也夫勝敗
相參鼓旗相當而莫敢先窺者謂其士羸弱等而
將知勇班也使吾簡千金之士練技擊之兵非全
兵能當也信任英賢申嚴節制非烏集者之比也
彼見吾有衆攻之執無寡守之失故誘之利其衆
可亂惑之聲其情可得合變制奇之要在乎此不
在彼矣又曰其本莫如自治以結天下之心慎守以
待既衰之執漢晉之亂單于叛安史之難河隴陷
盧文進之奔幽薊割郭藥師劉整之降宋室微其
患在內也萌於至近發於至遠漫淫屠毒徧滿天
下一夫乘機邊徼交訌終之在人而始之由我明
主知人之不足恃也故先治其身使其心志足以
倡率百體血氣足以供給庶用聰明足以役使羣
動威靈足以招徠英豪未明而衣後日而入兆民
之情四徹無蔽雖有纖介適至之疾而無土崩瓦
解之患卒有大寇列疆而守誘其深入絕其鈔掠
訶知其情僞彼雖未敗固已無所利矣種落之性

續彙卷四十八

三

惟利是逐小戰則小利大戰則大利不戰則不利
破一十家之堡不足千人之朝食過百家則不能
克矣日馳數百里之地必擊空虛之處遇敵則不
能戰矣深入險重之中必知情執之宜無閒則不
能出矣輕騎四遠以爭利重兵必逐水以屯望無
泉則困庠鹵矣故廣置耳目安集生口堅併壁壘
徧遮要害先據水泉匿形而不擊翫士而不關慎
守之策也然則必不戰與曰非不戰也不當戰也
彼固求戰者也彼戰則必死死則必勝勝則甲兵
之獲固已利矣況其乘勝而遠鈔也虎不見人不
敢搏見射獵者則走聲執使然也故不戰者守之
善者也既官山西益思以功名自奮三十二年虜
入神池利民諸堡時春盛氣欲戰遂及敵戰於天仙嶺
武諸將畢會時春盛氣欲戰遂及敵戰於天仙嶺
敗績倉黃投一墩有守卒絕之上乃得免事聞詔
解任聽調時春凡數起數席至是甫見用又一戰
而敗其氣亦少挫矣歸十餘年卒平居讀書善強
記文章豪肆在京師與唐順之輩齊名詩尤伉浪
自喜類其爲人然或謂之秦聲方駐軍廣武也時
春擐甲欲馳總兵官李冰爭曰敵悍不易當也公

續彙卷四十八

四

其駐此某當往時春不聽既戰將敗淒歎息謂曰
公急去某死此矣與其子松力鬪死參將馮恩等
皆死全軍盡覆時人頗以咎時春已天子贈淒少
保左都督諡忠愍予特祠子松亦贈都督同知

曾銑傳

曾銑字子重江都人自爲諸生以才自豪與同縣
蘇綱者相善舉嘉靖八年進士授長樂知縣擢監
察御史巡按山東適遼陽戍卒亂拘執都御史呂
經閉城拒守廷議將討之銑疏乞加原有以安邊
鎮因單騎往諭凡經所行不便者悉立罷密計禽

續彙卷四十八

五

首亂數率治舉餘衆安堵如故才望乃大著以功
擢大理寺丞累遷右僉都御史巡撫山東已復移
山西敵頗懾銑威名不敢犯邊者踰年遂以兵部
右侍郎總督陝西三邊軍務其明年虜騎入寇親
督將吏出塞直趨定邊棄夜邀擊之黎明敵見大
將鼓旗相顧鎗帶大潰凡斬首百餘級生獲一人
所奪馬牛橐佗器械無算邊人謂比年以來未嘗
有此捷也詔增俸一級賞勞金幣有加銑感帝知
遇益圖所以報稱者念套衆爲中國患上疏曰臣
謹按河套古朔方地是南仲所襄獫狁衛青所取

河南張仁愿所城受降之界也高皇帝驅逐前元
遠遯沙漠文皇帝六龍三駕悉犁王庭薄海內外
皆入版圖豈但河套附屬已哉後以套地孤縣既
徙東勝之兵復改榆林爲鎮方其初徙套內猶未
有患也風土膏腴草木繇茂禽獸生息當事之臣
不以此時據河爲守乃區區榆林之築可謂失計
之甚者也馴致種落編後渡河剽掠士馬自是住
牧套內侵擾中原孝宗欲復之而不能武宗欲征
之而又不能訖使大酋吉囊據爲巢穴出套則寇
宣大三關以震京甸入套則寇延寧甘固以毒生

續彙卷四十八

太

民漢山大川執顧在敵而不任中國天心撥亂將
待陛下陛下選將鍊兵歲發帑藏以濟邊圉凡所
以攘卻外患保安兆人者至矣封疆之臣曾無有
漢長之思以收復舊業爲陛下言者何也蓋軍興
重務也小有挫失媒孽踵至鼎鑊刀鋸面背森然
臣非不知兵凶戰危未易以動也然而介甲汗馬
常懷憤激邇者親履其地目覩凶醜跳梁切齒腐
心有日矣竊嘗計之秋高馬肥弓矢勁利彼聚而
攻我散而守則彼勝冬淡水枯馬無宿藁春寒陰
雨壤無燥土彼執漸弱我棄其敵則中國勝臣請

以銳率八萬益以山東槍手二萬每於春夏之交水陸並進直搗巢穴此一勞永逸之策萬世社稷所賴也遂條爲八議以進帝心頗喜詔與撫鎮諸臣同上方略銳復條十八事及獻用兵八圖帝猶覽而嘉之下兵部集議然甫踰月而銳敗初銳所善蘇綱以女嫁大學士夏言爲繼妻綱數爲言稱銳才可恃言以是主其議既下兵部部臣以銳所需金錢及計調槍手太夥皆難之而重違言指議猶未決也會銳復請誓劔得專傳大帥以下帝始漸惡銳下諭曰套衆之患久矣今師出果有名否

續纂卷四十八

七

兵果有餘力食果有餘積成功可必否一銳何足言如生民屠毒何於是言與同官嚴嵩交惡嵩欲僭銳以傾言乃極陳其不可狀且僂言甚力以激怒帝帝意果大變銳遂得臯詔遣官校往逮矣又咸寧侯仇鸞總兵甘肅每以驕恣不法爲銳所劾最後有旨收繫而嵩雅親鸞代鸞草奏誣席銳用兵失利遣其長子淳陰賄蘇綱俾關通大學士言其語絕無左驗然帝意方向嵩嵩從中下之由是銳重得臯既逮至法司言銳臯無正條此擬邊帥失陷城砦者律帝怒猶不解竟當銳交結近侍官

賈律論斬妻子流二千里死之日家無餘貲聞者莫不冤之而言亦相繼斬西市銳性果銳有膽略長於用兵其枉軍中也嘗以歲除夜猝命諸將出邏是時寇無警諸將皆卸甲置酒不欲行急賂麾下鈴卒求緩於銳妾妾以語銳銳詰知其故卽出斬鈴卒以徇諸將不得已丙夜被甲行果遇寇騎出不意擊敗之翼日歲旦諸將入賀畢前請曰敢問何以知有警也銳笑曰見烏鴉非時驚鳴以故知之軍中用是大服隆慶初給事中辛自修御史王好古疏訟銳志在立功身罹重辟無問識與不

續纂卷四十八

八

識痛悼至今特贈兵部尚書諡襄敏有榆林指揮李珍者故坐事失官銳嘗知其才從徒中錄用復積戰功累官至游擊及銳既敗惡銳者遂併訐珍竊減軍餉予銳子充餽遺法司考掠備至珍不肖承銳子用是得免然珍竟坐死論曰三復復套一疏抑何銳之忼慨壯烈也曾未成師以出而顧身伏歐刀禍延家室楚殺得臣趙夸李牧適足詒敵人笑而已世宗自謂英主及其爲奸人所愚乃漢桓靈之不若嗚呼能無杜謀臣之口而灰志士之心乎

王象乾傳

王象乾字子廓山東新城人祖重光嘉靖中進士累官贛州右參議三殿工起贛州例當采木木產蠻中而有羿蠻者作亂梗其道上官檄重光以兵往遂出不意引兵圍諸蠻蠻猝不及鬪皆詣重光請死重光縛其酋杖之而許以降因畱督采木役甫竣而卒特贈太僕少卿父之垣亦累官戶部右侍郎象乾舉隆慶五年進士授聞喜知縣擢兵部主事歷員外郎郎中出爲保定知府歲饑民流率屬縣賑賁有方政聲以著遷汝州道副使十七年進口北道右參議西虜故推俺答爲雄既受封順義王其佗部遂相效款塞而口北所直諸大部曰哈喇慎曰老把都曰永邵卜曰火落氣尤驕悍難制歲糜市賁銀二十七萬餘兩然猶時叛時服象乾議裁之乃衷甲用刃躬往坐市臺諭諸酋曰有旨切責爾吏無滋爾讐橫索故我來更定約束諸酋起相顧咄咄語象乾堅坐不動厲聲曰爾詭何也鎡白如雪幣綵如雲聽我則皆爾物也不則我閉關絕爾以此募甌脫襍存將與爾爲難爾詭何也酋見象乾氣盛無以應卒裁市賁及撫賞銀

續彙卷四十八

九

七萬餘兩著爲令象乾少機警有膽略雅善騎射又熟知外夸故事一切土俗及種落家世舉能屈指道其詳稍暇嘑大小諸酋犒以牛酒與走馬角射爲戲酋矢未發象乾已應聲命中悉大驚以爲神又能出好語屢慰拊之益大喜曰那顏愛我那顏者猶華言大人也史車二酋以降夸世保塞下久矣有小酋安菟者誘使叛去象乾奏記巡撫王世揚曰此肘腋患也不停順義王賞二酋不可得世揚從其言竟獲史酋又奏記曰酋老矣其壯子勁兵俱在漠北誅之變生不若薄責而貫之世揚又從其言史酋卒招其族及車酋次第來歸共邀敗安菟馬胎山下安菟亦遂因順義王乞款嗣後寇掠益希象乾逆揣粟價將踴豫請帑金二萬兩展轉糴而息之凡得羨粟萬六千石羨金倍之用以繕治衣甲及塹長濠百餘里以遏敵衝其嫻於方略皆此類也二十年加右布政使已遂擢右僉都御史巡撫宣府二十八年加兵部右侍郎象乾駐鎮既久諸酋咸服其恩信每見象乾使者必問那顏能噉重酪黃羊乎率舉手稱歎故邊境得藉以安其明年轉左侍郎總督川湖贛州軍務是時

續彙卷四十八

十

播州楊應龍方伏誅詔改土司爲流官當應龍之
叛也水西宣慰安應龍臣與楊氏有連陽雖助兵討
賊而陰懷觀望及應龍誅其黨爭匿水西謀變象
乾至輒檄禽之播與水西接壤自烏江北延袤六
百餘里號膏腴故皆播地也疆臣欲據爲有象乾
執不予中朝議者文章論劾以爲啟釁非是象乾
爭之益力因繪烏江圖以進并上疏極言疆臣不
法其略曰臣惟西南土夸非塞外要荒者比也列
聖授之衣冠假之名號土地以供賦稅甲兵以聽
徵調名雖夸也實與列郡無別苟其方命圯族未
嘗不撻伐而揃薙之如黔之田氏蜀之安氏薛氏
隴氏楊氏是也是以諸夸弭首帖耳馴於大化顧
若疆臣荼毒西南斯其漸亦難長矣使臣而不言
異日必有以養亂舉臣者臣而言之今日必有以
多事舉臣者臣欲審處其一寧言而受多事之罰
比年以來節據烏蒙等五司竝道將府縣極譴疆
臣爲患告急之文無日不至夫五司籍隸蜀所
出者黔之軍餉所供者黔之站馬也無五司是無
黔也無黔則滇南之道不通無五司是亦無滇也
然猶得諉曰五司夸地夸人相攻固其恆態若建

武則極邊重鎮矣永寧烏撒衛城則蜀與滇黔之
門戶矣筠連則內地郡邑矣敘州則提封千里水
陸交衝川南都會矣遵義則府治才立瘡痍未復
尤陛下所欲撫摩而嚟咻者矣疆臣與其弟髮
不焚於此卽掠於彼虔劉我民人娶略我士女剖
孕婦之腹斲死者之棺慘毒之狀蓋自咎所未有
也臣聞御馬者錫赤在前鞭策在後無鞭策則蹏
齧及之矣養犬者左持梁肉右操制挺無制挺則
搏噬及之矣此恩威竝用之說也朝廷之於安氏
毋乃用恩太過乎欲占播土則予播土欲邀諭祭
則予諭祭求無不獲欲無不遂無怪乎跋扈跳梁
而不知止也爲蜀慮者曰大兵之後如久病疴瘵
不可復勞果如是也必諱疾忌醫而後不死乎爲
黔慮者曰安氏於黔如附頸之癭割癭者懼創其
喉茲則尤過計矣獨不曰理其本而標自定乎疆
臣旣以驕恣扞法廟堂又以姑息養疆臣將俟其
盈貫而始加誅焉得毋傷用恩之初意哉是故不
如稍示裁抑保而全之之愈也公孫僑曰火烈民
望而畏之水弱人狎而翫之蘇轍曰欲其用命必
見其所害欲其樂從必見其所利今也有翫而無

畏有利而無害求安氏之效死用命必不得之數也臣之此言非獨爲五司也亦所以完內地非獨完內地也亦所以全安氏也抑思陛下參安氏甚厚假或天誘其衷疆臣悔辜自新使臣言不驗是西南之福臣之上願也脫也天奪之魄怙惡勿悛異日履陛下西顧之憂母謂臣今日不言也其後不數歲而水西果叛三十四年以外艱去官先是朶顏屬夸長昂者屢寇寧前官司革其額賞長昂子狹暈大心慍乃誅插漢諸酋聲寇薊門於是廷推總督官神宗記象乾姓名曰是爭水西地界者

續纂卷四十八

三

可遣也卽家起故官總督薊遼軍務象乾尅期往視事立檄道將控關門而徐遣使走插漢諸酋帳中申明朝廷威德且稱象乾命諭之曰爾額賞自若也柰何從亂諸酋紫懾服象乾遂各解去狹暈大執孤亦請獻馬牛羊橐佗二千四百有奇以自贖事聞加兵部尚書右副都御史四十年名理部事踰二年象乾年六十九以疾乞休歸里天啟改元起故官提督九邊軍務踰三月復出總督薊遼兼制宣大等處其明年廣寧旣陷而哈喇慎酋罕李羅執又率衆聲寇薊東京師大震象乾遣使諭

之曰爾祖父以來世受天朝豢養恩爾顧不率祖父忠順乃甘爲盜邪罕酋詢知爲象乾驚曰那顏在此卽附使者叩獻酥酪未幾而插漢等八部哈喇漢等五部朶顏屬夸朗紫接踵至與罕酋相繼願移帳守關門如故約益象乾誘致之力多焉屢加少師兼太子太師每條上款戰事空中朝議者復以爲散金錢媚虜非便旣而象乾以繼母艱去官瀕行遂上疏曰臣聞禦戎之道戰守款三策盡之矣能戰能守上也諱和而言款不得已也下也假令省款費以佐軍食謝款名以振國威言者色

續纂卷四十八

古

動聽者神機豈不愉快顧非所以理危疆而收實效也臣請據大余之始謀考先朝之已事參驗目前之利害爲陛下陳之可乎臣聞金人之初舉事也與諸酋數相結納昏以子女遺以金珠往來之迹徧於王庭彼豈不知金珠子女之足愛乎所失者小所圖者大故也夫我之謀金人也猶金人之謀我也其賄諸酋也欲以分我之執也我之款諸酋也亦欲以分敵之執也如其不款是敵執已彊又附而益之吾執已弱又拒而攜之禍未弭於東而釁復啟於西一建州尙苦不支況驅

諸鎮之敵合爲一建州也哉海外有善弈者世莫能爲也客請與之弈輒視其子所投而遂效焉善弈者不能勝無佗因之也胡不因敵人之謀我者還而謀敵則款不款利害較然矣西部之款也自穆宗始前此俺荅跳梁烽火達於甘泉者屢矣穆宗還其愛孫厚其封爵而款始定當此之時海內殷富士馬飽騰兵力非不足也閣部諸臣如新鄭如江陵如蒲州皆詰輔偉人非怯而畏寇者也然而九塞莫不用款金縢之費錫粳糗精之需甚不貲也款事方始朝廷駭愕爭言不可者羣滿公車

續彙編卷四十八

主

穆宗以聖神之明包容之度慨然獨斷迄今六十年間塞上之老父緩帶而行穉子含哺而舞戎馬不闕於長城而羽檄無警於中國類皆穆宗之賜也今關門歲餉不下三百餘萬以三百餘萬之積議者猶不之惜獨何愛此二十餘萬者不撫西部而俾爲吾用乎臣聞造父之習御於泰豆氏也計步置木循而趨之無跌失也而後二十四躡險夸若一無佗因之也胡不因祖宗已試之塗轍循而撫西部則款不款利害又較然矣如其不款當有起而收之者何也款之一策吾與余人所竝爭

也使西部之衆 金人誘而得之則必反爲彼用彼若以順義兀邵卜火落氣諸部犖吾肘於西以插漢哈喇慎朵顏諸部搯吾吭於北而自帥建州之銳與哈喇漢諸部彎弓鳴鏑長驅而闔榆關則噬臍之悔其有及乎是故不可以不急款也管在漢也搢紳之儒爭言和介冑之士爭言戰今則反是武夫怯而甘於和文吏激而快於戰臣又襲江都長沙噬餘妮妮言款廷臣筆舌紛錯而臣言不移者誠深痛夫封疆之危不暇爲身名慮也邇者殘遼之款漸有緒矣夫款非善始之難而善終之

續彙編卷四十八

主

難也彼罕字羅執之入寇也臣以款收之虎敦菟等之等盟也臣以款餌之哈喇漢諸部之被擄於疆敵也臣以款挑而貳之朗策之欲寒盟不貢也臣以款責而徠之譬若養虎貳狙因所欲以調其性爾舍款不事無異更駕之馬銜絕轡弛尙可馳之驟之俾爲吾用乎臣去矣後之繼者儻不循臣塗轍臣恐蹙蹙則搜鳥窟則啄亦終於償款之策而已蓋其謀議如此然惟象乾善用諸酋佗人不及也插漢虎墩菟慙與順義王哈喇慎皆故元小王子後也獨插漢種最賁其大酋得稱慙中閒稍

屢爲兩部所侵至是虎墩菟襲敗兩部凡朵顏三十六家本附哈喇慎者皆潰插漢始益疆遣使入新平堡乞賞堡將誤殺之虎墩菟挾爲兵端趨犯大同殺掠人畜無算是歲天啟七年也愍帝甫卽位復卽家起故官命以督師行邊明年春促使入見是時象乾年八十三矣帝御平臺勞曰卿五朝元老忠猷素著其悉以方略告朕象乾頓首曰臣犬馬齒踰八十口語艱澁願繕疏以聞帝又固問款戰事宜及插漢始末象乾具以實對帝愀然曰箇或不受撫柰何象乾曰陛下幸付老臣勿慮也帝喜曰卿年雖老精力猶壯儻恢復有期皆卿力也象乾至宣府虎墩菟已引去卽招使入塞議賞會宣府地大震殲傷者衆象乾日夜弔孤收幣已乃按行諸營壁汰減老弱相地穿坎瘞火器植木簽以待未幾而邊備已大飭矣月餉不至士卒皆饑疲請先發餉銀四十萬兩又括三鎮廢銅鑄錢若干又核諸酋積歲額賞貯庫者若干佐之以濟軍需由是軍得宿飽矣虎酋既至象乾遣使與之往復酋初猶要挾不已久乃服曰惟那顏命卒用銀八萬兩有奇定議命鑽刀設盟且表進駁馬

續彙卷四十八

七

弓矢俱如例插漢遂不復叛款事竟復以疾乞休疏十餘上帝詔象乾曰卿老成謀國朕方倚爲腹心干城者也惟念衰年多疾姑聽卿去卿其加意珍攝以副眷懷賜白金四十兩蟒衣一襲三年卒於家年八十五贈太師象乾釋褐六十年居邊鎮坐二十年外夸信向士民安堵訖能以功名終其爲巡撫也值礦稅太監方橫數與之力爭故佗境怨讟載道而一鎮獨晏如其在兵部言福王不宐久畱京邸又言所撥莊田踰制羣小側目天啟中有造東林同志錄者山東遂首象乾云象乾羣從同時仕宦者不下五六人頗多知名

續彙卷四十八

本

醇謹所居官以廉辦稱晚節於羣從中最爲老壽
年九十三始葬子與胤字百斯崇禎元年進士選
庶吉士出爲監察御史疏薦同官王道純可大用
并劾總兵官鄧玘淫縱非法有旨降調外任遂弃
官歸十七年聞愍帝崩慟哭自經死妻子及長子
諸生士和皆從死士和賦絕命辭曰痛予生之不
辰今天滅我之立王鑒世道之澗濁兮何四維之
不張彼反面而事仇兮方臣妾之未皇欲容身其
無所兮願從吾親於帝鄉讀者哀之象晉從兄象
坤萬曆四十四年進士亦歷官至浙江山西布政

續彙卷四十八

左

使廉名尤著都御史溫純上言曰邇者習尚豪奢
風俗益敗其原皆自士大夫始乞顯陟一人以風
厲天下臣謂莫如王布政象坤其見推重如此
象恒字微貞父之猷官至浙江按察使象恒舉萬
曆二十三年進士授祥符知縣以艱去復補曲周
擢監察御史請告歸者八年始復起會遼左告警
中旨促經略楊鎬出師象恒力言非策引哥舒翰
喪師爲鑑聞者不以爲然及用故御史熊廷弼代
鎬舉朝咸謂得人象恒獨憂之歎曰夫夫性剛而
愎能無愆乎聞者又不以爲然其言皆驗進太

僕少卿天啟元年以右僉都御史巡撫應天其明
年聞廣寧陷因節省公費銀凡二萬兩助邊并選
將才兩人齎致榆關上疏曰遼之大壞也一壞於
論議之多一壞於人心之失故自山海以外之事
必視爲棚外之事不中制不旁撓而後可以奏功
山海以內之人必視爲同舟之人土親下下附上
而後可以固圉方今主憂臣辱臣故不得已而有
言也又明年卒官贈兵部右侍郎象恒公忠憂國
其枉吳也嘗疏劾吳江知縣曹欽程織造太監李
實又嘗疏城安慶又乞改折漕水丁糧乞免嘉定

續彙卷四十八

左

蕩亭諸縣額布三分之一東南人悉傳頌云弟象
春萬曆三十八年舉會試第二雅負才氣詭曰柰
何尚有人壓我遂與榜首韓敬不協官至吏部郎
中亦以考察罷象春及從兄象乾皆世所指目東
林黨友也
論曰當神宗之季運罹陽九東西交訐加以官批
於朝民咨於壘雖欲不和諸戎其可得乎是故象
乾所建未爲失策也然而明德衰矣天方授清
顧欲馮烏合之羣扞虎哮之旅亦少左矣棟橈榱
折其孰從支之

擬明史列傳卷十八終

康熙乙丑夏六月同里周公費校字

續彙卷四十八

三

鈍翁續彙卷四十九目錄

列傳卷十九

李逢時

金士衡

侯震賜

子啊曾

岐曾

周宗建

周順昌

朱祖文

五人附

續彙卷四十九目錄

二

鈍翁續彙卷四十九目錄終

擬明史列傳卷十九

別彙十九

李逢時傳

李逢時字化甫德州人嘉靖二十三年進士授行人二十九年擢監察御史是歲虜酋俺荅大入寇由通州薄京師游騎分掠畿甸居民扶傷奔集城門下九門方晝閉不得入號嘯聲徹大內又諸鎮援軍踉蹌至糗糧不具武庫甲仗不時給京師米價騰躍詔發太倉粟五萬石出糶有司評價不決逢時亟言宜啟九門縱民入勿徒示敵以弱宜速給諸軍軍資器械驅之出戰勿拘小挫論畢宜

續彙卷四十九

下

重減粟直以贍貧民勿激內亂帝竝嘉納焉是時城中官民洶懼上下莫知所出逢時凡所條畫咸中機宏舉城頗賴以安其明年巡按宣府大同兩鎮先是馬市議起悉內閣嚴嵩及咸寧侯仇鸞主其議兵部員外郎楊繼盛力爭不能得竟坐擧去廷臣相顧愕眙無復能繼繼盛言者俺荅益驕所部往來塞下剽奪無虛日詰之卽調語用互市爲解將士不敢逆拒邊備益弛逢時淡以爲憂乃微陳其害以動帝意大略言數日內俺荅凡三入寇似與通市情實相左宜敕邊臣備禦仍遣使宣

示天威令約束部落無生佗釁自每歲六九月通市外不許頻復干請儻能守約與市如故不則據實奏報一意戰守事下兵部部臣亦陳羈縻非策帝意果動有旨從逢時言逢時得旨卽驅出非時求市者并下諸通事於獄其明年春正月虜數犯關山雙溝諸砦逢時遂疏言歲初入犯俺荅約束安在今惟當大集士馬尅期討伐毋以隱忍顧忌釀致大患斯帝王恩威竝濟之道也又言失律總兵官徐仁等當逮死事指揮王恭當錄帝始大感悟從之不數月兩鎮馬市以次罷仇鸞亦遂死於

續彙卷四十九

下

是下諭曰敢復言通市者擧至斬讖者謂逢時前後諸疏情辭婉切善啟人主意有功於邊甚鉅由是聲譽大著久之巡按南畿疏言巨盜李之彊等焚劫縣鎮幾梗運道因發巡撫臣沈應龍總漕臣連鑑匿不以聞狀帝爲切責諸大吏戴臯平賊而慰勞逢時有加逢時既久次又數言事具有聲望於例當內遷而都御史趙文華其登第時房考官也名語曰益稍員通卽卿寺可立至逢時岸然曰去留惟公命品行則某所自主也文華銜怒出爲湖廣按察司副使歷廣東按察使山西左右布政

使致仕卒爲人剛正有守所交皆賢士大夫方俺
荅寇京師也嘗歷薦人才翰林則趙貞吉尹臺王
維禎科道則張秉壺葉鏗唐禹楊允繩呂光洵黃
如桂部司則江冕李棟劉自彊黃元恭張材張遜
業起復知縣則馬如驥以爲皆繁嫻方略可備任
使其言雖寢不行然此諸臣者後多以功名致大
官顯聞於朝而貞吉入內閣士論尤推其賢故咸
許逢時知人

金士衡傳

金士衡字秉中長洲人父應徵嘉靖末進士由奉

續彙卷四十九

主

新知縣歷官嶺北道副使雲南左參政以廉能知
名奉新故無城應徵出俸金築之及官嶺北念奉
新城庫再檄南豐羨金命之增築其後土寇起奉
新人率賴以完士衡其長子也舉萬曆二十年進
士授永豐知縣應徵故廉吏居恒不營生產及士
衡爲縣有父風吉水鄒元標候之舟次見其臥具
敝絮因餽以二布大歎服而去由是兩人遂相友
善二十七年用卓異徵閏三年擢南京工科給事
中是時中使四出以采礦監稅爲名所在恣暴民
不堪命士衡上疏曰曩者采於山樵於市今則不

山而采不市而樵矣此暫刑餘小醜市井無藉不
知宗社遠謀一旦假以利權貪饕無狀如楊榮倡
毀於麗江高淮肆毒於遼左孫朝造患於石嶺此
其尤著者也陛下漢居內廷目不視閭閻饑寒之
色耳不聞士女齋咨之聲腹削殆盡而猶眈眈逐
逐不知顧恤夫今天下亦多事矣水旱之虞盜賊
兵燹之警在在皆有之蕭礪豐沛之閒河流泛溢破
城決隄平陸匯爲巨浸居民化爲魚鼈顛沛流離
之衆易與生亂忍復橫征巧取以蹙之哉是故一
權采也及今議罷猶可以安易危以泰傾否其權
在上不在下設或因循不止獸窮則攫鳥窮則啄
其權在下不在上權不在上而國家之禍有不可
言者矣陛下停止之論不啻再四柰何明詔之而
明格之重天下疑也夫始而疑中而駭終而相顧
太息以爲給已太甚得毋羣起而以不肖之心應
陛下與語云信者國之寶需者事之賊惟陛下果
斷而力行之則宗社幸甚不聽於是我太祖武
皇帝方起建州密謀將取遼陽舉朝莫以爲虞士
衡獨憂之上疏曰滇南之有鳳騰霄粵東之有交
彝此藩籬之患癰疥之疾也遼左之有大敵此門

續彙卷四十九

四

庭之患心腹之疾也。晉人謂女直兵滿萬難與輕敵。況乎生聚訓練以十萬計哉。又曰神京資薊遼爲臂肘。薊鎮又仗遼左爲倚角。遼危則薊鎮不得獨安。薊鎮危則京師不得晏然而高枕。此忠臣義士所以拳裳投袂不能自己者也。旣而甘肅地震。復上疏曰。臣聞天反時爲災。地反物爲妖。前此湖廣以風雷冰雹告順天以陰霾晝晦告豐潤以地陷告四川以星變告遼東以天鼓告山東山西以牛妖人妖告。今甘肅又以天鳴地裂山崩川竭告矣。陛下謂此治徵乎亂徵乎。若明知其亂而泄泄從事。是以天下戲也。夫天下者祖宗櫛風沐雨百戰而得之天下也。傳至陛下。何以肩越若此。邇者邊軍告匱。望闕門而號泣者不可億數。而大內所積朽腐充庠自若也。陛下何不出帑金數十萬分給九邊。俾荷戈枕戟之夫。藉有宿飽。卽驅之效死疆圉。何不可之有。自稅使之出也。有年於此矣。小民藜藿不飽。裋褐不充。蕭條困苦。棄墳墓捐溝壑。言之痛心。酸鼻而縱橫拮据者。日夕不止。譬有疋羸坐絕之夫。責以肩重荷而行千里。其能乎哉。夫古之鹿臺西園瓊林大盈。非不富且厚也。然而無

續彙卷四十九

五

濟緩急。此覆轍之遺轍已事之明鑑也。陛下若復遷延其間。則兵已困矣。民已殫矣。外則敵人乘虛而深入。內則山海之藪聚草澤之闕伺一夫狂嘯羣起。嚮應當此之時。上下離心。其誰爲陛下捍禦者。土崩瓦解。莫可收拾。轉盼旋踵。大事且去。然後陛下悔之亦無及矣。又不聽士衡在南京諸科臣缺員不補。每隸掌六科事。章奏數十中。間危言極論。約略相類。聞者爲之橋舌不敢下。而士衡率不顧也。逮神宗旣奔羣臣不十餘歲。而天下大亂。浸淫以訖於今。始不出士衡所揣云三十八年。擢通政司參議。旣與鄒元標友善。又數稱巡撫李三才可大用。朝中目爲東林黨魁。竟中忌者以考察降浙江鹽運司同知。不赴。閱十年。用元標薦復起兵部郎中。進尚寶卿。至太僕少卿。天啟初。引疾請告。歸卒於家。士衡再世仕宦。生產不踰中人所居屋。僅完亦絕不蓄意。先是楊應龍伏誅。士衡安疆臣邀據故所侵地。總督王象乾不許。士衡嘗勸象乾起釁。最後象乾弟象恒以巡撫抵吳。意弗謂善也。已廉知士衡清介。狀始稱說不置。吳中自是遂兩賢之。南京有妖人劉天秩之獄。兵部用匿名書株

續彙卷四十九

六

逮甚衆士衡又嘗上疏固爭凡無辜得免者數百人其居官平恕且侃侃不阿蓋如此

侯震陽傳

侯震陽字得一嘉定人祖堯封以進士歷監察御史忤閹臣張居正外移累至福建右參政有廉直聲震陽舉萬曆三十八年進士授行人天啟初擢吏科給事中是時保姆奉聖夫人客氏方擅寵與魏忠賢及閹臣沈淮相表裏執欲張甚既遣出宮而熹宗思念流涕至日盱不御食遂宣諭復入震陽疏爭謂禮有慈母君命所使教子也魯昭公慈

續彙卷四十九

七

母死欲爲之練冠有司執論乃止夫古之慈母職兼教養猶恩以義絕何況今之么麼里婦其可數昵至尊哉女德無極高明不祥陛下卽爲客氏富貴計亦當蚤加裁抑曲示保全不立格外隆恩以寵而益之毒且陛下始而褻回眷注稍遲其出可也出而再入不可時出時入尤不可宮闈禁地姦璫羣小率睥睨其側內外鈎連則俗叢煬竈有不忍言者晉王聖寵而煽江京李閏之姦趙嬈寵而構暫節王甫之變禍貽宗社良可寒心此陛下之殷鑑也疏上讓震陽沽名卒不省會遼事方棘經

續彙卷四十九

八

略熊廷弼巡撫王化貞兩人者不協數持論相抵牾兵部尙書張霍鳴頗右化貞議者遂欲移廷弼與化貞畫地任事震陽逆知其必敗疏謂事執至此陛下宜遣問經臣果能加意訓練則進止遲速不從中制雖微撫臣一以付之無不可者有如此然則督其明白回奏以聽處分收拾殘局專任化貞此一說也不則移廷弼於密雲而出本兵爲經略霍鳴威望素著忼慨自命與其事敗同辜不若挺身報國此又一說也本兵如不可出則遂以經略授化貞另擇沈澁有謀者代爲巡撫以資後勁此又一說也不則直移廷弼於登萊以終其三方布置之策與化貞水陸相犄角此又一說也若復遷延猶豫決債國事於是方有旨集議而廣寧陷矣化貞廷弼相率遜入關門猶數奉溫旨責以戴皐立功震陽大憤懣再疏謂臣言不卒驗矣爲今日計論法不論情河西未壞以前舉朝所惜者什七在化貞今不能爲化貞惜也河西既壞以後舉朝所寬者什九在廷弼今亦不能爲廷弼寬也策撫臣者謂宜責令仍赴廣寧聯屬西部然而廣寧已竭其能赤手效包胥乎策經臣者謂宜仍責守

關然而所謂守者將如廷弼前議三十萬兵數百萬餉以收全局乎抑止據撫殘卒出之關外以姑示不殺乎凡此無一宐者廟堂之上欲行法則牽於情欲徇情則制於法及今不蚤定逃臣之律錢疆其奚賴焉其後治失事者臯益略如震陽疏云已遂糾閣臣沈淮結納奉聖夫人及諸中官爲朋比且發其搆殺故監王安狀帝大怒命調外任繼又鐫二級以歸震陽任吏科才八閱月章奏數十上其大者率係國家安危治亂辭最切直爲小人所湮憚竟用是得臯去然訖莫能害也及震陽歸

續彙卷四十九

九

未幾而黨禍遂大作矣越五年卒於家其明年爲崇禎元年子峒曾以主事奏曰先臣震陽用狂直得臯先朝奉遇陛下復官而先臣已不及待先臣觸忤權奸持忠入地儻得比死事諸臣其沐霈恩歿且不朽特贈太常少卿凡三子峒曾與岐曾最知名

峒曾字豫瞻天啟五年進士授南京兵部主事外艱服闋改南吏部歷官郎中出爲江西提學參議會黜宗生兩人忤益王旨及峒曾將謁見長史戒宜引咎拒不荅既入見王問誤黜兩宗生亦譴責

胥吏乎峒曾毅然曰胥吏何辜此暫奉參議參議所奉朝廷令中也胥吏何辜王愕且怒然以其言直不能有加而罷峒曾守正多類此累遷嘉湖道左參政以卓異被舉召爲順天府丞是時所舉僅五人與峒曾同舉者穀城方岳貢江陰張有譽皆旋至大用而峒曾舜疾不至福王南渡名爲左通政又以疾固辭王師下蘇州偕進士黃淳耀率吏民城守城既陷趨投池水中未死兵鉤出之遂遇害子演字幾道演弟潔字雲俱皆從死嘉定殉國最烈者吳人訖今推族氏黃氏耆老述之至泣

續彙卷四十九

十

下

岐曾字雍瞻國子監生少以文行與峒曾齊名峒曾既歿越二年軍府名購故給事中陳子龍子龍雅善岐曾嘗過宿其家旬日去岐曾遂坐累不屈歿有寶山參將者義之嗔爲好男子云

周宗建傳

周宗建字季侯吳江人萬曆四十一年進士授武康知縣改調仁和以卓異擢監察御史天啟改元夏四月京師大雨雹於是魏忠賢用事宗建疏謂四月正陽之月京房易傳當燠而雹害正不誅茲

謂養賊近見朝廷處分章奏殆於害正之漸遂糾忠賢目不識丁衷懷叵測爲禍國家大可寒心疏入會天子方御講筵講甫竟忠賢悲甚摘疏中語指示諸閣臣問此何等語也葉向高從容曰言官也何可深究忠賢色稍解始得免及奉聖夫人之再入宮也給事中侯震賜力諫不聽宗建復疏爭語尤危切有詔奪俸三月忠賢故與客氏比益憾宗建不釋陰與私人戶科給事中郭章謀逐宗建章引其黨僭內察欲盡逐東林諸臣乃竄宗建姓名其中宗建聞而歎曰網羅成禍不遠矣吾固不

續彙卷四十九

主

惜死遂上疏并糾章大略謂數月以來熊德陽江秉謙席矣侯震賜及王紀滿朝薦又席矣鄒元標馮從吾及文震孟又席矣今且欲尼孫慎行盛以弘而逐之摘瓜抱蔓正人重足舉朝各愛一死無敢爲陛下言者故章橫行愈甚奸謀愈濫內既有忠賢爲之指搗有客氏爲之操縱有劉朝等爲之爪牙而外復有章等蛾附蠅集內外交通驅除善類天下事尙忍道哉因請誅忠賢輩甚力忠賢恚且懼乃率劉朝等環泣帝前且乞自髡欲以激帝怒帝果責宗建回奏宗建申請不爲屈擬予廷杖

復以向高救詔改奪俸一年至是凡再奪俸矣客謂宗建益少休乎宗建奮曰季不死杖下此上恩也上實生我其敢不以死報於是忠賢將遣劉朝分率內操諸中官巡視榆林各邊以犒軍爲名議既定尅期降詔宗建亟陳內官典兵有三不可九害狀且曰漢中常侍之竊政也遂致黃巾之禍唐北司之擅權也遂駢藩鎮之禍宋童貫之頻年用兵也遂釀五國城之禍本朝王振劉瑾亦然皆已事明鑒不可不深慮而豫防也疏入不報然其事竟寢已宗建巡按湖廣丁外艱歸是時忠賢益恣

續彙卷四十九

主

橫無所忌其黨亦日熾都御史楊漣左光斗輩交章訟言於朝凡所稱援必及宗建前疏忠賢由是益追憾宗建工部主事程詎劾臧臬旣得旨削籍等復與周起元等俱被逮下詔獄前後坐臧銀萬三千餘兩榜掠無虛日宗建偃臥不能出聲鎮撫官許顯純誦曰若尙能說魏公不識下字否一笞出片紙付獄吏宗建遂死獄中是歲六年六月也其明年愍帝卽位以廷臣言命贈太僕寺卿予特祠詔歸所追臧五百兩其又二年大清兵薄京師徇地至遷安始宗建所糾郭章輩與縣人

也方以忠賢黨被席怨望上北帥書求內附及
大清兵退語頗聞愍帝大怒逮至論死

周順昌傳

周順昌字景文吳縣人萬曆四十一年進士授福
州府推官稅監高宗殊橫順昌廉其役有犯者輒
捕置於法由是與宗及監司媚宗者忤不恤也擢
吏部主事進文選司員外郎署選事俱以廉直知
名未幾引疾歸嘉善魏大中中被逮過蘇順昌往餞
之與同起臥者累日且許以愛女配大中孫官旗
屢促行語侵順昌順昌張目叱曰若不知世間有
不畏死男子邪若歸語魏忠賢我故吏部郎周某
也因嘩忠賢名罵不絕口在旁者愕眙率相顧咋
舌避去其語頗聞忠賢於是御史倪文煥劾順昌
不當與舉人連因且誣其署選時減舉有旨削籍
矣順昌猶刺刺向人罵忠賢不止也既而前巡撫
周起元之獄起天啟六年三月順昌與周宗建等
次第俱被逮順昌故廉吏忼慨敢言事既家居數
為有司爭論閭閻疾苦及佗冤抑狀以是吳人德
順昌甚官旗逮順昌者至民間藉藉謗語魏大監
矯旨殺周吏部皆大詬恨方宣詔次諸生力言於

續彙考四十九

忠

續彙考四十九

忠

巡撫毛一鷺請抗疏雪順昌是時吳人環集為順
昌乞畱者數萬官旗或怒叱之眾大鬪爭毆擊官
旗有死者一鷺僅得免已遂拘順昌官解中眾猶
數千人守順昌涕泣尼其行客謂事迫矣益蚤
引決順昌謝曰某小官也敢援大臣不辱例乎此
行必死死見高皇帝當請殛元凶以報天子竟以
中夜棄關出偕官旗赴京師遂下詔獄忠賢銜順
昌次骨至減銀三千兩至榜掠無完膚顧每被考
順昌必極罵忠賢如故鎮撫官許顯純命椎擊其
齒齒盡落顯純自起問曰能復罵否順昌啖血漣
顯純面罵益厲與宗建相繼益死獄中喪至吳吳
人趨逆皆哭失聲是日吳中大風拔木凡三晝夜
乃止愍帝卽位順昌子茂蘭刺指血上書訟於朝
贈太常寺卿諡忠介予特祠於是給事中瞿式耜
亦特疏稱順昌及楊漣左光斗三臣者其立行最
高得禍亦最慘故天子卹順昌倍渥云同縣諸生
朱祖文雅敬印順昌順昌獄急祖文匿京師為納
餽粥湯藥甚謹及謀輸賊無所出又為奔走假資
諸公間然順昌竟死祖文亦遂憤鬱發病死方吳
人之毆官旗也一鷺飛章告變且捕械首亂者顏

佩韋等十餘人以聞有言黜諸生數人而斬戍亂
民有差佩韋等瀕刑皆大呼爲周吏部死可勿憾
佩韋尤陽陽不色變語知府寇慎曰公好官當知
我死義非喜亂也忠賢敗吳人合瘞其棺虎丘東
號五人墓五人爲佩韋及楊念如周文元馬傑沈
揚墓卽一鷺所疏建忠賢管惠祠故址也好事者
每歲時往酌酒焉

論曰聞諸太剛必折其順昌罵奄之謂矣顧相傳
被禍之日至於傾城耄倪炷香流涕以送匪賢而
能致然乎若顏佩韋之屬則又皆何儋鼓刀者耳
猶且捐軀截脰不憚殉順昌於死任俠尚義如是
孰云吳俗澆靡哉

續彙卷四十九

五

擬明史列傳卷十九終

康熙乙丑夏六月同里尚公贊校字

鈍翁續彙卷五十目錄

列傳卷二十

喬可聘

衛景瑗 族子胤文

續彙卷五十目錄

一

鈍翁續彙卷五十目錄終

擬明史列傳卷二十

別彙二十

喬可聘傳

喬可聘字君微寶應人天啟二年進士授中書舍人是時魏忠賢執方張卽請告終養崇禎改元補前官可聘性儉約居官謝絕干謁舉止略如諸生同朝唯嚴事黃道周劉宗周而親善倪元璐馬世奇陳龍正皆世所謂東林黨人也中書事少日夜相切劘問學講求性命之指尤汲汲以政治得失人才邪正爲慮吏部左侍郎張捷嘗力薦呂純如爲本部尚書帝以純如在逆案中有言不許給事

續彙卷五十

一

中呂黃鐘遂薦捷爲之可聘乃上疏曰臣謹按逆案者陛下所欽定亂臣賊子無父無君之案百世不可改易者也顧臣聞道路之言羣小方輿金載寶謀欲攘臂搃擊蔡閒以翻此案今觀捷舉純如黃鐘卽舉捷彼倡此和相倚爲奸則前言果大驗矣陽消陰長其害安窮此臣之所大懼也竊謂羣小猶黨逆於淵澗之世而黃鐘獨黨逆於清明之朝捷舉浮於逆案諸人黃鐘舉又浮於捷若不蚤折其萌則凡在案中者必彈冠相賀眈眈逐逐而來大禍自此始矣疏上可聘聲望大著黃鐘訖外

轉閣臣溫體仁頗畏忌可聘遣所親微諷之曰喬君但到門投一刺臺省可立得也可聘笑曰某區區七品官耳安敢登宰相之堂哉竟不往凡滯留中書十年始考校監察御史因陳官守言責疏帝嘉勞焉每覽疏中言紫處輒御筆以硃圈之先後共六十四圈宣付史館蓋前此未有也巡按浙江浙中士大夫下詭吏民俱搖手相戒勿犯喬御史其見憚如此可聘爲人恭謹外剛而內和不尙刻礪詭激之行以鉤取聲譽雖與東林諸人還往及其臨事是非可否率皆直道而行不肖雷同附麗

續彙卷五十

二

嘗出巡金華舟阻水漲求繹夫不得蘭谿知縣盛王贊持手版立雨中大聲曰邨民方事東作縣令請以身代役可聘立棄肩輿冒雨去人疑王贊必得舉而可聘卒慤薦之在籍右侍郎蔡奕琛故與溫體仁同里相厚善爲東林諸人所惡會有以奕琛私書上聞者下可聘勘報可聘平心決之或勸淡文以入奕琛舉可聘拒曰發人私書前賢所恥且某奉三尺法不可故縱獨可周內邪於是東林黨魁亦有不說者矣都御史陳乾陽又以私人屬可聘可聘不聽乾陽亦陰銜之遂坐佗事降應天

府知事累遷大理寺正悉謝病不就福王南渡仍
起御史掌河南道印數言宏罷廠衛停燕飲君臣
交微蚤決大計以圖中興之治皆不省外轉御史
黃耳鼎承馬士英阮大鍼風指疏計都御史劉宗
周所牽連朝士甚衆得旨嚴詰可聘言宗周開誠
布公此社稷臣也耳鼎厭薄外轉連章誣固株引
善類非人臣體請以耳鼎所轉瑞南道換臣爲之
事得中止最後上疏論治兵其略曰用兵有權權
在我欲戰則戰欲守則守欲和則和如注矢石於
高墉之上皆我所得而操縱也權不在我譬千鈞

續彙卷五十

主

之牛受制三尺之童弭首而下之行止不能自持
矣國家殷憂方甚亦有知今日用兵之權者乎請
先言戰唐安史之亂徵兵回紇是時肅宗親統六
師與李郭收復中原特脩之以爲犄角之助事已
兵休鷗以金帛而已本朝自罹寇變徒率敵寇爭
衡遂致燕雲山左坐視淪沒此時始欲厲兵秣馬
侈言恢復豈可得乎此戰局之異於唐欲戰不得
戰也請次言和宋北狩之後偏安江左是時高宗
勵精圖治諸大將屢奏戰功南人氣勝金源膺落
是以王倫輩得成和議耳基業甫就我兵積寇從

未斬將率旗營服四遠顧顧恃尺一之詔一介之
使俾彼疆鄰就我戎索此和局之異於宋欲和不
得和也然則天下大計可知已魯縻陳百萬敗於
赤壁符堅投鞭斷流敗於淝水孰非不彊兵非不
衆然而長江大河波濤洶湧雖衆且彊其所用之
是故於守爲易因上防河事宏且曰當此危急之
秋晏然自謂無事議和不成必將大舉及今綢繆
猶患其晚乃徒徂徠偏安苟且旦夕卽不能光復大
業獨不念祖宗締造之艱乎疏上亦不報王師
下江南可聘弃官歸以老壽終於家嘗自言始讀

續彙卷五十

四

王文成公全書奉教於劉念臺先生知有知行合
一之學已又與幾亭陳子游知有居敬窮理之學
晚節讀宋諸儒語錄知有四通八達理一分殊之
學其後益潛心朱子始知有存養性情主一無適
之學所著自警篇及訓子諸書文多不載念臺者
宗周幾亭者龍正白號也先是溫體仁故忌可聘
然數語人曰喬使君清正君子未可沒也黃耳鼎
既被劾卽造可聘門謝舉終其身不敢怨可聘之
正已格物多類此至其歸老也宗周輩皆已前歿
惟可聘耄年獨存江南北咸瞻仰之

衛景瑗傳

衛景瑗字仲玉韓城人舉天啟二年會試閱三年始成進士授河南推官以廉明爲巡撫都御史范景文巡按御史吳甡所器重用卓異徵遂擢監察御史嘗疏劾閣臣周延儒呈狀直聲大震出巡按畿南以外艱不候代奔歸詔奪俸三月服闋補故官兵部尚書楊嗣昌議加剿賊兵餉景瑗抗疏席之大略謂天下安危視百姓利病邇者兵燹芻牛旱蝗洊臻百姓病已棘矣奈何復加徵以促之邪訖不能用會給事中傅朝佑李如燦亦以劾閣臣

續彙卷五十

五

溫體仁得學下詔獄於是名對平臺景瑗在帝前力請釋兩臣以作敢言之氣帝方寵信體仁聞景瑗對大怒禍且叵測而景瑗侃侃弗顧也遂降行人司正屢遷至大理少卿以右僉都御史巡撫大同崇禎十七年賊李自成東犯太原督臣王繼謨望風遯景瑗議調兵趨控鴈門總兵官姜瓖觀望不宥行及賊攻寧武關守關者周遇吉數遣使告急又促瓖出兵瓖益執不可且曰此非吾境也景瑗不得已謀率麾下士赴援未行而寧武陷遇吉力戰歿賊遂長驅抵大同瓖開城門出降景瑗猶

續彙卷五十

六

督麾下巷戰賊衆大至士皆散走衆擁景瑗入自成營或叱之跪景瑗不爲動踞坐於地大噉皇帝而哭自成好謂曰吾清澗一民耳非有天命不至此君能輔佐我我當益加君官景瑗瞋目曰吾仗節旄期滅汝嚮朝食官從女作倍逆事邪自成見景瑗言切急命掖之出顧見瓖戰手罵曰賊奴萬段女與我朝盟而夕叛我死不女宥賊衆皆力阻之益奮罵不已越三日再擁見自成自成又好謂曰君忠臣也吾將具車騎放君還家矣景瑗曰國破何家可歸益速殺我因出不意以頭搶階石血淋漓被面絕而復蘇自成又命掖之出復三日驅景瑗行至海會寺景瑗北向再拜曰臣失封疆殞不足贖竟棄間自經殞有繼母及兩子從行賊亦不之殺也未幾弘光主卽位追贈兵部尚書諡忠毅蔭一子錦衣百戶

胤文字祥趾景瑗族子也崇禎四年進士由庶吉士歷編修累至左諭德十四年李自成破西安胤文慟哭言西土之危將延社稷次第上五疏備陳禦寇方略且捐家所有請以佐軍需有詔褒勞及京師既陷雍髮匿民間賊推求得之考訊備至已

而棄閒南奔督師史可法疏薦命以故官兼兵科給事中監興平伯高傑軍西討傑死又命以兵部右侍郎總督傑所部兵經略開歸軍務繼又命兼徐楊巡撫於是 大清兵南下督臣王永吉上疏曰敵兵距泗僅二百里萬一泗河不守則闕入盱眙東南一路從都官堂可達淮安正南一路從連塘可達揚州西南一路從天長可達六合至浦口如此則事執不支矣宜敕胤文及提督劉澤清以全力控搃徐泗庶係江南門戶不聽已而傑遺兵皆潰 大清兵遂破揚州胤文赴水死

續彙卷五十一

七

擬明史列傳卷二十終

康熙乙丑秋七月同里周公贊校字

鈍翁續彙卷五十一目錄

列傳二十一 偏林

張以寧 石光霽附

胡翰

趙汧 徐尊生附

徐一夔

歸有光 族子子顧

來知德

朱睦㮮

黃淳耀 弟淵耀附

續彙卷五十一目錄

一

鈍翁續彙卷五十一目錄終

擬明史列傳卷二十一 儒林全 別豪二十一

張以寧傳

張以寧字志道其先固始人唐末從王審知入閩遂家古田父一清仕元至福建江西行省參知政事以寧年八歲或訟其伯父於縣逮繫獄因詣縣伸理尹異而詰之以寧自言能爲詩命賦琴堂詩立就伯父由是得釋以寧亦遂用童子知名以春秋舉元泰定中進士由黃巖判官進六合尹內艱免官滯留江淮者十年順帝徵爲國子助教累至翰林侍讀學士知制誥當元之季在朝諸遺老如虞集歐陽玄揭傒斯黃潛之屬多相繼物故而以寧有俊才博學強記擅名於時時人皆歸重嗛小張學士王師取元都與危素等偕赴南京奏對稱旨復授侍讀學士特被寵遇其年秋奉命使安南封其主日燿爲國王御製詩一章遣之甫抵境而日燿率國人乞以印詔授其世子以寧不聽畱居洱江上諭世子告哀於朝且請襲爵之命俟後使者林唐臣至然後入境將事事竣教世子服三年喪令其國人效中國行頓首稽首禮安南大說天子聞而嘉之賜以寧璽書比諸陸賈馬援再賜御

製詩八章及還道卒遣官歸其匱敕有司所在致祭仍給三歲祿以贍其家以寧爲人潔清家居不營財產其奉使往還也自襆被外無佗齎裝本以春秋致高第故所學尤專春秋嘗爲說曰春秋者聖人之心也生殺萬物天地之心無心也至仁焉耳矣賞罰萬世聖人之心無心也至公焉耳矣聖人與天地之心一也惟聖人能知之能言之游夏且不能與而謂後之人若左氏若公穀氏能盡知且言之乎世之學焉者顧欲任傳以疑經其亦惑矣以寧言春秋多所自得數與後輩講說不少倦所誤胡傳辨疑最號辨博惟春王正月考猶未就及寓安南者逾半歲時時命筆不輟既卒業甫閱月而病已革矣先時以元故官來南京者推危素及以寧名尤重素長於史以寧長於經素宋元史稟俱失傳而以寧春秋學遂行家古田翠屏山下學者稱翠屏先生門人石光霽字仲濂泰州人讀書五行俱下洪武十三年以明經舉授國子學正十七年進博士作春秋鉤玄稱能傳以寧之學

胡翰傳

胡翰字仲申一字仲子金華人父英仕元爲太平

路總管府照磨泣政有績翰年甫七歲嘗拾遺金於道守不去坐俟遺者還之歸以告母母大喜曰此兒必以志節顯長從吳萊游又登許謙之門爲學日進時侍講黃潛待制柳貫方以文章高天下見翰文皆大驚頌說不去口往游大都多長者文有勸以仕者輒謝不應還過廣川作文弔董仲舒慕其辭云出國門以南邁今涉衡漳而濟舟波流渾其若河兮道既阻而且修臨廣川之故虛兮曰夫子之首丘望原隰以懷思兮悵欲去而夸猶嗟王風之不競兮人各驚其私知道術裂而民散兮

續集卷五十一

世已久而莫制燕趙固多奇士今僅有取其忼慨非天降夫大雅兮繁孰爲之表厲聖堊法於春秋今志雖微而可卽士明經以致用兮義非后而不食徵天人以爲言兮明災異之枉辟欲引致於當道今情眷眷以排側嘉堯舜而樂三代兮得一士而不能用苟不用其亦已兮國無人而曷重黜質直而見憚兮弘飾詐而取寵用舍倒而莫察兮邪正溷而彌冗驛不中夫犧牲兮執鸞刀而薦犂登襲味以實瓚兮瀝黃流而注茲競利方以爲圖兮擺渠燧而去之徒操末以齊本兮引繩墨而止之

下皇皇其靡所騁兮上訖訖以爲得孰好賢如緇衣兮疇惡惡如巷伯古固難於知人兮詎多欲而不惑庸埃時之見察兮庶師言之允一謂伊尹無以加兮雖管晏弗之企撲淵原其尙眇兮又豈游夏之儔類何一低而一印兮槩未量乎夫子之志曰正諛而明道兮不計功而謀利激內顧而如斯今揆王佐亦奚異俾詭遇以獲禽兮諒非吾心之所冀其寓意如此遂東歸隱居南華山幾二十年洪武初翰爲東南老儒於是大臣文薦其文行方入見適籍金華民爲兵翰從容言曰金華多章句士不習軍旅籍爲兵徒靡廩粟耳詔特罷之時翰年已六十餘帝憫其老不欲煩以事授衢州學教授尋召修元史分撰英宗睿宗本紀及丞相拜住道童諸傳旣成賜金帛以老得放還隱居長山之陽復移北山卒年七十五翰性嚴毅寡合晚節乞文者踵門不苟許也與宋濂王禕爲同門友其文名相上下或謂翰造詣淵源蹕厲風發始過濂禕云所著衡運正紀皇初并牧諸作學者莫不傳誦稱爲長山先生

趙汭傳

趙訪字子常休寧人少不好舉子業師事九江黃澤先生受其經學稱高第弟子繼又謁學士虞集於臨川畱一年所集大歎異之元季方亂佐元帥汪同起兵保鄉井授江南行樞密院都事王師至徽州與同皆內附始訪嘗築東山精舍期以讀書奉母至是益無進取意隱居星谿之古岡山杜門著述尤潛心於諸經嘗答嚴陵徐尊生書論周禮五帝曰鄭康成三禘五帝六天緯書之說豈特足下疑之自王肅以來莫不疑之而近代諸儒其攻擊亦不遺餘力矣竊嘗究觀諸儒論議於經旨似

續彙卷五十一

五

猶有未盡於禮意似猶有未類此吾黃先生所以不能已於言也雖然去古遠矣豈易言哉今足下乃能反求經傳具示所疑牽甚甚揚子雲曰衆言淆亂折諸聖不反求諸經將安所取衷乎謹按周禮述舊聞以荅來覲經曰祀天曰祀天神曰祀昊天上帝曰旅上帝曰大旅上帝曰享上帝曰類上帝曰祀五帝曰禮祀五帝皆因官屬職掌器物司存言之然其間尊卑遠近親疏隆殺異同分合有序有倫聖經簡奧無費辭非後世文字比也蓋典瑞言祀天旅上帝祀地旅四望旅四望別言既

非祀地則旅上帝別言非祀天明矣大宗伯國有大故則旅上帝及四望亦以上帝對四望言而小宗伯兆五帝於四郊四望四類亦如之始以五帝對四望言五帝卽上帝明矣旅者會而祭之名上帝非一帝猶四望非一方也大宗伯祀天地四方皆有牲幣各放其器之色而詩曰來方禋祀以其騂牡四方之神卽五帝也故曰禋祀而得與天地通稱六器日月星辰四望不與焉大宗伯以禋祀實柴槩燎祀神之在天者以血祭蠶沈醢辜祭神之在地者禋者升煙以祭之名三祀皆積柴實

續彙卷五十一

本

牲體玉帛燎而升煙以報陽也自非天神之尊者不得言禋祀又明矣大司樂祀四望祭山川各有樂而五帝樂無文以其皆天神同六變之樂也又豈但與昊天上帝同禮祀同祭服而已哉雖然五帝之非人帝可無疑矣其總言上帝與專言祀天者豈無別乎其祭曰旅曰享曰類曰類造其事曰天子將出曰帥甸曰國有大故以及曰祈穀與大司樂冬至祀天神於圜丘夏至祭地祇於方澤孔子謂之大郊者其於尊卑遠近親疏隆殺之節亦辨而詳矣若來書所謂天與帝爲一惟兼言

分言有異則經中神號祭名祀物徒異同而已先
王制爲一代大典豈爲是辭費以來後世之紛紛
乎大宗伯禮四方主作六玉言小宗伯兆五帝主
建神位言足下謂大小各從其類決五帝爲人帝
非經旨也夫五行之神爲五帝而大皞之屬配焉
亦云帝此孔子問諸老聃而告季康子者也公羊
子曰自內出者無主不行自外至者無主不止此
郊之所以尙配也今將迎氣於郊而廢其所配者
主其配者大皞以降雖有功德亦人鬼也人鬼豈
司天時而布五氣者乎陳祥道楊復齋之言曰天
有五行四時則有五帝帝者氣之主也果以五人
帝爲主帝則人帝之前其無司四時者邪朱子又
謂凡說上帝者總昊天上帝與五帝言之意與陳
氏同諸公雖不主康成至此亦不能異也足下豈
弗考乎王制祭天地之牛角繭桌宗廟之牛角握
此天神人鬼之別也國語曰郊禘之牛角繭桌謂
郊爲禘而牲無異文此所謂禘非人鬼之祭矣又
曰凡禘郊祖宗報五者國之祀典也加之以社稷
山川三辰五行而別不言祭天地則韋昭注禘爲
園丘不誣也祭法以禘郊祖宗對舉言之與國語

同則四者皆大祭而事體相似可知其四代配食
之帝一以先後爲次則四大祭者輕重必有幾矣
王氏謂禘者宗廟之殷祭而郊爲園丘祀天以其
序言則先廟而後郊廟言人鬼而郊不及天神以
其實言是重祖以配天而輕所自出之帝惟廟享
也又謂祖宗乃二廟不遷之名是禘郊以祭言祖
宗以廟言也太祖之不遷又非世室比顓頊之於
夏契之於商其廟視周文武世室亦可同倫乎二
世室一曰祖一曰宗可乎此毋論禮意如何古人
制言有序名物以類必不如是之外駁弗倫也緯
書焚於隋河圖洛書至宋始大顯使無陳邵二賢
闡而明之亦妖妄之類耳學者初不見全書往往
望風詆排此黃先生教人所以資乎致思也足下
如有意於此則聖經賢傳與諸儒成書具在惟足
下勉之尊生得書服其詳贍自遜爲不及也洪武
初有司屢徵辟及以議禮名皆辭疾不就已又召
修元史史成不願仕得旨遣還未幾卒訪既師事
黃氏始授六經疑義千餘則繼又授六十四卦義
與學春秋之要故訪所學原委六經莫不淹洽貫
穿而於易象春秋尤有師法嘗曰二經皆夫子手

筆聖人精神心術所存必盡得不傳之旨然後其教乃備每告學者求經以積思爲本根以自悟爲歸宿所撰易序卦圖說乾坤屯三卦解春秋集傳屬辭師說諸書本經會傳發明甚具學者皆宗之稱爲東山先生謂漢以後經師家類多離析章句牽制文義獨沆超然見其大者爲明世儒宗冠云尊生字大年亦以文學知名與修元史及禮樂書尊生繫有去志方修書時每敝衣破履爲顓頊容乃聽之去以壽終

徐一夔傳

續集卷五十一

九

徐一夔字大章天台人工屬文知名浙東西與義烏王禕相友善洪武三年詔修元十三朝史成將復修順帝史是時禕方爲總裁官以一夔薦一夔故有足疾致書於禕曰邇者縣吏踵門傳致浙省官僚之命言朝廷以續修元史見徵且云執事謂僕善敘事薦之當路夫爲總裁薦人纂修此固其職向者執事道錢唐時不疑僕不材已欲引置史局僕固當敷陳情實矣不意執事猶惓惓於不材且病之人也竊惟近世論史者以爲莫切於日曆日曆者史之根柢也自唐長壽中史官姚璿奏請

撰時政記元和中韋執誼又奏撰日曆日曆以事繫日以日繫月以月繫時以時繫年猶有春秋遺意至於起居注之設亦專以甲子起例蓋記事之法無踰此也往宋極重史事日曆之修必諸司關白如詔誥政令則三省必書兵機邊務則樞庭必報百官之拜罷刑賞之與奪臺諫之論列給舍之繳駁經筵之論荅臣僚之轉對侍從之直前故事中外之叢封匭奏下至錢穀甲兵獄訟造作凡有關於政體者莫不隨日以錄日曆所以不可忽也然猶患其出於吏牘或一日之譌則後難更定一

續集卷五十一

十

事之失則後難增補故歐陽公慮之奏請監修宰相歲終點檢修撰官日所錄事有寮官失職者罰之其於日曆慎重如此日曆不至譌失則佗時會要之修取於此實錄之修取於此百年之後紀志列傳取於此此宋氏之史所以爲精確也凡僕所陳皆執事所熟知者而僕自有知以來頗識前元制度文爲務從簡便且聞史事尤甚疏略不置日曆不置起居注獨中書置時政科遣一文學掾掌之以事付史館及一帝升遐則國史院據所付修實錄而已尙奉天曆閒所纂經世大典虞公集依

六典爲之一代典章文物備茲者前局之史既
有十三朝實錄可據又有此書可以參稽一時纂
修者僕雖不能盡識如胡仲申陶中立趙伯友趙
子常徐大年輩又皆有史學其成此不難若順帝
二十六年之事既無實錄可據又無參稽之書惟
馮采訪以足成之竊恐其事未必覈也其言未必
馴也其首尾未必貫串也雖執事高才卓識爲之
提綱挈領然如向之數公或受官或還山既各散
去而欲不材且病如僕者承乏於後必無以副執
事之望有司迫促上道舟至嘉興驛足疾大作謹
奉狀左右乞賜矜察一變遂不至未幾用薦署杭
州學教授召修大明日曆越四月書成將授翰林
官一變又以足疾辭賜綺繒三襲錢六緡遣還杭
州宋濂嘗稱其文能與六經之道俱云

歸有光傳

歸有光字熙甫崑山人唐宣公崇敬之後九歲能
屬文甫弱冠盡通經史及唐宋七大家諸書獻爲
名儒舉鄉試第二屢上禮部不第退居安亭江上
四方來學者常數十百人共推東南大師別自號
震川海內稱震川先生不以氏名至嘉靖末始舉

進士授長興知縣每聽訟輒引其人吳語事解立
縱去閒有所斷擊直行其意與大吏忤中蜚語量
移順德府通判忽忽不樂乃上疏乞致仕且曰臣
髫鬣厲志白首不衰願及未死之年成漢二史作
唐一經或能發揮盛德傳示來世不報隆慶四年
入覲又乞改國子監官會新鄭高拱內江趙貞吉
相次枉內閣雅知有光引爲南京太僕寺丞留掌
制敕與修世宗實錄未踰年卒官有光之學原本
六經而好司馬遷書得其風神脈理故爲文超然
俊逸可配古大家云是時太倉王世貞方以辭章
名傾動海內有光獨歎曰今之文難言矣未嘗知
古人之學苟得一二妄庸人爲之巨子爭附和之
用以詆排前賢意蓋指世貞也其後世貞聞之亦
媿服焉治經尤淡於易作易圖論二篇學易者皆
稱之上篇略曰易圖非伏羲之書也此邵子之學
也晉者庖羲氏印觀倪察觀鳥獸之文與地之宜
於是始作八卦以通神明之德以類萬物之情蓋
以八卦盡天地之理凡洪纖巨細往來升降生死
消息之故悉著之於象後之人以一說求之無所
不通故雖陰陽小數納甲飛伏坎離填補卜數隻

偶之類皆可以易言也易不離乎象數而象數之變至於不可窮然而有正焉有變焉卦之所明白而較著者爲正焉推而衍之者爲變卦之所明白而較著者此聖人之作也執其無端以冒乎天下勿推而衍之此明者之迷也由其一端以達於聖人傳曰神無方易無體夫易卦散於六十四可圖可方一入於圖方之形必有曲而不該者是故散圖以爲卦則卦全紐卦以爲圖則卦局邵子用步算之法衍爲皇極經世之書有分秒直事之術其自謂先天之學同以此要其旨不叛於聖人然不可爲作易之本故曰推而衍之者變也此邵子之學也下篇曰或以邵子之所據者大傳也不曰易有太極云云乎此其所謂橫圖也不曰天地定位云云乎此其所謂伏羲卦位也不曰帝出乎震云云乎此其所謂文王卦位也曰此非大傳之意也邵子謂之云耳夫易之法自一而兩兩而四四而八其相生之序則然也八卦之象莫著於八物而天地也山澤也雷風也水火也是八者不求爲偶而不能不爲偶者也帝之出入傳固已詳之矣以八卦配四時以爲四時則東西南北繫是焉定非

續彙卷五十一

圭

續彙卷五十一

古

文王易置之而有此位也蓋說卦廣論易之象數自三才以至八物四時人之百體與天地之所有何所不取所謂推而演之也此就辨其爲伏羲文王之別哉雖圖與傳無乖刺然必因傳而有圖不當謂傳爲圖說也且邵子謂先天之旨在卦氣傳何爲舍而曰天地定位後天之旨在入用傳何爲舍而曰帝出乎震傳言卦爻象變詳矣未嘗一言及於圖所可指爲近似者又不過如此自漢以來王輔嗣韓康伯諸人絕無以圖爲說者以圖說易自邵子始吾怪大儒者不敢以文王之易爲伏羲之易而乃以伏羲之易爲邵子之易也有光旣卒吳人能傳述其學者推諸生唐時升斐堅時升字叔達堅字子柔皆嘉定人有光幼子子慕字季思萬曆中舉於鄉亦有學行崇禎時追贈翰林院待詔族子子顧子顧字春陽父有陞以孝行聞子顧舉萬曆二十六年進士由中書舍人遷工科給事中正陽門災上疏切諫其略曰今天下事最急者無如東宮講學而最可慮者無如章奏不下皇太子輟講六年矣中外惶惶輔臣請之不得禮臣請之不得南北

臺省諸臣請之亦不得及闕寺出一言利之疏朝
上夕報夕上朝報是不且輕國本而重傷天下心
乎章奏一切寢閣則是非邪正不復有所別白進
退予奪不復有所制裁安危緩急不復有所倚伏
遂使政體鬱於上仕路鬱於下財鬱於帑囚鬱於
獄此四鬱者非所以滅凶而名和也洪範傳肅時
雨若蒙恆風若漢書五行志王者鄉明而治則火
得其性而不爲災火爲鬱攸之神今鬱結成習遠
於肅而近於蒙是故火災屢作陛下何不叩體天
心首命皇太子出閣亟發一切章奏以消天下之
鬱如此則何禱不應何災不禳閣臣王錫爵見其
章歎曰真諫官也是時天子春秋高福王未之國
小人方睥睨兩宮間而廷臣養交持祿黨論大起
四方又仍歲水旱國力漸屈子顧數請飭紀綱以
覈實效釋門戶以破嫌疑召致舊臣趙南星鄒元
標等以定國論速竣福藩府第趣遣之國以一羣
心蠲賑災民以培根本節水衡浮費絕方士冒請
以足度支且曰臣常言天下亂形已成陛下豈以
臣言爲未必驗故不之信邪言惟無驗驗則不可
爲矣榮夸斂怨之言驗而周轍不復西黨錮膽烏

續彙卷五十一

五

之言驗而漢燼不復燃人臣甚無樂乎言之一驗
也然則爲人君者獨奈何峻卻過計之言而欲撥
必驗之禍哉其辭痛切如此然率留中不報以都
給事中久次擢尚寶司卿進太僕寺少卿累官南
京通政司使乞歸加刑部侍郎致仕卒子顧於書
無所不闕爲文得有光家法其廉潔蓋天性也既
歸至無屋以居光祿卿須之彥假數椽居之客至
麥飯蔥汁而已或勸稍事請託爲子孫地笑曰吾
猶殘也乃欲令我尙市門邪族子起先字裔興崇
禎末進士授刑部主事明亡不仕卒晚歲亦嗜易
多所纂述爲人沈靜少欲妻亡不再娶鄉人稱其
長者

續彙卷五十一

六

來知德傳

來知德字矣鮮四川梁山人舉嘉靖末鄉試嘗得
薛瑄日錄一書而說之因從事義理之學又謂學
莫遠於易乃結廬黼山下讀易六年無所得復遠
客求谿澗山中潛精覃思者數年始悟易象又數
年始悟文王序卦孔子櫟卦又數年始悟卦變之
非凡二十九年作周易集注成自謂多先儒未發
者萬曆中薦授翰林院待詔卒於家知德論易有

錯卦有綜卦錯者左右相錯也綜者上下相綜也其論錯卦有四正錯有四隅錯論綜卦有四正綜有四隅綜有以正綜隅有以隅綜正各爲之圖以衍明其指中間論上下經篇義最善今剟其大略著於後論曰上經首乾坤者陰陽之定位萬物之男女也易之數也對待不移者也自乾坤歷十卦陰陽各三十畫則六十矣陽極於六陰極於六至此乾坤變矣故坤綜乾爲泰乾綜坤爲否乾坤既迭相否泰則凡萬物之吉凶消長進退存亡不可悉紀自同人以下至大畜無非否泰之相推無否無泰非易矣水火者乾坤所有之物皆天道也體也無水火則乾坤不靈然必山澤通氣雷風相薄而後乾坤之水火可交頤大過者山澤雷風之卦也頤有離象大過有坎象故上經首乾坤必歷否泰至頤大過而後終之以坎離下經首咸恆者陰陽之定位一物之乾坤也易之氣也流行不已者也自咸恆歷十卦陰陽各三十畫則六十矣陽極於六陰極於六至此男女變矣故咸之男女綜爲損恆之男女綜爲益男女既迭相損益則凡萬事之吉凶消長進退存亡亦不可悉紀自夬以下至

節無非損益之相推無損無益非易矣既未濟者男女所交之事皆人道也用也無既未濟則男女不靈然亦必山澤通氣雷風相薄而後男女之水火可交中孚小過者山澤雷風之卦也中孚有離象小過有坎象故下經首咸恆必歷損益至中孚小過而後終之以既未濟天道之體雖以否泰爲主然而未始無人道之用雖以損益爲主然而未始無天道也

朱睦㮮傳

朱睦㮮字灌甫周鎮平王諸孫父奉國將軍安河以孝行聞睦㮮妊十四月始生少穎敏李寢陽見而異之年十五授鎮國中尉弱冠卽工屬文大都典雅有法顧謂不足進於道去之乃復覃精諸經是時河洛閒宿儒如衛君聘名易和太芳名書周伯昌名詩周涿之名春秋許守謙名禮睦㮮先後從之游率得其指歸尤遠易春秋高陵呂柟紫以學行爲士大夫所重嘗與睦㮮論易輒歎曰吾子輔嗣流也其見重如此家故饒財僅奴數千指皆令執業自給逐什一之利以此家益大起而睦㮮又盡費以購書及結納四方賓客聲譽藉甚先是

海內藏書家悉推江都葛氏章丘李氏睦樛次第購得之共萬二千五百六十餘卷起萬卷樓諷誦其中於諸王孫一切裘馬蒲飲之好泊如也萬曆初詔建宗學周藩推舉爲宗正因與宗諸生排日講說經義雖盛寒暑不輟茲誦之聲徹於學宮數命諸生刺舉同異作五經稽疑若干卷又作經敘錄及授經圖若干卷其佗復多所論議識者謂漢劉向不過云年七十餘卒門下士五百餘人詣官請以聞於朝乞賜祭葬若諡詔加祭葬焉方睦樛之舉宗正也見忘新會王睦樛誣以獻女得舉睦樛不投也會天子遣使至河南議限諸王祿米睦樛築是益構睦樛喉宗人毆之盡拔其頰鬚曰悉爾謀也國人率不直睦樛其後竟坐舉廢而睦樛官宗正如故有子勤葵亦好學自明興以來諸王孫讀書能解章者踵不絕至於湛溪經術則惟鄭世子載堉與睦樛爲然載堉附見鄭靖王傳中

黃淳耀傳

黃淳耀字蘊生嘉定人祖世能官平涼衛經歷以爭死囚獄與推官忤陰中以不謹法罷官去都御史顧其志怒曰經歷廉直吏乃爲酷吏所陷邪亦

勅罷推官淳耀少力學爲諸生卽以名行自勵同縣侯峒曾無錫馬世奇皆鄉先生名知人一見淳耀歎異折行輩與交舉崇禎十六年進士未授官而歸福王南渡求仕者爭趨南京淳耀獨不往或問其故應曰諸公多善予者往則必爲所牢籠矣君子始進其可不以正邪訖不往淳耀體貌魁秀讀書尤潛心先儒性命之說每置日曆有事必書其上以驗所養晚節尤多所自得嘗爲書謝其鄉試房考官因自敘曰某寒賤下材自十有七歲而入膠庠今二十有一年矣蓋嘗求義理於六藝求事蹟於諸史求萬物之情狀於騷賦詩歌求載道之器於漢唐宋數十家之文章編刻規模涵揉擷括放而之於詩若文之間竊謂古之立言者非其有得於心則莫能爲也夫既有得於心矣雖有言可也如遷固荀揚韓歐之屬是也既有得於心而有言之者矣雖無言可也如某家之叔度是也某比來刊藝踐實祝思性命將求所以悟明其心而剛大其氣以庶幾古之因文見道者尋繹久之亦復超然有見於語言之外始知近代河東餘于新會姚江之學門庭雖殊而歸趣則一世儒舍性命

而談事功舍事功而談文章是以事功日陋文章日卑談淫邪遁之害及於政事而不可救也某雖有識知其敢賈賈焉以文人自居以富資利達之習自溺也哉 王師下蘇州淳耀偕諸大家率縣民城守師既破入城從容詣城西僧舍將死僧止之曰公未仕可勿死也淳耀曰城已與此儒者分內事耳遂自經死其弟諸生淵耀亦從死淳耀嘗言學必以識為主惟其識到故能斷然知文章功名節義其真者一出於道德又言自唐宋諸大儒以來率以席攘二氏為任後賢明道不及諸儒而獨師其排佛如角力然務求相勝斯亦病矣其學所見率類此縣中從游諸生甚眾經淳耀指授皆有名於時及其既歿私諡貞文先生淵耀字偉恭

擬明史列傳卷二十一終

康熙乙丑秋七月同里周公贊校字

鈍翁續彙卷五十二目錄

列傳二十二 文苑一

楊維禎

蘇伯衡

張孟兼

吳印附

袁凱

高啓

楊基 張來儀 徐貴 王彝附

宋克

王行

鈍翁續彙卷五十二目錄

鈍翁續彙卷五十二目錄終

楊維禎傳

楊維禎字廉夫山陰人少時日記書數千言父築樓鐵崖山中積數萬卷去其梯俾讀書樓上踰五年貫串經史百氏雖老師弗及也因自號鐵崖舉元泰定中進士署天台尹改錢清場鹽司令以狷直忤物十年不得調會修遼金宋三史成維禎著正統辨千餘言故總裁官歐陽玄讀且歎曰百年後公論定於此矣將薦之而不果擢江西等處儒學提舉以兵亂未及上往來吳越間張士誠累招

續彙卷五十二

十一

不赴遣其弟士信就維禎問計因獻五論且復士誠書曰閣下首倡大順以獎王室淮吳之人萬口一辭謂閣下不可及者有四兵不嗜殺一樂聞善言二儉於自奉三厚給吏祿而誅姦貪四也此東南士大夫庶幾望閣下可與有爲者也或意閣下孜孜求治上下決不使相徇直言決不使見遺毀譽決不使亂眞惟賢人失職四民失業者尚不少也僕獨疑閣下可畏者又不止是動民力括民租銓放私人不承制出納國廩不上輸受降人不疑任忠賢不能不貳也六者之中少有一二可致覆

續彙卷五十二

十二

邦閣下柰何不省也況乎爲閣下將帥者有生之心無死之志矣爲閣下守令者有奉上之道無恤下之政矣爲閣下親族姻黨者有腹削之權無祿養之法矣某假佞以爲忠某託詐以爲直某飾貪暴以爲廉良閣下信佞爲忠則臣若靳尚者用矣信詐爲直則臣若趙高者用矣信貪虐爲廉良則黷譎者進夸滅者退矣是非一繆黑白悉淆天下何自而治乎及觀閣下左右參贊之人未見砭切政病規進閣下於遠大者使閣下有可爲之時有可榮之執而訖無成效其故何也爲閣下計者寡而爲身謀者衆也苟無內變必生外虞此不待智者後知明者後察也閣下徂小安而忽長慮得毋懈東南士大夫之望乎惟幸采僕言無溺羣小之聽則小伯可爲錢鏐大伯可爲晉重耳齊小白也不然悔之晚矣書到士誠不從諸用事者合譟共目爲狂生其後士誠竟以是敗維禎徙居松江之上造門受業者無虛日太祖自初起時雅聞維禎名洪武二年召諸儒纂禮樂書以維禎前朝老文學遣使徵之是時維禎年近八十矣謝使者曰豈有老婦將就木而再理嫁者邪明年復遣有司敦

促賦老客婦謠一章進御曰皇帝竭吾之能不強
吾所不能則可否則有蹈海死耳帝許之命以安
車詣闕凡四旬所纂序例略定遂乞骸骨抵家卒
著書數百卷皆行於世維禎所至好接引士類士
相率趨附雅不善飲酒然頗耽聲樂出必以女伎
從酒酣輒戴萼陽巾披羽衣自吹鐵笛與歌聲相
應和賓客皆次第起舞欲以此依隱翫世遂爲禮
法士所嫉維禎岸然不屑也同時有郭翼者字義
仲崑山人文章清麗所學尤長於易維禎數稱之
翼亦嘗上書士誠勸其反元舊政樂時進取且曰

續彙卷五十二

三

若晏安逸樂坐銷精銳四方豪傑竝起吳其必爭
之地雖欲閉境自守執將日蹙其可保乎士誠怒
翼言切欲殺之妃劉阻士誠曰郭生策誠善大王
縱不能用獨不能度外置之收士心乎乃得逸去
太祖嘗徵授訓導翼怏怏不自得與維禎後先歿

蘇伯衡傳

蘇伯衡字平仲始祖遲宋徽猷閣待制工部侍郎
嘗守婺州遂家於金華伯衡其九世孫也父友龍
受學許謙之門仕元至行省左右司都事伯衡性
警敏工古文辭吳元年選授國子學錄進學正屹

然以師道自任嘗著空同子警說四十篇學者皆
傳誦之其論文有曰文有體乎曰何體之有易有
似詩者詩有似書者書有似禮者何體之有有法
乎曰初何法典謨訓誥國風雅頌初何法難乎易
乎曰吾將言其難也古詩三百篇多出小夫婦人
將言其易也則成一家言者代不數人止耳空縣
乎簡乎曰不在縣簡狀情寫物在辭達達則一二
言非不足未達則千百言非有餘空何如曰如江
河何也曰有本也如鍵之於管如樞之於戶如將
帥之於三軍何也曰有統攝也如置殿如構居第

續彙卷五十二

四

如建國都何也曰謹布置也如草木焉根而幹而
枝枝而葉而葩何也曰條理精暢而皆有附麗也
如手足之十二脈焉各有起有出有循有注有會
何也曰支分派別而榮衛流通也如天地焉包涵
六合而不見端倪何也曰氣象沈鬱也如漲海焉
波濤湧而魚龍張何也曰浩汗詭怪也如日月焉
朝夕見而令人喜何也曰景光常新也如煙霧舒
而雲霞布何也曰動盪而變化也如風霆流而雨
雹集何也曰神聚而冥會也如重林如達谷何也
曰深遠也如秋空如寒水何也曰潔淨也如太羹

如玄酒何也曰雋永也如瀨之旋如馬之逸何也
曰回複馳騁也如羊腸如鳥道何也曰縈迴曲折
也如孫吳之兵何也曰奇正相生也如常山之蛇
何也曰首尾相應也如父師之臨子弟如孝子仁
人之處親側如元夫碩士端冕而立乎廟朝何也
曰端嚴也溫雅也正大也如楚莊王之怒如杞梁
妻之泣如昆陽城之戰如公孫大娘之舞劍器何
也曰激切也雄壯也頓挫也如未粟如布帛如精
金良玉何也曰有補於世也不假磨礪琢刻也將
鳥乎以及此曰易詩書三禮春秋之所載丘明高
赤之所傳孟荀莊列之徒之所著朝焉夕焉吟焉
習焉斯得之矣雖然非力之可爲也聖賢道德之
光積於中而發於外故其言不文而文譬猶天地
之化雨露之潤物之覓覓以生萼萼羽毛極人力
所不能爲孰非自然哉故學於聖人之道則聖人
之言莫之致而至矣蓋伯衡所自得者如此居國
子五年以薦者言召見帝親擢翰林院編修伯衡
以曠疾辭許之遂乞歸省於是司業宋濂率六館
士餞諸龍江以續文定公古史相屬洪武十年濂
以承旨請老帝問曰在外有文學士如卿者乎卿

其舉以自代濂對曰臣鄉蘇伯衡博學飭行爲文
藪贍有法要未可以微疾廢也因徵伯衡至京師
召見將大用之復辭以故疾乃賜衣鈔遣歸二十
一年聘主會試事竣復辭歸未幾起處州教授坐
辜卒於獄二子恬怡救父并被判

張孟兼

張孟兼名丁浦江人有俊才爲鄉里所稱然負氣
傲睨好面訐人洪武初以薦至京師俾豫續修元
史既成授國子監學錄遷禮部主事再遷太常司
丞誠意伯劉基喜稱孟兼之文嘗侍帝側論文章
士基曰學士臣宋濂第一其次臣不敢多讓又其
次張孟兼也孟兼復數語濂先生何不於上前薦
我濂亦才孟兼將薦之會帝欲用越僧證問濂嘗
見證文否誰有之濂因言太常丞張孟兼所有證
所與書詔召孟兼以證書至帝顧謂濂曰張承是
卿門人邪濂對曰臣里中子耳爲文有才甚誠意
伯臣基稱之帝熟視之曰生骨相薄仕宦慎勿驟
也未幾出爲山東按察司僉事孟兼性廉勁既抵
司糾擿豪猾無所貸吏民畏憚皆曰避張僉事擢
山東副使時布政使吳印者鍾山僧帝親選拜官

詔使娶妻用金帛寵之甚厚印自以受帝知禮節頗簡傲而孟兼又負其才且印新用又僧也易之數以語侵印印不平會爭鈔法事孟兼謂印違制謫問布政司僚吏且揚言將上封事於朝印大恐印疏劾孟兼見陵侮然孟兼封事終不上也帝入印言以爲孟兼不遜笞治之孟兼既被笞卽捕爲印書奏者欲治以辜印又疏言狀遂請去官避孟兼之橫不者必爲所擠帝怒曰是乃欲與我抗邪建赴京師廷詰之命衛士捽髮捶擊至死始孟兼遷副使予告還家浦江令丞皆門謁奉牲酒爲禮

續彙卷五十二

七

孟兼坐受其拜麾牲酒出之其自尊大如此鄉人勸以少遜讓不聽竟及於禍印山西之孟縣人帝旣殺孟兼詔印曰吾除爾害矣善爲之改左布政使尋移雲南久之召還京師復任陝西其兄昭亦至福建布政使

袁凱傳

袁凱字景文華亭人父介元末爲松江府掾嘗賦檢田吏詩一篇爲東南人士所稱凱少孤力學尤以詩知名爲人長身而矍鑠善權譎有才辨每居衆中論議率清發可畏往往屈其坐人洪武三年

薦授監察御史於是諸將頗擅功驕縱加天子懲前元姑息之敝政令嚴察羣臣多不稱旨得舉者漸衆凱乃上言國家蕩平四海固資將帥之力然今天下已定諸將多在京師其精悍雄傑者督兵有餘而君臣之禮恐未究悉臣願於都督府延致通經學古之士或五人或三人每於諸將朔望早朝後俱赴都堂聽講經史庶幾忠君愛國之心全身保家之道油然而生而不自知也天生人材無非爲天下國家計其羣小無廉恥之人有犯固在不赦至於老成長者或罹過誤宜加矜恕養廉恥以收佗日驅策之效則人材輩出矣帝嘉納其言敕省臺延聘儒士受番直午門爲諸將說書蓋自此始未幾帝慮囚畢命凱詔皇太子覆訊太子遣滅其舉凱還報帝從容問朕與東宮孰是凱頓首曰陛下法之正東宮心之慈帝以爲持兩端不憚而罷由是心銜凱凱惶懼託癩疾告歸旣而帝遣人密訶之以佯狂得免凱性恢諧旣免於難往讀書九峰山中每倒戴烏巾反跨簪角牛游行山澤閒好事者慕之至繪爲圖云竟以壽終先是楊維禎僑淞江上常熟時大本者出其所賦白燕詩維

續彙卷五十二

八

楨頗嘉之凱方在坐微誚其非工維楨意不許也凱別作一篇以獻刻畫盡態維楨始亟稱實連書數紙散諸坐客時人因嘖凱爲袁白燕其名遂從此起自號海客有海客集若干卷皆凱所手定

高啓傳

高啓字季迪長洲人博學無不覽尤邃於羣史性好權略遇事爽邁有才辨所論滾滾聳聽是時元參政饒介適參吳王張士誠軍事啓甫弱冠介見其詩驚異延坐客右岸然一無所讓介自號萼蓋山樵又號醉翁因命諸客作醉樵歌啓詩成贈白

續彙卷五十一

九

金三斤欲致之士誠所謝去不願隱居吳松江之青丘上與楊基張來儀徐賁往來倡和爲詩友洪武初用薦偕同縣謝徽召修元史並授翰林院國史編修官尋命啓入內府教諸王及功臣子弟三年秋帝御闕左樓啓與徽俱對擢啓戶部侍郎徽吏部郎中啓自陳年少不諳國計且孤遠不敢驟當重任徽亦固辭並賜白金放還其後徽復起終國子助教而啓先在翰林嘗賦小詩薄有所規諷帝微聞而銜之未發也始啓以史事爲祭酒魏觀所知及觀知蘇州府啓方屏居青丘藉授書自給

觀雅重啓移其家自近日夕相接見甚歡適改修府治屬啓作上梁文觀得舉遂連坐以死年三十九無子其妻周藏奔遺棄以授姪立行於世楊基字孟載其先嘉州人大父始徙吳基著書十餘萬言名曰論鑒試不利歸隱赤山張士誠辟記室謝去客饒介所明師下蘇州以饒氏客安置臨濠復起衆陽知縣謫鍾離後屢用薦累至山西按察使坐事罰輸作死張來儀本名羽以字行潯陽人受易於山陰夏仲善爲文縝密宛麗來僑吳中元末署安定書院山長洪武初薦授太常司丞兼翰林院同掌文淵閣事詔撰滁陽王廟碑文文成稱旨坐事竄嶺表未至召還自投龍江死徐賁字幼文由常徙吳以工詩畫名亦受士誠辟與來儀俱謝去洪武中薦授給事中累至河南左布政使會大將軍率師抵中原以所司乏犒勞爲所譴下獄死吳人言詩每稱高楊張徐以擬唐四傑或謂啓才力聲調三子遠不及也時又有王彝者字常宗嘉定人以布衣召亦與修元史已又薦入翰林不就與啓俱死魏觀之禍彝少孤貧讀書天台山中師事王真文得蘭谿金履祥之學號有根柢嘗著論

續彙卷五十一

十

一篇力詆楊維禎爲文妖時人頗傳誦焉

宋克傳

宋克字仲溫長洲人偉軀幹博涉書傳少任俠喜擊劍走馬能彈下飛鳥家饒於財盡費以養客及與少年痛飲見天下亂頗學古兵法將北走中原從豪傑計事會道樓周游無所合遂汎江溯而還平居以氣節聞衣冠爭慕趨之克皆傾身與相接張士誠據吳有部將恃勇橫甚數使酒毆辱士類不可近嘗置酒召克飲或勸毋往克笑曰彼惡能勇卽往坐上坐爲說古賢將事其人竦聽至汗浹

續彙卷五十二

十一

背居尊下晚起爲克壽竟酒無敢失禮於克其能以氣服人如此性忼直多辨好箴切人過然游士凡至吳者察其賢必與周旋延譽所知有喪疾不能葬療者以告輒令削牘疏所乏爲請於諸公間共營具之士誠間其名欲招致幕府克察士誠無成固謝不宥起士誠怒將中以法幸用計獲免雅善爲詩其於書法尤工所作草隸無與輩者最後家益貧稍厯事闔門時時賦詩見志居南宮里與高啓友善啓喜稱之爲作南宮生傳云洪武初騰授翰林侍書終鳳翔府同知啓北郭十友克其一

也

王行傳

王行字止仲少有異質貧患無書以讀儲於昌門南市徐氏爲治藥肆徐氏者故多書主人翁奇行穎敏乃令徧讀所庋書數千卷不三載辭去家無一書顧議論踴厲咸有據依客詢所從得曰得之藥肆翁耳由是名日起洪武初有司延爲學官是時學官無恆秩猶服儒衣中諸生心易之襍取五經相質問行隨空占對說不能難皆咋舌避去旣而謝生徒屏居石湖瀕知府魏觀徒步往訪之不

續彙卷五十二

十一

有見久乃治喪游南京於是國家文法苛嚴人或尼之笑應曰虎穴中可遨嬉也往主涼國公藍玉家教授其子弟橐暇用兵法說玉玉頗然許及玉謀叛遂以其黨被誅方張士誠據吳吳人數運礮石貯城四隅自固行竊計曰兵法不云乎柔可制剛儻植蕩篠順而偉者繫布其端冒之卽礮石不能害也及大將軍攻平江果用是策行喜其言中益好談兵然竟坐是死矣行亦嘗豫北郭十友中擬明史列傳卷二十二終

康熙乙丑秋七月同里周公贊校字

鈍翁續彙卷五十三目錄

列傳卷二十三 文苑二

楊循吉 都穆附

唐寅

徐禎卿 黃省曾附

祝允明 桑悅附

文徵明 陳道復等附
子彭嘉附

續彙卷五十三目錄

鈍翁續彙卷五十三目錄終

擬明史列傳卷二十三 文苑 別彙二十三

楊循吉傳

楊循吉字君謙吳縣人成化八年進士授禮部主事善病好讀書每得意則手足踴掉不能禁人呼顛主事在郎署屢稱病浹歲中移病促數尚書厭而訶之遂疏請致仕歸年才三十一歸久之上書乞追諡建文君援景皇帝及元順帝爲比大略謂以親親言之固當視景帝今景帝已上諡號矣以遜位言之尤當視元順帝方順帝之北奔也蓋知天命歸於我明不敢復爭故沒而太祖嘉其恭遜諡之爲順然則建文君追諡之典豈容已哉疏下禮部部中大驚至不能舉故案賴天子寬仁弗舉也正德末武宗南巡聞循吉名召至南京數命爲樂府小令每奏輒稱善然不授以官使廁諸伶間且諭曰若能爲伶官長乎循吉大悔恨謀於季伶臧賢爲請急放歸於是繁譽頓衰嘉靖中老矣復上九廟頌琴陽求嗣儀報聞晚歲益落窶自爲壙志卒年八十九循吉嘗屏居支硎山下每課誦經史必折松枝爲籌不往復精熟不止所誦多至數千卷不以病故輟也爲文章必潛精淫思者竟日

鄉先達吳寬王鏊悉推重之性狷狹好持短長又好以問學窮人至類亦不顧故士大夫稱其博而議其偏南京顧璘語人曰過吳門不可不詣楊先生然亦未易輕詣也循吉既卒吳中好事率刺取谿列事悉傳之循吉爲談諧資則又不盡然云同縣都穆字元敬居與循吉共里其輩行稍後記問淹洽略相似而文章弗如舉進士歷官禮部郎中乞休加太僕少卿致仕晚益闔戶讀書中夜有取婦者大風雨火滅徧乞不能得衆曰都少卿家有讀書鐙在也及至果得火蓋其好學如此始穆會

續彙卷五十三

二

試時與唐寅爭名甚其才名出己上寅既下詔獄被席或謂穆所致也吳人以此頗非薄之

唐寅傳

唐寅字伯虎一字子畏吳縣人自少爲文章才氣奔放與所善張靈謫晉日夜縱酒不屑意舉子業諸生或施易之寅慨然曰閉戶經年取解首如反掌耳遂舉弘治中鄉試第一已詹事程敏政爲會試考官或訐寅同舍生關通敏政家人事連寅并寅下獄掠問不承竟坐席爲吏士大夫無不惋惜者故寅才名益熾寧庶人間之遣使以金幣聘寅

寅既見庶人陰察其有異志因使酒箕踞爲清狂不慧狀庶人不能堪乃縱寅歸以是得免於禍寅故跌宕自喜既被席益放浪詩酒尤長於畫家貧輒鬻以供其友文徵明繫高寅才而嗟其如此每以言慰勉之寅遂與徵明書曰竊聞累呼可以當泣痛言可以譬哀故姜氏歎於室而堅城爲之隳堞荆軻議於朝而壯士爲之徵劍良以情之所感木石動容而事之所激生有不顧也嗚呼論此廢書而歎不意今者事集於僕哀哉哀哉此亦命矣自分括囊泣血羣於鳥獸而君卿猶忘其皁戾殷勤教督缺然不報是馬遷之志不達於任侯少卿之心不信於蘇氏也計僕少年居身屠酤鼓刀滌皿獲奉君卿頡頏嬖娒皆欲以功名命世不牽多故喪中屢罵黃口嗷嗷加僕之放軼無羈不問生產何有何以付之談笑顧亦能忼慨然諸周人之急嘗自謂布衣之俠私甚愛魯連先生與朱家二人爲其言足以抗世而惠足以庇人願儕門下一卒而悼世之不嘗有此士也蕪歲日積門戶衰廢柴車索帶遂及藍縷猶幸藉朋友之資鄉曲之譽援枯就生起骨加肉猥以微名冒東南多士之上

續彙卷五十三

王

方斯時也薦紳交游舉手相慶將謂僕濫文筆之縱橫熟談論之戶轍岐舌而贊并口而稱牆高基下遂爲禍的側目在旁而僕不知從容晏笑已蹈虎口貝錦百匹讒古萬丈飛章交加至於天子震赫名捕詔獄身貫三木舉頭搶地卒之崑岡焚如玉石皆毀下流難處衆惡所歸續絲成網羅狼衆乃食人馬蹙切白玉三言變慈母海內遂以寘爲不齒之士知與不知卑指而噬辱亦甚矣當衡者哀憐其窮點檢舊章責爲督郵將使積勞補過循資千祿而遽除戚施倖仰異態士也可殺不能再

續彙卷五十三

四

辱鑒乎君卿僕幸同心者於茲十五年矣錦帶縣髦迨於今日瀝膽濯肝明何嘗負朋友幽何嘗畏鬼神茲所經由慘毒萬狀睂目改觀愧色滿面衣焦不可伸履決不可納童奴據案夫妻反目舊有犂狗當門而噬反視室中甌甌破缺西風鳴枯蕭然騎客計無所之將春撥桑樵拾橡實餘者不逮則寄口浮屠日願一餐蓋不謀其夕也獻猷乎哉如此而不自引決者良自怨恨筋骨柔脆不能輓彊執銳與荆吳劍士獨當一隊爲國家出死命使勦勞可以紀錄乃徒以區區研摩剗削之材欲

周旋世閒又遭叵測禍與命期舉大罰小不勝其賀矣竊聞古人墨翟拘囚乃有薄喪孫子失足爰著兵法馬遷腐儒史記百篇賈生流放文辭卓落不自揆揣願繼其後以合孔氏不以人廢言之志亦將櫟括舊聞總統百氏敘述十經翱翔濫輿以成一家之言傳之好事託之高山歿身而後有甘鮑魚之腥而忘其臭者傳誦其言揆察其心必將爲之拊缶命酒擊節而歌嗚嗚也僕縈輕俠不能及德欲振謀策操低昂則功且廢矣若不託筆札以自見將何成哉歲月不久人命飛霜使復鹿鹿

續彙卷五十三

五

塵中屈身倪睂以竊衣食士大夫其謂僕何後世其謂唐生何絮曰輕富資猶豪毛今而若此是不信於朋友也惟君卿察之寘所著書竟未就而卒

徐禎卿傳

徐禎卿字昌穀一字昌國常熟人徙吳縣自少穎異家不蓄一書然無所不通甫冠講求作詩之要爲談藝錄受知於鄉先生楊循吉沈周尤與唐寅祝允明文璧相友善稱四才子舉弘治末進士在京師與李寢陽游寢陽方以辭章雄海內亟推禎卿所作時人又稱李徐旣舉進士孝宗遣中使至

內閣問禎卿及陸溪名溪以此得入翰林禎卿顧弗得也授大理寺左寺副乞徙南僊養會失囚左遷國子監博士禎卿雅善賦頌讀揚雄反騷閔屈平之含忠獲謫乃作反騷賦其辭曰稽邛氏之攸肇兮繁楚均之遐颺侯帝項之流胤兮承靈澤之汪濊夙隄力於皇軌兮歆仁朗之所廬仄印吾均之潔修兮羌引軀以伏義播昌烈之赫煜兮集衆芳之菲菲憤遭世之眊濁兮櫟紛揚於江之汜狂炎漢之微季兮孰臨岷而悼均投束藻之欲麗兮何理拙而誹濫冤均志而抑道兮冀披詞而有

續彙卷五十三

六

明惟帝監之有嚴兮敢黨俗而誣貞初均幼志於粹清兮乃中情之獨與騫厲節以植身兮憲浩蕩之修譽進疊疊於中行兮恐日月之凋邁準前修以其蹈兮遑先時而逆敗約性行以赴渠兮經五常以綴佩靈修謂其允淑兮目成歡而叶妃夫均既沐修之昵澤兮又信言之噲噲苟中路而還好兮寧予心之有介汎光鸞之的皪兮衆睂睂而妒之何有恩讒與招惡兮排蛾眉而錯之颺蕙服之紛郁兮遭紛媚而幽毀寧遭幽以屏席兮敢詭汗而合歲鳳翔林而冒網兮龍行陸而困螳彼鳳與

龍豈無知兮亦處世之多虞所賢賢者之韞玉兮不迷邦而遐舉哀宗社之不長兮比干皇皇而不忍去世蔑復以相明兮心耿耿以無從涉湘波以南愬兮昭均心之確忠俗叢蕭而鄧蘭兮實重之醜效精白以殫軀兮自先聖之所厚奉靈氛之玄筮兮中以巫咸之嘉告覽九州以求匹兮寧閨容之有淑測神占其未然兮豈均曾好此詭疑諛從人以辱義兮不如赴身於淤泥餐秀芬以介齒兮竟河清之難竣違苟生以保譽兮夫何悔於九歺汎浮雲之翳翳兮晦沈茫其曷排陽陵微而

續彙卷五十三

七

淦度兮晨北風又雨靈精裴回而不去兮馮拙誠其未爽人情重於捐故兮焉冀日月之回光懷辟離與杜蘅兮時不與其有芳櫟緹拉以颺波兮稷烈烈其彌章精氣通於至清兮神髣髴以馮虛駕玉蚪與雲驂兮訪大縈之舊廬聞至道其可承兮欽均誠之匪懈舍佚游以自湛兮夫何以誅其好怪符貞士之蒙佞兮憤伏孽而靡悔務光沈於淵澗兮將惡浮埃之霏霽忠賢切切以苦身兮益有隱於隳靡避三仁之所裁兮見歎譽於孔父獨耿耿而覲侮兮曾吾均之所尤日印愬之惟誠兮駢

執正於陽侯佐所作交誠感慕賦諸篇皆善世稱其典雅沈鬱雖暫植陸機不過也顧卿體貌修削目瞳炯炯燭人以多病故好養生之術最後與王守仁論學而說焉竟卒京師年三十三同縣黃省曾字勉之父遺產千金與兄魯曾悉所其貲購書以讀舉嘉靖中鄉試嘗游守仁之門又從寢陽稱詩寢陽亦數推之然省曾視顧卿稍後起其文蓋弗逮云魯曾字得之先省曾舉於鄉魯曾子德水字清父省曾子姬水字淳父父子昆弟相繼皆知名

祝允明傳

祝允明字希哲長洲人參政顥之孫武功伯徐有貞外孫也五歲作徑尺字九歲能詩既長濡染二祖遺風遂以文章有名於世舉弘治中鄉試主司王鏊手其卷不置曰必祝某也已而果然鏊自喜以爲能知人連試禮部不第除興寧知縣興寧介嶺海其民溺巫而喜訟允明示之禮且簡諸生親授以經學俗爲一變羣盜竄山谷時出焚斂輒設方略捕得三十餘輩民閒賴以無警遷應天通判叵何乞身歸允明性通悅翫世自放好飲酒博簊

爲俠邪游然每樂閒闔戶著書有叩扉者噉之若弗聞也尤工書法晚歲益奇縱或購得之輒藏去以爲榮居家未嘗問有無得俸祿及四方餉遺必召所善客噉飲歌噉費盡乃已或分與持去不餘一錢及其卒也幾無以斂云有常熟桑悅者博學強記受知於學士丘濬放爲大言屢以孟軻自況時人皆謂之狂顧數推服允明嘗論文學曰舉天下惟悅最高其次祝某其次羅玘悅字民懌舉成化初鄉試除泰和訓導稍遷長沙通判調柳州會以艱歸不復出

文徵明傳

文徵明初名璧以字行更字徵仲先世由衡州徙吳溫州知府林之子少不慧家人或少之父曰兒牽晚成勿慮也長而日誦數千言且好修長者之行奔父喪於溫御屬縣賻贈累千金溫人爲構亭旌之及家居巡撫都御史俞諫請與相見憐其貧欲遺以金數徵諷之徵明陽若弗覺也佗日過徵明居又欲浚其門外渠謂曰術者言渠通則子當得第徵明謹謝曰公毋念渠也通此將損旁民舍諫乃歎服而去繫師事侍郎吳寬太僕卿李應禎

處士沈周先生故其詩文書畫悉有法又善唐寅
祝允明徐禎卿皆文章知名士寅善畫允明善書
禎卿尤工於詩惟徵明盡兼其長顧三人率跡弛
自喜而徵明性方嚴以名檢自厲及遇交游無長
少輒又恂恂謙厚三人者舉不及也以是嚴憚徵
明久之受知巡撫尙書李克嗣貢至京師用克嗣
薦超授翰林院待詔嘗與修國史賜金帛士大夫
以爲榮而徵明意忽忽不樂居翰林三年數疏乞
歸不許永嘉張孚敬徵明父所取士也以議禮驟
賢欲納徵明自助徵明數引避於是方稱疾狂告

續彙卷五十三

士

而會天子杖戍諸廷臣主濮議者徵明愈迫欲歸
復三疏乞致事始得請御史鄭洛書乃上書勸留
徵明爲翰林重其言雖寢不行朝論避之旣歸杜
門以翰墨自適四方賓客造請闕咽爲人固溫然
長者然居常廉介自將凡辭受率多不苟尤諳大
體前此寧庶人有異志遣使齎金帛招致唐寅及
徵明徵明辭疾不往寅旣往而伴狂得返時人兩
高之且尤推徵明能知幾也已周王以古鼎古鏡
徽王以金寶餅及佗珍翫直百緡來餽徵明俱不
啓封使者固請徵明曰王賜也啓而後辭不恭竟

不啓亦不報謝日本貢使踵門求見具冠服南向
受拜而悉卻其贊曰使小夸知國家法最後寅允
明禎卿皆前歿而徵明獨老壽用德聖文學重於
時雖吳中婦孺亦聞其名年九十卒先是文氏故
居衡徵明因自號衡山以識吳人至今高印之稱
衡山先生後進與徵明游者甚衆最知名者陳道
復陸師道暨王龍王穀祥彭年周天球錢穀之屬
道復初名淳後以字行少受經徵明所師道字子
傳由進士授工部主事改禮部以養母請告歸歸
而游徵明門稱弟子凡家居十四年乃復起累尙

續彙卷五十三

士

寶少卿寵字履吉少與兄都御史守履約同學而
名過之徵明長寵二十四歲愛其才折輩行與定
交年僅四十歿穀祥字祿之由進士改翰林庶吉
士累吏部員外郎以持法忤尙書汪鋐左遷眞定
通判以歸累徵不復起與師道俱有清望年字孔
嘉其人亦長者天球字公暇穀字叔寶天球以書
穀以畫皆繼徵明表表吳中者也徵明子彭字壽
承國子博士彭弟嘉字休承和州學正亦有名彭
孫震孟自有傳

擬明史列傳卷二十三終

康熙乙丑秋七月同里周公贊校字

續彙卷五十三

十三

鈍翁續彙卷五十四目錄

列傳卷二十四 外戚 列女 方伎 宦官

陳揚王 馬徐王

湯祖契妻 戴思恭 王履附

滑壽 王振

瞿吉祥 從子欽附

續彙卷五十四目錄

一

鈍翁續彙卷五十四目錄終

擬明史列傳卷二十四

別彙二十四

陳揚王傳 外戚

陳公逸其名世居揚州無子長女適季氏次淳皇后公既卒以季氏甥爲後洪武二年追封揚王嫺王王夫人立祠太廟東每遣大臣代祀其明年中都守臣上言伏惟陛下追眷陳氏本乏胤宗更迷兆域軫心揮涕日夕靡遑臣等苟詢父老徧歷邨虎得公葬地在下縣盱眙丘隴如故是宜加樹藝表兼賜廟祠臣又聞人言公本維揚尺籍當宋昨將傾厯趕遠遷既次南海帥隕君崩率徒俱溺公

續彙卷五十四

十一

亦舟破中濤脫死海島招攜創殘匍匐沙際累石支釜調糜苟活已而食盡自分喪軀適有死馬衆欲烹食曰我饑餓且死食死馬肉亦死等耳公方彷徨瘠白衣人謂公勿食馬肉吾舟挈女悅惚未信俄瘠如初是夜櫓聲入耳若寤若寐復有紫衣人杖屨公勝曰舟且至奈何不起公驚立熟視身在艤中食頃廬發舟如輪轉公夙語巫呪叩齒揮神須臾風波靜恬櫓柁寧捷同舟謝公共進酒食比至通州送公登岸歸於故里厭弃弓矢假藉符術避地盱眙津里鎮久之始生二女季卽皇

太后也作配仁祖誕育聖躬公卒年九十有九臣等無任翬異伏惟宋元之交孽網塗地戎貫滔天神胄攸鍾乾靈未殞皇太后之有父乃陛下之母也豈偶然哉臣等謹昧死奏帝曰朕固已聞之矣因命中書省爲朕外王父揚王立廟盱眙墓次遣太常卿陳昧往奉安神主祭以太牢其祭器悉白金所造仍製王袞冕王夫人冠服焚之設祠祭署奉祀一人復酒壚戶凡二百一十家世守王墓有司川歲時行祀禮且諭翰林學士宋濂文其碑其先所立太廟東故祠遂詔有司徹之云

續彙卷五十四

二

馬徐王傳 外戚

馬公逸其名孝慈高皇后父也洪武二年追封徐王嫺鄭王夫人繼又念王無子與揚王竝祠太廟東皇后親奉安神主及祭其祝文稱孝女皇后馬氏謹奉皇帝命致祭於考妣云云四年五月宿州新廟成帝召禮部尙書陶凱諭曰皇后德懋塗辛功高任姒佐朕布衣永清寰海實惟慶宗發此靈胤惟后父馬翁世籍宿州閔子鄉少事耕農長負膂力疾惡如仇拊順若狎墟中敬憚莫敢頡頏元末使氣殺人藏命定遠已而江淮騷擾閭井饑困

避地轉徙蓄器竣時謀諸室人鄭乃以愛女託於好友郭子興子興豪俠首難收召民兵朕迺歸靡部稍著勳庸子興顧朕喜曰行且爲女擇配又曰莫如吾女乃館朕甥廬薦成嘉禮又曰吾女馬公季女也惟吾夫婦愛如己息昔本嗣徽祥由天定朕時敬諾周旋有年及登大寶遂正軒龍業有詔褒贈翁媼矣於是物色嗣昆竝遭闕天朕感悼益浚雖烝嘗以時而情文未備典禮無稽始卽王塋闢地作廟奉安神靈俾有司祇供祀事女凱宗伯實司人鬼其次第朕言刻諸樂石凱再拜受命二

續纂卷五十四

三

十五年設祠祭署奉祀祀丞各一人以王外親武忠武聚爲之復洒埽戶凡九十三家其佗禮文悉視楊王云先是帝嘗訪得后之親族將授以官后力謝曰國家爵祿宜與賢士大夫共之不當用私妾家且引前世外戚以驕佚致禍爲辭帝善后言賜金帛而已故馬氏訖無賢顯者

湯祖契妻傳

列女

睢州諸生湯祖契妻趙氏故名家女知書有志節崇禎十五年流賊破歸德將抵睢氏知城必陷豫以歿自誓城既破卽自經及投井皆爲家人所救

氏復誓曰不歿非烈也歿不以時非義也賊入其家將牽氏出氏厲聲呵曰若暫倍逆至此行伏天誅當寸寸磔矣尙敢脅我邪奮罵不絕賊怒遂遇害 皇清順治中巡按御史列其事以聞 世祖詔旌其門

戴思恭傳

方伎

戴思恭字原禮浦江人唐平南節度使昭之後也本儒家子好言醫先是義烏朱震亨嘗游許謙先生之門又嘗學醫於宋中官羅知悌以醫知名學者稱丹谿先生思恭父故善震亨遣其子從之游

續纂卷五十四

四

震亨奇思恭穎悟盡告以所學而思恭尤達於醫因亦以醫名東南洪武中太祖召至京數供事內廷二十五年秋思恭年近七十欲使領太醫院事以老疾辭遂授御醫詔風雨免朝燕王病瘕醫官韓公懋治之旣瘳輒發辭曰臣伎殫矣請召思恭思恭至視其方皆是也問王何嗜曰嗜芹思恭曰得之矣和藥以進燕王夜暴下皆蝗也晉王有疾亦嘗延致思恭其後王薨太祖怒盡逮繫晉府僚屬時思恭方侍左右從容進曰晉者臣受知於王王飲臣之藥數矣然臣竊以閒戒王此疾復作法

不治也今乃果然太祖爲之改容所逮者皆得免其善悟人主意如此太祖大漸力疾御左順門詰責諸醫侍疾無狀悉付詔獄獨召原禮慰勞曰女仁義人也於女無與慎勿恐思恭頓首謝越十有六日而帝遂晏駕矣太孫卽位竟擢思恭院使遼王來入朝思恭告王以太祖語王爲太息大書仁義二字賜之肅王慶王爲作詩若贊一章士大夫咸以爲榮永樂初又以老疾辭弗從至再四始許致事仍賜金帛誥命未幾復遣使召至京思恭病不能行以安車迎入成祖憫其老命勿拜舉臥官

續彙卷五十四

五

舍惟特召乃進見數月復乞骸骨歸旣抵里具牲醪往謁震亨墓陳所賜金帛於前歎曰凡某得荷誤恩至此者皆先生教也是歲卒於家年八十二震亨之學長於內經惟思恭能得其傳以授吳人王賓先生賓復授盛寅韓凝其後寅凝兩人皆以此致資顯矣始思恭與學士朱濂同里相善濂嘗效司馬遷作太倉公傳歷序思恭療疾奇中者爲文以贈文多故不載思恭同門友王履字安道崑山人博通傳記能詩文工畫亦善爲方與思恭齊名所著醫書累百卷前思恭卒

滑壽傳 方伎

滑壽字伯仁許昌人元初其祖官江南自許昌徙儀真始生壽壽學於韓說先生日記數千言操筆爲文章立就溫雅有法尤長於樂府鍾江王居中以醫客儀真有時名壽數往叩之居中曰醫祖黃帝岐伯其言佚不傳世傳者惟素問難經子能習之乎壽旣終卷請於師曰素問爲說非不備也而篇次不無錯簡某將彙萃爲十二類難經本素問之旨其間榮衛部伍藏府脈法與夫經絡腧穴辨之博矣而闕誤實多某將原本其義爲注而傳之

續彙卷五十四

六

先生亦許某乎居中曰甚矣子之善學也吾守師說者無以語子子過我矣自是壽學日進益求張仲景劉完素李杲三家書博通之又傳鍼法於東平高洞陽自號櫻寧生名播吳楚開嘗以秋日游吳值富人婦臨產不下輒呼壽壽有化故不得往下階拾新落桐葉與之曰以嚙飲未食頃報已乳矣或問其故壽曰醫特意耳夫妊及期而不乳者氣不足也桐葉得秋氣而墜以此助之斯其氣足矣故乳壽之神效多此類年七十餘狀貌如童子步履輕矯飲酒輒無算有延致之者無問貧富賤

貧必爲盡力治療故率皆德之所著繁問鈔難經
本義十四經發揮諸書危繁宋濂皆嘗爲之序云

王振傳 宦官

王振山西蔚州人幼以闖入司禮監讀書出事英
宗於東宮爲局郎帝卽位超授司禮監太監漸有
寵振性巧佞善迎合人主意是時英宗春秋方富
誠孝太皇太后與聞朝政嘗御便殿召諸大臣英
因公輔內閣士奇榮溥尙書燾入太后從女官數
十人悉佩刀劒環列英宗西向立英國公東向閣
臣及尙書西向皆立於皇帝下太后與諸大臣議

續纂卷五十四

七

事人人有所慙勉旣而宣振至俛伏太后頓首色
曰爾侍皇帝多不律舉當死女官遂加刃振頸英
宗跪爲之請諸大臣亦皆跪頃之太后色稍平乃
曰再犯不爾貸也故振終太后世逆自斂戢及太
后崩英宗不親政事其權一歸於振振始怙寵驕
恣俛視諸大臣自成國公朱勇而下見率却行唯
唯受命不敢講鈞敵之禮而帝亦益親倚振加振
從子千戶山錦衣衛指揮同知已又授山弟林指
揮僉事皆予世襲又賜振金幣無算以敕勞之至
謂振在朕左右幾二十載保衛調護克盡乃心正

續纂卷五十四

八

言忠告實多裨益其見寵待如此振益弄威枋無
所忌監察御史李儼以遇振不跪下獄遣戍侍講
劉球以應詔陳言大理少卿薛瑄以平反俱忤振
意球被支解獄中瑄亦論死僅而得免內使張環
顧忠錦衣衛卒王永先後坐匿名書數振舉惡所
司律以誹謗妖言詔卽磔之不覆奏由是振威震
朝廷帝惟其言是聽時時噉王先生每問左右王
先生云何正統十四年秋七月虜酋也先入寇振
勸帝親征敗績於土木振與其從子林皆死先是
寇至塞下詔遣駙馬都尉井源等禦之師已出矣
而振與其私人謀思欲挾車駕邀不世功遂以親
征勸帝帝從之詔下二日卽行且特命邸王監國
諸臣交章諫率不能回帝意扈從文武吏士倉黃
就道車駕抵宣府風雨交作井源敗報踵至從行
諸臣疑懼復交章請駐蹕振怒悉驅之使前略敝
進踰鷄鳴山欽天監正彭德清沮振振猶詬怒學
士瞿鼎曰臣下命不足惜奈天子何終不聽八月
已酉進抵大同暮有黑雲如繖壓御營上靄雷風
雨復大作鎮守太監郭敬密爲振言虜執巨測不
可復進狀振始懼下令班師師徹夜行不止壬戌

次土木驛距懷來僅二十里虜追騎已迫衆欲入
保懷來城會振輜重數百兩未至遂留車駕以待
甫踰日虜縱騎襲擊我師師大潰解甲弃刃相蹂
蹈死者過半振既被殺而帝遂爲虜所獲矣懷來
守臣以聞邸王召見百官於是侍郎于謙等請正
振舉王猶與未決謙等力言振傾危社稷不赤其
族無以謝天下因相率號慟王乃命錦衣衛指揮
馬順往籍振家翠謬曰振黨也爭毆順立斃又毆
其長隨毛資王某者亦斃尸三人於東安門軍民
猶奮擊不已遂嚮振從子山於市族屬無長少皆
斬其黨以輕重治舉有差既籍振家振私第別業
數區無不弘壯鉅麗擬於掖廷所藏玉盤徑尺者
凡十珊瑚高六尺以上者七八廢馬萬餘佗金帛
珍玩稱是皆沒於官天順元年帝猶憫念振從太
監劉恆言命復振官爵刻木爲振形招覓以葬且
立祠智化寺寺故振所建也凡費金錢鉅萬至是
賜額曰旌忠始英宗在虜營景帝使使者李實等
往返實棗閒流涕爲帝具言振擅政喪師之舉帝
亦憮然悔曰此朕不明所致也及既復位則又厚
卹振中官死後得立祠賜額者自振始

續纂卷五十四

九

響吉祥傳

宦官

響吉祥不知所以進正統間屢擢司設監太監是
時方出征麓川及鄧茂七諸寇皆命吉祥監督軍
務招諸達官工騎射者隸麾下凡百數十人吉祥
每煦煦市小恩諸達官故樂爲用英宗之在南宮
也偕從子欽與石亨等謀矯稱皇太后旨往迎太
上皇復位遂率麾下諸達官以從既有功名入司
禮監進封欽昭武伯擢欽兄鐸鐸弟鉉及從兄鏞
俱都督諸達官亦冒其功悉以次陞賞帝寵待吉
祥父子視石亨輩略相當吉祥怙寵貪吝與亨表
裏爲奸利數賣官鬻獄侵奪細民田廬又數肆邀
求帝多屈意從之時人竝呼響石及亨誅凡從亨
冒功者皆革席惟吉祥庇其黨自如錦衣衛僉事
遂杲與交惡頗伺其父子陰事吉祥始懼自念響
石本一體人也亨既得舉已不得獨完乃以計厚
拊諸達官勞不貲諸達官亦以吉祥執始則禍
且至益相與要約爲死黨由是始有邪謀矣欽又
招吉祥門下客馮益屏人問曰古有宦官子弟爲
天子者乎益應曰有之君家魏武帝是也欽喜竊
自負既而坐錦衣百戶響福來事科道官交章劾

續纂卷五十四

十

欽梟福來者欽家奴也亦以冒功受官嘗病狂出逃欽私遣奴亮逐得之撈掠幾斃帝大怒手勅章示欽曰不悛者梟死因降敕戒諭公侯伯都督諸武臣時天順五年秋七月也初石亨之誅帝亦敕諭諸臣然後收繫至是吉祥欽懼不免又逢杲伺欽益急於是其謀滋甚欽部署諸達官於外而吉祥潛爲內訶謀已定未有以發也會命懷寧伯孫鏗統軍西征尅期視朝臨遣欽遂謀以是日舉兵先一夕置酒飲其黨達官都督伯顏也先都指揮馬亮等於家告之曰縣官意叵測不速發必爲石氏續若輩亦并殖醢矣衆皆曰善夜未半馬亮者慮事不濟中悔遽從酒間亡去詣恭順侯吳瑾告變瑾卽以聞帝大驚立繫吉祥禁中且詔皇城四門京城九門勿得啓欽未之知也夜漏將盡率其黨馳騎殺遂杲於私舍已又殺都御史寇澂於西朝房斫傷閣臣李賢於東朝房挾之令上章雪己已遂焚東長安門不得入去殺吳瑾於道促攻東安門孫鏗急集官軍逐賊欽駐兵東大市街與相距天向曙其黨稍稍逸去鐸鉉鏞三人被殺欽亦受創從數騎走安定東直齊化諸門欲踰城竄又

皆不得出始復走還其家赴井死日哺天子御午門詔百官鞠吉祥於廷越明日磔諸市并磔欽等尸以徇諸達官及其親故同謀者後先皆伏誅籍其家財資將士其客馮益亦死先是欽之見寵待也附離者立至要職惟欽婦翁賀老屏居窮巷中絕不與往來欽欲予以官固拒不可故欽敗而賀老者獨得脫時人率多其智

擬明史列傳卷二十四終

康熙乙丑秋七月同里周公贊校字

族譜序

宗法之亾久矣別子爲祖繼別爲宗何謂祖別子始爲大夫者是也何謂宗別子之適世世繼起爲大夫者是也故曰宗其繼別子之所自出者百世不遷者也此先王尊祖敬宗收族之意也自世爵世祿之制廢而宗法始壞矣後之儒者亦欲講求而推行之而訖於不可得非宗法之難復也制度之變風俗之澆爲之也古者大夫三廟又有采以處其子孫今之大宗降爲編氓者多矣無廟也無田也其能率其族之賢且顯者以歲時旅薦於寢乎此不可行者一也古者族人異宮而同財有餘則歸之宗不足則資之宗子弟有歸器則必獻其上而後敢服用其次今之父兄子弟往往爭鉢金尺帛而至於怨憤詬鬪相戕殺者殆不知其幾也顧欲萃宗子與族人之衣服什器及其車馬賄財悉委諸公而無所私乎此不可行者二也古者絕族無施服然而所以重大宗者有加焉宗子死則族人爲之服齊衰三月其母妻死亦然雖大夫不之降今令甲無是也宗婦死則夫雖母在爲之禫宗子之長子死父爲之斬衰三年今令甲又無是

族譜序

一

也此不可行者三也故吾之譜吾族也不言宗非謂吾宗也悼宗法之不復而有不得已者於此也此制度之變風俗之澆也抑孔子嘗有言曰厚於仁者薄於義親而不尊厚於義者薄於仁尊而不親是故義非仁不立也仁非義不行也凡爲吾父兄子弟者苟能知仁義尊親之說而使內外有別長幼親疏有序有無相調吉凶患難相助伏臘賸蟪祭饗飲食相周旋如此則雖不言宗而宗法寓其中矣于世係宛然

族譜序

十二

鈍翁續彙卷五十五目錄

族譜序一 後序一

族譜圖

伯雨府君下一支圖 附論爲兄後

來虞府君下一支圖 附次馮公下另一支圖 附論爲外祖後

聞于府君下一支圖 附論爲未娶者後

附貞復公下一支圖

侍萱下一支圖

敘事十六則

鈍翁續彙卷五十五目錄

鈍翁續彙卷五十五目錄終

蘇州汪氏族譜

別彙二十五

一世 二世 三世 四世

得 字逸 詳見後 李海 字逸 詳見後 顯

無子以異姓子 本爲後其後從 無錫

謙 字仲虛 詳見後 道 字公達 號一朴 詳見後 五子松樺桂明 德係應出

五世 六世 七世 八世

樺 一子源澄 源澄 字世聯 絕

樺 號東亭 源 四子源涇源瀾 源瀾 絕

源 天 絕

源 天

源 天

一子定

定 絕

桂 字子芳 號感椿 源清 字世潔 一子自隆

自隆

五子建鵬建鵬 建鵬 絕

起鵬場	起鰲	絕	起鵬	號侍堂	起龍	無子以起元長 子序爲後	號敬堂	絕	善	源溪	字世發號石塘 詳見後 四子善祕言哲 著哲係庶出	絕	禧	字延之號研山 詳見後 三子起龍起鳳 起鶴	起龍	字伯雨號玄間 詳見後 十子度莊康慶 庭鼎元瑞歐潛	純翁別業	族譜	二	序	淵序係庶	起鳳	字無朋號來虞 詳見後 七子庶廣學虞 希汲源希度 源浚係庶出	起鶴	字聞子 詳見後 三子府廉齡	起鶴	字鳴和長洲學 附生	絕	言	一子起鶴	哲	號侍塘訓付壽 官	起元	字貞復	三子序廣原 序出嗣起鵬後
-----	----	---	----	-----	----	----------------	-----	---	---	----	----------------------------------	---	---	-------------------------------	----	-----------------------------------	------	----	---	---	------	----	---	----	---------------------	----	--------------	---	---	------	---	-------------	----	-----	-----------------

明	絕	德	一子巨川	昂	二子逢時遇時	逢時	絕
度	字子貞	九世	十世	十一世	十二世	十三世	
研山公長房伯雨府君下一支							
度	字子貞	九世	十世	十一世	十二世	十三世	
無子以弟廣州公為後廣州公							
配賢以幼子萬祚為之後							
附生							
球	未娶天	瑤	字仲翔	絕			
二子球瑤							
康	字子凱吳學附生	一子璫					
璫	字嘉平	二子嘉安					
嘉	字今德						
雯	字雲儀						
慶	字子美吳學附生						
玉	字子衡府學附生						

庭 字子政 一子玉	庸 字子常 二子謏詮	永瑞 原名唐侯父中樹聲 字先子官廩生 度後始更今名 字瑞來順治丁 亥進士累官廣 州知府復歸後 本生 四子樹聲樹滋 樹屏萬祚滋 屏俱列萬祚係	厥 絕 庶出嗣子貞 公後	涓 字滄洲原名盛 字符微吏員現 任太平知縣 三子瑛瑛瑛	瑾 字小瑜太學生 考授縣丞 一子儒	瑛 字紫玉	摩 字莊庄 璘 字以玠
鉅翁別業							
四							

三子璘璚璚	璚 字山文	論為兄後	琬
按魯公孫嬰齊為兄歸父後春秋書仲嬰齊卒孔子許之乎抑譏之也說者曰亂昭穆之序失父子之親不言仲孫明不與子為父孫也孔子蓋譏之也今吾子貞公天而無子廣州公幼鞠於其姪及宦於廣遂以次子為子貞公後君子善之善其不以仁害義不以私廢禮也或謂宜嗣次房長子不則嗣廣州公長子此則不然子夏曰何如而可為之後同宗則可為之後何如而可以為人後支子可也又適子不得後大宗說者曰此乃小宗不可絕之明文也廣州公其知禮意矣然則古無以長子為兄後者與曰有之子思之兄死子思使白也繼之此孔氏之變禮也			
鉅翁別業			
五			
研山公次房來虞府君下一支			
九世 庶 字鄭隆崇禎壬午舉人	十世 珣 字在之長洲學附生	十一世 潭 原名譚字處默副榜貢生	十二世 裕 字弘太學生

歲時祭告也毛之先人享之乎不享也其稱孝
孫也孝曾孫也毛之先人受之乎不受也揆之
於禮失孰甚焉然則返汪之姓守汪之祀是在
善繼廣之之志者或謂世俗往往養佗姓子爲
後爲所養後者宜如之何予曰先儒嘗言之矣
所養父母而未有後也宜立別室以祭今毛氏
有後矣有後則雖不祭可也

嗟乎人各止一本今廣之之子既以具矣毛
公爲曾祖矣復以我布政公爲曾祖是二本
也上臣易弟凡四人而惟二南有子假令異
時無子者將立毛氏以爲之後乎抑立我本
宗以爲之後乎上臣頗號讀書知道理而不
急思反本吾不得其解也或曰廣之蓋嘗分

受具於公之產矣如之何其可忘也予曰不
然外祖無嫡嗣以外孫奉外祖之命而承其
產理直詞順又何必託諸爲後以
昭此非禮之舉哉鈍翁琬琰再記

研山公三房開于府君下一支

九世

十世

十一世

十二世

膺

字元御號玉宗
詳見後

琬
字名文號鈍翁
順治乙未進士

筠
字萬次
詳見後

三子琬學朱琬
學朱出嗣樹
美公後

歷任刑部郎中
戶部主事
六子筠樹槐似
蘭數語果錄
精理場自德以
下俱出

廉

字簡常號謙小
詳見後
四子琬琬琬琬

琬

字上輯吳江學
附生
三子守益敬詩
周訪敬詩出
嗣西青後

琬

字謙字敦都
三子禮慶襲美

珮

字南贊
詳見後
無子

琬

字辰臣府學附
生
二子其辰襲年

珊

字西奇長洲學
附生
無子以上輯次
子敦詩爲後
字敦友

琬

字敦友

琬

字敦友

膺

字謝美
詳見後
二子琬琬俱場
以玉琬府君次
子學未爲後

琬

字清九號拙菴
詳見後
二子遵雅滿質
未娶天

琬

字德存吳江學
附生

子

子

論爲未娶者後

琬

或疑未娶不宜有後予告之曰古者二十而冠
三十而娶禮丈夫冠而不爲場婦人笄而不爲
場二十以上皆冠者也而可不爲之置後與禮
爲場後者以其服之夫場宜無後者也然且

有時乎置後此先王之不得已如檀弓所載童
汪錡之屬其始禮之變也而況不為殤者與是
故吾族弟項吾從子遵慧皆宜有後為之置後
者是而疑之者非也子夏曰禽獸知母而不知
父墜人曰父母何算焉都邑之士則知尊爾矣
大夫及學士則知尊祖矣夫為之後者所以重
祖福也義不繫乎既娶與未娶也而顧欲以未
娶格之是知母而不知父者也

南費之屬疾也親執兄子滿質手而立以為
後及指九與長子遵慧用繼蚤世於是兩質
後歸後其父而南費無嗣矣今吾既葬南費
夫婦歲時端視之禮不闕吾又幸有幼子景

純翁別業

主

蘇甫時俟其稍長欲命奉南費夫婦之主吾
已心許南費有日矣惟南費生而苦貧所存
僅薄產百畝耳涵質有之已久吾不忍奪也
儻吾益棺之後景蘇能繼吾志讓諸涵質而
不有則可謂之孝矣不然兄弟爭產微爾吾
日不暇即吾族亦當屏景蘇勿與齒也戒之
戒之如景蘇不有而涵質有子宜以其子繼
遵慧而身仍為南費之後庶不負南費執手
之意也夫純翁宛再記

附見

貞復公下一支

九世
廣字君浩

十世

十一世

十二世

廬字叔茂
一子順

禎字叔碧
子

侍萱下一支

九世

十世

十一世

十二世

序字爾殷本貞復
八子
四子琳珍璠璣

琳

天

珍

號玉湖
子

從居

璠

無錫
子

從居

純翁別業

主

璣

字魯玉
子

始祖諱得居蘇之長洲縣石塘橋始從張士誠軍

吳元季丁未歸徐大將軍達麾下併本衛中所

遂爲衛官籍配黃氏繼李氏合葬桃等塢北利

二尚利字圩

二世祖諱本海配王氏附葬桃等塢

仲虛府君諱謙字仲虛配陳氏附葬桃等塢

一朴府君諱道通字公達別號一朴鄉飲大賓壽

六十七配林碩人合葬吳縣梅灣山府君爲人

忠誠醇厚無疾言遽色人望而知爲長者

感椿府君諱桂字子芳一朴府君第三子吳縣學

鈍翁別業

古

生庭前有椿樹高百尺抱可三人以上因名其

堂感椿待詔文徵仲先生扁其額遂以此自號

享季四十六配李碩人附葬梅灣

石塘府君諱源漢字世發別號石塘感椿府君次

子享季六十五以孫起鳳資贈中憲大夫江西

右參政葬梅灣新阡配盧淑人享季七十三葬

長洲縣廿四都奉字圩

研山府君諱禧字延之別號研山石塘府君次子

萬曆丙子舉人享季五十七以子起鳳資累贈

中憲大夫江西右參政配周淑人享季六十六

合葬吳縣寶華南火字圩新阡府君畱心經世

尤長天官地理之學至今吳中談地理者俱推

服不衰行實另詳墓誌銘及別傳

聞于府君諱起鶴字聞于研山府君第三子廩例

太學生生萬曆戊寅九月十日卒己未七月二

十四日享季四十二配湯碩人生萬曆己卯正

月二十五日卒崇禎戊寅八月五日享季六十

合葬吳縣邵畝山十九都十八畝賓字圩府君

性嚴整爲學嗜古文詞所作時義典麗有則其

名與伯仲相頡頏自仲兄來虞府君既賢益閉

鈍翁別業

圭

戶循謹未嘗有世俗賢介態士類歎息以爲難

玉淙府君諱膺字元御別號玉淙聞于府君長子

天啓丁卯舉人生萬曆甲辰七月十八日卒崇

禎甲戌七月八日享季三十一所著有寸碧堂

彙行世以子琬資贈奉政大夫刑部郎中配徐

宜人生萬曆乙巳三月十八日卒順治丁亥十

二月四日享年四十三合葬吳縣堯峰新阡行

實另詳先府君事略

附見

伯兩府君諱起龍字伯兩別號玄間研山府君長

子附例太學生鄉飲賓享季六十八以子永瑞
賢贈中憲大夫刑部郎中配張恭人府君爲人
仁厚與人言惟恐傷之吳中稱府君謂陳太丘
王彥方復出也

來虞府君諱起鳳字無朋別號來虞研山府君次
子萬曆辛丑進士歷揭陽知縣工部郎中江西
右參政按察使廣東左右布政使兼提督學政
擅權遣使人廣以催辦竹木爲名陰謀立生祠
有劣處經歷陳嵩者倡其議府君怒杖而逐之
由是忤忠賢適會推浙江巡撫矯旨勒令開住

純翁別集

去

崇禎初復補原官分巡海南道卒於任享季六
十配徐繼丁皆淑人府君行實另詳季譜及吳
縣志

讓水府君諱廉字簡常別號讓水聞于府君次子
長洲恩貢生以推官改授鄰縣知縣蒞任未幾
暴卒享季五十三配袁氏享季五十七
樹美府君諱廕字樹美聞于府君第三子享季二
十九配吳氏享季三十二

拙菴原名琰字摺九改名學朱別號拙菴玉淙府
君次子吳江歲貢生出嗣季父樹美公後享季

四十一一時文譽翕然所著有拙菴四種藏於
家配袁氏享季四十五

南費名珮字南費吳學附學生玉淙府君第三子
享季二十八配王氏享季三十六合葬姑蘇山
下行實另詳墓誌銘

伯子筠字禹吹吳江學附學生純翁長子妣袁室
人季三十二所著有箚菴遺藁行世娶毛氏無
子純翁權命叔子穀詒爲之後

符魯成公幼子生而有文在共兩手左水右

王因命名曰汪其後遂以爲氏

純翁別集

主

重諱決不爲此非禮之舉食采近是

有名人

見於禮記及左氏傳漢建安三季有名文和

者爲會稽令始居新安

之族至唐越國公

於是子姓蕃衍散而佗之徧於吳越江楚之

間旁及隴右史家所謂旺古族者皆其裔也

宋元以來以文章釋褐登執政列侍從者指

不勝屈而吳越爲盛若吾宗不知徙自何時

或云自新安來居平江之陸侍郎橋橋在今
府城閭門內世系久遠疑莫能詳也故斷以
明初隸蘇州衛官籍諱得者為始祖云

蘇州汪氏族譜

鈍翁續纂

木

鈍翁續纂卷五十六目錄

先府君事略二十四則

續纂卷五十六目錄

鈍翁續纂卷五十六目錄終

先府君事略 共二十四則

別彙二十六

奉獎齊郡山濤書事魁坊 宛謹述

府君棄諸孤蚤薨不及習知嘉言善行稍長所聞於先宜人及舅氏徐仲威先生仲父鄞縣府君者特什百之一二爾宛再四追繹用敢述其所知闕其所不知恆兢兢以上誣先德下疑後人爲懼絕無誇詞廣語庶幾可免罪戾云

府君童季卽喜爲詩方從蒙師張咸所先生者游每課讀稍暇輒私賦一詩既就必乞張先生和先生謝不能必強之咸章予幼時猶及見小冊

鈍翁別彙

卷二

三四葉有殊筆圈點絕精工皆府君在童塾與先生聯句詩也

先宜人來歸時府君方延名儒陸君飛先生於家陸先生有時譽持師道甚嚴重每夜整衣冠相對誦讀不五鼓不止府君臥聞鴉鳴卽起趨書塾如是累月遂大病祖母湯碩人與會外祖母徐素鍾愛府君憐其質脆又不敢聞諸陸先生私以錢賄持更者命移更鼓差蚤冀府君得稍息也不期季府君學業大就

甲子科府君初赴鄉試文學益振先是申文定公

與研山公爲研席交文定長子尚書玄珠公聞府君才索闈墨觀之歎曰此必速藝者也聞于爲有子矣

甲子臨試時府君猶未諳二三場文體張咸所先生以爲言因取程表一篇示府君府君讀一過曰易耳其後丁卯中式表最華瞻詳整爲士林傳誦

府君爲文敏速每與交游文會必後至見題必周行室中二義腹藁俱就方入坐落筆往往日甫午也同會者問府君磨墨聲卽驚相告曰汪元

鈍翁別彙

卷二

御文已了矣吾輩未成一義如何

府君在闈中起七義藁略不停筆旣成稍點定數字而已昏時卽已出闈每試皆然

丁卯試二場府君將出投卷方踰號房門有江北一士子力持府君衣乞觀判語府君不得已爲展卷始悟判未屬草也復返本號補之是科中式

府君戊辰下第歸未踰季卽過疾辛未計偕強扶疾至淮賦數詩而歸竟不復赴公車矣府君嘗改服如黃冠佩劍憑一童子登陽山詩

石上不列姓名見者或疑爲僂又嘗與友人步
登大石雲泉菴燒筍食之冒雨疾趨下呼酒痛
飲竟夕於是始病咯血

府君喜游山水晚季既病輒寓居虎丘及西湖上
或累月忘返遺槩中最多虎丘武林詩

府君好琴有琴師潘正初者朝夕游予家每遇風
月之下府君數自鼓一二曲雖冗不廢也

張咸所先生鰥而貧依府君居府君常賃屋三間
爲置一爰衣食皆自府君出予幼時猶嘗過其
室見之府君不遺故舊如此

鈍翁別集

三

府君病咯血猶苦吟不已先宜人微規之府君曰
時義不傳所賴以傳者詩耳微此吾其朽矣

府君季未三十以病故鬚髮有白者嘗在西湖上
賦見白髮寄兩弟詩落句云我欲徧教頭上白
與君俱作看山翁真蹟猶在

府君行楷書仿趙文敏公能入其室得者頗寶重
之

府君孝友仁愛雖下至家人亦竟歲不加譴有僕
張華者頗耽酒府君嘗投一柬命馳往友人家
此僕出與同輩痛飲市中至昏後竟歸醉臥明

且呼問之此僕略不省前命所授束亦遺去府
君僅詬詈一二聲而已

府君膏醲千金會友婿子朱某者與焉朱斂得親
友金卽佗遁貽累府君代償每索者至門先空
人微有慍色府君怡然不屑也

府君好用竹弩習射或游壁外必命童子負弩以
從

府君與錢家長姑最友愛府君病篤姑泣禱關壯
繆像前且曰神昆弟異姓尚昔同生歿況氏親
手足乎吾弟病不起氏不願生後果繼府君而

鈍翁別集

四

歿相距僅三月耳知者皆以爲異

琬童時絕犇劣府君頗不甚督責嘗私語先宜人
曰二郎異時當有成就二郎謂琬也府君旣歿
宜人數引此語勉琬力學琬今老矣猶碌碌如

此負兩大人之訓痛哉

琬甫六歲嘗夜侍府君及先宜人飲府君忽詢琬
若長大欲富乎欲貴乎琬以對府君問故琬
率爾曰賢則富可期也府君指琬訶示先宜人
曰此子不材異時將以墨敗琬故居官頗自謹
飭益不敢忘府君訓也

府君分受先世遺產僅三頃所居在城西委巷直
僅三百金平時恥事干謁登鄉榜七春有司莫
識其面晚益嬉遨山水間由是家益落先立人
始則典質簪珥繼則百方假貸以資府君藥餌
府君性蕭灑未嘗置問也

書屋僅兩間其庭植竹數十箇梅桂各一本而已
後於居旁闢地一區又悉以植竹府君既歿地
遂蕪廢不數季竹亦糾矣

府君在西湖上嘗泛舟戲訪小青舊居有詩云回
波俗影指痕鮮倩女游魂未可傳最是春風能

鈍翁別集

五

寫照西泠流水斷橋煙又溼雲如髻水如鬟處
士東鄰俗玉顏千樹梅顰愁不墮小青只合嫁
孤山二詩不載集中或以小青傳益出好事之
筆本無其人故邪

先府君事略

鈍翁前後類彙一百十八卷

內府藏本

國朝汪琬撰琬有堯峯文抄已著錄始琬請告以前
所作詩文自輯爲類彙六十二卷先刊板置之堯
峯皆山閣其歸田後十三年之作則輯爲續彙三
十卷又取明史列傳稿一百七十五首附以汪氏
族譜及其父行畧爲別集二十六卷有周公黻者
爲校刻之後琬復自芟擇取其愜意者爲堯峯詩
文鈔屬林佶繕本刊行世間多有其本而類彙原
刻遂不顯矣

改亭文集十六卷詩集六卷

〔清〕計東撰

中國人民大學圖書館藏清乾隆十三年計

濱刻本

附《四庫全書總目·改亭詩集

六卷文集十六卷》提要

改亭集者亡友計君甫草所爲古文。文章蚤負盛名交遊皆海內知名士。遊中州過予邑交徐恭士恭士予石友也予亦因以定交明年君舉於京兆後四年江南奏銷案起結黜籍遂絕意仕宦而君家故貧母老勢不能不養殯於客故自京師北走宣雲南歷洛漳邢魏東之濟兗所至虛館設席爭以禮下之故宗伯王文貞公與今相國宛平公父子間尤器重君常欲薦君會

今上舉博學鴻詞科天下材藝之士皆徵詣

改亭集序

闕而君不幸先一年歿矣此知君者所以爲之絮歎涕洟而惜君之不遇也憶予交君時甫逾弱冠君與恭士長於予皆十年以上君一見盛相推許且曰異日功名嚴鄭公李贊皇流輩也予愕不敢應爲面發赤而心忤忤者久之其後予起家郡倅歷曹郎俛仰二十餘年乃遭逢

聖天子特達之知誤被拔擢自畿輔觀察不數年遂把節旄再移重鎮自顧充位竊祿碌碌無所豎立負媿我友每追憶髫語予之面發赤而心忤忤者益日益甚也因而屈指君之歿且將廿年恭士

歿亦四五年而予亦已衰老矣今官君之鄉序君遺集其能無車過腹痛之感也夫君常謁吾鄉湯潛菴講程朱之學又從長洲汪鈍翁講歐曾之學故論有原本其文醇正和雅已足自不朽於世無待予言故弟追述疇昔知已戲笑之語以識予媿云君名東甫草其字吳江人子默好學攻文章能世其家康熙癸酉三月商丘宋榮序

改亭集序

二

原序

信乎詩文之以好遊而益工也予友計子甫草來京師出其中州所作書序記銘五七言雜詩若干篇予受而讀之而爲之三嘆也蓋甫草自春徂秋徧遊大河之南北其車轍馬蹏之所及率皆明季時戰爭舊壘也故其戈頭矢鏃陰燐遺骸往往雜出於頽垣壁田荒烟蔓草之中見之恒有蒼涼壯烈憤然不平之餘思則其爲道途逆旅諸作也宜其多彷徨而悵惻踰河涉洛遙望嵩山少室蘇門之勢秀其間長林修竹飛瀑清湍綿互而不絕至於苑園鴈池銅臺紫陌之旁日落風號狐啼而鵲嘯雖欲問梁孝王之驕侈曹氏高氏之雄豪意氣而眇乎遠矣則其爲登臨懷古諸作也宜其多幽陷而深長所遇賢士大夫與夫王孫貴胄下暨酒人俠客賣漿屠沽之徒藉名而更姓者猶不失中原文物之遺焉幸得追隨其步趨而相與上下往復其議論無不動心駭魄可歌可涕則其爲往來贈答宴飲別離諸作也宜其多激昂沈鬱而出之以頓挫然則甫草所作之工蓋至是而蔑以加矣昔太史公足蹟幾半天下而子美太白亦嘗跋履

改亭集原序

一

齊魯秦蜀荆吳之間故能出其所得名當時而傳後世詩文之道雖古今人常不相及而要之以好遊而益工則固千載以來雄才傑士之所同也方予之少也亦欲藉區區之翰墨與甫草相角逐及一旦繫官於此無山爲名山大川千里之遊以壯其氣而開拓其耳目於是學日益劣識日益卑而才華亦漸以凋落蓋有媿於甫草多矣况敢遠望古人乎顧猶欲竭其困陋爲甫草序此而不辭者何哉夫亦以志吾愧也長洲同學弟汪琬拜撰

改亭集原序

二

傳

孝廉計東字甫草改亭其別號也吳江人而籍嘉興父名故名士君自幼跳盪不常父憂之先輩吳翮獨器之曰此非常兒年十五補諸生僚於庠文譽日起會遭世變不願應舉家居取十三經二十一史諸書盡讀之求義理旨歸治亂得失之要下至權衡兵法陰陽占候之術靡不通習嘗著籌南五論于閣部史公公奇之時人未之測也久之丁父喪家多難母老貧無以養於是慨然投袂出試於有司辛卯中乙榜乙未貢入太學丁酉舉京兆

改亭集傳

一

第七人

御試第二名動長安時吏部選人集者千餘聞唱君名相顧謹曰是江南計甫草耶爭迎而揖之然君三上春官不第旋遭奏銷一案呈誤被黜黜後十六年嬰瘍疾以歿歲止五十有二嗚呼君之一生盡於此矣君既放廢不得志出遊四方嘗自京師北走宣雲南歷洛漳那魏東之濟兗遍覽山川雲物草木蟲魚之狀所至結交賢士大夫相與銜杯贈言而去故其詩文口富縱橫跌宕務合古人之法亦極其才力而後已其在吾吳狎主齊盟與

我輩橫經說劍議論風發一座盡傾間或激不平之鳴嘻笑怒罵無所不有見者怪之予笑曰此狂奴故態耳然君內行修謹事母至孝友于同父兄弟推及羣從皆親且愛之有才子準早天築思子亭以孝貞女宋氏合葬其情有足悲者座主曹學士宋中允之歸也君以醫藥侍疾於揚州流連不去迨歿悉經紀其喪友人吳兆寬流徙出關君周恤其家以愛女字其弱子吳既赦還復緣秦銷累君割產以償君讓還其半相如如初則其于家庭師友之間可謂無遺憾矣又徵其逸事嘗在鄴城

改亭集傳

編尋謝茂秦葬處得之南門外二十里頗墮荒草中賦詩弔之因請當事爲封上三尺禁人樵牧其上立石誌之曰明詩人謝榛之墓又過順德憇逆旅忽念歸震川昔佐此郡有廳記所稱獨步空庭槐花黃落滿階砌殊微然自得及衙內一土室戶西向寒風烈日零雨飛霜無地可避者其遺址在否遂徒步入城遍求不可得乃於郡署旁廢圃中設瓣香流涕再拜而去道旁觀者皆大笑以爲狂生也又至禾中金明寺上陶朱公書自稱世通家索其始祖計然七策以爲致富之方其落拓自奇

若此君在宋中一見今中丞宋公牧仲歎爲俊傑非常以嚴鄭公李贊皇許之公愕不敢應今君歿二十年而宋公開府江南聲望赫然世皆稱君爲知人故改亭集之刻宋公序以傳焉

論曰計子卒後三載

天子開博學鴻儒之科拔置詞林識者謂使君而在不當首是選耶有其一才無其時良可惜也吾聞君之先人嘗作蟄菴命君讀書其中君亦爲文記之昔賢有云丈夫得時則龍蛇不得時則蚯蚓夫龍蛇蟄也蚯蚓亦蟄也計子之道其殆終於蟄乎

改亭集傳

長洲同學尤何讓



改亭文集目錄

中華書局影印

卷一

序

孝經大全序

擬 御製文獻通考序

淮揚水利考序

杜詩輯註序

呂忠節公全集序

謁呂新吾先生祠堂詩序

都門三子傳後序

改亭文集目錄

冬夜語兒箋記序

程存齋文集序

寶翰堂詩集序

純翁類彙序

鄭次嚴奏疏序

汝穎詩集序

徐健菴集序

曹頌嘉文集序

卷二

序

同書補遺序

千頃齋藏書目序

事類賦序

董文友文集序

汪蛟門詩集序

王壺堂詩稿序

西堂雜組二集序

漢中錄序

竹林集自序

偶更堂詩集序

改亭文集目錄

瑞木記序

王爾玉詩集序

西松館詩集序

鴈政諸序

吳堃人詩序

雲間贈言冊序

晉遊詩集序

劍嘯集序

董吳子詩集序

卷三

序

周易大義序

山西文水縣志序

定興縣志序代

李侍郎奏疏合編序

容齋詩集合選序

錢湘靈文集序

周櫟園畫冊序

譚鹿柴十集詩序

葉藻廬制藝序

王子重五經制義序

劉子登文稿序

寄筆公憶慈齋稿序

彭梅谿落花詩序

趙長洲詩集序

招鶴集序

許師六詩草序

愚菴小集序

蓼花洲倡和詩集

顧天石詩集序

卷四

序

甯益賢詩集序

菊隱贈言冊序

顧氏家譜序

詠史詩序

游晉草序

樹滋堂文選序

王子重詩集序

南昌喻氏詩序

潘園藝序

嚴方貽稿序

賈靜子先生私制策序

姜西溟真意堂論序

李草樓制藝序

許力臣小品十九首序

贈雷伯籲王築夫序

贈汪蛟門沈康臣宋中郎陳椒峯諸進士

序

贈孫焦穫序

贈姜西溟序

卷五

序

贈彭元定序

贈宋牧仲序

贈徐山仿序

贈侯貽孫序

贈侯開公序

贈陳子萬歸宜興省兄其年序

贈陳子萬至京師序

收亭文集目錄

五

贈田都諫序

贈趙明遠序

贈黃繼武序

贈陳翁餘序

贈王又沂序

贈朱菊廬歸覲序

卷六

序

贈孟伯健序

贈張生牖如之京師序

贈胡濤公序

贈李魯玉序

贈王孟穀序

贈韓燦之之浙江幕府序

贈朱菊廬序

贈朱庭怡序

贈余鴻期序

贈費幼服序

送安陽令單耐菴致政序

送錢礎日遊泰山關里序

收亭文集目錄

六

送黃復仲序

送孫無言歸黃山序

送王藻儒南歸序

送表弟董方南南歸序

送文與也序

卷七

序

送吳生虞升歸吳門序

送唐萬有游廣陵序

送蔡立先還九江序

送王子重還楚序

送張生鵬如南歸序

賀繆念齋狀元及第序

太保王先生七十壽序

倪伯屏先生七十壽序

嚴太夫人壽詩序

兵備副使方公壽序

陳胤倩壽詩集序

宋旣庭五十壽序

張禹定九十壽序

倪母朱夫人壽序

郭母張夫人壽序

張九臨五十壽序

從祖需亭先生七十壽序

需亭先生家慶詩序

聖初兄五十壽序

卷八

記

宣城施氏義田記

志濟縣子貢墓記

沂州朱氏孝友世德記

武氏三烈記

揚州史氏宗祠記

嘉定侯氏宗祠記

卓氏傳經堂記

戴公石泉畫像記

韞光樓記

黃州朱氏祠堂記

見山樓記

卷九

記

改亭文集目錄

八

蘭言堂記

寶日堂記

寄圃記

看雲亭記

澹園記

懷岫軒記

想想園記

穀似堂記

百一齋記

獨倚樓記

十二硯齋記

潁州劉氏英德石記

游白蟹泉記

習齋記

潁州菊花記

蠶菴記

香傳偶記

卷十

書

改亭文集目錄

九

上栢鄉相公論聖學知統錄書

上太倉吳祭酒書

上太倉吳祭酒書

答汪鈍翁書

與丁約園書

與某人書

與周櫟園書

與宋牧仲書

又與宋牧仲書

與同年錢湘靈書

又與錢湘靈書

與周鹿峯書

與門人吳藹書

謝諸生徒書

與黃俞邵書

與李吧瞻書

示倪師留論文書

與錢礎日書

卷十一

論

改亭文集目錄

十

籌南論一

籌南論二

籌南論三

籌南論四

卷十二

論

籌南論五

李白論

答諸弟子論詩 二十五則有序

河源考

冉伯牛墓考辨

卷十三

碑記

恒陽書院碑記

河南重建省城碑記代

北嶽廟碑記代

潁州重復西湖碑記

潁州重建文昌閣碑記

傳

盧中菴先生傳

改亭文集目錄

士

楊烈婦傳

雙烈傳

胡封公傳附翁張二夫人傳

胡封公機石先生傳

胡宛委先生傳

從弟諫草家傳

姑吳孺人傳

卷十四

祠堂碑

順德建歸震川先生祠堂碑

山西夏縣重修官署碑

墓誌銘

前明資德大夫正治上卿戶部尚書侯公

墓誌銘

前明通議大夫兵部左侍郎都察院右副

都御史葉公墓誌銘

貢士侯君墓誌銘

前明江西道監察御史贈太僕寺卿謚忠

烈吳公墓誌銘

繆君孟思墓誌銘

改亭文集目錄

士

潁州許烈婦張氏墓誌銘

族嫂烈婦湯氏墓誌銘

鈍翁生礦誌

卷十五

墓表

清故山東登州府推官彭公墓表

前明誥封太僕寺卿宋公墓表

前明誥封太僕寺卿前新安縣知縣宋公

墓表

祭文 誄附 哀辭附

祭楊太公文

祭冢媳孝貞宋女文

宋恭人誄 并序

吳振六哀辭 有序

卷十六

行狀

前明太僕寺卿溧陽宋公行狀

清故江西布政使司參議分守南瑞道宋

公行狀

清故中憲大夫內國史院侍讀學士曹公

改亭文集目錄

三

行狀

宋疇三行狀

徐安人行狀

嚴母顧太君行狀

叔父文輅府君行狀

先孝廉文舊分四集曰甫里曰汝穎曰

竹林曰中州其詩則總名狂山吟然亦

分數集焉迨長洲汪先生刪甫里以下

諸文都為改亭集而嗣子葉村老人因

遂悉編狂山諸吟別為改亭詩集其任

而刻之者為商邱宋公山右王公行於

世已五十餘年矣顧自葉邨歿後緘滕

不慎板歸蟬蠹家甫培廷府君有志重

刊命兄 金 載其書藏讀書樂園將讐對

以付剞劂氏後以易簣不果戊辰長夏

無事追念前修竊感孝廉之清文與府

君之素願不能無待於後爰與兄子 嘉

禾較勘遺謬其有原刻漏略而家彙可

查者則是正之否則謹從原闕以志敬

慎凡三閱月而竣事其襄伙校督以速

改亭文集目錄

古

潰于成者則族叔 泰 之力為多焉八月

望日從孫計 璜 謹識



收亭集卷一

吳江計 東南草著 從孫 瓚 全姪 嘉禾 重編

孝經大全序

敬讀河南新安故大司馬贈太傅謚忠節呂公諱維祺兵部尚書崇禎未殉洛陽之難所著進呈孝經大全卒業歎曰至矣哉以東所見前賢註釋箋記孝經凡百數十家未有若忠節公之詳切明備使人悚然改觀者也孝弟之道雖曰孩提之童無不知愛知敬可以不學不慮自然合於要道此以論率性則然若以語乎修道則孝經亦但舉其大綱而已其曲折纖悉必合三禮家語小學及漢宋諸儒箋註各經之章句彙觀而分晰之然後知一語一動一食一息之節莫不有仁人孝子不敢過不敢不及之義雍容肅穆中乎情文之矩矱者在焉此修道之所以率性也嘉隆以來學者大率宗姚江之教以不學不慮爲宗至心齋近溪益主直指人心見性卽道之說海內靡然從風其最易動人者於孟子孩提之章尤三致意若是是無論三禮小學諸書可廢卽孝經一書舉其大綱者皆可廢而不讀也夫不合三禮小學諸書之言孝者以箋釋經文不知孝

道之廣大而精微也不合他經所載曾子之言及漢宋諸儒所推述曾子之孝行不知孝道之篤實而神變也忠節公生平以講學爲已任首致力乎德本而博採載籍編成此集進呈之疏十數上而不倦忠愛之意彌綸乎天地經曰資于事父以事君公之盡瘁報國從容就義于註孝經之時早矢之矣此可不學而能者乎東益以嘆姚江之教心齋近溪之專主率性不言修道者卽於孝弟尚未得其全而公之書爲粹然無弊也

擬 御製文獻通考序

朕惟自古典謨訓誥所載以堯舜禹湯之爲君皐陶益稷伊尹仲虺之爲臣動色交儆不越廸德修身求賢致治諸大要未嘗一言及於學也至高宗傳說君臣之間始諄諄曰學古訓曰師古曰求多聞而學之義始備豈高宗傳說之好學更急於前人歟蓋堯舜禹湯之時前之成跡尚少故卽其身之所以修德求治者以爲學迨其後歷年愈久更事愈多成憲愈具則學古者有獲循跡者無迷前事之不忘後事之良規也豈不信哉自黃帝建元以來至於今歲凡歷年四千三百七十有一其間

世運之治忽人事之得失昭然可見者先是宋儒
賅舉大要發凡起例稱三大部書國史以紀人爲
體通鑑以紀年爲體紀事本末以紀事爲體然稽
古者每苦於分類之未明繁簡之未當於是三通
之書始出然通典失之簡通志失之繁獨通考爲
得中其爲類二十四爲卷三百四十八其自敘云
採敘事之言以爲文採論事之書以爲獻本經史
歷代會要及百家傳記以爲文取先臣奏疏諸儒
評論裨官紀錄以爲獻煌煌子大而天地之經緯
小而昆蟲之名狀凡有裨於學殖者莫不分彙列

改亭集卷一

三

目具載卑備誠學古者之津梁而求多聞者之標
準也朕嗣守基緒念先皇帝勤學孜孜御製
資治錄洗心錄大訓諸書垂裕後人朕惟隕越
懼用敢就蒐舊籍擇可助廷臣師古之資以啓沃
朕心者命工鐫文獻通考一書頒示在位且俾朕
萬幾之暇瀏覽大略其於君臣上下迪德修身求
賢致治之要義或不無小補云爾

淮揚水利考序

從來河漕重臣經理運道自臨清以南清河以北
荒度之功不敢不至至淮安以南瓜洲以北運河

三百里則視爲內地安瀾不甚加意惟淺則挑濬
潦則宣洩以爲故常而已今乃有大不朕者向恃
高堰翟壩周橋一帶之堤障遏淮泗使不得闌入
內河而藉全淮之水力注清口合黃河刷其沙以
入於海者今且嚙左隄而灌高寶諸湖水力分而
愈弱河蹶其後沙淤其下運道梗而湖水溢民與
漕交病矣向恃芒稻運鹽兩河爲諸水入江之口
廟灣雲梯關爲淮黃入海之口又必藉白塔河四
閘及丁溪石碇等閘以廣其宣洩節其浩瀚者今
則故道淤塞以滔天之水勢僅求出于瓜儀兩師

改亭集卷一

四

之間則漕堤屢潰民田與鹽場盡湮而淮揚兩郡
岌岌乎有陸沉之患矣於是爲利漕利民利商
之計者建上流中流下流之規畫曰增築高堰曰
固塞翟壩周橋曰復天妃下閘此治其上流也曰
開涇河大閘曰開黃浦子嬰雙牖此治其中流也
曰濬芒稻河曰濬白塔丁溪石碇諸閘以暢其入
海之路此治其下流也建白紛紛無不瞭若指掌
天子旣命重臣專董其事而史子壽平復彙諸
家之論著爲淮揚水利考全書將以獻之當寧
蓋重臣爲立功之事而史子爲立言之事其勤于

王家一也何堤宜復何築宜增何決口宜塞何故
道宜濬何利于商不病于民何利于漕又不病于
民每有立功者見聞未及而一二韋布未遇之士
生長其地平居討論精密出其一言可以佐成功
而不難者若史于此書亦其一也顧未知立功者
能虛已採聽之否耳然吾嘉史子立言之志有過
人者矣

杜詩輯註序

杜詩千家註最爲紕繆宋本之善者有二分體則
吳若本今虞山先生所箋是也編年則蔡夢弼本

收亭集卷一

五

吾邑朱氏長孺所輯註是也長孺與先生以杜詩
契合天下莫不聞始則彙鈔既則分出皆先生所
命乃好事者以說有異同遂指斥爲罪夫古人誤
述不求立異亦不肯苟同劉向立穀梁春秋子歆
乃好左氏是父子不必同也蘇子瞻作論語說子
由辨正之謂之拾遺是兄弟不必同也呂大臨爲
程正叔門人其解論語不盡用師說以至歐蘇之
解吳天有成命朱蔡之解金滕皆各持一論師弟
子不必同也呂東萊讀詩記辨思無邪正雅鄭衛
南陔六詩大與考亭相擊排及呂記板行考亭爲

作序古人豈以異說爲嫌哉先生箋杜搜奇抉奧
海內承風然洗兵馬謂深刺肅宗而或以爲輔國
離間乃上元間事不當逆探其邪哀江頭謂純感
貴妃而或以爲清渭劍閣乃繫思舊君不與長恨
同旨羽翼懷商老本爲廣平而興思文公賞從臣
非因疎斥而含慙至如嚴鄭公栢中丞諸事實又
各有考証何妨兩存其說如必以所見異同之故
遽坐爲罪則是傳春秋者左氏之外不必復有公
羊穀梁公羊穀梁之外不必復有鄒夾啖趙說詩
者止宗卜氏序不當復有齊魯韓毛四家與他氏
之箋註訓詁也而可乎若曰前輩之書不應節取
則考亭仲默所引某子曰某氏曰者皆當坐以姍
侮前賢之罪乎今先生之箋盛行箋本所未及者
又於輯註備之蓋長孺在先生館齋三年叩鳴如
嚮者皆具焉則兩集並行正猶滙江之漢麗月之
星非相悖而適相成也至長孺窮老力學博極羣
書尤殫精經術所以嘉惠後學者甚大亦不僅杜
註爲不朽也彼饒饒者何爲乎

呂忠節公全集序

嘗覽明天啓間朱童蒙攻劾首善書院講學諸先

賢一疏歎爾時人心淪喪若此天下事又安可言乎時維馮恭定公特救鄒忠憲公一疏讀之使人興起今之講學者但知我鄉高顧兩先生江右鄒先生而知關中馮先生者頗少至伏節死義從容赴難之臣後之有志史學者直以忠義目之不知其平日之篤志講學有見于性命之原者其道甚微非可以倉卒大節容嗟尚論遂謂已得其生平也新安呂太傅忠節公馮恭定友也恭定講學於京師於關中忠節講學於中原於鍾山學者翕然從風其意本之首善書院諸先賢與高顧兩先生

改亭集卷一

七

同心唱和顧與馮鄒俱以壽考終而高公呂公一陷于囿一陷于寇皆從容殉節使天下曉然知平日講學之實效可以塞朱童蒙輩譏謗之口每竊讀其遺言如置身諸先生講席間得與聞乎性命上達之旨也夫孔子論志士殺身之事不言義而言仁其指微矣非同心之人相與居平講論擇之精而語之詳烏能臨難不苟免哉東生也晚不及事忠節公而我宗人瞻今公實爲忠節之高弟因得私淑焉南北遙遠未獲盡見公語錄以爲深念近幸得文公次君叔玉屬東序其先集始盡讀公

著述益信向之所聞于講席者不爽竊自慰勉焉叔玉性端凝正直能文章成進士後益砥礪志節不愧公之令子故余樂與之游每與談先輩講學之事慨然興懷因序忠節公集而并及之

謁呂新吾先生祠堂詩序

東八九歲時見先君子手一編曰四禮翼者曰豎子識之此近日理學大儒寧陵呂大司寇新吾先生所著書也東自是始知有先生矣稍長從學于念臺劉先生命讀吾鄉高顧兩先生遺書及鄒忠憲公集往往見有與呂先生往復論學書乃益習

改亭集卷一

八

知先生之學以篤敬爲本以踐履爲宗以救世及物爲體驗以修明禮法敦倫彰教爲已任非空談性命爲講學者也蓋是時天下承王文成講學之後皆直指本體其流弊至泰州王艮之徒顏山農何心隱輩尤任尚自然好言不學不慮舉凡慎獨主敬之學皆訶之爲增添爲外鑠爲桎梏天下利其便于私也翕然而宗其教高顧兩先生崛起深憂人心之陷溺乃一以程朱爲宗而救之而一時王塘南輩矯激之過遂以文成之害甚于洪水猛獸亦非其平也獨呂先生生長中原身肩正學既

不惑於秦州之徒之說亦不偏袒高顧爲過激之論博實深醇循循勉勉務求其學之至是者以一身爲天下後世所宗式而已東爲黃岡夫子所取士而夫子又先生孫比部公所得士予獲以淵源之誼事先生之孫遂得登先生之祠縱觀遺書以大慰其三十年來仰止之至願東不甚幸且樂矣乎獨是東敬詢先生之里人云今比部公之容貌甚類其祖而東竊黯然念吾黃岡夫子之容止氣度又甚類其師未知我夫子之學于師而得之耶抑未知天下之道深而德厚者其容止氣度孫必

有以類其祖而弟子必有以類其師也昔司馬遷自以遊山東觀孔子廟堂車服禮器徘徊不忍去而小子東乃得逮事先生之孫以自附于門下上之後又豈僅車服禮器之陳跡歟緬讀諸名公謁先生祠堂詩首唱若大宗伯王文安公次和若今相國栢鄉魏公大司寇東谷白公少宰念東高光祿環極魏公太史吳廬王公大參愚山施公太守草樓李公暨吾黃岡夫子凡數十篇皆斐然可誦東徘徊其間而不能去也乃奉比部公之教爲序其詩以比于史遷之賦高山焉

改亭集卷一

九

都門三子傳後序

韓昌黎曰身在貧賤爲天下所不知獨見遇于大賢乃可貴耳予讀宛平王先生所著都門三子傳爲法狀久之也以彼三子抱磊落不可羈之才終其身佹倖阨塞以歿既無攀援氣勢之力可以貽其子孫而又未嘗著書立說可垂空文以自見使先生不深念之爲立傳以不朽彼三子者泯滅久矣今天下誰復知三子哉使三子不早歿或能老其才于先生貴顯之日我知先生必有以振之泥塗之中不使其佹倖阨塞以終其身也天能困三子于生前使不遇于尋常當路之人而不能終抑其名于身後使之不見遇于大賢何爲也豈天之心不能勝先生憐才之心抑以三子之才天雖忍之使不得志于生前而終不忍其泯沒于身後特假手于先生使傳之不朽也雖狀使三子者窮不極困不甚其所爲詩文與畫必不工其特立獨行之槩必不能見信于先生俾先生憐之如是之殷而傳之如是其工也嗟乎三子者之與先生交則誠厚矣世俗當友朋之生存卽窮達懸異或相見眷眷有故人之色及其歿後而墓有宿草焉忘之

改亭集卷一

上

矣縱存歿不同或貧賤悒鬱略同則因已之失意而追悼亡友之不得申其志者亦有矣若已既貴盛而眷眷尚有亡友不遇時之悲者幾人哉彼三子者何以得此於先生也夫以先生今日交游中豈遂乏三子者此乃先生曰自三子者歿予獨徘徊無所之嗟乎可思也今天下負奇氣能文章而顛連廢棄于天地之間求一人知已不得見先生所論撰三子傳想見先生憐才之心願得如先生者事之當必有傍徨累歎而不去者矣

冬夜語兒箋記序

改亭集卷一

上

說部之體始於劉中壘之說苑臨川王之世說至近代尤夥然或摭摭昔人著作恣其褒刺或指斥傳聞見聞之時事意爲毀譽求之古人多識蓄德之意亦少鑑矣讀敬哉王先生冬夜語兒箋記始快朕稱善也先生之書微之見性彰之律躬內之持心外之應物約之律歷經史皆挈要之言博之卽先賢一言一行之善下及稗乘虞初增訛失真者考核是正爲勸則輒近之姓氏必表而出之爲戒則僅紀其事而不著其人故其體製嚴而賅其川心仁以恕其立言皆可爲天下後世法非僅僅

先生家庭訓告之書如詩所云貽厥孫謀以燕翼子者也抑冬者歲之餘夜者日之餘魏董遇舉之爲天下勞人讀書之勸今以先生之貴且壽如此而好學不倦寒宵篝燈擁爐呬唔不輟諸公子環坐其側聽其緒論退爲箋記以成此書斯誠天下希有之事亦天下希有之樂也傳稱衛武公年九十餘好修彌勵卽詩所稱夙興夜寐洒掃庭內觀之則知人之不懈於學者清明在躬志氣如神自能爲景福自能爲上壽凡答祥錫福之說人特援天以夸大之爾東每誦先生之著述而輒爲先生賀無疆之慶者蓋稽之經術有以信其必朕若曰著書立說可傳之後世以是爲先生序是漢之乎淵先生也

改亭集卷一

上

程存齋文集序

先生諱隱登字孟山山西長治縣人存齋其號也生正德丁丑卒萬曆癸巳以孝廉歷官睢州延慶州太守其政績在兩州志不具論以孫大司馬公正已貴贈公通議大夫兵部右侍郎公生故明全盛之日且歷武世穆神四朝時天下承平已二百餘年文治粲達士非橫經敦詩書者不貴又三晉

士大夫承唐風節儉之舊其君子皆醇謹敦厚卽
學爲詩古文詞皆簡質有法度讀先生集中之作
固可慨狀想見其爲人與其世也又聞先生雅不
樂仕宦家居日久得縱心風雅之學而同里有栗
太行孝廉者學詩于中州王子衡盡得其傳歸與
先生及其兄中丞栗晉州弟司徒栗健齋輩倡詩
教于上黨之間其聲名在王李七子之前而先生
又享大年晚節益工于詩而章丘李中麓臨清謝
四溟與王李輩論詩不合聞先生與太行兄弟得
前輩之傳益親先生酬答無虛日先生借以益廣
其間見考其格律觀者可以知其詩之不妄作也
且斯時文網益疎賢藩如潘定王趙穆王元老如
太宰楊虞坡大中丞邵文川皆得招致文士以詩
酒相娛先生棄官閒居與四溟往來其間心意曠
快無所拘忌可謂樂矣裔孫正緒字續烈得先生
家學今數困公車鬱鬱不得志俯就選人旣得定
南令將出都門乃抱其大父全集自云按討讎校
且二十年拳拳向予乞所以不朽其前人者故得
附書

寶翰堂詩集序

改亭集卷一

古

東旣讀胥庭王先生所示寶翰堂詩一百八十餘
首研求其格律涵泳其旨趣喜窺見其萬一矣乃
拜手言曰猗與詩之爲道雖包舉天地人物倫教
之大狀其原必開於君臣一德之間非名世大臣
不能身任詩教之重也何以知其狀也夫首言詩
學者舜也曰言志曰聲曰律後之言詩者莫逾于
舜狀舜自爲歌詩非皋陶之賡歌君唱其一而臣
和其二則舜之詩興亦少減矣詩三百五篇係于
周必成王有訪落之詩召康公進公劉卷阿之詩
周公賦瓜瓞文王在上之詩君臣相和於上而後
雅頌興焉前此二南江漢之作皆風也不可謂之
雅頌也詩莫美于漢魏必漢武栢梁臺之建詔羣
臣能詩者得登而丞相石慶大將軍衛青御史大
夫倪寬相從賦詩一時以爲榮狀後詩學始盛于
魏三帝鄴中七子之作又其盛矣近體詩莫盛于
盛唐其時天子旣喜賦詩以賜廷臣大臣如張燕
公姚梁公蘇許公小許公張曲江公輩皆負非常
之才一時應制及奉和聖制之作輝煌弘麗實厚
聲宏廟堂之上旣若是其揚光潤色矣狀後天下
山林寂寞之士若李杜王孟高岑及大曆十才子

改亭集卷一

古

之輩相與聞風向慕窮老努力思奮其著作以接武乎諸鉅公偉人之後而後唐詩之盛至於今未歇也故曰詩之原必開于君臣一德之間非名世大臣不能身任詩教而傳之無窮東之言豈誣也哉我世祖章皇帝萬幾之暇篤好翰墨所柄用心膂之臣惟先生歷十餘年始終無毫髮之嫌今集中若侍宴扈從恭紀卽事數十章及鼎湖哀輓十篇讀之者可想見君臣之間同心一德軼漢唐而媲美有虞而先生之詩才調高華矩矱嚴整又若此其極工而幾化也誠所謂開詩之原而身任

改亭集卷一

五

詩教之重者矣抑東有異焉古詩父子繼美者不多見若漢韋氏詩寥寥耳魏阮氏江左徐氏庾氏雖父子以詩文世其家狀生非全盛之世或仕宦未通顯獨唐許公小許公稱特盛狀未同朝爲大官也若大宗伯先生數年之前與先生同位六卿躋九列今七十餘精理充實筋力壯盛好學著書老而彌勤又家世居城南韋杜之間司馬以自公之餘修家庭吟咏之樂視小雅所云不遑將父者何如也嗚呼易致者榮名難得者時遇若先生所得于君臣父子之間者若此豈不盛哉我友顧茂

倫選今詩三體驪珠集百名家英華既竣而自惜其擇之未精也乃蒐輯當世大人專集爲百名家詩鈔之選今春方刻成宗伯先生詩而屬東至京師繕錄司馬詩致之吳門適幸竟讀爲序以上之且以致我友也

鈍翁類彙序

聖人之道載於六經學者能從經見道而著之爲文不使經與道與文三者析而不可復合則可爲善學矣漢賈誼董仲舒劉向楊雄之文皆湛深于經術而道卽寓焉斯時之天下知有經學而已唐

改亭集卷一

五

韓退之能原道之大端而未悟其精微柳子厚聞性善之說于僧大鑒李習之亦嘗著復性書雖漸有求見道體之意狀其所以正告天下及諸後學以爲文之本者未有離經學以立教者也宋史分立儒林道學兩家後世學者遂以歐陽曾王蘇氏爲文章之儒周程諸先生爲道學之儒而文與道爲二究之歐陽曾王蘇氏之文未有不原于經不窺于道而可粹狀成一家之言者是則三者始未嘗不同其原終亦不可析而爲二也南宋之文獨朱子能開經以明道自陸子靜楊慈湖之徒創爲

六經註我之論蔑棄章句不復措意于文章于是儒林道學兩家判狀不可復合文章舛陋經術支離而凡自詡爲見道者其流弊遂相率而爲無忌憚其害至今日未息也明二百八十年中文章可宗式者歸熙甫王道思歸早聞道於魏恭簡證道於程朱道思與唐應德王汝中友善亦稱聞道者狀其立言必貫穿六經之義故其文足以繼前人而信後世二公歿後百餘年而我郡有汪茗文者出其始亦僅志乎古人之文習其矩矱而已既乃知文之不可苟作必根柢于六經而出之狀猶未

改亭集卷一

七

得夫經之指歸也益罷勉窺測於道之原而得其所以爲經者遂能貫經與道爲一而著之爲文洋洋乎積數萬言而沛然不悖于聖人之道則其文之足傳于後世而近繼歸王垂絕之緒遠躡韓歐諸公無疑也予愧不知經與道者學爲文於汪氏日久而竊見其梗概故爲之序如此又見汪氏與周處士書稱予與梁侍御曰緝爲知古文而侍御見予近作多論道之書詰予將爲周程之徒乎抑爲韓歐之徒乎以二者之不可合而予實未見三者之可分也故因序汪氏之文而兼質之侍御焉

鄭次嚴奏疏序

同年江都鄭次嚴侍御既歿之明年見其中表兄許師六所爲行狀詳其諸上疏言事之故又明年從其尊甫工部公盡讀其疏藁乃喟狀曰若侍御誠言官凡言官者以言爲職而已於是不顧其事之安而惟言之快矜意氣則詭激之患生執成見則事機之宜失喜名譽則朋黨之禍作自古及今空言害事不少矣若侍御諸疏言其鄉國之所知則陳關蠹鳳米之害糾加派私徵之弊言其職之所見則請寬贓證之法申酷刑之禁言其時之所

改亭集卷一

八

亟則請廣掄才之制復推陞之例皆平實無奇而見之施行天下實受其福惜侍御疏僅十上年未四十勞瘁盡職以死也甲辰冬我師黃岡曹先生臥疾廣陵侍御尊甫工部公時時來視湯藥每聞侍御在京師上疏言某事某事公卽喜趣以告我師歷歷述疏中語恐不盡我師雖病甚欬枕聽之爲助喜夫爲言官而使父與師交喜之天下鄉國必深賴之侍御之以言爲職如此是可傳也辛亥五月客廣陵簡侍御疏藁一冊追憶甲辰冬事爲之序以貽師六及侍御之子靜使附于家傳之末

汝穎詩集序

班固序述天下郡國風俗至穎川郡嘆美韓黃篤厚之化曰君子之德風也其從來舊矣近代門望人物延綿貴盛甲中原者稱穎川劉氏劉氏尤最稱今吏部公勇先生敦氣誼重狀諾爲天下談士之所歸且博洽多識於退食之暇裒集所聞於先世及身與交好者爲汝穎諸賢列傳且各序其詩存之簡潔宕逸志在表彰而不溢其實至於友朋聚散之故詩歌酬贈之義益殷狀若不勝其情者予讀之而益嘆班氏所稱篤厚之化於公勇未之

改亭集卷一

九

或改也周禮特重鄉大夫黨正族師比長之職凡其國其野其里中之人必以歲時攷其德行察其道藝而登之書所以董率鄉黨使皆蒸蒸狀一廸於善意何厚也今之爲談士者或好言遠交近攻之術敦盤縞紵交錯於遠方而睥睨其鄉人或不置好醜黑白於言論之際而漠然視其存沒者比比也乃有深念其鄉之人各序其詩以不泯滅其傳若公勇者可謂厚矣夫公勇之博洽多識即使旦暮爲史官以傳述天下古今人物之本末且優爲之顧不欲忽其近而務其遠者公勇之立心如

是其篤厚也雖狀是書之成亦汝穎諸賢之有天幸焉昔虞伯生常以江左先賢甚衆其學皆未易言恐後生知之者少欲取元好問中州集遺意別爲南州集以表彰之忽病目而止豈非天歟我又以賀汝穎諸君子之得天幸也

徐健菴集序

記戊申冬十二月遇宣城施愚山大叅於曹侍郎坐上愚山出其所携友人古文一卷共相觀賞其中數首則健菴太史爲孝廉時遊南昌嶺南時所作予未嘗見者歎其波瀾壯濶而不失矩矱謂當

改亭集卷一

下

代一作手矣旣數年癸丑游京師得盡讀太史序記書論碑誌銘諸體凡數十首其工力益進而太史益勤學好深思不肯以通顯多酬應之身稍怠於著述若欲與窮愁無所事之人競爭短長得失于一字者予觀近代作者其稍知爲文章莫不斤斤焉求合古人之法顧法可學而至耳才調之廣狹識見之小大思力之淺深則狹者不能使之廣小者不能使之大淺者不能使之深此殆有天焉非學可至也法亦無窮隨其才調識見思力而與爲變化彼淺隘且小者其爲法亦拘拘不足觀

矣予讀健菴之文而驚嘆媿沮以爲不可及者既才大思深而於事理又獨見其大其設意命局恢弘豁達從容開闔不屑屑求合古法而法自無不秩狀應節如王謝佳子弟之着巾屐對賓客如宿將之立營陣嚴壁壘指顧談笑不煩緯繹故予論今日之能文者惟其才實難法非難也若健菴之詩歌雄湛麗則巍狀成家別自爲集當代詩人多序之者予不復序云

曹頌嘉文集序

丁未秋遇曹進士頌嘉于栢鄉相公坐上讀其所

改亭集卷一

至

爲古文則已得古人奇正之法矣狀是時尚有風塵行役之色也再六年至京師則曹子已官鳳閣鑾坡間輿服甚都邸第賓客甚備秋八月爲同考官得士南北又甚盛以予觀古今人文所遭逢若曹子者不可謂不得志矣既出其近年自定文集示予則富有日新能抑揚開闔窮神極變視丁未以前之文益進且與予論文之書千有餘言必原本于明理謂理明則識高識高則氣壯氣壯則法無往而不具予雖心慙之狀予則以文章必本于其境境足以助其識識足以明其理狀後理足以

壯其氣氣足以貫其法何以明其狀也三代之文若禹貢殷盤周誥文字之祖皆作於君相無論已論漢賈陸董晁二劉匡谷兩司馬班楊崔蔡之文論唐宋八大家杜牧李德裕李翱皇甫湜孫樵劉蛻黃庭堅陳師道張耒晁補之陳傅良陸游陳亮之文論金元好問元虞集劉因歐陽玄之文論明宋濂王禕羅玘邵寶程敏政唐順之王慎中歸有光王世貞錢謙益之文其仕宦窮達不同未有不仕宦其出入京朝久暫不同未有不入京朝博聞強記朝廟之事實掌故以恢闕其聞見貫串其文獻而能成一代之文人者此所謂境也若草莽憔悴之士伏處鄉曲擁書坐大卽湛深經術通達舊聞狀泥理而昧事侈古而窒今可空言而不可濟世用其於古作者之文大有間矣曹子之論文以理曹子之自言其所長也予之論文以境予之自暴其所短也而卽以與曹子論文之言序曹子之文欲天下辨兩家之論孰是而孰非也

改亭集卷一

至

改亭集卷一

改亭集卷二

吳江計 東甫草著 從孫 璜 全姪 嘉禾 重編

同書補遺序

人物之患莫大乎異同之見紛然而不可止既莫
不愛其所同憎其所異矣復尊其所異忽其所同
既同其鉅而異其細異其隱而同其著矣復於至
異之中見其同至同之中生其異既爭于求同化
於求異矣復有敗於無異而成於無同者有同同
而非同有異異而非異有始異而終同有先同而
後異者其矣人物之生不息異同之跡日役役而

改亭集卷二

上

不息堯舜辨之而不勝其辨也制之而不勝其制
也老莊誦笑之然老莊欲泯之而終不能泯也
欲齊之而終不能齊也何以知其然也人物至春
秋之後異同之爭極矣於是公孫龍鄧陵子之屬
造爲堅白異同之辨惠施五車之書復造爲大同
小同畢同畢異之說至莫可紀極而莊周祖述老
聃之教思有以勝之於是有齊物之論至於齊夢
覺齊是尹齊人物齊彭殤齊小大無不齊矣狀猶
曰周之與蝴蝶必有分矣是終不能泯同異之見
也於是佛氏之徒知同之不能而造爲空空之說

於是有空夢覺空是非空人物空彭殤空大小無

不空矣而其法歸於平等則猶有同之見者也同

之見存則異之見亦立矣嗟乎同異之見不息而

人物愛憎黨伐攻奪取與倏忽幻譎之情狀波靡

震蕩與天地相終始矣其柰之何哉櫟下周侍郎

先生採輯古今人物事蹟之同者編曰同書潁川

張大司馬公之子實水翁博學多聞年七十餘好

學不衰復哀其聞見廣侍郎所未載者曰同書補

遺以示予予聞昔張司馬與我鄉顧端文同舉進

士司馬和易與人同而端文嫉惡甚峻不苟同於

改亭集卷二

上

世司馬常規之不聽今後學皆私淑端文而司馬
年八十餘亦能臨難不屈可見同者與不苟同者
皆無與於我之自立者也夫我有其立之道則
與世同異之跡不期泯泯矣不期空空矣不期辨
之制之已辨之制之矣斯言也予既質之實水翁
且將質之周侍郎先生焉

千頃齋藏書目序

晉江黃海鶴先生官明南京國子監丞因家焉聚
書六萬餘卷於千頃齋天下稱之令子俞邵早孤
奉母讀書勵志行能守父書兵火之餘不稍散佚

且增益萬餘卷予定交俞邵後始得親觀其四部書目及虞山錢宗伯我友錢子湘靈二記宗伯則盛言宋元以來天下藏書家不能自保之狀凡二千餘言歸美於先生之有子我友則又稱述其師顧仲恭論讀書前後次第之法謂書不難於藏而難於讀予則以爲書不難於讀在善讀者能得其要領之所在心知其意朕後於四部六七萬卷中無往不得其貫通之樂如帝王爭天下漢高之關中光武之河內魏武之兗州必先有所據爲進退根本如大將將百萬之衆中權腹心幾人選鋒幾

收亭集卷二

三

百人如孔子之羣弟子三盈三虛於魯聞人之門守而不去者有顏氏子一人此可悟讀書之要矣昔謝上蔡侍明道先生偶述史事不爽一字明道云賢可謂玩物喪志他日觀明道讀書又極精詳上蔡大疑後悟其意乃大服聞海鶴先生年九十而致手不釋周易則先生所心得者必自有在非若六七萬卷之書父可授之子子可受之父也予觀俞邵爲人湛靜而好精深之思將能得其要無疑矣則其寢食起處乎千頃齋之中不患其書之浩博無所折衷也亦又何疑焉

事類賦序

唐初分天下書爲四部曰四庫此類書之祖也同時詞臣著初學記北堂書鈔等編此類書之至小者也而後人率祖之竊聞之我師婁東張太史曰天下有類書二必不可混合其一爲經濟類如三通八編等是也其一爲詩文類若唐類函所裒集諸書是也我師於經濟諸書既次第丹黃各單行於世而於詩文一類自唐類函以外博採天中記事文類聚廣博物志諸書凡數十家拔其精粹芟其繁複輯爲一編曰大類書發凡起例井井有條

收亭集卷二

四

肇乎癸巳之春其年秋太史即世遺書零落諸門弟子遂無有能續成之者爲可念也宋吳淑撰事類賦文從字順且有音韻使人易於上口朕尚苦其未備廣陵史氏子仁以名家子勤苦力學博極羣書約略如我師張太史意徧蒐諸家類書分條別目踵吳氏之舊而增廓之吳氏或一事僅三四十韻者史氏廣至數十韻或并不在原目之內者創以已見更爲後編綱舉支分粲然大具至於箋註詳明引用典核不但爲吳氏功臣所以嘉惠後學使介陋之士按日考索記誦不忘以視六帖合

壁等書析字斷章儼青儼白吞剝支離相去何啻
百倍使我師而在獲見此作咨嗟嘆賞共襄厥成
無疑矣吳淑上其書於宋初淳化中時方右文遂
奉精瞻之旨加之注釋擢爲郎官南渡以後書寢
散軼復有好事若邊氏者重鋟板以傳前代崇尚
古學如此今史氏之著述獨藏于家予主其家幸
得讀之耳天下之大博學而著書若史氏比者尚
邈邈有其人何遂不若吳淑上其書于朝以取功
名而傳後世也爲之序以志予感焉

董文友文集序

改亭集卷二

五

夫所謂文章者立其質而文附之有諸中而後章
諸外也自非至聖其生平各有所得力之處故其
著之於言也必專若曾子得力於孝則孔子以孝
經屬之子夏得力於詩則專序詩孟子獨有見于
性善則專言性善下及賈誼晁錯專言經濟言兵
法董仲舒劉向谷永匡衡專言天人言災異言五
經五行其生平所立說及其旁通而曲暢者總不
離其得力之處太史公曰此皆誠壹之所致不其
然哉譬之於賈倚氏專以鹽郭縱專以鐵冶烏氏
專以畜牧寡婦清專以丹穴既擅其利饒於貲矣

然後其家中繼施玉石沙岸漆絲聲色之玩好珍
異無不具此有本者之所以無不有也今之爲文
章言者我未見其所爲誠壹者何在所謂本者何
在也而其文殆無所不欲言自以爲洋洋纒纒矣
及按其實則皆空疎贅亂有似于今之爲制舉策
者相率而號于人曰古文我甚傷之毘陵董子之
文其所爲序記書論傳誌之文無異於唐宋明諸
大家之序記書論傳誌之文也其矩矱變化無異
于唐宋明諸大家之爲矩矱變化也而予讀其文
按其所得力之處意其所專言可卓然自成一

改亭集卷二

六

以昭示天下而傳後世者莫若其言天文言律歷
諸書諸說諸辨有非當世空疎勦襲爲文章者之
可及蓋確乎其有本者乎夫天下精微要眇之學
莫有過于天文律歷然自其有得于性命者視之
則皆所云形而下者之器也邵子之專精于歷蔡
氏之專精于律原其得力皆先有見於形而上者
之道故雖旁通曲暢分緒各見而終與程朱爲一
致今董子之學精于律歷以著之爲文吾知其誠
壹致力之所在尤必更有其本也夫董子殆幾有
得於道也

汪蛟門詩集序

予客廣陵五閱月汪子蛟門每過予論詩聽其言皆有法度既彙其癸卯至丁未五年之詩屬予序予爲窮數日之力瀏覽無遺愛其清深整暇莫可指摘乃作而嘆曰豈不信哉觀人者觀其所推許之人觀人之著作者觀其所推許之人之著作可知也我友汪氏茗文王氏阮亭之著作今天下稍知嚮學者莫不口誦而心儀之茗文性情急不能容物意所不可雖百責育不能掩其口也其所稱述於當世人物之衆不能數人焉阮亭性和易寬

改亭集卷二

七

簡好獎引氣類然人以詩文投謁者必與盡言其得失不稍寬假我與兩公游五六年來未嘗不時與我言蛟門也去年秋出國門茗文送我執手言曰子歸必游廣陵游廣陵則我宗人蛟門可與子友也阮亭送子言亦然今讀蛟門五年之詩於兩公言益信然使兩公生平肯輕推許人或稍寬假人之詩文者卽稱述蛟門甚當亦無以服予之心則甚矣予之愚又何待盡讀其五年之詩後知其詩之莫可指摘也况蛟門之足重於天下者又不僅以其詩予嘗見其古文辭能自審于先民矩

矧而神明於漢東西京間又不僅以其古文也予聞其鄉黨宗族之論皆稱蛟門事親孝事兄恭擇人而友之敬而能和其立心也澹蕩而高明漢詩曰大海湯湯水所歸高賢愉愉民所懷每私計天下之大誠得舍文蓄學樂友良士出于至性不爲空言若茗文阮亭蛟門比者數十人落落分布天下以予輩窮愁之人游展所至卽得與晨夕論文久而無倦予身雖放廢而神情不傷矣

玉壺堂詩稿序

改亭集卷二

八

余終鮮兄弟而樂多友朋然自識吳門宋氏兄弟後知友道之重且見宋氏兄弟之友愛而益重余終鮮之痛也疇三旣沒右之白津門返轡盛夏疾走三千里至家臨棺踊哭哀感路人旣右之再入都御之獨家居忽忽不樂乃遊南州覽匡廬彭蠡之勝其詩遂多一日御之語予將復遠行葉鏗其年來所詠歌者屬敘于余余因卒讀而嘆曰洵乎御之之有得于詩之原也詩原於情而情莫深于骨肉若秋杜之傷獨行葛藟之悲終遠陟岡之嗷嗟季在原之亟孔懷其於分形共氣之間文詞亢直而悲涼音節哀亂而激越能令讀者嗚咽低昂

不能自己此詩之所爲作而必工也御之蚤歲失怙惟兄弟三人艱難從母形影無間母夫人卽世右之官禁近留京師御之棲運上舍疇三數因公車所謂蒹葭中兩人相倚爲命者也今御之沉吟兩弟之間一則飛沈之不猶一則存沒之永隔其牢落悽惻有不勝其情則有不能已于詩者矣不求工而得工非得詩之原者不能作也朕予與疇三爲異姓兄弟疇三沒且三年予雖時時夢見之而不能爲一詩歌之以當泣則予之才不及御之遠矣而能序御之詩乎

改亭集卷二

九

西堂雜組二集序

尤子展成西堂雜組初集文大半滑稽之雄也然其書奔走海內至蒙世祖嗟賞禁中若漢武帝讀司馬相如賦可謂榮遇矣去官後著述益多書賈爭購其文以應四方之來求者於是復有二集之刻予讀之則嬉笑怒詈之辭少溫厚和平之意多尤子其進於道矣當尤子壯盛時筮仕得永平李官一旦治行赫然聳動畿輔掎擊強禦不避勳舊人望之若王尊董宣爲當世宜猷強力之臣庶幾有用之才矣今乃息交家居垂空文自見以有

改亭集卷二

十

用之才置之無用之地而成其無可用之文章此海內知尤子者所以爲當世人才惜也雖然尤子旣以其文章受聖主之知若弘覺國師所紀載天語惓惓若此虞仲翔曰得一人知己可不恨況天子乎尤子可以自慰也矣且兩集之外樂府若桃花源黑白衛李白登科諸編絕艷驚才激楚瀏漓窮神極態能使觀者移蕩情魄泣下沾襟其淺者關人志慮之微其深者與聞道德之旨夫莊言之不悟則爲曠達之言以悟之涕泣言之不悟則爲諧笑之言以悟之此司馬遷所以傳滑稽班固所以傳東方曼倩也可謂尤子文章無用乎今天子雅意好文詔求遺逸命文學侍從之臣賦詩論樂儼然先皇帝之徽烈也倘有憐才大臣以尤子著述與先皇帝昔日嗟賞之語開於上前我知尤子終不以有用之才而棄之無用矣

漢中錄序

關中文太青萬歷中所稱西極才子者也其自序文集有曰吾猷錄有曰孔邇錄者皆其官中州東州時聽獄之語公謹而識之自謂集中之文盡心而立誠者莫多於此也其友王季木頗以爲疑虞

山錢先生以爲太青他文未必皆合於古若其所存讞語則皆得古人惻隱哀矜之意其文必可傳予所聞於前輩如此我友曾子道扶爲諸生孝廉時旣以詩文傾動天下及爲漢中司李數年所部大治其聽獄也旣無敢以無情之辭訛公其承上官委發而制大獄判大疑也則又數語立斷不激不隨俾上下皆悅服而誦公神明不衰以予所聞秦中人皆謂曾公乃吾鄉之文太青也及旋里而讀其序中諸讞語竊以爲太青吾猷孔邇兩錄尚多俳調粉飾之詞不若道扶潔淨精詳曲而達婉

改亭集卷二

七

而摯陰行其尚德好生之意於科條嚴密之中蓋文章莫大於此矣夫文章以經國爲大經國以聽獄爲大古之仁人君子必盡心焉舍是則雕蟲小技而已況漢中據雍梁之交其人剽悍善點爲司法者稱職固難三秦形勢又冠天下其人輕生善鬪案牘之積多矣上官旣奇道扶之才所委斷又獨多人或以道扶夙以詩文稱者於案牘剖決得無患其繁苦豈知道扶卽以是代詩文不朽之著作也宋人稱歐陽公文章韓魏公政事不能兼殆非篤論當日韓歐蘇諸公敷歷中外其政事之文

章多卓然可傳者具載於集讀者自見之也

竹林集自序

予被廢之明年又喪我長子準自念旣窮於世獨有太史公所云垂空文以自見耳故癸卯甲辰後始肆力於古文辭歲時遠歸省母或間留郡門數日胷中每有自娛於文之處環顧左右咄咄無可與語者黯然念準兒淚下而已姪炳沉毅自重之士言笑不妄發發卽通達事理予意其當知文章之道者已而見其作果謹質有法度絕似宋景濂至其與友人朱穆書尤善我友姜西溟亦稱之予

改亭集卷二

七

自是每一文成卽呼炳與之語出游經歲或數月歸必盡出篋中稟授之茲乃哀其已酉冬游金陵及庚戌春夏客汝洛嵩山諸作題曰竹林集寄炳儼然以阿咸許炳炳當不媿咸但予豈能神奇淡宕若老兵哉嗟乎予與炳俱苦食貧不能杜門擁書靜坐然予所居溪陽村舍有講堂數椽堂之東有竹百竿蕭疎可愛予雖客兩河三川間魂夢猶樂溪上竹林也何日得不憂空乏從容家食養母讀書時時呼炳共坐草堂竹林之前相與抵掌談六經及古今諸家爲文之道乎抑震川歸先生曰

丈夫得志則龍蛇不得志則蚯蚓予所志蚯蚓已矣炳年少氣銳且能自重者必龍蛇之才也聞予言當大笑老兵久無所用於世其言之類放若此豈不悲哉

偶更堂詩集序

遼啓禎丁卯戊辰之間江南北文會之事大盛應社倡之復社承之中州文人翕然與應復兩社相唱酬者梁園數君子也且是時陪京有太學海內能文之士大半繇此應制舉高秋七八月勝流雲集問訊往來交錯於道南方之士中原莫不聞

改亭集卷二

三

中原之才士南方莫不識也至辛巳歲我師張西銘先生歿文會失領袖壬午歲中州卽大被寇難屠戮梁園才士幾盡制科亦不行自是以後風流凋喪南北聲問阻絕不通者數年辛卯歲吾郡方復有文會之事而予於是年秋選海內闕墨高淳崔正誼明府者樂人也以梁園徐子恭士制藝示予其文高雅醇肆予自是知徐子之能制藝又一年侯朝宗以其壯悔堂古文辭盛行于南湖南湖之士莫不懾伏而其古文辭出徐子所論定予自是知徐子之能古文辭又五年而予遊於梁讀徐

子偶更堂詩見其古近諸體燦然大備又能自出機杼吐陳啓新予自是知徐子之又能於詩蓋予之知徐子凡六年而始盡其才亦六年之相聞相思而今者乃得相見其難如此較之壬午以來南北阻絕風流凋喪之苦今則稍稍稱善而以視丁卯戊辰以後大江南北勝集交錯之盛則殆不知如何也使在曩日以徐子之才徐子之制藝徐子之古文辭詩歌兼擅如此予與徐子早握手於壇坫唱酬之地婁東張先生必稱道徐子甚悉何待六年之久而始得相見始得盡讀其著述也抑予

改亭集卷二

四

於朝宗之古文辭也折服而心師之及遊梁而朝宗已歿僅一登其空堂而出聞之其友賈靜子宋牧仲曰朝宗所爲文非恭士所許可則不敢存稿則是徐子之才能折服朝宗也今予求見朝宗而不得見朝宗之畏友如見朝宗而徐子詩集中長篇短幅尤拳拳于友生存歿之際其哭朝宗詩四十韻無異杜甫之哀鄭虔瑯琊之哀歷下也殷殷乎古人之心矣徐子之詩可以傳矣

瑞木記序

瑞木記者侍郎周減齋先生葬其兩尊人鍾山之

陽於輜車既啓之辰手攀太夫人棺悲號撫視忽見棺上異紋突起作羣木蒼蔚之狀拭之不去觀者皆驚異有胡元潤者能畫因蹲視摹爲圖天下之以詩文來賀者畢至考瑞木不多見於史惟宋咸平六年詔近臣觀龍圖閣瑞木有文成北斗形佛手形者是爲瑞木創見之始蓋是時宋之君相既樂聞瑞應之說又值中外寧謐民物康阜其謂之瑞也固宜顧瑞之與妖均非物之正性所辨在人之德與之相應與否德與之應則物之異皆瑞也德不與之應即瑞亦妖也故同一魚也或躍入

改事集卷三

五

舟或飛入武庫而在周爲瑞在晉爲妖同一馬也生人于暴秦之國則爲妖負圖于必義之前則爲瑞今以先生之純孝至性可以動天地格幽明又其兩尊人之隱德深仁足以召百祥而昭餘慶則瑞木之微應誠哉其爲瑞也且木德至仁仁之德莫大於孝其爲滅齋先生純孝之所感名無疑矣紛紛記述之家或謂之曰奇或矯之曰無奇予兩有取焉以爲瑞則誠奇矣以爲孝德之應則誠無奇矣孝經曰孝悌之至通於神明又曰無所不通而況於木乎

王爾玉詩集序

昔漳浦黃先生與其友徐德公以戊戌至浙江講學大滌山中予年十六七奉几杖從先生間與言詩先生曰予聞人之論詩也與爾吳人異三唐諸詩家我聞獨歐陽詹一人宋元無論矣洪武永樂間乃有張志道王孟陽林子羽趙景哲諸君子聞人自此稱能詩然未嘗與中原諸詩家爭雄長也迨鄭善夫出始與李何邊徐齊名世謂其循循規摹少陵猶以此少之今及予之身而予之門人陳大樽與予論詩且不合爾輩無不宗式大樽者予又何以詩爲也夫從大樽之教者但相率而求工於聲華格律之間其真意銷亡久矣予時雖識其言於尊聞錄中竊以爲非定論也再十年與侯官許天玉論詩京師復不合其大指本於黃先生益予自幼熟聞大樽氏之教以爲指歸寄託卽在聲華格律之中猶華實之均發於幹高深之均麗於地未可區之爲二而有所畸輕畸重也又且年少氣盛堅守一說謂天下之詩必如是然後工耳窮愁厄塞徬徨困頓復十年而向之所謂聲華者剝落矣向之所謂格律者頽唐矣獨此羈孤菀結之氣

改事集卷三

七

有所感觸遂不復能遜言而出嗵然達之乃已然
後知向者漳浦先生之言果有當於輕重之勢也
丙午冬予留京師與閩縣同年王爾玉數數往返
論詩王子箴仕得邑今冀蓋遂祿養不復從事公
車其性情有過人者同舍生言其能苦吟以詩自
娛予盡讀之寄託深厚而亦不陋於聲華指歸悽
惻而亦不詭於格律與我漳浦先生之詩相似予
且愛之不能釋也因追敘今昔師友之懷以志予
搖落焉

西松館詩集序

改亭集卷二

七

詩宗三百篇而三百篇之詩莫盛於秦亦莫變於
秦何也曲風二南正變大小雅周頌作者不越邠
岐鄠鎬之間皆秦地也若以江文通所擬關西鄴
下河外江南諸體律之則論詩者必於作者所聚
之地故曰詩莫盛於秦然曲風二南大小雅周頌
之詩和平肅穆一變而為秦風之車駘駘鐵以及
變雅之怨誹哀思卽作者亦不自知其然考亭朱
子論之以為雍州土厚水深其人質直厚重無驕
惰淫靡之習使有善導之者不難驅其果敢之氣
俾興起而篤仁義以復文武周召之風教也西漢

改亭集卷三

八

三唐皆建都雍州一時作者如河梁柏梁燕許沈
宋輩應制行旅諸詩畢萃於秦明則空同崛起主
持一代之詩教詩之係於秦久矣今昭代詩人林
立而秦中為盛秦中之詩又以稗恭張先生為尤
盛其格律整暇才調高華卓然可以軼宋元而媲
三唐其前之見於天下者無論已今讀其癸巳迄
壬寅十餘年來之作自登啓事歷廊廟及銜冤遠
謫旋里言懷凡一千一百餘首於身世閱歷可喜
可愕之情狀畢見之於詩而其溫厚惻怛原本忠
愛纏綿於格律洋溢於篇章使讀者莫不興起其
性情而思薦乎仁義誠有如朱子所云者倘得嚶
先生倡導之功以肅正天下之心聲將幾於曲風
二南正雅也不難矣

觴政譜序

讀易三百八十四爻終於未濟之飲酒君子所為
安義命而需養以俟時者也乃又旣戒以濡首象
復戒以不知節釋者謂其人處未濟之極知其不
可奈何而樂天委運當自飲於酒而不失其常若
放意不反亦非能安義命者嗟乎為此言也將以
勉天下未濟之人而有待於濟者也若阮籍陶潛

之徒既已無待而一意飲酒矣予猶恨其所爲詩歌若詠懷詠荆軻三良諸作其志氣勃勃若甚不能忘於世幸而魏晉宋之間交游上下一切寬大無察見至隱之人不然縱濡首自晦其得以酒徒自免乎哉予是以善易飲酒之義而益念所以飲酒之意爲不易也潁川張實水先生老而篤學性非嗜酒者顧特著觴政譜一編曰我做古漫士之作博採古能飲酒之人百十三家爲詩以系之嗟乎先生其亦自托於酒徒哉然予讀其詩和平溫厚於頌酒之外不及他事較之陶阮之作其慎至

改亭集卷二

五

矣嗟乎先生年七十矣其意誠無待於世可以自恣於酒然又不肯沈湎以犯濡首之戒與小雅所稱衛武年九十好學皆實筵之戒何異則知先生之詠古酒徒卽先生之贊易也無待濟於一世之心而有待濟於千百世之學先生其真知義命者哉先生故爲貴公子而子金吾公能詩文亦知飲酒予在穎樂與之游然予非知酒者也

吳楚人詩序

今天下何處士之多也以予所見今富貴利達之家其坐客多世俗之稱處士者焉彼富貴利達者

視其家玩好珍異之物無不具獨不能具古今載籍之語乃挾其勢利惡籠罩鉤致一二貧賤失志稍知詩與文又自驕語爲高士者以充其家玩好之一物而彼驕語高士者汲汲然欲以其詩與文求知於人遂俯首甘心求爲富貴利達者之所玩好而不辭予觀古之處士未嘗不受知於富貴者之人特其終身所受知者一人而已名且顯於天下古富貴之人於天下固無所不好然誠能得士之報使天下後世信其心之誠然好士者亦不過一二士未若今天下兩者相遇多而相得者益少

改亭集卷二

也以毛公薛公之隱於博徒賣漿也知從之游者獨信陵君耳同時平原君亦好士未嘗知毛公薛公在其國中也以此郭駘之賢幾不獲受知於晏子旣知之又幾失之蓋知己之難若此以予觀我友泰州吳子楚人之詩與其所以立身持己者可謂不愧處士而當世之大公卿好士者之衆能深知其詩與其立身持己之不愧篤好而表彰之若不及者惟櫟園周先生一人卽阮亭且云我在揚州三年不知海陵有吳子今乃從周司農公知之予益以嘆吳子之爲處士非予所見爲多者之處

士也果非當世富貴利達不能爲文章者之所可
籠罩鈞致之者也吳子之詩于是乎可傳矣

雲間贈言冊序

雲間贈言冊者漢陽王懷人先生既免於吏議將
自京師歸里雲間諸友人爲詩以贈其行者也予
得此冊于懷人令子孟穀所讀之因嘆懷人兄弟
父子文章朋友之盛卽吾吳一郡間已如此其他
在天下可知矣憶崇禎朝天下文章朋友之事最
盛已卯湖廣省試畢天下爭傳誦王氏懷人亦世
之文先君子舉以督課子必成誦乃已至順治乙

改亭集卷二

未予始得與兩王氏遇京師嗣後數相見無何懷
人官長沙無故牽連吏議亦世以進士罷官客江
南遽病歿天下冤之當懷人就繫時海內談士及
三楚之官于京朝者皆咨嗟涕洟思出死力營救
而懷人令子孟穀復捨首痛哭爭之大司寇前竟
得釋歸里不可謂非文人之至幸而懷人之有子
如此更可樂也小雅云每有良朋烝也無戎予愧
懷人父子多矣且無一詩繼雲間友人後不滋愧
乎抑重有感者憶予束髮初卽多識四方賢豪長
者于三楚尤得交魁傑奇偉之士若麻城梅惠連

曹石癖孝感黃赤子最後交漢陽王氏兄弟皆相
見極驩冉冉二三十年諸公俱下世今存者獨懷
人一人耳又寥落一官蒙難坎壈以來而予且與
懷人令子朝夕爲同舍生載筆依人各負米以養
親每念疇昔交游意氣飛揚自喜之狀輒黯然淚
下嗟乎今天下自號爲文人者甚盛相徵逐爲友
朋然大半生長懷人兄弟之後乘海內初定前輩
零落將盡時如漢書所稱荅頭特起耳求一魁傑
奇偉之才如惠連等比者何可得卽有一二年少
英妙求若孟穀之爲名父之子文采卓犖且能言
海內人物者舊交游本末亦不可得矣故序此寄
懷人發懷人之慷慨且以喜樂且以永日以慰孟
穀將父之懷也

改亭集卷二

晉遊詩集序

予生長東南所習見江湖諸山大都半綿淺紆靚
秀雅潤非有高巒巨谷拔地倚天作奇偉魁傑大
人之觀也及壯遊河朔間循太行之麓觀林慮蘇
門王屋諸山復從虎牢循北邙之麓觀伊闕緱氏
懷轅熊耳登嵩山二室之巔見澗瀍伊洛四水合
流如帶之奇麗然後嘆江左之所習見者誠未及

焉而客又有笑予者曰惜乎子誠所謂循太行之麓而未盡太行之形勝也子東未踰井陘西未渡河未通遊三晉又安知太行之無窮及其支山之莊嚴峭厲雄峻博大舉舉渾渾恣莫可紀極之狀百十倍于子所見者乎子如見之如宛人見絳衣大冠之真人也如畫手之圖天策府中之英公鄂公毛髮羽箭奕奕飛動且畏且愕蕩蕩默默不能自得也子不俟客言之終遜謝曰誠如客言嗟乎使子得早見之資其氣勢以爲詩歌子何憂古人哉

改亭集卷二

五

穎川張進士佩玉工于詩自燕踰趙徧歷三晉歸盡出其詩示予所詠晉中諸山情狀果如客言而其格律之蒼涼才調之雄岸意氣之磊砢果有得于名山之助者予讀之嘆服摧折益思曩者客言急欲投筆西渡河游三晉盡覽西北諸山之勝蕩滌其所習見于東南者然後與張子相應以唱酬之詩也

劍嘯集序

溧陽太僕寺卿宋公之冢孫我師中允宋先生之長公子邁集其二十年以來所作詩名之曰劍嘯集屬予敘之予曰雄劍掛壁時時龍鳴不斷犀象

繡澁苔生此非李白之獨漉篇乎白之感憤而賦此也此所謂劍嘯者也雖然鑄劍在我吳越之間而劍術之神奇恍惚可以洩人不平之氣其事莫盛於唐但其說多見之虞初小說而正史顧闕焉然自唐以後劍術遂不傳惟宋時有獻擊劍之法於神宗者今聞惟高麗人尚有知之者昔太僕宋公會視師津門登州淮海數歷行間嘗持一寶劍自隨珍重護惜以子邁爲冢孫所鍾愛特授之又太僕公駐戟津門東海時曾有德於高麗使臣子曾見高麗相國有頌太僕公詩頗典則可觀則子邁于劍術當亦有所自歟子邁才既天挺且淵源家學年典謁仰能詩兼善弓馬飛騎發矢命中無不如意我師在先皇帝時數侍從長楊五柞子邁以定省識天顏常命侍臣觀其騎射愛其跋蕩欲官之子邁自以才可自致青雲之上謝而南還此事中外莫不聞也今子邁年忽忽三十餘家貧多事屈首公車中又我師出藩南州子邁時往來大江臥起檣帆間風塵偃仰壯心厄塞拂拭此劍當必有愀然聞其長嘯之聲如太白所賦龍鳴者以是名其集其詩之悲涼歷落沉鬱頓挫合于

改亭集卷二

五

古人可知矣

董異子詩集序

於吳興遇董子異子則四明董次公先生令子也予讀先生所著書久矣既見其子則懽若平生而異子出其所著三別詩示予三別者一別其母一別其子女一別其友人而出游于四方者也其別友人也則殷殷有數人焉若李子杲堂及萬履安先生之令子輩皆知名士或屬其母以甘旨之需或屬其子以讀書之事其言溫厚而悽惻非古之風人所敢望于今之時人者也而異子與其友且

改亭集卷二

董

欲交勉於古人之所爲而其詩亦遂有古風人之遺意予讀之嘆曰異子得友之盛如是乎予自典謁以來至於今三十年求友之念不可謂不誠且切也每當出門遠遊未嘗不端居深念求可以屬我家事可紓我內顧之憂者惘惘然思其人不得則嘿然內自傷而止卽庶幾得其人矣而其人或早歿或宦遊遠方或其人苦貧甚於予或其家在百里數百里外不能俾我母及子疾呼而疾應求若異子之可以一詩屬其數友且近在里邑之內嗟乎豈可得哉夫友朋之義固無日不在天地之

間也豈四明之友爲獨多於天下哉順乎親者可以得友以異子得友之盛知其平日之順乎親者深以其順乎親之深知異子之能讀其先君之書以不墜其先君之家學也則東也安敢遽與異子論得友之道乎雖然友朋之事古之君子誠慄慄乎難言之數十年前之前天下固久安長治之天下也自歸德四明兩相國之朋黨分而廟堂之鬪爭不息異子生于其里又習聞其先君之教知不以予言爲誕妄矣異子其益敬其所與友哉異子所爲詩甚多與予遇于旅次之日又卒卒多冗未竟

改亭集卷二

董

讀也因讀其所爲三別詩惘然有感于懷述其詞爲異子詩集序

改亭集卷二

改亭集卷三

吳江計 東甫草著 從孫 璜 全姪 嘉禾 重編

周易大義序

天既責人以義矣而復制人以命且命與義不能相通也既困人以數矣而復約人以理理與數又不能相應也夫人之于天猶子之于父母惟所令之不敢或違以莊周之放言自恣而曰不擇地而安之孝之至也知其不可奈何而安之若命德之至也以橫渠張子見道之精純而其喻事天也曰無所逃而待烹中主之恭也勇於從而順令者伯

改亭集卷三

奇也則視天太忍而天不若是其忍也吉凶得喪消長存亡隨人所遭逢而即與以處之之義理數無終剝而不復命無終困而不亨天不能諄諄然日告誡于人而託之于易若曰從我言則吉悖我言則凶若慈父母代其子之謀周詳而剴摯而彼為中主伯奇之喻者誠未知易也然予未見生而富貴且安意肆志之人而能知易之道者孔子曰作易者其有憂患乎又曰明乎憂患與故無有師保如臨父母言人必歷試憂患而又深知其故然後能敬愛乎易天若曰愛之能勿勞也張子曰貧

賤憂戚庸玉汝于成也夫作易之人必憂患則註易之人可知矣彼鄭玄王弼王肅之流非能註易者也程傳出而易之道乃著則程子涪州時作也程傳之後訓詁千百家能推廣程傳之義使大壘于天下後世則汾亭鄒氏之易注也然使汾亭成進士後仕宦早達安意肆志馴至大官則不暇註易矣我知天以易授汾亭也然予與汾亭別十年今遂能讀汾亭之易註而確然知其不可易則予之所歷亦可知矣屬余以序予又何敢辭

山西文水縣志序

改亭集卷三

二

周禮大宗伯之屬外史士四人中士四人掌四方之志時雖未嘗郡縣天下然畿內及列國各有都邑州里皆有志以獻于王蕭文終入關中獨先收秦所藏圖書知天下厄塞戶口多少強弱民所疾苦至今志書之式必先圖後書凡山川疆域形勢戶口錢穀人物風俗一切制度沿革莫不具載大率踵秦制今年夏上允閣臣請詔天下郡邑俱修志文水密邇晉陽襟帶河汾扼雍涼之吭據燕趙上游依山阻水屹然為緊望之邑然志書之成近自嘉靖癸丑創手于邑令樊右川八十年

而天啓乙丑令米桂源繼修之又自乙丑至今歲
癸丑四十八年而復奉 詔纂修生茲土者俯仰
今昔之間羨前此承藉久安長治之後三晉殷阜
康樂風土淳朴甲天下三十年以來此邦被寇禍
尤烈民人初脫湯火謀耕鑿譬之病者雖創痍漸
平而形神羸瘠百廢未舉覽斯志者數戶口錢穀
多寡辨風俗人物淳漓爲時未幾而今昔絕異縱
山川疆域如故而感慨係焉雖然此其小者耳文
水昔爲仲尼弟子卜氏子夏教授生徒處故其教
澤深厚多挺生豪傑非常之士文臣而世秉忠節
則有若唐李愔李源父子武元衡儒衡兄弟武臣
而立功封疆則有若宋楊美盧政孝友著行則有
若隋韓子誕今山川風氣扶輿蛇螭倘復結聚于
一二偉人杰士之身落落然發聞天下使見之者
皆歎曰此晉文水人物生于仲尼賢弟子教授處
者也則豈特一邑之光而已修邑志者邑人湖廣
提學僉事鄭濟庵爲鄭屬子序者河南戶部尚書
耶宋子昭我友牧仲弟也

定興縣志序

代

康熙壬子大學士曲沃衛公疏請天下郡縣皆修

輯志書彙成大二統志以昭 本朝版章土宇之
盛 上命禮部議得舉行先是知定興縣張侯治
邑有聲謂其邑北距京師二百里南距保定百二
十里爲近畿三輔衝要之地襟喉南北形勝屹然
然自昔以來邑獨無志使古今疆域畛界戶口賦
役人物政治典禮風俗莫得而稽核焉身任勸志
之始先請于大中丞金公及予子甚嘉之適會
天子以斯事 詔諭天下侯遂不日成書而問序
於予予竊惟周禮外史氏掌四方之志上之 天
子夫三代封建侯服既一國各有史氏世官以記
其國中之事矣而 天子復設外史以掌其志豈
列國紀載或有未實而特爲是官以統攝之歟是
邑志之來久矣而現易封建爲郡縣又密邇京師
爲畿邑而可無志紀以備 聖朝文獻之所徵信
乎抑攷茲志所載古蹟如督亢陂黃金臺人物如
郭隗盧藏用張九成張世傑輩皆統於范陽郡及
燕京不專取信於斯邑若烈士高漸離則邑之南
二十里至今有高里焉烈士之於茲邑無疑也余
小生時讀史記而壯其爲人及稍長側聞四方高
賢大夏兼理學氣節之盛者河北必以鹿太常伯

順爲居首而太常則定與人也夫考志乘者必詳文獻以馬貴與鄭夾漈二通之例例之則史紀之記浙離者其文也鹿太常之在近今者其獻也有文無獻則備古而遺今有獻無文則今詳而昔畧今定典一志而兩足徵者皆具焉且張侯有志於著述而不屑僅僅爲俗吏之爲夫亦可嘉也余忝奉簡書每按部校士輒攷其地之文獻思勸成一書如古輶軒紀聞之類以不負史官之職覽張侯茲志而美其發凡起例之槩有合於古外史氏之掌也其有起余之功也夫

改亭集卷三

五

李侍郎奏疏合編序

古三不朽之論左傳既釋之爲德功與言而歐陽氏又繹之爲修之身施之事見之言且以是三者雖聖賢不必皆全而太上貴德謂顏子之賢不待施於事而況於言此卽漢人稱美黃叔度之意而特慮言之不可恃至若古將相名臣之能立功者或德不修於身或無文章言論之可表見甚哉三者難兼也東獨以爲三者同條而共貫孔子曰有德者必有言則有德者必有功况聖賢一言之善爲法於天下後世卽德與功俱有之但其教澤有

遲速有顯晦必待其人而後顯若夫出一言建一議朝發于廟堂之上而德澤暮施於生民功被於天下使人信三者之果合一而效甚顯且速者則莫若盛世臺諫之官之以言爲職者也小時從吾師張西銘先生論次歷代名臣奏議及稍長讀嘉隆疏抄經世文編諸書而慨然想見諸立言之偉人至今日而得讀京卿李望石先生奏疏合稿而益慰向之所想見者誠有如是之偉人而立言之卽爲德與功果甚信而不可誣矣先生以文章受知世祖皇帝擢居翰林及簡爲言官丰采益著

改亭集卷三

六

出按兩淮當釐政大弊之後釐剔興復商民去疾苦而戴德惠國計又大裕再按三楚當朝廷大用兵郢襄攻秦楚蜀豫四省百餘年蘊聚充斥無可誰何之劇寇芟芻輓輸每三十鐘致一石師老財匱道殣相望之時先生戢驕兵調悍將勸屬吏勞窮黎轉輸既濟武功告成凡其見諸奏議部覆者固歷歷可依據也既府顯擢需次卿寺矣復拜命給事諫垣三百年以來無一人之身兼臺省兩官之職者先生躬際良時發舒昌言謬謬多建白皆洞中窾會可見開濟蘇軾云治事不若治人

治人不若治法治法不若治時時者國之所以興
存天下之所最重先生可謂有治時之言矣予既
讀先生奏疏數十萬言既又親聆先生之言論誠
有如宋曾魯公稱張安道之論大事他人終日反
覆不能盡者張公數言而決然成文皆可書而
誦竊退而歎非先生才不可及其識不可及耳但
他人之識或從學問積累而致先生之識殆本天
授先生今居卿貳中樞之位旦夕柄用爲聖世
大臣功德益盛以視昔之以言爲功德者必更有
進予獲承先生賞譽得彙次先生按淮楚及諫垣

改亭集卷三

七

時奏疏若干首且爲序紀之以繼美于古名臣奏
議經世文編之後而先生茲編之外與我執友顧
修遠訂正杜詩五七律註宋文選大顯于世又宣
城茆孝廉楚畹論次先生制藝全稿爲後學矜式
者著述不可勝序序其爲奏疏者若此

容齋詩集合選序

順治戊戌夏湘北李先生始官翰林才名滿天下
時值先皇帝稽古好文崇尚儒術每勅召近臣
集內殿賦詩論學或扈從南苑瀛臺間觀穫及騎
射大閱命應制爲詩時先生年甫二十餘意氣文

采甚盛思報稱遭逢益專一精銳于詩文同時著
述之富無先生匹者迨甲辰間詞臣罕侍從編纂
等事官既清暇人或怠棄翰墨而先生顧獨與同
志三四人勤學不輟爲詩益多是年賦擬古雜體
三十首遠追江文通近掩薛君采示子序之爾時
歎先生殆歐陽子所云獨爲于舉世不爲之日矣
至丁未予留京師日久見先生方奉詔特選入修
纂世祖皇帝實錄口騎馬東華門入史館竭鉛
槧之力竟日始得休歷年未已人又或以職業輟
學而先生吟咏益富每彙次篇帙授予讀十日不
能徧至壬子予從上谷雲中來京師而先生方總
持成均多士爲學益勤益出其十五六年來所積
詩數百幅示予蓋先生著述之盛格律之工至是
蔑以加矣顧欲然益不自足屬予刪煩就約意倦
倦抑抑若以予可與言詩者因憶兒童時從我師
張西銘太史遊見揖客飲酒間我師仲紙吮毫無
虛刻其友陳大樽恐其有誇多極博之蔽也因諷
之曰徐昌穀詩存者甚少而詩皆清新莫可訾議
至今不見其少弁州前後四部稿及別集幾于等
身克棟然其可傳者視昌穀亦不見多舒章謂昌

改亭集卷三

八

殺精卒三千足敵弁州散卒十萬我師默然予則謂人生學殖詎有定矩但當隨時增損耳當人皆怠棄舉世不爲之日則進以歐陽子之說我獨精勤必以富有日新爲任及著書滿家風流四映則謝春華而進秋實汰繁縟而要粹簡必折衷大樽之言始爲兩得顧刪定之責誠難其人而又不可無其人以曹植之才且云平生最好人譏彈其文有不善者應時改定然又刪丁儀言文之美惡我自得之後世誰相知定吾文者每疑其言意若相悖既思植所謂知其文者必如劉尹知我勝我自

改亭集卷三

九

知故可聞其言而改定若瑣瑣如劉季緒天下萬輩又何足道如此則刪定之人固不可無而亦不易有子又何以承先生之命而必序先生之詩者欲述十五六年來見先生勤學大槩及先生虛懷下人不自滿假之至意欲令凡我黨之有志于學者皆以先生爲矜式也

錢湘靈文集序

已酉歲將除矣余客金陵不能歸思旅人相與語甚善也乃至南城萬竹園尋同年錢先生湘靈湘靈又不在寓乃呼其少子壽春出年十二三矣頗

聰明知應對予因詰之曰近爾寓有可登眺者乎應曰有獨古瓦官寺鳳凰臺最近耳遂與偕至寺寺甚卑且隘門扁不肯開門外一汪伯玉碑碑字不甚可識登臺臺一土堆耳亦甚隘高不過三十尺傍有雜樹寒鴉噪其上遠望城西北諸山隱隱擁殘雪此外惟城堞人家烟火參差耳子愀然長嘯壽春拱立言曰小子聞吾父言唐李白賦鳳凰臺詩時臺逼江故詩曰鳳去臺空江自流又瓦官寺亦臨江故白詩曰白浪高於瓦官閣今不知何以江之身去此且三十里以小子思之我父子今

改亭集卷三

十

日晨夕寢興讀書賦詩晏笑之處在唐時則皆江濤洶湧潮汐往來帆檣如飛鳥洲嶼若明若滅之中也計唐至今日不過千有餘歲江行之變遷遂若此豈不異哉未知將自此而定耶抑從此而陵谷之變遷益不可定也先生何以教小子予曰李白以來迄今千有餘歲乎我不得而知之也江身之遷徙無常何足論卽吳宮花草晉代衣冠爲荒徑爲古丘我亦不得而知也惟李白之詩爾琅然誦之子畢然聽之若白也立於我前我見其磊磊落落無聊不平于中與我賦詩言笑于此也壽春

曰詩能移先生情若是則小子請以吾父之詩文進先生其序之子笑曰嗟乎李白有子伯禽庸才耳不若爾爲我友之子可喜也遂叙其詩文而歸之

周櫟園畫冊序

使誠能憐才之人一旦得行其志則天下必無坎壈失職之才士而天下亦大治矣唐虞三代之盛憐才之人無不得行其志者故其時在上之人曰孜孜惟以旁求才士爲事而於他藝事不暇及故以周公之自許多材多藝而於吐哺握髮夕見七

文亭集卷三

士

十士之外卒未聞有他好焉至後世憐才之人往往不得自行其志使天下才士皆進用於是其憐才之至性無所發洩于世乃深嗜篤好于才士之一技一藝以爲是亦可以寓我之至性而我之力可以聚之猶足自慰其嗜好于無窮也秦晉曰人之有技若已有之人之彥聖其心好之不啻若其口出夫一技之士與彥聖之人相去遠矣顧並舉之以見一个臣憐才之心凡所感觸不論大小其篤好深嗜類如此而媚忌之人卽一技亦其所不好與其所不容其不相類如此也夫畫之爲技亦

末矣其爲藝亦小矣櫟園周先生夙有畫癖所珍藏不下千百卷三十年以來先生所歷人世亦多故矣而愛畫不衰至爲樓以貯之而讀畫樓之詩與記遂徧于天下才士之作嗟乎以先生憐才之念使當爲大中丞爲侍郎之時遂得枋用以行其吐哺握髮之實事先生亦何暇而有此哉今天下才士荷先生獎借其聲價而讀書樂志于津梁之間巖穴之內者士亦何常不戴公憐才之效但不若古今來一技一藝之士有一筆一幅之可傳者得時時荷先生之珍重愛惜而先生歡愉憂患之中此纍纍者得時時周旋其晨夕而左右其言笑亦足爲報于知己也則東也又悔不早學畫以附于有技之列然亦免于妬嫉之患矣庚戌春二月序

文亭集卷三

主

譚鹿柴十集詩序

當明嘉隆間山東李于鱗江南王元美挾其同志競爲聲華雕績之學元美尤老壽爲大官後進爭遊其門其學益盛莫不人人自以升六朝之堂入三唐之室矣楚竟陵鍾譚兩家出盡掃除王李故習一變而爲清新淡蕩學者如醉飽後飲清茗啖

寒菹灑然不自知其適已也從之者甚衆會是時江西艾氏亦力攻王李古文並及其詩乃務以其空疎纖巧割裂不成字句詩自附爲鍾譚體於是我吳常熟錢氏復張目攘臂以鍾譚讀左傳大隲詩攻鍾而虞山詩約盡刪王李鍾譚體單精爲宋元人詩其徒至今日山東江南間以此貢詩名相推獎不絕也常虞山之攻鍾譚也萃經傳之勢根柢宋人其氣饒若挾天子令諸侯故虞山似勝而陳氏攻艾艾之說爲長陳似不勝而陳氏與其徒方爲王李體又不附錢氏於是學者各以其資性

收亭集卷三

七

所近或宗陳氏或宗錢氏或宗鍾譚氏數十年以來雖作者不一大抵人情好新而厭數見其中無自得但逞聲影亦何益矣當諸說紛爭時而吾師太倉張西銘先生惄然憂之雖師友錢氏陳氏而艾之友章羅陳三人與太倉兩張先生善譚弟服膺爲德清令復與吾師相友愛偃息辨問訊往來言歸于好江右四家與寒河譚氏諸兄弟子姪文並集吳下而復社國表之書懸諸國門天下翕然吾師之功爲大至辛巳秋吾師歿而向之各立意見紛然爭辨者一二十年間零落遂盡其尚能

言嚆昔之事者大都皆諸公之後人及其門弟子耳悲夫今譚子鹿柴楚譚氏友夏先生子也少承先學與諸兄弟讀書厲文行有聲以明經需次選人其詩高雅蒼涼得濃淡之中格律嚴整不專似鍾譚體與子交最驩相與同出居庸關望燕然山多邊塞唱和作既復與同遊趙魏中山間見其篋衍中自哀輯十集集各有題詞尚有其家尊老友若合肥龔贈公尹達及太虛叟諸先輩序慨然壯之因詳叙數十年以前事告鹿柴識各無忘乃父乃師之意遂爲序

收亭集卷三

南

葉慕廬制藝序

己亥九月予下第歸書賈請以三冬之功畢是科房書之選予因得以縱觀諸新進士之文獨愛敬楚中葉子全葉深醇雋永一字不苟設實能發明宋元明諸儒所以羽翼經傳之意喟然曰此必不可朽之業也聞者笑之曰制藝速朽之物而子言不朽何也予應之曰速朽與不朽之故子以爲在其物乎抑在作者乎苟作者之志力必欲其不朽則遂不朽焉已豈惟制藝凡技物皆然然卽制藝言之明二百八十年以制藝取士而可傳者少何

故其人皆借制藝爲梯榮媒利之資有苟焉以取之心揣摩淺陋和軟可喜之文僥倖于世俗之遇既遇之後已視其所作卽速朽亦甘心焉則其入之心先已朽矣咎豈在制藝若其命筆之時先有矜慎立言之志深思聖賢之微言與義一審乎心所安而發之可對越聖賢而無愧則其志固已蓋天下矣其平日之業又能討論經傳之同異直探諸儒窮理盡性之學使我力沛然足以達其志且其心自無逢迎世俗擾擾得失之念而出其專一精銳之力以行文必能顯當世而傳之

史亭集卷三

主

不朽此予所爲信葉子之文也笑者領之而去既是科房牘出天下果爭誦法葉子之文不三年八股廢同人尚多思其文者又六年八股復書買乃重鏤葉子藁以應世其文煥然若新而自已亥十二年以來他家制藝泯滅不可傳多矣予自喜其言之不妄因追述爲序以應書賈之請且以杜天下疑制藝爲速朽之物者若葉子詩古文政事具見於慕廬集越吟求生錄諸書予不具論論其制藝如此葉子名封字晉原又字井叔號慕廬起家汀州府推官改補河南府登封令少時從其尊甫

宦遊于楚遂家于黃實我嘉興人也其舊居距我家不三十里而近云康熙庚戌初夏序

王子重五經制義序

王子子重年弱冠通五經當事奇其才貢至京師子以其五經制義歎美心折旣爲俳優之文以贈之矣愧其意未有盡也復爲序以贈之曰經學之重於天下久矣學者舍經學則無以爲本也而孔子之言曰詩之失愚書之失誣樂之失奢禮之失煩春秋之失亂易之失賊何哉宋儒解之曰詩教溫柔敦厚不能淡察情僞故失之愚書教疏通知

史亭集卷三

主

遠未能篤確誠實故失之誣樂教廣博易良未必嚴立繩檢故失之奢易教潔淨精微學者沉潛思索太過且或害道故失之賊禮教恭儉莊敬學者周旋拘憊甚故失之煩春秋比事屬辭是非褒譏泰甚或至犯上故失之亂夫孔子手定六經以教天下後世而預憂其失輕則至於煩奢甚且至於賊亂者何哉善乎宋儒解之曰不善學者習其辭求其義義必有所偏偏必有所蔽善學者惟得之淡則養之固有以見天地之純古今之大體則亦可以無失矣我於王子五經之文旣愛其得之

則願其得之之漢也既愛其養之則願其養之之固也王子年少氣盛才敏學博其著爲文章廣大悉備他日能以其得之漢養之固者施之于事業廸之于身心我不能測王子之所至也使徒習其辭涉其義則漢之匡衡谷永孔光晉王弼何晏皆一時經師之尤也今觀其本傳卽位至三公亦何貴乎爲孔子之徒哉斯言也予向者於俳儷之文未之及也以王子之不鄙夷予而屬余以贈言之義予之所不敢不盡也且以予之受知於王子之尊甫先生而爲其客也尤不敢不盡其意於是乎

改亭集卷三

三

劉子登文樓序

以予觀子登之文其揣摩成矣尊甫先生尚疑其文過馴正欲歸于奇麗爲萬全必得之伎予笑謂子登曰而翁猶未免得失之見哉當項王縱兵睢水上圍劉季三匝時使大風不從西北起楚軍自潰散季必成擒項王必混一天下後史臣且稱說功德遑咎其不師古不自責乎劉季未央宮成大朝諸侯主奉玉卮起爲父壽曰始大人常以臣無賴不能治產業不如仲力今基之業所就孰與仲

多嗟乎當劉季受其父譙讓時卽季亦自以爲不如兄仲也人未得志每不能見信于其親其既得志也他人于數十世之後懸揣而稱道之以爲得者必當得者也失者必當失者也嗟乎其言誠是若大風特起西北潰亂楚軍使劉季得逸彼大風者亦季之得乎亦項王之失乎其亦可以信矣

寧筆公憶慈齋藥序

讀寧子筆公文八十首奇正淡顯無美不擅歎曰文章之能事盡矣無可加矣旣觀寧子之名其序曰憶慈齋藥竊反覆憶慈之義而知寧子之文所

改亭集卷三

太

以盡善蓋有其本矣夫文以立言立言者立身之大節立身者立我親生我之身也禮爲人子者一出言不敢忘父母君子所以動天地顯父母惟言與行然人之易其言倍于易其行言之多過百倍于行之多過噫可畏矣人能存其心不忘其親其小者慎于出話其大者必慎于立言故其著爲文章也能不昧聖賢之指而嚴其矩矱審其體要或博大而雍容或淡湛而簡潔內以達其心之聲外以植其載道之器此仁人孝子所謂不忘其親之文也爲勦說爲雷同煩稱飾詞而不顧其理之要

淫靡誠僻而不求其義之貫此庸妄人之自爲巨子而不思無擇言以不辱其親者也夫審子之文若是其亦可謂不忘其親不辱其親者矣卽以擬古之立言者何媿焉東之客頴也既定交審子始登堂而拜其親其尊府獻賢先生年甫五十謁藹然有道君子也其母夫人劉太君歿四年矣太君爲今城武君劉公與襄子通書義及書法常繕寫梵經數本藏于家年四十餘蚤世此我友審子憶慈齋之所以作而以名其齋者也詩陟屺之篇述慈母誠其愛子之言曰夙夜無寐尚慎旃哉益慎

改亭集卷三

左

言慎行慈母拳拳之意所以教其子者初不問于存歿也東也讀審子之文章歎美其立言之慎能本於憶慈之意而自恨以蚤孤之身浪遊四方多言多悔以爲老母慮有媿于良友者多因序其文而道其意以自警且以見予之所以序我友者非世俗闐然爲媚之文其亦有志于不辱其親而惜我學之不足以振之是有望于良友之助也夫是

彭梅谿落花詩序

湖南彭子梅谿給諫橫山先生子也有令聞著草

堂集篇什甚富下第後復賦落花詩數十章屬子序之子歎曰此天下傷心之句也唐人曰洛陽女兒惜顏色行逢落花長歎息歎已顏色之將衰如花之將落恐後時而有遲暮之悲也又曰葉落別樹飄零從風客無所託悲與此同此爲羈旅游子因物而懷故鄉也凡此皆子輩坎壈侘傺長貧賤自棄于人世者之所爲豈彭子之宜作哉伏而思之彭子所感者感此花之既落而有待于春日之復至則垂條啓秀雖續紛之不遠但復需之以三時未免寂寂令鄧禹笑人王融搥壁耳子則感此

改亭集卷三

主

花之既落不復有還枝再榮之望莊子曰木之斷者其半在溝中匠石棄之不顧夫復何歎哉讀彭子詩方傍徨踟躕之不暇而暇序彭子詩哉亦重負彭子意矣

趙長洲詩集序

長洲東南最大邑也又呂趙君以明經對策高第蒞治之盤錯纖鉅無不具舉方岳廉知其才待以國士君亦以得見知爲快不以勞苦辭務殫力盡職大中丞麻公爲特疏薦于朝得俞旨乃君於鞅掌之餘益肆力古文辭友愛賢士隱君子茲復

彙其近作曰振古堂二集乞子序予謂昔宋韓稚圭歐陽永叔同在政府歐不言政事韓不言文章當時謂兩公各避其所短然攷歐陽立朝臨事明敏得大體韓公安陽集四十卷詩文皆斐然可觀詩擬清廟生民文擬伊訓說命是兩公未嘗有所短也夫詩文者政治之潤色著述者立身之餘技有爲歐陽之文章而不能政治者矣未有若韓魏公之政事而喜雨一詩氣象不足壓倒羣製者故曰文身之章也他人先讀又呂詩後交其人而知其治行子則習聞又呂之治行而後盡讀其詩知其才無所不備先後不同同于知又呂而已昔王公伯安擒宸濠旋師江上武宗內侍毀公書生不知兵請與公射公發三矢皆中三軍大驩內侍奪氣去鍾毓謂魏舒曰我之不足以盡卿才如此射矣予于又呂詩亦云然

招鶴集序

余少嬰羸疾頗聞養生家所言導引吐納之術心竊樂之然不肯竟學以爲我輩既爲儒者則自有保身寡欲慎疾定命之學凡所爲玄牝谷神天根月窟稱說萬方皆非正論可不復介之于懷也况

改亭集卷三

三

招鶴吟

每在京師見凡求爲長生家言者必早貴富厚之人彼既所欲無不遂則以生爲樂故求長其生若我輩之貧賤坎壈自視存與歿無苦與樂之殊則凡爲長生家言者蓋可廢也然竊聞其大指必凝神以御氣細縕于無形不出不入綿綿若存伴心不着境心息相依然後可以立命則其說亦幾與吾儒主敬守一與所謂澹泊寧靜者無異彼崇高富厚之人既以得縱其欲爲樂而復何樂而爲寂寞之學哉予同年信陽張子合一以善言長生傾動京師交遊既盛唱酬並發積其詩篇曰招鶴吟

改亭集卷三

三

招鶴吟

集屬予爲之序竊疑所謂凝神御氣伴心不着境心息相依者其道以寡思慮爲要張子詩卽不假淡思又手立就其于不着境之旨或有整乎然果能淡其心與息凝其神與氣則詩之所謂依永和聲之法與杜老所稱陶冶性靈者張子亦必淡知其道有異世之徒工于格律者若招鶴之意則又長生家所稱委羽仙人騎黃鶴而下之也惟張子能自知之而非予之所得而窺焉已

許師六詩草序

今天下同人之衆無不知廣陵兩許子力臣師六

者丙午秋師六始舉于鄉丁未南宮之役卷已得
倘乃報罷歸里門力臣又北上留成均師六家居
悒悒不自得乃泝大江覽秋浦齊山之勝旣倦游
歸卽善病病良已乃集其所得于遊展藥鑪間者
爲詩若干首屬序于予予喟然曰師六之才大矣
其爲詩誠工矣使遂得志今且與吾友歌起輦日
逐逐長安塵壚中蚤起具輶輿良馬入玉堂食大
官饌開卷簪筆或叉手淡思習音聲于齒腭鼻舌
析微茫極要眇互稱善不自逸豈能挾其清暇之
身縱其登臨寫其情志且淡居養病偃仰自適而

改亭集卷三

重

遽積其篇章既多且美若此哉是天以不朽之業
委之師六而僥得僥失于所遇者不可謂非幸也
雖然是亦予之失志日久習聞于友人相慰之言
則然以語師六非篤論也以師六之才必旦暮出
入紫禁爲侍從應制之作被筦絃而薦郊廟始足
樂耳丈夫生年已三四十卽驟得志已使鄧禹笑
人况壯盛智慧魏祖之所汲惜而又遲之三年俾
我師六以有用之歲月栖遲于游與病之中而自
娛以歌詠夫豈作詩之本懷而序其詩者之所深
願乎予在廣陵逆旅窮愁渺歎適力臣自成均歸

相見慰勞因序師六詩質之力臣不僅爲師六序
也

愚庵小集序

學者述古往往博極載籍而著作未遑然真能述
者未有不能作也長孺朱先生覃精訓詁之學所
撰毛詩通義尚書埤傳禹貢長箋諸書皆羽翼經
傳有功儒先以卷帙繁重先梓子美義山二注海
內已爭購其書讀其書者無不樂見其詩文之盛
乃先生則退然不欲以詩文鳴東黍先生戚屬竊
取其存符崇讀之賦則規撫騷選詩則驅駕三唐

改亭集卷三

重

古文詞若序若記若書若論雅若紀傳雜著莫不
援經証史義精理愜乃矍然興曰此先生訓詁之
學所由總統流畧有功儒先而無弊者乎信夫真
能述者未有不能作也問嘗攜脉若文汪子汪子
曰先生詩文于古人誰比東應之曰其文可方宋
王魯齋而詩則過之魯齋經解不襲尋常義疏超
悟出諸儒之上觀其詩疑書疑可以知其學問之
根柢故發爲文章典實較重粹然澤于大雅特魯
齋篤意窮經故其詩鮮可稱述而先生于少陵老
人心慕手追咀英漱潤宜其比興體制有遠勝之

者雖然先生所處視魯齋更難魯齋親受業於何
北山上溯文公成公之傳下迨金許柳黃吳宋諸
公金華文統世世不絕同時交遊推轂皆宋元間
鉅公偉人也先生孤生奮起前不必有所承後不
必有所繼同時不必有所推輓獨以其貫穿六籍
折衷百氏者卓然楷柱於羣疑衆撼之日久之率
相與推服爲儒宗可不謂難哉汪子權衡人物最
矜慎許可亦稱東言爲然遂以述於先生因請出
其集問世是集行海內必有共然東之說者先生
經術之蘊其亦可以盡表見於當代已乎

改亭集卷三

重

蓼花洲倡和詩集序

庚戌八月初八日汝陰同人招子遊蓼花洲去
州門北二里兩傍皆水可通淮泗汝汴估舟沿州
而泊帆檣鱗集蟲蠹然可觀也子久客中原不見
舟楫臨流長歎有鄉關之思既罷酒共坐長林中
輒伯具筆札屬子爲詩得口號五首時有童法
裔恒卽頗解宗風顧子微笑子復呈二偈恒公領
之同人爭次韻吟和或七八首得之積八十餘章
意取率真義歸諧暢上人既顯寶主之機同人亦
泯詩偈之跡擬之白傅半格半律之間其亦可矣

顧天石詩集序

今天下海隅日出之鄉無雷鑿齒之域其人無不
知誦法辟疆顧先生所丹黃甲乙之文及其注
撰詩古文辭與制舉業者先生寬和沉靜與人交
外若落落穆穆不爲煦煦熱而中抱至性好汲引
氣類見人一字之善卽不識其面稱獎不啻口其
不能爲文者雖日出其金玉錦繡洵洵拳拳奔走
于先生之門不爲動也辛卯壬辰間予方讀書荒
江寂寞之濱不敢與洵洵拳拳者流角逐聲華之
末先生于選例中獨推許予能卓然不與俗同所
評論能與先生合天下山是稍稍益知予而予所
甲乙丹黃之文亦得齒先生後觀先生之遇予若
此則凡後進之士其得承先生之推許而不至懷
才淹沒以老者概可知矣因念古人達賢有後之
說以爲不可誣而先生顧遲至四十後始連舉丈
夫子六人而長公天石才譽傑然最先發蓋其生
時既有微祥播開海內迨年未毀齒卽矢口成詩
比之子美七齡思卽壯開口詠鳳凰也及年十一
二則詩學已大成古歌長篇及排律至數百十韻
莫不擗管立就汪洋品藻樞奇曲折上友蘇李下

改亭集卷三

重

狎元白使讀者皆震懼奪氣謂奇才天縱非尋常
蚤慧可相比擬卽欲歸美于先生之家學亦以爲
不能逮至此然以符子達賢有後之說則果信而
有微矣先生縱窮老不得志今有子若天石天亦
何負于先生哉獨念予生平旣荷先生推許之力
得稍稍見知于世度無以報先生惟念與天石爲
忘年友竭其齒牙之餘論使天下莫不知天石或
可報先生于萬一今天石之才又無待于効齒牙
之萬一是將終其身無以報先生也此子之所爲
惘然不能安者也又何以序天石之詩哉

改亭集卷四

吳江計 東甫草著

從孫

璜全姪

嘉禾

重編

甯益賢詩集序

客頴一月得甯子益賢和予慧湖諸絕句而善之
請盡讀其作乃得益賢金臺草諸體詩皆濟南王
貽上評次者貽上詩之君宗也貽上之所許天下
誰不許則益賢之工於詩久矣乃縱觀貽上評次
之語以益賢五古似陳射洪七言似岑嘉州又謂
兼空同歷下又謂似黃山谷夫空同七古不擬嘉
州山谷與歷下豈復相類何貽上以古人擬人不
齊若此且益賢之於詩又何以正變不可測若此
求其故而得之躍然曰是矣考貽上評次之時在
己亥庚子間此時貽上意中猶習聞前輩之論以
爲五古之陳射洪七古之岑嘉州唐人正宗也空
同歷下守唐人之家法者也貽上旣尊其名而心
實未能忘故以此稱益賢以重之也至山谷詩則
貽上之心乎愛矣惟恐已之不似又喜見人之能
似之者則亟引爲同調而親之此其稱益賢之至
者也孔子立鄭郭門外鄭之人謂孔子類似堯項
類臯陶肩似子產要以下不及禹三寸予竊笑鄭

人未嘗識堯禹皋陶而謂孔子似之何也其所識者獨其國之子產耳狀堯禹皋陶之名則鄭人皆知震而矜之故以擬孔子若子產則鄭人之心乎愛矣見有一體之相似者共指而識之且將因似者而思其真者焉然則貽上之以陳射洪之五古岑嘉州二李之七古擬益賢猶鄭人以堯禹皋陶之類項及肩以下擬孔子也以山谷許益賢猶鄭人以子產之肩擬孔子之肩也鄭人之尊孔子者至矣貽上之推許益賢至矣天下欲觀益賢之詩者觀貽上之評而證之以予之喻有不欣欣解頤者乎

改亭集卷四

二

菊隱贈言冊序

嘉定黃陶菴先生節義文章皆大純無疵予愧未及其生時師事之竊幸及其弟子侯研德陸翼王而私淑焉研德既早世而予交翼王益親狀在京師相聚之日爲多疑非翼王本懷也翼王自號菊隱宜與陳其年爲序翼王生平不負師友事其詳其文亦哀艷可誦今載汪氏說鈴中予謂此序足不朽矣而翼王意猶未已復於京師集孫侍郎王龔兩尚書及陳先生胤倩朱子錫鬯詩凡數十首

彙爲一冊以發明菊隱之義予謂兩尚書高文通德縱顯晦語默殊勢豈不足以重翼王若偕隱諸君詩固皆盡美而予猶最愛胤倩長篇述已與翼王同以布衣隱約留京師游公卿間不得已之故紆迴曲折磊落慷慨凡數百言其聲鳴鳴然其淚若泫泫交睫其鬚髮若稍戟怒張飄蕭飛動不能自止予讀之泣下蓋不僅胤倩能自言其情若爲翼王代言其情欲借以自證切惟恐言之不盡者胤倩以癸丑六月病於潞河十月歸京師今年正月歿於嚴大中丞寓而此詩作於癸丑春三月自後胤倩之爲長篇少矣悲夫胤倩詩縱極工能自狀其不得已然胤倩之爲處士豈遂無愧於古之爲謝臯羽鄭所南諸君子哉孤竹君二子采薇食之不死有處女過之指其薇笑曰此亦周之薇也恥食周粟獨忍食周草乎嗚呼必若斯言則臯羽所南諸君子之優游岩壑壽考以歿者亦有愧於二子多矣然斯言也苛而不可信今但去其泰甚或姑晦其隱士之號而可乎是予所以序斯冊之意而竊信陶菴先生靈爽未亡其必以予言爲有合矣

改亭集卷四

三

顧氏家譜序

自魏晉以來吳中氏族最著者必首顧陸見左思吳郡賦迄今二千餘年莫之改也今吳中顧處士自定其家譜乃斷自始遷入郡之祖迄其子若孫詳其官號配嗣居葬生卒約數世既不欲遠引又絕不肯有所附會此與歸太僕所嘆美華亭蔡用卿所著新譜何以異用卿曰我譜自我身追而上之自我所知者而止耳夫仁人孝子不忍忘其本而又恐我後之人迷其所知也故爲譜以傳之非以爲夸以爲慎也慎則信信則可久俾其後族

改亭集卷四

四

愈大而不淆合祭而食以序以別親親尊尊敬宗睦族古先王以宗法教天下使天下家自爲治非若元魏李唐以譜牒門第官人使人口趨於附會夸誕而孝友睦姻之風益薄也我吳俗尤尚侈凡希姓小家無不牽引華胄增飾氏系以自矜炫獨處士生於吾吳二千餘年著望大姓之後而能一矯俗尚守之以敬慎可久之義印斯譜而考其生平立心持已之大要其賢於人遠矣處士之先世男子而早孤者以孝友服官能樹立爲鄉黨所君宗婦人而早嫠者以苦節老壽聞於朝受旌闕

之典而處士能讀書明志世其家好行其德以嚴持其子爲名諸生以善裕其孫且早慧我見顧氏之譜系日滋大不必如歸震川之序蔡譜爲博採尚書史記之文以著其得姓再遷之所自也故亦爲質言以歸之

詠史詩序

我妹適柳塘張翁季鷹之長君平六季鷹以治毛鄭家言爲邑諸生祭酒頗饒於貲母年八十餘病墜不能起季鷹破其產視醫藥費累千金家遂日落喪葬既畢猶蔬食不御酒肉今年六十矣平六

改亭集卷四

五

自幼亦勵志行與我妹共孝養然素羸善病不能肆力於制科之業獨好詩及史於詩則自離騷蘇李以下至宋元諸家之作無不窺也於史則自三史以下至近代稗官野乘虞初七十二家之志無不涉也頃病甚且愈乃合二者之佳作詠史詩百餘首示予但其體不上擬大冲五言頗學義山絕句敘事中以議論介州所謂開宋人之派者平六率其胸臆已欲言不屑屑較量於工拙殆劉容城所云不能漢魏則爲歐蘇黃使足成一家之詩可矣予獨以平六既承其家學亦嘗治毛鄭家

言則於三百五篇大義必得其原又况季鷹純孝至性其足法於家庭者甚備夫白華南陔孝子相戒以養之詩而三百五篇之本也獨失其傳焉漢唐諸儒既聚訟不休而東廣徵之補亡復淺率不足道我不知平六父子之間夙昔所討論者何如平六試從此探詩學之原則其詩當有不求工而自工者詠史云乎哉我妹聞之曰我兄之論詩是也雖然東氏補亡之詩曰馨爾夕膳潔爾晨餐我之爲此亦甚難矣而兄尚以其詩爲淺率不足道乎予心慙其言故附及之

改亭集卷四

六

游晉草序

劉氏公遠自序其詩曰久客晉署中端居多暇見几研問李杜詩集欣然閱之亦復爲詩不知聲律之爲何物也恐知詩者以聲律求我先謝不敏焉予聞之笑曰是誠知詩矣阮籍曰禮豈爲我輩設籍誠知禮意矣予亦將語公遠曰聲律豈爲公遠設公遠獨不得爲知詩意乎哉夫自陶唐擊壤之歌至詩三百篇漢魏諸樂府歌詞未嘗苛求聲律也各自言其情志不問工拙也不患得失也率然成之偶然得之作者不自知其可傳亦不求傳於

人故撰人多闕名惟其無工拙得失之擾其念故其詩亦非後世之所能及江左及三唐諸作者出此意蕩然詩亦益卑下相束以聲律而以李杜爲宗工嗟乎李杜之詩豈以聲律重哉忠信薄而儀文繁情志衰而聲律盛禮與詩之病一也紛紛然皆工於悅人而不知自樂予之默然有感於公遠之言也有以夫

樹滋堂文選序

改亭集卷四

七

古之稱良吏者曰鳴琴而治何謂也曰貴其暇也有暇之日有暇之神故暇也何貴乎暇也曰無才之人必畏事畏事則事愈多不能暇多欲之人必好事好事則事易擾不得暇有才足以治事可幾於暇矣然有才無欲我罕見其人也嗟乎則又安得暇哉劉進士令晉之夏縣甚暇乃復尋其未仕時丹黃之宿好著曰樹滋堂文選示其兄與弟屬予序予曰是將以文代琴也夏劇邑也事多而能暇難矣非有才而無欲者耶雖然援琴而彈之其彈之跡猶人也而雅俗之辨非深知其意不能聽也文之跡不甚相遠也而理之醇與疵辨焉醇之中又有小疵焉擇之不可以不精也琴之聲一時

之聽也文之選百世之事也此我輩沉淪寂寞無用於世者之所爲也劉君以循良上第旦暮且入爲京朝官而暇爲此乎是則我輩之暇在時而劉君之暇在神也不可及已

王子重詩集序

楚黃王子子重以貴公子孫能世其學年二十眩擅今古之業傑然有才譽應詔選入成均將至京師二月先有事於湖南從武昌道漢口徑洞庭湖三百里抵長沙歷辰州五谿萬山之中游武陵復從武陵徑洞庭鄂州歸黃州水陸往返三四十

改亭集卷四

九

里六月廼自家踰淮渡大河亘中原歷常山鉅鹿至京師旋自京師出居庸關趨宣府再從宣府歸京師八月踏棘闢不得意九月再從京師出居庸經雲中渡紫荆關客寧武關距河套數百里復從紫荆入居庸至京師往返又二千里度今歲子重勞苦風塵中舟楫之所簸蕩車馬之所馳驟寒暑朝暮逆旅之所羈愁不自得葢歷萬餘里亦良苦矣然其詩才之汗澹格律之舉輦心目之高曠而英多則得助於洞庭大河滹沱衡漳桑乾諸水中原燕趙太行王屋孟門飛狐口諸大山雄關絕塞

驚風大漠千里蕭條之登眺爲多也夫楚幅幘風稱半天下子重既盡覽其勝勢而九邊六關復歷其半南訖沅湘北暨燕代凡所以開其心臆供其憑弔拓其識力者無所不至宜其詩之富有而工也矣昔王陽明先生年未二十時好神仙幻怪之學始婚之夕脫身游岩洞中遇異人叩擊性命之旨其從海日先生於京師也間躍馬游居庸倒馬紫荆諸關徧觀古今形勢要害用兵出奇制勝之地其奇氣勃勃難自平也及稍長一聞吳康齋之門人婁先生論學之語便能克已持重一意爲聖賢篤志之學予謂王氏多奇才必當以陽明爲第一今子重游眺之所至過於陽明祖父之世貴過於海日而才華年歲人地駸駸乎與陽明相埒使當世有如婁先生者其人子重交而親之其於學必更有進矣其於詩也亦必更有進矣

南昌喻氏詩序

自宋黃文節公興而天下有江西詩派至於今不廢近代最稱江西詩者莫過虞山錢受之繼之者爲今日汪鈍翁王阮亭最排斥江西詩者莫過雲間陳給事及李舍人宋中丞然予見近代江西詩

改亭集卷四

九

家如三洲唱和集所載陳大士萬茂先起先徐巨源喻仲延景孟所作五言古詩及巨源陳士業陳伯璣王于一論詩諸書序不皆祖述其鄉之詩派乃知天下士但當以其才調抒寫性情與天下士相酬應固不必操其土風也予因茂倫得交南昌喻子不知喻子於仲延景孟爲一家與否而卽其詩觀之亦非域於其鄉之派者矣今年春雪夜與喻子遇於趙明府坐上喻子酒酣慷慨爲言小生時去南州來江左問關師旅中日與弓刀鞞鞬爲伍足跡徧九邊既脫歸從茅山道士習導引服食爲步虛詞數十章每危坐深巖絕壑間飲天酒吸日華觀虎豹戰鬪往來隱身喬松大樹上常三日不得食宜其要眇曠逸雋永而清新不可以一格窺測之也以江西求喻子是不知喻子者也以江西詩派求喻子之詩是不知喻子之詩者也

澹園藥序

甲辰四月予至曲阜謁孔林遂訪顏子陋巷故里慨然念司馬子長適魯僅得觀仲尼廟堂車服禮器且爲賦高山景行詩徘徊不能去倘子長此時遂得交孔顏子孫考其舊聞討論其家學快幸且

收亭集卷四

十

十倍而東於斯時則已習顏氏兄弟澹園修來名至丁未遂識修來於阮亭坐上讀其詩又數年復讀澹園制藝得交其人蓋修來既屢從天子幸學特官尚書郎掌容臺典故不數年澹園成進士亦當上意選讀中秘書官常吉兄弟同朝並列清華長安公卿莫不矚目嘆曰此顏子後人也嗟乎長安大官貴人多矣求孔顏之後若澹園修來今日之榮遇少矣而以予之固陋得交其兄弟間視司馬子長之僅觀闕里車服禮器有間矣修來之詩高華典麗原本雅頌浸淫風騷其格調之老成非輒近詩人所可及澹園之文澤乎經術矧意深造黼黻唐儒之箋疏而寢食洛閩之指要夫以修來之詩鼓吹孔顏之所樂卽世室中之琴瑟樂歌也以澹園之文發明孔顏之心學卽講壇中不絕之微言也予既畢讀其詩文而追憶向者徘徊陋巷之側與友人話澹園兄弟姓名時忽忽遂十年可念也夫

收亭集卷四

十

嚴方貽稿序

辛丑三月予與方貽未待撤關先報罷卽俛首南歸方貽陸行予沿流而下各不相見至廣陵復相

遇握手慰勞予既支離悽惻而方貽亦有顚顚風塵之色矣予竊念以方貽之才華人地指顧清華何至不能忘情於得失也暨甲辰方貽成進士讀中秘書天下翕然稱之而予以姻友誼誤不得入闕策蹇出國門每從酒壚土銼之傍見方貽辛丑夏南歸題旅壁之作至任丘醉後一律慷慨悲涼予讀之泣下因次其韻和之予兩年來久不作詩又復忽忽事此積數十首皆言愁之篇至濟上晤關中李劬菴出示之李子則曰子詩雖善然於風人之義未有當也詩三百篇所爲幽愁憂思悲憤之作可謂無所不至而論者許其溫柔敦厚蓋其性情激越皆本於倫物是非當世治忽之大要初不以一己之得失一時之勞悴有動於中而遽發於言也卽或自悲不遇亦必自度其才果可一出而有當於倫物當世之大非漫然爲怨悱也今子之才果可自信於用世乎不可自信則安可汲汲於得戚戚於失也予聞李子之言自悔且愧及歸里門而門人張壘出其所訂方貽策論新篇示予予讀之三日忘寢食乃益嘆李子之言誠益友也使方貽得蚤遇豈不卓卓有表見而又遲之三年

改亭集卷四

主

宜其旅次題壁之詩及廣陵相見之際不能忘情於得失蓋其所爲得失者誠有如李子所言不以一己一時之故而有動於中也若予之謏劣得長爲耕鑿之民歌詠太平已爲厚幸寧可復動其心爲一己之謀也見方貽之得且益安予之失而益嘆李之善言詩也李子誠益友也

賈靜子先生私制策序

秦之強也范增一言敗之曰立楚後楚之強也董公一言敗之曰爲義帝發喪齊之強也酈食其憑軾而下之漢高祖之強也四皓一出而折服之彼范增董公酈食其四皓等七人皆天下之老人也以一言與人滅人折服人捷若影響者其歷年多則其觀變多觀變多則其於天下之事幾無所失幾之所發若轉圜石於千仞之山雖賁育慶忌不能就而禦也夫以諸老人之聰明材智而當其盛年壯氣之時爲之君相者不能用使淪伏於草莽之間得置身事外以觀天下之變以決天下之機審定而後言乘間而後發則其爲謀也必驚爲斷也必勇故昔周先王以及兩漢之隆必設三老五更於太學時時執爵而乞言所以收攝天下非常

改亭集卷四

主

駿偉之人老而未見用者資其謀畫以成一代之治也梁園賈靜子先生年七十矣負海內盛名五十年著書與身等精力不衰於近日治平之大略數晰若家事區處鑿鑿不稍惑蓋先生長梁宋之間二十年以前中原尤被兵革先生流離顛播習知天下患苦之事而又聰明才力卓絕時輩故能灼然爲救亂之言予之再入都也過梁苑見先生所爲策略購而繕錄之將携入京師謀所以獻先生書者使當世能採用其言必能成一代全盛之治一旦進先生於闕橋虎觀之間充三老五更之

改亭集卷四

古

選使公卿大臣之知經術者就聽之或使尚書給筆劄尚方潔廩餼先生得優游愉樂益盡其所欲言必大有益於當世也抑先生之先有賈生者年二十甚少而所上治安之書遂成西漢一代之治豈少者之言審機觀變與老者等耶抑其爲賈氏之策無老少皆盡善耶吾不可得而知也

姜西溟真意堂論序

姜子真意堂古文一編此姜子傳世之文也予將序之以告天下之知古文者其不知者不與告也姜子近著論一編此姜子應世之古文也予亦序

之以告天下之知爲制舉業者卽不知古文者予且告之也然予竊意姜子自信自重其應世之文當不若自信自重其傳世之文而姜子之意則均予竊疑姜子有志於韓退之文者也韓於古文高自矜許獨深詆其應舉之作謂有類於俳優之詞顏忸怩而心不寧卽歐陽氏學于韓亦自言當取科第時未暇學韓之古文徒時時念於心而已夫以韓歐之才於二者尚不能兼我不意姜子乃能兼韓歐之不能兼也旣而思之韓所爲類于俳優之辭大槩如文苑中所載限韻賦之類宜其爲之

改亭集卷四

古

而忸怩不安也若省試不貳過論則集中亦存之矣今觀姜子之論其爲舉業一如其爲古文皆以沉銳之力精悍之思出之與韓之古文何以異安能令姜子自信自重之不相均也况功令之所以罷八股尚策論將以網羅天下學古之士而今之爲應制言者大半空疎腐靡與八股異體而同習寧不亦重負功令哉予故欲以姜子應世之古文告天下之爲制舉業者

李草樓制藝序

孔子之道獲於秦興於漢廢於魏晉六朝存於唐

盛於宋極盛於明漢求六經於焚書之後凡士之
能一經者卽郡縣小吏可坐致卿相明以制藝取
士凡士之取卿相大官者無不誦法孔子之言潤
色其辭以傳會孔子之道其法至國朝不廢然昔
賢謂秦焚書而書存漢尊經而經亡者蓋深惡夫
斗筭小儒強執蠡管之見箋疏經傳各是師說而
不知大道之原也明制執之設二百八十年里巷
小兒稟承庸父兄之訓誥卽操筆墨沾沾焉傳會
孔子之言至以其文取卿相致功名而懵不知孔
子之道爲何如者今夫一草木一禽魚之微且眇

改亭集卷四

七

也不知其名而強呼之不知其類而強辨之辨之
而不當呼之而不似雖僞父亦笑之而况孔子之
道囊括天地經緯古今如此其大而懵不知者乃
人人操筆而傳會其說噫是殆不如漢人之箋疏
也而謂孔子之道至今日而極盛乎夫所謂能明
孔子之道者非僅其學之遂足以窮之也其人或
生而有至性及其長也又不爲嗜欲利害所播奪
有特立獨行之志有強毅不移之力其性與孔子
之道近故其言與孔子之道合若今順德太守泰
州李草樓先生之爲制藝是也蓋先生以制藝成

進士後令於秦丞於宋守於黔今復守於畿南二
十餘年歷天下寒苦寂寞浮沈抑鬱之境而先生
泊然有以自守益甚樂乎孔子之道并自信其所
爲制執者果有合乎孔子之道而予之信之自己
丑至于今亦不變也每念故明二百八十年中諸
大儒之出于制科者薛文清陳白沙湛甘泉羅念
菴王文成暨近日顧端文高忠憲馮恭定劉忠端
諸先生其所爲制執亦必能明孔子之道而傳者
顧少使後學不得從文以見道今幸先生之文哀
然成集使後之學者能從是而上窺乎孔子之道

改亭集卷四

七

此韓文公所云得其船與楫沿而不止其幾於道
不難也此予所以急欲布其文於國門使天下共
見之也

許力臣小品十九首序

古詩十九首上承三百篇離騷以下開建安黃初
諸子可謂詩之宗矣顧乃不傳其人與其世卽玉
臺採其七爲枚乘雕龍辨其一爲傳毅皆未可定
也且以作者之才豈不能窮幽極渺務爲瑰麗典
則之辭乃托之思婦離人新聲美酒下至芙蓉蟋
蟀一草一蟲莫不起興纏綿唱嘆淫佚求其正容

莊語十不得一若無意于詩而後之擬作者即才
大如陸士衡而去之已遠是知古作者雖無意爲
詩傲然不欲以詩名而有不能已於詩者此其
意非有心於擬者所可及也我友廣陵許子力臣
負才而嗇於遇迨壯游成均爲當世鉅公名卿所
引重而意且鬱鬱不自得聚其胷中之所磊砢歷
落輪囷而結轡者一大放于文章往往傲岸不屑
託于調諧慢世凡爲小品者十九首其文也博而
辨演洋而自恣雄峻悍拔而亦不戾於風人之惻
隱其自序也曰即取夫古詩十九首之意以名篇

改亭集卷四

六

贈雷伯顓王築夫序

雷子伯顓王子築夫俱秦中人僑居楊州去予家
六七百里而近予心師之二十年未得見今予之
來客揚州也叩門依人自冬徂夏久不得去遂得
以其間求事兩君子皆許爲文贈予意良厚兩君
子天下奇傑男子也負管葛經世之略隱居杜門

讀書授教終其身窮約以老怡然安之非天下之
至勇不能與於斯也暇日觀伯顓答築夫書曰入
夏以來家之所有悉歸之質庫然終不肯向人一
言我輩處今日惟有痛自裁減一法竭忠盡歡古
人所戒今人并未嘗忠未嘗歡也予讀其書未竟
遽喟然曰我師乎我師乎趨童子束裝別兩君子
以歸因念歸震川先生作陶菴記稱陶元亮非獨
不困於窮直以窮自娛後世論者徒以元熙甲子
之間謂爲大節而不究其安命樂天之實夫窮苦
迫於外饑寒憊於膚而性情不撓則於晉宋間如
蜉蝣聚散耳震川先生但能言元亮已成之學又
不若伯顓曉曉人情得其至當其爲安命樂天更
確乎其不可拔也雖然吳聘君康齋亦天下奇男
子也其自序七月十三日枕上輾轉思維與伯顓
語若相合乃其後迫於李文達出處之際不能自
決迄今有以爲疑者豈其樂天安命之實有未若
元亮之自然者乎我願兩君子之審於元亮康齋
之間守其志而不稍變東謫劣不肖進退失據之
人也荷兩君子知己之德甚深且辱贈文之誼旣
行乃書此以爲別詩曰非報也永以爲好也

改亭集卷四

九

贈汪蛟門沈康臣宋中郎陳椒峰諸進士序

國家甚需才也然有養之才有用之才所謂養之之才者何也今每科新進士有庶吉士之選是也服官之初一不擾之以職業而但使尙靜其志氣冲怡其德度通習國書以爲他日參預密勿之地所謂用之之才何也今進士之出爲知縣推官是也日以案牘勞其形神惟錢穀刑法是問而其人尤才者能久而不挫於用入官於京朝亦可馴至大官蓋庶吉士之選自明永樂間始重迄於今不廢凡進士之有才望且年少有風度者

改事集卷四

三

輒與其選人以爲榮其當與而不得者人或爲之怏怏焉我友揚州汪蛟門山陰沈康臣常州陳椒峰其定宋中郎皆當與此選幾得之矣而復不得或曰庶吉者天所貯文人必其人之含文蘊采不早見其光華者與焉今諸君子詩歌古文辭先傳布天下其光采發洩非天所以貯之意也或曰自明永樂後有文章盛名者莫過李獻吉何仲默王元美李于鱗數公而數公初未嘗官館閣即數公亦不藉是選以爲重也或曰諸君之才天實生之使亟見用於國家不必更求其所以養之也斯

三說者予皆聞之而予不謂然夫文采之將溢發也其來必有漸其漸則皆其平日之所養也且人之善自養者必審其性之所好而安習之諸君子之以詩古文自養者深矣今卽試之以案牘之繁畀之以錢穀刑法之任煩其形耳不煩其神也方且大考其平日之所養者益練其才以備國家大官之選而豈曰所養與所用有二乎予旣坐廢於時竊慶吾友之獲遇而或有恨於吾友之不得爲庶吉士者故爲廣其意而慰之

贈孫焦獲序

改事集卷四

三

嘗聞之先輩之言曰士君子至剛之氣養而無害發爲詩文關於世道予每壯其言思求得其人而友之關中李岷瞻曰子識吾友焦獲孫先生乎旣識先生益嘆岷瞻爲知言先生年未半百鬚髮鬢髮然盡白目光如炬聽其言磊磊落落讀其書悲涼老蒼與人交貴善不稍避予竊計之曰天地五行之氣惟金爲至剛漢書稱其不以寒暑燥濕變其節不爲風雨暴露改其形介然有常有似士君子之行先生生長西方爲雍州材傑之士其得金之性者深耶不然胡以至剛之氣能養而無害俾

其詩與其人卓然能自表見有關於世道若此然未知先生所爲養之道安在及覽櫟下藏弃集見先生戒子之書乃嘆先生之剛誠不可及也先生曰受人之辱最爲有益學聖賢而受辱惟有一懼懼有以取之也學隱逸而受辱惟有一喜喜人之不我知也嗟乎先生之剛若此譬之良金能以燥濕寒暑風雨暴露變節易形矣然其遇攻金之工也毀之淬之刮之磨之金惟甘心順受焉剛德乃成始可用於天下其不能爲至柔者非剛也先生之剛若此然恐恥瞻知先生之剛未若予知

改亭集卷四

三

先生之深又恐恥瞻之未明用剛之道也爲之序以記之非以頌焦穫先生也

贈姜西溟序

予於浙東之交最多雖知姜子然未深知姜子也武昌孟傳是語予曰姜西溟有古文數十首屬序於若予會有廣陵之行未之序也歸兩月而族子炳侍側曰姜先生古文辭當今不多有其格調在歸王之間而知叔父幸屬以序予以炳之能知古文辭也遽然起讀續范增論未之奇也再讀狄梁公祠記楊節婦傳稍稍稱善再讀送孫無言序爲

薛君四十壽序益稱善且知姜子爲江右王于先生友甚久宜姜子之能古文也旣予寓與姜子居益近乃往盡讀其文日對之如嚴師而姜子時鬱鬱有遲暮之嘆以年逾三十才名未徧知天下予則謂姜子過矣夫古人所爲致嘆於遲莫者以未能有所樹立也而所爲樹立者以在我之德與藝不在遇不遇也苟在我者可自信而自立我將與天地爲終始何遲莫之有且知希則貴古人言之矣使天下而盡真知姜子是天下盡能文之人也姜子方以已之所獨能待知已於天下後世之一二人而又何利於天下之盡能文而盡知姜子者乎且姜子與于一交則旣知于一矣于一爲古文高自標置者三十餘年天下之大真知于一者周櫟園宋荔裳諸先生外不過數人至饑寒困頓頻年作客老死可謂窮矣而今天下知于一者見其遺稿一字一句珍重愛惜之不置當時于一寧屑屑焉求知於天下乎嗟乎姜子其亦可以自樂矣昔以韓昌黎之爲古文也尚曰始自信中自疑予懼姜子之汲汲求知於天下而自疑也故序予之言以堅其志而贈之

終

改亭集卷五

吳江計 東南草著 從孫 璫全姪 嘉禾 重編

贈彭元定序

泰邱彭容園先生有丈夫子五人而元定才譽先發尤慨然有當世之志能敘述故明神光兩朝以來人物邪正所愛憎臧否甚當又能周知四方之人文及各郡邑姓氏一覽無所遺其趨舍又甚正年典謁遊吳門我吳同學諸兄弟見元定皆驩然與結交既歸里門受知於海陵李公草樓出其近藝數十首授之吳門剗刷氏以廣其四方之志且

改亭集卷五

語予曰子爲我序之予曰予何足以序子哉以爾師草樓先生與予論子之言序之可也元定曰唯唯草樓先生問於予曰元定之才誠優矣其志誠大矣雖然不可以定之也少年之人卽勤學猶未足子在泰丘亦見元定之勤於學否乎甚念之也予曰某之至泰丘也彭先生方在哭泣之際元定亦儼然在衰絰之中未及見其學然予知元定之必勤於學也元定生而有勤學之責有勤學之資有勤學之時有勤學之用也草樓曰其勤學之責奈何予曰彭氏之先自江右移家泰邱以科名世

改亭集卷五

其家逮元定之身五世矣科名者勤學則得之不能下貸之我子也此其有勤學之責者也其有勤學之資奈何曰予觀往古之勤學者貧而無書或丐之於人或竊之於友或鈔之於市或請之縣官其幸而得之也或無火燃糠以燭之或無師則數千里裹糧負笈重趼繭足以求之或不暇則戴經而鉏負薪而讀惟日不給也先生宦禾數年上自六經三史之書下及嘉隆才子之集必聚而藏之予見中州被寇禍之後卽相國第宅中不能備四部之書者元定幸而家有藏書卽使勤學十年并日而讀不必丐之於人竊之於友也又經師有魏用熙者當今之醇儒晨夕在家塾有疑卽可問有問卽可悟不必裹糧負笈之勞也米鹽瑣屑之事內外門戶之務自有總持之人其身甚暇不必經而鉏薪而讀也此所謂有勤學之資者也其勤學之奈何曰人之智慧聰明能強學多識博覽深校者必在年力壯盛之候年過三十則智慧聰明銷其半矣故昔賢謂晚年讀書能用而苦於不能記憶夫至不能記憶臨文索摸其苦已甚元定年未

弱冠又身無疾病心無雜營此所謂有其時者也其勤學之用奈何曰夫元定所謂有慨然當世之志者也所謂能臧否往昔人物者也所謂能留意四方之人文者也則其勤學之用誠大矣使有當世之志而不學則臨變而無術急聲名而不知大體我虞其債也將尚論往古人物而不學則循聲蹈虛胸無定識未見其必當也將與四方之文人遊則當良辰勝流置酒高會之時談辭如雲詩篇唱酬百端俱發四方之士有深窺其長短者不學則無以應也且同人氣類之盛莫過漢之延熹宋

改亭集卷五

三

之元祐元符矣黃門北寺之役黨人三百人至今知名者李范張杜等三十五人而已其餘無可傳也端禮門外黨碑之上百二十人迄今知名者上官軾餘官頤等三十人其餘無可傳矣夫諸人亦常隨波震蕩於諸君子之中而當時既不甚見重沒世而又無聞焉甚可哀也蓋諸人之學皆不足以自立而欲附正人自重其於屈伸之用誠短也此所謂有當世之志有四方人文之志者其學之用甚大而有其責有其資有其時者誠不可不自勤於學也惟元定也可以語此乎故知元定之

必將勤於學也憶予與草樓往復之言如此今述以序予子勿惡其切直乎元定曰微予與子之交也子言不及此予曷敢不祇承乃受而爲序

贈宋牧仲序

古宋地今有宋子犖者字牧仲天下俊傑非常之士也年十歲精騎射十一能制義詩歌十五六能盡交天下士斐然有令名其騎則能御跌蹠之馬上下峻阪一日行四五百里其射則能插矢於地縱馬射之兩矢相合不纖黍失其制義則規獲先型能自變化盡奇正之法其詩則上自蘇李下迄

改亭集卷五

四

三唐盡臻其妙其交天下士則折節虛左如寒士其家世則爲相國文康公子爲太宰莊敏公從孫其早貴則年未典謁已爲今天子扈從之臣也宋子之美善不具述其所以見稱於天下者惟制義與詩而宋子之所爲不自滿假溫溫抑抑與天下士角其短長辨其正僞者亦惟制義與詩二者則我請爲宋子與天下士論制義與詩明三百年以來以制義稱者前四家則王唐瞿薛後四家則歸胡湯楊最著餘若馮開之陶石簣鄧文潔董文敏諸公制義後生學者奉若科條而諸公之詩有

卓然可傳者乎以詩開一代之運者高楊張徐無論已繼之者前後七子北地信陽歷下瑯琊爲之冠今諸公之詩炳炳然而諸公之制義有卓然可傳者乎夫前後四大家之制義與前後七子之詩其足傳於世者才力相敵也前後四大家之詩與前後七子之制義其不獲并傳於世者才力有不能兼抑諸公之好尚或有所專而他不暇及也今以宋子之盛年銳氣又極天下人地之盛其所爲制義其能事已見於天下矣而又耽精詩歌乞乞孜孜志不稍勸宋子之才力好尚視三百年以來諸大家諸才子之才力好尚爲何如耶豈黃河大淮嵩山少室桐栢王屋之英靈委蛇壘蛇盤礴交錯於梁宋之間而獨萃於宋子耶吾聞莊敏公之爲太宰也當江陵黨人士失勢之後正已率屬持衡最平不敢蔽一賢士是宜其有宋子爲之後也文康公凡兩主禮闈丁亥文事初盛至己丑則浣濯易曼獨歸大雅文章體製廓然一新文康公持之也是宜其有宋子爲之子也是宜宋子之才力好尚欲兼擅乎制義詩歌而又溫溫抑抑折節天下之士以繼乃祖乃考之志也抑我聞王陽明

收亭集卷五

五

先生八九歲時從其父海日公於都門間脫身走登居庸紫荆倒馬黃花峪諸險要處縱觀邊關戎馬之勝於是才志雄拔意氣道上及長遂能兼理學事功文章之盛而我聞宋子幼時亦從文康公視師漁陽上谷間得歷覽邊關戎馬之勝嘗飛騎逐黑白兔雖材官驍張之士不能馳而及也扈從桑乾大羽獵飛馳高山危陂馬蹶復起起而復馳十數日不倦蓋宋子之才力志氣恢張奮踔於童穉之時有以盡天下之至大歷天下之至變其視制義詩歌之技殆眇末耳而亦以全力注之不敢忽宋子誠天下非常俊傑之士也夫使宋子他日得志則將兼陽明先生理學文章事功之盛以益光莊敏文康之家學彼區區制義詩歌之美善又何足以爲宋子諛抑予非好諛者也悉宋子之生平雖欲不諛焉不得也

收亭集卷五

五

贈徐山仿序

唐虞三代之隆士未有悲不遇者也士之不遇自孔子始然能以其道獨伸於天下羣弟子之不遇者皆得依其師以自見則不可謂之不遇矣終戰國之世尤貴士不獨四公子也士無懷一技而自

廢匿者漢負薪牧豕之徒賁郎齊夫之輩得自通
天子至有朝上書夕召見者又公卿大臣皆得薦
聘徵辟士有從布衣徒步一歲中至公府九列者
唐則若賀監之薦李白杜甫之自獻三大禮賦皆
以詩文崛起迨韓愈杜牧之流以著作干主司或
上書宰相求自媒當時不以爲耻且幕府各辟名
士授官掌書記士卽以此致高位其爲遇之塗蓋
廣矣宋取士之法漸狹然太學生常二三千人聚
京師得昌言朝政得失及人才進退當否之事士
之氣常伸士之甚不遇者莫若有明以來格於令

政亭集卷五

七

甲東以章程既不許若漢之上書天子從公卿薦
辟以自進又不許若唐之自干主司及宰相或授
官從書記於幕府又不許若宋太學生之得參論
朝事斤斤焉靡靡焉童子日佔畢鄉塾由郡縣而
升之學使者不遇則老於童子科已耳諸生日執
業庠序三歲而試之棘闈不遇則老於諸生已耳
歐陽子曰天下不乏駿偉非常之士而消磨老死
於山林之間夫山林之間有魚鳥烟雲登臨文酒
之樂又何足悲我獨悲天下才士之消磨老死於
章句訓詁之中也商邱中原人物之藪也當天下

道里之均四達之會多文獻之家予十年中兩遊
其地於後起之傑得吾友徐子恭士之從孫大年
字山仿者以爲目中操觚少年莫出其右其文蕩
逸遷變咸合古法每試未嘗不受知於方面及守
令位置恒第一獨應童子科輒報罷今年夏已見
賞于所司僥遇矣而復不遇予既稔識其文又深
知其不遇之故爲仰天扼腕咄咄不樂者數日而
徐生又蚤孤家貧幼育于從祖但能讀古人書自
娛不能謀所以詭遇之術也徐生亦惟益攻苦力
學以俟時命之集而已思古人有悲士不遇賦予
不能賦故爲序以慰勞之

政亭集卷五

八

贈侯貽孫序

商邱侯氏自太常公兄弟以儒術起家迨今貽孫
之身五世矣五世之中名位莫顯於司徒文章莫
盛於朝宗予丙申遊商邱適朝宗初沒展磨鏡之
誼不執孝子手而出至丙午再遊宋始獲與其子
彥室遊一日太邱叅邱諸同人爲公譚置酒朝宗
舊所著書壯悔堂中召予酒半見有年可舞勺瑤
環瑜珥望庭而趨詢之知爲彥室之子朝宗之孫
司徒公之曾孫也與之語應對英敏知非常兒也

出其試作瀏灘宕軼有朝宗之風不數日聞補郡學博士弟子員爲之色喜嗟乎今朝廷最慎庠序之選每大邑爲儒業佔畢俛首童子科者不下一二千人遙遙三四年其得升於庠序者大邑不過十五人有攻苦能文斑白而不得及者今貽孫以舞勺之年一出而應其選非昌黎所云余亦偉童子之獨出於等夷也哉間與朝宗愛憎吾吳陳子萬屈指朝宗若在今日年尚未五十也而遽有文孫出而接武其後朝宗縱不及見而天之所以待朝宗亦不可謂之膏於後矣維是朝宗意氣簡岸

改亭集卷五

九

爲文嫉惡好善多過當所刺譏庸邪之人猶伏中要害亦足傷天地之和爲之後人者宜以包含弘大之德度發爲和平蘊藉之文章以補朝宗未竟之志業以遠紹司徒公之遺緒休烈試觀朝宗所作彥室字說知其末年已進於道與東方曼倩阮嗣宗之誠子同一意我亦爲貽孫誦無念爾祖之詩爾

贈侯開公序

客宋數日於桃源舊令公侯仲衡坐上見其猶子侯明字闇公者試作剽悍銳驚跳盪無前卜其必

售也果爲學使者丹徒張公所賞識以第三人補商邱博士弟子員時翕然稱學使者知人能得士既閱其評語則以闇公文得力於曾南豐王遵巖兩大家予竊疑焉問於吾友徐子恭士曰遵巖文學南豐南豐學劉向向文本儀禮皆以典則厚重爲貴卽開闔旋折之間務規於寬大直而不倨縱而能徐在諸大家中自爲標格以僕觀闇公文蓋似眉山何張公言若是徐子曰公亦言其所從得力耳非言其貌爲似也且文之剽悍銳驚跳盪無前者使其中無所深得以厚植其原則一往易竭

改亭集卷五

十

故先輩謂眉山文與歐曾文同出於六經亦言其所自得耳且子不見牧齋之序震川集乎震川得一南豐文諷咏累日不倦今震川文簡質明潔亦何嘗求類南豐也予迺蹶然起歎徐子能知文適宋之同人賀闇公屬予文爲贈予卽書論文之語歸之以廣其志而勗其進且以質之仲衡以仲衡與徐子爲同學亦深知古文者也若闇公之家世人地宋之人無不知天下士莫不知使予而必詳述之以爲贈則非闇公能以文自致功名之意矣抑予聞闇公尊人叔岱名三十年愛其有古儒將

風雅歌投壺彈琴說劍鬪雞走狗踴躍賦詩同人
皆樂與之交而予十年中兩遊宋叔岱方爲汗漫
遊不得晤則予之所耿耿者也而聞公獨家居能
以典謁之年攻苦勵志以自振拔斯可謂之賢子
弟矣寧僅以其文似古大家爲重乎是爲敘

贈陳子萬歸宜興省兄其年序

丙申歲予與陽羨陳子其年讀書於今司業宋公
家其年居西舍予居東舍燈火相照映予不能夜
坐而喜早起其年吟咏必至夜分然好晏起其年
好爲驚艷絕麗之文予且嗜蒼涼古直之作兩人

收事集卷五

主

性不相易然最相得也歲冬十月予別其年于丹
陽姜氏自後數年予旅食京師齊魯江澗間無寧
歲而其年以貴公子孫亦不能家食客淮海間數
歲中僅一見於嘉禾曹司農宅予兩人支離憔悴
之况亦相似矣今春予往越聞其年至我邑我邑
同人如顧茂倫吳弘人又貧不能具鷄黍乃爲設
飢飽一飽而別予復不得晤甚矣予之念吾友之
切而別吾友之久也夏四月予去睢陽乃得時時
與其年弟子萬者游蓋子萬幼爲侯朝宗之贅壻
僑寓睢陽已十餘年予見我友之弟如見我友而

子萬亦知予與其年之交甚歡視予如兄也蓋其
年兄弟五人四人能詩子萬其一也久客多暇則
與子萬論詩但似爾兄客淮海間所作射雉集中
七言古詩則可橫行天下矣而子萬久居外悒悒
不自得思東歸適合肥龔先生過睢陽亦貽詩子
萬勿久滯此子萬今俟予北渡河將遂往秦淮就
其兄矣予謂以子萬之才但努力爲著述之事其
在睢陽與在東吳皆可自樹立何必歸昔諸葛子
瑜奮跡江左弟亮躬耕南陽泊然有以自守後皆
成大名顯當世枚皐爲枚乘少子乘歸淮陰皐少
留梁園未常從其父兄也後受知漢武以文章名
天下人亦自樹立而已何必歸若歸見家督則爲
予言甚相念苟富貴無相忘也

改事集卷五

主

贈陳子萬至京師序

陳上舍宗石字子萬者宜興陳少保公孫處士定
生先生子我友陳子其年弟梁苑侯氏朝宗贅壻
也以贅壻故僑居梁苑當四方孔道江南人士過
之者莫不交懽子萬與予交更久庚戌三月余過
梁苑信宿卽行子萬不忍予別之遽也不遠百餘
里從予至睢陽四五日共晨夕起居使予忘羈旅

之苦余心德之余之過睢陽也以見湯大叅先生
論學故特留四五日大叅得蘇門孫徵君先生講
學之傳于斯道實有所見予樂得以所見者相質
焉子萬從旁聽予兩人往復辨論之語欣然樂之
既同晨夕予益出其所見語于萬子萬益喜余亦
更喜子萬之可與言學也追數少保公總憲之時
值高忠憲劉忠憲馮恭定諸公倡首善書院于京
師四方講學者雲集高忠憲獨倡明考亭之教而
鄒忠憲則以所得于陽明之弟子者相與參錯其
議論雖意見未盡合然皆有功于聖學者理學變
而爲節義而定生先生與其友吳次尾方密之沈
斛生諸公激昂意氣顯賢黜佞遂開黨人清流之
禍然定生之功于名教天下莫不稱之節義復流
爲文章而朝宗與其年兄弟復先後以詩歌古文
詞昭耀天下蓋其學益醇而淺矣然華盛者必歸
于實末盛者必返其本亦勢所必然吾願子萬之
從事于理學也湯先生年未四十能棄官隱居力
學當代偉男子也孫先生以九十歲老人主持斯
道著書立說調停程朱與象山陽明異同之見使
子萬不僑居中州則已既久居此則舍兩先生者

改亭集卷五

五

安所從問學乎今子萬補國子上舍將讀書成均
行有日矣則吾又聞京師有熊青嶽先生者能爲
程朱篤實踐履之學予聞而心師之又有侍讀張
幹臣先生者得鄒忠憲公之遺意方以忠憲宗儒
語要一書風教天下予雖疑其教未甚合于考亭
然不可謂之非卓然有所見也子萬其以予與湯
先生往復之說質之兩先生兩先生者必有以益
子萬矣

贈田都諫序

歐陽子言今世九卿百執事貴官大職各有所司

改亭集卷五

五

不得兼理若生民利害社稷大計惟所見聞不專
繫一司惟宰相得行之諫官得言之故諫官權均
宰相然予常攷三代之世諫官無專職若益臯陶
傳說之納誨于其君昌言儆戒無所不至是宰相
卽諫官也唐宋以後兩省洊至大拜翰林亦兼言
職若韓范歐陽諸公皆以諍臣相繼叅知政事是
諫官卽宰相也自明之內閣大半從翰林優游坐
致且詞臣無言事之責言官官至六卿得入相益
少於是諫官與宰相之勢分宰相之權亦削浸淫
至今日言官尚得謗謗言事氣常申于天下而宰

相但取大體持重不得專意有所興革是言官尚
可言宰相不可行久矣故昔人曰不爲宰相當爲
諫官今但當曰若作宰相寧作言官非激也顧言
官分臺省三百年以來一人不相兼今得先後兼
爲之自兼山田公等始言路之遭逢若此抑奇矣
公起家大令入爲曹郎出樞關倉尋收監察御史
條奏必承 旨嘉納已需次卿寺復召入掖垣論
列皆經國碩畫先臺後省得暢論天下事先是公
令中州省試同考得士七人今年春以給事中分
校南宮得進士十一人皆知名士傳曰良農知舊

改亭集卷五

五

畚良陶知埏埴君歟歷中外習知國體已爲諫官
則知我所得士某某他日諫官才也已將爲卿寺
爲賢相則知我所得士某某他日必卿寺之才賢
相之才也夫及身爲大官據要津得行其志多不
過三四十年少則一二十年事耳得才士十數人
教育之使繼我事業而傳之無窮此數世之利也
故曰忠莫大于樹人功莫大于得士敬以爲公贈

贈趙明遠序

庚辰予從先君子同我友吳子聞夏讀書於楞伽
山寺見四壁皆與聞夏之父中丞公論文書爲吳

門趙明遠先生作先生卽聞夏師也自此屢得相
見先君命東以父執之禮事先生旣聞夏之兄子
齋養於東東以兒子蓄之而齋之外大母卽先生
女兄也因復與先生爲姻親又先生子子一丁西
舉副車才譽藉甚東與爲同年先生雖命東論交
在紀羣之間然東祇承先君命不敢忘事先生益
恭先生文筆妙天下每一藝成同學傳誦爭相繕
寫甲午行牘奔走海內至乙未下第後遠賈猶重
跼持兼金購其書從來所未有也其爲文根柢經
術緯以精思峻潔峭拔不欲一字襲前人人之習

改亭集卷五

末

其文而取科目者不可勝數而先生顧遲至今日
方成進士魁一經可謂晚達矣其關中作已傳誦
都下今且出其藏稿再奔走海內先生文章之光
燄乃益四達於天下垂之千百年不可磨滅也且
以先生之文迺晚達可以使天下負奇積學坎壈
抑鬱之士聞之益堅其志以俟命無傍徨中道之
苦卽其徒若聞夏友人之子若東者淪放久矣亦
得援先生以自勵先生一身之遭逢係於人心如
此何其重歟今先生歸故鄉與子一振興文章之
業予亦且歸偕聞夏置酒楞伽山之顛與先生縱

觀湖山而問先生昔日與吳中丞論文之指也

贈黃繼武序

自明洪永以來稱會元者俞友仁迄今丁未科我友黃子繼武天下之大三百年之久科名之重不過九十八人而繼武蔚然列其間予甚偉之蓋會元以文特重也我得而論次焉洪永十五人宣德迄天順十三人其文皆不事彫飾莫可得而詳成弘十四人章楓山吳匏庵爲之冠稍見其法度然未離乎太樸也正嘉之二十人隆萬之十八人人文代起其尤著者如唐應德瞿昆湖鄧文潔王文

改亭集卷五

七

肅馮具區李九我輩其文之矩矱神明若有相傳之符節可剖合驗視其時天下承平人心敦厚士之起家非科名不貴科名非會元不重故凡觀會元之文者亦可得尚論其世之一端也或謂吳無障以偏鋒傷氣湯霍林以柔媚敗度明文運自此衰然啓禎之八元若曹若吳其風神又何減前人也國朝制科已十舉凡爲會元之文靡不彬彬可觀獨兩科以來初罷八股俾士得以經濟自見於前之爲矩矱神明莫可求合而繼武獨能以昌明博大之篇章發舒其賅博精覈之經術使天下後

世讀其文想見國家文教之盛卽變易舊章而制科之業其可傳與前人無異予益偉之矣故樂得而序之

贈陳翁餘序

鄉會試之有副榜攷之前代名曰激賞一作益慰其俛得而失之也本朝獨戊子科詔天下廩生中副榜者貢至吏部謁選人最者以推官用次知縣次州郡佐增廣附學中副榜者入成均讀書滿一年送吏部歷事考用如廩生此恩詔不爲例辛卯科予應浙江省試中副榜第三同時前列王筠

改亭集卷五

大

辛丑陸洽原文水錢紹隆沈胤城馬紳俱登癸丑進士包元辰今官岳州太守盧元培戊戌進士戶部主事董問等丙午陳紫芝舉人王振皆一時知名士爲主考修撰蔣公超巡按御史杜公果所器重乃因順天副榜第一張叔泰上疏乞如戊子科得旨下部議時禮部尚書陳公之遴以次子容永在副榜前列引嫌迨巡未定明年給事中王公楨具疏請謂諸生以一二字之疵或限於額有毫釐千里之歎誠可憫惻乞以前十名克貢疏再下禮部而滿漢尚書遂議自後直隸大小省或二十名十名八名

五名前准貢 詔著爲令以有自後兩字余輩在
辛卯者仍罷爲諸生而甲午丁酉庚子三科皆行
之迨癸卯科歷丙午已酉俱不許立副榜名色士
之限于額數及徵疵不得當且寂然無所考據多
扼腕而思副榜之復設矣壬子科大司成復請舉
行如甲午已得俞旨天下欣然謂 聖天子酌復
舊章卽此事甚細亦足爲鼓勵人士之一端也嗟
乎自癸卯後天下京省試中式之額約裁減其半
進取之路益偏側人才沮抑短氣今之舉副榜者
皆昔中式及額之人也幸舊章方復之始得自州
縣貢入國門遊辟雍望闕惓然見 皇居之壯
麗與公卿大夫冠蓋輿騎之煥赫及二京十四行
省同年友生並入六館論文講藝之盛其猶賢于
前此之僥得之而寂然一無所知名攷據者哉予
旣被廢十二年心如寒灰槁木爲人摧抑虐侮不
復一動其心而忽感于此事之舉行追念二十餘
年以前予與同榜諸兄弟經營奔走於部科間事
垂成而忽變感慨悵鬱之狀歷歷如昨日事今已
再閱沿革海內精銳之士從此進者雲蒸霞起而
余且頽然將老矣癸丑六月偶從督學侍讀王先

贈王又沂序

生于邢州幕中清暇而同客黃岡陳子翁餘以壬
子湖廣鄉試副榜第五人貢入成均負能文之譽
又恂恂抑抑勤讀書訊知爲名父之子又我友菊
廬朱先生弟子也與予交藹然予因歷舉副榜前
列援貢緣起以告之且以備後日攷掌故者毫末
之助非敢曰自敘其事於諸公有前驅之力也

我家四世師友於黃岡獨多豈不異哉有識其父
於三十年之前旣友其子於三十年之後者黃岡
王氏又沂之於予父子是也有識其子於十五年
之前旣友其父於十五年之後者予與黃岡朱氏
菊廬父子是也我先君性沉靜簡默不妄交游每
談士競引重始應四方文社事又沂之識家君也
在乙酉正月時先君方出謝友人之會弔先大母
故相遇吳中丞家又沂爲予言先君白衣冠顏色
顚顚若重有哀者同坐爲張九臨吳羽三吳弘人
兄弟予聞之泣下蓋先君以是年春三月哀毀嘔
血至明年春不勝喪歿矣嗟乎今天下文章之士
如雲予小子幸多四方賢豪長者交然自江浙數
百里外求一人曾識我先君者又沂先生少矣然

則東對先生言動間稍輕躁狂易有悖先君對客
謹慎意先生必心非之東也敢不敬乎况先生夙
有聲譽藝林爲吳廬王公舅氏而與公諸賓客飲
食起居不求稍異謙抑能下人論文得矩矱變化
觀其持已論文可以知其人矣敢不敬乎尤異
者天啓初東先大父在成均觸忤魏忠賢黨人中
以家難幾不測而時以縣令力爲保全者黃岡晏
泰徵吏部也爲一世拔我先君童子科中三試皆
第一後院試亦第一俾先君自此知名亦晏公也
爲再世東丁酉舉於順天黃岡曹厚庵先生予座

改亭集卷五

圭

主也知予二十年館穀予俾予得負米以將母爲
吳廬王公而因公得交其親中若菊廬又沂及公
子子重菊廬子庭怡門人陳翁餘又皆黃岡人也
爲三世予長子準交庭怡其事詳于贈庭怡序中
爲四世夫黃岡之至我邑凡二千餘里可謂遠矣
而寒門四世所師友得諸賢人君子于黃岡若此
亦盛矣豈不異哉因又沂之與我先君之相識遂
牽連及此亦猶古史傳書法之意也夫

贈朱菊廬歸觀序

東母生萬曆丙午今年六十八菊廬母夫人生萬

曆壬辰今年八十二東母生東一人東生子一人
菊廬母生菊廬兄弟三人有孫十人曾孫十一人
菊廬長於東不過五六年今有子二人孫三人矣
東母雖少菊廬母十三四年然早衰髮齒盡脫容
貌若八十餘歲者性勤紉績雖老不倦然自生東
時得肺病至今每一發輒委頓數日而菊廬母聞
壯健少疾病耳目聰明行步不須杖扶若五六十
歲人東生爲獨子且有賢子夫之今一子又孱弱
多病東又家食不給出負米四方經年不能歸歸
復遠山遊如是者二十餘年而菊廬二十年以來

改亭集卷五

圭

僅兩至京師踰年卽歸省母率子姓抱孫羅列母
膝前言笑爲樂且楚中薪米價賤不及我吳四分
之一樊湖魚蟹黃州猪肉子瞻所稱美冠天下者
不過數十錢可供數人食其脆饔食易辦又世有
恒產足以給仰事不似東之必索游以奉衣食俾
我母時時仰屋而歎嗟乎菊廬固非天下富貴赫
奕不可幾望之人也同爲人子而予事事不及菊
廬遠甚豈非天哉豈非天哉雖然菊廬少壯時屢
以文章受知賢公卿大人旣舉鄉歲進士需次爲
學官官能澹靜自守用心平內似見道者與人交

寬容和慎不與物件卽學通天人而藏養益密未嘗以學問驕人予竊窺菊廬一出言一舉念之間能不忘其親不辱其親以邀福於天也若予之輕踈褊急動而獲戾聞過不知改常貽我母以危懼則予事事之不逮菊廬豈皆天爲之哉壬子秋與定交於督學王公邸第復同歷燕趙魏衛中山間感菊廬能容我過而遇我厚今十月菊廬自魏博固辭王公歸省母夫人期以明年春來雖爲別不久然美菊廬之得早歸而菊廬母夫人見子之樂與吾母歲暮倚閭念子不得遽見之悲同爲人母而懷抱之不同若是東之罪通於天矣因泫然序其言以爲菊廬先生賀

改亭集卷五

重

改亭集卷六

吳江計 東甫草著 從孫 璜全姪 嘉禾 重編

贈孟伯健序

我祖父受當世巨公知遇最深者莫若黃岡晏泰徵先生先生令松陵五年清惠無比不幸所部密邇璫黨先祖蒙家難璫黨之大力者壓先生俾破我家先生屹不動我祖賴以全我祖既饒於資爲國學生而先君年二十一猶困童子試先生奇先君文拔置第一再試再第一邑人譁謂以資得之於先生也旣而先君郡院兩試亦俱第一邑人乃服先生握先君手大喜笑謂若不負我蓋我祖父受先生知遇若此予童穉時每歲見先君焚香滌硯修赫蹏候先生惟謹且知先生有令子能文益喜不意先生後歿於嶺南令子復蚤世有當承嗣先生者久未定而先生竟無後矣今獨有外孫一人耳卽今武昌孝廉孟傳是之子字伯健者也左傳於姬廬之間特重甥舅謂爲自出范氏曰愛其甘棠況其子乎韓昌黎曰元賓歿求見元賓不得得見元賓之友如見元賓焉况我家世受晏先生知今求見先生不可得求見先生之子若孫不

改亭集卷六

一

可得而幸得見先生之外孫所謂先生之自出也
庶可髣髴其音容於百一不猶愈於棠乎不猶愈
於其友乎而謂予於伯健有不相見感慨畱連且
悲且喜急引與爲忘年之交者乎而伯健又早慧
過人年十三已博綜古今顧盼英穎從傳是來遊
吾吳同人見之無不傾倒其能克紹祖父之風而
又克成我晏先生之宅相無疑也司馬子長作史
記不得外孫楊惲其書不傳韓昌黎古文詩不得
塔李漢其集亦不顯今先生有塔傳是有外孫伯
健何必不若李漢楊惲而予又竊附淵源之義於
改亭集卷六

贈張生肅如之京師序

吳諸生張壘字肅如從學於予久矣予既廢於世
而壘事予益恭一日壘去予遊京師予與及門吳
萬徐鉉輩及兄子炳送之江干既祖取道謁等前
曰夫子好爲文今於壘之行而夫子獨無文以贈
行可乎予曰古所謂贈言者必其人有過當規有
不逮當振而進之也壘之於家也事父母大父母

甚謹蓄弟妹甚友愛與師友甚篤信其出門必可
無內顧憂也其之京師也持已必狷介臨事必持
重發言必慎密與人必無傲忽無諂竇以獲戾於
人予又何所規其過振其不逮而贈之以言乎無
已予將教壘以待蝎之道壘生長江南其始遊於
北殆未知蝎也踰江及河從山東歷蒙陰肥城之
間則多見蝎焉且今入夏當蝎時矣壘逆旅中將
卧起必持燭視土銼及四壁謹避之蝎雖陰毒然
人不相觸蝎亦不求人而螫也壘其識予言慎勿
與蝎遇可矣倘不獲已而爲蝎所中必疾苦且痺

改亭集卷六

三

但當持其心志勿使瞽亂若不可忍者况疾苦不
踰時當瘞若叫號於人爲人所笑人亦不爾惜也
若求藥以治之藥每不勝徒自擾擾縱求得蝎亦
慎勿殺何也使人之心若常見蝎者敬畏則可以
無咎蝎亦有功於人又安可殺也壘起拜曰善乎
夫子之言壘也謹受教乃屬藹書其語贈之

贈胡濤公序

昔容城劉靜修先生統論字學分篆隸金石之刻
爲三一曰先秦款識金石刻一曰魏晉金石刻一
曰唐以來李陽冰等刻予每考歐陽子集古錄知

劉先生所分別良然然以爲特博古者玩好所寄未必其有實用也及觀韓退之蚪蚪書後記云凡爲文章宜畧識字欲識字必通先秦以還及陽水父子之學然後三蒼之說有據劉先生亦云正書必本篆隸鍾王皆深知其義卽顏平原所辨正通俗三等書亦然夫求識字以爲文章則金石篆刻之用亦大矣然今日字學淆譌已極嘗求其故知古之爲字難今之爲字易古攻文之法甚嚴而今無法也何以知其然也古字欲通用者刻竹木欲垂久者刻金石工既繁則較辨必慎卽秦漢後學

改亭集卷六

四

者欲自爲或傭人皆抄寫讐對謬者尙少迨南唐和凝始行刻板紙印之法書益廣而益輕字遂不勝其訛矣古周禮六官之掌各分獨攻文之官既有外史外令掌三皇五帝之書達書名於四方專其職於宗伯之屬矣而家胥胥史論書名之職復統之行人朱子又云每歲使大行之屬巡行天下攷文正否統於大司寇則爲罰必嚴而法無所貸今者不但廢其官卽三年之中一行其令於科舉一點畫不可誤司其事者先不識正通俗三等之形不知三蒼說文爲何書卽蔭蔭兩字正俗之辨

考官既釐究於章皇帝之前而辛丑南宮之役以蔭字銜冤者百人則顛倒淆亂莫此爲甚夫正書且不能辨敢望篆隸乎刻之板者且不能辨敢望刻之金石者乎然篆隸者正書之原也金石刻者又篆隸之疎也則今日而有留意於識字爲文章者舍金石刻之家無從問辨也矣徐州胡濤公獨以此擅重名於蚪蚪文及秦漢唐諸字法莫不詳其從來稽其正變令博古之士皆悅服蓋濤公之才無所不能其詩與畫皆足名家而歐然不居獨其金石篆隸之學爲天下宗濤公亦毅然任之而不辭豈亦深憫乎今日不識字之人率意於爲文章者與庚戌秋七月來潁州訪劉公定氏與予適相遇縱觀其諸刻慨然念字學之不可復猶幸斯人之存爲有係於學者也故贈之序以告夫同志之欲識字者

改亭集卷六

五

贈李魯玉序

長垣李璠字魯玉生八歲而孤母孫太君撫之成人早歲補邑諸生試輒高等昨歲受知督學侍讀王公拔第一今年春夏從遊河間真定兩郡間指授爲文法度學益進既深念其母太君獨居且無

同產兄弟可共奉養祖母春秋又高乃浩然辭王公歸王公慰諭留之不得而東送之愴然爲慷慨流涕言曰君生而早孤抑予亦孤兒也傳曰人情莫不悲其所同愛其所似又曰孤者易傷貧者易感以予今日送子忍恻然無一言哉予嘗秉次經傳史書所載聖賢大儒將相下及博學能文章負氣節之士凡生而早孤能自勵成人以立大名顯所生者得百餘人分爲四卷卷各有目人各有傳傳各有贊贊已復綴以論論其立身行己之本末操心慮患之不易曰孤兒編其第一卷第一人則

改亭集卷六

六

孔子也第二人則孟子也卷終一人則我朱子也將相名臣最著者推諸葛忠武范文正博學宏詞能文章負氣節推韓退之歐陽永叔爲最俱冠諸卷首以發凡起例可觀也東早歲失嚴父伶仃荼苦每當佗僚無聊時則啓所著茲編以自娛卽不敢望孔孟庶幾願學朱子焉默默抱此志三十年矣今見李君之文采志行及其早孤之年歲謂可與論爲孤兒之道者欲以予所著書授之於其行也述此以告之

贈王孟穀序

東嘗縱觀漢末諸談士其遭逢之跡若獲報於天者有三最上爲荀明陵陳太邱等師表人倫數十年仕宦未甚通顯天則通顯其子以報之如荀文若陳元方長文兄弟使其門望足以發揚父祖之潛德其次若蔡中郎之無後郭有道龐德公司馬德操輩之終隱而不出則天必通顯其所獎許之後進使後世信其識鑒之明而因以不泯其舊德若王仲宣顧元歎之於蔡中郎聶季寶等之於郭有道龐士元諸葛君之於龐德公司馬德操皆是已最下則以中原耆舊有聲之士遭時割據隔絕

改亭集卷六

七

一隅冀得一身之棲托若張子布虞仲翔之在吳許文休之在蜀最可悲矣而其平生故人或貴爲公輔心焉念之爲移書慰問以張其聲價若孟德之於子布王朗之於文休雖其國中年少氣銳功烈赫然若周公瑾法孝直輩不敢加無禮於子布文休亦其平生好推獎氣類之一報也嗟乎讀史至漢建安之間談士之所遭逢若此此可爲慷慨太息者矣今漢陽王懷人當世荀陳也有才子孟穀其文采意氣度越時輩他日必爲文若元方以光啓朗陵太邱之門望予所以屢爲懷人賀者也

所自傷者一身淪落錮廢不足惜而疇昔曾蒙賞譽推獎若蔡中郎郭有道其人者今或身歿無後或聲名俱辱甚於中郎而予輩學無一成又不能仕宦重負中郎之賞識卽同學中或稍稍通顯矣又不肯篤念疇昔諱言爲某人援引之後進予嘗過卑里斐東金沙間想見其當日談辭如雲門外屢滿之處未嘗不三嘆也今天下之大海內耆舊之盛他日或有如子布文休之絕遠中原者我願孟穀通顯之後必推論數十年以來人物交遊本末使天下知論交之不可苟卽立功若公瑾孝直

改亭集卷六

八

必敬禮子布文休使天下知曩輩人物雖類唐偃蹇亦有不可抹撥者是亦懷人之所樂聞而予之長爲天地間棄物徒負疚於疇昔之爲中郎有道者尙得比於人數是在孟穀他日念之而已

贈韓燦之之浙江幕府序

昌黎韓子稱其友李博崔羣之賢謂兩人之爲賓客於諸幕府也道不行於主人與之處者非其類雖有享之以季氏之富不可一日畱也予讀其言默然念今天下果有博與羣之爲人者乎而韓子又曰知其客可以信其主知其主可以信其客因

念今天下卽有博與羣之爲人欲得博與羣之主入甚難又竊怪兩人何以遽得賢主人使道行而名立兩人者旣起家爲大官而又使其主人之賢聞於天下也旣又讀其送石處士之御史大夫烏公幕也祝之曰大夫真能以義取人先生真能以道自任決去就又祝之曰使大夫恒無變其初無甘受佞人而外敬正士無味於諂言惟先生是聽以能有成功係天子之寵命予乃爽然知主客之相資以有成其相與以道義嚴重深厚不苟且如此必若韓子所言然後可贊主人成功以報天子

改亭集卷六

九

也予往來京師幾二十年見友人之得爲幕府上客揚揚盛車騎出國門者不可勝數未嘗敢告以韓子之言今涇陽韓君之之兩浙撫君之幕也知君平生志行與李博崔羣同而主人與客之能相信以道義不苟於去就亦與石處士主客同故敢以昌黎韓子之言告且予浙人也兩浙安予受其福予身雖負米於四方予老母弱子親串之在我浙者其係於韓君與主人之能安全之也亦切矣至治兩浙大畧凡所爲察屬吏戢悍兵靖寇原恤民困廣視聽酌寬猛使民皆樂其生而下吏惕然

知畏法則韓君之所以決筴於賢主人使道行而名立者已熟矣何待予言

贈朱菊廬序

予聞黃州朱先生久矣今年夏適館於督學王公與先生同里數數爲予稱朱三兄菊廬予曰菊廬先生之爲人何如公曰闇然自修有質有文不矜不伐之君子人也其爲文章原本六經內淑心性外有濟於用世予見公平日品隲天下人物不稍假借以此信先生願望見之迨閏七月乃定交於王公之宅先生固知予予讀先生雙修堂古文

改亭集卷六

十一

數十篇答問數十則既心折其文章而先生見予甫里集詩古文則又稱善不置爲予序之然予以文章知先生者淺也久與先生處見先生一嘖笑不輕發終日瞑然獨坐一室中塵滿几席書卷縱橫不屑意蓋用心於內者也與人言開布心腹不激不隨和平溫厚粹然有道予以是益服王公誠能知人得友而嘆先生生平所以見信於其友者其爲人與文非偶然也先生三十年以來絕意仕進雖數年以來奉其尊甫之命一應廷試得明經高第然其志無日不在山水間思杜門著書以老

而王公方貴爲天子近臣司畿輔文章之柄與

先生出處亦迥異矣而兩人之交相信而相與爲益以底於有成也在易孔子之言曰君子之道或出或處或默或語二人同心其利斷金同心之言其臭如蘭楊中立釋之曰跡異而心同不害其爲同跡同而心異相望而愈遠楊誠齋又釋之曰出處同道則禹顓頊晦同一情語默同道則史直蘧卷同一意我於王公之言信菊廬之爲人於菊廬之人與文信王公之論人於孔子釋易論交之義信公與先生之交果在心而不在跡也竊怪天下之求友者始惟泥其跡之同泊地位相近相軋又從而相伎焉信乎惟處者可與出者全其交默者可與語者見其心也雖然以處者交處者以默者遇默者則又何至於相伎乎是予與先生論交之志也

贈朱庭怡序

順治庚子夏於大廷尉漢陽來園李公座上見三少年皆有容止文采一一問其姓氏一爲廷尉公子字仁熟一爲我友黃敬淪子字卿月一爲朱氏子字庭怡卽廷尉公壻而黃岡朱菊廬令子也予

時未識朱君而凄然念敬渝嚙昔之交今喜其有子感慨太息而別閱十三年壬子始獲識菊廬於京師問庭怡別來狀甚慰既菊廬門人王子重陳翁餘亦同舍共稱庭怡爲諸生能文有聲譽迨明年九月庭怡來魏博省其大人卽奉大人歸省其大母予與爲同舍生者浹月愛其安雅端正不妄言笑無洵洵拳拳之習且爲詩有法度與翁餘共一几榻篝燈夜讀偈側漏三四鼓不休其勤讀若此足爲菊廬令子矣大易稱有子考無咎及子克家宋潛溪引其語送劉文成二子謂爲人父者得

改亭集卷六

三

賢子之力必及其年壯盛之時父經營四方於外而子代執家政於內可以覩其用心之誠僞及他日學術之虛實此篤論也今菊廬年僅五十餘而令子老成練達質有其文此潛溪之所致美於文成者矣獨念予昔亦有子準年十二以文章受知於廷尉李公公之從西浙入卿寺也予率準自禾水送之吳門公命準論伊洛淵源心要準應對詳敏公大驚異泊舟慧山手書高忠憲公靜坐吟爲序數百言紙長三丈餘授之藏於家卽庭怡亦嘗識我子準矣今見友人之令子而追念我子其能

爲太上之忘情乎廷尉歿亦數年今聞仁熟能自振拔不墜家聲卿月亦能讀父書是皆可感可喜者也庭怡歸爲我致相念可乎

贈余鴻期序

余子鴻期楚之興國州人以鄉貢進士謁選人爲學官需次京師予與之共筆墨之事者五閱月常同遊塞上東至盛龍西出居庸關抵宣雲間與語累日夕不休因悉其爲人愛其誠朴謹厚謙謙下人又能多識史乘裨正諸書前言徃行及近代賢士大夫詩文可傳說者一一成誦人有詢之者矢

改亭集卷六

三

口卽答若其所自作噫亦異矣然又不自矜其博見人稱知讀書必惓惓問以所疑有得則喜形於色不得則踈然不自怡予窺見其誠然也因喟然念吾孔孟之教必曰學問學必繼之以問也今師道日衰天下有志之士渺見鮮聞卽肯自勤於學而頗以問人爲耻此學者之大病也而鴻期獨能全是二者以勵於學嗟乎豈易得哉昔西銘張先生盛年勤學甫四十而歿故其所著書或未愜人意獨鴻期每背誦其所爲序跋皆予童子時侍几案間見其援筆立成者又漳浦黃先生選精易學

著三易洞璣易象正諸書人皆不得其解皮東不
觀獨鴻期酷嗜之嘗自武昌三千里遊至越購得
其書且讀且思一夕夢見黃先生召至前與說易
良久寤而言先生舉止歷然我黃先生也噫亦異
矣予向遊兩先生門然年穉氣浮未能窺其義蘊
至今以爲耻鴻期生於南楚去兩先生居甚遠生
平未一侍函丈獨能誠心私淑口誦其遺文而夢
見其狀貌以予之向爲兩先生門人者聞之得不
感嘆慰勞急引爲平生之交也顧鴻期年長予數
歲尊甫先生今年七十矣鴻期以謁選人未卽得

贈費幼服序

順治三四年海內初定迫欲得天下之士用之命
督學使者貢凡試得第一者入京師廷授推官州
守邑令不數年多仕至方面而我同年吳興費幼
服獨以母太夫人卧病留視湯藥家居六七年不

出旣畢葬然後從容遊成均卽落落諸同舉後無
愠色豈非真知爲人子大節不以仕宦勢利動其
心者哉子曰信乎朋友有道不順乎親不信乎朋
友矣此東所以敬事幼服之本意也旣復與幼服
論學若上益知其篤信正學當國初流離顛沛之
中負母荒江舟楫間忽大悟一貫之旨爲予抵掌
縱論旣學有本原浩浩乎莫窮其際與予向所聞
於大滌山及平齋講堂者無不合然後益歎幼服
之爲可敬畏也宋景濂曰孔子天之孝子也朱子
孔子之孝子也予竊深信篤好朱子解大學明德
首發虛靈二字之義此二字者向未嘗並見於經
傳而朱子獨首揭之以昭示後學朱子之所以爲
孔子之孝子者其在斯乎其在斯乎門人問曰何
謂虛子曰子絕四毋意毋必毋固毋我是也何謂
靈曰可以仕則仕可以止則止可以久則久可以
速則速是也夫必有四絕以植其體然後有四可
以達其用猶天必虛空無所窮際然後兩儀四象
往來屈伸而莫測其變化今之學者先取古人數
十卷之陳言膠固充塞於胸中守其聞見而不知
無聞無見何思何慮之中天之所以予我虛靈者

安在此朱子所云學愈勤而心愈放陳白沙所云此其人卽壽千百歲猶之未生者也若幼服者既不昧於爲人子之大節而又有見於正學之心傳身爲孝子而又能學於朱子以爲孔子之孝子則亦可謂不辱其親不虛其生而凡所歷於天地中之歲月俱可無媿而可爲壽也已今七月杪易水使院中遇幼服生辰而予遂詳序其言以爲壽且以愧予雖知其學而不能如其家居養母得速返里門修晨夕定省之事豈非孔子所云知及之仁不能守之者乎予愧幼服多矣

改亭集卷六

末

送安陽令單耐菴致政序

彰德兩河間一都會也控齊秦跨燕趙蔽河汴爲天下衝幸今天下無事則沃野千里其小人淳朴而力田其君子廉靜而好學安陽其郡治之所在一大邑也康熙五年春高密單公耐菴筮仕得令於邑兩月治行大著三月移疾乞休上官大吏無不固止之者公投劾竟去安陽之縉紳士庶重失其怙恃思慕依戀不能止公之行又不知公所以必行之心也或曰仕求祿以爲貧也公生爲貴公子卽貧亦無所藉祿仕以求尊榮裕後人也公之

改亭集卷六

主

子及兄子俱已成進士且公同產兄方爲大司成於朝卽不仕其尊榮自在故易其去也然則公何以筮仕乎或曰仕者擇良邑而蒞之則天下之邑莫長於安陽矣其沃野如彼其君子小人易治如此或曰仕以達其志行其政也則公兩月之政已行於其邑矣弊罔不剔利罔不舉卽宗祿充兵餉一事能談笑而革二十餘年之積患兵民悅服公之才能已卓卓可自見又何去之速乎是兩不可解者也蓋天下豪傑非常之士其於一身出處進退之大節能綽然而不迫嚼然而不滓者常決於幾先而不墮於事後常內斷於始進之日而不旁撓於求去之時常善藏其鋒於明試之初而不委頓其器於衆棄之後其難進易退之權常操之自我而不受制於人常作之不終日之間而必無依違脂韋之色卽其有所爲而去也其宅心以至厚而不明告天下所以去之故使天下後世益淡原其心而珍重其人焉此古人之風烈久不見於當世者也而耐菴獨能行古之道宜紛紛窺測者莫能知公必去之心也予與公令子有同譜之誼又遊公部下側聞其部民依慕不置求所以慰公行

者故爲述公之心如此

送錢礎日遊泰山關里序

登泰山能言泰山者莫孔子若矣遊關里能言關里者莫司馬遷若矣今之人卽終日登之遊之有能言之哉雖然予之所欲述者有二焉予於甲辰正月大雪之後攀鐵索造日觀峰不見日出而於峰之旁見豐碑屹立大書禮爲人子不登高不臨深數言予再拜稽首其下卽杖策下山不復登又於六月自曲阜北門徒步三里修謁孔林旣畢危坐長松古栢間有孔氏宗老攜予登文德橋語予曰橋之下洙水所經也往時水大至輒囓堤及梁今水涸者數年矣橋之下生柳及雜樹高出於橋未知何祥也相與黯然久之今我友梁溪錢子將登遊二者之間同人皆爲詩贈行予不暇爲詩而以斯二者告之錢子至日觀峰爲我一觀碑陰書此者何人樹此者何時也至關里觀文德橋下洙水其復至乎其所經不由故道乎抑終涸焉已乎我觀春秋書洙洙水之於魯國非要害也猶或浚之今如形家者言水之係於文德重矣錢子歸其以二者復我乎

改亭集卷六

六

送黃復仲序

暮春三月江南草長雜花生樹羣鶯亂飛傷心哉邱遲之書也而予於是時別復仲於邗溝之上復仲將再往白門予尙羈旅不得歸兩人者皆於隆冬冰雪之時出游在外飄泊靡定窮愁苑結每相顧論說疇昔感慨興懷漢文帝曰方春和時草木羣生之物皆有以自樂而邠風之咏蓂楚也則曰天之沃沃樂子之無知夫草木無知之物也當春和時旣自樂矣而人復羨其樂人有知之物也而顧不能自樂何天地之於草木厚而於人薄也雖然予之支離况瘁固宜獨奈何乎黃子哉憶三十年前予就家塾於禾中三尺童子無不知角里黃氏與黃氏之有復仲也復仲奕世貴盛人地旣甲於一郡又其文章著作足奔走天下天下名士歸之如雲復仲居則有甲第園林玩好聲伎之樂出則盛舟輿具賓從館舍意氣饒適人望之若神仙爲時幾何而搖落遂若此其始也卜築深山荷鋤種瓜叙述高士之傳小小可自給今乃至自鬻其翰墨困頓風塵中依人惘惘曾不能自匿嗟乎黃子夫天之視人何遂不若草木也當夫人望若神

改亭集卷六

九

仙之時猶草木之暮春三月也今則當冰雪之時耳若能無伐其根株而徐俟其勾萌其爲天之沃沃也不遠矣黃子至白門就其所知當必有所遇合而予亦將北渡河爲鉅鹿中山之遊縱未得志亦將寧其心一其志以共求所爲養其根而俟其沃者於其行書此以爲別

送孫無言歸黃山序

五六年以來予所見同人詩送孫無言歸黃山者多矣而無言未嘗歸也一日予遇之邗上詰其故無言曰凡我所爲欲歸者爲營兩先人葬也而葬

改亭集卷六

三

之資無從得故久未能歸也予交游中遠者無暇論卽予流寓廣陵十七年矣廣陵貨賄人物甲天下然憐才而與予相親愛共飲食通緩急者必貧士也卽貴而能貧者方親愛於予夫彼旣貧矣縱通緩急能大周予急乎其旣貴而富甚或未貴而富者遙見予則疑予之有所請也先爲煦煦相憫恤之狀卽盛陳已應酬不貲之苦若貧甚於予者以陰箝於舌使不得伸其意予亦淡憫之不忍復與之言也如是而予安得歸乎故予所積同人贈歸詩凡一千七百餘首其中最知名而詩最工者

如顧與治王于一胡彥遠侯研德梁公秋兄弟其人之歿者且五十餘人矣予旣無以葬吾親且又重負予亡友之意予所以日夜思歸如負心疾者也予聞其言執其手泣曰先生今日之言與僕癸卯十月以前無異予先祖父兩世亦歿十七年而不能葬致我長子準抱恨痛哭於垂絕之時予自是日夜泣禱於天所得善地鳩貲成禮以葬我祖父後果旬日之內若天牖其衷集多金以畢大事皆同學與及門之貧士及好義而未嘗讀書者勉力相緩急也彼富人者予不忍使之望見予而可使之有疑於予乎且恐富人復自負其才亦如貧士出一詩以相贈僕益不堪僕願先生且歸矣積贈詩且得數千軸無庸也

改亭集卷六

三

送王藻儒南歸序

京師於司成宋公卿中得交其壻王子藻儒與共晨夕者三閱月藻儒故相國文肅公會孫太常姻客先生子其同產諸兄五六人皆知名當世皆與予交藻儒年二十餘舉於鄉才譽藉甚上公車至都下都人望見藻儒威儀容止者皆以爲神仙中人讀其制舉業工妙擅天下所籌策當代事計皆

有卓識皆以爲天下之利器也與之交溫溫抑抑無世間裴馬之氣其試於南宮也出誦其文更勝其舉於鄉之文見者莫不驚相告語謂試於禮部者三千人通春秋者二伯有三十人若偶一人必藻儒也榜發藻儒竟下第以歸予執手送之且賀之曰藻儒不聞古之善鑄劍者與教擊劍之術者乎歐冶選良金於董水材至美也其鍊日迎烝火鍛水淬之法至審也及其成也所剗割無擾其鋒者治未之喜也必試之良玉以辨其剛必投之敗絮以辨其柔不視其所完而謹視其所缺劍所以

改亭集卷六

圭

無敵於天下也越處女之教劔術也其迴翔類仰跳踉進退之法捷於猿猱而疾於風雨使之取責育斷螭龍而目不憚未爲善也或使之刺螻蟻截蟻蝨不問其擊之中而問其所不中術所以無敵於天下也文肅公之德澤在人其貽謀也遠天所鍾厚於藻儒者於藻儒之人之文可以觀矣天無乃欲一挫其鋒養其氣練其才廣其識而大其用於後日乎夫天下不乏瑰瑋絕異之才銳可以截良玉而或芒挫於敗絮勇可以斷螭龍而或技窮於蟻蝨何哉氣盡於一往而功成於驟勝也以

藻儒之人地才名文采氣度又富於春秋勤於學問如此而又加之以三年之簡練則其所樹立與所表見視彼一往驟勝者其堅脆深淺之數必有大不同者此予所以爲藻儒賀也

送表弟董方南南歸序

爾母我母同產也我母生我一人我生八歲我母仙乳我爾母初生爾兄方多乳我母命我踞母姨膝前乞乳爾母必乳我無慙色也爾母性純孝歸寧爾我之外大父口不言貧恐傷父母心然我母知爾母苦貧每相向未嘗不吞聲泣也我性不耐

改亭集卷六

圭

貧年二十餘卽饑驅浪遊每至江干拜爾母爾母未嘗不憐我而泣也見我母又未嘗不泣曰姊一生獨此兒又蚤失父姊奈何聽其遠遊不稍姑息乎我有二子何忍使之一日離膝前也我母泣爾母亦泣此時爾兄年已十五六從予學爲文爾年尙五六歲未知爾母愛爾兄弟之深也既外大父病且歿爾母方有身五月慟絕乃蘇自此遂不起爾母蓋歿於孝也歲時伏臘我母子甚望爾兄弟來我家然爾兄弟別去我母必闔戶哭失聲未嘗一日忘爾母也我之長子準蚤慧偕爾學同補弟

子員同試俱前茅我母見爾來始開顏一笑然又嘆爾母之不及見也爾家既酷貧我又不能多負米歸供我母甘旨俾我母分餉爾兄弟諸舅氏又奇窮不能相緩急十餘年來我母子與爾兄弟相見未嘗獲歡笑竟日也我丁酉舉於京師不五年遭註誤不能與進取爾年二十餘卽以禮經魁南國我母喜可知也我浪遊大河南北間久不得家書念爾省試事甚切我亡子準兩見夢卽告我爾已魁南國也我在京邸思叫閣居久之愧力不能行爾公車南來我見爾如見同產弟也爾事予益

改亭集卷六

肅

恭亦如見爾同產兄也我淪落不得比於人數望爾卽成進士官禁近以爲我母子慰其心不意爾且泣別而歸也我多言躁動疎虞開罪於人爾靜慎且敏口不臧否人物爾我師也爾在京師我有過望爾救之爾歸誰救我過也爾歸我畱送爾潞河我嗚咽不能言然又何可無言也爲序以送之

送文與也序

我吳世家推文獻者必首文氏文氏自衡山而上二世自衡山而下至相國文肅公四世凡七世皆仕宦皆以京朝官以故博識國家掌故事寔及諸

前賢往行至文肅爲賢宰相天下端人正士奔走其門文氏子弟聞見益廣且得之家庭世世相傳述其言多可據故徵文獻者必曰文氏云與也爲文肅公孫以己酉冬十月冒雨雪泝大江而上崎嶇至江寧爲尊甫都事君乞誌銘於汪戶部與予暨李子武曾聚首戶部署中時時徵其語勝國諸舊事卽歷述所聞於先世者語移日不倦至深談萬歷以來僉壬害正朋黨反覆傾陷之情狀尤令聽者太息意勃勃不能平也旣得誌銘卽歸予與武曾送之南郊予執與也手言曰子以誌銘歸葬

改亭集卷六

肅

先人也豈非以其友之言爲足重先人乎雖然若子能立言則子之言且足自重先人矣何待友之言乎以子之習於故國之掌故事實上者如司馬子長不欲墮先人之志網羅天下放失舊聞粹然成一家之書可以備他日史乘之採擇最善也卽不然而斷棄殘編摭拾見聞之無所忌諱者如宋石林燕語明水東日記之類苟其是非不謬於聖人皆可以備後世之徵述而不泯沒其家傳旣足以自重而又足以重其先世與子乞言於當世立言之家以不朽其先人者意未始不相得也若僅

僅羣居矢口而談聽者又不能執筆而記恐子之舊聞日就散佚且或一再傳之後漸失其真亦可懼也況自衡山先生之身上下之至於子九世矣文獻之家自古未有歷世之久如此而子孫能不墮其傳者子能無懼乎哉與也謝曰善武曾曰子卽以其言筆之爲文不猶愈於言乎遂爲序

改亭集卷六

美

改亭集卷七

吳江計 東甫草著 從孫 璵全姪 嘉禾 重編

送吳生虞升歸吳門序

澆漓之金錫融之澄之塊漫之泥沙堅之陶之梲廓之皮張之平之壅腫空薄之竹木攻之剔之旣美其實旣虛其中則皆有聲聞之道焉聲作乎我也聞應乎人也或美其實而猶未能虛其中以清越其聲則人之聽之也有聞有不聞焉此卽學問之說也予門人長洲吳藹字虞升家世爲名諫官而家甚貧少失父母學爲文於其舅氏宋太史孝廉兩公頗得其術文漸有聲且兩從舅氏遊學京師京師近日之工文章倡後進若山東王主客我郡汪農部海南程舍人諸公見生著作交口稱之聲譽日益起忽以事將歸有問予者曰以虞升之才固將求聲聞於天下也歐陽子所云據其會就其名者必於京師今舍此而又奚之焉予笑曰使生而未美其實雖日逐逐長安塵壒中其聲聞未可作也使誠美其實而又能虛其中以受人之直言求益工於旣工之後卽日鍵戶塞竇於荒江寂寞之濱而聲聞日隨之今夫編鐘綴鼓祝敵之旣

改亭集卷七

十一

陳也。鐫師典同之官，辨其硯緩散欽衍，作甄石之節。其大者節郊廟而和神人矣。其細者一磬之可擊，一琴一瑟之可彈，亦得以奏於房中御於君子。莫有闕其聞者，既以語或人而卽以是告吳生曰：生歸矣，但患爾未能蘊其聲也。況患天下之莫聞爾聲也。耶爾學成而舉於鄉，再遊於京師，則爾爲在懸之編鐘也。有廟堂諸公在爲爾鐫師典同之官，成爾之節奏焉。爾學成卽優游鄉國間，予雖非君子，其亦能發爾之聲也。生歸矣。

送唐萬有游廣陵序

改亭集卷七

二

予客潁四月，獲交唐萬有。孝廉升堂拜其父，年七十九矣。孝廉生無同產兄弟，有子三人，長者年僅十餘。秋八月，孝廉將爲千里之行，南遊靖江，還至江都，謁其座主徐御史。予心竊竊然疑之，暨與其尊甫語，乃知孝廉之行，尊甫命之也。我聞孝廉之生也，父年五十，舉子難，又獨子其愛之也，百倍於人。老人豈忍使其愛子一日離膝下哉？又聞孝廉童時，以父母憐愛之故，不令讀書，而孝廉能自攻苦於學，且深思性命之理，欣然自以爲有得，則是天下之賢子也。天下豈有賢子而輕去其親之側

哉？我知孝廉父子之情，蓋有大不得已也。貧無以爲養，以子路之剛，不能不傷其心；以曾子之賢，不能不動心於三釜。夫同爲人子，不能家食以爲養，至勞其形神，遠遊以負米，仰面千人，得之則喜，不得則悲，其未行也，老親敦迫而遣之，其未歸也，老親或嚙指而思之，或倚閭而望之，使非有大不得已者，而親能忍於遣其子，子能忍於去其親哉？始予之有疑於唐子也，猶吾友汪子茗文之有疑於我也。我母年六十五矣，我亦無同產兄弟，我有賢子，能助我養母，不幸早世，今有子一人，年二十而未成立，我十餘年來，未嘗一日不勞苦於四方，以謀菽水也。傳交若汪子，且不知我而疑我，責我，我惟自咎其無治生之才，以至於此，未嘗以一言自白也。詩不云乎：誰謂荼苦，其甘如薺。未嘗食茶之人，語以茶味之苦，必不信；唐子行矣，子之座主自童時卽以孝子著稱，我見其事，母果能盡子職也，其必有以慰人事親之志，不使子虛此行也矣。

送蔡立先還九江序

改亭集卷七

三

始予與九江蔡子立先遇於京師，未相知也。與居久之，蔡子爲予言，昔曾避地寧都，與易堂諸君子

友善嘗游翠微山宿堂中聽魏叔子兄弟暨謝程山彭躬菴林確齋丘邦士曾青藜輩所論說經書文章及賓客飲食起居酬酢俱有法度予聽之欣然忘倦乃與蔡子交且謂久不見叔子見叔子友如見叔子焉時京師其倡爲攻訐陽明氏之說附之者并攻象山耳食者靡然從之獨予與蔡子屹然不動予尙爲憤激擊排之論蔡子與客語不合則拂衣竟起或默然不一應或間出一二語必直指心體不爲繁言予於是心服蔡子之學能不苟爲同可謂豪傑士矣我聞蔡子家距白鹿洞僅七

改亭集卷七

四

十里距鷺湖不三百里生長其鄉習聞其父兄長老之緒論蔡子之得必有不同於耳食者予嘗論自宋伊洛諸先生以正學倡率天下至淳熙間朱呂之教遍於江浙而象山爲呂成公所得士獨能自信其學奮然與朱夫子中分學人使曉然於易簡之法而江西之學遂孤行於天下卽其徒不能無流弊而朱子固其說之不相合益溪思致力務求得其至是以立教萬世而小學近思錄太極通書西銘之解義益出則象山誠朱子功臣而江西爲伊洛之砥柱矣近代嘉隆之際陽明修復象山

之教其講學書院及羅鄒聶歐陽氏輩徧於江西矣奮然起而攻陽明之徒者羅整菴始之王塘南繼之我鄉高顧諸先生皆聞塘南洪水猛獸之論而興起者而整菴塘南則又江西人也江西之學其必求自得而不苟爲同類如此今天下又當靡然攻象山時矣獨立不懼卓爾不羣若蔡子者我復得而見之未嘗不歎江西之多豪傑而斯道之不可以耳食求也始予與叔子遇於江都縱論詩歌古文辭及讀叔子所著左傳經世書臨別予慷慨語叔子曰凡我兩人所辨難往復相得極歡者

改亭集卷七

五

皆小人的然日亡之道也我學有先立乎其大者子爲象山鄉人寧無益我魏子默然今蔡子歸叔子聞自吳亦歸若相見幸爲東言無忘江東相別時語且願易堂諸君子共勉之行矣蔡子無怠

送王子重還楚序

黃岡王侍讀有才子子重壬子七月初十日余始識之宜府一夕卽與予論操存之旨與宋儒范淳夫幼女論心無出入爲大程子所許語甚合心雖然異之既出其五經藝及詩歌示予予爲之序既久與之處知可與論交也復時時進以激直之言

拂逆其意嚮以觀公子之能受否而子重不以予爲牴牾開誠寫意交益歡今六月杪偕至鉅鹿子重念別其母夫人且一年因請於尊甫求歸省侍讀許之命東爲贈行之言而子重亦索予言爲別嗟乎東乃窮愁錮廢之人不自意量操筆從侍讀父子間無馮驩之遠謀無夷門侯生之秘計無賣漿人毛公薛公之隱德可以効寸長於公子且公子矯志勵行欲爲漢趙孝胡威喜聞過求令名如漢朱穆欲盡交天下士身任人倫之鑒如郭泰許邵念富貴所自有不汲汲枉道求進名傾六館之

改亭集卷七

六

士如唐何蕃生長華胄承祖父寵榮不以門第驕人如南北史中崔盧王謝諸賢子弟公子之於美行備矣予何以益公子哉無已則請以東所聞於長者爲子重贈東聞爲人子者立身之要在擇交讀書以今天下之大交遊之衆可爲公子客者多可爲公子友者少夫客之與友則有辨矣有主必有客盡人可爲客也友者益我學問救我過輔我德畢生有幾人乎凡與公子交甚甘不顧義之所安惟公子意所甚悅卽退有言惟恐公子聞之搖手咋舌相戒此史記所稱奴客倘以是爲友則

良友去矣然奴客易合而良友難進難易之間公子在慎所擇矣子重行天下萬餘里又三楚人物淵藪也其果得所擇之人哉書無不可讀也以我所得力者爲我書昔我鄉錢尙書受之少時修父執禮於涇陽顧先生先生亦愛其博雅一日正色謂尙書曰子多讀異書然老夫有一書子未讀何也尙書懷然問何書先生出袖中小學一卷示之曰子歸但熟讀公明宣學於曾子一章則立身學術大要盡此矣斯言也東聞之虞山錫山兩邑之師友今與子重別且辱侍讀與公子不鄙予而屬言敢不竭其至愚以告

改亭集卷七

七

送張生牖如南歸序

予門人張壘桀黠雄辨之士志慕漢袁絲季心次亦爲陳遵樓護家貧四壁立旣而貢入成均上舍教習旗下子弟交游諸公卿間裘馬甚都周人之急與之游者不知其爲貧士也癸卯冬倡率予諸弟子及吳會好義長者伙助予葬祖父資三百金半月而辦其才力類如此壬子八月踏京省棘闈者四矣志在必得倉卒爲旗下子弟闢入乞文墨潘其卷遂出出而僕盡亡其篋遂病一月愈將歸

諸公卿尼其行百方論之不可奪車馬騶導絡繹門外余問之曰子歸則何如壘對曰弟子歸將息交養氣讀書三年而後出予憮然曰有是哉子之進於學也息交然後知平日之交雜養氣然後知平日之氣浮讀書然後知平日所讀之書少子能屈勉三者而力踐其言勿使淪越如是三年我不能爲子師如是十年我且師子矣抑微子失意之後不及此易不云乎尺蠖之屈以求信也龍蛇之蟄以存身也今子屈矣屈者往也信者來也猶寒暑日月之相代於前也朱子曰冬暖而龍蛇或出

改亭集卷七

八

者必亡其身故曰以存身也蟄者養氣之至也子於三者以養氣主之夫息交以省事也讀書以明理也皆養氣之助也子歸勉之凡予門人之信從子而好義能文章者子皆以予言勉之壘行矣

賀繆念齋狀元及第序

我友繆子念齋勤學勵志行二十餘年丁酉始登賢書又十年丁未成進士 廷對擢第一賜狀元及第授官修撰予與念齋始爲同學旣爲同年相習頗久適於京師親見念齋赫然非常之榮遇私意念齋困頓久今得一吐其氣必將稍易其志行

或漸趨於驕侈未可知也乃其意挹挹益下人自奉益菲薄欲然若有不足於懷者初卽之以爲矯情也熟察之乃知其誠然予於是賀念齋之志行遠矣昔羅文恭公臚唱之日俟鹵簿之送歸第者賓朋之聞咽來賀者稍稍散去薄暮潛呼一童子解襖被囊桃花米三升從至湛甘泉先生寓中煮粥到藟菜各極飽講學達曙歡甚至今傳以爲美談然其老也猶曰我學道二十年胸中方消去狀元二字又何說歟胡敬齋先生以布衣力學乃得同薛文清王文成從祀國學天下翕然無異辭可

改亭集卷七

九

謂難矣然其自訟也曰我三十年省察之功今晨不免動心於一鴨子每笑文恭胸中之不能消去者與敬齋先生之不免動心者其習氣正相等但兩先生則自省而自克之他人則自匿而益縱恣之爾今京師貴游之中寧無湛甘泉先生其人乎我願念齋之日就之也布衣處士之中或有胡敬齋先生其人乎我願念齋忘分而交之也夫念齋一旦榮遇赫然如此而坎壈坐廢之故人若予之不才者尚獲舉斯言以相贈則其生平之志行信於朋友可知矣從此益進德焉或更勝於羅文恭

未可知也此予之所以爲念齋賀也

太保王先生七十壽序

程子曰不學則老而衰何謂也不學之人其所有之歲月及其耳目心思未嘗少異於勤學之人惟其好不在學則以其耳目心思之用移於嗜慾聲色及夫得失趨舍之擾其中役役而不知所止故歲月日以去志氣日以衰然則其爲之反也學則老而不衰矣心思耳目專一於學凡接於我者非古人之書卽學問之友也正勝則邪不能誘內重則外不能奪氣靜而心定心定而神凝神凝則身

改亭集卷七

十

不疵癘而光粹著於外欲其衰也得乎東之從學於敬哉王夫子自乙未歲始時夫子年五十餘自後每三年東以計偕入都門謁夫子迨辛丑夫子年六十貌未嘗少衰也又六年東以叫關留京師夫子學益力容貌益莊及今壬子又六年矣夫子教東一如前而壯健不衰有加所著書及古文詩歌益多晝夜讀書益勤人之游夫子之門見夫子疑必有導引吐納之術不知夫子以好學不倦爲延年益壽之良法也我浙王龍溪先生年八十四來游吳門攝衣高步登瑞光浮圖顛足力不稍

疲日揖客百餘人講學數千言人或謂先生高年宜專精少思慮以養生先生笑曰人心思之日生如天地之生萬物無可息之時寧能強制之使不動哉視其所動而已動於理則動亦靜此東之所以頌夫子之不衰爲好學之驗有合乎程子之言也雖然龍溪先生在當日一貧老郎官耳欲清心寡慾何難焉若夫子直清聞於天下父子貴爲六卿而大司空先生又身與世祖密勿之重翊襄兩朝功業將日益大祿養志養無所不至而夫子曾不稍易其好學之心從事聲伎娛老之奉豈不

改亭集卷七

十一

難哉東聞在昔好學之人其老而不衰且獲多壽如衛武公漢伏生申公俱年九十餘攷甲子會紀子思年百餘歲子夏年一百三十餘歲則夫子將來春秋之富殆未可量我願夫子之益專且堅於學不稍移易其志力天下後世所賴於夫子不小矣客冬十月夫子開七秩東在汝穎未及以文祝之文章學於夫子爲夫子之所許者也

倪伯屏先生七十壽序

我先君子於丙戌之春二月每語東曰爾父生平

無他技能亦無快心滿志之事惟爲文章抉幽鈞
淡窮其變化惟吾意所欲達而能不詭於古聖賢
之指此我之至樂也我文章自己卯後益工前此
知我者數人晏泰徵張大羹兩先生爲最後此知
我者亦數人知我尤深者凌忠清公與當湖倪先
生而已晏在楚張在閩凌以身殉國已二年獨倪
先生家近在百數十里內然今且宦游浙東予無
從一問訊爲別也小子念之因感泣出先生手書
二紙命東他日持以見先生東用是從我父執張
媿菴後獲侍先生几杖先生亦念東爲其門生之

收亭集卷七

三

子也進而教之且愛東之長子準而贈言以不朽
之及大父與先君之葬也先生又躬履其宅兆之
域而定窆焉先生加恩於先君之身上下凡四
世冉冉至今庚戌歲屈指我先君之不獲見我先
生也已二十六年而先生年且七十矣小子東授
經於汝潁間去當湖千五百里一日得媿菴寄東
書始怒焉知先生七十爲壽之期誼當爲文以獻
嘿然念我先君疇昔之語小子者而泣下不能止
也嗟乎當我先君爲諸生時嘔心苦吟爲文章旣
成踟躕滿志而獻之先生先生板之於衆人之中

而施之以國士之目也斯時先生爲我吳郡之李
官執法若山岳出令若雷霆所愛生羽毛所惡失
門祚撫按不得侵其權州縣無不仰其意決案牘
督輓輸奸胥老吏悍弁驕兵望風靡息生意氣
蓋天下顧盼傾四座謂功名可立就韓范勲業可
以塞天地也卽我先君與媿菴諸公褒衣儒冠雍
容其間亦自謂功名可坐致富貴可弋獲也今爲
時不三十年我先君音容已邈而先生亦已頭髮
盡白巋然爲老翁雖呼吸吐納自得於養生家之
術然已無向者之意氣矣浮沉屈伸與時偃仰先
生更何所不浩然於天地間而小子敢以尋常祝
賀之辭爲先生聽哉所以特寄此文者念先君受
恩於先生之深無以爲報且以塞父執之命而欲
博先生之開口一笑也若曰祝先生乎則長生百
福之說度非先生所好倘必以其言進先生必抵
之於地曰此非吾門生能文章者之子之所作也

收亭集卷七

三

嚴太夫人壽詩序

歲丙午二月東從我吳同人後奉觴祝嚴太夫人
於西泠旣畢東卽有巾州之役從廣陵取道淮泗
至宋中歷大梁鄴下中山入京師所至諸郡邑以

數十計逶迤折旋道里凡數千里所遇兩河賢豪長者能詩文之士卽索其爲嚴太夫人爲壽之詩無不欣然立就者積若干篇裝潢成帙將於歸日上之灝亭先生竊自念兩河豪傑之士多雄涼蒼老之氣不屑屑爲文章雖宋中自梁園六子之後唱導風雅一時著作之家特盛於中原然侯吳徐宋諸公升沉聚散不一卽被侯徐之教蔚然興起其所著作亦不肯輕示人何獨於我杭嚴氏爲壽之詩風聞響慕索之立應若此又見有爲大吏於茲土者擁車騎盛整戟巡行梁宋魏鄴之郊自詡

改亭集卷七

古

底績授意郡邑吏學官欲乞梁園諸公一贈詩爲重諸承指者大索久之卒不能得東乃知帙中諸公之詩之可重而我杭嚴氏聲教之盛所以得此於中原之人心者亦甚非易易也便道過蘇門百泉山謁孫鍾元徵君徵君年八十九矣見此帙手婆娑嘆曰子之生也晚僅能言灝亭諸兄弟及君同年侍御君諸兄弟之文章行誼足以奔走天下耳我老矣尚能記少時從孫高陽鹿太常後聞餘杭嚴太常公及其三令子之篤於友朋重於然諾非近今所有也其聲應之所及迄今四世矣兩河

之賢豪長者大都皆名公卿世德之後習聞其父兄之論詩之所作夫亦重有所懷也若曰此爲壽之詩耳則獻諛之習俗久矣子鄉人歸熙甫謂橫口兩目之徒皆能爲之者也又何足道予老矣不能詩子其述予言以爲序可乎丁未十月予南歸敬序之如徵君之言

兵備副使方公壽序

天下之大勢在財賦何也財賦足則可以用兵也財賦之大勢在東南東南之大勢在蘇松常三郡何也東南之財賦當天下之半而三郡之財賦當

改亭集卷七

主

東南諸大郡之大半故也然財賦之本根在民生民生安可以生財賦給兵食而安民生之大權又在叅藩之分守三大郡者 本朝仍前代建官之法各省設立行省所謂叅藩者卽古行省叅知政事先儒歸震川謂其秩昔與亞相等上佐督府下監郡縣承平無事安民察吏正身率屬以廉靜持大體而已在今軍興旁午之日靖湖海之奸究護師旅之往來察民生之疾苦稱職之難十倍昔日儻一意爲蓋公治齊清靜不擾民之學恐咎在寬緩稍有好事急功名之念又恐民生騷然而東南

財賦之大命無所賴故東每頌詩至商頌不競不
練不剛不柔之句未嘗不穆然想見其人而於吾
公蒞政三大郡以來斯民之所以稱述誠有如東
所歌商頌之詩也公持心以敬臨事以至慎接物
以至和守身也以廉以潔御下也以仁以嚴有才
而不炫其才有識而不矜其識整齊謹肅而非刻
覈寡恩精明強固而不失和平寬大兵甲之往來
賴以無譁湖海之伏戎賴以不發民無冤獄井稅
依然有吾公而東南之民生安民生安而三大郡
之財賦可以給兵食爲 聖天子奏膚公奠磐石

改亭集卷七

七

其大有造於 朝宁彰彰乎在斯人矣昔劉公大
夏爲職方郎將有大僕卿之拜公昌言於朝曰我
生平讀書以服官得親民爲素志主爵者乃出之
爲叅政後累官至大司馬爲經濟名世大臣嘗言
我秉鈞軸當大事了然不惑者得力於叅藩之日
多也以觀吾公其遭逢識力正復相等東在公門
墻二十餘年不可爲不久竊幸今倦游里居得依
憐覆觀公之所以居心守身敷政安民之道甚悉
故因生辰上壽之日爲序以獻以當躋堂之禮云

陳胤倩壽詩集序

夫世之所謂處士者我知之矣有性不慕勢利才
不耐世事樂寂靜以養生就閒曠以適意者其人
卽生聖人之世去軒冕若敝屣然此唐虞伯成子
高漢谷口鄭子真成都嚴君平之流也當吾世或
有其人我未之見也有迫於事會有激於志節毅
然入深山不顧若漢水栗融禽慶蘇章曹竟宋謝
翺鄭思肖之流其志意誠可哀其行誼誠可傳我
見其人而心焉媿之矣至其人性既不慕勢利其
才又足以濟天下之用而又不屑仕宦時時與賢
公卿大夫游處間一出其思惟論說可使賢公卿

改亭集卷七

七

大夫名重於朝廷不尸其功又不潔其跡若召平
布衣之客蕭文終侯膠西蓋公之於曹丞相王生
老人之於張廷尉釋之者此其人我欲謂之隱不
可謂之仕不可謂之用於世不可謂之無所濟於
世又大不可也其易之所謂不易乎世不成乎名
者乎其莊子所云不刻意而高無功名而治無江
海而闢不導引而壽無不忘也無不有也淡然無
極而衆美從之者乎此其人果賢於伯成子高子
真君平之徒乎抑尚有所係於世亞於禽慶栗融
謝翺鄭思肖之徒乎此其人當吾世而幸見之習

之久而悅之深則惟胤倩陳先生一人人欲知先生者觀蓋公教曹丞相治齊王生老人命張廷尉結襪事可以得其濟世之大概若其著述行誼雄富而超卓世未有不知先生者矣夫愛其人者必願其人之延年多壽長存乎天地之間使得益就而事焉有以揅予之過而掖予之不逮又樂其人之方富於春秋若曹孟德所稱壯盛智慧者今月之二十五日先生方舉五十之觴予且喜且祝將集同人爲壽之詩以前進於先生而予先爲之序如左

改亭集卷七

七

宋既庭五十壽序

庚戌十月我友宋子既庭五十初度同人畢賀予方客汝潁間未獲與踰年歸里乃盡讀諸同人爲壽之文凡予所欲言則展成歌起若文皆已言之矣陸機曰休他人之我先杜甫曰欲語羞雷同用是執筆逡巡又一年而未成因細論凡近日爲壽之文大指有四一曰祝祝其將來壽社之多也一日諛諛其人人文之美譽望之重也一日述述已與壽者平生之交以致其相厚之意也一日規於三者之中微寓規勉也如是而已予謂爲既庭壽

則四者皆無庸焉既庭恬愉澹遠其天性也凡人世可嗜可慕之境人所健羨惟恐不備者既庭視之泊如也祝無庸也其姓氏照耀天壤已三十年未有人具五官負血氣而不知既庭之名既知其名而不知敬之愛之願一識其面者韓子所謂鳳芝艸賢愚皆以爲美瑞也諛無庸也至于兩人之爲同學爲婚媾海內莫不聞以予之賢子爲既庭之愛婿以既庭之孝女爲予子殉節之婦非尋常婚媾比固不待敘述而知其相厚也若相規乎則予躁動而既庭湛靜予志奢好雜而既庭守約

改亭集卷七

七

予福急多忤物而既庭內介外寬有容人之度久與之處未嘗見其有纖毫之過而又何規焉去是四者而欲爲壽言實難非僅以三君之作先我也間以語西溟姜子姜子曰若是則子於四者俱有之人誰無過子曰未嘗見其有纖毫之過則是諛也盛德者受福於天則是祝也婚媾之言是述也動與靜相濟奢與約相劑峻與廣相拯是子有得於既庭既庭亦有得於子也是相規也四者備子之文成已久矣何疑焉予欣然起謝不敏西溟曰子盍取若文展成歌起文示余既視之笑曰果然

是四者亦俱有焉既先之矣子不如無作予曰善雖然姜子之言不可不語於壽者以爲笑樂也遂序之

張禹定九十壽序

予門人張壘大父禹定翁今年九十尊甫介卿年六十壘年三十壘子年十五能文章一堂四世皆康健雍穆魚魚雅雅里人爭致牛酒爲賀而徵致詩文者復以鄭桐菴先生文爲重摺拾張氏世德甚詳予受而讀之乃知九十翁之五世祖溪隱翁爲善里居當成化壬辰大飢出粟賑貸多全活又

改亭集卷七

主

修葺長洲縣學宮其配薛太君生宣德癸丑至嘉靖辛卯壽一百歲郡守爲造遐壽堂以居之著人瑞錄以榮之奉勅建百歲坊於葑門南今綽綽尚在也百歲母之子南臯翁建黃石橋於城南以障水患設義學教里中子弟諸爲碑板文記之者我郡文衡山黃五嶽陸浚明唐六如袁弘之祝枝山都南濠載在郡志南臯子林逸翁官大鴻臚丞再傳始爲都諫君累官至三品其門益光大蓋前此之積德行善至數世方發祥非易易也今百歲母之嘉靖辛卯數之至萬曆順治兩辛卯爲百

二千年至今歲壬子合一百四十二年而禹定翁復以九十上壽聞自里中達京朝詩文介壽之言捆載輻輳而至張氏之在我郡可謂喬木先疇永勿替也矣况都諫君科名振起以來又百餘年今其將在壘父子乎壘也從東游久稔知壘志行洵大過人也今從里人之後登堂而祝其祖父退而祝壘父子以成名顯當世且祝壘得志之後其勿忘溪隱翁南臯翁爲善之力東雖不文簪筆從衡山五嶽諸先生後其何敢辭

倪母朱夫人壽序

改亭集卷七

主

江寧倪子開公明倪文僖文毅兩公之後也其尊甫元嗣先生年五十始舉開公兄弟以得子甚難頗憐愛而開公母夫人朱太君獨不爲姑息以嚴持其子教誡繩墨不稍寬貸先生歿開公才名益起天下士望風響應而太君所以教之者益嚴生平整飭內則肅然不可干以故家益治卽開公兄弟讀書交友之法一稟承之太君天下皆以是賢開公母子能相成於嚴有合於大易之教旨也易曰家人有嚴君焉父母之謂也則母亦得稱嚴君况家人之卦專利女貞乎又曰家人嗃嗃未失也

婦子嘻嘻失家節也宋儒釋之謂正家之道嚴勝則厲和勝則溺與其溺也寧厲自後人別爲嚴父慈母之說遂以母道在慈而已抑知有嚴父操切於上爲母者以慈濟之可也若父既老欲施其憐愛而爲之母者復加之姑息其子將安所底止此豈獨家人哉漢之業不墜於武宣之威嚴而墜於元成之優柔明之亡不亡於江陵相之綜核而亡於矯江陵者一以寬縱舒緩悅人爲務我以是盆歎倪母之賢有合於經術闇公守其意異日佐聖天子振文信文毅之家世慎其無忘賢母之教矣

改亭集卷七

圭

宋呂正獻公妻申國夫人性嚴有法佐正獻公教榮國公子女侍立終日不命之坐不敢坐也唐柳公綽妻韓氏相國休之女家法嚴肅佐公綽教仲郢輩貴爲大臣辭色不稍假借此兩夫人者當其夫若子壯盛榮貴氣勢塞天地尚能以不事姑息教其子善保富貴令聞於後世況今倪母之所處有甚難於兩夫人十倍者哉我是以反覆思母之賢不僅成教於家且有以慰元嗣先生之志足補經義之所未有也東也幸交於闇公有年庚戌春客游江寧適當母七十介壽之期風聞母令德特

詳故不敢爲世俗稱祝之辭而附會以經術之說以爲天下爲人母者法

郭母張夫人壽序

康熙己酉秋七月我友平湖郭子臯旭母夫人張太君七十四方士大夫與臯旭爲同學者爭以酒禮歌詩上壽太君者故明監察御史郭公丹葵貳室也公在崇禎初有直言敢諫之節保護正人東林諸公倚重之臯旭其少子也幼有雋才能文章爲東南復社之傑復社大半皆東林後起士以文采意氣相獎拔故臯旭少年特爲婁東二張吳門

改亭集卷七

圭

徐揚諸公所賞譽予十三歲從婦翁吳扶九先生我師西銘先生游每見臯旭文章歎慕心折及年十六七亦遂得與臯旭時時角逐文酒之役然猶退然不敢與比肩至於今三十年矣太君當御史公立朝貴盛之時生子又英妙御史公特愛憐太君他勝侍無有與太君比者聞太君溫良異順不驕不伐和愛諸姬代執家政著有勞勩迨本朝一統之初宵人多睥睨勝朝官人世家子弟上書告變中以不測御史公父子不能免者屢矣聞太君又能秘計陽示鎮靜而陰弭其禍患侍御公獲

保全以老此又遠近之所共驚歎以爲不可及者也今侍御公長子孝廉君既繼公之世業而臯旭又能以其三十年來負荷天下友朋意氣之力光大其家門今且入對大廷與伯兄先後以制科顯太君晚年可以無憂且聞太君益善自願養溫溫粥粥一如其事侍御公時則其福祉未有艾四方同學之爲賀於母者亦尚未有艾也孔子罕言命而周南嘒彼小星之詩二章獨一再言命豈不以命之權於婦人猶重乎太史公曰既驪合矣或不能成子姓能成子姓矣或不能要其終豈非命也哉若太君者亦可謂受命於天能要其終者矣予家距平湖一百三十里臯旭常偕其好友數人翩然過予予過平湖亦信宿臯旭互修登堂拜母之禮予生平不喜作生辰爲壽之文獨於郭母不敢辭非僅慶母之獲福於天蓋有感於三十四年以來諸爲東林復社領袖之人若我師與我婦翁輩零落盡矣人地才華奕奕年少貴盛昔日如臯旭比者在今日若臯旭之尚能自振於憂患之後文采意氣不稍減者百人中無一焉誠可念也此誠可爲我友之母慶也

改亭集卷七

七

張九疇五十壽序

當馬士英當國之時其黨阮大鍼得恣意盡殺天下名士向會持清議損斥之者既殺周雷兩公後遂并鈎捕械繫其及與其門弟子十數人予所知者貴池吳應箕次尾商丘侯方域朝宗宜興陳貞慧定生桐城方文爾止金陵白夢鼎孟新夢鼎仲調吾邑張拱乾九臨是也九臨又自號蜺菴予先君之友亡子準之師今同人與其門弟子稱曰獨倚樓先生當先生蒙黨禍時年未三十試必第一文采斐然氣壯志銳以名教爲己任既遭鼎革幸得免於鈎捕遂深自韜匿奉兩親蕭然高蹈讀書嗜古足不入城市仰事既畢乃稍稍僦居郭外教授生徒浩然無求於世世亦莫得而羅致之忽忽二十餘年而先生年五十同人爭爲壽率兒子輩之受經於其門者振衣治酒登先生之獨倚樓洗爵爲先生壽凡識先生而稔知先生立身處世之本末者咸慷慨太息謂以先生之才俾得柄用於世必能自樹立即循資歲薦浮湛仕宦亦可稍稍富貴今先生獨爲其高且難者吐棄榮利泊然自守顧得無微恨其中乎予獨欣然執先生手進酒

改亭集卷七

七

長嘯而言曰是未知先生者也予小子於甲申冬從先君子後側聞部牒下郡縣械捕先生甚急諸同人經理其患難皆盛稱先生志節卽古李膺范滂無以異且是時馬阮所摧拉無不立盡吳侯輩皆北渡淮竄身入大帥幕中求免白氏繫北寺而先生又以親在不忍遠匿惟歸命司敗已耳時我父子竊窺先生辭愈安暇氣愈激昂不稍稍挫也且先生之父母所以教先生成古烈士之風者亦絕無乞憐苟免之色我知先生之自命審矣今先生既得幸全其身且得守其親所生所教不可辱

收亭集卷七

去

之身二十餘年於先生甚樂而又何恨乎且向之摧拉先生欲立盡之者今有與先生並存者乎夫世俗之所爲壽者以榮利而先生之所爲壽者以志節天下之壽莫有過於先生者也而尚不足爲先生壽乎先生笑曰善遂書之以爲序

從祖需亭先生七十壽序

從祖需亭先生隱君子也少勤學勵志行有聲諸生中每受知學使者試得高等或第一自崇禎甲申後遂不求仕進隱居教授生徒獲艇脯養父母惟謹父年八十餘以壽終母今年九十三尚康健

善眠食而從祖今年亦七十一垂老著書教宗族及里中少年使成令器當世貴人慕而求見者莫得識其面也嗟乎三十年來天下之自號爲處士爲隱君子以百千數而心心倪倪暖暖姝姝於貴人門以索衣食雖才者不免焉若我從祖斯可浩然稱真隱君子無慚色矣我從祖七十爲壽之辰東在京師不得偕族人拜堂下逾年而族子炳兒子默走人至恒山索東文爲壽夫東之有愧於我從祖大矣敢爲文乎憶東童時卽從我從祖受知當事同省試出入必追隨也自甲申至庚寅心與

收亭集卷七

去

跡亦無不同至辛卯後乃相異忽忽二十餘年今東年五十我母年亦將七十矣東一念遊移舉足顛躓忽忽錮廢且十三年無日不勞苦風塵間遠負米三千里外俾我母日倚閭望其子東之罪通於天矣視我從祖得晨夕率子及孫治魚菽進食九十餘歲之母苦樂奚啻天壤嗟夫一出一處之間人固不可不慎所擇如此介之推母語推曰能如是乎與子偕隱老萊子之隱於楚也年七十父母九十六嘗著書十五篇明大道之用莊子高曠士也著書曰養生主必曰可以養親夫天下之善

養親者非堅忍若介之推讀書明大道如老萊子莊周而苟有慕榮利近嗜欲之念未有不如東之進退失據愧悔而不知所以自立者今之爲人子者心實貪進託言捧檄而喜爲親喜也以東觀之凡爲捧檄之毛義皆將爲絕裾之溫嶠也矣東旣已愧我從祖而復爲序以進者賀從祖年已七十始得全其高節且願天下之爲人子者皆以從祖爲法而凡僞託於處士隱君子者聞我從祖之風而知耻也

需亭先生家慶詩序

改亭集卷七

天

周禮天官九兩之法一曰宗以族得民其法之廢久矣卽別子爲祖大宗小宗之別自漢以下公卿大夫世祿之家守其法者絕少况其下乎獨近世所謂族長之說尚於古爲近而莫詳於朱景濂先生之書謂擇其族之長且賢者一人主宗祀之規制凡月之吉長少皆會於祠拜謁畢齒坐長且賢者命一賢子弟庭誦古訓誦已長且賢者釋其義諷導之書會者於冊再會使互陳其所爲其有孝弟忠信者使卑且幼族拜之有悖戾之行者命編拜羣坐之尊者以愧之書其事於冊踰月而能改

者待之如初否則擯不使坐踰年而不改者斥勿齒不得入於祠其與於祠會無過惡者疾相撫患相拯老弱相養祭脯相召景濂先生謂斯制也損益周禮以化同姓法甚善而易行也而近代能行之者益少我宗自宋南渡後子姓之仕宦爲臺閩散處江東西浙東西數郡間不可悉數而皆以我吳江爲大宗我家自無辯先生一支始遷溪陽至我五世祖廷元府君迄今子姓四百餘人聚族而處遠不過三四里內共推我叔祖需亭先生爲族長且賢而羣事之先生之賢則著於文行聞於鄉

改亭集卷七

天

國其長則年且七十又東大父之從弟於分爲最親雖我從祖立教在寬不忍卽如景濂先生宗法之嚴密然我家子弟之頑梗暴戾者尚知畏族長就質曲直我從祖矜其愚而教誨之其孤且弱者憐撫之俾卑幼者不得凌犯尊長而強暴者不得橫噬孤幼不可謂無德於宗族之人矣今年秋開七十之觴宗族子弟畢賀其素愛戴之而能文者又各爲詩及文以獻葉曰家慶集族子炳兒子默寓書京師乞東爲序東因具述前賢所爲族長之規制以告焉從祖其務力行之以懲戒我家頑梗

暴戾之子弟使有孝弟忠信者蔚然興起以無忘
我廷元府君以來六七世弗替之衣冠詩書稼穡
艱難勤儉之德澤且令子孫世世誦族長需亭先
生之功弗衰而祝嘏之辭又其淺焉者已

聖初兄五十壽序

我家爲希姓宗族鮮少然自宋紹興中南渡後子
孫散處南方者科名相望江右粵西爲盛蜀吳浙
次之然皆以我吳江爲大宗我家子姓十一傳今
四百餘人或以耕或以讀獨吾兄聖初以賈其少
時當國家初平浙閩道里多梗食貨罕通能冒險

收亭集卷七

三

貿遷獲贏利起家數千金然性惡纖嗇輕財好施
每歲與郡之達官長者修同善之會周人急賑人
無告及多買魚蝦放生以數千萬計費不貲無所
憾生二子炳煥俱美秀能文其長者尤才所結婚
皆郡之官人甲族且居近吳閭行樂之地歲時良
朋宴集我兄必召名倡俠客画舫籃輿絲竹金石
出游楞伽虎阜鄧尉支硎諸名山間日費數千金
由此生產益落數年以來遂苦蕭索然當十年之
前我兄慷慨行樂予時適舉賢書交游光寵意氣
自憙時時過我兄兄遇予平平耳及予沉淪錮廢

交游凋謝意氣頽墮人棄之若敝蹠而吾兄又當
生產益落廢著貸財俯仰不能給之時遇我益厚
反倍於疇昔予頻年遠游吾母甘旨苦不繼吾兄
時時念而進之若不自知其貧困也嗟乎予自年
十五卽與天下人士論交今三十年矣自謂交滿
天下及當涼燠乍變嘿識人情知可恃者絕少然
後念吾兄之不可多得而爲之感激徬徨仰天太
息而不能已也歸震川先生曰士當不遇時得一
言之善不能忘於心韓文公之序歐陽詹也曰觀
其心有益於予將忘其身之貧賤而爲之也吾兄
之於予則若是矣今年春正月二十四日吾兄五
十初度予方有遠行既抵潁七閱月而兄子炳以
書來乞言予因序吾兄之所以遇予者以概其生
平之爲人卜天之爲福於吾兄者厚且以勗炳益
肆力於學取科名若宋紹興時以振吾兄之家業
而使之不終於貧也

收亭集卷七

三

改亭集卷八

吳江計 東甫草著 從孫 全姪 嘉禾 重編

宣城施氏義田記

雙溪施氏義田者宣城愚山施先生承其祖父之志而成之者也先是先生曾大父思默公有志爲義田以贍宗族以教子弟而未之逮也大父中明公始成其父之志盡蠲其叔所授之田公之族子弟而又身自經理其叔之四喪嫁叔之四孤女費數倍于田之直寧破其家而卒不敢私其田之所入再傳至先生之父述明公不勝租庸債之累幾

改亭集卷八

不能保其田矣于是實志早歿以貽之先生先生既成進士復潔凜節衣食積鏹鉢次第復之而益其畝至二百以贍以教悉如中明公規制先生自序所謂凡歷四世而後有成者也嗚呼不其難哉夫當中明公有翊義田之志其事固已大難矣至述明公早世先生生甫九歲伶仃茶苦舉宗之人且未知孤兒他日之能自給食否也亦烏知有今日之田爲善承其祖父之志俾舉宗食其利如此哉以是嘆人事之未可料而好義樂善之報在其後之人者天道亦或可信也我又聞中明公始翊

義田之時有郡守知其難固止之曰不度力而好義將爲後累及述明公之世人皆以守爲知言子獨謂不然世之不好義者必曰我非不好也顧力未能耳嗚呼使誠中心好之矣奚暇內度其力度力而後好者好之不誠者也惟彼不暇度其力行而不息以止此孟子所謂勉爲善者也故後之人始或蒙其累既亦蒙其義之報克繼其志而光大其業如施氏是也由是觀之天道其亦可信也夫

志濟縣子貢墓記

改亭集卷八

禹貢大伾山在今大名府濟縣山東南三里曰許家莊有先賢子貢墓及祠按舊誌云故跡弘敞石像碑碣甚盛明初脩正祀典詔求所在鄉人懼詔使胥役往來爲擾大猾杜姓者夜竊鎚碑像盡碎之併夷墓址使莫識正德初濟令胡惟良求墓不得但葺祠堂乞檢討穆孔暉爲記而已萬曆二十年令傅時諤初下車卽求復子貢墓齊沐誓天至大伾東麓廣詢故老得老儒孟博孟華平等數人皆言莊北有民王祿地乃子貢真墓昔有盜發塚見四圍磚甃色如丹砂夜有光怪且堅不可發遂

止仍覆匿之如故其址固可按也甯喜爲文禱于祠及大伾山之神誓必得鳩工趨事先卽其地爲墓道仍諭義官俞進忠手執鍤求草土中殘碑斷碣兩月餘忽一人從東北來衣冠容貌甚偉異把進忠衣袂指示故地畢卽不見進忠馳告令令卽其地荷鍤求之果得碑四圍色若丹砂者又得嚮所碎碑文及他小碑石像字跡尚可識與孟博等語無不合於是植碑剏亭加土封樹遠近歡喜稱甯尹誠能格天神載在郡志至今爲美談噫異矣東讀孟子史記及宋諸儒論說知孔子諸弟子天

改亭集卷八

主

資高明早聞道者顏子子貢天資謹篤能守師傳詔後學者曾子子夏當時子貢之於孔子如司馬遷所記尤詳其至性澆厚知依歸聖人心喪廬墓如孟子所言能使人感激其遺風而知弟子之事師同於孝子之事父母忠臣之事君者子貢一人之力也今顏子廟墓旣在闕里得與孔子益親會子子孫或在嘉祥或在江右旣列四氏與孔顏亞卽子夏書院祠堂在三晉甚盛凡爲卜氏莫不追祖子夏獨子貢祠墓旣在中原兩河孔道間忽與忽廢不絕若綫其子孫之爲端木氏後者三千年

以來迄無聞人且後學寡昧不淡知子貢學問功德之大金於顏曾幾欲夷之冉有宰予之列嗚呼此亦天道人事之不可問者也東丙午八月從今通政張公自汴至鄴過宜溝驛謁其祠廟再拜賦詩兩過大伾停車謁墓伏地泣不止以爲今日若有子貢其人如司馬遷所云者東得以依歸爲執鞭弭從之相與講德論學不至困頓淪落若此矣癸丑秋九月至十一月杪客大名郡最久蓋習聞子貢墓興復事甚悉特記之

沂州朱氏孝友世德記

改亭集卷八

四

從浙西至京師陸行必道經沂州州南四十里市廛鬱然商賈輻輳曰李家莊莊南有世家朱氏朱氏有秀才應嵩字中五名士也子小時卽聞朱中五云前輩若江西艾千子章大力羅文止輩吳中維斗楊先生無錫顧修遠輩公車過沂中五先期偵知必哀衣束帶持刺通姓名謁道左邀諸先生至其家置酒高會奴與白飯馬與青芻率以爲常及後子與朱旣庭輩公車往來中五亦如是相待也康熙六年冬子自京師歸宿李家庄中五聞子至歡甚同請過其子姪讀書處庭中頗有梅花龍

竹肴核既列乃命諸子珂瓊輩出所爲文乞評
論甚恭月下與予携手立庄南臨沂河觀河流浩
浩云此河南通沭水及淮過此二百里則江南境
矣又指山之隱隱隆隆者曰此禹貢之所稱蒙山
羽山也予太息久之中五曰嵩也慕先生之古文
辭願有請也乃出先世孝友隱德述一篇乞予記
予諾之三年餘矣今姑記之曰中五之曾大父有
二子長曰仁次曰義幼失父母兄弟相依爲命仁
中年遭疾義謹視湯藥知兄不能起日徬徨號泣
無可爲謀兄病益急號于天曰天乎我兄死魂魄

改亭集卷八

五

孤單悵悵何所之我不忍獨生我先往俟兄庶與
兄相扶持也閭戶白經宛仁垂絕呼義曰吾弟何
往乎家人曰出迎醫仁曰此給我我弟不忍我獨
死必先我死矣長號一聲遂絕中五九歲失父其
嫡母蕭視如己出蕭生子明龍撫幼弟二人如子
卽中五及中五仲兄也延經師教之成立且謀其
室家今子孫濟濟爲諸生謹厚可謂能紹其先世
篤孝友矣是不可以無記或曰友愛之風邈矣沂
州朱氏兄弟固不易得然先自經以殉兄則固而
近於愚非中道也予曰以視夫世之兄死而弟不

以爲戚弟死而兄不悲反幸其死者其仁與忍何
如哉予考北史陸侯世家陸卬之第五弟塽臨歿
誠其家人曰大兄羸病性最慈愛塽死必不可使
大兄知之後卬聞一慟便絕與晉書所載王子猷
子敬事相類若與朱氏兄弟連類述之可使天下
戕賊同氣者聞之生其愧悟之心也又陸氏世家
載陸凱痛兄琇之死哭泣無節遂失明訴于齊
宣武追復琇官凱乃大喜置酒告親友所以忍死
待此之故今願旣遂一笑便卒可謂天下至性奇
男子矣而凱子暉與弟恭之並有時譽晚年兄弟
失睦爲世所鄙墜其家聲可見孝友世德之難而
中五之不忘其兄尤可記也

改亭集卷八

六

武氏三烈記

崇禎八年乙亥流賊破潁州殺戮縉紳士民甚衆
婦女之守死不受辱自殺或殺于賊者不可勝記
其有姓氏及死節狀炳然可述者一百二十八人
見於撫按奏疏我友孝廉武威遠母甯氏妻劉氏
及妹之適於王生者聞賊入城相攜入井死二幼
女從母劉亦死凡三世五人後御史旌其門曰一
門三烈蓋二女不與焉此一百二十八人中之三

人也劉考功作頴記記之既詳而孝廉復請紀于
予予紀之如左且嘆曰苟或言頴川爲四戰之衝
天下有事頴最先受禍當崇禎七八年間流賊之
毒未徧中原而頴已受禍若此或言不可信哉明
有天下一統全盛二百八十年人不知兵革一旦
變起倉猝其婦女見聞不習殉節殉難之事而能
皎然不污閨門就義若武氏一門豈不異哉死者
人所畏大丈夫當死生之際猶有不能自引決者
况婉弱婦女乎武氏固世胄孝廉之父亦將也豈
其家教然乎然彼一百二十餘人者幸而死于崇

改亭集卷八

七

禎乙亥之間賊退之後尙有其夫與子及州郡大
吏一一詳誌其死節情狀姓氏至于今不朽若甲
申乙酉兵燹之中我鄉婦女之存者雖經不稍屈
辱蹈水火以死而泯沒不得傳者無算也豈不悲
哉頴舊有六貞祠祀范孟博母以下諸人今以一
百二十八人配食予過其祠必肅然動容再拜祠
在頴州東門外二里慧湖之濱然范母者但可謂
天下賢母耳列于死難不屈諸貞烈婦之間此亦
頴州祀典之過也

揚州史氏宗祠記

族譜立而親親之道得其半矣何也有圖牒以昭
之有世系以紀之有支派以辨之有內傳外傳以
述之使我宗之人與我後之人一覽而一本之思
油然而生則于周禮宗以族得民之道得矣雖然
尊祖故敬宗敬宗故收族能不忘我祖宗之所生
而不思所以崇事乎我身與我宗人之所自生何
以報本而返始也必立宗祠以會祀其先人俾歲
時蜡社少長咸集於祠畢薦牲醴拜跪周旋之濟
濟祭祀燕私之既舉宗長之耆年有德及子姓之
能以詩書自顯名者聚宗人而申之以孝友睦婣

改亭集卷八

八

之約勸戒之必飭吉凶之必相慶相恤而後收族
之禮卽達于報本返始之中宗祖庶幾無怨恚也
不然族譜圖牒具在而族大者人以衆而益疎分
以隔而難洽一本所同出而漠然視如路人則與
魏晉李唐之各姓雜譜藏于有司互爲夸誕者何
以異其于仁人孝子之用心寧有當哉廣陵爲南
北水陸之交一大都會五方雜處者多若土著而
爲望族者史氏其一也自浙東遷江都已十三四
世爲最久第十世大叅永巖先生第十一世際亨
孝廉第十二世壽平司直孝廉世以經術顯壽平

與子同舉爲相知又大叅公子孫與子座主中允
朱公爲姻戚予常主其家得觀大叅公所著族譜
于其大君子仁之家既嘆其能篤親親之誼而壽
平與子言且將募其宗人共建宗祠于先世發祥
之地凡堅茨繚垣列瓮牖藏祭器妥先靈立宗規
訓親睦其規制甚詳予嘉其能補大叅公未竟之
緒卽不必盡合先王之遺制而殷然仁人孝子之
用心不怠所自生而大垂裕乎後人其志量高出
于世之封殖自厚者遠矣至若立宗學以教其子
弟廣義田以恤其孤獨凡推廣建祠之意者無窮

改亭集卷八

九

而史氏之有祠特屹然于江淮都會之間以風示
五方之人皆知親親尊祖之義卽徵壽平之言予
亦樂得而記之

嘉定侯氏宗祠記

自嘉定侯給諫起東公於天啓初年首攻客魏論
客氏不宜再入宮奉嚴旨譴歸直聲動天下於是
我東南人士咸依嘉定侯氏爲人宗而公之祖大
叅公考贈給事公先以政事名德顯公之子二瞻
先生通政公文節公公之孫海內稱六侯者記原
文中幾道研德雲俱智舍公之曾孫武功相繼以

忠孝大節文章經術顯於是我東南人士稍知讀
書論交矜行誼者莫不益嘖嘖稱嘉定侯氏云而
茲祠之建則當嘉定兵燹之後二瞻先生湛族殉
難既久幸存廢宅而記原特爲請之守令得以歲
時率子姪奉蒸嘗存數世不絕之一綫蓋海內所
稱六侯幾道雲俱以兵燹文中智舍研德先後以
疾病患難殉卽今武功亦夭死獨記原巍然存海
內推碩果焉東今者於中元之日客遊嚶上僑寓
祠旁親見記原率子天存及研德子大年兩幼子
業萊濟濟跽奠拜祝于堂中喟然三嘆以爲當瞻

改亭集卷八

十

昔兵燹騰踔時二瞻先生不惜湛族殉大節雖滄
宮若平陵義公無憾焉初不意今日子姓尙得雍
容修祀事于斯祠若此也嗚呼卽給諫公首劾客
魏時其意計豈復及死生患難其被禍豈望出楊
左諸公下父子兄弟世相勉以忠孝大義不復爲
世俗子孫血食之謀趨兵燹棄肝膽如飴矣而乃
天祐善人俾其後人仍得以椒蔬醢菓歲時無廢
祀爲之門生後進者徘徊嘆泣于其旁而不忍去
不可謂天之無意于忠孝之家也禮大夫祀祖禰
公家三世爲大夫合祀當數世且大宗小宗別子

攝祀諸議記原研德與其友人陸翼王輩辨之尤詳故侯氏宗祠之例悉與朱子宋文憲公考論尤合不具論抑予所尤嘆異者不特侯氏之丈夫子世世俱以節義文章顯當世乃其婦人若給諫公配龔夫人下及文中妻夏幾道妻姚智含妻盛俱能以節烈皎潔不辱其家門從祀祠中爲天下婦女師法則侯氏之祖功宗德益遠矣是不可不記

卓氏傳經堂記

明建文初卓忠貞公首請親愛諸藩而潛奪其兵柄凡所建白爲遜國諸臣最其後子姓伏匿江湖

改亭集卷八

上

間至二百餘年之久卓氏始多聞人爲著姓聚族居塘西迄今多顯貴塘西故湖西三郡間山水所環會舟車之孔道水清土腴饒菱芡橘柚之利居民勤絲枲兼耕漁夾塘居者數千家獨卓氏高門崇閭義業其間今吳興太守圖次吳公所記傳經堂則卓氏之祠宇也卓氏有才子珂月先生其詩詞樂府及蘆淵蟾臺兩集傳誦海內其祖入齋先生考進句先生含文積學得才子而聲聞益著才子早世而才子之子火傳又能自奮于孤露之中不墜其門緒而光大之祠宇之設火傳所謂不恐

忘其親而不遠三四千里挾其記遊京師乞言于人以表彰其先世則火傳之子永瞻又能以父之志爲志者也君子觀于吳公之記知卓氏凡五世有令人而嘆忠貞公之遺澤迄今將三百年其子孫之久而益昌也如此抑亦可以爲勸矣夫六經燦然天地間其言皆庸言其事皆庸行勗人以守經而不教人以行權故謂之經盛世以經術治其國世家以經學傳其家其義一也觀卓氏之祠堂而慨然念其所以稱茲堂者知其能世篤於經之義矣忠貞公之事其君火傳之不忘其親經之大

改亭集卷八

上

莫過於此引而伸之信於朋友厚於宗族束於身心而發揚於事業皆本之傳經之意不若西漢末諸儒徒明經文而不知經義卓氏卽百世有令人可矣予與吳公皆火傳之同年生同讀書成均而予先君子又早識珂月先生於沈中翰君晦家羨其丰采若神仙故予與火傳論交在舞象之歲又羨永瞻之能惓惓乞言於父友也亦爲之記使其歸而獻之父焉

戴公石泉書像記

明崇禎十二年十一月江南徽州府太守漢陽石

泉戴公卒於官公以進士起家刑部郎山知徽州有惠政時流賊徧中原所在徵兵兵囂噪爲亂不可制是年六月公謁巡按御史於寧國值建陽衛兵變御史知公才徵公往諭解公於烈日中冠帶從士民十萬人徒步十餘里至教塲厲聲折服諸悍卒亂乃定而公病矣病且卒嘆曰我爲人臣官二千石以奄勒國死何憾公子率祖揚祖扶輓以歸歸而三楚被寇禍尤烈不獲伏闕上書白公死事狀越六年國以順治十一年揚祖舉鄉試已酉游徽州得公遺像于郡人王子韓家容貌儼然知

改亭集卷八

上

公遺愛在人歷三十餘年大兵燹之後而藏其像者珍重愛護不敢漫漶散軼以歸於公之子是可感也已郡之人及四方士聞其事者爲詩文紀之彙以成編曰不可謾集而東爲作畫像記且贊曰以公才望宜立朝右從容禁闥補拾匡奏由白雲司一麾出守牧此大邦察民疾疚廸農于良升士于秀六計舉張三銘績懋鞠躬盡瘁死而後已忠武之言先後相似有翼其容以歷三紀民乃保茲以貽公子德音可歌直道未毀於乎陵谷變遷久矣惟此人心昭哉永矢誰傳循吏以告信史

韞光樓記

燕臺胡翹羽先生築精舍爲樓三楹於母兄少宰公谷園之旁斷手癸丑之八月落成是年之十月名其樓曰韞光屬其同年生計東爲之記東嘗受學於少宰公又爲公門人所取士與先生交最歡憶乙未春與先生定交燕臺時少宰公以文章經術受知世祖章皇帝最渙寵眷無比雖謹慎遠權勢然天下望公謂呼吸通帝座又先生仲兄振音同以名孝廉敦行誼兄弟雍容怡愉事父少保公母太夫人祖母太夫人康強重慶無恙先生以季子不任家政日惟講學讀書晨夕祖母父母兩兄前服事惟謹東每羨先生至樂人也不數年祖母父母兩兄死喪殆盡生子女復不育獨與兄子一人居伶仃單露息交杜門讀書如故茲樓旣成先生焚香洗鉢澄心默坐不異爲浮屠氏者然亦浩然自樂也嗟乎天下枯苑順逆之數猶寒暑晝夜之相代於前與我之所以爲人者固無損益也而今之人逢脂煥則喜遇冰雪則憔悴倖倖不能堪不亦可悲乎登先生之樓俯仰二十年以來遭逢不同若此使先生當家門貴盛之時曾一移易

改亭集卷八

下

其心志從事於紛華靡麗則處今日而曰不動心
我未之信也東之信先生蓋在乙未定交之始家
門貴盛之日矣名樓曰韞光人或謂遵養時晦之
義予獨以爲不然光爲發越之本然光見而體衰
莊子曰失吾道者上見光而下爲土又曰光天而
不曜此韞之義也然非學道如先生又焉知此意
乎

黃州朱氏祠堂記

予旣爲菊廬先生作雙修堂記而菊廬復語予曰
予數年以前未嘗一日離斯堂也自游京師以歸

改亭集卷八

五

亦苦其僻遠不能朝夕于此我將于堂之旁求田
二十五畝納其稼獲飯一僧命一僕俾守我堂且
更之爲朱氏之祠以奉我先人烝嘗示子孫無有
變也且吾聞之人生而樂寄于是者歿而魂魄依
焉堂之額已乞我友王太史爲大書碑銘而復屬
記于予予其爲之子將泐之石以計久遠也予曰
不亦善乎先生之志也合于古儒者之教矣我聞
之考亭夫子夫子問之范先生曰天下有是氣者
有是理有其誠者有其神山川之氣樂憑依于人
人之樂山川而不忍去者氣相感也氣聚則理乘

之以顯矣子孫之於祖考一氣之所生也子孫能
聚其誠敬之氣以翁聚其祖考將散之氣而祖考
必來格者氣與理交相貫也人之歷存沒猶歷旦
莫也生而愛其居猶旦晝之飲食言笑於其居也
沒而魂魄依之猶夜之讀書偃臥於其中也先生
今日祀先世於此其烝嘗也必誠必敬先生之子
孫他日亦烝嘗於此如先生焉猶旦暮之相代於
前而莫知所止也理之與氣誠之與神聚之則聚
散之則散有之則有無之則無固自我操之矣子
嘗從兗州入曲阜見三十里草不生荆棘渡淮泗
過虞姬墓見墓旁之草雖大風不能搖又聞我吳
門城上要離墓碑不樹樹之則城門白晝殺人其
氣之所聚可以千年憑依草木及其里人而况
其子孫乎今以先生之自記而合之先賢理氣之
說我知朱氏祠堂之建其千百年不可泯滅亦若
是焉已矣遂爲記

見山樓記

廣陵於南北之間大都會也前溯長淮三湖後
枕大江水勢甚盛顧獨無山郡城北二十里有甘
泉山者子適中州屢過其下望之培塿耳至蜀岡

則土山也高不過尋丈不可言山城中汪進士峻門奉其尊君著書於家之愛園又于園之中建所謂見山樓者我友阮亭王公爲之記予久客廣陵支離况瘁獨汪子遇我厚子時登其樓問其所見之山汪子則與予憑欄翹足以手南指歷歷語予曰此隱隱隆隆者京口北固諸山也又西南指曰此縹緲若可見者卽鍾阜雞籠諸山也子喟然曰嗟乎是皆我江南之山也乎予身在江北乃心無日不在江南今望諸山若望我家矣竊思汪子所以名茲樓之意非真有愛於江南諸山也觀其名

改亭集卷八

七

園曰愛園取古孝子愛日之義則其所以名茲樓也蓋在南山乎小雅之祝眉壽也必曰如南山之壽不騫不崩汪子以英妙之年旣成大名顯當世足以榮其親矣而又勤學力行著書滿家樂友天下士則所以養其親之志俾之享大年膺百福者將與樓中所見之南山同其永久也予也同爲人子家有老母年六十餘矣有子一人旣坐廢於聖世又不能躬耕家食爲其親甘旨之謀窮年皇皇奔走負米依人忍辱遙見家山不能奮飛南還登茲樓而有愧於汪子多矣

改亭集卷九

吳江計 東甫章著 從孫 璣全姪 嘉禾 重編

蘭言堂記

同門劉公定氏暨令子子登名其晤對賓客之處曰蘭言堂取易同心之言之喻也子愛其意而請記之曰夫蘭香氣之至靜者也夫言人心之至動者也動則機之危者伏焉靜則感之和者合焉以危動之言而得和靜之合斯不亦天下之至難乎我於是而知同心之可重而孔子之僅有取於二人蓋難之也夫同心之相見也不以言言可也不言亦可也莊子所云非言非默義有所極也若是則二人之心氣俱靜心則淵乎其未有形也而氣必先引其端其馨香之所及清而能遠淡而能遠若蘭之始華不依人以爲媚而其感人必深和之至也甚矣孔子之善喻也然悠悠天下同心之人有幾乎孔之與顏也聃之與尹也惠之與莊也子輿之與子桑也皆二人也其言猶有聞也期之與牙也尹之與班也湯之與嚴也式之與邵也李之與郭也向之與嵇也桑上之德操與桑下之士元也皆二人也其爲人也或移日不勑或夜以繼旦

改亭集卷九

一

或相視而笑無一言或相援琴而歌其言不可傳
而人至今思之思其同氣之馨香無異於蘭也嗟
乎豈易得哉我見公定父子之交友也誠當世必
有相應以同氣者爲之記以待之

寶日堂記

平旦矣忽焉日中且晏矣日暮矣忽焉夜分且雞
鳴矣如是逐逐焉不知其幾忽焉收歲矣且暑矣
寒矣逐逐焉又不知其幾而少者忽焉壯壯者忽
焉衰衰者忽焉老矣天予我以性父母予我以身
古聖賢予我以學我之生也無不備具及其老且
耄也返計其所歷之日月不爲少矣而求之我性

改亭集卷九

二

我學果浩然而有得遽然而有覺乎彼小人之爲
衣食謀也日出而作日入而息其歷日月也苦而
難則負日月也亦不易我見天下之負日月而不
自知者必其歷日月而無所苦且難于衣食者也
夫既歷日月而無所苦難矣則天與父母之界之
生者不已厚乎古聖賢之學所以望之斯人者不
已重乎顧乃任其忽平旦以至夜忽收歲以至歲
暮忽少壯以至衰老斯其人尚可言乎書曰予思
日孜孜詩曰夙興夜寐孔子曰吾嘗終日不食終

夜不寢孟子曰夜氣平旦之氣朱子曰半日讀書
半日靜坐陸子曰晝觀之妻子夜觀之夢寐古之
人其不敢玩愒悠悠以負此日月也豈惟不負且
愛之敬之慎之至矣表弟李子道武以寶日名其
堂也亦此意也夫余故嘉其意而爲之記

齋圃記

張子喬甫家在華亭縣三十里曰蕭塘一畝之官
而傍後有隙地爲小圃種竹千百竿梅花三十樹
橙橘二三十株讀書灌園不求聞達翛然樂也予
考蕭塘舊曰秦塘始皇南遊觀海時所築距上海

改亭集卷九

三

五十里介於黃浦周浦之間夫黃浦受三泖五湖
巨浸考水利者言其蓄蓄宜歛若雪諸水最大從
此經浦入海凡濱其間者土田肥美不患燥濕周
禮辯塿壤墳隰五穀各有土宜其不宜者農圃不
敢植獨蕭塘兩浦數十里間高下俱膏腴無不可
植之物大至木棉桑麻小至果蔬瓜芋所獲倍他
邑張子居此亦樂矣張子又自言家居賓客祭祀
鷄豚之外皆取給於圃圃傍又有蕉三十本有綠
天書屋三楹今卽以予名名予圃誌予寶齋土物
不敢盡地力之意予曰善請爲之記

看雲亭記

予之至崑也健菴先生館予於憺園看雲亭之左
个每晨起仰視亭額念先生兄弟友愛至性既當
世不可多見而在兄弟貴盛赫奕之日能益敦友
愛至若先生者尤難是不可無記也杜子美詩曰
有弟有弟在遠方三人各瘦何人強在子美當日
兄弟淪落之狀有非人世所能堪者其開情聚散
憶弟看雲固情之所不能已若健菴先生同產兄
弟三人竝官禁近身在日月之際第宅騶馬焜煌
京師晨夕無不相共也先生之請假南旋暫遠兩
弟未及浹歲而先生篤念之切見於題額如此可
以爲天下之有同生者勸雲間陳仲醇徵君曰我
見天下孝友深至者多在貧賤寒素之家而富貴
者或少至權利相軋則父子且有不相下者何況
兄弟使徵君而在聞健菴兄弟孝友之風當亦自
悔其言之過激矣抑吾友汪子述蔚州魏先生之
言曰薄於兄弟者薄於朋友之漸也予觀健菴既
貴盛之後益存錄窮交備極周卹至其急難不惜
竭心力拯救之初不令其人之知之也卽其人始
受其深恩旣或稍稍負之而先生絕不以介意遇

改亭集卷九

四

之如故或友人歿十年二十年後知其無家未葬
卽酒闌燈灺之時獨黯然念之不置此在今日友
道所絕少予請因蔚州先生之言而更進之曰篤
於朋友者篤於兄弟之推也予困廢倥傯久矣生
平以諛言進貴人爲嫉予者所妬笑然予獨願存
此記以俟他日之尚論者遂爲記

憺園記

徐太史健菴先生爲園於大宅之後玉山之旁竹
樹花石高樓曲池水檻平橋幽房密闥凡宜於四
時適於登眺者無不備具先生旣復與奉母以時

改亭集卷九

五

游宴其間且令四方賓客名士來游者得從觀賞
憩息人人快然而去命其園曰憺園屬其友張素
存太史書額而東請爲之記或問曰憺之義何居
予曰字有二義若不相似而相貫者憺字之謂也
楚辭王叔師注曰憺安也廣韻又曰憺動貌夫安
之與動意若相反矣然天下有不安於內而可動
於外者乎古之爲學者孜孜矻矻窮年而不敢息
將以明理而求吾心之安而已矣大人之臨事應
物自旦至暮其形甚勞而神氣泰定與世忤合轉
化而惟其理之安惟安故可動也吾觀健菴先生

之日與事物接亦勞矣而於大小之事無情容無
倦色經理救濟必盡心焉我甚懼其心之勞而先
生氣益完神益靜蓋得愔之意深矣園之設所以
怡我之安而養我之動焉其命名也信遂記之

懷岫軒記

座主溧陽宋中允公有兄子叔邃謹厚而能文爲
公所奇愛命東及同舉二百六人與叔邃修世講
之禮論交極驩先是叔邃尊人岫雲先生於邑城
東隅闢地數弓擬構精舍率子弟講學讀書後遭
家患不克就以歿叔邃痛之既免喪破產三十晦

改亭集卷九

七

爲軒三楹環屋種梅花八十樹修竹五百竿且鑿
池遶屋水流澹澹然游魚唼唼荇藻有聲而旁復
有垂柳數株毵毵垂條搖曳弄影鳴鳥時至最可
聽叔邃偕兩弟佔畢其間風雨不輟每念先人潛
然出涕因顏其屋曰懷岫請東爲記東以文章受
知我中允公常言我愛計生與愛我兄子同自公
歿每遇公子及孫暨叔邃兄弟且喜且悲必相勉
以持身勵志擇交論文之道而叔邃又與予交極
深今爲此記想見叔邃志趣卓然不負叔父奇愛
公可謂知人能得士若東者遲暮廢棄無所成若

此小雅之詩曰我心憂傷念昔先人又曰我日斯
邁爾月斯征叔邃兄弟念之矣魏武帝曰契濶談
讌心念舊恩東取一日忘溧陽哉今予與叔邃同
客京師他日歸里門願以扁舟至溧陽謁我座主
遺像于如園便過叔邃懷岫軒坐梅花修竹間賦
詩續記後我知我座主與岫雲先生兄弟平生相
友愛百年後魂魄猶聚此也

想想園記

延尉孫新齋先生家居廣陵未爲園也而有所爲
想園者令子坦夫予友也久客於外永懷其親不

改亭集卷九

七

置復有所謂想想園者與予遇於吳興因屬予記
予惟人生而靜不容說宋諸先生言之切矣感於
物而動莫動於人之心於是爲意爲思爲念爲慮
紛紛無所不有獨想之爲言六經四子之書不概
見而多見於二氏之書然釋氏未入中國之前老
氏之學爲夫子所深嘆而老氏之弟子獨關尹子
得其傳最親于嘗盡讀其書知關尹子論想獨詳
後二氏率祖其說卽盡舉而變之一歸之虛無幻
誕然莫不陰取其意而陽推致之蓋他家之言想
也皆虛而關尹子之言想也獨實如內想大火久

之覺熱內想大水久之覺寒是想之成於氣者也如彼蟻不思彼蟻矣白是想之成於形者也夫形與氣可以括天下萬有不齊之類而關尹子欲以一想之力括之無遺可謂天下之至實矣故後世養生家所爲內外之學者皆本諸此而彼悉委之於虛無幻誕之說者既不克返人於人生而靜之初又不能著誠去僞於感物而動之後是兩失之矣夫形與氣之萬有不齊也爲老氏之學者括之以一想之力而況於罔乎人子之於父母也形與氣之最親莫若也以子之想合於其親生平所想之中凡其飲食居處笑語嗜樂無不得而況於園乎將見廣陵孫氏之問其林泉竹石臺榭禽魚之勝甲於廣陵間於天下無疑也他日子亦且游而樂之退而想之矣

穀似堂記

曩予以文章受知於嘉興司李彭公恩禮軼諸生上洎公讀禮家居予從至黍邱與公四子雪度定夫若于綆修游而與定夫交最驩後公再補登州七年不調甲辰四月予遇公章邱之女郎山下公大喜止驂適館召予談竟夕皆憂危之言所以教

改亭集卷九

入

改亭集卷九

九

予持身處世之道甚詳不兩月公歿於官又兩年予始得從二千里外登公之堂哭之又值公所居邑爲黃河衝齧公故居皆崩圯蕩析而定夫更葺其堂三楹名之曰穀似請記於予予曰教誨爾子式穀似之此小雅小宛之詩考亭以爲是大夫之家兄弟相戒以謹慎而作也自定夫之曾大父通政公迄司李公三世垂紳摺笏非大夫之家與書曰世祿之家鮮克由禮且人情規枯苑辯涼燠工向背儻忽善變我知定夫兄弟兩年以來所以持身處世之道其難什倍於他時亦什倍於他人矣小宛之第一章曰我心憂傷念昔先人不敢忘我身之所自生則不得不敬其身矣敬其身而至飲酒之後不忘溫克且推念我身之所生以教其子而式之於穀其爲敬也遠矣由是兄勉其弟弟儆其兄曰我日斯邁爾月斯征則將各敬其身以免鮮克由禮之懼以不墜其家世我見枯者復苑涼者復燠彼世之工向背爲儻忽者我與之淡忘可也夫公歿僅二年諸公子方禪而飲醴之時也已知念其親敬其身持其家如此可見公平日教諸公子之道矣予既不忘公章邱教予之言復感定

夫請記之意念公之愛子無異於愛子也無以報公德亦惟與公之子終其身誦小宛之詩爾

百一齋記

魏應休璉作百一詩或曰諷曹爽也周公巍巍百慮且一失也或曰自喻也愚者慮百或得一也或曰以百言爲篇故名或又以爲休璉作此以示在位者凡百一篇今所傳者獨一篇耳予不具辭請誦其詩其發端曰下流不可處君子慎厥初則儆身至矣又曰文章不經國筐篋無尺書則勉其學至矣終之曰避席跪自陳賤子實空虛宋人遇周

改事集卷九

十

客慙愧靡所如則其謙冲自下集思求益之懷至矣以爲諷權貴也可以爲自喻也可以爲示百爾在位也可何必辯乃夏邑李子嘉士以百一名其齋屬其友索予記且曰此非休璉作詩之意蓋取諸中庸人一已百之義以求學之至于強且明也子曰休璉之意與中庸有二乎李子貴公子也且富于春秋其自勉之意能若此又何有不可處者乎抑李子宋人也其所爲經國之文筐篋之書得無有燕石乎予雖非周客能爲公子辨之公子其悉發以示之

獨倚樓記

杜子美在夔州作江上詩曰勲業頻看鏡行藏獨倚樓後人讀公詩想見公之志有嘆息泣下者嗟乎當公作詩時何尚有勲業行藏之望哉嚴僕射殺卽一幕府官不可得矣房太尉殺畢生知已已矣無可言矣平日詩酒意氣之交若高李若蘇鄭輩零落都盡卽自稱海內故八尚有漢中王瑀昭州敬使君二人亦道遠莫可問訊而公以類然羈旅之身挈其空囊妻子飄然於漏天之下方意氣摧墮不暇而勲業行藏拳拳然一日不能去諸懷

改事集卷九

十

此公之所爲不可及而其志之重可悲也我邑城南一里餘有樓翼然以高曰獨倚樓則吾先君子之友張愧菴先生隱居處也先生夙爲諸生祭酒善金壇周儀部故忤阮大鍼陷黨人詔獄瀕死破其家又善溧陽陳相國相國既柄用推轂故交多富貴力招致先生先生終不一見固窮高蹈以老今年五十餘矣獨聚諸弟子授業樓中自食其力而以其餘暇殫精易學以自娛其無意於用世久矣豈亦有子美之志而採摘詩句以命其樓哉予獨以先生之與子美上下相去千數百年其境異

其志同子美之許身自比稷契者也先生之固窮學顏子者也易地則同孟子有以信其微也使大歷中有若房大尉嚴鄭公者薦子美於朝子美必携其朱紱而出欣欣然惟恐不得君而事也若先生在今日卽有鄭公輩交口薦先生先生肯一出乎然而先生倚樓望遠愀然長嘯仰天徬徨踟躕之懷與子美則何異東從先君子後得交先生甚久其知先生也深故請於先生而爲之記如此雖然先生既讀易於茲更請與先生論易稱逖世無悶有二其最上則龍德也其次則大過之獨立

改亭集卷九

三

不懼龍德變化不可學我願先生寧堅其志于次者終其身獨立不懼焉先生其許之乎

十二硯齋記

孔子善言覺莊周善言夢然孔子信其夢猶信其覺也周公兩楹是已莊言夢曰栩栩然言覺曰蘧蘧然覺言大夢亦言大也莊曰君乎牧乎固哉夢之中又占其夢故變小雅曰視天夢夢天若曰子詔人亦若是則已矣江都汪季舟舍人仕京朝貧無以賃屋宅一硯自隨日治之甚勞苦夜臥病夢入一殿中硯多至不可數悉現麗秀潤心欲之採

其尤可愛者懷十二以歸蘧蘧然覺仰視其賃屋識之曰十二硯齋不知硯之爲夢屋之爲賃也其友聞之曰善乎汪舍人君乎牧乎硯乎一也周禮大宗伯屬中士二人掌六夢於季冬聘王夢獻吉夢於王噫誕矣今十二月屆時舍人不以獻而以私其居語其友曰爲我記之其友日記之子得十我乞二子許我乎舍人曰諾言與子同夢詩言之矣敢不勉乎視天夢夢子既獻之矣子何吝其友曰諾故記之

潁州劉氏英德石記

改亭集卷九

三

吾吳歸震川先生貧士也而家有兩太湖石特著聞先生自爲記云一購之崑山葉文莊公家一購之閬門劉尚書宅一恢瑰旋轉作人舞形一形如大旆迎風獵獵彷彿漢衛將軍日暮縱兵大擊敵時子讀而壯之每欲問先生曾孫玄恭此二石猶在否未得也庚戌七月劉上舍家見其庭中石尤怪異石長丈餘兩肩及腰瘦削亭亭若嬌女旁之橫銳者俱斜向若衣帶飄飄又翼然下垂者若樂府所歌大垂手小垂手狀右趺起向後尺許左趺獨立翩翩絕類震川所云作人舞形者正坐視之

益信稍移坐東偏視之則不見所似人形見交龍旂數十衝風而前旂角繚繞逼側披靡恍若有聲又類震川所稱大旆者噫異矣震川形容兩石之奇異若此而貞時之石以一兼其二然非有閒情逸興倚徙坐臥其間縱觀側視得其澹蕩游行之樂若震川之自娛於文章者亦不知此石之特異也且此石出嶺南英德縣天下稱爲英石色皆黝然叩其聲清越似磬我吳貴重之卽高不踰尺亦購致几席上而此石高大若是且自粵至潁水陸數千里踰大庾過江淮舟車之費不貲與震川之

改亭集卷九

古

致太湖遠近勞逸相去百倍然震川購之他姓貞時承之先世勞逸又有異焉貞時自序云大父方伯公官粵載英石四以歸分餉我諸父我先君別駕公再官粵志求石之勝于四者果得此而寶蓄之其後求良材于同里張農部以儲我安人大事農部欲以此石相易乃得許石已去劉氏矣後復得還故物子嘆曰幸矣否則爲葉文莊劉尚書家石永爲他氏有矣雖然于石則何所不可石既有其形質之偉異不憚水陸遠道以至此知之者珍蓄之愛玩之惟命不知者委之頽垣敗棘之中不

一視焉亦惟命石不能自言亦不因是而有增損也雖然今主人之力能遠致之以貽其賢子孫主之賢也我樂爲主人記之石之既至於斯也得賢主人以爲歸石之福也我樂爲石記之作潁州劉氏英德石記

游白蟹泉記

歐陽子思潁詩序云潁民淳訟簡土厚水甘因慨然想見之既至潁四閱月乃怪歐陽子言不可信所云民淳訟簡上厚無從考証若水則辨之審矣潁之水何嘗甘哉汲之井鹵不可飲取之河雖稍

改亭集卷九

五

甘率清濁稍稍澄清之又變其味而友人時時向子言西郊有白蟹泉云八月二十三日劉子賢時招予同劉夢芝公定倫建子端武寧伯寧益賢筆公輩至泉旁列坐時風日清和原野平曠林葉未脫遙靄森蔚支鐫淪銚煮泉潑茗味果甘冽與他水異泉穴噴薄有聲一沼受水僅三四斛然汲之不窮同游者皆曰有白蟹二光瑩如美玉出沒穴中因以名泉泉固自有異也子笑曰歐陽子所稱水甘者其在斯乎然泉之名不載邑乘度歐陽子守潁時泉固未嘗受知歐陽子也抑予觀歐陽子

廣陵大明寺井泉記具述陸羽劉伯芻張又新輩品泉之語有言七等者有言二十等者有言江水上山水次井水又次者又言山水居江水上井水居山水上者其說不一歐陽子折衷之謂天下水味但當論其美惡不當有七等二十等之目又云陸羽論水惡渟浸而喜泉源良是江水爲衆水所聚自不及山是觀之歐陽子當日美頴之水必于上中之泉無疑且頴四郊無山泉自白蟹外更無甘者公又久于頴當日何以不亟稱之此以相知之難值而歐陽子亦未可謂深知頴水者也廣

改亭集卷九

去

陵大明寺泉昔人所稱天下第五泉也戊申春予與頴之寓伊庵游至其地汲泉飲之不能出白蟹泉上乃歐陽在廣陵不久爲寺泉作記在頴久不及白蟹泉一言豈以第五泉風有重名遂因而成之耶然我觀公記公可謂詳於天下之水味矣茲泉之顯於頴抑其遲速固有時不可強抑抑泉之甘鹵今昔亦有時而變未可定耶而歐陽子之言固可信耶貞時曰我將爲亭於旁以表我泉子爲我記我將泐諸石子曰諾遂記之

習齋記

楊子雲曰能觀千賦則能賦能觀千劔則能劔蓋言習也又曰巧者不過習者之門夫巧從天習從人天授不逮人力習之力大矣生於祁連姑衍之間五歲而知射獵生於五湖七澤之旁五歲而知擊汰生於金張衛霍之家能言而知冠蓋生於程氏烏氏之家勝衣而知賣漿生於王謝之家就傅而知清言曉應對故知學之所入淺體之所安深也故曰中材者言家教中材以上者言家風風之所漸漬不待教而能蓋言習也汝頴劉氏自方伯公以來子姓起家科名者二十年間多至八九人

改亭集卷九

去

可謂盛矣其子姓無不淬礪於學斐然能文章殆子雲所謂習者之門歟子登之與子論交也尤相善其游成均也以文章傾六館之士其歸而修制科之業也於寶日堂之西閣名曰習齋以時時簡練其中而予爲之記抑我聞禮月令曰季夏鷹學習言鷹隼先啄苞毛羽待涼風至乃擊夫子登之文六翮備矣將翱翔千仞而何待於習然我又聞之朱子曰學與習一也有淺深之殊焉未知未能而求知求能者曰學已知已能而行之不已曰習則子雲似未盡習之義也又敢以朱子之言爲子

登告

潁州菊花記

三月與我友宜興陳其年之季弟子萬遇於商邱侯氏家偶言此地牡丹花之勝子萬曰豈特牡丹耶先生久客河南未見菊花之奇麗尤非我江南所有子未信八九月在潁縱觀菊潁去商邱不三百里因嘆陳季言非誣我江南菊每本止畱數莖花始大可如掌多則懼分其力潁則一本可開五六六十花其本大如樹高於人二三尺花之小者亦與江南如掌等一異也又能開兩月不萎或善藏之可三月我鄉花始放必移置之密室以避霜降潁則任其所置俱無所畏子試以二十本植塾之庭至九月望後夜嚴霜皓皓滿地手擁故裘猶畏寒四更起坐月下秉燭視菊灼灼有光至旦益斌媚迎人顏色不稍稍挫似勝藏之堂廡者又一異也我鄉獨採所謂甘菊花曝諸日貯爲藥於他菊無間焉潁好事者則悉採諸花蒸以爲露其白如雪其清如泉其香若蘭蕙以薦諸蔬無不妙尤異也考今潁州爲春秋胡子國入於楚楚靈王卒乾谿在今州東北五十里楚辭曰夕餐秋菊之落

改亭集卷九

九

英又云採江離與滋菊兮願春日以爲糧芳非誣也大都淮汝間土厚風和物產尤美歐陽子思潁之言菊花亦一驗也子特爲之記

蟄巷記

予童子時每日暮從家塾歸輒擁几一斗室中父時時以館穀畱江城中母夜紡績課子篝燈讀書及予既婚率以爲常父爲手書二大字曰蟄巷題一額賜予甲午後予游京師吾妻以此室居子妾永既遷江城此室遂廢及復歸永移居近吾母以此室與次兒如子童子時然敝陋非舊規矣辛亥冬杪吾母不欲孫遠就家塾命孫晝夜擁爐讀書其中乃稍葺之若煖閣者予爲尋索吾父手書蟄巷兩字則不可復得矣追憶三十年前事不禁黯然因釋吾父之意釋蟄字之義語次兒曰易曰潛龍繫辭曰龍蛇之蟄其義一也若以龍蛇當陽氣潛藏之候必潛蟄爲宜如詩遵養時晦之義猶未深知易也當可見可躍可飛之時勲業塞天地而至人之所爲退藏於密者當寂然不動此卽舜禹有天下而不與程子所謂千兵萬馬與蔬食飲水曲肱而枕之總歸無事此潛蟄之至義也學者不

改亭集卷九

九

知其解卽文章若韓歐陽詩歌若李杜勲業若李郭皆小人之的然而日亡者耳非所以立天下之大本也小子其深念之哉作蠶菴記

耆舊偶記

當今海內耆舊尤重於長安者蘇門孫徵君鍾元先生京師孫侍郎退谷先生王尚書敬哉先生沛縣閻孝廉古古先生崑山顧隱君寧人先生今康熙十一年徵君年九十一侍郎年八十尚書年七十一孝廉年七十隱君年六十徵君之學從象山陽明入而踐履篤實生平於大節無所苟侍郎之

改亭集卷九

辛

學以朱子爲宗於五經俱有纂述注疏自行其意尚書湛深經術尤工文章及古近詩體孝廉喜任俠與徵君少壯時意氣相類晚游九邊好談兵及經世方畧隱君專精經傳訓詁及五音四聲之學考訂詳慎爲侍郎密友東於徵君則因其弟子湯參政斌而論學焉於侍郎則因尚書與隱君再登其堂復移書與論王魯齋詩疑書疑二書當表章於孝廉隱君則皆以父執之禮事之於尚書則北面稱弟子受學几杖間二十年者也十一年秋飲酒侍郎家獨隱君亦在坐語及徵君之學宗陸背

朱非是作數百言次日吾友宋學士招予偕孝廉飲別六年矣孝廉兩目益爛爛有光射人神氣益壯健相見甚歡因語及兩孫先生論學同異孝廉張目叱咤曰孫給事耶是何得與蘇門山人同語因譎語亦作數百言罷酒次日復聞隱君向客稱閻孝廉過當又次日學士問予曰兩日何所聞予笑曰兩日但見諸老人論學八十歲老人詆九十歲老人七十歲老人詆八十歲老人六十歲老人又詆七十歲老人也學士笑曰若是子再一兩年便可詆六十歲人也予曰夫何敢顧隱君之好學深思考核經傳東雖自今以往力學四十年年與徵君齊恐不能及也夫何敢雖然論交在峻廣之間與物無忤老而好學孜孜不衰不爲激覈之論不恕已而求勝人以筆舌若尚書敬哉先生何可及也此予所願學焉而未之逮也學士曰善因記之

改亭集卷九

壬

改亭集卷十

吳江計 東甫草著 從孫璣全姪 嘉禾 重編

上栢鄉相公論聖學知統錄書

昨讀知統錄二卷竊念自古以宰相之尊身任道統者其難其人今相公見道獨蚤得統獨正衛正獨力茲錄之成垂示天下後世幸甚幸甚而東愚不揣妄欲有所論辯先以發凡起例之大義上白尊前惟垂鑒焉相公既以見知問知之統卓然截旁流而崇正脉矣然程張之後直接朱子朱子非僅問知於二程子也程子之見知爲楊中立中立

改亭集卷十

十

之見知爲羅仲素仲素之見知爲李延平延平之見知爲朱夫子其統固如是也宋南渡初伊洛之統幾絕和靖與仲素受學龜山倡道豫章其功最大竊謂二程之門如上蔡廣平和靖諸先生皆聖學羽翼而楊羅李以迨朱夫子則一線之絕續係乎斯統者甚危不可不表而出之也許平仲與朱子可謂問知而輔廣黃幹及金華四先生恪守其傳以迨乎宋文憲方正學淵源可邇亦朱子見知問知之系也薛文清於朱子則問知矣同時如曹月川胡敬庵陳剡夫其學純正吳康齋任道甚力

改亭集卷十

二

其徒陳白沙以及湛甘泉羅念庵輩雖見道稍別然未嘗顯與朱子爲敵也亦可備聞知之苗裔矣至陽明之徒克塞天下獨有羅整庵困知一書屹然撐柱其間迨呂新吾舟中說於中原崔後渠修六經於河北魏莊渠闢正論於江南馮恭定振型學於京師顧端文高忠憲顧季時諸先生彙同志於道南劉念臺端踐履於兩浙而後程朱正傳昭然大白於天下諸公之功也其得列於朱子間知之統雖百世無疑也今幸值相公崇衛正學請以諸公之行實緒論擇其尤著且要者補入斯錄之內此東所急欲請正者一也既以統論則有正必使天下萬世昭然於庶之不可以奪嫡若盡舉而去之則其學終不可得而泯滅而宗其說者反得以爲口實也陸子靜之先立乎其大則孟子聞知之間統也楊慈湖輩爲見知吳草廬輩爲聞知而草廬之學較純正於慈湖陽明則象山之間知也而其徒之支派益多不止天泉証道後分而爲二錢德洪鄒東廓歐陽宗一聶雙江輩其稍醇正者也李彭山張陽和雖受學於陽明而卓然能衛正

學此有功於陽明者若心齋之學一傳爲顏山農
再傳爲羅近溪趙大洲龍溪之學不再傳而何心
隱李贊陶望齡之徒出則潰決吾學之防入於禪
佛矣然其統已數傳有源流有區別其勢已成若
謂非陽明之見知聞知者彼必不心服也東請自
子靜及二溪之徒擇其行誼可傳及論說稍近正
者別爲閩統一卷附續錄之後使識者洞晰其學
力之偏全知見之深淺踐履之純駁而確信道統
正閩之所以分其大閑固如此則有功於後學益
不小此東所亟欲請正於相公者又其一也惟有

改亭集卷十

三

容之度宥其冒昧詳以教之

上太倉吳祭酒書一

閏二月朔前國子監率性堂恩拔貢監生計東謹
再拜舊冬東度歲江寧于友人倪闇公家見老師
新刻文集內有復社紀事一篇數千言友人互相
傳誦以爲非老師大手筆不能作且非老師深知
社事本末不能淹貫詳悉若此東伏讀再四竊有
喜且慰者二有不能無疑者二謹不揣狂慙干冒
尊嚴上書座下所謂喜且慰者一則先師西銘先
生自辛巳歿後迄今三十年其所評論著述諸書

雖最富然其同社及後進之士能表章之者益少
其所教誨成就之弟子不下千餘人然三十年來
存歿升沉不一今零落漸盡矣若身既通顯又負
文章大名爲天下人士之所依歸又確乎爲先生
受業之人者天下之大更無與老師比今老師口
口我師不置所以推崇揚挖之甚力使當世尚知
有西銘先生此老師深厚之誼凡爲其弟子者無
不感激踴躍況東之先人與東皆執經其門受其
賞譽教誨者哉一則金沙周介生但以夙負重名
一旦臨大節而不能守污李賊僞命若王維鄭虔

改亭集卷十

四

之于安祿山耳而素不快于介生者遂加以滔天
之罪至比之王儒之從侯景若世所傳詔表之語
稍有人心者莫不寃之然無有訟言其誣者今得
老師一爲辨折公論昭然卽江寧密邇金沙愛憎
之口紛紛不同及聞老師之言莫不俯首悅服則
其足傳信于天下後世無疑也此東所爲最喜且
慰也若又有二者之不能無疑請得竟其說東生
也慨然東之先人從事于社事有年東之婦翁吳
扶九先生則固婁東兩張先生好友而首創復社
之人也東竊聞其本末矣復社者社之後起者也

始庚午之冬因魚山熊先生自崇明調宰我邑最喜社事孫孟樸乃與我婦翁及呂石香輩數人始翺復社頗爲吳門楊維斗先生所不快孟樸常懷刺謁楊先生再往不得見呵之曰我社中未嘗見此人我社者應社也蓋應社之興久矣時天下但知應社耳大江以南上應社者張受先西銘介生維斗大江以北主應社者萬道吉劉伯宗沈眉生婁東有應社十子吳郡有應社十三子又有五經應社楊子常顧麟士主詩維斗錢彥林主書介生兄弟主春秋受先王惠常主禮記西銘朱雲子主

改亭集卷十

五

之乃不得比于孟樸附老師文以不朽僅以吳江大姓四字括之不知老師何意而云然也又應社之本于拂水山房浙中讀書社之本于小築各二十餘年矣時西泠嚴氏與金沙婁東吳門及江右之艾氏皆鼎立不相下迨戊辰西銘先生至京師始與嚴子岸定交最懽子岸歸始大合兩浙同社于吳門受先宰臨川首結陳六士以稍殺艾氏之怒故得化異同以成聲氣則當日關係社事之人尚有當存其姓氏者而老師詳畧之間有非億見之所及此東之所爲疑而未解也豈老師辛未以後方置身石渠天祿雖爲西銘弟子于社事不復留意不知其曲折耶然此特事之小者耳事之大者亡國之罪不可居也且黨禍與社事不相蒙而大臣亡國之罪尤與應社復社諸公不相及才可不辨也社事之興不過諸生文字之會自朝寧視之無異童子之陳俎豆習禮儀爲嬉戲耳且勝國諸生之禁甚嚴非若漢唐宋之太學生得羣聚京師伏闕百千人橫議存亡大計也黨禍之烈若漢三君俊顧厨及唐牛李宋洛蜀朔必其人身爲大官仕于京朝次亦爲郡國守相若西銘先生通籍

改亭集卷十

六

之後日里居讀書受先一爲縣令卽引退維斗彥
林終老孝廉介生登第不數月子常麟士孟樸皆
頽然老諸生豈漢唐宋諸達官貴人比能造黨禍
如彼之烈哉且首劾宜興大罪者卽熊魚山先生
魚山卽復社盟主也宜興平日之不留意社事可
知矣被劾魚山之後不得已以吳來之爲魚山門
人使求補牘中不臘列其大罪以搖惑主聽於社
事何與哉於黨禍何與哉况老師之紀事爲復社
而作也東以爲西銘先生旣歿其明年上書告變
之小人隨伏法又明年詔求其遺書復社已稍稍

改事集卷十

七

吐氣叙事至此卽可作結不必更牽引宜興一案
娓娓言之似黨人亡國罪狀與復社相終始者或
老師行文之法于一篇中必周匝前後所叙之人
不得不借爲波瀾竊恐藝者卿怨不遑之徒藉口
老師之文遂欲以疑似之謗坐復社諸公以黨人
亡國之罪竊疑于老師推述先師西銘之意或有
未合而東前此之喜且慰者至此而疑滋甚也度
老師必更有說以處此伏惟鑒其惓惓之懇于此
二者或所聞異辭或所爭者大不絕其冒昧之罪
慨然教之幸甚幸甚

上太倉吳祭酒書二

閏二月十日門生計東謹再拜昨讀老師復社紀
事東愚昧輒上書座下干冒尊嚴惶悚無似旬日
以來竟讀老師全集不揣狂慙復有所言惟賜採
納東竊觀自古文人身介兩朝之間又有盛名其
文章不可磨滅使後之讀者尚論其世推原其心
不敢妄置訾議其最廣開府是已邇代則宋文憲
是已今世所傳開府集皆其入周之後往而不返
之作也其初在江南時子山詞賦亦盛矣而傳者
不一二見豈果竄身荒谷盡失其棄耶抑其後南

改事集卷十

八

北阻絕周之滕趙諸王次其遺文盡削其在南之
稟耶以東度之子山之心夫固重有所感也今世
傳宋學士集甚備彙其在元在明之文分類編年
此皆學士身沒茂州之後其門弟子及近日好事
者所纂輯非公原本也公在元之潛溪集潛溪續
集未嘗有明初之作一字入其中也其後鸞坡集
青蘿館集待制集皆煌煌然洪武十有四年以前
及吳元年二年三年之作未嘗有在元之文一字
入其中也故能使後之人讀其文者兼知其所歷
興廢存亡之故及公一身出處進退之本末前後

所遭逢若此雖百世之後昭然見之亦不得而竊議之劉文成公集分覆瓿睂其意亦然大槩見于虞山錢宗伯之論老師所熟知也今老師之文其文采論議遠過庾開府近躡宋文憲而集中分類銓次之處尚恐見聞固陋者不能一一深知某文作于何朝某文作于某日卽篇中所稱 先皇帝 天子多有未辨其爲本朝爲勝國者恐于前人編纂之法或有未合未可以傳于後世況老師之集係于自刪定與門弟子之編輯不同尤不可不整齊畫一使後人不得施其滑訛揣測之見東

改事集卷十

九

之愚竊欲彙次其文分爲兩集自崇禎朝迄順治甲午以前如舊學記之類爲一集甲午乙未以後迄康熙丁未如講德書院記之類爲一集使老師前後立言之意截然分明則不特文章光焰十倍茲集且使老師三十年心事其白于天下後世磊磊落落委委佗佗有如韓文公所云質鬼神而無疑俟聖人而不惑者誠門下之大願惟老師下採芻蕘之言東惶恐再拜

答汪鈍翁書

承教以東文字中不宜輕有感恩之語如顧天石

詩序云云者且曰丈夫不宜輕受人恩甚矣閣下教予之切而愛予之深也顧東之爲此亦自有說徐仲車宋所稱節孝先生也盛稱華州崔太守之恩及考其受恩之實但云崔公能使予身不勞而親有以養也其言亦深可悲矣雖然不身歷其境又烏知其言之悲乎使予今日亦若有華州崔太守者在我吳二三百里之內憐而客之使歲有所貯以養我母不至勞我生以奔走衣食逐逐于寒暑之時水陸之道讀書勵志以長貧賤浩然自足豈非大恩哉齊北郭騷結采網捆蒲席以養母不

改事集卷十

十

給見晏子乞所以養者晏子與之食粟府金及晏子兄挺出奔北郭子謂其友曰我聞之養及吾親者身亢其難卒以死白晏子而歸之范文正公在睢州孫明復屢上謁范公厭之語曰少年何不勤于學而好游若此對曰親老家貧若月得錢十貫養母卽不出矣范公爲補教授子弟春秋使得廩餼如所須之數遂不復見後十餘年聞泰山有孫先生經明行脩有司薦于朝則前睢州上謁少年也嗟乎彼北郭子徐仲車孫明復三人者非天下豪傑哉猶以親之故受人之恩况于東哉夫受恩

不報非夫也不幸若北郭子之報晏子可哀也已
卽幸而若徐節孝孫明復不至以一死報崔公范
公然必若徐之篤行孫之力學始爲不負知己則
報恩誠不易而受恩良難先生之言其信然也然
小人有母未知所以爲養今有如晏子崔公范公
其人者乎東感之報之當不後于所稱三人者矣
閣下其一加之意否乎

與丁葯園書

閣下至宋僕亦昨自柘歸從沙隨入柘遇長沮桀
溺慕慨然久之生而耦耕沒而同穴求友得此復

東亭集卷十

士

何憾然深念溺之學力尚未及沮沮談言微中令
人自遠溺則客氣未除揭揭然示人以不廣矣僕
求友吾里深愛旣庭一往落落穆穆之致若不知
天地間何物美好當愛慕者若與偕隱彼沮我溺
也今在宋久復得一徐恭士恭士與世味亦無耽
繫頗似旣庭但詩古文結習未忘僕亦欲從之游
惜相距千七百里不能遠辭老母久與偕也嗟乎
隱固不易偕隱尤難其人非賢婦卽良友耳旅中
無可爲閣下語聊及此

與某人書

今天下最賤者莫如士向聞閣下散金結客今見
閣下怙財慢士亦可謂識時務之尤矣但不肖讀
史遷貨殖傳載我家文子之言曰凡物賤之徵貴
貴之徵賤貴出如糞土賤取如珠玉今士之賤甚
矣獨非徵貴之時乎卽爲閣下貨殖計何不稍稍
出其家中最多之金錢結納一二坎塹失志魁傑
非常之士以備閣下異日緩急之用若居積然於
閣下大有利不然當淒風焚絺絺一旦炎威炙人
始揮汗而采葛竊笑閣下之疎於計矣

與周櫟園書

東亭集卷十

士

飛濤自青州來歸德得悉先生近況爲慰蒙示尺
牘尊選并索東近作東無以應飛濤云何不卽作
致先生書東倉卒無所言且先生方擁棹戟蒞吾
吳東吳民也何敢言事惟念前歲春間在都門有
婁東吳脩齡作正錢錄摘虞山老人不遺餘力
吾郡若文初菴復助其談吹毛索癥自喻得志東
徐語若文曰僕自山東來曾游泰山登日觀峯神
志方悚慄忽欲小遺甚急下山且四十里不可忍
乃潛溺於峯之側恐得重罪然竟無恙何也山至
大且高人溺焉者衆泰山不知也若文躍起大罵

然昨聞吳梅村先生盛稱東言是也敢以質之先生并憶昌黎蚍蜉大樹之喻必大笑東與虞山未稱相知與若文交二十年餘矣竊見若文著作已成大樹何苦操戈以攻前輩今之視昔卽後之視今將來有爲蚍蜉以相犯者卽無損毫髮亦可憎乃自我教之耶知與先生善併乞言之

與宋牧仲書

甲辰三月初都門一別三年矣聞佐郡黃威望甚著東客歲忽忽欲作三楚之游思得與足下相見抵掌劇談三四日以盡發其胸中之鬱結遂至武

改亭集卷十

三

昌謁吾師厚庵先生靈牀一慟哭再從足下假輕舟一葉溯衡湘之間登南嶽謁魏夫人祠盡覽道藏三式天官醫藥兵法諸書以歸有自中州來者云閣下頗拒客東一笑而止然此三事者耿耿日在胸臆間不可釋私念天下之大人之才之衆求丰采言論可敬愛才略兼文武堪將相如唐嚴鄭公李贊皇輩當今如宋子牧仲者東目中實未多見也而布衣失職坎壈無聊之士忍辱好奇計勃勃有飛揚之氣能上下千古人物事會得失成敗之數及經世救時之大畧若古王猛馬周輩者天下

之大如東比者亦不多數人非東莫知宋子非宋子莫知東顧可使兩人三年不相見聞傳言而自疑阻也東今者以叫閣事留國門倘事無可爲將舍而南游沂大江叩門于宋子遙計臨臯亭前吳大帝祠下將必有計子吟嘯之聲與江濤澎湃聲相上下矣足下見此書後幸早寄報章相示

又與宋牧仲書

僕久在兩河間仰而依人無一善狀惟八月中在鄴城徧謁謝茂秦葬處得之南門外二十里見小塚頽墮荒草中爲賦詩弔之求其子孫不可得因

改亭集卷十

古

因請鄴中當事爲封土三尺餘禁里人樵牧其上立碣誌之曰明詩人謝茂秦墓此一事也九月杪過順德日晡矣僕犬望逆旅求憩甚急忽念歸震川先生昔佐此郡有廳記二篇記中所稱時獨步空庭槐花黃落遍滿階砌殊歡然自得及衙內一土室而戶西向寒風烈日霖雨飛霜無地可避者迄今不過百數十年遺址必有可考入城徒步徧求莫知所在裴回不能去乃于郡署旁廢圃中西向設瓣香流涕再拜而去道旁兒童觀者皆大笑以爲病狂人卽僕夫亦匿笑不止至逆旅主人怪

其後幾不得眠食此又一事也九月浪遊賴有此
事庶幾不虛此行可爲知己告度宋子亦必以計
生爲可與言者也幸爲作紀事詩相贈佇望佇望
東再拜

與同年錢湘靈書

昨足下稱某鉅公好士但不當以某人與邑子某
並致傾倒之意恐失天下士心甚善甚善僕向客
中州亦曾遇某公相待頗厚而僕意快快不久辭
去者觀其厚僕與彼中一老僮無異僕恥與爲並
且以見某公衡鑒非真知士輕重者也桓宣武在

收亭集卷十

五

江左氣勢塞天地幕下一袁虎耳與伏滔同被寵
遇每呼袁伏袁以爲至辱韓淮陰能俯出屠中少
年袴下而鬱鬱恥與噲等伍夫絳灌功名在當日
亦頗著矣然與淮陰同爲列侯其朝謁則淮陰必
不甘豈絳灌反不及屠中少年乎高下在心自有
默默不能平者固未可爲不知已者道也悲夫然
士旣已不能自立降志依人何所不可忍者袁伏
同呼噲等爲伍亦安之若命而已我是以思楚狂
陸通輩之不可及也

又與錢湘靈書

足下謂富貴利達之權操于天者我無容心焉讀
書爲文之事權之操于我者我必勉焉足下言
似盡善然東以讀書爲文其權亦天之所操非人
所得自主也以張籍之才而韓退之惜其家貧多
事未能卒業天實制之非籍之不專于學也王遵
嚴自言賴先人之遺不以衣食爲苦又天與之靈
于聖賢之言每對輒有所契夫人生而蒙先業不
乏衣食非命乎旣不以奔走衣食累其心心無榮
擾則由定生慧由靜生明我心之靈自日出而不
窮況曰天與之乎卽如僕與足下十年以來錮廢
頽墮不足恨而日營營焉勞辱其身心于仰事俯
育之謀天旣不遽與我以溝壑又不使之稍有餘
得以杜門息交讀書爲文稍慰其胸臆古人云臣
精已銷亡矣豈不痛哉乃足下尚浩然爲此言必
足下別有治生之法也乞悉以教我我將退而學
焉幸甚幸甚

收亭集卷十

六

與周鹿峯書

世之稱知己者其最則憐其才稱譽之援引之其
次則深忌其才而必欲殺之其最不能堪者視其
人無足輕重任其人自生自死自貧賤且老于天

地之間一不介于胸中也魏相公叔庠薦公孫鞅于惠王謂王若不能用必殺之鞅曰王不能用臣又安能殺臣夫天下能殺天下才士之人即能憐才士之人也故凡欲殺我者皆我知己也可感也杜甫之懷李白也曰世人皆欲殺亦謾語耳彼其時知李白者有幾人哉我是以嘆知己之難得而我才不足以致知己之欲殺爲可媿也

與門人吳謁書

莊子與惠子之交最懽也莊子平生之交蓋少也惠子歿莊子乃寢談著書欲以不死其友也故于

改亭集卷一

七

內篇第一篇兩舉惠子謂莊子結之于第五篇亦然其餘或叙惠子爲相而已往見之或叙同游于濠梁或叙已妻死而惠子弔之或叙惠子死而已過其墓凡已所與論答問辨之人惠子外無幾人焉乃其卒篇則極詆惠子之書道舛駁而言不中凡曲叙惠子怪鬼之說如所云卵有毛雞三足天與地卑山與澤平之類數百言不休且以惜乎悲夫三嘆惠子以終三十篇之意若今人不得其解者必以莊子毀其好友爲負友矣嗚呼豈知惠子莊子者哉夫盛稱其友至溢其實使不信于天下

不傳于後世凡庸人之所爲非所語于長者也足下明于此義則可讀鈍翁類彙與說鈴矣知足下可以語此故白

謝諸生徒書

嘗考孔子弟子列傳惟子路有若年稍長一僮少孔子九歲一僮少孔子十三歲耳其他最表著者如顏子少孔子三十歲仲弓冉有商瞿少孔子二十九歲子貢少三十一歲子游子夏少四十四五歲最少者子張子賤少孔子四十九歲子若少五十三歲即傳道之曾子亦少孔子四十六歲僕嘗笑以僕之年賢弟子尚未當生然則孔子三十以前所稱弟子益進大抵皆三千不知姓名身不通六藝之人耳迨孔子年四十之後學益進德益修卓然以斯文爲已任故天爲生聚諸賢者以佐之若僕之學日益荒德日益薄其無與于斯文也久矣又何敢望有賢弟子而奈何以不肖之軀累諸君之從學哉又思孔子當老而不見用退而刪詩書定禮樂其時若曾子子游子夏子張輩俱年僅二十餘可謂少年矣俱已儼然在升堂入室之列則知賢者必皆以早年受學其壯盛智慧之力足

改亭集卷十

六

以服膺精進于聖人之至教故當聖人之沒數十餘年之間諸子年皆未耄各以其所得于師者抗顏爲人師各復得賢弟子以繼孔子之傳若僕之蹉跎遲莫年四十而無聞既不足爲聖人之弟子而足爲諸君師哉行矣慎擇所師努力自愛

與黃俞邵書

昨與足下論交謂貴盛之交易隙而窮愁之交易懽信然乃座客嘖嘖魏其侯灌仲孺相從于死一事謂丈夫意氣不當爾爾耶僕退而思之客言過矣夫當日殺魏其侯者灌仲孺也灌卽族滅不足

改亭集卷十

九

以報魏其而客以仲孺爲有意氣乎兩人旣皆失勢家居意皆默默不自得相與結懽如父子足矣何苦以過丞相爲重且以丞相之過魏其侯爲重使侯之失婦市牛酒灑掃以待丞相也丞相卽不來何苦再過丞相家必責其一過而飲酒極懽以慰魏其夫田竇之隙自田竇之欲交懽始也由是觀之仲孺乃一庸妄人耳何足爲意氣我恐客未審于窮愁之交卽未知君子之交矣禮曰君子淡以成使仲孺當日不翕翕望丞相熱則可謂能淡矣兩人雖無懽無害也

與李岷瞻書

李中麓在濟南海內皆傳其已死唐荆川養病家居柯巖峯語王遵巖曰應德死矣遵巖方飯投箸哭失聲後乃知其訛也遵巖貽其母弟京師書曰唐李凶問皆不實度京師亦必有傳吾死者矣語載遵巖集中我姪炳偶舉問予曰炳聞李中麓罷官居章邱不見一客荆川以詞臣被錮廢讀書宜興山中十年不出遵巖年二十五作吏部郎被黜三十一再起參政罷去終身不獲振度三先生當日讀書爲文之外無他嗜好且遭逢坎壈失意與人無患與世無爭何天下尙共詛其死若不欲使其長生久視于天地間者耶子應之曰汝不見里中之富豪翁乎彼自豐于財儉于家未嘗妨于世擢于人也而人必憎之一歲之中必屢傳其不祥之事及按其實無有也亦獨何心哉夫富于文章富于學問與富于金錢等耳夫多獲者必有少取者矣多少相耀多者必見妬于少者人之情也豈特人也天亦然汝不見文章九命乎我獨怪天旣以文章學問之權慨然委之間出之一二人使多取焉復從而妬之厄之有遠不如唐王兩先生之

改亭集卷十

十

遭逢者天又何心也足下善言天其教我無吝

示倪師留論文書

行乎其所不得不行止乎其所不得不止子瞻自述其爲文之樂亦僅舉其半耳于方聘筆汪洋恣肆之時而忽焉沈然以止人莫測其何以止于言語俱盡山窮水竭之際而忽焉波瀾怒生曲折層疊使人貽聘莫知其行止變化之妙乃爲文章之至樂耳若不得不行而行不得不止而止則是我之行止若有所制之者更何樂耶後之自命爲知文者泥古法而不化每藉子瞻語爲口實予故爲足下辨之

改事集卷十

圭

與錢礎日書

敬啓敝邑朱隱君長孺吾黨所推爲儒林祭酒篤學方聞之士也生平酷嗜杜詩嘗點校草堂詩箋廣採諸家之說名爲輯注虞山牧翁先生在郡城假我堂見之亟爲許可乙未年延致家塾舉所藏宋刻九家注及吳若本命之合鈔間出新箋再三商榷卒業而爲之序此通國所共知也壬寅復館先生家時虞山有人以中有異同之說謀專刻錢箋先生乃命分行有小劄促梓可覆視也長孺之

改事集卷十

圭

好學深思與先生之通懷樂善蓋兩得之而忤者必欲尼長孺之注使之不出忽有覆吳江友人長牘傳示吳門書賈其意在阻撓剗刪乃泰興季滄葦侍御不辨而梓之杜箋東適在維揚與侍御往復証論其書遂輟不行今錫山鄒氏復爲忤者所惑又不辨而梓之有學集改題爲復吳江潘力田書書辭與季刻絕不同先生墓木拱矣誰起之重泉而握筆塗竄于其間乎此書所由來亦瞭然可見矣夫長孺杜注始之彙成一集也先生命之既而各自分行也亦先生命之長孺前後館穀三年從無牴牾牧翁易簣前令嗣孺館到敝邑牧翁手書誨誨東輩共見之今觀此書其辭憤然其氣勃然無忿之叫呼不爭之詬厲恒人猶且不爲何況大雅君子乎此以情揆之而知其必無者也書辭繁沓回互所云檢別太甚大愠而去頭目頓收心神俱惘及憤而求敵等語如捕風如說鬼茫然不知所謂若以長孺之注多謬誤瘡痍蓋落落行間正當條件刊正教以未逮何至如後生輕薄供噓笑之資扇澆淨之氣此以理揆之而知其必無者也若謂未見其書先獎借作序及見其書遂以

作懺悔文則古人未嘗有此作文之法先生文章
宗匠也而乃爲此言乎知道翁與鄒氏爲通家幸
以忠言告之立將此書削去毋爲忤者所終惑

改亭集卷十

改亭集卷十

重

改亭集卷十一

吳江計 東甫草著 從孫 璣 全姪 鼎 禾 重編

籌南論一 崇禎甲申年著
總論先固東南要害

取今日之大勢會觀而熟計之然後可以決他日
之大機復前人之大業如太祖定天下之畧其形
勝要害根本次第必先審定宸衷有緩一著不得
躁一著不得者卽降而言偏安割據之局如古魯
肅諸葛亮之徒亦必有斷然數語于戰守要害立
國形勝一望而定之使其君奉以爲準的蓋誇之
不可縮之不可前一寸不可却一寸不可寧使聽
者無新奇之喜言者受拘懦之譏而策一定于今
日事必盡于後圖夫是是古人之大畧也爲今日
之報仇滅賊恢復區宇之大畧何從乎言之可涕
而使行之者得以次第成功計惟有緩兵西北而
且厚集其力于東南矣夫東南者東盡于淮西盡
于漢中盡于江取天地四瀆之三以爲界也宋李
綱之言曰起西北則足以據中原而有東南起東
南則不足以窺中原而有西北漢世祖唐肅宗晉
元帝之局彰彰史冊若是則併力東南而緩師西
北將不願其君之爲漢世祖唐肅宗而願其君之

爲晉元帝朱康王乎將昌平之十二陵何託乎太祖尺寸寸之土地何託乎列宗以及先皇帝增賦給餉死守勿去之封疆忍置之不念乎然臣據今日之大勢而熟計之則非李綱之說也蓋固東南然後可以進中原而有西北圖西北則併不足以保東南而何有于中原自來立國于東南而不能復中原西北者若劉宋蕭梁之輩固無足言若晉元帝宋康王則其初實未有西北中原之志者也焉得歸形勝之咎于東南若果肯先固東南以爲進取之局則爲太祖之定鼎金陵十六年然後

改事集卷一

三

出師伐北矣晉有一祖述而不能用有一王敦而不能殺內難日尋何暇外事且謝安乘肥水大捷之外而終身不渡河一步則素無西北于胸中寧有拱手而取天下者哉若朱高之溺任奸輔自墮干城忘親事仇宴樂終世則其老死臨安已爲萬幸豈可尙言西北哉如太祖起于淮西不引兵北向而反南渡江者以西北險固中原足食未可遽與爭鋒而以淮甸之兵取江南則易也既據金陵十六年截淮而取之則東南之財賦分毫不得入北而元人坐困故一旦北討而有取無戰昔人有

言曰太祖之渡江而南也以強取弱及其渡河而北也以飽取飢今請以今日之土地當洪武戊申時之土地取東南之財力守淮楚之要衝亦如太祖之厲精十六年則兵力厚集士飽氣盈以之渡河雪恥尙何往而不定耶而所爲固守東南之策則其言無一新奇可喜但總攬曩人之建鼎江南者鑑戒其敗酌取其善統而論之則孫吳東晉劉宋齊梁陳南唐南宋所守之衝要當以劉宋爲上蕭齊南宋次之東晉梁又次之吳陳與南唐爲最下以劉宋能西以襄陽南鄭爲重鎮東以彭城

改事集卷十一

三

州歷城今濟州東陽今廬州爲重鎮中以垂瓠今蔡州爲重鎮則其勢幾跨中原而蹙西北矣故曰劉宋爲上若南宋雖無劉宋山東之地而劉韓血戰兩淮岳孟虎踞襄陽兩吳死守巴蜀使非奸輔數壞乃事則一伸足而取中原矣蕭齊雖淮北之地所得絕少然當其全盛時西以南鄭樊城襄陽爲重鎮東以壽春淮陰角城今泗州連水今泗州朐山今海州爲重鎮中以義陽今信陽爲重鎮其勢亦能北瞰中原故曰南宋蕭齊次之東晉西失蜀于成李東失徐于劉石祖述死而北境益蹙僅以合肥淮陽壽陽

泗州角城爲東方之重鎮上明今松滋江陵夏口武

昌爲西方之重鎮而蕭梁亦僅西以雍州今襄陽下

涇戎今隨州夏口爲重鎮中以白狗堆今蔡州碭石城

今潁州爲重鎮東以合肥鍾黎今鳳陽淮陰朐山爲重

鎮則益縮而南矣故曰又次若孫吳東失廣陵西

失襄陽于魏又瑜肅相繼早世不得遂其入蜀之

謀左右牽掣形格勢禁故忤蜀必臣魏忤魏必和

蜀西以建平今歸州西陵今夷陵樂都今松滋巴丘今岳陽

爲藩扞東以皖城今舒城濡須塢今和州牛渚圻今太平

邾城今黃州爲藩扞日夜兢兢苟活四世則以徹淮

東之藩籬而建康單露失襄陽之屏蔽而上流空

虛也若陳之曲意經畧淮北而旋得旋失兩淮之

地盡入于周至以長江爲界一旦韓賀渡江無復

可阻雖上流守狼尾公安荆門安蜀亦無及矣南

唐未失江北之前與旣失不甚遠以馬高之據上

流也故曰吳陳與南唐爲最下然則曠觀乎七國

之史冊其要害分戍豈不彰然顯白哉今當事者

謀立國之形勢謀戰守之要地將爲劉宋耶將爲

南宋耶將爲蕭齊梁東晉耶兵法所云地有所必

爭城有所必守當夙夜以爲表裏首尾之勢臣嘗

改亭集卷十一

四

西起漢源東盡淮海中盡長江得所謂極衝凡幾

次衝凡幾據圖熟計以爲建康計者當設三輔五

鎮五鎮之說宋張浚真德秀文天祥等亦約畧言

之若三輔則近亦有言者而臣以爲當以儀真爲

一輔和州爲一輔安慶爲一輔此真建康肘腋間

之要害可備非常援倉卒宜倣古漢馮翊扶風京

兆之制擇文臣之久習兵事者各督練土著一萬

以守之何謂五鎮曰頃史閣部所謂立四鎮皆偏

重于淮甸而不詳及上流于兩淮設鎮太密于上

流之要害太疎臣統覽東南之全局謂當以淮東

爲一鎮淮西爲一鎮荊州爲一鎮襄陽爲一鎮成

都爲一鎮每鎮須強兵三萬人統支郡之所有約

每鎮五萬人則多寡得中戰守有餘吳紀陟之言

曰自西陵至江都五千七百里疆界雖遠而險要

必爭之地不過數四此猶未及蜀爾豈知江南所

恃以爲固者長江而四川爲長江根本凡北人之

并南者大約先得四川故曰當以成都爲一鎮毋

謂其不切于建康也若淮東則當建闕于淮安而

以徐揚之兵翼其前後淮西則當建闕于鳳陽而

以廬州壽滁之兵壯其腹背全楚則當以九江武

改亭集卷十一

五

昌岳州漢陽之兵力統于荊州而建閫于江陵西則當以承天鄖陽蕲黃之兵力統于襄陽而建閫于樊城五鎮既立則首尾連絡勢如常山之蛇而既設三輔則建康有盤石之固所謂分戍要害其全局之計如此况兵以衛民而川浙吳楚之兵爲天下勁兵處食以養兵而東南財賦自唐宋以來無不倍出于西北昔項籍以江東子弟橫行而西李陵以荆楚勁卒轉鬪塞北及我明威繼光必須以義烏三千人立威薊鎮頃四川石柱司秦良玉以一婦人將三千人斬敵兵萬餘則南兵之強可

改事集卷十一

六

見也東南財賦之饒見諸全史者自唐肅宗始至汴宋而三倍其數至南宋而加增幾十倍故章潢統論南北曰但當北人畏南不當南人畏北今兵食之出旣在東南則東南之命懸諸要害懸諸要害者然頃逆獻南犯江楚名城重鎮皆先空國以待賊于千里外豈兵之臂皆折而腹皆枵者耶勢已至此萬不得以寬厚從事上自鎮撫下及有司凡有汎地之責者須以三科相約曰能戰則戰不能戰則守不能守則死有自外于三科之外者殺無赦有死戰以守如劉錡之于順昌韓世忠之

于儀真者爵上公有死守不下如賊質之于盱眙昌義之之于鍾離能固守于四十日之外者爵侯伯卽不幸而城陷被執能如劉思忌之甘爲南鬼者亦議贈卹如是則威法行而守者之心固守者之才出矣如是十年先爲不可勝以待敵之可勝而兵食厚集氣自百倍然後以荆襄成都之甲渡漢水而直取關中以兩淮三輔之甲渡河直取宛洛何賊不滅何讐不報故曰固東南然後可以據中原而有西北也苟兵無十年之教訓食無十年之生聚遽欲經畧中原無乃使庾亮殷浩褚裒王

改事集卷十一

七

玄謨輩笑人乘後車哉

籌南論二 論應天根本

自蜀江東下黃河南注而天下大勢始分南北南北之險全恃江河故自昔中原無事則都河之南中原多難則都江之南然河南之都凡四而江南之都一建康耳建康者江之下流也據上流則可順流而逼下處下流則安能迴流而制上故自昔立國建康者時有悍將逆藩握重兵而輒下流遂有重逼建康之事則郊圻守禦之法不可不密而京營之卒不可不宿練以爲根本堅深之計也夫

古今之論不一譽建康者曰中原三大幹南幹之龍在建康廖氏經云建康形勝洛陽同蘇伯玉曰金陵地脈自東南迤長江而西其止也蜿蜒磅礴既翕復張中脊而下降爲平衍所謂土中于是乎在又曰西爲鷄籠覆舟諸山又西爲石頭城而鍾山峙其東大江迴抱秦淮玄武湖映帶左右兩淮諸山合沓內向若委玉帛百朝焉張跋諸葛亮以爲眞帝王之都良是也朱熹亦曰東南建都必要都建康以建康正諸方水道所湊一望則諸要會地都在目前劉基亦謂襟帶長江勢甚險固毀建

改亭集卷十一

八

康者曰三幹之中中幹最尊北幹次南幹又次楊筠松曰東晉都之得一百五年降及宋齊梁陳合四代凡一百七十一年緣形勢雖優而垣氣多泄兩淮龍氣太盡而地勢卑下故歷年不永鄭曉曰南京城非復六朝之舊不過自楊行密所築者益拓而東盡鍾山之隈視江流爲曲折以故廣袤不相稱似非體國經野辨方正位之意且江流去而不留山形散而不聚大內又迫東城偏陂卑窪太子太孫宜皆不祿似非帝王都毀之譽之要皆地理家言不足以語形勝之雄深進退之便固也若

石城虎踞鍾阜龍蟠長江天塹金陵王氣等語童子言之熟矣又若建康爲東南都會控帶荆楊引輸江河咫尺淮甸應接梁宋山川雄盛食貨富饒足以供六師而容萬乘老生言之熟矣臣今日非作金陵頌也臣之所以言者以爲旣建都內地則特屏蔽于外旬旣端拱下流則藉形勢于上游一旦變起非常事在倉卒外甸上流之備不相爲應恒有敎勁兵于近郊壁京城而一戰者脫有如孫恩之至新洲盧循之泊蔡洲蘇峻之據蔣山侯景之逼臺城者臨時何以禦之臣常縱稽史冊知建

改亭集卷十一

九

康四面東至鎮江北至儀眞六合西至和州西南至太平州方百里內有敵之所必攻與我之所必守者曰白下曰蔣山曰龍尾曰覆舟曰北郊壇曰藥園曰幕府山曰西陵曰白玉岡曰土山曰羅落橋曰江乘曰竹里曰直瀆曰四望磯曰新州曰白石曰石頭曰查浦曰新亭曰板橋曰牛渚曰采石曰張公洲曰蔡洲曰茄子洲曰倪塘曰三山曰列山凡數十處揆之于今未必盡爲要害盡當戍守然寇一出揚州六合由京口以逼京城則所備者急在白下蔣山覆舟白玉岡幕府山江乘等處若

寇一自上流渡和州而來則所備者急在石頭查浦新亭牛渚慈湖采石等處若寇一以舟師浮江而下則所備應在直瀆新洲四望磯白石張公洲蔡洲茄子洲三山列山等處此皆備之六朝載籍者也至于今年代久遠地名屢易且京城改築大非昔比險要亦移故同一石頭城而晉宋以爲險要必爭之地今已置之榛莽但知建康事者必當鑒往撥來早建壘堡練營兵以爲萬有一虞之慮況如昔之都建康者多以背城戰捷如桓玄篡位宋武帝起兵京口立謂宜收沿江二百里之兵堅

改亭集卷十一

十

壁覆舟山使彼空行二百里而無所獲一見大軍必自退沮宋武帝患之後以桓謙不從而敗及盧循直襲建康乘勝徑進京師震動衆請分兵守諸津要劉裕曰賊盛我弱若分兵戍守則人測虛實不若聚衆石頭隨宜應赴後果以此破賊又若休範反自尋陽晝夜取道直逼京師上下惶駭蕭道成曰昔弄兵上流者皆因淹緩至敗休範遠懲前失必輕師急進今應變之術不宜遠出若偏師失律則大沮衆心宜頓兵新亭白下堅守東府石頭以待賊賊至我請頓新亭以當其鋒諸貴不須競

出我自破賊後卒如其約若是者更僕言之不能盡也要在平日京兵素練築戍素固故能賊至而背城一捷豈得臨難倉卒而求援上流疾呼淮鎮以自衛耶臣故曰處下流而欲控制上游則郊圻之守禦不得不密也且無暇博及異代事卽如我二祖往轍昭昭實錄爲子孫者可攷也方太祖新定建業所爲用者僅淮西數郡邑耳淮東則僞吳虎視于江表上流則僞漢陽張于楚豫建康無一日可安也一旦友諒陷太平據采石群議遂有欲降欲奔者惟劉基張目不言密決取威定霸之計

改亭集卷十一

十一

當日俟其深入而爲鏖戰之地者不過令李善長易江東橋命馮勝伏石灰山側命楊璟駐兵大勝港命張虎率舟師出龍岡關而太祖總兵于盧龍已耳文皇帝靖難之兵南下遜國君臣諸爲淮甸計者極周而無一人及近郊戍守者一旦北兵從浦子口渡江而羣臣錯愕僅僉命諸王分守京門遂以覆敗去太祖之時未遠而戰守無策遂至如此者詳于外而忽于內厚于表而薄于裏也前事之不忘後事之元龜故臣願今當事者無徒竭謀于淮上荆襄而懈防于根本重地則儀真和州安

慶之爲外三輔曷可緩也而太平池州鎮江之爲內三輔又曷可少也蓋得外援而忽內地固不可以護倉卒若專聚兵內地而無左右前後角翼之勢亦孤重而不可用斟酌其間惟輔郡之設爲急而宋呂祉整飭建康又以龍安一鎮雖名不見晉宋諸書然與宣化鎮分江爲界自宣化至盤城竹墩上下瓦梁乃泗州之間道斥堠不可不嚴今不知屬何地而我明朱國禎又以浦口爲要衝洪武初曾置五衛貯粟二十萬扼江爲守與金陵爲唇齒之勢今城且半夷于江大失祖宗設險守固之初意此猶無事時之言也今風雨急矣當路者尙不早爲牖戶之計耶

籌南論三 論兩淮門戶

孫子曰先處戰地而待敵者逸後處戰地而待敵者勞劉季裴曰守淮之難莫難于謝玄又莫難于楊行密以肥水之役謝玄八千之衆破苻堅九十萬之師清口之役楊行密三萬之卒當朱溫三州之衆衆寡殊絕而卒以勝者扼淮以拒敵而不延敵以入淮此孫子所云先處戰地也今盡天下而知江淮表裏之勢也盡人而知立國于南當守江

東事集卷十一

主

以爲門戶守淮以爲藩籬也不知藩籬之說創自南宋諸人南宋定開臨安與淮隔千餘里故云守淮以爲藩籬今旣濱江而都之則直守江以爲堂與守淮以爲門戶耳然但知守淮以爲門戶而不知守三口以爲兩淮之門戶者是不知守淮者也但知守三口以爲兩淮之門戶而不知北守徐泗西守睢陽以爲三口之門戶者又不知守三口者也自江至淮五百五十里淮源自桐柏入海又二千餘里如古以蘄黃屬淮西則其中郡縣名城共五十六一處不守則一處受敵若一一塹而守之分兵而據之則陳亮所云勢分力弱適以成敵馬長驅之勢耳是在身任兩淮之責者才大則疎之以待敵之來才小則密之以拒敵之至必須先度其才能疎則疎之不能疎則密之而苟有似密寔疎不知用疎爲密者是又不知守淮者也何謂用疎爲密韓世忠頓兵八萬于山陽如老羆之當道而淮南賴以安寢此知已之足以制敵也司馬昭之拒諸葛恪命諸將高壘合肥不肯聽羣議爲水口之戍此知彼之必併兵于城下而不暇爲淮泗之計也是皆內度其才外量其勢有以制敵之死

東事集卷十一

主

命故斷然疎之而不疑惟疎故其用氣也專而決勝也逸何謂密如張浚都督江淮軍事以魏勝守海州以陳敏守泗州以戚方守濠州郭振守六合聚水軍于淮陰聚馬軍于壽春以大飭兩淮守備是也何謂似密寔疎遜國之末諸臣亦知命梅殷屯重兵于淮安命徐安固樓櫓于鳳陽命崇剛王彬等死守揚州矣何爲使文皇帝一旦得徑渡泗州從間道破盱眙出六合至儀真而梅殷之聞變乃在金川旣入之後是則以一處不密而喪全淮所謂似密而疎者也以疎制敵者上將也以密防敵者次將也以不疎不密而延敵者下愚之將也下愚之將不足言上將不可學斟酌其間寧密無疎寧拙毋巧然今老生孰不曰淮東以楚泗廣陵爲之表則京口秣陵得以遮蔽淮西以廬壽應陽爲之表則建康姑熟得以襟帶又孰不曰金陵外庭之勢東固淮安泗州自丹陽而揚州而淮安而海州乃全淮之右臂西固鳳陽壽州自采石而和州而鳳陽而壽州乃全淮之左臂然試問紛紛言者亦知兩淮輕重之分乎亦知兩淮險易之異乎亦知今日兩淮簡劇之情乎亦知今日兩淮進退

攻取之道爲異于前代乎爲不異于前代乎此臣之所以不敢自安其陋而欲一言臆斷之也鳳陽之至金陵也三百三十里廬州之至金陵也五百一十里而淮安之至金陵也亦五百里脫一旦狡寇窺瑕以一軍出青徐犯淮安一軍出開歸犯廬壽其爲京師之震驚一耳然廬壽之師即使大不幸而遂至和州橫江竟渡猶可扼采石之險而拒之莊鐵之語侯景曰若使朝廷以羸卒千人直據采石大王雖有精兵百萬無所用之而辛侃陳昕亦稱采石急須重兵是寇之從淮西來者猶有可拒也若淮東之寇忽爾飲馬江干直至瓜步則一水之隔卽建康石頭矣京口雖有大兵以爲後援寧若采石之險甲于東南耶且趙鼎之言曰楚州當敵衝所以蔽兩淮不守楚州而分守廬揚猶擊蛇而未得其首也趙范之言曰揚州者國之北門一以統淮一以蔽江夫以統淮屬揚以蔽江屬楚則兩淮之形勢斷斷有所偏重矣而以臣觀當事者之論則均重耳均重亦意歸于至密然臣恐其重廬鳳而忽采石也夫采石固自淮西而來者之一扼又自尋陽武昌而來者之一扼也是一險而

二扼不可不重爲之謀也臣故曰兩淮之輕重當分也章俊卿曰淮東盡水寨淮西盡山寨淮東下澤之地凡爾大渚小洲沙嶼石磧人所不見之處皆水寨也自謝楊石鏡老鵲新開諸湖凡四十處若使敵一入淮東則淮東三湖三百里內蘆葦洲港之中盡其潛兵之地而我無以測其虛實矣淮西烏林之地凡豈嶺峭拔上平下險無路可登無險可涉人所難至者皆山寨也自六安信陽舒城南巢廬江等處爲山寨九十有四故張浚奏事極論淮西地險易守陳與義亦曰見王德淮西圖路

政事集卷十一

去

幾不可方軌是則淮東者敵一入之而卽得恃水之勢以制我淮西者彼雖入之而吾猶得恃山之險以制敵况壽春馬軍一以當十淮陰水師一以當一又勢之從來者臣故曰兩淮之險易當別也賊之自山東而來者必須渡自清口賊之自河南而來者或自渦口渡或自潁口渡是淮東所當備之口一而淮西當備之口二也然見諸全史及方輿所載僅推清口渦口之險而循河入潁循潁入淮之道寥寥不多見焉是兩淮之口當備者各一耳然宋人于江淮設制置使外復爲設沿海制置

使于淮東者以逆豫于京東造船常爲航海入淮之計而逆亮亦謂夜半過海州未明抵金陵也故于通州料角壽州石港之備獨急爲設制置使以總之而東晉初立石季龍亦謀出海道口直趨建康于青州造船數百艘朝議以蔡謨屯土山江乘禦之我明鄭曉亦云通州與常熟縣相對三十里海門與崇明縣相對十八里且近者靖江沙漲直達秦興非復馬馱故形是常與楊止分江陰一片沙面則淮西專以防渦爲急而淮東濱海之備更當在三口之外萬一將來之賊有如石虎之造船

政事集卷十一

主

青州金亮之謀出海州者則是兩淮倉卒之警尚有可禦而自海入江頃刻萬里不信宿而直搗腹心而淮東之師安得不多淮東之將安得不偏重乎臣故曰兩淮之簡劇宜明也而臣更有進者江淮河漢天之所以形制天下塹限南北也而推天置塹之心于東南獨厚何哉中原所恃以險者一萬里黃河耳乃東南旣授以萬里長江之勝而又東則有二千里之長淮自皖而入會于江西則有千餘里之漢水自大別而入會于江傑然若爲江之左右輔者故江之勢不在江而在淮漢自古立

國于南不知東重淮而重淮陰之守西重漢而重襄陽之守者雖得江而不爲用其說甚似而臣以爲尚得半者以其但知淮漢之爲江輔而不知河之亦可爲江輔也河亦天之所以限南北也古今守淮而欲先守三口不過以其淮河相接之處故急思所以備之夫備之孰若卽因而用之何謂用之設若以重兵屯徐州扼河以爲守是清口在徐州之腹矣設若以重兵屯歸德亦扼河以爲險倣古張巡守睢陽以保障江淮之遺意則渦潁之口又在歸德之腹矣則是扼淮者不若扼河用淮者

改亭集卷十一

大

不若用河也况臣稽之統志亦云歸德形勝爲天下要衝徐州形勝爲南北咽喉設今日復有臧質張巡之徒授以重兵資以厚餉使之死守兩城賊又安能截河而入淮爲金陵震鄰之患也哉是則取天之四瀆悉爲我之形勢東南安得不高枕而臥哉而今但見備淮者之紛紛未見扼河之建策是但知江爲建康第一限淮爲建康第二限而未知河之爲建康第三限也故臣嘗讀晉史而至大興之際未嘗不歎息流涕于祖逖也設時無祖逖其人者于瑯琊立國之初卽慷慨請兵而北始而

進屯淮陰旣而進屯雍邱旣而進屯封邱收復河南以爲江淮之勢則石勒何畏乎晉何愛乎晉豈懼復遭大雨積月之苦而不揮戈南下哉嗚呼方今寇賊雖尚縱橫然汝寧歸德之間未有強敵如石勒也其地襟帶長淮控扼潁蔡爲東南之庭藩今忠臣孝子之中有如祖逖其人者以羸兵二千持千人廩布二千疋鑄冶擊櫓而北上者乎嗚呼國勢旣移而南將來中原之難正未可定幸今未定之時早爲淮北河南之計以重固東南之險阻無使人旣據而進爭夫祖逖之收復河南亦乘石

改亭集卷十一

尤

勒未能并力南向之時耳使其不進師于大興而進師于大寧則石勒之屯據旣固將求爲壽春盱眙之退守而不可得夫西晉立國之初其以卞敦守徐州曹嶷守青州鄒鑒守鄒山所以爲山東之勢者極備而祖逖虎視中原所以爲河南之勢者亦盛故其後石勒進師尚能退鄒山之屯爲合肥退徐州之守爲盱眙退河南之守爲壽春退山東河南之鎮爲兩淮之鎮使其立國之初卽爲兩淮之守而無山東河南之勢則石勒一進師而守盱眙者且退屯楊儀守合肥壽春者且退屯滁和矣

盈盈江水何以禦之況前代立國于南之時中原各有強敵如晉之有趙宋齊梁之有魏陳之有周南宋之有逆豫金人雄踞河淮之間故不得已而爲江淮之備禦今雖吾之力未能卽有中原尚幸強敵亦未能遂死守中原之要害所望朝有祖逖以千人原將二千羸卒貫之忠憤之氣早爲廓清之謀卽進未能北伐亦退可爲南障臣請譬之奕兩奕相對而各營其地或營其邊或營其腹邊腹之間布置定矣各揆所得必其先人者也未有後人而能爭者也若後人而得者必敵手之下于

改亭集卷十一

壬

我耳既不能先人以爭要害者其奕之不若人可知矣先後之間而國勢之強弱已定臣故曰今日兩淮進退攻守之道異于前代與不異于前代當明也約寔言之今之爲兩淮謀者奈何曰淮東則屯重兵于淮安淮西則屯重兵于鳳陽以爲兩淮宅中馭外之本而淮東犄角之勢當首在盱眙次在泗州蓋盱眙泗州在宋以前皆屬淮東臣故取其形勢之便者言之淮西犄角之勢首在壽州次在合肥俱宜分兵固守以爲淮鳳唇齒此兩淮之中勢也渡淮安之清口而北上則當勵徐州勁悍

之士氣堅守巖城以當南北之衝而出輕師豫青充之境以壯徐州之勢渡鳳壽之渦口而西向則當固陳蔡之守而出游兵于汴洛以見不忘中原之志此兩淮之外勢也以南向言則淮東當屯精兵于揚州淮西當屯精卒于和州而揚州之支鎮在儀真和州之支鎮在滁陽各宜選兵鎮之以壯金陵之左右輔此守南之內勢也三勢旣定江東固而兩淮亦固矣

籌南論四 全楚形勢

改亭集卷十一

壬

長江萬里其源之發于蜀者不具論論其出蜀之後其流有三曰荊州上流之重鎮也曰武昌曰九江中流之重鎮也曰建康曰京口下流之重鎮也而襄陽之屏蔽荊州蘄黃之屏蔽武昌九江亦猶揚儀廬和之屏蔽建康也而上流中流之唇齒建康亦猶淮東西之唇齒建康也臣蓋嘗熟稽古事見西北之欲取東南者其出師之道不越淮荆二路如晉之滅吳雖六道並進隋之滅陳雖九道並進元之滅宋雖五道並進而要其大槩未有踰兩淮荆襄而他向者兩淮守鎮之距金陵多不過五百里少不過三百里荆襄之距金陵一則二千一

百七十餘里一則三千七百里遠近懸絕險阻亦殊故敵之自淮而來者彼則無所不攻我則無所不守尺寸寸爲禦至難爲患最迫而敵之自荆襄來者我遠則鏖絕樊夏近則立柵淦浦又近則固守梁山似爲守差易而爲患差緩然晉之舉吳其徑趨石頭者必王濬之順流武昌元之舉宋其先入臨安者必呂文煥之先驅入鄂而王仙之出涂中劉整之出淮南多不若是捷者僅一隋之滅陳廬州和州兩總管先入金陵而楊素之師後至亦以陳宣帝時先失淮南故使韓賀竟截江而渡

改亭集卷十一

無取淮之勢而楊素不能及是則師之自淮何而來者似近而實難師之自荆楚而下者似遠而寔易敵之所近吾爲術以遠之其說已見于兩淮矣敵之所易吾爲術以難之難之術不出乎昔人險要必爭之地所云九江武昌江陵襄陽者然推昔人所以重此四郡之說則非臣之所以重也故昔人以四郡爲必爭而臣以爲四郡之不必皆爭而必爭亦不盡于四郡也昔人以爲豫章西江與鄱陽之浸浩瀚吞納而滙于淦口則九江爲之都會沅湘合衆水之波而輸之江則武昌爲之都會

江水源于岷山下夔峽而抵荆楚則江陵爲之都會岷漢導漾東流爲漢漢河之上則襄陽爲之都會此四郡之重重以都會似矣又謂守江陵則可以開蜀道守襄陽則可以控川陝守武昌九江則可以蔽全吳此四郡之重重以形勢又似矣而臣以其未解于都會要害之所以重輕遂未明于四郡之孰爲輕孰爲重也蓋天下有踞一城而可睥睨四面者守一境而伸縮進退左顧右視皆可震動天下者有死守之而使敵必不敢越我而過者當天下無事則爲八達之衢有事則爲兵交之衝而我得之則可以制敵敵得之則遂可以塞我者夫是之謂要害顧師古所云在我爲要在敵爲害也有守一城而可遠紹四面者又爲商賈之所集財貨之所湊舟楫之所必由可以都天子而會萬國者夫是之謂都會非以諸水所合遂曰都會也大約都會之地以宅中國外爲主則當集重兵而高壘深池弗輕與敵戰而爲堅守之計要害之地以扼險而護內拓外則當選驍騎而電擊風馳且戰且守以固都會之外勢兩者似所並重然稽諸往冊但見都會之命懸于要害未見要害之命懸

改亭集卷十一

于都會也則四郡之不盡爲都會不能皆要害可知而全楚都會止一武昌全楚要害首在襄陽次在江陵次在荊黃蓋襄陽者全楚之首領江陵者全楚之腰腹荊黃者全楚之肘腋人未有無首而能生者則襄陽之形勢一日不立江陵未可一日而安江陵未可一日而安則全楚未可一日而爲我有也臣敢枚舉往代之得失一切定言之楚之興也以其滅鄢子之國而有襄陽滅夔子之國而有夷陵故並秦而爲二虎及其亡也北獻上庸于秦使秦得開武關而南下西失夷陵于秦使秦

收事集卷十一

古

得浮岷江而東下而楚郢全震矣劉表之初踞荊州嗣越亦勸其北據襄陽南據江陵其餘荊州八郡傳檄而定及劉琮之舉襄陽而降操操乘勝順流南下大敗于江夏而歸也宜計不返顧乃尚命曹仁死守江陵樂進死守襄陽則操之于荆楚雖當極敗而不忘後圖所以爲守者極密後竭瑜亮之力止得江陵夷陵而襄陽不可復覲故吳蜀終不能越此而侵魏魏之所以制吳蜀之命者襄陽也則操之才其于天下形勢攬之確握之固後雖瑜亮羽蒙竭智力以爭之不得也至于晉之謀吳

則命羊祜鎮襄陽及其滅吳又命賈充仗節出襄陽爲諸軍節度而東晉以荆楚爲西門得以保此西門者始有桓宣守襄陽繼有桓溫鎮襄陽也而桓溫之師得東至溯上修洛陽諸陵柳元景之師得直據潼關而戰于陝下南國之立威于北者惟此二舉而非藉襄陽之形勢師可以進乎苻堅窺晉之初亦知命重兵陷襄陽執朱序矣以此浮漢入江桓冲將求死不得乃徒引軍而歸則其失策已甚固不俟肥水喪師而後知其亡也後蕭衍之南篡起兵襄陽陷之滅陳唐之滅蕭銑皆出師襄

收事集卷十一

韋

陽至于南宋初立趙開張浚輩所疾呼以固固守者惟曰襄陽襟喉地也一時中興諸將稱開擴功者岳飛第一則以命飛之鎮襄陽原授以進取中原之勢四戰之地及滅金之後孟珙收復襄陽呂文煥繼之當時元之侵宋誓必破襄城而後南下至攻之五年不克而不去亦以必破此南下然後無內顧憂也而劉整策之亦曰攻宋方畧宜先從事襄陽既已破襄則阿里海涯以爲漢水上流已爲我有順流下驅宋必可滅自是果破鄂破郢無不應手掉斃雖言者紛紛曰鑠漢口岸曰城荊門

州而元人破襄竟從郢鄂直下置江陵于後而不顧矣合觀乎數朝之往轍有如此而謂襄陽不扼全楚之命臣不敢信也但自秦漢以來迄于我明成化之十二年郢陽之地分析沿革之故不一而或隸秦或隸蜀或隸楚或屬治于襄陽其大較也土地既分形險亦夷故昔言楚勢要者僅首推襄陽而無一語及郢自原傑討平劉千斤後合秦蜀梁楚四撫臣熟議割四郡交錯之地爲立郢陽郡設撫治行臺遂傑然爲天下重鎮其詳見于王世貞之記者可謂錯置盡善而郢陽之治東至襄陽西至陝西南至四川北至河南可以左右前後顧而跳盪天下未有以一郡而當四省之交者有之自郢陽始苟戰守之勢屹立而不可犯則襄陽反恃以爲外蔽不僅爲唇齒之勢矣漢昭烈之取漢中也始亦有上庸乃不命重臣重兵守之而屬之劉封孟達兩孺子及關羽之進攻襄陽移文命劉孟出師夾攻可謂得算而孟以宿患故阻兵不進使時有重臣提重兵出上庸而攻其右則襄陽豈能勝此兩面之敵耶及達舉上庸降魏諸葛亮百計取之而先爲司馬懿所躡則自蜀入秦之路舍

祁山無由而蔣琬代相出征亦欲集舟師溯漢水取魏興上庸地固亦入秦一道而無如襄陽之襲其後也是蜀之不得志于關中也由失郢陽故也今當事者而但欲爲保守荆楊之計其勢其理固不可失郢襄而一日居若苟有討賊北伐之志僅如晉庾亮宋張浚其人則所以爲襄陽計者尤當以全副精神策之而何其泄泄于此也總之全楚幅員之廣幾半天下爲郡一十有五六在江北九在江南而江北六郡自襄陽之外惟德安稍緩若承天之介于荆襄黃州之介于淮楚其形勝亦不亞襄陽若荆州濱江北而控制江南尤全楚之門戶則楚郡之在江北者無一不當嚴守而在江南之九郡雖最著若武昌若漢陽岳州皆仰安危于江北耳今襄陽險要之說已悉于前而承天黃州荆州所以當重之故則臣請再陳其形勢羊祜之伐吳也先侵吳之石城以奪吳人之資蕭衍之起兵襄陽張弘策說蕭懿早圖郢州曰郢州控帶荆襄西注漢沔而蕭衍亦謂必先拔郢州然後席卷沿流南宋呂祉條議中興亦以郢州逼邇江陵西抵襄陽又僅百里脫若經緯漢江之間必當以郢

城爲重及元之圍郢張世傑死守不克伯顏欲舍而南下諸將以郢城我之襟喉不取必爲歸路患則承天要害之說非徒爲陵寢重地而已黃州之重于全楚不過謂其可爲武昌之援而所屬蘄州則又可爲九江之蔽也而亦知齊桓討楚之先必先結盟黃人之故乎齊桓之于楚未常一日忘之也而其爲霸之久自魯莊之三十八年以內未嘗一加兵于楚則以楚之國西起郢襄東盡淮壽中據唐鄧數千里內乘險而守無間可入僅一蔡爲入楚必由之路而蔡亦死心爲楚守惟黃人居楚

收事集卷十一

表

肘腋之間陽奉之而不爲用遂不憚一盟于黃再盟于陽穀以結之齊黃之交固而楚內外皆敵矣一旦潰蔡伐楚楚豈不能與齊抗乎其遂來盟者畏黃人黨齊而襲其郢也是黃之係于楚非小也況今又介在淮楚之交耶夫今東南形勢臣私憂其不立者以東南數省之聲勢不相呼吸而數省之形要不相連絡也今欲連絡數省之形要莫若耶陽欲呼吸淮楚江右之聲勢莫若蘄黃且蘄黃北至江南僅四百里得重兵而守之不但可爲九江武昌之蔽且與襄陽並控中原若五關虎頭關黃土關

關陵關白沙一堡陽通之險北跨汝南南衛江鄂

惟所用之宋李璣之疏可徵也晉陶侃之不肯渡

江北而取邾城古黃名者以石勒相遇至近恐一舉

而攫其鋒故但堅守武昌憑江爲阻然亦甚單露

矣今中原勁敵未有如石勒者奈何不及此時早

固其守遂使淮楚中隔武昌齒寒耶此黃州要害

之當講也若江陵宿爲重鎮昔人無不言之臣又

何必言之但今者蜀幸未失則江陵兵勢無以通

連蜀勢領制下流爲重若巴蜀少有不測則歸施

之間盡屬要害陸遜所云西陵建平國之門戶失

收事集卷十一

表

之則全吳震動非僅荊州可憂夫敵之犯楚不過兩道一由夔峽而出一由襄漢而下由夔峽而出者不得江陵則不可以窺楚由襄陽而下者以一兵牽掣江陵便以大兵浮漢至鄂此元滅宋故事然伯顏破鄂東下必留阿里海涯以四萬人守之且命其規取江陵及其既得元主喜謂荆南既定吾東兵始無後患若前者朕嘗憂之則江陵不但控蔽楚郢而護全吳矣夫曹操之至江陵距武昌尚千有餘里張昭輩亦一時之傑何至遂欲以全吳迎操亦以吳之所恃以爲固者長江而操得江

陵則長江之險與我共之以重兵順流而下不可
或遏也及既破操而有江陵魯肅必欲以昭烈鎮
之呂蒙必不欲關羽取之雖前後異用皆爲吳計
耳是江陵形勢之急所以同承天黃州而並亞于
耶襄也約言之全楚都會既推武昌則當以武昌
爲言而武昌之左蔽爲黃州右蔽爲荊州襄陽似
不相及然守在荊黃戰在襄耶則武昌安而建康
亦安戰在荊黃守在武昌則武昌危而建康亦危
此楚吳形勢之大略攷古証今實原本之說也則
昔人論上流險要必爭之地以爲不出九江武昌

改亭集卷十一

李

襄陽江陵者自臣觀之惟襄耶爲必爭蘄黃江陵
承天爲必守而九江武昌直可緩弗論然或如晉
王述之議武昌寔江東鎮戍之中非但捍禦上流
兼可駿奔緩急與建康爲臂指而蕭願又以尋陽
江九地居中流密邇畿甸若留屯淦口內藩朝廷
外爲四方聲援亦要地也則兩郡亦當屯兵一二
萬以爲宅中勁後之勢若襄耶之間非有二十萬
之師如古岳飛孟珙者統之以堅守兩城恐不能
濟蓋制人之制于人所爭在尺寸之間我能保襄
耶則南陽歸德金州漢中皆我進戰掃蕩之地敵

且備我不暇若我不能保襄耶則荊州武昌無日
得安而京師時有震動制人與制于人禦寇之與
蕩寇也其機安可不辨哉嗚呼臣嘗讀史至晉成
帝咸康之時歎庾亮規取中原之略措置極當深
有合于今日安可以成敗論英雄也已則坐鎮武
昌而表桓宣爲司州刺史鎮襄陽表其弟庾懌爲
梁州刺史鎮魏興古郿縣名又表其弟翼爲南郡太守
鎮江陵又命樊峻帥精兵萬人守郢城而已又欲
移鎮石城以逼後趙而竟資志以歿悲夫

改亭集卷十一

李

改亭集卷十二

吳江計 東甫草著 從孫 頊全姪 嘉禾 重編

籌南論五

論四川
要害

成都之距建康也七千二百二十餘里有荆歸以塞之有楚豫以間之緩急不爲用聲勢不相屬似非保東南者之所急也然何以昔大儒之言必曰坐制吳楚通巴蜀而踞襄陽然後爲英雄之資而帝王之業耶推其故大約以江也河也東北之所恃以制勝也而川也峽也踞江河之上游其勢又足以握南北之輕重也是以秦惠滅蜀而秦始

改亭集卷十二

一

并楚鄧艾平蜀而羊祜謀吳周文得蜀而隋文代陳宋乾德中取蜀而開寶中定荆唐往轍可數非失蜀之必不可保吳而吳楚蜀實相爲首尾脊蜀失則楚寒楚寒則吳震猶首去而脊尾之不得立無愚智皆知之則今日而急謀固蜀猶之急謀備淮臣請畢其說先究往古所以取蜀之道與蜀所以失蜀之故然後言今日所當備禦與所當必爭之處可乎自有天地以來有事於蜀而滅之者凡十有二坐而據之者不與也秦使司馬錯滅蜀爲謀楚也是蜀見中國之始厥後漢光武命吳漢輩

改亭集卷十二

二

平蜀復漢土也漢昭烈及諸葛亮取蜀延漢祚也晉武帝命鍾會鄧艾取蜀欲滅吳故先滅蜀也晉桓溫自請滅蜀殺李勢也劉裕命朱齡石輩取蜀平譙縱也西魏命尉遲迥取蜀乘梁亂也唐憲宗命高崇文平蜀討劉闢也唐莊宗命郭崇韜定蜀滅王氏也宋太祖命王全斌曹彬輩定蜀滅孟氏也蒙古命濶端輩取蜀始圖宋也我太祖命傅友德湯和輩定蜀大一統也當蜀之危而能自保者古今以來三人而已曰諸葛亮曰劉子羽曰吳玠其滅蜀進師之途不一而保蜀設險之處亦不一漢昭烈之入蜀也身自江州北由墊江水詣涪後諸葛亮之來助也帥師自江陵泝流克巴東至巴郡則師從夔州進者也晉鍾會之入蜀也以萬餘衆分從斜谷駱谷子午谷是師出漢中也鄧艾由陰平至馬閣山鑿道至江油則師從今龍州進也是西北兩路並出者也漢光武命吳漢以荊州戰艦會岑彭於荊門後彭長驅入江關直指墊江則亦東山夔州進者也晉桓溫自江陵入蜀與晉堅戰於笮橋則亦由夔州進者也劉裕始命毛修之入蜀不利而退還白帝又遣劉敬宣入峽出外水

由墊江轉戰而前又不利而敗於黃虎則亦進師夔州也後命諸軍至白帝然後發函分師一從外水取成都一從中水取廣漢一從內水向黃虎則雖師有三道莫不由夔州發者也西魏尉遲迥以六軍出大散關至劔閣則由漢中保寧進者也唐憲宗命高崇文出斜谷李元奕出駱谷崇文軍至興元命嚴礪拔劔州則亦北由漢中進者也唐莊宗命李紹琛郭崇韜伐蜀紹琛倍道趨鳳州郭崇韜入散關而誓師又命高季興自取夔忠萬三州則東北兩道夾進之始也宋太祖命王全斌曹彬

改事集卷十二

王

分道伐蜀全斌出鳳州光義出歸州而全斌未至漢源劔門先破彬至鑠江峽州悉定則亦夔州漢中東北兩道齊進者也蒙古之侵蜀也命汪德臣既城沔州又城利州且耕且戰宋史謂自是而蜀土不可復則亦北從漢中一道者也獨我太祖按前人之事而出之以奇謀命湯和率廖永忠楊璟輩由瞿塘以舟師趨重慶命傅友德率汪興祖由秦隴以步騎趨成都而密諭友德直搗階文引兵趨陳倉是亦東出夔州北出漢中兩道並進也兩道並進水陸齊舉皆有天險可扼若水險之有峽

口陸險之有劔門皆足以困英雄而窮智力但觀自來出步騎於漢中與進舟師於夔州者往往陸師先至而水師後至如湯和之不及友德曹彬之不及全斌非慢師也從漢中陰平今文縣龍州境而入蜀者有三谷四道處處可以進師在率師者隨時而爲之機宜自歸州而入夔州者非峽口不得過也何謂三谷西南曰褒谷正南曰駱谷從洋入東南曰斜谷從郿入其所從皆殊何仲默以舊志謂首尾一谷者誤也何謂四道從成和出階文者爲陰平道從黨谷出者爲故道從褒鳳出者爲今連雲

改事集卷十二

四

璽道從城固洋縣出者爲斜谷道此四道三谷者莫不包於漢中惟陰平一道今獨治於龍州故漢楊洪之言曰漢中益州咽喉存亡之機會若無漢中是無蜀矣此家門之禍也危哉是言歷數計世以來確不可易而章潢亦曰以巴蜀爲要害以漢中爲門戶則巴蜀之險可得而有至於今日則念此而可頭白者也關逆之於蜀也其心未嘗一日而忘之也而其盤踞於三秦者已固夫秦蜀之蔽也自唐迄元漢中階文皆隸治於蜀而我明獨使之隸治於秦今秦之地皆闢有也則漢中亦闢出

師之便途也脫倣古四道三谷之迹同日並進一劍門之險果足以橫截之乎獻逆之於蜀也尤未嘗一日而忘之也其數窺蜀而不得入者非真阻塹天塹足以制之也設若連謀闢逆倣古東北兩道並進之法一蜀撫臣其能支此兩面乎而臣以爲守夔拒獻之策尚易而守保寧龍州之劍門棧閣以爲拒闢之策者至難也臣以爲守劍門棧閣之險尚易而保蜀萬全之策乃在恢復漢中鳳翔爲極難耳然不縱觀乎往古之事不能知其說之急也攷之隋書則曰南鄭要險成都之喉嚨攷之

史亭集卷十二

五

唐元和志則曰漢中爲巴蜀捍蔽故劉備得漢中曰雖十曹操來無能爲也攷之安康志則曰東接襄沔南通巴達西連梁洋北控商虢攷古洋州志則曰漢中要地有三若褒谷斜谷子午谷南朱於駱谷置石佛堡於子午谷置陽嶺寨西域置沿門寨分水寨皆備秦保蜀之要地再攷其所屬之元城縣有箕山焉則諸葛亮命趙雲鄧芝據此以拒魏者也有漢陽關焉則昭烈所破夏侯淵處也有斜谷焉則曹操出軍遮要以臨漢中而諸葛亮由斜谷取郿之道也所屬之洋縣有興勢山焉則諸

葛亮命王平據此以拒曹爽者也有赤阪焉則司馬懿伐蜀而諸葛待之之處也有黨谷則唐德僖兩宗入蜀之道也其餘則古洋州志中所見也再攷其所屬沔縣有鐵山則宋姚仲於此置寨以拒金人者有定軍山則漢命黃忠於此斬魏夏侯淵劉子羽命吳玠固守者有土門隘則元顯由此取蜀者再攷其所屬金州略陽西鄉鳳縣諸縣有殺金嶺則宋吳玠築壘以拒金人者有魏山則吉挹爲壘以拒符秦者有仙人關路分左右一自成都經天水出皂郊抵秦州爲左出路一自兩當趨鳳

史亭集卷十二

六

翔爲右出路則吳玠吳玠璘楊政等所死戰以守者有饒風關亦吳玠所以拒金人而金人由間道出祖溪關登高以矚饒風而玠衆潰者往迹歷歷無一非蜀人之所以保蜀而皆在於漢中然外之尚有鳳翔寶雞之和尚原亦吳玠血戰處石鼻寨亦諸葛亮堅守處益門城亦元末李思齊築壘處陳倉城亦諸葛亮出師處方山原亦宋楊政積軍儲以爲恢陝處夫鳳翔又在漢中之北六百里而昔賢之保蜀者尚或戰於此吳玠所云我守鳳翔金必不敢越我而進是卽所以保蜀也又何必退保

漢中扼蜀口以安人心是則死守漢中以固蜀者較死守鳳翔又屬第二著矣而今則并昔人之第二著而亦不爲之計耶固守興州而外繫關中之人望內安全蜀之人心劉子羽之言非今日救時要道乎今縱不能如子羽吳玠之聚兵扼險於鳳翔以斷敵來路亦當如諸葛亮之堅守漢中與勢以固蜀口夫漢中之三谷四道我得之卽所以出師攻蜀使師攻秦使三輔震驚秦得之卽所以出師攻蜀使兩川危動况我得漢中卽包三谷四道於內而爲守甚專爲力至逸且無論諸葛亮劉子羽之才其

東亭集卷十二

七

經綸必由於此卽以唐末之王氏孟氏欲安享巴蜀之資亦未有不爲漢中之守者也姜維之失策可鑒諸葛亮之得算可宗一失一得利害了然萬不得已爲退守保寧則劔州之兩劔山龍州之十五閣道卽曰絕險可憑無乃戰於門庭者乎戰於門庭則氣奪而蜀震何如守漢中者之戰於戶外耶惟余玠經略殘破之蜀始僅移閬中今保寧之治於今蒼溪之大獲山及兵氣稍完則以出師擣興元爲急著蓋亦有不可已者耳脫僅守劔門則大劔之徑路頗平小劔險而道路亦襍設有深智

如鄧艾者至此未有不入者也姜維退保劔門使鍾會坐困自謂得策而魏將已入江油矣則何如仍武侯漢中諸圍之守而乃延敵入境耶今使關逆謀蜀亦如西晉我明之取蜀或治正兵從漢中之斜谷略谷子午谷趨保寧或以奇兵出陰平趨龍州或聲言出漢中寔則出階文或聲言出階文而寔則出漢中或聲言兩路俱出使我兵分力弱而以全軍或出漢中或出階文則東西受敵手足遑迫而獻逆又或以舟師突夔萬未知已蜀之所終故言及此而漢中之復尤不可不力爲之策也

東亭集卷十二

八

然此非爲一蜀計也爲東南之全局計也蓋漢中不守而全蜀危蜀危而楚震楚震而江淮亦震前首尾脊之喻亦甚易明至於因漢中之資以爲討賊復仇之本業尤忠臣孝子所日夜在茲者約言之則守蜀惟三策取鳳翔以壯漢中之勢以逼關輔之賊如吳玠言者爲上策守漢中以通襄河之路以固全蜀之防如劉子羽諸葛亮之論者爲中策保拒劔棧凡問道數十處無不扼塞日夜嚴懼時如敵至而東且重白帝之守以連荆楚憑瞿塘之險以扼獻賊爲下策斟酌其間上策大難且非

今日兵力之所能及若賊不能守則我取之以爲戰衝甚幸也下策則非所以固蜀之勢且自來未有無漢中而全蜀者惟中策爲今日不易之道而寔爲今日之上策蓋漢中不僅可蔽蜀而兼可蔽楚以漢中之境東至郢襄南至保寧戰國時秦與楚交錯而有漢中之地故兩相攻伐不見強弱自丹陽戰敗漢中沒於秦而後楚遂獻上庸拔襄城燒夷陵無一寧日矣人僅知蜀失則有夔州之師順流東下以攻江陵之患如李靖之於蕭銑楊素之於南陳故事而不知失漢中卽有襄郢震動之

改亭集卷十二

九

患如秦於楚故事是漢中以一郡而扼二省之命也以臣觀今日之措置楚與蜀淮與楚尚不能相爲呼吸僅僅以得保全所治爲上功安望其爲漢中之守然而不可不言者理也勢也宋章俊卿淳祐中論邊防曰在昔爲蜀之要害者曰興元曰文州曰成州曰金州今則不可望矣爲今日之要害者曰巴州曰劔州曰開州曰古渝而已嗚呼臣讀其言至此未嘗不爲之出涕蓋淳祐中守蜀之境非復紹興初守蜀之境故爲此退縮勉守之言亦甚無可奈何耳而今日守蜀要害者力能爲宋紹

興初之守蜀固爲萬幸力能爲宋淳祐中之守蜀是亦足矣不然余玠之才非亞於吳玠也其勉爲釣魚青居雲頂大獲諸戎者蒙古之蟠據於漢中已固也臣今日望有吳玠更退而望有余玠也其庶幾乎

李白論

蘇子瞻之記太白碑陰也曰士以氣爲主方高力士用事公卿大夫爭事之而太白使脫鞵於殿上固已氣蓋天下矣使之得志必不肯附權倖以取容其肯從君於昏乎子瞻爲此言所以證畢士安

改亭集卷十二

十

許白王佐才且明必不從承王璘反也子讀而疑之然觀太白未官供奉淹留安州之時一上李長史書一上裴長史書喋喋千百言或自敘疎節求人矜恕或自敘任俠好義能文章負聲譽求人加禮弗惑於讒言嗟乎何憊也夫所謂氣蓋天下者果如是哉其書曰見鄉人相如大誇雲夢之事遂來觀而許相公家見招妻以孫女遂憩迹於此此者安州也攷唐安州卽今安陸府雲夢隸唐爲都督府府有長史官從三品較之王府郡刺史之長史爲尊然不過如今郡守之類威行於所部已耳

太白旅人也合則留不合則去何至上書自貶其氣槩而盛譽人之威名惴惴然若恐重得罪欲求其一顧以增聲價者白誠憊矣安所謂氣蓋天下哉嗟乎此古才人志士所以有不遇時之感也遇其時雖以天子親近常侍之人我可以奴隸使之吐天下豪傑不平之氣洗公卿將相關然求媚之恥使人人皆歎服摧折而不敢議其狂其未遇時也則不難以王佐之才委蛇磬折於羈旅無聊之中含詭忍辱於州郡有司之手嗟乎時寔爲之於我蓋天下之氣未嘗損也洪容齋嗤白不自重耳

改事集卷十二

上

然當白喋喋上書之口未免汲汲有求人知之心夫兩長史之有禮於我無禮於我若浮雲之過於前又何足供我之一笑乎若白者可謂有蓋天下之氣而失之輕浮未能靜一其心以學道而歛氣使之厚且重故其後卽不從璘未免有脅置軍中之事惜哉

答諸弟子論詩二十五則有序

僕初願與足下輩粗畢制舉之業各有所成立始旁及詩古文之學以僕三十年來所聞於師友及已所尋索於古人者悉以語足下輩不敢恡不意

足下輩每見僕輒以詩爲問或聚首五六月僕無一語及詩而得閒卽惓惓問學詩之法若以僕爲知詩僕何敢當然不欲重拂足下輩意且詩亦六學之一舜命夔敎諸胄子十二字後學詩者莫越焉故次第其說爲二十五則足下輩各寫一通據依僕說而求之古人卽未盡乎今或亦不謬於古僅可告無罪於足下輩之惓惓矣

改事集卷十二

主

許渾方干之類是也

學古詩必先從五古入次七言次古樂府樂府資其材料博且典耳郊廟鏡歌之類似不必擬不如自爲七言長篇也若屑屑摹古人格調又一李滄溟矣不如不作

學五古七古者且勿亟下筆請先讀古詩三百篇不熟則不知興比賦之義詩雖工楊用修所呵村夫子也何仲默明月篇序先我言之矣風雅頌不明則不知贈答寄諷及典禮應制之法贈答寄諷莫詳於國風變小雅典禮應制莫善於大雅正小

雅頌源泳而深辨之思過半矣

三百篇熟矣請讀楚辭自離騷經以下迄於九辯九歌必皆成誦斯得詩之原離騷熟矣然後讀蘇李十九首及建安黃初正始諸家作以正其祖述下及二陸二張二潘左思張華迄江左陶氏三謝顏延之江鮑沈約之詩俱當辨其體制晰其音節有截然不相似者有微似而大異者有甚似而甚異者江淹擬禰體詩序及詩三十首辨之頗核深思而求其解亦得半之法也

五古學建安黃初體者易似而神理不足或失之

改事集卷十二

七

浮佻學潘陸顏謝體者難工而矩矱有據或失之煩重而體易感人然初學無書驟擬之輒近淺薄能於三者之中慎擇所處而善充其性之所及其庶幾乎

漢魏五言樂府如白頭吟之類長篇如焦仲卿妻詩之類皆五古之淵源不可不熟讀以厚其氣而壯其勢

學七古者能從離騷經九辯探其源流則幾矣古樂府與唐以前之七古異名而同實選詩中載燕歌行猶沿栢梁臺體一句一韻非正音也若東飛

伯勞河中之水其調漸近七古矣然俱不若鮑照

照之於七古猶蘇李之於五古也故杜子美云近

來海內爲長句汝指薛與山東李白好長句卽指

七古歌行此李白之最擅場也繼之曰何劉沈謝

力未工才兼鮑照愁絕倒蓋以何劉沈謝但能五

言於長句則力有未工必若鮑照七言樂府行路

難之類方爲絕妙以之比太白卽所謂俊逸鮑參

軍也

初唐四傑於七古尤佳然皆樂府餘響耳至王摩

詰岑嘉州高達夫李東川則於贈答之體備矣必

改事集卷十二

古

從此入門先得正宗然後漸進於李白之縱橫排宕杜甫之蒼茫高老始不失步伐馳驟之節然學李之病易知學杜之病難療非身歷其間者不知也

初學漫無主見者一見中唐元白體及溫飛卿李

長吉體未有不愛且信之謂爲七古佳境然元輕

白俗李之牛鬼蛇神溫之纖靡堆砌一入肺肝終

身難療不可不辨之蚤也

四言古如東晉韋孟亦何意味王仲宣稽中散近

之然不若老瞞對酒爲千古絕調也李白獨漉擬

古工力悉敵亦對酒之亞乎

五言律求其原於梁陳之間然後知古變於律之漸必浸淫於初然後可觀於盛然初與盛之交易辨而盛與中之交中與晚之交難辨必選其佳者微吟而深思之唐風一代之升降瞭然矣

七言律慎勿先學老杜必從王維李頎入門漸變而入杜否則寧從錢劉而漸升老杜之堂可也許渾律詩調最平法最俗近日作者多陽棄其名而陰效其實予尤痛之願有志者辨李商隱許渾雅俗天淵之故則詩道其復古乎

收亭集卷十二

五

五絕李多杜少杜猶有法可尋也李五絕全從古樂府子夜四時歡聞等歌變化而出七絕唐人以被之絲竹故音節尤和順王昌齡李白雖正宗然難學也杜老七絕最爲庸目所輕予獨深嗜謂其音節卽未可歌而一往疎淡貽蕩之致詩人胸中何可一日無也李商隱絕句雅俗並賞惟敘事之中涉入議論如不問蒼生問鬼神已開惡道

初學大病在入門便學杜杜之於詩猶孔子之於人必力量若孟子然後可曰願學耳使後人欲學孔子之見南子則必爲宋之問之賦明河矣欲學

孔子應佛胖之召則必爲李白之於永王璘矣其可乎杜詩之最佳者變化若神龍可愛而不可學也其率意徑情亂頭粗服在彼則無所不可在我則必不可也學詩者能知正鵠之所在殫心求之自省而有得焉且玩其神奇變化之法可謂善學杜矣

初學入門有卽當學杜者杜五言排律一體是也其才調其使事千古無雙矣其法之備盡美盡善使初學者有階級可尋老學者亦範我馳驅而不可軼後白樂天刻意學之得其十之六七李義山得其四五亦足名家李賀惱公一篇頗得其法惜不多見也

收亭集卷十二

五

排律之妙在情事貫穿從容步驟妙若天然百韻不見多八韻不見少有唐一代杜爲開山白沿其流觀止矣須於兩人集中合選爛熟成誦然後旁採他家若不得其法誇多鬬靡如小兒捉對繫基語句雖工不如不作之爲愈也

唐詩諸選本能辨入門邪正之徑無如品彙其分別次第正始正宗大家名家羽翼接武正變餘響旁流俱卓有成見可稱詩鑑識者歎其不備誠然

然以是書植其骨而廣採諸家詩以益之未爲不善也

予尤不願初學者卽爲次韻和韻之詩分韻最在前若次和盛于元白皮陸詩格從此日卑努力學古人莫諱初學之名可也險韻尤不宜用次和中州韻無入聲以入散于平去上之中故作詩者失粘最多且或未明粘字之解北方學者尤當急辨

學詩慎勿欲速有一年第一體之法最善予謂亦不必拘年數但以入妙爲期耳學五古詩若不知

改亭集卷十二

七

有七古者學五律詩若不知有七律者專則銳銳則深深則純凡事皆然豈獨詩

詩之工拙窮於一字疵累甚易安安甚難逐逐朋從之中求一直諒者百無一焉幸而遇之如惡聞其過則其人可知不必更言詩矣以太白之天才而全集中七律不過三四首才有所長亦有所短自知所短棄而不爲自知所長務盡其妙歐陽永叔嘗曰牡丹不能爲荔枝之其實荔枝不肯爲牡丹之華艷二物者惟不兼物之美故能各極其精晁補之亦曰後之學者學則皆有侈心必事事在

人先故五伎而窮且詩之所長各一體多一體不如少一體盛唐諸公盡然多作一首不如少作一首少則多可傳多則少可傳也杜老之贊孟襄陽也曰賦詩何必多往往凌鮑謝

詩題不宜輕率古人慎之觀李白賈至游郎官湖同一集也而題大不同古人未觀人詩先觀其詩之目錄可以得其大概行已擇交之本末灼然不可掩已

詩之有小序不得已也觀文選所載擬鄴中七子詩各有小序單辭隻句皆百鍊而出簡而括潔而

改亭集卷十二

六

雋故可貴也杜序稍長矣然如公孫大娘劍器舞贈蘇侍御渙追和高達夫人三詩序蘊藉頓挫姿致嫣然豈草草命筆

才鬱於中境拂於外情志勃發於中外之間不自制而發於詩孔子且爲之然未嘗數數爲也無所拂鬱而意其名羣然而詩之果詩乎哉善乎先友葉襄之言曰邇來詩人多於往時百倍我未見新頌功令曰一家不爲詩九家連坐也聞者或憎其輕薄抑亦至論

上古之九歌用以勞民勸相春秋諸侯卿大夫之

歌詩用以通志交鄰以其有用故貴之自戰國以降詩無可用久矣故兩漢四百年不之貴十九首可謂善矣而作者不自著其名氏餘如樂府之佳者不可勝數皆逸其名焉其不貴可知也自曹氏父子以戰鬪之餘間發爲詩歌誇示其才而一時失意之人如王粲劉楨輩始獻詩爲媚沿以成風設此時曹魏盡斥王粲輩數人於魏無損唐三百年不以詩取士於人心國是何害而專心致志求工於不可貴之物豈謂猶賢於博奕乎我之耳目心思有至貴於天地者棄不知求乃求工於此竊爲諸公恥之況古之所稱立言者立其有功於人心國是之言如曾子之傳大學子思之著中庸孟子之作七篇下及周程張朱之著論表章聖賢絕學非若考聲韻辨格律爲無益於天下之伎也吾吳徐昌穀爲前七才子之冠詩歌妙絕天下一旦聞王伯安講學遂棄詩而學道斯天下之丈夫能克已者矣甲辰十一月東侍黃岡曹夫子病於揚州夫子目將瞑矣見有遺東詩集者纍纍盈尺忽張目呼東曰爾來此非古之立言也爾識之東怵然受教不敢忘今忝爲足下輩師敢不述吾師言

以告

河源考

河源九折而入中土凡六千七百里而遙勢皆自高而下其說無所依據惟漢書載張騫奉使歸奏云河有兩源一出葱嶺一出于闐北流合而東注蒲昌海玉門陽關三百餘里潛行地中南出積石其說無從考據唐薛公鼎使吐蕃出諸國二千餘里得河源於莫賀延積尾卽所云崑崙山也尚書大全載先儒蔡沉之論以薛氏之說優於張騫然河自積石三千里至於龍門禹貢一書積石更不言方向謂荒遠在所畧洵矣而尚書大全又載李復之語以證禹繫龍門之跡蔡沉註禹貢以李復之學極博至河源之故道仍以爲不知何處元世祖朝使都實佩金虎符往求謂得其源在朶甘思之西鄙山中又與張薛李三家互異聚訟紛紛愚以爲天下山川形勢之學必以禹貢之三條四列爲宗以其入中土而彰然在人耳目且有益於國計民生者則當攷求源委經理其淤濬分別其緩急以治之若河決之爲患自堯以來日趨於下流以禹之神智且未嘗窮河源於葱嶺崑崙間則

知治河之要不在窮其源而在講明買讓治河之三策以爲常務之急了然矣總之河患在委不在源委有忽決忽淤之患而源且潛行地中在塞外二千餘里始入中國而積石龍門之間復有兩岸夾束之源不能爲利於塞外亦不能爲患於中國置之勿論可也未聞古有治河之源而可以有益於河且有利於漕也

冉伯牛墓考辨

康熙癸丑六月抄東抵廣平郡郭道旁見有豐碑大書先賢冉伯牛墓數日後遂有冉氏裔孫數人

東事集卷十二

圭

請之督學使求置守祠墓生一人幕客或謂伯牛生時不求仕且以惡疾卒於家墓當在魯地鄆縣今廣平郡之永年縣在孔子時爲晉後分爲趙昔孔子將游晉至河而返則伯牛安得至晉再引茅坤文爲證詆冉氏裔孫爲狙獍子謂客失言矣且茅氏言又何足述也考之春秋列國輿地志及劉向十國疆界衛與晉地相錯如繡自衛滅邢後國益闢今彰德衛輝順德東昌等郡縣大半爲衛密邇晉國出公後方日削於晉左傳邯鄲五百家語可據安知此時永年非尚爲衛有乎孔子與諸弟

東事集卷十二

圭

子去魯獨在衛最久晉衛方睦耶距晉不過數百里豈晉之邊境伯牛誓不入乎况孔子弟子各以其學教四方當日孔子所未至而弟子至之亦有矣安知伯牛不行教晉衛間其門人愛而思之爲衣冠之葬而客死之日孔子執手不卽在今葬處乎必耶之墓爲足信亦固矣况古之疑塚最多伊尹墓歸德偃師皆有之夷齊墓偃師蒲州亦皆有之近代若蜀蘇氏兄弟葬汝州廬陵歐陽氏葬潁川至今其子孫來謁墳墓倘其後人求之當官置守塚禁樵牧皆可指爲狙獍乎且人心愛孔子兼愛孔子之賢弟子及其祠墓所在莫不見之而下拜聞之而感歎卽其所傳疑益足以徵人心之攸好德何必辨其真僞絕其崇奉使千百年以來之故蹟遂委之榛莽牧以牛羊使其子孫淪於編氓日爲狙獍而後大快乎以是而盱眙叱咤自矜其刑名法術之學嗟乎亦足羞矣他若閔子騫墓亦有二一在濟南一在衛今大名府東明縣西二十里昔茅氏之親申宦於茲土而修郡志者又謂當時閔子騫不求仕但從孔子游衛或衛人愛而衣冠葬之非藏其身也不得比於濟南遂永廢其墓

道但開州人像而祠之耳嗚呼豈非天資刻薄者之所爲哉子路墓亦有三俱在大名一在清豐祠墓俱廢一在長垣謂昔子路泊蒲有惠政蒲人乞其骸骷葬之一在開州謂孔惺支裂之而澶人葬其首今祠墓尚並存噫亦幸矣東竊謂先賢祠墓故跡不必考其所從來及真贋虛實但系之以先賢則當起敬起愛脩葺之使勿壞善乎蘇文忠之爲韓文公潮州廟碑也曰公之神在天下若水在地中無往不在今鑿井出泉必辨其水性曰此非某泉某源也不可汲噫過矣

改亭集卷十三

吳江計 東甫草著 從孫 璣 全姪 嘉禾 重編
恒陽書院碑記

真定爲畿南巨郡中有恒陽書院躬自嘉靖辛亥歲御史楊公選每歲當事聘請賢士主院事令三十二屬諸生之才者讀書講學其中至己巳十七年矣當事復聘阜平縣學官楚之平江艾純卿先生主院事時高邑趙冢宰忠毅公實從艾先生講學得聞性命之旨慨然以聖賢爲己任至明年隆慶庚午科趙公舉鄉試畿輔得士最盛大半出艾先生門時艾先生亦以學官舉會試官比部郎又數年丁丑楚相張居正奪情議起艾先生同趙公川賢沈公思孝吳公中行同日上書極諫各廷杖幾死論戍於是居正大恨天下講學之士昌言綱常忠孝之事者明年戊寅盡廢天下書院逐講學書生以弭已謗而尤恨艾先生以同鄉人攻劾之至于午乃改恒陽書院爲游擊府使韎韐者蹂躪其中與速毀焉其後居正敗艾先生卽家起爲御史中丞趙公亦爲考功司郎爲東林黨人之魁主天下清議至萬曆壬子距嘉靖辛亥初建之歲

六十一年矣署督學御史傅公某始率其屬捐貲修葺充拓諸楹仍令三十二屬之士讀書講學如故制明年癸丑趙公爲碑文樹之石又六十一年康熙甲寅吳郡人計東從督學楚黃王公至院中讀趙公文嘆曰大哉講學之功乎故孔子曰學之不講是吾憂也信乎當正德初陽明先生以忤逆瑾謫窮荒于萬死中悟良知正學始與學者發明其說天下信之者十一二耳既正德末平宸濠梟閹測頭諸大功學者始信講學非空談而信之者且半迨永嘉貴溪分宜三相枋用皆媚嫉陽明盛名而分宜尤甚凡附會權相者必詆陽明爲異學陽明聞則益喜曰我道既非天下必有起而求真者是者講學益勤于是信從者獨盛于江右而徧及天下時計天下講學書院以千百數而吉安一郡居十之二迨後分宜敗陽明先生歿而華亭當國華亭賢相也又問道于陽明之門人尊信其說于是天下莫不宗陽明而其門人之流弊漸失其傳爲異學所藉口極盛而衰勢固然也至江陵當國之時二溪心齋之徒幾入于小人之無忌憚然奪情議起諸公不惜捐踵頂湛七族以爭之若鄒南

改亭集卷十三

二

臯先生尤得力于良知之旨者觀其輯宗儒諸要及與呂寧陵我鄉高顧兩夫子書可見而以弱冠初釋褐之進士從趙沈吳艾四先生于血肉交飛之中拜疏午門爭綱常忠孝大節攫權相大璫熏天之氣燄心不稍奪色不稍變不可謂非數十年海內講學之功也然則陽明良知之教卽流弊尚不足以害人心而況得正學之傳者乎更可悲者高邑趙先生旣與關中馮恭定及我鄉高顧兩夫子之徒講學京師躬首善書院及毘陵錫山之道南書院發明程朱之學以挽救陽明門人之流弊其書院之盛幾與陽明等及崔魏盡殺天下賢者踵江陵相故事亦盡毀天下書院其在浙東西江南者十不存一而茲之恒陽書院獨巋然得存以至于于今日前後歷二百二十二年兩興廢而卒未嘗毀焉嗟乎尤可記也

改亭集卷十三

三

河南重建省城碑記代

天以幬覆所及悉畀我 皇家舉凡遠古以來梯航人力之所未嘗至者今罔不歸版圖置長吏郡縣城郭悉如內境而況中原樞要之地其爲設險固圍之經制有不極宇內崇隆截業之觀者乎中

州省城當天下四達之衢龍盤虎伏形勝莫與匹
自梁迄宋歷二百餘年皆爲京都卽建增廓悉出
宋藝祖所手定洪武初營葺益壯麗而天順辛巳
河灌北門復多損蝕修復經制具詳李獻吉碑記
中至明季寇禍獨烈崇墉萬雉盡委洪濤巨浸之
中千餘年之遺址蕩然無復存焉矣我國家定鼎
以來天下城郭多仍舊貫獨大梁僅存榛莽大中
丞來率駐節雍邱藩臬諸大夫隨之或星棊羅布
于安陵各邑間數年以來當事雖漸事芟闢經始
規度而時絀舉贏物力重困謂非大勦衆大鳩資

收亭集卷十三

四

安能勝其任則相顧瞞瞞已耳今尚書張公至則
謂中原者天下之腹心腹心實斯肢體寧汴城者
中原諸郡縣之幹幹強則肢附且事無細大惟人
是憑凡民可與樂成難與慮始顧視我心力之勤
懈爲規模之舉厝耳于是曉夜籌畫拮据多方身
自捐鍰爲諸屬先設法題叙用示鼓舞不仰給度
支一錢不妄役三時一民程工而授餼按堵而給
鋪版築橐鼓雲集而至卽拳石寸鐵壞畚朽枝無
妄棄者且也易斃而輒輒堅如石自爲陶埴既厚
旣好凡諸取鍛取厲攻木攻角工傭必需一銖之

物皆平市在公大功告成而民不知勞官不憂匱
今且崇墉業業于外女牆蜿蜒于內煥若鞏飛光
若虹起障內巖外萬井如堵諸官廨之散處于外
者悉聚而實之于是二十年之榛莽除千餘年之
故址復省會之勢成強幹之義立矣公清暇之日
從諸文武百職事登城縱目嵩山峙其西太行亘
其北黃河帶其前洋洋哉表裏山川襟喉八方
閭域中夏美哉形勝之地也千萬斯年鞏佑我
皇朝威稜乎遐裔是則公心之盡瘁以仰裨高天
之備績云爾爰樹石而爲之記

收亭集卷十三

五

北嶽廟碑記代

北嶽恒山之祀有言宜在渾源州者有言宜在上
曲陽者異同莫定而某稽之經史合之以今曲陽
令劉君師峻所考論則有可疑者三有可疑者
三疑者曰五經于五嶽無全文獨爾雅全舉之而
中岳爲吳南岳爲霍與書禮不合周岳鎮之制不
同虞夏商漢郊祀封禪志所祀五岳又不同于周
况北魏以迄唐宋元明乎可疑者一或曰凡岳之
方名皆自京師推之據都改岳禮也宋都汴固當
北視曲陽况渾源在山後十六州內卽漢唐在西

安洛陽視曲陽亦在北獨自金至 本朝都燕無
南祀北岳之禮可疑者二或又曰山無四十里高
者不稱岳北岳之在渾源州南者周一百三十里
直上三千九百丈仰侵霄漢與岱嶧等曲陽則大
茂山勢遠不及而飛石事尤不經可疑者三也解
之者曰五經固無全文而一斷以先儒之釋經如
鄭氏注謂恒山在上曲陽蔡氏謂北岳在常山郡
曲陽縣西北通鑑地理釋及通典通考水經注俱
與鄭蔡合而渾源州無考焉一也據都改岳亦有
不盡然者如金太常卿范拱謂黃帝都上谷在恒
山之西虞帝都蒲阪在華山之北而岳未之改二
也自大茂至渾源俱爲恒山地脉一在其陽一在
其陰而祀岳于陰不若祀岳于陽爲神所憑三也
某既解三者之疑而復大有據依可取信于劉君
之考論者亦有三一曰改岳之議在金世宗時不
具論論弘治中馬端肅之疏端肅固名臣也而釐
正祀典獨惟倪文毅公諸疏倪主曲陽與漢唐宋
無異可信者一萬曆中胡來貢以巡撫大同之故
乞改祀渾源而商邱沈相國鯉者賢相也時致書
於禮部遣特祀渾源後仍力主倪文毅公舊說不

稍易可信者二况曲陽岳祀碑版林立紀歷朝巡
幸卽位祭告及災旱兵革禱祀題名碑石凡數十
非渾源州所有卽我朝順治八年 世祖皇帝親
政初亦遣官祭告北岳于曲陽國史又昭然紀載
可信者三也禮曰凡祭有其廢之莫敢舉也獨不
曰有其舉之莫敢廢乎昔商邱不得已亦有常祀
特祀並行之議今劉君復上其考于大中丞于禮
部倘必不能修復虞夏商周漢唐宋元明之舊制
則請兩存其祀如商邱典禮之臣與稽古之儒或
不以爲贅焉劉君以東南名士起家茲邑治行甚
著其毅然欲興復其邑之典祀志願備矣且捐其
俸入葺新廟貌以待崇禪之至止而又能不擾于
民以事神而祈福于畿輔其校士按部道經之便
修謁岳廟嘉賢令之志爰爲之碑記

潁州重復西湖碑記

理學文章二者未分之時其人莫盛于鄒魯之間
其既分之後而復並盛于一時則理學莫盛于伊
洛文章莫盛于汝潁矣何以明其然也理學之久
晦而得周程文章之久晦而得歐蘇其時同也周
程之同時有張有邵繼起有游楊有謝尹而歐蘇

同時有曾有老蘇小蘇繼起有黃有晁張有陳秦李其人同也且二者倡導之功二程與歐蘇最著程則歸老于伊而授徒于洛歐蘇則先後官穎陳張繼之小蘇與秦亦至焉其既也歐歸老于穎二蘇家于汝且穎水入洛而近汝水合穎而長故穎尾又稱汝陰地又相同也今人讀伊洛淵源錄者皆知禮樂之盛昔稱其地爲西鄒魯矣及漢歷汝穎間歿歐蘇張陳諸先生之遺事故跡然後知文章莫盛于汝穎西湖者穎之北郊歐蘇兩先生與子山無已太虛文潛諸君子先後游譙賦詩之地

改亭集卷十三

八

也州志載會老堂聚星堂雙柳亭皆在湖旁又其時爲畿輔名郡水陸要地湖中蓮芡之實可佐公私水利足灌膏壤兩先生開浚經畫具見集中宋紹興後湖漸湮亭堂尤漫滅不可考志稱有四賢祠祀晏呂歐蘇重其爲大官也張陳輩自不得祀今其祠亦圯矣康熙七年鐵嶺喻公來守穎思復歐蘇兩先生遺蹟再浚西湖廣袤若干丈築堤以固其防置牌以蓄其洩于是菰蒲之所蓄殖鷗鷺之所飛止長林高柳之所映帶擬之歐蘇張陳之所詠歌駸駸乎欲還舊觀矣復建數楹于會老堂

之址高其棖楠美其綽楔旣以爲登臨憩息之地且以祀前賢而彰遺愛豈不美哉東之至穎也值公經營垂竣新秋佳日友人劉子登招予與諸友置酒湖之湄諸公多稱修復之功而予獨穆然淡思歐蘇兩先生暨張秦陳諸公當日觴詠流連之樂諸先生卽數百歲後魂魄猶樂此也又追念東年八九歲時先人日督誦歐蘇文章稍長又知讀陳無已張文潛之文愛慕之不敢忘忽忽二十餘年今乃得置身于諸先生仕宦游譙之地俯仰太息不能自己遂縱思高論著爲伊雒理學汝穎文章之說所以誇大乎穎者至矣而西湖與有榮焉雖然亦喻公修復之功不可無記

改亭集卷十三

九

穎州重建文昌閣碑記

人文天文之論始于孔子地文之論始于莊周凡可聞可見皆文也至治之世其文乃昌若賢人君子盈于朝紀綱制度整齊可永守下迨文字言說皆雅馴有體要此人文之昌也彗孛不見星不晝出司天治曆之官不涸亂日月五緯纏度此天文之昌也水不橫溢河不遷決地不震搖五穀繁熟此地文之昌也文欲其昌至矣然有數焉孔子能

自信其文而未能信其文之必昌也孔子能安之他人或未能安而求之冥漠不可知之數疑有司其數者且太史公天官書有斗魁戴匡六星曰文昌宮官有將相三星司命中司祿三星于是道家附會其說造爲蜀山神張亞子及化書述趙王如意事誕而不經先儒倪文毅公正祀典一疏辨之尤覈觀者可無疑矣惟星之神每降爲人神之靈每升爲星精如史傳所載傳說顏子張子房之說頗多遂有謂文昌之神卽大雅嵩高之說所稱張仲孝友者其理似可據孝友者德之本也

改亭集卷十三

十

以周宣王中興之主尹吉甫身兼文武統重兵于外賴張仲一人維持調護于內得成大功仲之德亦大矣其爲神也固宜而後之人復求索司命中司祿之義相率爲禱祀而求科名好爵焉形家言又謂宜躬建祠廟于州邑之高原使神有憑候爲福更大故所在多有然不應者亦有矣獨潁東城之上舊有文昌閣父老相傳閣未圯時潁多大官地後漸不如康熙七年三韓喻公來守潁聞其說于考功劉公捐俸募勸與劉孝廉公定張金吾孟漢同董其役爲閣三增高朗宏麗可棲神明爲

潁之大觀先是州太守蒞潁者多不能量移閣成後公旋擢郡丞而考功亦自比部入天曹科目亦益盛神之爲福于潁也何其速哉友人劉子寧子招予登閣四望甚樂屬予記之予以神之將爲福于潁也有故歐蘇兩文忠公人文之項領也陳無已守正不阿張文潛篤于師友皆人文之傑先後教牧潁人遺愛猶在其神靈足與文昌相感召今又繼之以考功兄弟平日教誨其子弟者必以孝友爲德之本尤足爲張仲所憑依當不比于他州邑東也不能學孔子之安亦將修瓣香乞靈于司

改亭集卷十三

十

命諸星也是爲記

盧中庵先生傳

今汝潁問學者皆稱中庵盧先生先生潁州人著書甚多東至潁縱觀之竊疑其言類王文成必文成之徒也顧詢其里人後人先生果受學於文成否乎則皆茫然曰不知然考先生之生適當文成講學之世心疑之久不釋一日過先生曾孫鎔家得豫章喻氏理學問見錄伏讀之始知先生以嘉靖壬辰年選貢入南京國子監適文成門人歐陽文莊公學者稱南野先生者官司業日進六館

士講明致良知說中庵先生聞之恍然有得爲文莊公所器重自此益勵志聖學則東之所疑亦不可謂之無所見也獨先生別有箋釋四書周易中說及圖又斷斷焉一本之朱子成說不敢有所竄易東尤以爲難夫嘉靖以後天下宗王氏之教者無不逞其臆見牴牾朱子先生身聞道於文成之徒而其教後學一以朱子爲法此益見先生之篤信孔子其所以爲教與所以爲學不同此萬世無弊者也每攷文成之徒分上根中根二說若心齋龍溪自命上根哆口空談性命流於佛老獨其徒歐陽南野季彭山輩不樂附上根之名能研究六經三禮之學歸之平實可爲世用此文成之功臣若中庵者其不媿文莊也明矣先生諱翰字子羽中嘉靖甲午科應天鄉試任山東兗州府推官子晉亦舉鄉試官通守父子俱爲廉吏有惠政其遺事具見考功劉公穎紀中特未有傳故子專論其學爲立傳以示穎子弟稱中庵先生者使知先生之教與學其原本若是

楊烈婦傳

楊烈婦何氏夏邑諸生何應奎女年十八嫁貢士

改亭集卷十三

三

楊忠長子定遠一年定遠疾篤將死語婦曰汝若何婦曰我必死我有當死者四年甚少當死無子當死我父母有他子可以承歡我舅姑有他子可以承宗祀當死我見我里諸婦人有義當死而不死者其後乃大爲父母舅姑辱求其死不得我計熟矣定遠曰能如是乎遂死婦將引決其母及姑固守之一晝夜不得死乃收涕爲好語給姑曰我不死矣我夫有弟十五歲矣異日生子我子之是我夫有後也我不死矣起盥漱索食盡粥一盂會弔者襍沓至姑出復給母曰盍往視何客也母更出引衣帶懸定遠尸側以死定遠死初十日烈婦死十二日康熙五年丙午三月也及殮而邑如生邑人觀者驚歎於是邑之縉紳父老及其夫之族爲請之當事旌異之禮也例也求之得不得不可知而烈婦已挈其夫與舅與父之名聞於天下贊曰人皆巧變其說以求生婦獨巧變其說以求死其以得死爲至樂也以婦人之智乃能辨於死生之宜婉轉以遂其志嗚呼不可及已

雙烈傳

改亭集卷十三

三

烈婦崔氏寧國府太平縣舉人林翹之子婦烈女
林氏翹之女也崔歸翹子茂茂早慧能文章既疾
作崔泣請於天以身代既歿崔欲死然方有身人
慰之曰倘生男撫之成人爲夫子後不愈卽死乎
既生男百日而死崔盡散服飾奉姑與妯娌吞金
不死吞鉛不死家人沮之萬方乃佯爲不死狀得
間趨登樓遙向茂棺厝處再拜下引帶而絕年十
九烈女幼讀經史韻語通大義字石埭方氏子啓
庠未嫁庠病篤女聞卽不食不沐若欲與同死者
及沒家人匿不以聞久之得實願往哭之父母不

收亭集卷十三

直

許哭三日夜不絕聲水漿不入口乃許之至方墓
哭奠如禮歸拜舅姑已引鏡自涅其面涅守志二
字居無何舅病篤同姑視湯藥三月不懈舅死姑
李氏自剄以從人皆曰林氏女必死矣女曰兩叔
幼舅之父母老吾爲舅姑之冢婦治喪吾事也我
未可以死三日而殯凡附身附棺者畢治人稱其
才及成服旦暮哭臨皆有禮至二十餘日謂侍女
曰今日稍間趨提湯浴我侍女出閉戶自經死年
十八贊曰

二烈並生一門異哉若烈女之死先儒歸熙甫以

爲賢者之過然今天下多有之莫不感慨歎悼以
爲尤難子冢婦朱景昭十四歲守貞竟絕粒死事
與此類今讀林孝廉二烈紀事益感不能已若烈
女之姑李氏自剄從夫問其年三十六耳上有舅
姑下有二幼子俱不及顧傷哉我聞宣州人矜氣
烈其風教漸被於婦人女子若此我友施少參閔
章講學里中林與施爲同郡子將以三烈告之俾
誌其墓

胡封公傳

附翁張二
夫人傳

公諱一言號奇峰浙江山陰人世多隱德迨公父

收亭集卷十三

五

贈徵仕郎公家益落公偕弟習經生業一再試不
利家貧無以爲父母歡慨然曰奚必科名執弟手
泣曰今後晨昏謹視視廁事惟汝遠游負米供二
親事惟我行矣杖策至薊門時邊塞多故密雲
開幕府客俱庸才公至言論丰采超其坐上客抵
掌談兵事爽朗得要害開府大奇之公百函並發
府中事藉公大治公爲重客乃得時時械主人所
贈金寄弟供二親二親安之爲聘姚江翁氏女爲
公室公往來畿輔間家漸饒然爲人敦信行人有
緩急或貧無以養葬者告公公必惻然曰我所以

遠游以二親故彼獨非人子乎凡貸請無不應有周生者散其父資七白金畏譙讓思遠竄公聞之歎曰以金錢失父子天恩悲哉我不忍坐視爲辦金償其父父子伏地泣不能起人皆稱公任俠矜氣說不知公特至性純孝錫類強起舉此類也及父卒於南公自燕奔喪至越擗踊幾絕者至再恒自咎責曰吾自違親側走四方心常忤忤不安冀負米粗足復少少樹立功名慰親志然後還視左右今已矣我終不得爲人子矣與弟同居無私財撫弟之子如己子弟體弱中夜足苦寒公抱持之

改事集卷十三

七

爲取溫旣免喪入貲得龍虎衛經歷故事龍虎衛視旗手諸衛猶滕薛公參軍事廉雅饒幹畧諸參軍齷齪無所用皆推重公及計軍政某并應註下考夜燃燭具文書燭忽剗然有聲公曰是必有冤廉之得實爲洧雪以是七十衛弁無枉撓者公才名兼若遷倅通州以沒翁太夫人歸公家知公喜賓客交游能極意經營以所治絲枲佐酒食未嘗怠張太夫人寶坻人年十七歸公十九有身五月而公歿有欲奪其志者夫人則挾刃以待曰我所不爲胡氏之孤者有如日旣四月而封少保公生

又二十年而封少保公生子少宰公及仲季兩孝廉君自襁褓以至成立太夫人一心拳拳顧復教誨數十年如一日封少保公旣宦游封母孺人後以少宰公貴累誥封夫人奉旨建坊旌閭年七十三疾革却藥食勿御曰吾順受命耳我乃今得無媿奇峰公地下君子曰奇峰公之孝友至性任俠能周人急之報也於其婦人及賢子孫見之論曰東壯歲從公兩孫游悉公懿行甚備且猶及見節母張太夫人允矣禮宗也封少保機石先生纂述其二親行狀詳矣而太保王敬哉先生所爲公暨配翁張兩夫人誌銘又謹嚴合古法東採擇狀中要旨及誌所未及者復爲合傳至節母治家守貞教子孫成大名其事甚偉及凡先知禍福誠格鬼神事尤異皆東讀書其家所目擊而熟聞之者事繁複不便入傳已綴入廣說鈴中俟後之傳賢媛者有所考焉

胡封公機石先生傳

東以順治丙申識公於嘉興明年秋與公季子同舉鄉試又受業於公長子少保公公視東特厚甲辰五月公聞少保公喪自山陰來京師東自燕歸

遇公於泰山下俱下馬坐道旁石上語少保公歿後卹典得賜祭葬事公潛然泣下東亦俯首嗚咽依依不忍去久之公偕仲子孝廉君扶錢夫人喪歸葬山陰道經吳江驚脰湖風急舟大不能前東携襖被就公仲子宿送公至石門流涕而別不意公卽於是冬歿於山陰庚戌春初東客游嵩洛教授生徒汝潁間至辛亥秋歸至廣陵不數月復游燕趙魏間三年至今未得拜伏公墳墓哭公至甲寅秋客京師得餘杭嚴大中丞公撰公行狀及公仲子孝廉所述行實乃詮次其言爲立家傳以報

改亭集卷十三

大

公平生知我之誼公在母腹五月而喪父太夫人以死自誓又四閱月而生公於京師甫一月都城大雨屋多圯太夫人方坐乳公空中若有翼之出者甫出而所坐屋壓焉幼多病幾危且家貧不能給衣食及塾師脰脯太夫人泣則時時夢一老母慰勞言夫人無苦此兒有厚福如是再三終莫知老母爲何神也旣長治諸生家言數不利每端居深念生不見父而母又貧困伶仃茶苦何以爲人子於是復自越游京師曉習吏事游貴公卿間旣長母夫人爲娶錢夫人生子少宰公及仲季兩孝

改亭集卷十三

九

廉君公學益成始筮仕得山西陵川丞陵川故瘠邑又經寇亂民多窳匿公爲條上十事又手授諭民歌四章民蒸蒸知向風矣邑圖籍經兵燬稅賦無所稽公履畝較覈勒爲地糧冊各八十卷至今賴之臺使者奇公才檄公攝高平令事積案至四百百牘一夕剖決畢纖悉曲當胥役咋舌稱神君視獄釋罪之輕者雪重辟枉撓者十三人十三人得更生不知公之恩而上官大吏無不歎公才敏且忠誠可任大事再攝陵川令事公曰陵故吾邑吾與邑父老相信久可安靜治之但禁羨耗懲猾吏去其太甚者而已及被內擢爲司城務持大體以德感人尤善治疑獄獄之無主名證對者公斷決若神都人悅服會少宰公以禮部侍郎兼尚書銜爲學士公遂引疾乞休歸山陰脩墳墓大會宗族親友以太夫人苦節事聞於朝賜坊郡西郭門而仲季又連舉孝廉家門奕奕人爭歎公以孤兒起家今通顯若此天與善人信矣公家居杜門務遠權勢日賦詩奕棋飲酒游流泉邱壑間爲小築自娛東或從公游見公門庭閒然不若今之富貴驕人者旣太夫人歿公哀毀骨立無何少宰公

又歿公益心傷里居忽忽不樂歿年六十三嗟乎以公之才使以治陵川高平兩邑之底績任公爲方面大吏公所措置必赫然與古渤海潁川等以子之貴尊其封號而不得展其志畧知公者未嘗不爲公惜而世每以資格滯奇才尤可歎也公諱拱樞號機石浙江山陰人累官北城兵馬司副指揮以子貴累封資政大夫經筵日講官太子少保禮部右侍郎文淵閣學士配錢夫人歸公四十六年而卒事張太夫人婉婉誠敬佐公游京師之官山邑艱難辛苦無不嘗接親族溫恭親疎有節既受崇封益謙抑自下御少宰公兄弟不爲姑息愛撫姪女如已子女婚嫁資遣無所異生年亦六十三誌其墓者爲高陽李相國而東復採狀中所述尤詳者著爲傳

改亭集卷十三

主

論曰機石公好脩勵行誼有賢父奇峰翁風蓋胡氏樂善急友朋其天性也卽史所稱鄭當時陳孟公何加焉潛德不耀必昌其施迨少保公身在日月之際脩術深醇爲聖主親臣有本哉山陰具鑑湖若耶禹穴蘭亭諸勝風物秀整予嘗從公子泛舟褰裳游其間愛之不能忘使公大年爲此邦

之耆英文獻卽少保公早世於公何傷今俱不可得見悲夫

胡宛委先生傳

嗚呼東何人也敢傳公公兩爲主考官所得士及門下士所教習士今奕奕滿朝寧爲卿貳侍從身在日月之際者不下數十人無不思爲文章不朽公以報公恩者何有於貧賤失志之一布衣碌碌無所短長於世者爲文傳公顧常考文體於銘誌碑版文之外有史傳有家傳史傳者傳之國史此史官之事也家傳者凡草野之士皆得爲之亦可

改亭集卷十三

主

備史館他日之採輯此則東輩受知於公而後死者之責也微公母弟暨公子之言東當竊爲之況重以言公諱兆龍字子衮號宛委先生世浙東山陰人忠簡公銓二十世孫也祖父俱宦游京師因家焉公年十五補順天府學生順治二年乙酉年十九舉鄉試丙戌成進士選庶吉士丁亥授翰林弘文院編修戊子主考湖廣庚寅奉詔使浙西因至鄉里拜先世墳墓壬辰遷弘文院侍講癸巳特擢侍講學士旋陞詹事府詹事仍兼秘書院侍講學士甲午陞掌院學士十二月陞禮部右侍郎未

任明年正月奉 上諭以侍郎仍在內院辦事是年二月充會試總裁官四月充日講官充纂修

聖訓副總裁教習庶吉士丙申三月署戶部尚書事五月署吏部尚書事管京察十二月仍回內院考滿予封蔭加禮部尚書銜丁酉八月充 經筵講官戊戌正月奉 命往長沙冊封義王五月還朝坐事牽連落所加銜秩仍以學士供職尋改吏部右侍郎文淵閣學士已亥三月加太子少保庚子仲冬卮 駕巡幸近畿天寒且勞苦遂得疾明年辛丑 先皇帝升遐公慟哭疾益甚今 皇帝

改本集卷十三

重

登極授資政大夫封三代蔭一子入監讀書十月特恩任吏部左侍郎明年壬寅秋准解任養病癸卯十二月卒年三十七蒙 恩賜葬祭有加禮祖奇峰公任衛參軍通州倖父機石公北城兵馬司副指揮俱以公貴封贈如公官祖母張母錢俱以公貴累封太夫人夫人娶劉氏封夫人少保戶部尚書劉公玉孺女子三介祉官生劉夫人出其二殤以康熙甲寅年三月葬於某阡 賜塋公立朝十七年職任禁近本朝學士同大學士並綰機密章奏如唐宋參知政事最爲親要公以忠誠結

先皇帝之知凡啓贊朝廟軍國事甚多其裨益

民生之功甚鉅然其訐謔甚秘世莫得而聞亦非東草莽之士所能言也言其最著於人者公乙未副相國吳江金公主會試公誓遴真才以得人報國閱卷日不交曉者十晝夜進士四百人多知名士一時翕然稱得人於今爲 天子大臣以文章經術顯當世爲名臣者人才最盛是公報國之一驗也故事教習庶吉士多優游養望不事剝切公自乙未至辛丑四任館師督課勤密凡經學古文諸體無不討論精審經公指授皆有法度署大司

改本集卷十三

重

農僅兩月會計天下出入之數尤詳核兵餉案贖勾校莫不立辦 天子奇公才署冢宰六閱月始舉京察舊制多散佚公參酌規條澄敘流品一時紀綱肅然開國以來未嘗有也冊封降王自京師至長沙往返萬里冒犯霜露一日夜走三百里得當歸報會忌公者以總督張公自刺事牽連及公然 先皇帝卒調知公無他寵眷如故蓋公之忠誠謹慎能見信於 聖主而不能不見忌於同朝其任事功倖上相然厚重不宜洩故天下莫知其造膝之言可謂得大臣體矣東肯嘗同公弟兩孝

廉學因從公受爲文之法公依據先輩善誨不倦每見公入朝必辨色起昏而退食不數見賓客務遠權勢几榻間圖書數卷泊如也手評論六經三史及三唐詩旁及內典楞嚴經指月錄宗鏡諸書日分別立程不稍自寬假書摹晉人論古詩本建安黃初近體本開元天寶持論斷斷然古文愛廬陵南豐人有乞者必手自結構不假手門下客故公所著息游堂集數卷雖少而精潔不可刪其必傳無疑也公孝事大母父母大母病公亦病矣猶謹侍湯藥必親嘗以進友愛兩弟如子勉之爲學

收亭集卷十三

重

成名相對謹肅若朝典兩弟侍坐公前未嘗輕見言笑先皇帝知公特深凡爲謠詠忝刻思以撼公陷公者計萬方卒不能就君臣一德終始無間迨官車宴駕公哭臨致毀遂身殉可感也公丰度秀偉瞻顧嚴重見公者如見天人其垂歿也大書几上作數語研究性命歸宿處忽有鳴鶴二隻不知所自來盤旋空中久之而公端坐逝矣公沒後數年公父母相繼歿仲弟孝廉君亦歿三子復殤其二今存者獨公季弟及長君兩世僅兩人耳然公遺書秩然園林精舍整齊清遠不改舊觀東以

受學老門人時時過從公季弟及公子憐而客之念公生平政事文章旁及言笑談讌之事歷歷如昨公年雖不得四十然卒以功名終彼伏機構難思擠公於不測者竟莫能厭其志也公歿十年家貧不能葬其門生故吏以朝廷矜悼大臣賜祭葬之禮葬之於京西之某阡

論曰世祖皇帝綜覈名定勤覽萬機決斷若神諸大臣親信柄用者每得罪伏法其得全功名者公之外不過一二人然此一二人者俱用謹愿無忤於世獨公以任勞怨蒙妬愆羣思中公以奇禍

收亭集卷十三

重

而終不能奪公之主眷在先朝一人而已公於書無所不窺旁及星命能預知死生之期東辛丑三月下第辭公歸公笑謂予曰癸卯冬公車宜早來遲則予不及見子矣東駭愕公笑曰此定命也然則公之壽夭固天主之非人情憎愛所得而主矣嗟乎

從弟諫草家傳

弟本字諫草我伯父長子我伯妣茅孺人出同母弟二人次秉勳草又次采元草諫草少予一歲以天啓乙丑二月十八日生以康熙辛亥十月二十

八日歿年四十七予生無同產而諫草兄弟三人齒相次小時濟濟林立予羨之讀詩林杜之章至獨行踽踽豈無他人不如我同父黯然泣下然與羣從相友愛小時竹馬嬉戲未嘗不共及長俱出爲塾師予獨奔走四方兄弟不能時相聚首每歲時伏臘或予遠歸弟輩必來集携茗枕促坐劇談相慰勞爲樂嗚呼詎知今日我兄弟相聚已不見我諫草也痛哉先伯妣爲鹿門先生從女孫賢淑嫻內則與我母妯娌最相愛歿之日諫草年十四勁草十三元草十一妹七歲伯妣屬我母撫視踰

改事集卷十三

壬子

年伯父既納妾生二子諫草每無罪受捶楚我母抱而哭之我祖母亦相對涕泣我母以是蒙怨詈故今日哭諫草尤痛也諫草性沉毅端重長能屬文知讀書伯父命偕勁草從我先君受經年十七補嘉興府學生受知王國長張蓼匪兩督學試俱高等丁酉省試卷幾得雋主者閱至第六藝忽止不可解也以此益自勵教授生徒之暇勤學不息已酉省試再不第家益貧勞悴愁苦不可言予心傷之爲賦尹伯奇履霜之操然不敢使人聞也今年春忽夫婦同日嘔血尋愈及冬再發病喘急自

知不可療賦絕命詩四十韻敘述生平質寔詳盡可悲也醫者皆以嘔血病不速死惟明年生草時可憂耳故予亦出遊至武塘忽心動思歸夜半諫草見夢曰兄急歸我行矣予至家六日而歿歿時家人求其平時衣焚以殉之無一存者俱在質庫中其貧如此痛哉其以後事屬予也語最多其末句曰乞兄一篇文章爲身後計嗚呼予文章足不朽弟乎然哀其遺言不敢辭故於歿後四十九日雪夜大風寒中呵凍炙硯爲立傳將以乞當世能文章家如汪鈍翁姜西溟魏叔子爲誌其墓以不朽我弟嗚呼若予文何足以重弟乎弟娶嘉興喬氏男子一人熙娶錢氏

改事集卷十三

壬子

姑吳孺人傳

我姑吳孺人我從曾祖太學生寅陽公女孫從祖太學生霽寰公長女自幼字今吳公準庵準庵起家進士高第以新例筮仕令洛陽姑雖未膺勅贈然例得稱孺人孺人之母與洛陽君母錢宜人兄弟也習知孺人賢故委禽焉時洛陽君之尊甫吏部公年少舉孝廉我從祖方雄於貴兩家以僚壻爲婚媾而洛陽君又自幼能文章美姿容我宗

嘖嘖賀孺人孺人幼端靚不妄言視我家故居與
孺人父母家燈火相照我母每見孺人未嘗不稱
姑善也崇禎丙子歲都御史唐世濟家僮爲不法
辭連及婿婿卽我從祖弟也蘇松備兵使者大馮
君夙銜唐窮治其獄諸株連者皆不免從祖性至
孝友破產營救其父及弟貲立盡丁丑吏部公成
進士司理廣信及已卯錢宜人爲洛陽君納孺人
遂偕之江右孺人年十七此時計氏蕭然矣孺人
能善事錢宜人及鈕太宜人以孝謹聞癸未孺人
始從錢宜人歸里遂歸寧我從祖而我母携我婦
往故居晤孺人相見驩甚歸嘖嘖具言姑嫜雅淑
慎更勝未嫁時所生子女又美秀且多也順治甲
午辛丑洛陽君登賢書成進士所生子女九人漸
成立孺人喜可知也我從祖歿有孤子貧不能自
振孺人周恤之備至錢宜人早世鈕太宜人年百
歲孺人孝養益恭其最異者一日劇賊數千人自
吳興來白晝攻劫且露刃挾戶矣太宜人年老倉
卒不能出避揮孺人去孺人曰太宜人在孫婦當
以死衛守益堅賊無故自解散里人皆謂純孝果
格天也嗚呼孺人之孝如此他懿德槩可知矣予

收事集卷十三

夫

故不具述云丙午年四十四忽以疾卒遺語薄殮
尚恨不獲終養太宜人我母聞孺人之歿也爲之
流涕

贊曰東攷家乘我先世當宋南渡後家式微賴秦
國太夫人計氏之力子孫遂世有聞人焉今考史
傳秦國能誦其夫張咸制科對策之語勉其子張
浚爲良相敎其孫枋爲大儒稱南軒先生而又以
其餘力及其族子計有功爲徵君以著述顯於世
計衡爲真御史以直諫顯於朝廷於今五百年而
計氏之裔孫相與頌秦國之遺澤不衰嗚呼以孺
人之孝德使天假之年竟其相夫教子之功何遂
不若秦國也嗚呼我從祖以孝友無間於宗族之
論人皆謂食報於其女今孺人歿矣而從祖之孤
子亦相繼夭投從祖竟無後天道其可信乎洛陽
君爲立我從祖弟之子以繼其祀且經紀其後事
嗚呼亦我姑之志也夫

收事集卷十三

完

改亭集卷十四

吳江計 東南草著 從孫 璣 全姪 嘉禾 重編

順德建歸震川先生祠堂碑

吳中震川歸先生以文章顯名於明嘉隆間距今百有餘歲歲久而論益定其遺集多寡同異無慮千餘篇然今之善論文者莫不推述之比於宋歐陽曾王謂其高潔簡肅間有駢宕變化可出入諸公相與伯仲無媿色然予謂以文知先生猶淺也魏志徐幹傳曰觀古今文人類不護細行鮮能以名節自立而偉長獨懷文抱質恬淡寡慾有箕山

改亭集卷一四

二

之志可謂彬彬君子矣先生生嘉靖全盛之日士莫不急科名聲譽相徵逐先生數上春官屢見斥張文隱公欲以舊誼招致之卒守正不一往伏處安亭江上身教授弟子妻課童僕耕田百畝供老親賓客酒漿餼粥讀書食貧三十年天下賢豪長者暨諸公卿貴游聞其名不得見其人此與偉長何異且當是時同里王元美浙東王伯安或以文章或以理學號召天下駿雄魁傑之士靡然從風而先生以坎壈不得志之人卓然擗柱其間文章則呵元美爲妄庸理學則以伯安爲非是而確守

改亭集卷十四

二

伊洛之傳孤持其自得之見不惑於羣言久之而天下之悔而思返者卒歎服先生爲不可及卽此時唐應德在三百里之內閭中王道思山東李中麓與先生甚合今先生集中未嘗有與諸公往復倡和之詩若文也可謂獨立不懼君子人矣先生得一第令長與有異績以不善事上官遷邢州倅日杜門讀書而已政府高中玄夙知先生不次召用官太僕丞掌外制文字又不踰年而歿予既讀先生之文而又深敬先生之志行癸丑六月順天督學王公奉 簡書按部至邢考校多士夙知邢爲先生佐郡服官之處又於先生集中讀其自爲順德府通判廳記二首想見記中所稱獨步空庭槐花黃落徧滿堦砌殊歎然自得及衙內一土室戶西向寒風烈日霖雨飛霜無地可避者慨然如見先生焉詢之郡縣稽之志乘考之名宦祠蹟知先生者蓋少益見先生之恬淡寡慾獨立不懼其不欲求知於天下後世類如此因與通守晉江黃君言而黃君喜其官爲震川後輩慨然鳩工王公捐俸助之不三月祠成旣自爲記泐石而屬予爲碑頌我願歲時之祭凡守土者必効瓣香之敬於

祠中那人士必有邀靈於先生而興起能文者敦行厲志者則又王公所以勉率多士之意也夫

山西夏縣重修官署碑

皇帝御宇之五年潁川進士劉幼功謁選人得山西平陽府之夏縣故夏后氏之舊都晉嚴邑也及至境令無聽政之所詢諸吏人曰向燬於兵遂僦舍以居吏胥散處廟寺中簿書委積廡下筦庫圖棘郵驛邑之重且大者皆不得與令密邇時時視關鍵幼功怵怵然憂之念夏民夙勤苦儉儻有禹遺風且朝廷嘉與休息一切安靜無事爲治幼

改亭集卷十四

三

功又承先世清白之教不敢以一身之謀勞民動衆惟默然深念而已顧謁上官後時時奉憲徵議修建縣治而諸父老與令周旋久頗信令不欲勞民意爭來言曰官無宅居吾儕小人乃有寧宇乎且建縣治非爲官計爲縣計也訟庭一邑之瞻也庫獄一邑之命也簿書一邑之典也郵驛四方之寄也官署立則諸務畢張民安其依爲一邑計最鉅令主一邑爲吾民慮始鳩工我儕小人有不趨走惟命幼功乃復深念曰此果爲一邑久遠計惟父老襄斯役使邑永無事相聚寧居利莫大焉且

歲當有秋無贏細慮用民力歲三日禮也於是會議僉合工之費捐募之貲分董之父老登記出入官不督課邑無科歛令得藉手以告成事惟是形家者言以天下縣治之向皆準子午獨夏舊址從坤艮恐未善幼功攬條山形勢內洩外汾水俱西注與天下水異且民間俱以中條爲環拱官背民向獨南未便卒仍舊其他門垣之制塞者豁之窪者高之爽塏宏達較昔政觀是則令之所經畫而深徇者也於某年月日鳩工於某年月日竣役念構造之不易與民心之急公不敢忘勛石以記

改亭集卷十四

四

又慨然深念凡事機作止亦因人心而已苟民以爲可已則雖天子之尊寧謚之世一露臺之費必慎之春秋書築者八書城者二十九其無議者特二惡其可已而不已動民力以逞已欲也必不可已則以諸葛君之治蜀方日不暇給於軍旅而必治官府次舍橋路俾所至皆就繩墨劉公之爲斯役也順人心而不捐公私之財故予樂得而記之前明資德大夫正治上卿戶部尚書侯公墓誌銘

公姓侯氏諱恂字六真號若谷河南商邱人始祖

成以歸德衛籍徙居郡成生英英生滑滑生顯顯
生和和生贈太常卿進進生贈兵部侍郎瓊瓊生
萬曆戊戌進士累官太常寺卿執蒲娶田夫人生
公兄弟五人公第一次卽國子監祭酒諱恪者也
萬曆丙午公生十七年始受知學使者梅公之煥
補博士弟子員又五年受知太守鄭公三俊招讀
書范文正公書院與弟恪試迭第一由是知名又
五年已卯與弟恪同舉鄉試同出許州太守鄭公
振先之門明年丙辰再與弟恪同舉會試同出侍
讀張公邦紀之門釋褐公授行人司行人天啓元

改事集卷十四

五

年辛酉改授山西道監察御史時邊警日棘上疏
論覈餉練兵方略報聞紅丸議起疏攻首輔方從
哲併追論移官朝論趨之而奸黨側目矣壬戌鄒
公元標掌院事總持風紀倚公如左右手貴州安
邦彥倡諸苗叛詔公按貴州陞辭疏陳十事皆用
兵方畧至則厲軍士申約束同中丞朱公燮元解
圍搗巢土司嚮伏全黔蕩平還復陳善後事宜甲
子錄平黔功候升京卿而是時魏忠賢漸專政剪
除天下賢公卿大夫之不附已者以東林黨人目
之而公父太常公素以直節爲冢宰趙公南星總

憲高公攀龍少宰陳公于廷所引重爲忠賢私人
所深嫉又公弟恪爲史官與南樂相不合復與繆
公昌期友善或言繆公代楊公漣劾忠賢二十四
大罪疏恪與聞又定三朝要典追論公議紅丸移
官兩案與東林諸公比和乃大恨公父子兄弟皆
東林黨人之魁愾強無狀不可一日留先勸太常
致政歸公與弟恪先後削籍去當是時商邱侯氏
之名震天下魏忠賢敗崇禎改元時起公廣西道
監察御史公首疏請定逆案以六等治罪於是以
頌瑞漏網者爲烏程相切齒於公矣已巳陞太僕

改事集卷十四

六

寺少卿庚午邊事益潰陞公兵部右侍郎視師昌
平公至拔大帥尤世威於偏裨拔寧南侯左良玉
於卒伍解大淩河之圍戰松山杏山下功最還朝
陞戶部尚書時邊警旣日棘而流寇自秦入豫千
里無人煙公拮据兵餉不事加派轉輸不告匱識
倪公嘉慶史公可法於郎署薦員外何公楷爲給
事中上屯田奏議請分立官屯軍屯兵屯民屯商
屯腹屯邊屯法及考課任官之制時烏程相當國
久欲盡去天下賢者以朋黨悞國之說疑撼天子
嫉公爲東林魁乃搆柱居高位嫉言官論公廢餉

繫詔獄韓城繼當國守烏程相意嫉大司寇鄭公
三俊薄擬公併逐鄭公去位公長繫七年謫戍新
安壬午流寇破歸德蹂躪豫州幾徧且大合兵圍
汴朝廷思公才又以天下重兵在左良玉稔知良
玉受公恩深非公莫能制乃特拜公兵部右侍郎
督良玉等七鎮兵援汴公深悉賊中情形及天下
大勢用兵緩急宗社安危之計既拜命卽上疏請
無救汴以糜爛之豫州委賊令保定巡撫楊文岳
山東巡撫王永吉率師扼黃河使賊不得北渡鳳
陽撫臣馬士英淮徐撫臣史可法率師扼江淮南
改事集卷十四 七

國事不至此也公獄中出至江寧而以向頌璫列
逆案者阮大鍼等當國用事欲殺公而良玉亦悉
發荆襄之師數十萬蔽江東下討大鍼等公得脫
順治丙戌公子方夏舉進士迎公還里爲圖城南
偃臥其中足不入城市者十四年己亥年七十卒
配楊氏文學光訓楊公女累封夫人五子方來方
夏方域方任方策歷官及配字詳其家乘不具載
公歿時五子者俱先公歿孫眺獨纂公之行實重
趼至吳乞誌於予公可謂有後矣銘曰
天之間氣國之宗臣謀之既臧握奇專征克敵制
勝九廟以寧謀之具違壤爾維城僉壬害正必曰
黨人寧覆宗社不宥忠貞嗚呼亦獨何心有林有
邱有子有孫以下以藏司徒之靈爾昌爾大司徒
之禎

前明通議大夫兵部左侍郎都察院右副都

御史葉公墓誌銘

公姓葉氏諱廷桂字青來號蔣實河南商邱人也
世居江西泰和縣自諱受者洪武初遷商邱祖贈
通議大夫右副都御史如蘭配贈太淑人任氏父
司訓贈通議大夫右副都御史呈春配封太宜人

贈太淑人夏氏生萬曆十三年乙酉十一月十八日任淑人夢衣緋衣乘笏者來曰我居汝家俄火燭室驚寤生公公成天啓壬戌進士授戶部福建司主事丙寅選山東司郎中十二月陞陝西右叅議分巡關內道丁卯三月丁太宜人憂崇禎三年己巳服闋庚午補陝西督糧道九月入覲時三秦流寇蠭起在廷共推公邊才可任方面辛未調分巡關內道特勅監軍陞陝西靖遠兵備道副使駐靖遠壬申陞叅政陝西河西道駐鄜州調山西河東道甲戌以平寇功陞陝西按察使在廷復共推

改亭集卷十四

九

公邊才五月陞都察院右僉都御史巡撫大同六月出師大捷詔賜銀幣丁丑敘大捷功廕一子錦衣衛副千戶世襲疏辭不許加右副都御史贈大父母父母如其官廕一子入監讀書己卯以秋防功加二品服俸賜銀幣自丁丑四月至己卯五月乞休疏十三上始予告八月歸里明年庚辰九月卽家拜公戶部右侍郎督理邊餉十一月召對平臺賜銀幣辛巳五月敘勦寇功轉左侍郎十月改兵部左侍郎病甚乞休再予告壬午將再歸里商邱已陷賊無家乃僑居金陵老病且阻兵輾轉江

改亭集卷十四

十

潮間順治三年丙戌將歸里十月十九日午時次衢州卒於逆旅丁亥三月長子金吾公元滋等奉公櫬歸五月葬公於贈公墓之南阡公性至孝友愛家貧力學顧獨好談兵故自成進士服官二十餘年在兵間之日居多其分巡關內奉勅監軍時上條議十二事於撫軍練公皆行之督諸將趙胤昌張全李密張令艾穆等先後殺賊神一魁點燈子老徊徊滿天星過天星一斗穀等於梁家嶺獲賊首七郎復敗之於中部邵陽芝川韓城賊慟哭奔潰復追殺之淳化延安澄城宜君商南斬首無算故事監軍道在行間率墻覘觀勝負公衷甲身先士卒策馬崩崖斷壑間攻圍中部流矢中胸飛礮及股不稍却賊突圍犯我師公自起執砲擊殺數人賊乃退軍氣百倍獲其渠李老岩獨行狼十條龍可天飛等獻俘闕下當是時秦寇幾盡公請之撫軍願假精兵三千人搜山谷盡殲之可永絕寇患而撫議起格不行嗣後秦寇躡入晉地勢遂張始悔不用君策也其備兵河西時鄜州被寇患尤甚蒿萊滿城狼白晝行市中城臨河沙不可築公爲文禱之脫所衣緋衣覆諸地而厭之更築城

遂成流亡大集鄜延乃平其調山西河東時寇犯垣曲及絳夏援兵復大擾公外捍強寇內輯兵民所向必捷故事冬防河邊寇民之避寇難者率乘河水未合求渡守令輒遏之公獨縱令畢渡約數萬人是歲河水竟不合父老以公忠仁所感前此未有也歲大旱無麥苗公步禱於天泣下雨亦下歲乃熟其按察陝西時兩月清積牘三百餘事吳公姓歎曰霹靂手也其巡撫大同時請開馬市給代藩宗人祿食擒左衛邪教法王大閱諸軍簡精銳汰老弱儲糧掘嚴哨探大同一軍獨稱雄中外

改亭集卷十四

土

皆倚公爲重獨以失武陵相意徵調無度公擐甲率枵腹之卒一月中行萬餘里其不敗劔皆公勝算非天幸也其乞休十三疏大概謂臣自郎署歷監司至開府皆萬死一生之身當大兵大荒之地積勞之後病且不支弗以病臣悞封疆天子亦深知公故特許移疾歸前後封疆諸大臣所未有也當邊境多故廷臣每會推邊才必首推公然未有能盡公之才者公任方面討秦晉賊破家財募敢勇死士薛敏忠等百餘人置麾下爲選鋒每戰輒先奔賊及凱旋驗賊首級割賊鼻及耳如墳血淋

滴滿前公對酒慷慨自若也一夕臥起手顫櫛輪上有物累累膠結不可去舉火視之則隆然所割賊鼻也又諸死士窮追賊暮歸適公臥未及驗級復恐有竊之者率挽結賊首髮置公臥榻下公酈臥其上自若也嗟乎公起儒生生長中原晏安之日目不見兵革一旦歷行間當劇寇忠勇奮發有以奪宿將悍兵之氣可謂天下之奇才也公自言爲孝廉時潛心周程張朱諸大儒之書最後嗜陽明王先生書默契不動心之旨故能身處鋒鏑之中意氣不稍挫則公之所得深矣世亦未易知公

改亭集卷十四

土

也獨惜公條議平寇方畧及佐樞部奏疏皆軍國石畫鑿然可傳遭時播蕩盡散失之俾後世無從見公之深思妙算而歎公才之未盡用者嗚呼又可悲也公之懿行不可殫述具在公子金吾公所敘行實中尚論者可以知公大畧矣其子孫聘娶嫁字具詳家乘中銘曰

是惟河嶽馳精靈蛻蜺嶽巢公篤生艱大軼掌投孤臣天顧既移志未伸三衢之旁稱完人全歸爾邱息爾形克昌厥後答忠貞

貢士侯君墓誌銘

丙午六月予遊商邱潯暑中有少年可十五六歲
肅衣冠具羔雁歷階而升再拜稽首請其父之誌
者予同年生侯君之孤子名方至者也君諱朴字
輔之河南商邱人曾祖贈太常卿諱進祖贈少司
馬諱幾父太常卿諱執蒲世父光祿卿執躬同父
兄大司徒公諱恂大司成公諱恪君生爲太常公
季子所生母沒母田夫人撫育之如已生太常公
愛憐之又兩兄蚤貴兄子方震方夏方岳方巖方
城皆以才名交滿天下家門赫奕莫與比君和雅
修飭檢身若寒素不爲貴介驕蹇之色閭戶讀書

收亭集卷十四

三

孝友恭遜兩兄亦愛憐之崇禎壬午三月商邱既
陷賊君從兄大司徒公偕兄子方域避地江左先
是方域在金陵與東南諸名士移檄攻皖人阮大
鉞旣大鉞驟得志典兵調知方城父子所在四出
緹騎逮捕甚急司徒潛匿他所方域脫身走揚州
君獨保其家人居嘉興捕者突至環當繫君登舡
舡去君默然手執周易熟視之倦則依榜人臥捕
者以爲癡且以君統緒少年易制也將抵會城各
點行李或登陸意亦懈君睨視兩岸桑翳然無際
突起竄身坐桑林中捕者眙睨出不意疾追不能

得夜燃炬大搜林中君望見火光所指卽疾避之
微行近白門遇詰者以周易示之曰我卜者也遇
兄子桃源令方岳僕人貸其金復潛至嘉興護其
家從大司徒北還脫於難司徒公以爲才君爲人
外靜默而內機敏可任大事皆此類順治甲午以
皇太后徽號恩特詔天下學拔文行兼優者一人
貢京師君舉河南省第四人廷對及雍試皆前列
人勸之仕默不應文日益有名蓋此時光祿公太
常公司成公歿久矣兄子方震死於賊方夏舉進
士爲比部郎方域以才名雄天下皆相繼夭死司

收亭集卷十四

古

徒公亦老且沒無復昔日家門赫奕之狀而君處
之怡然曰吾向者固知貴盛之不可久居也益深
居簡出擁書白娛平生寡嗜好獨好飲酒自爲釀
必清醇每飲必醉醉亦不亂性不喜廣交獨與兄
子方岳相友愛暨同里賈開宗徐作肅徐鄰唐宋
華等數人爲文酒之友意泊如也方大治圖於城
之南廣置嘉樹奇石及禽魚徜徉其中圃未成而
君沒年四十七憶丁酉夏予遇君燕市君與王鍊
宋華同逆旅每召予酒酣予與王宋皆慷慨爲大
言爲調笑起舞屬君君獨凝然不苟言笑得失哀

樂不形於色予嘗謂同人必蘊藉若侯君可稱名士矣聞之養生家凡人多言者傷氣躁動者傷神多不壽寡言者神常固靜息者神常完必多壽又聞之人之勞苦其形者多壽而晏逸其身者多不壽此戶樞不易朽之喻也君於二者之說何從耶君歿時神明湛然以子方至及家事屬方岳經理之予間從柘還商邱道經君圃下馬入門縱觀凡江南花木之不易羅致者翦翳林立若不知主人之早世者嗚呼可以規君家業之無廢墜而君庶幾其不亡矣配劉氏壬午城陷從其姑田太夫人罵賊死繼耿氏生二女男一卽方至邑庠生側室王氏出娶文康公子黃州別駕榮女銘曰

改亭集卷十四

五

天乎人乎時爲之何之子之淑而命止於斯吾聞君考之興也以孤兒祝君之子其類之君茲之藏固且安靈之昭昭其祐之

前明江西道監察御史贈太僕寺卿謚忠烈

吳公墓誌銘

嗟乎故明天啓四五年間宦寺之禍烈矣下至窮鄉小邑十家之市三人耳語輒搖手咋舌相戒勿及崔魏事乃有抗疏指斥客魏崔田交結肆惡之

狀若以身爲鴻毛投烈焰中浩然無所惜若江夏吳磊石先生可謂成仁取義之君子矣當先生抗疏時自度於國事無補且身與熊經畧廷弼爲姻親又與應山楊忠烈公同鄉必羣奸所深嫉熊楊旣前死先生卽絕意仕進身爲言官結舌而去亦可不死而先生志在必死若不可須臾忍者此先生之忠所爲不可及也攻次輔丁紹軾所以剪崔魏之羽翼奪魏廣微顧秉謙諸人之氣人謂紹軾實啖崔魏殺先生夫崔魏何待啖乎旣抗疏攻客魏崔田矣夫寧有生理乎故人以先生爲攻奸相死者非也先生能死後三日卽擊殺紹軾殺紹軾而崔魏輩氣奪矣故丙寅秋冬之後崔魏殺人之謀稍息幸留一二骨鯁未死之臣若我鄉文文肅倪文正諸公爲國家後日之用皆先生擊殺紹軾之威靈能使羣奸怵心於冥報夫先生之忠大於身後若此而人無知之者此予所慷慨太息欲爲闡幽之論者也按吳氏之先自江右萬載縣移家來江夏有真七公者爲先生七世祖六傳至璧山公與太淑人徐氏生先生諱某爲季子以乙卯舉鄉試已未成進士起家廣東順德令以清惠著聞

改亭集卷十四

六

舉卓異兩爲鄉試同考官行取考選授江西道監察御史天啓乙丑七月差巡視京城十二月二十五日疏劾次輔丁紹軾畧云當今內有客魏之交通外有崔田之暴橫人情慘於蜩螗國勢危於累卵紹軾絕口不肯言不敢言云云二十八日矯旨杖一百創甚而絕越三日丙寅正月初二日紹軾見先生緋衣直入其坐擊之卽死長安人聞者莫不驚相告也崇禎戊辰改元贈先生太僕寺卿祖父如其官久之謚忠烈廕一子賜祭葬以崇禎十一年十二月葬某鄉某阡其論祭文及議謚冊藏於家冊詞有云憫楚人之多忠而冤死如吳某者爲最酷且以先生爲從忠烈後而死者嗟乎此先生所以必死之志也元配尹氏生子某某季子琮爲任邱令知名先生之垂絕也以誌銘屬相國黃東崖琮幼未獲詣越四十八年琮始自任邱求百泉山孫徵君撰墓表又爲序述年譜彙次高陽孫忠烈公定興鹿太常公等輓詩一編乞誌銘於予予不敢以不敏辭銘曰

七月言官嗜死如飴當其始進人或疑之及其旣歿人咸信之不有諍也何以能死不有進也何以

文事集卷十四

七

能評人之大節蓋棺論定嗚呼先生實張三楚芝蘭旣焚贅殖盈戶詠彼九歌亶惟荼苦克成令名赫赫今古煌煌寵命錫茲坏土惟此坏土忠臣之墓松耶柏耶永言勿斁

繆君孟思墓誌銘

友人繆天自永謀之父曰孟思先生以字行世爲浙江嘉興縣嘉會鄉人曾祖竹齋公本生祖學錄思竹公嗣祖懷竹公父邑文學冰壺公冰壺公嗜讀書學詩屬文工八法性落拓不治生產鑿池數畝緣岸四面種梅花周圍皆竹木而築室水中央爲精舍吟嘯自得從之游者皆一時談士然以失嗣祖皆某意乘間梓之池溺且死幸得活然已得心疾遂謝絕家事時孟思方三歲母鍾太君抱持教誨至成人外應踐更之役及代償里中子弟之匿田不輸井稅者崇禎末浙西歲屢祲且軍興賦役益繁盜賊多先生知天下將有變乃盡斥賣居宅得貲以葬二親遂避地梅谿向之所爲竹木梅花池塘精舍不可復問矣至國初民稍稍得休息先生復歸里居環堵蕭然教授生徒以自給宴如也子天自有俊才勵文行爲諸生祭酒然不樂仕

文事集卷十四

大

進志慕朱謝翺林景熙輩之爲人不肯就制舉業
顧以親向衰家貧落懼無以塞大人意而先生欣
然謂爾志若此賢哉我有子矣我教授倘不能給
汝則賣文傭書得脰脯以養我不愈於祿養乎且
我觀今日非無財之患而多財之患也由是父子
偕隱親串若吳吏部鐸父子柯給諫聿多以科名
起家貴盛先生聞之泊如也當天自始隱時年僅
二十餘才力方壯冉冉三十年今五十矣而先生
年亦七十二以令聞壽考歿於家天自方以謀脰
脯爲養留京師不及視含殮聞訃擗踊絕粒毀其

見者皆爲流涕及其歸也以所撰行狀乞誌銘於

東東以我友之父也不可辭銘曰

有才子俾不仕韜爾光勵爾志審出處知大義鴻
冥冥焉能繫不忠貧乃畏富緯格言辨迷悟今之
人受賕賂視昭昭蹈網罟可憐哉何錯迕令子歸
營親墓舉大事嚮脰脯以志養不負父千百年受
天祐

潁州許烈婦張氏墓誌銘

庚戌秋七月朔出潁州東門從二三弟子至懸湖
刺一小艇渡湖而北謁張烈婦墓再拜歎息敬爲

之誌曰烈婦張其氏也所適夫曰許會當稱許烈
婦而潁之人皆張之與春秋時書紀叔姬宋伯姬
及綱目大書晉處士陶潛法不合宜駁正故東誌
稱潁州許烈婦張氏云烈婦姑王氏早寡性淫虐
惡婦端謹不類已諄撻無虛日婦益恭夫酷貧以
灌蔬爲業婦年十七八奉養竭力姑病亟婦割股
肉爲糜以進遂愈里人交口稱孝婦有泣下者姑
諄撻如故也鄰僧定生與姑通遂因姑欲求通於
婦姑知婦必不從摧辱之萬方冀其聽已烈婦志
益堅一日匿僧於室召婦入强委簪珥金帛侵逼
之姑自外鍵其戶烈婦不得出繞室走大呼聲徹
戶外定生知不可犯踰垣出姑偕之還寺烈婦哭
曰我不可以生我而自明是暴姑惡也我不死僧
且必復挾姑逼我我不可以生乃自縫裳衣投井
死人無知者翌日白晝中定生忽見烈婦從空中
來拊擊之甚厲始懼挈姑遁遁六日里人汲井經
烈婦尸以出方盛夏顏色如生目炯炯視不瞑舉
體異香觀者駭異事聞州太守及郡乃葬而旌之
四閱月捕得定生伏法里人爭裂其尸祭烈婦墓
墓與故范烈女墓並烈女者潁人范雲騎女未嫁

夫死遂刲之葬此數十年矣而烈婦姑王氏竟得脫至今在鄰邑銘曰

僧伏辜姑得道婦之孝有其姑不辱身真丈夫維綽楔高戟巖松與楸鬱婆娑大道旁里人趨咸下拜曰嗚呼惟貞女相爲徒申欵欵從黃壚張與范德不孤

族嫂烈婦湯氏墓誌銘

嫂烈婦湯氏諱尹嫻字洽君年二十來歸我兄僧來數年生一子一女我兄沒嫂絕粒死遂合葬烈婦父俊民諱三俊我父友也我師也弟仲舒諱孫

改亭集卷十四

圭

咸我父弟子我友也其舅氏陳礪庵先生俊民仲舒皆負才譽爲諸生有遺集礪庵先生著作尤富凡數十種烈婦善詩歌填詞画花卉翎毛其父俊民家教也善天文曆律口誦步天歌手指天文教我母及予八九歲時從嫂學觀星緯指示歷歷又善測畧開方立方籌算皇極統韻諸葛鼓音射覆之學其舅氏礪庵先生所教也善洞簫及鼓琴則與其兄輔嗣弟仲舒妹渭君皆能之性穎悟過人知大體舅姑以力田起家時時以井臼事督烈婦烈婦承命惟謹其舅與我祖最相善故我母與烈

改亭集卷十四

圭

婦常往來我母見烈婦文雅可敬愛稱善不啻口兄資雖魯然謹質有真性兄從我父學去其家數里每別婦或旬日或半月必相對泣移時崇禎庚辰吾父館吳中丞家讀書榜伽山我兄從游去家益遠嫂寄書藏襪中以別紙書諸葛鼓音爲隱語使尋其家書我兄雖習鼓音未工也悞索家書不得心快快遂病病四月死死之日烈婦抱其首泣曰君先行我來從君矣兄已氣絕復張目顧之曰諸烈婦遂誓不食七八日不死我母泣而語之曰爾舅姑止生爾夫一人爾有子有女爾死獨不念

爾子爲舅姑後嗣計乎烈婦變色對曰新婦頗讀書曉大義見背才婦人如李易安花蕊夫人輩皆以一念不引決後失節如此新婦若今日不死恐他日爲我舅姑我父我夫辱所以速死者爲我舅姑我父我夫地也我舅姑年力尚壯我死必善視我子我計決矣勿復言絕粒至二十日歐血不已竟死其弟仲舒爲謚行狀甚詳又六年仲舒以赴我父難死於我家之東一里另有誌

銘曰是我嫂才女子從其夫葬於此其節烈信宗族其詩詞垂卷軸我兄雖賢得嫂而傳嗚呼我宗

之光采風者載之國史維千載其不亡

鈍翁生壙誌

生壙之制始於殷飛廉宋桓魋而後世卿相大夫士及隱君子多爲之且有壙誌及壽藏碣銘或自作或屬其友作以爲達予曰非達也死生晝夜耳在晝言晝又何達之有於是鈍翁生壙成屬東使爲誌誌曰翁名琬字若文鈍翁其自號也江南長洲人汪氏自唐宋以來世爲徽甲族自始祖得遷居蘇數傳至翁其世系詳年譜中考贈刑部公公文舉年僅三十歿生三子翁其長也母徐宜人當

改事集卷十四

重

翁失怙時年十一仲弟年十歲季弟在襁褓中翁奉宜人教讀書勵志行內自重有守家貧未嘗降顏色向人句貨既補諸生試輒高等出爲塾師卽巋然稱偉人娶袁宜人夫婦共食貧益自奮淬崇禎末吾吳歲大疫翁家無擔石儲浩然有以自得也徐勿齋官詹翁族舅氏又贈公同年奇翁才推獎不置口蓋翁自少時爲制科業卽以根柢經術爲宗不隨流俗轉移旁及詩歌古文皆知古人法度不肯苟且下一筆同人知與不知無不敬畏翁者翁性鋏急見人小不善則張目箕坐嫚罵然出

於公誠交翁者輒推爲直諒多聞歲時從塾中歸以門人脰脯所入購書讀之雖宗黨有擁多貲自憲者公不一顧也旣連取科第釋褐戶部主事累官至刑部郎中以呈誤鐫秩補司城剛直不畏強禦多惠政都人至今思之再進戶部用才能出視西新關倉人人皆以清要待翁翁獨移疾乞歸卜居城之西郭及堯峰之麓葬其兩先人益讀書著述於其旁當道大吏求一見翁面不可得也在山中力學勤苦十倍諸生時又善強記過目終身不忘年僅五十著書益多務疏明經義旁及先儒諸說參稽異同求其至當每以喪禮廢壞乃著古今五服考異八卷綜核精詳多宋元諸賢所未發又深歎當世文章家好名寡實鮮自重特立之士故肆意褒譏是是非非不稍寬假凡浮華徵趣者至欲剗刃於翁而不知翁之矜憫流俗固期重相勉於實學也翁才識通練尤長吏事嘗分司大通橋條奏三閘及車戶利弊數事及爲刑部時斷一二疑獄皆引經據律見重於其長徒以剛介不宜於俗又患羸疾歸臥山中遂不肯出聊以文章自娛非翁本懷也嗟乎使以翁之材力丰采得大用於

改事集卷十四

重

世則漢中居嘉魏相唐陸贄其人也今翁既無志於用世則予言亦遂無徵矣嗟乎若其文章溯宋而唐明理卓絕似李習之簡潔有氣似柳子厚詩則游戲跳盪於范致能陸務觀元裕之諸公間而兼有其勝其少年時所擬漢魏六朝三唐諸體最爲工似近則夷然棄之不屑矣予以翁文章必傳於後世人亦以予言爲然然非深知翁者惟王尚書敬哉先生與東書云自古文人多不護細行鮮能以名節自立若文家居泊然有守若此此古今文人所難且能使嫉翁者亦稱之異口同辭可爲

改亭集卷十四

重

深喜此誠知翁者矣翁長子筠孝謹能文早世晚得二子微蘭側室張氏出穀詒側室司馬氏出壙在堯峰贈刑部公墓穴之右誌將成或曰何不遂銘之予曰天其或者使翁大用於世有功名於天下不可僅以文人之事銘翁也姑俟之

改亭集卷十五

吳江計 東甫草著 從孫 璣全姪 嘉禾 重編

清故山東登州府推官彭公墓表

彭公容園既歿之明年其仲子浞季子潑來京師持其父友同邑魏子敏祺所爲行狀泣而請予表其墓予向旣以文章受知於公不敢辭又讀魏子之狀質而詳乃爲墓表曰嗟乎以公之才而久宦不達止於李官中道而歿不竟其施豈不以黨禍哉前明萬曆初商邱有相國沈公鯉者持正不阿爲東林黨人魁與鄞縣沈相國一貫不合一貫黨

改亭集卷十五

十

世所稱浙黨是也及天啓朝東林黨人楊左高諸公爲魏忠賢殺戮幾盡而浙黨人與東林齟齬互起仆至明亡其禍比唐牛李宋洛蜀尤烈公夏邑人與商邱皆歸德府屬密邇公之祖諱端吾萬曆初以名御史累官右通政與沈相國善其同邑後輩有御史侯恂以忤魏忠賢及弟司業恪皆削籍旣忠賢敗恂特疏乞定逆案以六等分別治罪於是忠賢黨無不側目歸德人者而恂之子方域字朝宗尤才顧與公善自公爲諸生時卽侃侃好談門戶別邪正清濁且善爲文章美姿容工調笑士

論隱然重公既公已卯舉河南副榜乙酉舉鄉試已丑成進士筮仕得浙江嘉興府推官而方域雖諸生不得志然爲古文詞日益有名今世所傳壯悔堂集指斥魏忠賢黨人不遺力公與之交益愜公司李五年奏最旦暮且入爲言官矣而忠賢之黨在 本朝初年尚有爲京朝官者夙與公祖通政公不合而其子復爲言官遂誣公以倪氏科場事奪公官既事累訊得白補登州府推官然公自一跌後雖復精勤稱職而意常鬱鬱不自得竟沒於登州嗚呼自明萬曆初至明亡入 本朝將百

改亭集卷十五

三

年矣而黨人子孫脩怨隙無已其餘尚如此其烈豈不可畏哉公官嘉興時執法詳明辛卯爲同考官稱得人多磊落偉異之士至登州適當賊干七之變勵軍實嚴戰守具弭大亂其功尤鉅故事昭雪者例得合算前倖卽量移而忌者復尼之使公官嘉興時不一跌公卽不壽亦早爲言官多建白一吐其氣豈遂鬱鬱以歿哉深知公者未嘗不感慨歎息於黨禍也敏祺狀引龔尚書孝升贈公詩曰法曹樞李知名早誰上東都黨禁書可謂知公矣端吾生中書舍人堯泰公泰之第三子也娶

倪氏子四人浣浣溶溶俱爲邑諸生或補國學生浣浣知名於時其他詳狀中

前明諱封太僕寺卿宋公墓表

當明世宗朝有以衛經歷抗疏列宰相嚴嵩罪狀廷杖戍邊冤死者曰山陰沈忠愍公鍊公以進士起家溧陽縣令治行天下第一嚴肅簡潔於所部士不安交一人獨敬愛諸生宋玉峰翁邑有疑事就翁取一言以定時時屏車騎過從索酒飲至夜分若布衣交然兩人終不一言及私時山陰有王文成公之徒錢緒山王龍溪各以其所得於文成公者講學聚徒滿東南玉峰翁復從之游討論其所疑而一化其同異他學者咸以趨逐聲氣爲講學名高而已翁獨孜孜求自得於性命以聞之師友者力行之家翁父南渠翁有子四翁其仲子也叔子平湖翁與翁同補邑諸生力學勵志行每試高等邑人稱大小宋教授子弟甚盛小宋病翁身治湯藥衣不解帶小宋歿翁哭幾絕遂獨居而遺其室謝與弟婦異同臥起無何吳又死孤女六歲翁子之逾己子破產以嫁季弟愚溪能力耕翁有負郭田悉舉委之而以已教授廕廂所入佐其不

改亭集卷十五

三

給愚溪欲析產翁愀然不樂不得已乃自取產之
境瘠者而以良田與愚溪南渠翁年六十而歿母
黃孀居二十年翁事母至孝凡衣食浣濯酒漿溫
煖必率婦躬親惟謹或偶出歸歸必宿母榻前伺
眠食其敦本行力孝弟類若此歲大饑斗米千錢
家幸有宿春十餘石一夕爲里中惡少年盡盜之
既跡得翁喟然曰少年無賴至此其入猶可自
新若遂攻之其人終身已矣我何忍以十石米棄
人終身竟不問餘姚有葛生傭書死於溧因殯焉
殯敗見其棺翁歎曰斯人也吾嘗一識其面改棺

改亭集卷十五

四

葬之生子一卽世所稱起岩先生山鄉貢士令粵
南之新安翁誠之曰弗假朝廷以作威福弗虐小
民以逞喜怒及起岩先生年且七十矣父子相見
肅然一言笑不輕假翁不命坐不敢坐也於書無
所不窺晚歲尤愛農圃醫卜及日者之言皂帽方
袍悠然自怡年九十無疾而卒後學列其行誼於
督學使者祖豆宮牆配謝氏賢季起岩先生年九
十時恐先德不傳特著翁與謝太母行實一卷會
孫中允公藏守之顛沛必與居崇禎甲申三月十
九口流賊入京師中允公倉皇將赴難以死抱此

卷授愛妾楊氏使保護得無恙己亥八月東猶得
讀之於中允公寓其文凡數千言予所述什一而
已然可見翁之生平不愧爲王文成門人沈忠愍
友子孫賢貴數世不衰其本如是翁姓宋氏名檄
字子震江南溧陽人

前明誥封太僕寺卿前新安縣知縣宋公墓

表

起岩公姓宋氏諱臣熙字堯咨江南溧陽人積學
勵志行能詩古文尤工書法年未二十補邑諸生
年四十餘以諸生貢入成均年五十始試爲廣東

改亭集卷十五

五

新安令新安濱大海海常溢民貧不能治生產獨
以漁爲業故事每一漁舟入海納一金歲可得三
千金吏以故事告公公愀然曰民吾子也子貧無
恒產至以性命出入風濤中求衣食爲之長者忍
袖其金乎悉捐之民皆感泣公癖好詩歌訟庭無
一事獨坐堂上攜頰苦吟胥吏皆匿笑罷去時時
問邑諸生有能詩者乎曰有則揖其人入與賦詩
歲時餽獻無以供上官怒且罵曰爾出身明經也
敢爾乃大索公罪狀無一得及大計注考語曰文
學甚裕政事稍疎又曰知賦詩不知民瘼吏部遂

左遷公郴州學正去新安之日囊無一錢新安民相聚號泣釀金伙公買舟紆道行萬里抵家凡經兩粵三楚山水峭拔奇麗動盪可喜可愕之處公上奉老親下携令子停橈登臨憑眺益賦詩得佳句卽長吟自豪家人譙讓之曰以好詩失上官意今奈何尚好之公笑曰我失上官意不在詩舟至桂林資斧竭乃解束帶脫婦簪易米過肇慶水急舟空不能行乃載石三尺許壓舟以歸至今園中有載石堂卽此也至郴郴山水亦奇公益與諸生嘯咏不輟曰學官不當賦詩耶已改王府長史去

改亭集卷十五

六

郴貧不能行諸生釀金送之如新安民舟過鄂渚公雅不欲之官荆有賢侯仲良擅詩名好客固留公曰王國官無事公且止其修東平梁園故事何如公爲留一年賦詩甚多乞歸不復出時公父玉峰翁年九十矣翁無他子然遇公甚嚴厲公童時受六經三史性理大全資治通鑑唐宋諸家文集於家塾必讀全書成誦乃已年七十執父喪哀痛慕戀若孺子亦年九十卒生一子卽太僕公也太僕公之以孝廉官中翰贊畫閣部孫公軍事公實勉之行旣行而公病病中寄語太僕公之友總兵

官茅元儀曰煩公誠吾兒戰陣無勇非孝也故太僕歷官兵間二十年卒能以忠勇自奮於功名贈公以三品京卿中允公復舉進士第一甲官官坊識公者謂足稍吐公氣嗚呼明有天下幾三百年至嘉隆時官人資格益重雖三塗並用然所用獨進士耳每計吏視由進士起家者則以恣睢爲能以靡茶爲循良以簡率不事事爲廉潔率得好官躋清要視其人山科貢起家者則以勤敏稱職爲躁進以循良撫字爲無能以潔清自好爲不知吏治率左遷去以故公道不行吏治日壞至盜賊滿

改亭集卷十五

七

天下而國遂以亡嗚呼可歎也公旣忤時貧困以老公之子雖以孝廉官卽署歷監司洊至卿貳駁駁乎通顯矣而明且旦夕亡公之孫成進士不一年逢國變幾以身殉嗚呼亦何足以吐公氣哉公居鄉敦孝友睦姻族勵友誼其懿行不勝紀紀其服官之大節且以誌官人重資格之感云

祭楊太公文

東也不佞生長鄉僻同里之人渺見寡識獨翁次公天挺英特與我先君實同硯席東也繼之惓然相得然於心膂未許膠漆庚寅之秋里有訟獄惟

翁父子義形於色同在郡寓剝芟而食次公捧芟
淚滿胸臆予驚問之次公對曰惟我父母年老齒
蝕每秋得芟予則剝之以進二人顧我怕怕今我
母歿獨我父存見芟思母痛傷我心予時聞之哭
不能禁我父之歿已越五春孤兒何恃茶苦伶仃
自愧無狀重負親恩我聞經云順親信友不意我
友近在鄰佑乃深相結默然神厚凡有商榷必就
相剖憂樂相依形影相湊以翁高年倚子如手令
子館穀遠則難久乃以我子辱承師保晨昏不遐
欣然相就翁愛我家語不去口翁望予成何啻慈
母去年之春翁年八十同人胥慶詩章秩秩東歸
自燕觀翁於室相送竹林清疎蕭瑟手持長髯喟
然歎息似感興衰意不順適東敬慰翁若翁遭逢
亦復可喜有子有孫兄兄弟弟書聲機聲相應如
駛孫更有子四世具邁且俱令人無整鄉里濁酒
一壺佐以三史欣然倚樓四望烟水雲起雲滅洋
洋纒纒我觀世事如此而已公乃大笑子言良是
聞言曠曠若去我病何期一疾脫然隻履老成典
刑謫焉往矣今子病中哀且幾毀東忝同心愛莫
能止臨喪一慟與昭格只

改亭集卷十五

八

祭冢媳孝貞宋女文

嗚呼痛哉以我之不德天降閔凶使我賢長子之
不祿也以我子之故致我冢媳以名門淑慎之季
女守貞十年皎然不奪悒悒以歿也我子之歿我
媳年十三耳當童穉之年即聞喪神悴能長齋矢
志歸命空王祈天減算不激不回從容大義久而
愈神晦而愈著以予所聞媳嫺嫺之言及尊大人
所作之傳若我媳者豈非天下之奇女子乎使我
子我媳不相從早世我母及我夫婦有此佳兒佳
婦承歡晨夕誠天下之至樂也衰門薄祚遭此鞠

改亭集卷十五

九

凶我固宜然獨是我媳生不及事我母及舅姑而
死後猶能以苦節偉行爲人人所稱道光榮我單
門映曜我長子此誠我媳之至孝而非衰門薄祚
之所易得也嗚呼痛哉我與尊大人每相見必切
切言及我媳終身之事尊大人每言我女志既如
此欲送至君家撫一嗣子長依姑嫜以畢此生其
言絕痛至戊申五月初六日同往穹窿山歸舟風
雨我與尊大人憑欄密語移時專爲我媳也其言
猶歷歷在耳東所以堅辭尊大人者誠恐媳一至
我家我母及病婦必崩心痛哭且至傷生故再三

堅辭至重負媳貞烈之操不奪之志使媳不永其
年也嗚呼痛哉古今未嫁之女聞夫訃而慷慨引
決者載籍多有然未若我媳之從容蘊藉得情義
之至正使人思之爲賢於慷慨引決者嗚呼媳之
德甚厚舅姑不能爲報汝姑自聞汝喪日夜哭泣
左目眚矣今將來哭撫婦棺招婦之靈歸於我家
與我子合食於祠堂且卜吉地合葬且謀立後之
事使媳夫婦蒸嘗有所憑依嗚呼庶幾媳十年來
絕痛之隱衷不可以告尊親者今或可於夢魂之
中一告姑嫜乎歿後將百日矣冥冥之中果見我
子乎我子至性純孝之子也與媳將尋幽婚之時
我在潁川曾見夢於我今復久不夢見矣我媳其
爲我語之嗚呼痛哉

宋恭人誄

井序

宋母王恭人者吳門國子監祭酒宋公之室明相
國王文恪公孫女太學王公晉女也以康熙戊申
十二月五日卒於京邸東時方再困於吳興未之
聞也已酉二月見我座主朱先生與我同年繆修
撰書云首春有自京師來者見我家司成與某公
書自署期服殊可怪意者其有恭人之變耶恭人

改亭集卷十五

士

固善病然以恭人平日之孝於姑及母敬於夫慈
於下善教於其子及女內德無不備當膺景福大
年必無遽早世之理其傳聞之非信耶乃三月望
既庭來嘉興出祭酒公書示予始嗟歎爲信然矣
既又讀祭酒公所撰次恭人行畧能舉其大節至
行文尚體要可不泯沒其恭人恭人雖早世無憾
也嗟乎婦德之徵信甚難惟徵於其夫若子之言
及其宗族親戚所序述以爲信今觀我師中允先
生手書及祭酒公所撰次如此恭人之懿德與古
鍾郝之賢何以異况東與祭酒公兄弟定交二十
年以來東窮困之日居多感祭酒公兄弟解衣衣
我推食食我使人有知己之感然非特其兄弟之
賢蓋其母王淑人實能教其子友愛天下士而今
恭人又能繼其姑嫜之志酒漿佩服內相夫子使
能得天下士之心如詩所云知子之來之裸佩以
贈之者其功又何可泯沒也嗟乎自東與祭酒公
兄弟定交以來事宋母王淑人猶我母也則視恭
人猶嫂也以淑人之至德教其子於伶仃孤露之
中幸見其子俱成大名然年逾六十不及逮祭酒
公之祿養而歿天下痛之今恭人之持家事姑相

改亭集卷十五

士

夫教子其賢不亞於淑人幸已從祭酒公之後再膺 恩命爲恭人珈弗雍雍可謂榮矣乃年僅逾四十而早歿嗚呼豈天之報施善人皆不可信卽於婦人亦若是豈不哀哉東也念坤順之維艱覽行略而歎內則之云亡無以風天下之願爲賢婦者且感祭酒公平生之誼閱其中道喪此賢助雖朋友不能解其悼亡之懷也乃擬古爲誄之詞寄之京師其辭曰

我聞之易相業婦德厥有同揆柔順維則震澤作相春容博碩流慶孔長孫枝奕奕恭人之生式承

改亭集卷十五

三

門風蘭不虛鮮玉不虛斲三靈資懿四教視躬嫻詩習禮觸璫雖離相攸匪易字宋於對時大廷尉正色三臺繡斧所指碧血崔嵬忠乃見疑孤兒銜哀叫闇得恤匹也其才時維恭人于歸伊始敷歷憂勤勉勵彌至鳴旦儼與夕膏繼視翼顯先模勗哉夫子夫子有母聖善無匹恭人事之承怡不忒母也安之庭幃悅懌白華絳趺以佐琴瑟母一不豫湯藥必嘗附棺附身敬戒有方飭禮必虔飭聲允臧櫛縱其秩縈絲其芳闥闥之間肅若紀綱夫子安之免於內顧學成大醇曠首皇路簪筆彤庭

退食自暮統率成均廣育俊籲恭人京邸總持匡助洪纖具舉豐儉中度儉以律身不厭布素豐以敦禮克瞻親故驪泉多龍丹山多鳳誕教子女整肅嚴重俱有令聞仰成嘉種更詠南樛徵蘭有夢驚愛側出時其靜動笑則已愉啼則予痛至德中孚人咸颺誦嗚呼天乎德美若斯豈膺多福亦旣孔時貴爲命婦綸翟軒輻七彩六命親蠶佇儀不愧相門光其雲帟旣備壺範復爲母師令子珪璋三英燦兮指顧之間樂且含飴天錫介祉尚疑其遲如何不弔湝焉以悲天乎哀哉子皆未婚女有未字天何毒害遽奪其恃旅櫬京華日猶南視我聞恭人病且就治以聞母喪哀毀深至遂更纏綿迄於長逝安豐死孝家風不墜恭人已矣生榮死懿惟爾夫子長簞悽深望彼舊月神傷子荆撫諸蘭玉時睇音塵行將爰立 皇綸逾新追賁泉臺金渠松城生爲禮宗歿爲星精嗚呼哀哉

吳振六哀辭

有序

康熙庚戌正月杪東自秣陵道溧水崎嶇風雪中奴子南來致家書始知內叔振六吳翁歿於舊臘驚歎流涕因於道中追憶往時翁負文章重名與

改亭集卷十五

三

我婦翁扶九先生內叔今漢川令君有荻上三吳
之目與妻東金沙吳門諸先生繼應社倡復社天
下談士歸之如雲荻塘一水間賢士大夫過從者
帆檣相接常數里不絕翁磨定文章砥厲行誼三
十餘年既陵谷變遷翁自審於出處大節嶢然不
淄讀書學道泊然自守雖伯兄早世季弟遠宦翁
家居黜然深念然樂天委運總持家門姻黨食其
德間里式其教不異管幼安之歸青州龐德公之
隱鹿門山也東也蚤失慈父伶仃荼苦方父事婦
翁仰其教誨而婦翁復蚤世十餘年饑來驅我東

改亭集卷十五

直

西南北喘不得息荻上之跡歲不能一再至然耿
耿不能忘者謂尚有老成人惟翁是在東也倘獲
衣食裁足倦遊里居庶幾時時奉几杖以事翁如
事我婦翁也豈意東風塵之苦未得休而翁遽厭
人事而去不可復見乎東髻鬢之年與翁同爲嘉
興諸生同受知於學使者及諸公卿間故與翁追
隨尤密翁之愛予稱予幾於忘年忘分矣二十年
來翁既遂其拂衣高蹈之樂而東又以友人相壘
悞一廢不復振每至郡入省過向所從翁爲文章
受知當事之處輒愴然不自勝去秋翁六十爲壽

之日東載酒過翁與翁話疇昔之事東有悽愴之
色翁抵掌張目大笑謂足下亦少曠達之識矣予
愧謝不敏夫人能於枯苑窮達之際一不以動其
心則其視存歿如晝夜耳何足爲翁悲然我聞憂
能傷人不復承年此東所深懼以翁曠達如此亦
不得中壽豈亦有所憂傷而人未深知翁者乎是
則重可悲也爰爲哀辭曰

惟我吳氏世稱三鳳翁則居中德文嚴重儀型東
倫整齊維誦人地荀陳文章屈宋當其壯年文采
至湧受知宗工久歷庸衆及乎晚節翫易勿川樂

改亭集卷十五

五

志深潛怡神屢空年周甲子遂明噩夢溘然上征
如脫塵壘我聞翁喪寒水方凍旅人勞勞歸已春
仲奔哭遲遲不勝愧悚尊則有醪茗則有藪寒彼
蕙帷爲之一慟翁能鑒予庶幾無恫

改亭集卷十六

吳江計 東甫草著 從孫 璜全姪 嘉禾 重編

前明太僕寺卿溧陽宋公行狀

吾師溧陽宋熟稼先生未卒前手書諄諄命東爲其先太僕公行狀東以行狀固爲弟子者職也又重以吾師臨歿之言不敢以不敏辭獨太僕公平生事最多俱在天啓崇禎兩朝間多忌諱欲盡削不書則泯沒太僕公之志業亦非先生所以命東之意欲詳紀之則非東恒怯不敢作於大體亦未安益捉筆傍徨者久之益歎東以文章受知於先

改亭集卷十六

生至深而先生之委難於東者亦深念其難而命之嗚呼其可感也謹按公曾祖考南渠公諱某曾祖妣黃氏祖考玉峰翁諱檄邑諸生以公貴贈太僕寺卿祖妣謝氏贈淑人考起岩公諱臣熙歲貢生任廣東新安知縣郴州學正荆王府長史以公貴累贈太僕寺卿妣繆氏贈淑人吳氏累封淑人公初名獻字獻孺中萬曆癸卯科舉人當崇禎十五年以前公癸疏當上意凡奉詔旨曰宋獻云云十五年疏乞更名劄惡同賊張獻忠名也自後奉旨稱宋劄云云公幼穎悟天資絕人承祖父積學

改亭集卷十六

通德之後宗族皆以醇謹著聞公獨倜儻英桀才氣發舒奕奕不可遏新安公歷仕三楚五嶺間以廉吏不善事上官官旣不達而玉峰翁以九十老人就養官署公性至孝晨夕視祖父兩世起居道往來曲折行萬餘里服事惟謹然公亦藉以縱觀西南諸高山大湖翠峯澎湃奇形異狀恂恂詭倣之氣益張大其心胸結轡爲文章文章滿天下矣時邊疆事漸急公爲諸生不甚愛帖括獨好兵法討論邊事得失深去江寧不二百里時爲留京衣冠豪傑之士相倚寓甚盛公婦家爲永康侯甥公旣奉新安公里居時時至江寧徧交賢豪長者尤善茅元儀元儀者故茅坤孫有文武才負氣不可一世而家貲百萬愛客揮金無所吝方招聚天下名士著武備志凡數千萬言得公與定交同著書歡甚書成乞公序之獻闕下元儀以一太學生驟得官總兵公亦舉孝廉至京師京師人望見公皆以爲天下奇士然自甲辰至壬戌數困公車雖悒悒不得志而公留京師久所交游多建牙握重兵者益習知兵畧及邊塞事抵掌奮袖談若可卽見之施行又往往先事決勝負多奇中京師諸公卿

益聳異之而是時大學士高陽孫公承宗方兼兵部尚書督師視邊稔知公且元儀亦在孫公幕中爲心腹將遂疏請公以中書舍人贊畫其軍事從督師至寧遠卽以通馬市功詔賜中金貂冠當是時公才名震天下而魏忠賢黨駭駭用事有欲邀公以非常之遇者公深自韜戢適奉新安公諱里居間南游至吳門定交於周忠介文肅姚文毅張孝廉異度皆天下端人正士至丁卯公除喪已數月例當卽至京受官而公以瑤餒方烈賒伏不肯出至瑤敗始入都補中書舍人管理制勅撰文

改亭集卷十六

三

卽陞戶部陝西司主事又升山東司郎中管東江餉務節省金多奉詔褒敘庚午烏帥劉興治稱亂奉詔過海料理功最奇陞山東監軍道僉事再陞分守登青萊道布政司叅議時高陽和公亦再起督師巡邊公相與協力冀三四年可成大功而嫉高陽者併及公且以爲是與吳門文姚交好者思中傷之適丁母憂歸甲戌外計遂坐公以奔喪不待院批浮驟降二級乙亥起補趙州知州丙子調昌平州復以忤守陵瑤臣劾罷壬午再起承平府監紀同知卽升兵部職方司員外郎又升關寧津

登四鎮監軍按察司僉事召對稱旨賜中金綵幣又明年奉旨改海爲江管蕪湖采石軍事升太僕寺少卿朱幾明亡公卒於順治丁亥之八月葬於十月公生平歷官大節具在所著奏疏二卷楯藩一卷中又有過海紀畧一卷順義嬰難記一卷還萊始末畧一卷則補奏疏中所未詳者也奏疏二卷者其一卷爲戶部郎督餉東江及爲山東僉事叅議時所條奏兵餉戰守情形崇禎朝下其疏於部詔稱朱獻所奏多切實可行者是也時公但司餉不任兵事公縱知川兵亦無所試可哀也其一

改亭集卷十六

四

卷再起爲兵部職方郎辦理關寧津登淮海水師監軍時所條奏糧餉船隻進兵方畧也然是時天下事益不支大憂方在寇不在邊雖上論責成宋劫而有兵無餉事益不可爲矣楯藩者皆籌畫用兵諸書揭也始萬曆己未冬上書大司馬王公象乾預決廣寧敗始知名其後再受知大司馬張公鶴鳴輔臣葉公向高與臺臣徐公揚先樞貳岳公元聲論兵事書及議京營五防七鎮大畧與樞輔孫公往復劄記也過海紀畧者公督餉至東江烏帥劉興治稱亂公將以便宜擊擒之掣於樞輔公

自羊城長生島從蛇島舍大舟浮輕舸大洋中一日一夜揚帆疾行一千五百里抵關門夜半遇大颶風天海洞黑桅花俱折人人以爲必死而公靜鎮得無恙竟得謁督師受方畧又一日一夜從覺華越大洋行二千八百里抵登州他舟盡覆沒而公獨全此公忘身報國之奇節偉行其尤著者也順城嬰難記者自趙州之昌平道經順義屢瀕於死義兒馬忠負公得脫馬忠年七十餘尚在東猶及見之一短小老人也還萊始末者述官山東叅議時以母憂去官事也嗟乎欲知公生平者於公

改亭集卷十六

五

所著諸書可以觀矣以一孝廉崛起出入兵間者二十餘年負氣膽決瀕萬死不悔晚益能自奮於功名位至卿寺且以壽考與國同存亡豈不異哉識公者皆推公膽氣蓋天下其論兵家奇正虛實彼已誠僞若語家事使公得稍稍遇時管樂豈足道哉惜乎時之窮至此極也雖然公之膽氣實本忠孝至性逆激不能自己史遷所稱出萬死不顧一身之計赴公家之難非微倖冒不測急功名者比也配張淑人側室金孺人皆賢慎慈孝多隱德事詳中允公狀中子女孫曾男女共若干人

清故江西布政使司叅議分守南瑞道宋公

行狀

公歿後一年而公爲考官時所得士計東始收涕爲公狀嗚呼所得而狀者公生卒之年月日歷官之大概所不得而狀者公出處之義顯晦曲折不能自言之隱公且不能自言而況其弟子乎且公固自著年譜一卷矣始萬曆壬子初生之歲至順治己丑而止己丑之後公既不肯自敘爲弟子者又安從狀之雖然公旣命東矣東而棄公之命是使公不欲自言之隱終泯沒於天地間東之罪大

改亭集卷十六

六

矣按公諱之繩字其武系出唐宰相璟之後其來於深陽不可考公曾祖邑文學檄祖新安縣知縣臣熙皆以公考太僕公貴贈太僕寺卿太僕公初名獻後更名劼累官卿貳始生子多不育萬曆壬子太僕公以公車挈室至京師偕張宜人及金孺人禱於西頂山天妃廟遂生公公生而狀貌偉異顧盼英爽太僕公及張宜人奇愛之生旣數歲太僕公以知兵爲京師諸鉅公所器重不時時家居公亦不俟庭誡知讀書工儷句早見賞於丹陽賀尚書旣太僕公以中翰贊畫督師閣部孫公軍事

歷官戶兵兩部山東僉事叅議再謫補趙州公常從或南歸讀書舊京及家園或結交天下奇士或左右太僕公兵間才名滿天下然年二十猶困小試不得補諸生以入粟爲國子監生崇禎己卯始以詩經魁京闈癸未成進士殿試策名第一甲第二人官編修明愍帝所特拔也時太僕公再起職方郎監關寧津登四鎮水師事召對稱旨恩賜甚盛方大治戰艦於淮安而公以天子禁近臣時侍從父子通顯中外屬目明年三月賊李自成入京師公初不知愍帝之遽以死殉國也故不卽死

收事集卷十六

七

潛難髮緇衣日夜哭泣匿僧舍遂爲賊所邇得置軍中公誓死不屈故賊繫公急以十人守之諸爲京朝官平日雄貲財者無不受酷刑索重賄而公又特貧賤知之故亦不加刑也而公自念國破君亡當死且爲禁近侍從臣身不可辱伺賊守視稍弛乃趨道旁井中水入口溢復貫喉入耳聲聾然絕矣至夜半復蘇見一燈微明已臥地上徧體痛不可忍賊環坐切齒罵傍復有一賊爲公言公入井移時衆始知卽以巨梯及絙鉤百方出公挾公肩頂倒懸疾走數千步久之水自口耳目鼻中盡

出乃出血血漬盡方有微氣出鼻端又積灰尺餘置公偃覆其上自申及亥歷三時乃蘇公皆不知也翌日賊帥聞之自來視悉公求死狀慷慨歎曰爾新進士爲翰林不半載何不早降仍得官而自苦若此豈不愚哉然知公志不可奪亦不殺公凡繫公半月而賊大敗於王師率衆遁公遂南還弘光已稱帝江寧太僕公方督師采石蕪湖間而皖人阮大鍼驟用事欲鉤致公公絕之大鍼怒乃嗾誠意伯劉孔昭給事中周昌晉劾公在北京不死狀公將自詣闕辨而王師已渡江公歸家旋

收事集卷十六

八

避地隱浙西孝豐縣龍塢山山居巖崖甚峻公常獨坐雲霞中累日不得食時愛妾不能從居他山中爲盜所殺丁亥奉太僕公諱歸漂郊外有如園太僕公所憩也園中有隙地可灌蔬有水田百畝公自荷鋤驅犢或抱瓮汲或躬枯槔引水耕田自食當歲不登公與諸兄弟子姪嘗不能給晨夕然公時時坐壠上或一室中讀書賦詩晏如也時游吳門雲間過其宗人或至西湖扁舟往來寓山寺三四月常是時公同里人陳名夏方爲相與公爲同年又姻婭也欲招公出公絕不與通世祖皇

帝親政詔舉山林隱逸之士中朝文章薦公公被命逡巡道中不欲行既不得已至京師即拜官如明崇禎時於是公欲歸不得矣世祖皇帝甚愛公時時召侍從問公在前朝及家人事既爲日講官益見親近公益謹畏自飭丁酉春陞右春坊右中允八月特命副庶子曹公主順天鄉試有壘誤公怵惕日侍上然上察兩考官公忠法司推問甚急亦不相牽連也以因公壘誤奪五級降補檢討仍留翰林上眷不稍衰以日講官時時扈從海子大羽獵及瀛臺備顧問將復原官庚子

改亭集卷十六

九

十月從駕繼南歸旋奉勅同曹公編纂端敬皇后大事因緣懺各十卷將進御會世祖皇帝崩以年例外補江西叅議分守南昌瑞州公單車就道始至督撫大官皆以公起家詞臣又先皇帝講官最親近不敢以吏事苦公公慨然就事盡心以拊循百姓久之上官大悅然公委蛇罄折於督撫前良苦病凡三發度不能起命門人謁惟岑卽官署中治後事行李蕭然觀者莫不歎息中丞稍稍周之得歸至揚州留六七月歸里已酉十二月十一日卒自公歸抵江都至將歿東實從

具悉公貧病無聊狀蓋公自史恭人歿身無勝侍諸子及兄子來視疾者又時時遣去入其室如僧舍隨行惟一敝竹簾亦不置鎖鑰生平手自批閱十三經二十一史舊唐書及李杜韓柳諸集丹黃秩然友人見而請之卽舉以相贈不甚愛惜也公書畫妙絕天下天下貴重公書比於董文敏又善畫蘭竹及石人爭求之公亦隨手點染題贈無所吝與人談笑飲酒坦率不事儀飭然中酒不亂與人交輸寫心腹人有緩急呼公公必應已有急未嘗告人見後進詩文一字一句有才調或合古法

改亭集卷十六

十

者稱道不去口其人藉公成名既貴負公公亦不屑意也嗚呼東之遇公也晚自受知後時時侍公見公侍從世祖皇帝時卽風波騰沸公退食邸舍陽陽如平常及事已精神益怡或默坐治書畫或對客飲食博塞自娛自問湖變作公慘慘不樂卽山水登臨聲伎畢奏公神色愈黯然若有不釋於中者公詩集有柴雪詩抄數卷國雅集一卷於古文不多作作必簡嚴有法度在館閣中所撰內制冊文詔策等百餘首甚可觀自削其藁不存獨與友人往來書札三千餘首常命東刪存之得數

百首皆斐然有致其尤得意在己丑以後癸巳以前山林邱壑中與野人逸士論種菓樹力田灌園疏池養魚桑黍晴雨諸札東僭諸及門每極稱之公忻然曰此吾素志也我不得竟其志以此負先人嗚呼此可以觀公平生矣公子五人長圃邑諸生後更名震陞舉丙午京闈試次正次某次峙次溫叟俱邑諸生母弟之緼早夭以溫叟爲緼後孫三人長罔同能文公奇愛之嘗抱置膝上以屬東曰爾爲我曾子爲我教此子也泣不自勝嗚呼東年三十餘始舉於京闈爲詩經第二人公評其卷

改亭集卷十六

主

曰從文見道願以斯事長城屬子今東且沉淪錮廢於天地之間負公恩獨深今奉公命狀公而文采荒略如此又何以自解於公哉此東之所以投筆而飲泣也

清故中憲大夫內國史院侍讀學士曹公行

狀

曹先生諱本榮字木欣號厚巷湖廣黃岡人以明天啓元年辛酉八月二十九日生以順治五年戊子舉湖廣鄉試六年己丑成進士選授翰林院庶吉士八年授祕書院編修十年陞右春坊右贊善

尋陞國子監司業十一年陞中允十二年克日講官十三年陞祕書院侍講尋陞左春坊左庶子兼侍讀十四年八月克順天鄉試主考官取舉人萬嵩等二百六人九月克經筵講官冬以失覺察同考官不法事降五級十五年九月特旨復級十八年補翰林院侍講學士尋轉侍讀學士十八年甄別謹慎稱職改國史院侍讀學士康熙元年考滿稱職賜表裏各一三年請假回籍遷葬以十一月二十三日卒於揚州年四十四六年四月其爲考官時所取士計東再遇先生子宜溥於揚州手授公行述一卷命東爲狀又三年庚戌東將屬草適閱邸報讀刑科給事中張維赤請急舉經筵日講一疏內追述順治十五年九月上諭吏部日講官曹本榮侍朕講幄日久著有勤勞著復原職級云云以見先皇帝稽古典學久而不息所以軫念講官者如此東讀之泣下伏念先生之歿七年於茲矣先生篤志聖學特以樸誠孤忠上格於天蒙聖主非常之寵遇數年以來其事漸遠懼將失傳幸今皇上克繼鴻業復舉經筵大典俾得追述先皇帝眷念講官之旨以進於是先生

改亭集卷十六

主

講幄之勞始煌煌焉著於天下是先生雖死而不死也嗚呼當先生之客死於揚州也天下之士無論識與不識莫不歎息謂天下失此人師而獨蘇門孫徵君哭先生謂商周之際道在箕子宋元之際道在許子明清之際道在曹子其言誠不可易也當武王克商之後使非箕子蒙難正志述洪範以授武王則是禹湯之傳幾乎熄矣元世祖之時使不得許魯齋修朱子之正學倡教於北方則程朱之傳亦幾熄矣自喪亂以來程朱之旨慕蕪日久本朝順治六七年之間亦未有究心聖學昌言啓沃者也使我先生玩索性天之微奧釐定五大儒語要周張精義王羅擇編諸書倡率後覺則其後亦無足以備聖天子勤學顧問使大道復昭然於天下也凡此者皆守絕學於草昧經綸之日舉世笑爲迂遠不切之務而皆得聖賢之主以成其志可謂幸矣顧獨先生中道早世使不得竟其志爲可哀也先生始爲童子時於父篋衍中竊見王陽明全書晝夜探索至廢寢食常屏跡山中夜半月出鹿鳴雉鳴之聲接於耳先生坐至旦怡然有得及爲庶吉士遇館師胡此庵方講示明

改亭集卷十六

古

善之旨先生每聽其語喜曰何其似王文成也因與往復討論此庵曰子所言皆先儒之言非心悟獨得者與子何益先生由是益研究不釋每兀坐深思之不得輒泣下閱一年豁然大悟知天之所與我者在是而無疑也趨質此庵此庵遙望見先生大喜曰子今有得可以教人矣先生家素貧其自庶常官編修司業也僦居黃岡會館中三年四壁頽墮不蔽風雨布袍菜食家人不勝其苦有同年生從容語先生曰今詞林在京師一兩年卽請歸里盛冠蓋騶從出入輝赫爲親族交游光寵子何久京師自苦若是先生笑曰吾將以爲學也學貴滄泊明心使吾學有成一旦得以致之吾君使吾君爲堯舜饒樂困苦非所惜也聞者莫不笑先生之迂既先皇帝親政不二三年具如先生志蓋其志素定也爲司業時日夜以正學教成均子弟崇正堂冬至日會說及刊白鹿洞學規警迪後進所造就人才尤盛其應詔上聖學疏千言不具載載其大畧云今皇上得二帝三王之統則當以二帝三王之學爲學誠宜開張聖聽修德勤學舉凡四書五經及通鑑中有裨身心要務治

改亭集卷十六

古

平大道者內則深宮燕閒朝夕討論外則經筵進講敷對周詳從此設誠致行君德既定祈天永命必基於此有 詔嘉納踰四載 世祖皇帝益勵精求治右文稽古拔詞臣有學人品端方者克日請官先生與焉自是日侍講幄 世祖皇帝晝理萬幾夜勤訓讀時與一二近臣論辨疑義先生問無不對對無不盡起居未及注外庭不及知惟 世祖皇帝及一二近臣知之嗚呼休哉先生之爲考官也 世祖皇帝以順天爲首善重地特簡先生主考以中允宋公副之固有忌者矣後復有

改亭集卷十六

五

黃語觸 聖怒先生惟日夜懸孔子像對之涕泣自咎待死而已賴 聖主察知先生公忠無他罪狀與宋公俱從輕奪五級不踰年 特詔吏部復原官寵眷如故既遭賜湖之變先生擗踊哭泣嘔血遂病病於京邸二年始得請歸舟中每念 先皇帝厚恩未報輒痛哭語子宜溥曰歲在龍蛇予其已矣夫其病革於揚州也東自吳門自冰雪疾趨侍湯藥先生患中滿腹堅腫如鼓見東至喜動顏色指以示東曰昔許魯齋亦以是病死時有朱彥修且不能救況汝學問不及彥修乎氣喘急然

猶教東窮理盡性之學曰當知此道最簡易勿過求之苦難殁之日起就沐浴正衣冠視日影方中危坐而逝行李蕭然囊無十金之資會其爲司業時所賞識士陳祚昌守揚州爲治後事乃得歸其柩然無家可歸乃僦居武昌謀葬事生平所著書自五大儒語要諸書外有居要錄一卷此先生初有得於道之言非定論也有門人盧傳者附以襍著刻爲書紳錄十卷東與先生諸及門胡兆鳳輩以爲非先生志今其書已行矣兆鳳輩有切問錄一卷多載先生論學之語未行世又先生手定詩

改亭集卷十六

六

二卷甲辰春手授東東以授先生弟子孫光祀序之亦未行世大約先生之學其始入也從陽明致知之說直悟心原繼加以踐履篤實之功觀其論次五大儒以程朱薛文清與象山陽明並行不悖及二溪擇編之後附以陳白沙可以見公大畧矣其教門弟子也亦以程朱及陽明說因人天資所近而誘進之有從事禪學者以先生之學初亦從陽明入欲以異端虛無寂滅之學哂哂先生前者先生不答東直前叱之先生喜其人亦攘臂語東曰然則子何學東曰我生平愛讀小學而已先生

領之東嘗從容問曰今天下幸而前有朱夫子後有王陽明使心性之學昭然天下後世倘兩人不能先後生則誰爲天地必不可無者先生悚然厲聲曰寧無王陽明不可無朱子東躍然起拜曰聞先生之言今日乃論定按先生姓梁世居江西撫州宋德祐間有號仁齋者辟地黃岡上五里鄉曹公文廣家撫爲子遂爲曹氏始祖仁齋生世忠世忠生克斌爲總兵官克斌生昱昱生良輔良輔生儀儀封山東監察御史儀生珪中正德辛未進士官御史進大僕寺卿珪生雲龍太學生雲龍生美嘉靖甲子舉人是爲先生高祖美生士彥萬曆乙卯舉人四川定遠縣知縣士彥生之建號中甫以明經爲廣東四會縣知縣之建生大輔是爲先生考贈中憲大夫內國史院侍讀學士妣於氏贈恭人初娶李氏戶部郎中五美之女贈恭人繼娶晏氏吏部郎中清之女子一卽宜溥官監生李恭人出又撫同年漢陽譚公鳳頑遺腹子爲子鳳頑以己丑進士爲大理寺評事卒於京師生子之妾且收適先生曰不可使我友無後乃特置乳媪撫育之如已出都諫魏環極先生作古人交行以紀之

改亭集卷十六

七

先生卒譚氏子擗踊哭泣如喪父云

宋疇三行狀

亡友宋氏諱德宏字疇三世居吳郡高祖某官曾祖某官祖某贈某官父辛未進士累官御史以殉難贈大理寺卿伯兄御之仲兄今侍讀君右之疇三生爲侍御公季子頴悟若夙成且知讀書侍御公絕愛憐之然課誦不少假生崇禎庚午距己卯十歲矣侍御方持節按山東猝遇變盡瘁以身殉國凶問至疇三擗踊哭泣如成人從兩兄庀喪事惟謹時侍讀君年十五卽慷慨赴闕下陳公死事狀疇三家居從塾師受經益勤且能文矣服闋年十三旋補子弟員仲兄與同里彭子雲客朝夕淬勵治制舉業俾共事研席疇三志銳才敏不數月文益進仲兄愛憐之順治戊子仲兄舉於鄉疇三卷亦爲考官所激賞置副車貢入成均時文譽籍甚同人爭欲交驩之與仲兄有二宋之目讀書成均與族兄旣庭同爲長安諸鉅公所推重每一文成諸鉅公之以文章著述自命者輒置酒相歡賞以其格律可比擬古大家也辛卯偕旣庭同舉於順天一時翕然又稱二宋云時年二十二旣壬辰

改亭集卷十六

大

下第偕仲兄及旣庭南歸四方之士歸之如雲戶
外屢常滿詩篇筆札相投贈交錯於道天下望吳
門宋氏若漢汝穎間荀氏陳氏也疇三氣體清羸
心思周密於酬應事無敢忽日出門啓遠近同學
畢集敦槃高會夜分不休母夫人爲治酒食無倦
色疇三外應賓客內事母從兄晨昏志養恂恂抑
抑無幾微少年驕惰之色間至咸被其德化相勸
勉爲賢子弟每得一良友必以進之仲兄凡其所
獎舉仲兄必深信爲羽翼之乙未母夫人六十
疇三迫於母命從仲兄計偕入都仲兄旣以高第
爲常吉讀中祕書疇三復下第以念母遄歸歸途
聞母夫人喪哀毀幾至滅性同行者每聞疇三哭
泣聲皆泣下相歎重謂古曾閔不過也竟以哀不
勝喪體益清羸善病病歿血數年而歿年三十四
初疇三銳志聖賢之學旣於德性精微之旨恍然
有悟乃能踐履不懈行其所知於人情物理不少
自恣病急猶手抱性理大全反覆繙繹謂予曰死
生之際欲持此心甚難釋氏空談性命於已無益
惟此書言言可體會覺於此心去來皆有實際嗚
呼誠粹然醇儒之言也予與疇三同學十數年不

改亭集卷十六

九

知其學力之純正若此於臨歿時始知之嗚呼疇
三之學深矣豈人所易測乎歿時適仲兄在都門
疇三手自作書寄仲兄經理後事秩然皆有程度
友人臨其喪者莫不痛哭失聲卽平生以文會細
故小有同異聞其歿莫不感涕時盛夏仲兄聞變
從京師南歸疾走三千里抵家撫棺號慟哀感路
人嗚呼此亦可以徵平生孝友之至性矣有孤子
方三四月同人無不悲且喜幸其有後也而疇三
若前知者告於家人曰此子若不承年以兩兄之
子並嗣嗚呼疇三蓋儼然有後也於疇三何憾乎
平居見人一善稱之不去口旣病矣里中子弟猶
相聚爲城南社以文章求疇三疇三正之凡經指示
者其爲文皆有法度且有成進士者疇三之爲人
於内外文行卓然可傳說如此或謂疇三以人文
重於天下身歿之後求其所爲文章可傳於後世
者甚少嗚呼顏子黃叔度其可傳之文安在疇三
之必不朽者自有在而予欲以空文述吾友不亦
惡乎

改亭集卷十六

十

徐安人行狀

吾師虞山王比部先生喪其配徐安人過時而悲

久之而不忍忘手纂述其懿行命其門弟子東曰
汝爲之傳或誌銘東謝曰狀門人之事也傳及誌
銘東請爲求諸天下能文章之家東不敢承師曰
諾狀曰安人之祖爲徐振南公錢宗伯牧齋稱曰
城南徐孝子孝子之子良夫安人之父邑人亦稱
爲孝子與吾師之太公實爲中表舅弟令吾師就
學焉良夫奇吾師才遂以次女許配是爲安人崇
禎壬申安人年十八歸吾師時吾師之太公中恬
翁舉於鄉吾師亦補博士弟子員矣而家酷貧吾
師之母周安人氏家政勤儉嚴整安人晨夕侍立

改亭集卷十六

圭

周太君側小心翼翼未嘗見跛倚之色且黽勉有
無勞瘁與太君相共然鍼縷必取給於姑菜根麥
屑侍食姑前七箸間肅肅不敢有聲凡歸吾師十
一年而吾師成進士明年甲申太公宰姚江吾師
出守婺州父子仕宦相距百里間安人始秉家政
然猶事事稟姑訓每自度曰吾姑聞之得無不可
於意節衣食勤操作如始歸時雕軒炫服凡女人
相加輕脫狹媼之習不少留盼矇吾師曰我登仕
版數十年以清白吏自勉得免於評論安人有功
焉乙酉王師下江南安人將自富春覲姑於姚

江見潰兵出沒山谷問安人曰若今夕舟居殆矣
夜半傳呼叩城守者啓門而入頃之城外聞沸凡
舟居者皆遇害安人之明敏有識又如此安人生
一女數年未有子卽爲吾師置佐筵其掣家人僑
寓麗州也麗州人婦悍健有數十家不畜一妾婢
者見安人挈兩妾同居欣欣然如姊妹麗州婦人
驚相告或有感悟者始許其夫得畜婢生子延宗
祀安人之陰德遠矣不數年佐筵吳果舉子安人
喜之甚恩勤愛育踰於已出兒苦足疾安人日夜
撫摩治之萬方每爲涕泗橫流與嗣長子同受恩

改亭集卷十六

圭

撫始終無倦色又十年佐筵視再舉子安人益喜
曰我有子三人復何憾護視有加所生長女適錢
氏雖甚憐愛而訓誡嚴切不輕畀一簪佩曰使知
手製之艱難也癸巳吾師再登啓事應詔爲大
行丁酉爲京闈同考官得東輩十有二人安人家
居益宅家政事二人教三子俾吾師無內顧憂庚
子吾師以屯田員外郎權闕於浙再治河濟上安
人實從其在武林權署也尚侍立兩大人側一日
太公見其負病而立驚曰若容瘁甚其坐勿立自
是始命侍坐東聞之太公之口述如此嗚呼可以

見吾師家教之整肅有合於大易家人之卦義雖古呂中公榮國之遺訓何以加焉而安人居恒事兩尊人一味之鮮新一衣之輕煖不自私而進高堂先意承志曰吾父母之教然也宗黨皆曰此真孝門之女也康熙丙午春吾師以刑部郎中予告歸養會單恩安人與周太君俱受安人封秋八月太君舉七袞觴安人偕吾師暨吾師仲弟夫婦拜於上内外子婦孫男女數十人拜於下極驩浹旬吾師仲弟京國賢書之捷音至歡笑盈庭安人仰視姑嫜歡笑亦開顏一笑嗟乎詎意不踰年而太君病歿安人亦以病哭其姑歿甚遂從姑以歿相距二十五日耳臨歿謂吾師曰夫子善視吾翁於堂上吾從吾姑於九京善撫子女夫子事也吾歿無憾又以所封識箱篋一二提管鑰授吾師曰此紡磚機杼之所出也爲我均分子若女廡下之醢醢瓶甌鼎彝皆所手儲也一絲一縷整如也安人之勤儉勞瘁概見於此矣謹狀

嚴母顧太君行狀

康熙甲寅月日嘉興鄉進士嚴先生觀葬其原配顧太君於某縣某圩東次子默爲先生壻將爲太

東亭集卷十六

重刊

東亭集卷十六

重刊

君求誌銘於京師而先乞予敘述太君行實其言曰我祖與婦翁嚴先生爲兄弟交同學莫不聞大人以父執之禮事先生三十餘年我婦翁同母弟兩人與大人交又驩同學莫不聞我祖母與我妻母顧太君相敬愛如姊妹我母事我妻母若母中翰君之室贈孺人姚與我母相愛又若姊妹兒聞之熟矣今兒又辱爲嚴先生壻而我祖母我母又憐愛太君女之爲兒婦者逾於己女今太君既葬大人爲通家子禮宜爲之狀敢敬以爲請予曰默言是也按太君系出同郡平湖縣名族父某母某自幼稟承內則及笄歸嚴先生先生父今贈文林郎內弘文院中書舍人原任衢州府學訓導陞廣西武源縣教諭母今贈孺人某氏先生兄弟四人長豐生員早歿次卽先生字質人嘉興府學歲進士次勳字辰臣順治辛丑進士又次臨字覽民與予同舉恩貢官中書舍人先生生而食貧勤學勵志行旣爲家督上孝養父母下撫教兩弟如子多太君力贈公春秋高不樂遠宦又不事家人生產太君佐先生庀甘旨經營百方未嘗置絕宗黨稱孝婦旣先生兩弟才名赫然起天下稱嘉興三嚴

子所交驩皆海內賢豪高讌無虛日太君佐先生謀酒漿天下不知三嚴子爲貧士也贈公夫婦俱年八九十餘歿先生喪葬盡禮倚太君如左右手而中翰君又事兄如父事太君如母常泣謂予曰予生晚父母年耆艾又奇貧非我兄嫂力不能成立他日得分薄祿養兄嫂死不恨不意太君竟以勞瘁早世不及待中翰君之祿養也歿時年四十有七男子二人長某早世次都能文有父風桐鄉學諸生娶某氏女子二人長適海鹽朱氏某公子文學朱某次字予次子默吳江學諸生當明崇禎朝東南文會最盛每集輒千百人我先君不妄交游獨一見嚴先生支歎曰安得求友若嚴子質人者逾年定交乙酉先生奉贈公偕太君及弟中翰君夫婦避兵至我家我先君灑掃宅之西偏以居之又艤一舟同逃竄飢渴風雨驚怖患難兩家未嘗不相共也予時時從先君聽先生兄弟論文史及當世人物我母我婦同太君如妯娌歡笑或其絀績相勉以艱難勤儉之語及別也我母念太君而泣我婦念太君及姚孺人亦泣未幾姚孺人歿我婦哭之哀又數年太君歿予爲文哭之誦其文於

我母我母泣下今幸兩家爲婚媾太君女來歸於默我母念孫婦早失母不及奉教誨必爲述其母平日溫恭淑慎之德以勗之言娓娓重複可聽也嗟乎太君之有遺愛於嫻黨如此豈可無述乎謹狀

叔父文轅府君行狀

叔父諱台我祖第三子庶祖母張氏出與東生同歲我父字之曰文轅以文昌軒轅二星在台星傍也後改今諱曰遠其命意有足悲者叔生而端靜寡言不好嬉戲庶祖母又柔婉恭順我祖母愛之

無間言叔六歲與東同受章句於我祖年十餘學文於我父弱冠能屬文應試屢不利兄東與本乘兩弟俱舉黻補諸生默然自傷自此希復見諸姪矣我父臨歿時召東臨膝前囑曰我歿汝祖老叔懦弱不習世事我以叔屬汝汝事叔如事父東涕泣受命至今念我父遺言殷殷猶在耳也我父歿二年我祖歿家爨起叔析產日默無一言向東涕泗洟瀾而已既除服卽補諸生家爨復大作東爲請救於從祖需翁翁得免又五年一婢暴卒爨又作東長踴力爭於邑令吳公立齋訟庭吳公賢者

也事竟得白家益破氣益奪日杜門不見一人時讀易習五行命家言與人言禍福多奇中乞推測者益集叔亦不屑也戊申夏東從廣陵歸携鱖魚櫻桃脯諸物治具邀伯叔暨從祖從弟輩飲酒談笑酒半忽脩爨者攘臂毆叔父如雨下血涔涔塔除前倉猝出不意從祖及東力救得脫自此病脾經年醫者謂積鬱所致非藥石可療也遂以明年八月十六日卒年四十六歿之前半月東從座主宋中允公在嘉善夢中賦詩有明月滿床多涕淚之句因固請於座主歸視叔病叔曰我常中

東本集卷十六

重

秋後一夕死死時果月明如晝東哭不能止吾母語我婦曰我子蓋念我先君臨歿時之言也哭父也哭叔父耶痛哉東辱父命罪深矣雖然人倫不幸至此天也謂之何哉叔娶王氏生子男一人蔣女一人俱未婚嫁以屬東東爲蔣娶婦李氏卽我母從弟女女嫁陳文莊公族子正心嗚呼我叔一生醇謹無大過愆鬱侘僚終其身不獲見其開口一笑而死所以詳叙其致死之狀者痛叔之無罪與叔知東之不振沒其實或開口一笑於地下也嗚呼痛哉

歲丁亥二月吾友計子希深再來澤郡出其尊人甫草先生文集贈余余把愛不啻拱璧也蓋先生與家新城大司寇公爲忘形友公每稱述先生具不世才其著作作直可信今傳後而年逾五十遽賦玉樓識者咸追悼之余方恨未及見先生得先生集如見先生焉旣而循諷累日深服其經緯史學有原本而辭之雄放不異萬斛湧泉其神韻悠揚體製緊嚴則又廬陵南豐合爲一人也近代歸太僕而後日中實罕其儔因嘆新城言不我欺而轉憾讀先生集之不蚤也今年夏與希深坐對山

王序

亭詢及集中何獨無詩希深輒涔涔淚下久之乃曰某家故貧力不能刊遺書而問之世曩者古文一編商邱宋冢宰公撫我吳時所刻也其詩彙曾爲中州胡觀察繕寫將付剞劂以罷官遂寢其事十餘年來某耿耿在抱者唯此余急索其存稿閱之分體中兼以編年凡先生生平遊踪暨所交友蓋歷歷在焉昔杜少陵險歷岷峨阻臨湘夢讀破萬卷詩稱當代史山陰陸放翁過終南陟巫峽讀書尚友老而彌篤故其詩多而且傳以先生好遊凡所至山川莫不吟咏又其所與酬倡皆一時名

公卿擅著述手宜詩與文醇而肆盡若此也余雖
不及見先生而先生不悅在我目前乎則余又釋
從前餘憾而竊喜不自禁也適希深以秋試往金
陵余因出貲屬其歸而鏤版庶後之讀改亭集者
洋洋大觀而家新城公聞之當亦粲然一笑用慰
人琴之感也夫爰信筆而爲之序時
康熙戊子七月古晉後學王廷揚拜手撰

主序

二

改亭詩集目錄

卷一

五言古

雞鳴詩六章

兗州旅次感懷

六月虞山王先生招遊南池登太白樓有

作奉呈

望夕聽同門魏山公彈琴感舊有作

夢煥回覽氏

示兒子炳

改亭詩集目錄

贈吳崑崙郡丞

和炳詩示姪某

梁園觀同人迎謁合肥龔先生

朝歌道中逢行遇雨二首

送梁侍御日緝蚤發鄴城

酬宋右之繆歌起二首

走筆寄汪茗文

題黃復仲畫冊二首

戊申二月十七日讌集汪蛟門見山樓下

同王築夫雷伯顯孫豹人郭飲霞宗定

九王仔園劉玉少程穆倚孫無言華龍
媒韓醉白查二贈吳仁趾許師六許力
臣汪湛若汪左巖汪叔定分酌限陶詩
聞多素心人樂與數晨夕奇文共欣賞
疑義相與析余分得相字

清明後一日師六招遊園中卽席有作贈
力臣師六

想想園作

讀嚴丈子問嚶城新詩有贈

廣陵五日讌集作有序

改亭詩集目錄

二

季冬十一日曹司農先生招同施愚山參
政暨曾道扶司李項眉雪大令夜集齋

園

十四日倚園先生招同施愚山陳默公高

阮懷項眉雪遊鶴洲

夜再集畫溪閣聽張濟甫度曲呈司農公

江寧奉酬施愚山參政

聽黃子石話河南朱太守登嵩山絕頂

章邱旅中漢陽李子仁熟自歷下貽予書

有答

送胡濤公自穎歸徐州兼詢閣古古先生

暨萬年少孝廉令子

爲寄筆公題畫

汝陰別新安汪治五

壬子三月朔渡江行淮泗間口號十首

贈徐原一太史

贈許于王侍御

又贈許不棄

太保敬哉王先生招飲豐臺觀芍藥得詩

四章

改亭詩集目錄

三

京師送孫豹人還揚州

秋懷十一首

初冬院中晚步

鹿皮裘初成志喜自述

菊花影

初冬院中月下聞歌

月下自作

十月十七日夜對月

十八夜待月

十九夜見月

贈別侯止庵

作送止庵詩畢偶問吧瞻知李叔則明府

已歿因追悼韓聖秋兵部暨亡友雷伯

顓杜杜若東雲雛劉客生兼柬孫豹人

王築夫李天生王山史

冬日蚤起

可嘆

老驥

黃綿襖

大裘軒

改亭詩集目錄

四

贈閻中魏惟度

奉贈古古先生

讀莊子六首

題光山闕使君晉霞畫歌

十一月初九夜對月

早起

奉別天雄書院後鍾楷

通政張公席上分韻

贈灤州守孫柳下

遶西過李廣射石處二首

發遶西西行言懷

墜馬宣鎮城南

盤谷車行

漁陽道中遇雨

卷二

七言古

濟南名宦祠中肅拜先從祖大參公木主

感賦

過滄溟先生墓作寄嵇爾遐明府

登白雪樓有懷滄溟兼憶王謝宗徐梁吳

改亭詩集目錄

五

諸公

酌突泉

濟上喜晤李杞瞻感述一首并贈王貽上

汪茗文宋牧仲

梁園讌集觀合肥公卽席賦詩

歌別彭定夫

別徐恭士長歌

別陳上舍送之白下

排悶

首春宴集王敬哉先生青箱堂卽事

歌贈彭中郎

古藤歌孫太原柞庭席上作

宴故少宰胡公谷園卽席歌和胤倩

賀宋聲求新婚

送子邁遊秦中歌

率贈永年傅庸菴

投贈吳明府

研瀆草堂歌爲費古心戶部作

宜山堂歌爲溧陽彭廣文作

贈別友人

改亭詩集目錄

六

別盧龍孤竹山堂後三松樹

又贈別文起堂前一松

羅郎行戲贈弘載

六月二十四日我吳相傳爲荷花生日漁

陽道中值此有感而述

卷三

五言律

渡大河

寶應城外

淮陰偶見

日暮同子曠望黃河

河水至放舟出閘志喜

送春

出都次日二首

良鄉道中遇寶應李素臣有贈四首

曉行

過雄縣

任邱道中廻望西山有感

呈宋座主

白楊

改亭詩集目錄

七

梨花

道傍見落花

梁園月夜懷門人吳靄徐欽

追哭侯研德宋疇三

初夏從宋座主讌集陳孝廉園林四首

七月十四日潁州坐月

夢芝翁夜過

城頭

九月十三日月下偕劉凡輩作

次原韵奉酬徐文學二首

九日同人集公定齋中次韵

九月十三夜月下坐文昌閣傍寄張孟深

九月十八日夜雨有作示門人劉凡劉崑

劉志崑志岑

送子端至兗州省親

庚戌除夕

送張州倅二首

塗中清明日遣悶二首

慰繆天自

發都門將之盧龍二首

改亭詩集目錄

八

通州城外二首

乘車

偶作寄妾

將自盧龍至宣府曉起有作

七月朔臥病宣鎮城中二首

七夕二首

七月初八夜聽雨邊城有作寄內

宣府逢立秋

新秋同弘載子重陪王公夜話

不寐

彈琴峽有小序

過鷄鳴山沿桑乾河畔馬上作二首

昌平城南作

北歸

冬夜月下光祿卿席上作四首

癸丑元日杜門旅館二首

讀邢州詩有懷集中張韓王惲崔鳴鶴趙

培基諸同年兼悼鉅鹿楊猶龍先生

別邢州國士書院後大槐

郭氏園亭沙隨同人讌集

改亭詩集目錄

九

八月十五夜廣平院中讌集主人吟杜

詩薈州十五至十七四首予因每夕次

韵和之

十六夜玩月

十七夜待月

泰東申鳧盟兼寄觀仲隨叔二首

冬至前一日重發天雄至京師是夕宿魏

縣二首

魏縣夜行

曲周道中

發曲周縣

過邱縣境

夜過廣宗

威縣車中見月哭龔芝鹿先生四首

月下懷朱六茂卿時聞在廣州

夜入南宮縣界擬寄鄭司直提學宋中郎

大令

冀州詠所見

蠡縣道中

安州道中

改亭詩集目錄

十

御城寺二首

過清苑有懷同門樊天木

過安肅城外擬寄梁明府

前詩方就祀瞻與梁明府並馬而至

夜入容城

又咏椒山先生

周安道中寄京師董三弟方南

近京

旅夜不寐成二首

雨雪遲成升不至兼示電發

卷四

五言排律

入國學觀禮聞雅頌應大司成教三十韻

贈濟州太守李燮五

八月十四夜同梁侍御日緝於許酉山家

對月八韻

贈嚴杜峯侍御兼呈瀨亭先生

八月初十日爾成張先生署中對月十韻

送同年賓侍御按籬兩淮

汪恪菴大令招遊女郎山次壁間李中麓

改亭詩集目錄

十一

太常韻

阻暑却寄張大參十六韻

贈周櫟園觀察

贈佟與京二十四韻

劉公定招遊郊園看桂花十韻

贈子登二十韻

祝大參方公二十韻

雲起樓聯句

併序

贈同年杜肇餘學士三十韻

贈李湘北侍講二十韻

觀祀瞻射獵八韻

高陽縣過故相國孫公宅十六韻

容城哭孫徵君十四韻

曉發固安至京師呈督學王公

上梁大司徒公二十韻

贈龔伯通二十韻

再過東強題官署壁擬寄吳大令

卷五

七言律

南還

改亭詩集目錄

圭

夜泊青縣

贈陳其年

允展成司李永平詩以贈之

舟阻汶上次柳公竈韻答贈

哭吳扶九先生

山塘同人夜集

將至都門有作寄侯研德陸麗京俞右吉

諸子

寄內

任邱旅壁見嚴方貽辛丑四月南歸醉題

一律次韻和之

濟上春雪堂作二首

毘陵薛憺庵久寓平原茲遇兗州因作小

詩寄平原諸友

暑夜集李燮五太守署中兼贈其兩嗣君

元公和公暨館甥周靈固

濟上喜陸生山宗從遊

宋中送丁飛濤祠部遊金陵兼寄周櫟園

觀察

贈侯仲衡

改亭詩集目錄

圭

投贈呂誠之比部

哭侯朝宗

奉呈張爾成先生次見贈韻

鄴城中謝茂秦山人

將過蘇門山謁容城孫鍾元先生於夏峯

莊預爲投贈之作

秋興十二首

有序

哭王恥古都諫二首

忽憶

送隱嚴禪師遊五臺

雨過見西隣園色因憶家園口號

夜集嚴旣方舟中

廣陵旅次過曹子仁悲喜交道口占二首

追悼徐侍御僕陳啞子口號并序

贈登封令葉慕廬同年

答吳虎文

立秋日有作與潁州諸同學

公定齋中看菊次子登韻二首

別慧湖感賦有序

準提菴再贈恒印兼寄懷劉子洪病中

改亭詩集目錄

十

夜示劉凡暨劉昂諸兄弟

次倫諫原韻奉別

爲丁生賦催粧詩

答寄公祇考功

別潁州張孝廉

再步廬家池

贈廬尚方

雞鳴

卽席代贈

馬上倦甚欲臥恍惚見茗文贈予一絕句

知君風雨能相愛孤竹無忘用子春忽

驚醒遂失前二句

子幾戲索贈句擬少陵切體一律

玉田道中

豐潤道中遇雨有作呈王公

灤州道中與弘載同車有作

將至盧龍次沙河驛言懷

七月望後宣府偶成二首

過昌平州望天壽山

居庸關

改亭詩集目錄

五

懷來城登樓

雞鳴驛讀王公和詩奉呈

秋夜不寐戲爲放翁體

壬子除夕

上馮相公二首

答李劬菴二首次原韻

贈劉宜人編修

送杜子靜太史還里

卽席贈許錦文

聞七夕有作

壽菊廬詩四首 有序

月夜代蘄水姚九兄送友之揚州

代友答姚九兄次前韻

九月魏博次杜陵夔州九日韻二首

發衡水至深州三首

排悶

次吳盛學使贈占占丈二首

通政張公拜

御賜黃白魚麋鹿等物召 東共食卽席限韻四首

首

改李詩集目錄

去

因侯使君至臨清寄柳公隆

雨中家居喜李山顏令子約山枉顧草堂

有作兼贈山顏次賀葉星期韻

卷六

七言絕句

馬上吟十首 有序

代述怨辭四首

豫讓橋

湯陰道中絕句四首

感傳四首贈史三兄

見西隣柳色因作憶家園口號再戲爲一絕

沈繹堂憲副招同諸公宴集卽席和陳飢

倩十四首

戊申首春廣陵族次潁州寄伊菴司法招

同張玉甲大參泛舟平山堂宴集晚歸

口占八首

聽隔牆擲箏聲忽憶二首

婁東王奉常招集某公園亭遇蘇崑生有

感舊事卽席成二首

改李詩集目錄

去

廣陵喜晤王奉常烟客先生口占二絕

送胡翹羽同年六首

哭宋迨之絕句十首呈座主宋中允公

同李武曾遊金陵雨花臺木末亭二首

汝陰劉將軍招飲慧湖十首

劉子登招飲四首

對蘭有感再成四首

立秋前一日子僑招飲池亭五首

七夕飲寧筆公劉子端家四首

送寧益賢筆公至湖湘四首

贈恒印和尚三首

庚戌冬夜排悶四首

和汪鈍翁歲暮雜咏十二首

盧龍客邸與楚友述往事因追悼亡友梅

惠連黃敬淪曹石霞王亦世得四截句
存一

偶題

卽席口號送侯明府歸秦中四首

遇陳謫公三首

改亭詩集目錄

大

改亭集卷一

吳江計 東甫草著

男 從孫璜全姪嘉禾重校

五言古

雞鳴詩六章

雞鳴亦何長其聲叶官商
肅肅振汝翼喈喈殷我
肅人生孰宴息天地迷行
藏披衣起中夜仰視天
茫茫

雞鳴亦何悲其聲如變徵
膠膠復膠膠慷慨不可
止賞音獨有予起舞亦何
事舞罷天未晞淚落連
珠子

改亭集卷一

雞鳴何鳴咽其聲帶冰雪
斯時雖早春餘寒未能
別威人啼不休息氣空騷
屑倚枕聽沉吟我爲汝
擊節

雞鳴亦何亂其聲轉茶苦
豈欲脫汝時朝陽刷毛
羽鳳凰千仞翔一去不復
顧啄粟汝何求哀鳴亦
何補

雞鳴既不休羣鳥皆啾啾
明發坐隱几攤書名窮
愁捫蝨王景畧牧豕平津
侯蝨予我與居豕乎我
與遊時命苟未來遲暮難
爲謀

咄咄汝南雞汝今不得啼
啼聲有遲速憎汝各有

宜驕人憎汝速愁人憎汝遲不如藏汝舌高樹長
幽棲

兗州旅次感懷

昔賢時未遇浪遊亦落重耳出亡久曹衛恣輕
薄蔡澤將入秦釜鬲遭奪掠主父困齊趙日暮歎
空索穆之索檳榔一飽無所託何當微風起魁豪
奮寂寞勲華耀天家恩榮頗揮霍鳴鐘召賓朋冠
劍分入幕越女與吳姬明粧映珠箔顧盼烟雲生
咳唾珠璣作意氣何足誇聊用洗蕭索丈夫但視
息神龍等尺蠖遲速會有期前途莫相度悠悠行
路心南風寄然諾仰面事貴人握手語同學他日
遇中原慎勿忘此約

六月虞山王先生招遊南池登太白樓有作

奉呈

有唐三百年詩家各林立其中最魁傑子美與太
白兩賢俱薄命遭逢同怛鬱麻糍走寒灰幾月官
禁掖樂府奉荒淫沉醉自輶置泊乎困末路依人
給衣食何期千秋後聲光轉輝赫任城介中原自
古爲望邑兩公盛年時先後來作客白也主季真
意氣相相得金魚爲換酒痛飲盡一石甫也遇許

改亭集卷一

二

改亭集卷一

三

薄小船泛溝洫旅况頗寒酸青瑣憶家室遊蹟至
今存題詩滿碑勒酒樓壓層城睥睨傍危壁遠眺
見湖山烟波蕩胸臆南池接河流夾岸垂楊碧
舊吐清芬花葉燦如拭池樓兩相映兩賢屹相匹
悠哉懷古心沉吟爲太息伊予來涉上官牆欣繞
膝恩知難具陳逸興陶永日置酒池亭間朋好任
所適飛觴互斟酌諧笑恣往復我聞古河朔高會
必三伏更爲碧筒飲清涼却炎暎爲歡迫良朋醉
歸已及夕池邊浣花翁樓上竹溪逸風流未銷亡
魂魄猶可卽何以脫相贈琅玕雙綵筆我將繼遺
轍著作返麗則誰非右文時文章實華國持此報
淵源庶幾展萬一酒醒立中宵天漢當空出

望夕聽同門魏山公彈琴感舊有作

昔我友湯子琴心美無匹關雎尤擅長老手歎莫
及我時從之學累月忘寢食高山流水間徽音猶
脈脈吁嗟我友以悵然鍛六關囊琴不復彈十年
空挂壁性頗嗜絃歌時時在胸臆識曲聽其真斯
人逸難卽丙申得雛姬產自湘江北少小解彈箏
青衣抱錦瑟更有廝養婦生長王謝宅能傳南九
宮明慧善自匿兩人同刺繡閉閤辨音律隱隱度

曲聲側聽且歷歷予時最怡悅聊用獨愁疾嬌絲
與急管競奏滿庭室既已愛新聲古調坐相失迴
顧舊懸琴慘淡無顏色一從喪賢子淚灑西河赤
所欣久棄置雅鄭俱不識良朋名宴會每若落魂
魄愧忘公瑾顧誰掩田文泣今我來師家春風散
餘憾魏子同門生亦有絲竹癖後堂隔絳紗吟弄
私自得季夏三五夜明月將東出迷迭蕤幽香清
輝照几席同好三四人列坐娛今夕誰爲據梧者
慷慨燕南客逸響入雲霄密意貫金石促柱再三
彈星稀見昂畢四座皆極歡我獨向隅泣舊事感
中腸似聽山陽笛况有臺門痛沈綿疇能釋太上
貴忘情我何爲情役

改亭集卷一

四

夢嚴四覽民

思君亦已久昨宵始入夢相見無一言相持只長
慟哽噎難出聲旅僕頗驚動醒來淚覆面拭涕憶
沉痛壬寅歲將盡我喪賢長子爾來百里外衝寒
渡江水三日留草堂哀慰極深至示我詩四章晶
晶淚盈紙老母爲增悲病妻哀欲死好友結良姻
厚誼當如此昨冬我出門君已久燕市瀕發到君
家呼見君令嗣綰髻甫勝衣翩翩好容止問方讀

何書答云讀秦誓應對敏且恭阿爺念不置余笑
謂更生阿默爾舅良可喜異日汝成婚葭玉兩相

倚到都敬慰君君卽有髮色云昨見家書兒病已

多日我今滯京華便欲求祿食豈真愛一官勢亦

有所迫念兒重煎懷去住難決擇予時繹君言沉

吟爲酸鼻三月中旬初柳條颺新碧予去遊山東

君住仍京國相去漸遙遙想思日悵悵何期惡耗

至君嗣忽已沒承訣父子恩得官復何益君懷卽

予懷煩冤炙心骨仰視天青青浮雲踰奄忽榮華

彼何人降南獨此極積想昭精誠一夢豈易得我

改亭集卷一

五

之賢長子爾子舊相識重泉倘相見提攜我子職
哀哀各思親幽明路終隔痛哉爲人父蚤歲不努
力但知輕去家憔悴久爲客可憐所嬌兒未獲長
繞膝兒病父豈知父行兒雨泣薄德動天怒一舉
碎白璧還思餘慶理小善勉自積浦珠可卽旋微
笑三生石

示兒子炳時歸自山左

汝家胥江西我寓胥江東相望隔帶水相思日過
從渡口立斯須入暮多悲風明月雖在天灼灼見
江中爾時送汝歸慨然意無窮汝攜一卷詩良辰

自從容我方懷百結紆鬱將誰通冠冠既已誤壯
志俱成空藉汝寧我懷努力振衰宗乘時須大畧
觀幾貴沉雄服食尤所重養身若喬松我與汝園
基長嘯懷八公

贈程崑崙郡丞

大雅我所懷斯人誰與伍我友顧茂倫每言程少
府詩文也漢唐經術本祖父結交徧九州觀書歷
三古佐郡出南徐風流滿北固山東王阮亭稱道
亦如顧游洞勞我心停雲結情懷昨從廣陵還帶
甲繞瓜步榜人橫索錢擊汰日已暮空攜阮亭書

改亭集卷一

太

未獲謁當戶正月梅花開寒裳再趨晤冀倒中郎
握握手慰積慕我師隔江阜時以菊圃夫子臥急
假一葦渡歸帆倘從容春風倚芳杜

和炳詩示姪某

時年九歲

猛虎生三日氣欲吞全牛宛馬甫墮地志欲凌九
州自古稱聖童周時已不伴聽啼議英物撫頂知
公侯咄咄見子某吾愛同琳球梨棗不解視萬卷
日旁搜未遑毀齒年自命高千秋屈指古將相口
若懸河流能譚王佐畧頗識興亡由耽書類孝標
蚤慧同楊脩天若老其才居然第一儔自我三年

來胸懷結窮愁竹林在吳會誦炳許共文酒遊不
期又得汝我思良悠悠二月芳艸綠與汝登層樓
曠觀元化理萍蕩誠難求汝其葆光華速成非所
謀

梁園觀同人迎謁合肥龔先生

白日爛平原長風動高柳衣冠忽雲屯相逢大道
口馬行並駸駸伏謁若恐後何事爭朝宗伊人世
希有飛鳥望茂林勞魚樂深數德心如未弘羣趨
詎能受英盼感新知情話娛朋舊單寒多志士一
顧思矯首精誠淡倫教神界敞戶牖緬昔吾友言

改亭集卷一

七

景從良非偶胡子彥遠云先生廿年來不特風雅
折爲羣賢景從而至性亦能使志士心

朝歌道中蚤行遇雨二首

曉起望太行層雲積如霧北風扇微寒淅淅響秋
雨主人起留賓牽袂請少住我懷嗟孔棘去去勿
復顧出門衣裳濡僕夫色如忤雲中叫鴻雁平原
走狐兔霜寒天四垂望遠心滋懼古戍見道旁稍
覺愁顏駐辛苦結中腸人事多錯互疇能念勞人
征衣已非素

清霜猶未降朱柿已離離愛彼顏色好使我心神

怡短垣繞嘉林老叟起荷鋤瞻天望雨色似畏雲
氣疎我家北牕前橘柚亦相如計時當漸熟我母
立踟躕念子在遠遊悵然發長嘯

送梁侍御曰緝蚤發鄴城時八月十五日

落月猶在天星軺已風駕送遠立河梁秋風動桑
柘荷公下士心齒牙肯相借仰望林慮山峨峨冠
中夏俯瞰漳河流滔滔復東瀉慷慨高深問誰是
憐才者賞音貴知希斯人誠大雅

酬宋右之繆歌起二首

和風扇寒江還周愛同春草木爾何知含暉亦欣

改亭集卷一

八

欣獨有失職士坎壈多悲辛祗因京華蒙袂避
故人升沉既殊勢寧復悲乖分何意華簪友握手
情彌親宿好豈言外真意欲相成再枉奇文贈屢
見杯酒清宵晨劇言笑箴規荷深情感遇我雖悲
對君心自平室中列佳樹粲然枝條榮爲問冰雪
時於何託其根念此忽展眉揮杯發高吟

明發感知我淒然不能安一吟黃雀詩淚下如洗
淵寡諧世多忤營已詎非難拳拳愧高誼委懷許
爲殫臨觴心已醉何必杯行寬傾耳飽德音況復
羅盤餐得酣就君臥中夜起長歎凌晨思載陽出

門望雲端朝瞰照敝裘何處藏愁顏依賢重惜別
所慮盡君歡

走筆寄汪莒文

陽春已三月雨雪忽蔽天倦客厭京華重寒結幽
燕獨坐空齋中蕭條對殘編念我生平交浮湛殊
天淵爲郎富才藻彫腴何翩翩清言世所重品題
隨風宣我今若窮魚塊獨想清泉歎息汨泥塗徒
步慚自前無嚮寄此曲此曲悲難傳

題黃復仲畫冊二首

吳興諸名山越皆賜姓計披圖羨麗農慨然念先

改亭集卷一

九

世安得買山資及爾同高憩

天豈憐故侯種瓜俾蚤熟風雨長荷鋤辛苦媚幽
獨頗畏青門喧移根此山隩

長松望無際中有魯公橋誅茅就橋住雲氣常瀟
瀟古人我不我遐因君爲大招

戊申二月十七日讌集江蛟門見山樓下同

王築夫雷伯顓孫豹人郭飲霞宗定九王
仔園劉玉少程穆倩孫無言華龍媒韓醉
白查二瞻吳仁趾許師六許力臣汪湛若
汪左巖汪叔定分韻限陶詩聞多素心人

樂與數晨夕奇文共欣賞疑義相與析余

分得相字

良辰及今夕高會君子堂和風扇几席梅花坐芬
芳嘉賓既翕集美酒各盈觴譚言展微妙意氣皆
慨慷文雅萃吳會奇傑來雍涼共此蕭灑人隱見
無低昂坐久意彌洽燦然燈燭光客問夜何如主
稱夜未央告歸獨予遽惜別情難忘徒步悵踟躕
仰視天茫茫明月夾丹霞玉盤若金相念昔公謙
詩咽然不成章

清明後一日師六招遊園中卽席有作贈力

改事集卷一

十

臣師六

莫春風日佳旅思多煩憂殷勤荷良友招我出郭
遊名園俯少城綠楊臨長流飛花綴奇石杯竿含
清幽談諧互往復高言結綢繆不知白日暮簫鼓
看歸舟緬惟繁華地千古惟揚州况當載陽時烟
月堪淹留何以客子懷蕭瑟若悲秋交情見貴賤
倏忽同雲浮今日斗酒會明日溝水頭三復白頭
吟淚下不可收君家好兄弟令德難爲酬努力挽
頽波斯人更何說

想想園作

明發懷我親禮貴思所嗜優乎若見之庶以慰我

志廣陵孫廷尉精純共爾位遂初歸東山園林力
難致遂令邱壑資悵然託遐思况當歷官時秦蜀
曾出使名山與大川星軺多觀記心胸益曠曠結
撰俱專寄想園聊命名可以見深意令子稱肯堂
念此恐失墜夙夜慎登臨遊屐不輕試想想昭精
誠園名滿天地臺池水木清禽魚游泳恣於心既
易成於物亦無忌我昔客廣陵愛其大都會陶朱
倚頓家金碧燦塗墍易主俄頃間多財適爲累何
如方寸間經營無不備緬彼瞻父心無忝清白吏

改事集卷一

十

贈詩和同人永言誌景企

讀嚴丈子問嚶城新詩有贈

先生嚶城詩蒼涼而古直結志在良朋慷慨貫金
石嚶嚶水雪文羈旅聊自得爲憶宿草吟先生舊
著宿艸
音海內歎舊德至性多纏綿亦足感鬼域今復詠
新篇風義宛如昔惓惓懷友心垂老不忍逸猗歟
嚶城中人物冠南國我生雖恨晚曾入侯黃室最
喜共五侯談諧浹晨夕幾道尤直諒責善見膠漆
遺書猶在篋寶之若拱璧研德稍和輒忠告頗縝
密風流與雲散一別不可卽誰意魯靈光記原看

獨立觀其序翁詩字字有典則廣陵炎蒸時展讀
尚未畢悲風從空來披襟愛蕭瑟驚怛知先生再
灑西河泣彼穹雖酷烈神理難遽釋不見卜子夏
年壽百三十子孫與門人繁衍無終極六經得傳
家十九卜氏力以此祝先生冀一開顏色

廣陵五日讌集作 有序

寧都魏叔子禧長安王榮夫巖三原孫豹人
枝蔚泰州鄧孝威漢儀欽汪舟次楫皆天下
駿雄魁傑之士僑客廣陵舟車之衝人物輻
湊諸君獨擁書鍵戶不妄徵逐非深相知卽

改亭集卷一

三

當世巨公不往一見禹航顧亭巖先生自其
祖父總持聲教歷先生父子四世矣聲位通
顯益折節下賢士故他貴人所不能致者皆
來集辛亥五月四日會飲繡鶴堂先生寓也
諸君既至先生故人程叟穆倩與病來孫無
言往淮陰故不果來浦潛夫以論易就先生
章子淇上孫子嘉客西泠舊耆舊同先生來
遊東先生年家子朱雲卿董方南從先生遊
者飲酒至醉各稱詩紀事予退而賦章如賓
主之數紀人物交遊本末俾後之觀者有所

考焉

禹航嚴夫子瑰瑋天人姿正色立大廷昌言坐巨
時奕世繼通顯折節彌謙卑樂善發中懷論文若
等夷能傾窮士心朝宗不復疑薄遊來廣陵天中
屆令期置酒召賢豪極懽結敦匝坐多少微星稜
稜白鬚眉各有最真氣感慨長深思嗟乎今之人
營已日孜孜官高漸畏客畏客窺其私如公淡蕩
人峻廣無不宜高山深水間吐哺以爲師 右贈禹
航先生

改亭集卷一

三

當世天下士多在布衣中魏子來深山意氣沉以
雄兵法航左氏著論才無窮本是管葛儔自擬龐
德公文不遺屠販謁不先王公灼灼雙眸光顧盼
羣倫空文章雖寄志矩矱求其工良規時往復羈
旅相過從勉旃抑龍性從容俟微風吾聞贛州田
嘉穀畝百鍾躬耕梅川邊川水日淙淙 右贈魏叔
關中王先生行年踰六十窮老不自安著書轉汲
汲羣言共求如秉道獨卓立體要既堅凝格律且
嫻習煌煌碑版文嶄然自成集昔者與雷子 士並
稱文章伯直言糾予過令予常感泣今予來廣陵
雷子不可卽先生形影孤况值飢荒迫賴有固窮

節一飯必審擇譬之朱鳳來棲啄皆典則何幸遇
斯人握手三歎息右贈王策夫

蕭蕭焦穫公肅肅含秋氣家世來西秦風流潮河
渭和輒非所甘吐詞必剛毅澹堂三四楹責善來
同志咸陽有李生念慈宣城有施氏閔論交頗不輕
於公盡兄事愛其胸懷間寂寞多高寄予亦因李
君得公不我棄深談出處義灑然脫予縶麋鹿臥
長林潛魚樂荷芰天地本寥廓人生自拘忌安得
從公遊嘯歌嘗自恣右贈孫豹人

鄧子富文藻健筆鸞龍鱗足跡半寓內奇才漸能
改亭集卷一

馴北至汝與洛南踰越與閭登臨極冥搜山川見
精神作者既自命刪定今詩人正雅竭揚厲偽體
芟荆榛耳目一以滌雲物瞻清新頗憶吳興遊正
氣能嶙峋開口罵鼠子銜鑒澄羣倫至今逸老堂
風流識天真右贈鄧孝威

吾夢匡廬山十年不得往蒼蒼五老峰茫茫在天
上我愛汪子詩十年結心賞爽氣從天來過江實
無兩誦詩思其人不見心養養既見將何如翻令
心慨慷以子才非常風騷藉引獎俯首帖括中意
氣難偶儻何異雲中龍繫之在塵網何時凌雲翔

縱子在滌蕩右贈汪舟次

凡今讀書人宜令略識字曾聞韓公言凜凜心如
悸雕刻博古文筆畫窮所自金石久不磨因之析
疑義學子功所資豈得嘗小技穆倩於斯道超然
有獨至何況虞山翁投贈為心醉黃石楊維兩忠
魂周旋結深契三復冬青詩凄然出涕右贈程
伊予年十五學為塲屋文每讀章子作名言劇續
紛成誦苦不熟夏楚煩先人憶此三十年今乃識
君身感舊歎倏忽相看倍酸辛更詠贈友詩大雅
稱扶輪今人貴客氣格調期先民詆毀宋元詩以
改亭集卷一

為不足珍誰識元遺山佳句美無倫右贈章洪上
孫登蘇門山慨然發長嘯牆東王君公心跡表雙
妙吾友耽棲尚薜蘿愛窈窕高視復簡言觀機若
埋照交君亦已久愛君能守約叶歲寒天風吹斗
號滿羣竅峨峨千丈松聳立西山嶠慚予若茅靡
因風作啼笑右贈孫嘉客

維昔草昧初兵力窮西南軍吝得浦君畫地能深
談秘計人不聞功成已不貪酬功宰百里清譽滿
湘潭一朝拂衣去彭澤貧能甘窮年著周易理象
同深探賞音得君宗盡出篋中函景純遇向秀深

源過劉惔知已荷不遐何必藏林嵐

右贈潘潛夫

渺渺昆明池風流在天末人物倚英奇萬里自相

接朱君本新安大儒之枝葉祖父開南天盤江建

旌節遂爲滇南人傑起振門閥文筆何翩翩流光

自睇睇廣陵盛人文第一稱汪楫子能與定交其

才必相埒相見頗恨遲惜別情逾熱

右贈朱雲卿

少陵有詩去他鄉惟表弟其弟本庸人旅中尚相

倚何況我董三才華著斐薶弱冠與計偕文舉且

鵲起失母家又貧辛苦樹風義人稱翟方進經術

當自致我聞董生祠舊在江都市努力崇先模遺

改亭集卷一

七

風子可繼勗哉征邁心夙夜予與爾

右贈董方南

予本熱中人十年遭棄置譬之太史公一朝割其

勢豈不愛婦人事已無可覲漢令貴黃金凡罪可

贖貴公寧甘一割苦爲貧所制生平好豪俠結交

徧當世緩急羞告人誰復知公意此時有晏嬰解

驂贖國士不待公呼求公割庶可已願爲晏執鞭

公意乃如此誰能聽此詩禹航嚴夫子

右自叙

季冬十一日曹司農先生招同施愚山參政

暨曾道扶司李項眉雪大令夜集齋園

不圖嚴寒時晴和若陽春連宵復明月驂望娛心

神駕言適永水展靚迨良辰夫子許升堂滌滌名

園新珍木方含葩奇石相嶙峋中厨出豐膳促坐

情彌親宛陵來高賢東城召嘉賓共此談燕樂豁

達意俱中夜靜月逾皎天高淡無塵仰視昂畢間

星文氣何振將離且佇立後期重諄諄服義兼醉

德感懷難具陳

十四日齋園先生招同施愚山陳默公高阮

懷項眉雪遊鶴洲

良會難再得鼓枻欣從遊風吹白日匿南湖渾寒

流登眺且極歡嘉樹環中洲列坐老梅下清言交

改亭集卷一

七

獻酬卒讀雪中詩颯然起繁憂何艸歎遺黎七哀

感荒邱風人惻隱懷觸目皆窮愁何況茲邊氓安

集煩深謀行厨羅圓方進酒清且稠坐客還秉燭

永夜期淹留現獨吟公詩我淚不可收

夜再集畫溪閣聽張濟甫度曲呈司農公

莫烟凝湖堤漁火映脩竹倚徙亭臺間遊興亦已

足移樽小閣中避寒聊就燠主客再飛觴痛飲盡

一斛酒酣真氣生樂往悲來觸座中老何戡頭白

工度曲急絃唱高言萬事悲轉轂茂陵金盞空銅

臺芳艸綠勞生竟何爲天地同局促歌罷客俱醒

霜花滿林木

江寧奉酬施愚山參政

去年隆冬日遇公駕湖濱論文一握手傾倒若有神爲言兩年前山東遇李君亦當冰雪時談讌至夜分每語必及子嗟嗟真殷勤李君忼直士意氣非徒云以此頗知子思得交其人予時最顛頓事多遄迫感公文章伯領袖斯人倫盼睠豈虛設磊落欲自振從公放鶴洲高會來嘉賓老梅古樹下小閣還逾新白頭老何截度曲多酸辛司農既掩袂四坐皆沾巾相從且極樂爲樂忽踐踐公復

改事集卷一

太

念我寒解衣語諄諄子爲負米出何以慰老親固窮行自易錫類言何仁別後不一月公詩再相存勉我飽經術立言期大醇展卷數百字道氣厚且尊予方急衣食佗傑走風塵朝馳瀨水畔暮宿篁澤潯著書帆檣間艸艸非雅馴累公品題重負公則許真俛仰愈艱難努力將奚因何幸歲方匝復遇公白門拜公逆旅中低頭愧難陳爲別非不久我道仍無聞依賢竟浮慕望古徒逡巡山高無極水深深無垠願公終吹噓寒谷回其春爲畫謀食資杜門養經綸安知十年後我無席上珍大哉

烈士懷可賤不可貧

聽黃子石話河南朱太守登嵩山絕頂

每笑杜工部兩賦望嶽詩岱華俱未登恍惚望見之稍待與會當恒怙何遲遲快哉河南公勝事天下知治行既第一著作多經奇登眺展逸興聳身千仞期既遊玉女盆復攬崧高碑攀躋凌絕頂偃仄窮巖巖直上四十里縱目曠無涯雲霞生足下風籟爭相吹二客不能從上合坡僊辭我友嶧山君道力頗未衰如何亦告誥十里僅相隨公獨攜令子奮袂無所疑苟非曠世懷茲事難言之我今

改事集卷一

十九

愧入維亦有嵩華思躑躅欲前進快公真我師詠斯作紀事且爲杜老噲

章邱旅中漢陽李子仁熟自歷下貽予書有

答

君爲貴公子惻惻能憐才得書感君意珍重瓊與瑰森森雲夢澤奇氣相往來摘文起雄風奕葉承蓬萊人地如君稀顧盼凌雲臺猶然歎落抱璞何當開幾年不握手相思亦悠哉我今遊山東伊人期朔洞遲我青玉案酌我黃金壺高唱續南皮極眺倚岵嶭嗟予將母心怒飢等條枚援手望知

已知已情難裁永言思報德不敢惜涓埃

送胡濤公自穎歸徐州兼詢閻古古先生暨

萬年少孝廉令子

與君相逢時溽暑氣如蒸把酒西湖傍几席每青
蠅君今別我歸益褻皆堅冰歲月去甚疾客程感
友朋白頭風塵中辛苦嘗撫膺畫擬荆與關詩追
武與陵篆刻尤古意頗盡金石能多才不救困意
氣真難憑遊子驚歲晏且復還家門努力事生育
祝君繁兒孫徐州老先輩我愛古先生更開萬孝
廉有子才崢嶸君歸爲我言念之不勝情淮水到

改亭集卷十

手

穎水相望長盈盈

爲筆公題畫

山深吐屑雲水清見白石偕我同心人抗言共晨
夕謾謾聽松風松身一千尺誰爲種松人念我浮
邱伯

汝陰別新安汪治五

閭閻有真士斯語良不誣我來穎尾久感子抱區
區藥物每攜餉然諾共勤劬覽彼宋清傳意氣當
無殊將別發長喟我懷難爲輸溧母激淮陰風義
千古俱聞君多令子夙夜敦詩書茲邦利如錐在

昔工時趨春華與秋實昂哉願相扶

壬子三月朔渡江行淮泗間口號十首

京口櫻桃花可憐白如雪杏花夾雜開春陰自相
結

江南渡江北十里初擊節江北望江南浮雲心斷

絕

柳條無改色不似江南春東風莫搖曳愁殺憶鄉

人

可憐甘泉山高不滿百尺山前當壚女自許好顏
色

改亭集卷一

手

春水受春風倍覺春光好自從渡江後野曠春水

少

淮西地苦瘠何得似淮東烏巢桑樹上人臥馬槽

中

底事愛風塵年年悲遠道平原日如灼何處生芳

艸

父母生我時抱我避風霜生年近半百年年大道

旁

天長四郊好頗動江南思桃花深淺紅簇簇垂清

池

姜子西漢哀桃花篇真成絕妙辭此曲聲最悲賞音惟我知

贈徐原一太史

昌明誕俊又京國羅宏才鬱鬱天下士高會黃金臺瑤琨待剖琢簡帙充條枚惟皇重得士詆諆天紘開簡在慎主司帝實知公才朗若白日照準若朱絲裁又若諸星辰大小含斗魁含文出號竿脫屬窺蓬萊進賢答國恩豐功多所該丈夫盛志願此願豈易諧公其益保茲有客依壚培四十方強仕際時能立身射策登甲第容與鳳池

改亭集卷一

三

瀆衣凝紫殿香足躡黃閣座天笑時眄睇風度彌清新一從持衡後龍門望嶙峋同朝並令季樹人盈成均聖世多瑤璣半作崑山珍峻廣各有宜陶淑裨斯人丈夫盛志願此願豈易伸輻湊在君家至樂誰與倫載吟將仲詩五色天門新時將

禮部

疇昔二紀前載筆從君子敦盤集文讌邠莒隨執耳每荷陽春歌慶和及下里師門展依依從瀨水謂深陽朱瞬息三四年公去天尺咫下視泥中人蟻螳莫能理念舊不遐遺感哉從此始我聞

德施厚天其介福祉景祚何有涯躋祝以延埃贈許子王侍御侍御為提學副使許公諱子

伊予年十一搖筆為文章健如初生犢跳蕩不自量小戰偶再北便覺心德惶吾師主文柄赫然來浙江崇禎己卯春拔我童子塲踰年再校士賞譽倏非常呼予曰神駿歎予才無雙自此大有聲交遊起輝光風塵三十年勞悴復顏唐遭逢似時序一暄還一涼到今如隆冬雙眉甘潛藏惟是操翰墨意氣激昂南遊論禹穴東登耿扶桑北游暨宣雲西顧窺咸陽姓氏走萬國空文在四方同人

改亭集卷一

三

紛愛忌總非心所詳舊恩銘夙夜千載永難忘音容雖可憶夢寐終茫茫何意茲入都得登我公堂公也我師子家學肩青箱人望久台輔起家自循良執法三殿中丰采冠神羊昌言屢屢拜正色肅紀綱指顧腐異數霖雨沛巖廊東忝門下士欣感結中腸願言効惻惻矢報昭穹蒼豈如李商隱遙窺東閣牆獻詩紀疇昔吳詠慨以慷

又贈許不棄不棄為我友有介子吾師王史提學家孫于王御史兄子也爾為名父子又作名臣孫爾生雖早孤叔父振家門孝友及兄子成立見深恩讀書京華中努力事

晨昏當爲天下士志欲開心源我聞隆中人依叔
家中原廣才且養德令名萬古尊我愛謝車騎勲
業開戎軒乃叔謝安石教誨多苦言解其紫羅囊
意氣彌自敦師古在兩公願子心長存愧我實迂
戇昧昧爲此論永念爾祖德感激矢勿謾無以申
報効贈言胸獨捫

太保敬哉王先生招飲豐臺觀芍藥得詩四章

負米客京華庾釜須主人周防從所主束縛同衆
賓旬日不得出跼曲含苦辛夫子真知予招招冥

改亭集卷一

圭

芳晨得請便據鞍飄飄踰城闕朝暾照單衫和風
扇餘春昨如檻中猿今如淵中鱗暫此脫拘忌浩
蕩見天真

騎出右安門皇居展郊甸曠若離樊籠恍然心神
變平疇滿綠蔬雜樹鳴紫燕草色長菰蒲荷葉開
池而更喜夏苗新參差水田徧何異歸故林鋤耕
事游衍長堤行移時豐臺望中見碧陰送馬蹄下
馬就清讌

名花八面開中央一亭子身坐萬花中爲歡亦已
侈深紅與淺紅雪白與深紫堆若開層樓燦如散

霞綺碧葉挺青莖奇葩半含蕊極望何能窮廣輪
亦難紀平生愛看花名園幾倚徒無如今日游此
樂不可止況復看核佳易州酒更美盡永憺忘歸
城門迫日晷

夫子善論文峻廣兩得宜人人望龍門各各慰所
思杯酒接真氣高談無偽辭茲集諸君子我皆能
識之錢君善三易毛公愛賦詩陳朱天下士學殖
皆吾師嚴陸飽經術稽古擅析疑介弟司馬君文
采雄當時懿親有陳倅溫雅同追隨強半少微星
來赴尚書期出處共懷抱語默互箴規嘉賓意彌
歡賢主禮無虧醉德坐永日不畏言歸遲今日良
宴會何如習家池

改亭集卷一

圭

京師送孫豹人還揚州

頭白京華游蕭騷不得意不能爲翁謀相見每增
媿一聞賦歸與晨起心如醉以翁工文章投入難
爲媚去去且自寬不暇計鈍利秦中帝王州廣陵
商賈地翁家二者間樂上誰可寄久客廣陵人但
得稍贏餘不爲衣食累閉門讀我書俯仰頗暢遂
乘車彼自高戴笠我亦恣人情畏逢迎我道足引
避永日行修塗歸矣慎復出念我遊子身莫慰貧

交志

秋懷十一首 在順德廣平兩郡使院中作

大火老益驕金柔且懾伏詎知進退機時序暗相
逐柔者日以堅驕者日以盛微涼生靜夜爽氣動
林木志士每風興感此愜幽獨衛青方爲奴平津
尚畜牧遲暮何足悲時會不可卜

獨坐明月下仰觀高樹巔枝葉何葉密碧陰結濃
烟星稀不成列落落依高天是時始開秋蟋蟀聲
凄然何爲蟋蟀鳴終夜先喧闐十里亂人聽尼父
亦自憐何況羈旅人念之不成眠

改亭集卷一

圭

秋雷殷地來引領望甘雨欲得瀟瀟聲滌此炎蒸
苦雲翔雨不下惆悵失所慕起視河漢間清淺若
可渡妄想規平生多爲虛聲悞

壯哉鉅鹿郡南有豫讓橋昔年報恩處拔劍呼天
號殺身難塞貴國士真無聊至今蓬山傍雲氣長
蕭條何況清秋時慘淡橫林臯憶予數載前驅車
此逍遙懷古意徘徊惻惻目心徒勞茲來閉院中束
縛同枯茅仰羨雲間鴈歸飛一何高

蒼鷹秋始擊勁翮摩晴空暮飛過祁連晨遊發雲
中睥睨燕與雀拏攫不足供何爲遂苦飢臂轉同

樊籠得肉每不飽側目雙眸紅耿耿夜不寐騷騷
聽邊風何時從羽獵激昂還自雄誓盡神州兎尾
君林光宮

秋夜既難曙偃臥亦可恥四更起秉燭危坐攬三
史孤陋慙見聞博涉昧原始二者均未安於何得
條理念昔讀書人用心不如此大畧貴獨觀深思
絕傍倚所以著作林千載頌又起我今只沿流何
以繼芳軌

改亭集卷一

圭

人言秋士悲我言秋士樂四座且勿訝聽我話大
畧天地當盛夏萬物皆汜濊莽莽見百昌滔滔肆
磅礴一朝秋氣至斂華漸索寞蠅蚋且倦飛果實
熟已落熟客旣相違靜者得棲泊夕陰淡長林涼
雲生遠壑滿摘蘭芷芳心跡交漠漠可樂只此時
尊鱸負前諾

使院一牆外四望多白楊蒼蒼數百株鬱鬱相低
昂商飈忽怒起枝葉互擊傷內外同一籟多寡均
摧敗森然公府門謾謾邱壑傍種植雖各殊枯苑
仍相當大哉齊物論千古依蒙莊

明月愛秋夕露白光逾好滌滌萬里碧瀟瀟軼塵
表華燈映長廊樹影交馳道玉繩懸簷楹河鼓明

晴願感此臥獨遲徬徨攪懷抱忽起亡友悲平生
寡同調侯宋往遊僊謂研德柴陸甘枯槁謂虎臣

追悼久益深悲風搖宿草

秋水漲渟沱湯湯合漳河洹洪挾百泉千里同洪
波中宵渡我馬月黑岸差峨濺濺流水聲浮舟徑
盤渦失足咫尺間性命供電甕慘怛遊子情飢驅
可奈何

九秋歷三輔趙魏多埃塵側聞武安郡藕花徧湖
滸十里開爛熳芬芳炙城闔結想與一見庶以澄
心神豈料方戒嚴含意不得伸清霜敗殘荷長堤

改事集卷一

天

始脂輪驛息寓我目後時極酸辛忍見叢菊花臨
風復鮮新

初冬院中晚步時在天雄

夕陽薄嘉林輕寒著高樹雲氣愛澄清俯仰愜所
寓晚飯散餘閒庭空見天趣久客情雖疎塊獨無
感遇燈火起步欄從公事毫末恨彼同舍生曳裾
偶相聚誰爲梁伯鸞五噫獨成賦

鹿皮裘初成志喜自述

我愛鹿皮翁肥遁稱高士因裘遂爲吟鄙願與相
似茲遊滯魏博寒風吹客子主人雖授衣清曉怯

坐起偶聞麋鹿皮西來此城市價廉差易辦斑斑
復可喜急購製爲裘袒褐承其裏著之得微溫希
古且安止念予縱棄物抗直難從仕行年况半百
河清笑人俟昔夢箕穎間兩年客穎尾予於戊子
箕山穎水至前徵既可信小隱亦可擬誓將披此
裘負米歸故里左顧越江碧右攬吳山紫著書授
生徒灌園樹蘭芷飲舞老親前此樂誰能比

菊花影

紙牕燈火明菊花照清影窻前每相見儵然心氣
靜此物從何生能令影亦好寒風吹漸急在室寧

改事集卷一

天

獨保棄捐旦暮間埋根託衰草艸木亦有性雅俗
各自寶隨時卷芬芳何必恨枯槁

初冬院中月下聞歌

古檜高入雲寒月光如晝徘徊廣庭中南望苦搔
首去家已兩年內顧多慙疚音書久不來倚閭恐
老瘦百端攻寸心排悶非醇酎忽聞搗箏聲度曲
院牆右清揚轉柔曼激楚含僂僂頓挫有餘悲促
柱間遲驟聞之愁益深淚落沾衣袖摻手憶閨房
此技各能奏每當清宵長競歌爲母壽老眼發濃
笑歡喜及童幼淒涼不復彈自我出門後念此不

成眠霜華滿簷雪

月下作

靜夜微風生吹落柏樹子空庭聞此聲清絕誰可
比況當霜月明四望天如水獨坐三更餘默悟無
生指客氣既澄融世味何足累我聞列禦寇進食
忘人豕三年爲妻幾環環似老婢學成御風行冷
然亦可喜師乎我誰從南歸事角里

約菴先生
家禾中角里

十月十七日夜對月

夜夜好明月照人望遠心思心無終極月落還沉
沉柝聲動四野燈火傍空衾衣短寒氣長帷淺風

改亭集卷一

辛

力深薄冰凝硯墨飛葉聞遙林羣動既已息獨坐
愁難任馮煖不彈欽雍門不鼓琴索寞但伏枕何
以怡塵襟所願夢還家緩步東臯陰呼童護枯桑
開春捋其堪堪可佐藥物碧可映江潯懷哉灌園
樂蹉跎慚至今

十八夜待月

遲月久不至累我長佇立譬之招我友酒煖不我
卽迴思數宵來好景豈易得且復隱几坐開卷寫
胸臆所懼迷本原輾轉增知識燒燭跋已見捫爐
火且息動帷風騷騷顧影神黯黯拋書再出房寒

雲滿天黑

十九夜見月

三五及四五蟾兔滿還缺童時誦此詩感慨復嗚
咽於今死灰心萬慮都不屑隱不慕巢許達豈慕
稷契委蛇任天運頑鈍從冷熱缺月見東隅彼自
知時節晦臚與盈虧寧可論巧拙旋聞同舍生駒
聲殷牆闌一枕天地寬漏盡人事輟倒影月窺人
人起吹燭滅

贈別侯止庵 名紹岐三原人舊澤州守

思君方慨然忽爾見君至懽喜洞心胸談笑失倫

改亭集卷一

壬

次信宿別我行揮手若相棄君今從河朔西歸歷
雍冀嵩少與太華倚天且拔地長鬚衝大風短鞭
策曉騎顧盼多豪雄結束表奇志吾聞三秦人自
古佐神器煌煌史冊中姓氏難悉記君有公輔才
何事苦爲吏延矜蹶雲霄爲我振懔懔

作送止庵詩畢偶問祀瞻知李叔則明府已

歿因追悼韓聖秋兵部暨亡友雷伯籲杜

杜若東雲離劉客生兼東孫豹人王築夫

李天生王山史 諸公皆秦中人負海內盛名

每憶先朝末空文盛才俊復社聚同人敦盤互輝

映東南盡閩粵西北走秦晉二張西銘太史與周南郭儀部

楊仲馭郎中宗盟推水鏡揭誰咸陽來東劉最先

應匡菴秋繼有聲河濱望頗峻叔則稱河濱先生論文

奇三吳品論頗矜慎嗚呼潢池禍斯文供灰燼車

書且難通友朋詎相問泊今三十年風流續餘韻

雷王擅古文孫李發高詠格律求老成偽體能撥

正杜子敬愛客京華喜投贈予遊諸公間不肯辭

不佞意氣自有真聲聞貴相稱秦聲雖雄涼吳飲

亦雅靚延州與縞帶槐坂集車乘生平懷友心慷

慨自本性詎意數年來我黨俱蹭蹬升沉久無殊

存歿遽靡定歿者已返真遺文託誰訂存者歎知

稀羈棲復貧病歷歷數昔遊對酒淚同迸交期只

一方零落若朝薨何況六合寬伊人數難罄悠悠

感我思獨往結缺軻

冬日早起

鑿冰木罌中取水作沸湯鑪火尚細微手冷指木

強未能令火熾心力空傍徨呼童睡方熟鼻息聲

盈牀飢鳥集庭樹鳴噪如蜩螗朝嗽雖欲出慘淡

無光芒結帶且靜坐開書玩蒙莊馬蹄及至樂無

思潮庚桑浩浩天地心明發不敢康

可歎

可歎此布被與我大有緣從我幾萬里蓋我二十

年北臨關塞外南盡江海壖西登輶轅道東上秦

山巔步步相依行未嘗稍棄捐在家情或疎在客

彌相憐在家日無多在客日綿綿疇昔授生徒決

歲留潁川主人知愛客錦衾授我眠粲粲覆四體

可憐得新鮮念爾是故物忍不攜汝旋倡側驢背

上復與偕入燕秋宵苦不曙寒夜人凄然有時風

雨聲蕭蕭落枕前鼠子出窺燈几案垂飢涎我腸

若轂轉我心若背煎斯時淚苦多灑向汝灑淚與

爾恩義篤永誓情不遷詎料歲月久心力爾漸愆

敗絮落四角輪囷生糾纏強復加補綴着手無不

穿隆冬氣凜冽縮足如聯拳爾既不我溫我亦不

爾牽我有鹿皮裘兼有舊青氍可以代爾職坐臥

同便便風興聽雞鳴漫漫望青天

老驥

牆東臥老驥夜夜發哀嘶我聞淚縱橫知爾心所

悲不怨伏櫪久慚負伯樂知昔上太行山負棘苦

驅馳尾湛附復潰漉汗如流漸道傍逢伯樂痛我

不遇時解衣以羈我攀車而哭之遂令長聲價方

曠光離離豈知我人與世先相辭失主走風塵
但乞免鞭笞棧豆不足戀所恨常苦飢鹽車千里
遙誰能識權奇未報伯樂恩沒齒以爲期

黃綿襖

齊人愛冬日呼爲黃綿襖宋周益公語曝背得奇溫茅
簷共相保吁嗟負暄詩初始杜陵老融和得元心
樂天詩更好晷短尤可惜畏起向杲杲坐看嚴霜
消如露浥白草冷暖皆戴天何必逢春早

大裘軒亦周益公語

三冬就南軒舊名爲大裘喜見朝暾來一室暖氣

改亭集卷一

書

浮安得此萬間大慰寒士愁伊予愛風興曉色觀
清秋十月漸畏寒五更披蒙頭不明裏足坐候暄
來東陬始能把卷出庭廡一徐游飛鳥集高樹大
小各啾啾寧爲求稻粱早起爭相謀感激客子懷
歲宴嗟淹留

贈閩中魏惟度

去歲正月初積雪滿吳市君寓晉江湄嘯歌著詩
史我自阿咸家姓惟度寓甚近過從餘一里家
貧無肩輿塗泥沒屐齒相見展高言平心求真是
當今多人物自許皆巨子湛深貴通經森嚴辨僞

體誰能棄筌蹄直與悟元始心期共努力金石以
承矢分手各游燕君向畿南止詩選補石倉曹能始先
生十二代詩選惟度續以今代詩賀君得知已篋中富篇章牀頭

羅酒醴品題極丹黃推許徧金紫死灰若小人愧
荷存姓氏溝壑與臺閣胡乃同一視再辱書殷勤
索詩繼王李惟度既選梓吳廬先生詩集繼索紀瞻及予作惕息久不寧
雅意於焉紀仲冬夜半時寒風撼窗紙燈昏爐火
微鑿冰取硯水磨墨發豪吟激昂不知恥勞勞逆
旅人意氣空爾爾出戶瞻黃星彈鋏攬衣起

奉贈古古先生時年七十三

改亭集卷一

書

沛縣有異人才名冠中夏文章本周秦詩篇逼陶
謝然諾重邱山經濟雜王霸論交五十年卿相昔
同舍推心置入腹豁達善嫚罵人人不怒便可
得聲價始予通謁時懷懷頗驚怕既得常追隨竊
幸許親炙獨絃張清是濁酒對深夜每觀耳熱後
張目一叱咤快論開愚蒙如渴飲寒蔗高秋八九
月自宋來命駕河北風早涼蕭條覓桑柘行李止
古寺謝客愛幽暇自定紀年詩縱橫淚哀瀉爲敘
五岳游岱恒與嵩華更敘游九邊足跡徧塞下河
套古朔方肥沃土宜稼只今沙島島不復辨河汜

天山積雪高六月不得化長嘯受降城老手拓弓
肥孤懷轉豪激捉筆不肯罷我觀先生才范增之
流亞頭白尚數奇時命豈能假當今腐鼠多爭向
鵝雛嚇巖壑可藏舟周防慎其罅夔州老處女夫
婿須擇嫁更須齒牙間意氣勿輕借玉璫來渭濱
遲爾輪車近斯時望彭彭矍鑠還能跨以此祝先
生大笑倒玉竿

讀莊子六首

觸氏與蠻氏建國蝸兩角爭地相殺傷流血丹滿
壑吁嗟戴晉人諧語非漫作游心無窮際田魏本

改事集卷一

去

寥廓怨闕從何生人心造鋒鏑能冥勝負情蟲天
同一覺

左臂可爲彈右臂可爲雞尻輪及神馬變化安天
倪龜蟻自有子芒忽自有妻陰陽鼓百昌爲光亦
爲泥悲乎自膠膠有弟而兄啼知白只守辱誓爲
天下谿關尹師老聘博太無與齊

子與與子桑相視爲好友子桑貧且病淋雨十日
久裹飯往食之子與意良厚到門聞鼓琴歌哭並
在口何爲曠達人呼天呼父母沈痛無可言但怨
命不偶人間大宗師哀樂兩不受鼠肝與蟲臂終

始無先後何爲恨屢空其辭亦孔醜不死得長貧
毒苦踰天壽曾祿三釜餘顏田六十畝粗足供養
飧便可息奔走繼履詠商頌多財於何有

煨煨養生篇大言老聃死秦失往弔之斯事最可
喜適來夫子行適去夫子止處順安天時哀樂不
足齒疲恭養形人導引自爲美吹吻工吐納經申
冥聽視揭揭求延年已昧晝夜理戀此血肉軀真
性反爲累偉哉無怛化決疣絕办靡

鳥獸固有羣樹木固有立星辰固有列天地固有
職佞人何萌翦兄弟分儒墨擊鼓求亡子操藥脩

改事集卷一

去

父疾苦振爝火光不知太陽出雖繙十二經於心
竟何得大意在忘言蕩蕩以默然非言非默問深
根見寧極

齟缺問王倪四問四不知缺乃大喜躍浩然而去
之老聃新沐髮熱然進仲尼游心於物初槁木無
旁枝至道本無問應亦非言辭相視一笑中喪我
復何疑

題光山關使君 畫歌

公家光山間山水多大雅浮弋照長淮高深復瀟
灑及乎宰寧都煙巒助融冶冰心結鳴琴公非作

吏者四境頗澄清訟庭少楚夏挂頰觀諸山爽氣
滿林野隨手繪畫圖邱壑生脫下蒸蒸岫雲出淙
淙澗水瀉解衣愛莊周心賞酒盈尊茲來苦倦游
淒風嘶匹馬治行棄龔黃文章廢董賈慷慨羈旅
中忘情學聾啞獨有潑墨情造次詎肯捨淋漓寓
喜愕性靈自陶寫五嶽與三條渲染不盈把斯須
尺幅間萬象失真假絕妙空自怡長歎知音寡誰
能美使君蘆中人甫也

十一月初九夜對月

半月不見月今夜復初弦寒氣日加厲寒光仍依

收事集卷一

表

然獨立老檜傍醉眼觀高天旅人苦無告感歎空
自憐京師如故鄉夜夜夢早旋遠行待吉日吉日
車仍懸淹留將何極歲月同流泉易水舊蕭蕭今
見河水堅何爲此求懇征夫不得前時聞封人將
之易州度歲

早起

平明倚樹立熱淚當寒風仰睇天東隅黑雲壓空
濛將恐遽雨雪霏霏集天中我衰多怖畏心疾常
忡忡頗望景光溫神氣多和融短晷不蔽肝亦可
支隆冬已矣落魄人豈必非英雄進退一失據智
不如蟄蟲

奉別天雄書院後雙檜

庭中雙檜樹氣概踞天雄薛皮似古柏偃蓋同喬
松矗矗欲騰上勢若無寒空腰圍須數人廣大未
可窮考其植根年乃在明成弘自昔雨露深雄長
各西東我來七旬餘對之必敬恭恐有神靈棲不
爾或怨恫三映明月圓寒夜倚微躬俯視影槎枒
仰視煙青葱哀吟至月落側耳歸飛鴻黯然客淚
下眸子當酸風心期可感物豈不知我衷明日別
汝去眷戀將無同贈爾以此詩情好誓有終但願
再相見車馬如游龍

改事集卷一

表

通政張公席上分韻

時拜
召東共食

表

昔者李于鱗自幼好奇服長安交五子詩酒共徵
逐一朝挾王徐炙鮮賦擊鹿長歌相唱酬自許蓮
流俗豪宕一飽餘酸氣已盈目白雲冷曹鄴白雪
棲林谷何如我夫子高吟動清玉翔步登金閨卿
月昇當軸承恩自大庖尚方賜酒肉海魚間白黃
角獸分五六均霑表君賜不獨飽臣腹召食及
門生偕其友與族靜夜羅盤食明燈照華屋佐以
平原醢不惜人一斛同此割炙資不越水與陸何
爲自天來便覺味尤淑東也久風塵歲宴復踟曲

師門廿載餘愛我如顧復感激發狂言竊念千微
祿何時若杜甫左掖出休沐曲江對錦瑟醉覆掌
杯醪

贈灤州守孫柳下

憶昔乙未歲挾策來都中結交必俊顧依歸必宗

工東州尤多才中有兩孫公一爲今奉常性庭修

髯動春風一爲賢君侯氣體真魁雄歡讌無幾時

分手各匆匆一別二十年再遇公開封公時治河

南努力佐禹功高秋八月黃河水淙淙汴城新

築城如帶繞崇墉信陵祠畔菊花開亦蒙茸公方

改亭集卷一

早

釀桑落招我話孤蹤明燈張靜夜逸響泛絲桐坐

有諸少年美好若芙蓉詢問知同鄉吳語相唱喁

詎料六年後又遇公盧龍以公非常人聖世宜遭

逢謂當早奏最京華躍青驄如何久刺覘北海好

孔融每聞奉常語太息拊我胸賤子益無賴落魄

浮雲空乞食學元亮賃舂師梁鴻宦隱雖相殊失

意將無同懷舊贈此章惻惻慚難通佇公躋清要

入聽長樂鐘爾時再從公一醉慈仁松

遼西過李廣射石處二首

漢之飛將軍失官居南山彎弓夜射石矢沒噴阮

間猛虎爲奪氣小吏訶當關男兒當失意隱忍包
羞顏屈伸如神龍邈焉不可攀

念此數奇人清淚中夜灑封侯亦何榮李蔡材中

下腐史傷心同深文借陶寫至今藍田關石立風

湍萬何爲弔陳迹復在北平野造感自有真托物

休論假突兀深草間浩歎弓欲把

發遼西行言懷

邊山青歷歷塞水清粼粼驅車渡灤河河流僅濡

輪院中久拘束快哉此城闕川原一寥廓天地開

心神昔日重守邊此觀多風塵鋒鏑屢流血蕭條

改亭集卷一

望

無居人今當全盛日禾黍俱懷新文教漸修復風

氣將還醇大哉苞桑謀豈不在經綸我生雖落

幸爲大平民荷鋤治田園服食娛老親觀書竹林

內嘯咏見天真此懷真得遂誓不恨隱淪

墜馬宣鎮城南

六月二十八日

何來西域人衝突我乘馬倉卒不及持失足墜曠

野悶絕久乃蘇傷重腰以下臥起須人扶坐立難

自假四十九年來此苦嘗亦寡呻吟木榻上抱書

強陶寫性命託風塵予豈好遊者負米慰衰親十

年客中夏茲復來邊城相依在廣厦此心苟無慙

力疾且瀟灑况我愛杜陵墜馬詩自矜賓朋爭枉
問清酒溢三雅既醉不復知微軀若可捨諸侯老
賓客予亦稱甫也

盤谷車行

車行盤山麓輪石相格鬪身搖骨欲開我神常默
守徒守亦何益揮霍無不有以茲悟本根動靜不
須剖

漁陽道中遇雨

山雲不待旋大雨欻然至蒼茫萬斛傾曾無二陵
避衣裳盡沾濡拭面若覆涕行路自古難達人無

改亭集卷一

望

鈍利悲哉鮑家詩瀉水注平地此身東復西浩蕩
隨所置

改亭集卷一終

改亭集卷二

吳江計 東南草著

男 從孫 瑣 全 姪 嘉禾 重校

七言古

濟南名宦祠中肅拜先從祖大叅公木主感

賦

濟南雄藩冠中國形勢襟喉控南北勝朝德陵丙
丁間我家大叅攝方伯恨當瑤餒熏天時天下爭
奉尚公祠東州中丞那免俗經營恍息不敢遲首
名大叅議規制大叅正色目直視寧甘一死忤上
官不忍此身陷泥滓當時死難六君子五人丁未

改亭集卷上

十

成進士可憐皆我同年生我今後死誠非是更有
一人生同里首觸權姦魏給事諸公骨碎且不辭
我今拂衣便歸去已拚碧血灑青天幸遭削奪臥
林泉戊辰特起總憲臬剛中不附東林賢從此功
名等秋葉白髮青山愛冰雪傳經獨信後人才諸
叔聲華果英絕愧我蓬飄到歷城遺愛還詢舊日
氓名宦祠中瞻拜切夕陽荒草對空庭

過滄溟先生墓作寄嵇爾遐明府

稿時 謫歷 城丞

怪石嵯峨若相觸黑豕紛紛下來牧中有大字滿
碑題下馬摩娑幾迴讀云是滄溟古碑道一片黃

塵蔽春草揮鞭爲驅羣豕開我愛先生意氣好文
人自古相輕薄七子論文俱不惡同時逸興凌九
煙身後高吟留五嶽我今羈旅歎無朋欲與嵇生
話蕭索嵇生磊落真吾徒長篇汗漫歌鳴鳴微官
大隱歷城下不愧虬髯一丈夫

登白雪樓有懷滄溟兼憶王謝宗徐梁吳諸

公

樓名仍白雪樓趾已非舊四顧悲風來淚落沾衣
袖吁嗟先生崛起大名時幸值天下昇平久列聖
相承振紀綱士氣深醇經術茂文人挾藻闢春華

改亭集卷二

二

亦愛廉隅秋實厚五子先後捷南宮白雪曹耶並
攜手雖然標榜互紛紜蔚然王李爲功首只因不
肯附分宜一一風塵麾出守文筆偏工拙宦人富
貴誰能爭不朽吁嗟先生登茲樓意氣傲誕無汪
侯光芒直上華不注瀾翻欲竭東海流絕交謝氏
太輕薄甘心獨逐瑯琊遊百餘年來英華竭景陵
東鄉恣謀孽袒謝更有虞山翁瞋目操戈自爲烈
大樽已往舒章死風流實恐成銷歇茲樓粉自施
宣城卽愚山督學歎舊懷賢別有情極望泰山長不見
惟有泉聲日夜鳴

釣突泉

怪哉此泉何從來叅天拔地聲鳴雷明珠白璧爭
噴激三穴鼎立凌樓臺黃冠指示長太息茲泉涌
竭關國脉眼見先朝癸未年竟歲探源無一涸樓
上仙人跨鶴歸樓中金碧對朝暉臨高遠聽泉鳴
咽笑指牛山淚濕衣

濟上喜晤李杞瞻感述一首并呈王貽上汪

茗文宋牧仲

丙申歲暮我遊宋文康宋公子牧仲結交侯徐皆
賢豪下榻留予意珍重永城練子時亦來衝寒把

改亭集卷二

三

酒城南送殷勤示我手一編云是秦中李子新詩
篇老蒼直駕崆峒上才調欲出滄溟先予爲一讀
一失色攫之上馬至京國我友汪大稱能詩見此
咨嗟歎奇特維君戊戌捷南宮新詩俊爽更不同
與汪相見旣極歡並時王氏起山東三子齊名動
燕市忌者反唇側目視予方下第急歸家相逢草
草別君去幾年相思不相見自傷投謁長貧賤廣
陵不受典客呵河間遂避當關面豈知君意屬吾
徒坐失好會違歡譙飄蓬此地得相親促坐披襟
枉故人高吟各有千秋事目下悠悠不足論

梁園讌集觀合肥公卽席賦詩

席布侯仲衡堂中

梁園首夏天氣和高軒冠佩森嵯峨羣賢景附看
吐握侯芭置酒邀經過華燈靜夜清樽列都護紅
兒歌白雪拂柱催絃繞玉壺垂羅舞毅嬌明月天
下君宗有幾人山高水深疇與論開懷寫意傾座
客膝席爲壽何紛紛先生酒半從容起頃刻煙雲
揮滿紙拜贈人人愜素心浩堂動色皆驚喜杯酒
猶溫數篇畢且吟且飲盡今夕天然秀色出芙蕖
坐使時人求格律忽看曙色照堂東投筆鳴騶古
宋中此地從來盛詞賦意氣誰能擬上公

改亭集卷二

四

歌別彭定夫

與君世講誼不薄耐可中懷並蕭索相逢握手但
攢眉何用瞻天空漠漠桐風一夕報新秋我欲北
渡黃河遊君今除喪好讀書人面冷煖無深求君
不見占來公卿將相多孤兒當時螻伏人誰知人
生墮地要努力遭逢那得無順逆

別徐恭士長歌

我生遂作飢驅者十年兩客平臺下茲遊况值長
夏時錯莫求人汗如瀉感君慷慨獨留余坐君高
堂策君馬君馬白皙高九襲安穩馴習迥不同君

堂虛敞來遠風六月不熱疑江中隱几長吟送永
日雄談亦足開心胸八關甘泉爲予設沉沉啜茗
銷煩渴有時新釀注深杯共坐中庭待明月揆文
摘藻各矜奇應手揮鉤各相悅感君意氣層雲裏
淹留似欲忘羈旅長夏已過清秋來惜別徘徊視
行李我將渡河北入都賣文賣藥授生徒君應早
爲蒼生出棲遲高臥非良圖

別陳上舍送之白下

與子聚首已百日南枝相依自相惜三秋炎蒸往
返難感君惠顧情逾密遊梁詞賦我未成羨君年

改亭集卷二

五

少方知名少保家風看未墮對揚賢父隨諸兄君
今八月舊京去莫愁湖畔秋風清伯氏雲霄振六
翮珠盤廣會高才生小弟相從殊不惡篋吹參差
相間作乘風南下闔閭城詩篇磊落誇河嶽唱酬
皆吾同心侶寄語予懷轉蕭索我今北渡漳河流
銅臺荒草恨新秋但得生逢曹吉利深水高山百
不愁

排悶

柘桑蕭蕭吹寒風城柝斷續隨疎鐘月黑轉見明
星密霜黃翻覺高天空心痛遙疑母嘴指可憐久

客裘蒙茸家書九月杳不得夢魂夜夜京師中
中書俱寄至都下

首春宴集王敬哉先生青細堂卽事

帝城融雪春風來尚書名客清樽開
下士殷殷吐握真憐才三年一度一求見每見轉
覺丰神健周旋不惜禮數寬名言能使人忘倦養
生詎學長生術漱精服氣嗤無益怡神覽鏡息吾
機大藥還丹在胸臆巖巖副相當庭趨奕奕羣龍
繞膝娛孫枝森森又林立玉潤才華人不如尚書
蚤遂懸輿志脩然高踞煙霞致百城坐擁西府書

改亭集卷二

六

等身著作東山寄杜曲花深甲第長迴廊紆徑每
升堂祥徵自下雲中鶴鼎石遙同華子岡卽看令
節當元夕張燈八面玲瓏出錯落懸珠玉樹明水
雪高瀉晶盤碧簾前素月映春星絳蠟垂輝向紫
清座中弟子誰彭戴後堂絲竹想新聲醉歸泥首
意茫然上林春色競芳妍枯柳獨立陽和外翹首
恩光藉所天

歌贈彭中郎

禹舉先生次子也

愛君風流類河朔相逢握手臨高閣愛君磊落能
賦詩結交並君家著作不可當中丞篇

翰多光芒生男接武頗老蒼蹋歌飲酒尚書堂五
陵年少莫相笑中原好避彭中郎

古藤歌孫太原柞庭席上作

古藤蜿蜒如虬龍紫煙拂日倚庭中繁英綠條若
霞燦年年老幹嬌春風相公

謂息齋太傅

朝回多清暇

焚香把卷坐其下有時急管間嬌絲名客飛觴極
歡罷一從高臥去東山高閣平津盡日閒陪基每
憶花前事埽門誰許共追攀我看舊邸懸卿月後
堂重向淵源說吐握依然芳樹邊卿相風流同一
轍論文稽古持長鬚意氣襟懷誰得如最是掖垣

改亭集卷二

七

存諫草至今清論滿扶輿指顧宣麻玉殿頭五雲
深處看鳴騶蒼生會待東山相客醉車茵可復留
宴故少宰胡公谷園卽席歌和胤倩

良辰高會懷疇昔六載之前當此日平津開閣坐
春風爲許升堂賜顏色亭臺杜曲始經營長楊細
柳遙凝碧牆角桃花看半遮疎簾隱几攤書帙心
力空將丘壑成悲纏黃鳥嗟何及只今仲季繼風
流割鮮置醴娛賓客跋履重窺金谷園傷心幾叩
西州策稠花亂蕊艷晴絲曲沼游魚自儔匹對酒
沉吟送夕陽相看意氣無蕭瑟五侯七貴等浮雲

憔悴繁華同瞬息誰能長借魯陽戈永爲蒼生駐
安石諸公酒盞莫教乾聊復爲歡盡今夕座中處
士最深情長吟一篇頭半白

賀宋聲求新婚

花枝照天白日長小屏團扇鴛鴦香玉鏡金蟲隱
盤霧宜男蛺蝶窺雲房黃屏公子翩翩出畫眉綵
筆妝臺立飛瓊仙姝十八鬟二十五絲彈錦瑟碧
煙紫鳳雙徘徊麒麟之兒天上來明年此日湯餅
會正見沙堤高築新崔嵬

送子邁遊秦中歌 我師宋中允公子也

改亭集卷二

八

遠行忽在暮春日日暖風恬草正腓中原人物西
北最函關形勝天下稀計程匝月方卽次詠懷覽
古常踟躕官貧那免子負米身去每念親倚閭葵
花爛熳蒲酒熟望爾欣欣躍馬歸

率贈永年傅庸巷

自愧學醫二十年以上池未飲心茫然與君抵掌談
竟日恍若披雲見天出願從受學拜匡牀精思表
裏析微芒丈夫生不爲良相肘後方書敢獨藏

投贈吳明府

客秋八月來謁公旬日三晤別匆匆感公待我頗

色腴稱我似與常人殊以此感公意未歇停雲翔
風兼落月一年之中各草草以公之才亦潦倒蛟
龍斗水困威神雕隼臂難騰身何况坎壈若我
等俯首風塵獨隱忍思公兩度再求見咫尺相違
難對面負米歸來空兩肩倚閭阿母雙眼穿依人
何處劉荊州伏櫪年年淚暗流以公意氣能得士
何不令我承知遇得士須得國士心報恩自比常
人深結客須結窮途中感恩詎與常時同寒灰且
溺韓安國牛衣病臥王章泣一朝轉轂驚時來致
身日月鞭風雷以公憐才最慨慷向公言懷忘其

改亭集卷二

九

狂公如省覽不相許明日一帆五湖去

研瀆草堂歌爲費古心戶部作

憶昔謝玄暉分符守宣城平陵在部下別墅此經
營愛其山水佳自公多娛情至今洗研池千載揚
其名安知驚人句不從此池生池水澄泓長不竭
池塘園柳風流欹城市移來况晚唐城外青山復
相別謫仙最愛謝詩篇搔首攜詩欲問天曾游溧
上求遺蹟愛而不見心茫然千年勝地爲人守此
地今落費公手誅茅卜築就漣漪依舊池塘與園
柳草生禽語自朝朝看竹携藜過石橋攤書永晝

凭欄坐魚樂花飛我亦豪
費公磊落真丈夫仙郎
畫省高皇都拂衣暫寄
滄洲興趣庭且見來鷁
難長房華胄矜遐尚敢
名會踞宣城上水檻浮
槎滌研歸挂頰吟成肯
相讓

宜山堂歌爲溧陽彭廣文作

我來平陵東駕言彭園麓
園前列岫作畫屏園後
清泉繞華屋我登平陵
城南望彭園樹樹色蒼
茫欲拂雲千年古木神
靈聚我登平陵城南望
彭園藤藤身十抱若龍
臥蟠曲天矯相峻嶒平
陵人家多園林彭園名
勝甲平陵賤子窺園亦
不易我師

改亭集卷二

十

顧我常相稱虞山老人有
序記再集羣公投贈句
此園行見萬古傳宜山
堂中多感遇我聞平陵
通舊京昔年畿內稱嚴
城幸以僻處獲安堵水
陸未致干戈爭名園不
隨陵谷改肯堂再睹規
模在孝廉船上擁羣書
廣文意氣驚當代愧我
風流非謫仙北湖石幾
洄漩名園嘉樹空相賞
琴樽應自憶彭宣

贈別友人

凝寒太虛高積雪馬蹄
蹴踏層冰裂愁看遊子
向南歸北風耳後聲嗚
咽通門膠漆重流連豈
忍相

逢便離別知公結念在
倚閭千里過還志莫奪
賤子蓬蒿苦癖人自慚
無物拂征塵京華倘附
詞場末仰藉珠璣咏唾
頻

別盧龍孤竹山堂後三松樹

與爾盤桓遂一月天涯
相聚非徒然清宵我愛
坐其下長歎時獨觀其
巔枝如虬龍方起蟄氣
可吞雲未上天更羨三
株成鼎足結根孤竹山
堂邊歲寒蒼蒼守霜雪
餘古漠漠交雲煙風塵
蓬轉西征路淚落征衫
空白憐

又贈別文起堂前一松

改亭集卷二

十二

三松旣聳山堂後一松
復踞前堂右凌雲不畏
孤生難獨立中庭見深
秀半枝枯折已多年生
意龍鱗尚挺然望汝再
榮來入夢八州陶侃待
登天

羅郎行戲贈弘載

羅郎身長八尺餘兩顴
颯颯頗有鬚腰身結束
又穩稱揚鞭顧盼軼我
車驟如飛鳥追風疾塵
暗青山忽相失君能下
馬卽賦詩料君上馬必
殺賊愧我風流比羊祜
從行隊向車中去他時
白羽指健兒未堪一着
黃皮袴

六月二十四日我吳相傳爲荷花生日漁陽

道中值此有感而述

荷花今日是生日花蕩爭遊紛如驛先期待錢喚
酒船是日城東聯袂出朱欄碧檻坐逍遙船家少
婦供酒肴青青佛手筵前放洗盞俱換宣成客鱗
魚剝鱗裁方寸燕窩如雪雞尖嫩主人落筋未須
與狎客低頭噉何健十番鼓歇清歌來嬌絲急管
相徘徊豪家角勝須快意老班三選當場開隔船
茉莉珠蘭香佳人啼睂墮馬粧推簾時露金跳脫
玉搔頭顚窺波光日暮迴船花影動田田荷葉風
吹送採蓮滿插酒船頭樽空客散歸同夢家鄉行
歌試聽隴頭水

改亭集卷二

七

改亭集卷二終

改亭集卷三

吳江計 東甫草著

男 從孫寶全 姪嘉禾 重校 編

五言律

渡大河

茫茫是何物眼底一相親擊楫當年志渡江今日
身浮沉看島嶼明滅見城闌但許長風利樓船到
海濱

寶應城外

渡江纔二日希復見青林獨此垂楊色芊綿感客
心三湖連浩淼萬堞起春陰形勝還襟帶雄懷試

改亭集卷三

一

一臨

淮陰偶見

牙檣如列雉蟲滿前川橫海誰楊僕防淮想謝
玄陣雲天際合成火浪中懸便欲乘潮去朝宗到
日邊

日暮同子曠望黃河

落日望黃河驚沙走白波風塵此終古游子竟如
何注海東流急輪漕北極多勞勞茲水意客影愧
蹉跎

河水至放舟出閘志喜

可喜南河水湯湯果北來舊痕看漸沒新漲欲爭迴繫纜嗟三日揚舲舉一杯凌晨風色好直到馬陵臺

送春

送春春已去春去始成悲可惜芳菲日多爲行役時鄉心飛鳥疾別淚故衣知今夜粧樓裏應憐聽手規

出都次日二首

昨日復今日皇州又涿州到家從此去爲客欲誰投負米違慈母無車感舊遊勞生真計拙歸夢滿

西疇

改亭集卷三

二

柳色年年碧繁花處處紅春光看自好幽恨若爲空日炙無聊面天吹不盡風生平遲暮意淚眼任塵蒙

良鄉道中遇寶應李素臣有贈四首

共有傷心事相逢各自知河陽悲挂在素臣時羸博感魂之予將卜淚盡征衣濕堤長度馬遲喪愛妾悵

正搖落况值暮春時

旅悶憑誰訴相隨我獨來可憐乘下澤無以及龍媒草色綠堤淺山光背日開今宵有明月應許共

徘徊

師門同侍坐兄事並周郎子御翰傳鵲鵲嵩呼近鳳凰幾年仍濩落每北輒蒼黃往事深恩在遺弓未敢忘

之子才華盛蹉跎恨未伸那堪報罷日又作悼亡人錦瑟調聲歇香蘅乞夢頻三湖空浩蕩莫洗淚痕新

曉行

拂曙度長昀垂鞭信馬行乳烏啼傍母高岸影疑城星向何方沒風占此日輕畏人遊子事慎勿厭

改亭集卷三

三

晨征

過雄縣

茫茫陸海內此地忽江河似接滹沱脉遙聯易水波沙明魚鳥樂洲淨柳蒲多遠觸吳儂目思爲破

浪歌

任邱道中迴望西山有感是日爲新進士勝

不盡西山色今朝極望無帝鄉羅劍佩我舌問妻孥寂寞隆中嘯蒼茫督亢圖昔賢知未遇時一哭

窮途

呈宋座主

莫報恩知厚將離轉愴神祇因貪到骨空有淚沾
巾落月金臺曙飛花濟水春前途迎鷁首重與話
艱辛

白楊

三月交河畔森森見白楊悲風搖曉日倒影泣斜
陽似柳難爲折非花不受香齊前如可植我意欲
千章

梨花

梨花開白雪碧柳映青袍行色真堪樂天心情太
勞無文慚絲繡能事避蕭曹一櫺東吳去秋江我

改亭集卷三

四

亦豪

道傍見落花

飛花滿路隅下馬立踟躕可惜春光盡方爲客路
初小妻驚柳色穉子望家書那更衰親意年年苦
望間

梁園月夜懷門人吳嵩徐鉉

鉉字虞升鉉字
電發時吳客燕

吳興

二妙光吾黨思深詩漸工可憐同旅食誰與念塗
窮踪跡殊南北襟期誓始終清宵愁不寐相望月
明中

追哭侯研德宋疇三

侯宋真知我提攜憶酒壚存亡遂異路哀怨獨前
途天道勞疑信神仙竟有無友恩慚未報灑淚問
遺孤

疇三有一遺孤竟不
育研德好神仙之事

初夏從宋座主讌集陳孝廉園林四首

首夏好風日追陪几杖宜名園羅珍木華屋艷雲
楣客擬南皮集樽從北海移陶陶堪永晝行樂望
吾師

碧水方塘靜綠堤柳帶長游魚知在藻鳴鳥愛如
簧乘興踰層嶺微醺坐曲廊從來戀丘壑對此意

改亭集卷三

五

難忘

高閣一登臨荒荒旅思侵雲低淚眼樹天近望鄉
心瓦屋山難見北湖亭正陰

李白遊溧陽有宴北
湖亭望瓦屋山詩

當年李供奉亦似此行吟

愛客陳驚坐情文足勘酬中厨和芍藥豐膳比青
邱日落女牆暮風生水而秋籃輿相挽去步履幾
淹留

七月十四日潁州坐月

清潁城頭月流光應到吳鄉心千里外旅夢百端
俱隻影難論劒空庭且據梧遙憐倚閭者起坐念

兒扶

夢芝翁夜過

問誰騎馬客踏月叩門來耆舊知通德蕭疎見旅懷夜深茶電息話久析聲催浸得甘瓜在爲翁當酒杯

城頭同門人劉凡作

讀倦且拋書從游步屨徐城頭頻悵望野色一蕭疎寒葉黃將遍殘霞錦不如我懷何所寄只此曳長裾

九月十三日月下借劉凡輩作

改亭集卷三

六

高秋新霽後天地淨無塵靜夜懸明月清光照幾人從容同翰墨卓犖共精神我與二三子深懷難具陳

次原韻奉酬徐文學

係大司馬張公鶴鳴甥劉公勇考功友也句中

故及

自從遊賴後久已識君名况復談皆妙真令客盡驚劉侯推舊德張翰許新英慎勿分南北烏衣半是伶

徐詩自謙云誠哉北地伶子謂王謝過江時皆伶也

制義原無味何須論淺深君才徒傳物吾道在明心密洗虛空象誠求寂寞音考亭傳正學迷者未

能尋

九日同人集公定齋中大韻

家居同載酒何事尚嫌貧看爾題叢菊令予歎旅人微霜隨葉落涼月照簾勻每恨登高日鄉關望未真

九月十三夜月下坐文昌閣傍寄張孟深

閒影似浮圖城隅倚碧湖秋風動衰柳夜月起殘蒲幽賞宜清坐良宵誰共娛伊人看咫尺我愛執金吾

孟深舊爲錦衣指揮

九月十八日夜雨有作示門人劉凡劉昂劉

改亭集卷三

七

志出志岑

一燈秋夜急並坐苦吟時句向深思得才從靜夜知空堂寒襖被疎影動花枝

時生側菊

辛苦看君花數本

輩凄然客淚滋

送子端至兗州省親

寒氣滿郊村君行始出門客心驚歲晏子職爲冬溫北道冰霜早東州禮樂尊歸來聽新句樽酒夜重論

庚戌除夕

守歲參龍家春風感絳紗講能通四子書或愛三

車積雪占年瑞初陽兆物華倚閭負慈母慚恨滿天涯

送張州倅二首

張於國初有功賴州今爲僧白門

落日秋風暖遙林煙靄稀幽人住郊寺羈旅欲何依草昧需才吏清時棄鐵衣昔年轉戰處今日着緇歸

舊是棠陰地謳吟在潁人三車問白法一笠挂閒身到日海初放歸時菊又新涼風空滿袖何以渡江濱

塗中清明日遣悶二首

改亭集卷三

八

上已過邦溝清明渡泗州風花隨地有啼笑總離愁柳厭他鄉碧山憐故國幽登樓焉敢賦何處得依劉

點綴青草塚上塚值清明鬼眼無新舊天時愴死生難將三釜粟莫莫五侯鯖瞻父悲生事窮途淚更盈

慰繆天自

時天自罹父艱欲歸未得

負米來燕市逢君喜可知那堪把臂日強半撫膺時各有慈親在須寬游子悲人生雖半百努力未嫌遲

發都門將之盧龍二首

烈日照神州因人關塞遊黃塵迷大路皂帽雜鳴騶膽怯偏乘馬魂驚恍墜樓勞生真計拙歸思滿西疇

徐行三十里回首見斜陽漸喜炎威減差令客夢涼月絃看未滿蛙鼓聽何長隱隱疑城堞前迎蠟炬光

通州城外二首

通州城外水浩蕩似吳天北走千章木

口外採木俱集此

南通萬斛船投鞭聊自哂眇目一脩然今日初勝

改亭集卷三

九

騎多慚使節憐

邊風當五月節候近清和穗結麥花了雛成梁燕多鄉心寄櫻筍幽恨結漁蓑莫漫求禪喜時同友談禪淖沱派易訛

乘車

遂有升車樂都忘控馬勞寬心客睡穩濡軌亂流高遠岫參差見晴沙轉側半同遊相顧笑逸興是吾曹

偶作寄妾

我履汝所製履穿憶汝頻剪刀出清曉纖手動初

春客路三千里離愁十二句
予以二月十五出門至六月望百二十日矣
遼西今夜月應照夢中人

將自盧龍至宣府曉起有作

月落盧龍寒風吹孤竹雲客懷方寂寞人語已紛紛
無寐疑天曙嚴裝警夜分濤聲松際落謾謾又誰問

七月朔臥病宜鎮城中二首
時墜馬次日

寒雨蕭蕭下空囊欹枕聽身因一跌誤腸逐九迴
停棄物安時命空文寄醉醒南華頻在眼鴻翼想冥冥

改亭集卷三

十

俄然七月朔客路歷三時甘有人誰寄酸辛我自
知鍊金須繞指學佛只低眉力疾清晨坐愁深淚似絲

七夕二首
時在宣府官舍

客中逢此日未有不思家況在邊城遠兼悲秋氣
賒黃羊侑蘆酒白鳥就燈花爛熳求酣睡何心聽暮笳

去年今夕好久客乍歸來流水池塘靜匡牀枕簟
開老親可脫粟小婦進香醅微醉攙纖手雙星看一迴

七月初八夜聽雨邊城有作寄內

雨聲斷復續夜聽轉淒淒時序知秋水泥塗怯馬蹄
酒醒心事集燈暗旅魂低何日巴山句長吟和老妻
義山巴山雨夜詩老妻最愛誦之故爲落句

宣府逢立秋
是歲閏七月

秋氣吾所愛邊城太早寒披裘三伏慣擁絮五更
殘風自長城落天連大漠寬摩霄羨鷹隼健翻爾盤桓

新秋同弘敬子重陪王公夜話

秋風驟相入已覺紙窗宜對酒燒龍腦論詩坐鹿
皮宦情公澹蕩客况我棲遲起共空庭立邊山落月時

改亭集卷三

十一

不寐
人對南窗臥風嫌北道涼醒來抱明月夢去見空牀
百日家書斷三秋旅夜長南飛有烏鵲羨爾渡河梁

彈琴峽
有小序

居庸關北二十里羣峰環合林木蔽虧怪石嶙峋
泉聲清激下有彈琴峽上有賞音臺余從王公發漁陽
至上谷憩此有詩

四山圍繞處千里一泉來奇石聲相激清言鬱不開似琴彈變徵穿峽起鳴雷賞識高軒意臨流首重迴

過雞鳴山沿桑乾河畔馬上作二首

千峰開兩岸中挾小黃河名有桑欽識源因博望
多波鳴輪駭浪沙激起盤渦邊馬憑高聽人今喚奈何

勝地多相似龍門記昔遊一樓倚萬佛四水合雙流
伊洛源洞合流於龍門石壁浩浩長無極茫茫對此愁河源來最遠臨望亦銷憂

改亭集卷三

三

昌平城南作

茨茹葉已密稻花方齊如歸故山裏一啟家園
屏京東水田熟河北流民歸賑恤豈長策怒然念皇畿

北歸

塞上日易暮凄然我北歸山深女蘿瘦草茂橐駝肥
土鏗聞人語沙蟲點客衣生來骨相薄只合老漁磯

冬夜月下光祿卿席上作四首

最喜嚴寒候今宵氣似春疾風吹漸息明月坐相

親依幙清光滿窺檐淑景新卿雲方澹蕩尊酒召門人

話久初聞柝香凝未放梅鑄顏欣密意立雪愧凡才耳熱三蕉葉心添一寸灰郎君看吐鳳想見重徘徊時子微在坐

橘柚來何處垂垂滿曲房攜燈頻向樹對酒忽思鄉蠟照攤書架冰融點筆牀白誇今入室幸忝舊升堂

詩句師真好清新庾不如細論知格律得意在蕭疎醉學姑蘇酒烹嘗寶坻魚教思兼賜食寸草愧

改亭集卷三

三

脚謝

癸丑元日杜門旅館二首

裏足過元日支頤對一編敢將真棄物出溷好新年
淡淡青陽屈荒荒白日懸探春花縱好底急向人妍

蝶旣迷莊子鞭宜讓祖生年華雖屢換頑鈍總無驚
息影空庭澗依賢旅緒清小人有母在不敢負平生

讀邢州詩有懷集中張樞王惲崔鳴鶴趙培

諸同年兼悼鉅鹿楊猶龍先生

同年推四子門下潮楊公丁酉座主曹公山楊公門好句雄河朔高懷並岱宗相思清夜月獨聽老槐風何日從文謙南皮勝事同

別邢州國士書院後大槐

我來槐樹下忽已見新秋久客忘時序依人慎去留燈移燒蝎尾月出喘吳牛明日辭襄國空堂國士愁

郭氏園亭沙隨同人讌集郭時爲元氏令

倦遊常暑日最喜濯清泉水檻移高宴浮槎蕩遠烟炎威雨後減賓戲醉中傳爲念陶彭澤能忘種

改亭集卷三

南

林田

八月十五夜廣平院中讌集主人吟杜詩

夔州十五至十七四首予因每夕次韻和

之

客傾楚國醴主佩呂虔刀並坐嘉林下遲看明月高輪孤開一照星衆失如毛子夜疑天曙詩成欲

吮毫

歸夢趨吳會蓬心客趙城已愁秋夜永况對月華明忍淚燈宜滅隨人酒共傾蟬帖啼不住掩耳避

簪簪

十六夜翫月

爽氣欣今夕孤懷信九秋誰將清夜月一照濁漳流叢桂思招隱高天欲寄愁故鄉無限好蕩影刺輕舟

十七夜待月

黃昏空悵望倚徙愧閒身稍見光移樹方知月趁人衣裳憎客久秔稻憶家頻不寐聽風起沉沉雨又新

奉東申臯盟兼寄觀仲隨叔二首廣平月夜作

斯人堪結想宛在此城中夜靜高齋月秋清喬木

改亭集卷三

五

風道心堅益澹詩法老逾工十載驚寥濶慙余類轉蓬

當代論人物三申洵偉人阿兄真獨立兩弟喜能

振二語出樂圖先生結隣集忠孝承貽燕文章得雅馴茲遊難

會面良讌憶京塵謂辛丑春同集梁園也

冬至前一日重發天雄至京師是夕宿魏縣

二首

已近河南路南行路已千京師至天雄凡一千里如何翻北

去歲暮入幽燕生理依人慣窮愁逐境遷可堪今夜月又向魏州圓

眼色平原合寒林四望齊升車騁遠目出郭上長堤
局戶經時久斜陽乍見低不知天地內何處是雞棲

魏縣夜行

寒月光千里沉沉信夜行驚鳥飛復定枯樹影交橫
牛曳車輪緩城孤刁斗清此時懷越石起舞見平生

曲周道中

茅束平橋軟扶輿慎一登島嶼橫匹練皚皚積層冰
天月光同皎霜林氣共凝夜行五十里孤戍見

改亭集卷三

未

微燈

發曲周縣

忽喜見行舟城西橋下頭津門從此逝漳滏遂同流
水勢如環轉城西得曲周川原看信美嘉樹坐淹留

過邱縣境

縣屬山東由曲周至成縣道經處也

行行畿輔久今日忽山東白草迷荒徑黃塵起暮風
肥磽宜地脉聚散信豐功水骨乘寒月玲瓏極望同

夜過廣宗

列炬隱林紅遙知近廣宗識塗從老馬夾轂走村農
短晷須長夜輕寒感大冬連宵倦行役睡美失晨鐘

威縣車中見月哭龔芝麓先生四首

車中見明月車下立徘徊盡日行三輔頻年賦八哀
西州門未叩南斗望空迴白馬何時會千人慟哭來

身賤雖通謁心知重有師君宗人已沒捐棄竟安之
月下深杯酒花前信手詩誰知成永訣執紼獨予遲

改亭集卷三

七

獨坐頻垂涕風塵更怆神此身何所託吾道失斯人
趙壹懸窮鳥莊周恨涸鱗龍門今亦有喟獨感公真

長物嗟無有孤情真可哀高天知震悼薄海共悲摧
祕器東園賜生芻北道來成都桑八百尚愧有餘財

月下懷朱六

茂卿時聞在廣州

朱家久不見聞在五羊城庚嶺梅花早裴谿杜若生
相裴休故宅君行逾南邁我役再東征萬里何曾隔相思咫尺情

夜入南宮縣界擬寄鄭司直提學宋中郎大令
兩公皆予同年

人馬影參差車中月上時寒光雖澹蕩萬霽尚迷
離周道平如掌鋒車去若馳恒山今在望鄭宋若
相思

冀州詠所見

侍中光四而不待坐生香帟側蟬雙葉風吹錦襴
藉期門挾彈俊擁項弄兒狂爭似東方騎年年大
綬黃

蠡縣道中

改亭集卷三

六

人家牆北角殘雪尚稜稜日氣溫雖徧寒颼敵未
能浮圖棲凍雀睥睨立豪鷹漢縣蕭蕭吾地千秋感
廢興

安州道中

棗樹多如薺村煙土銼生兒童知拱立蕃漢雜深
耕麥隱西疇拙天隣北極清行行望京國炙曝寸
心明

御城寺二首

距安州三十里嘉靖初建有甘泉先生碑文

乾鵲巢高樹祇園出舊林到門齊下馬選佛一徵
心候吏提壺倦行厨啜茗深摩碑看歲月嘉靖到

於今

碑是甘泉筆文章助冥搜從來卑象教無異觸浮
漚野馬吹龍樹斜陽動鹿裘我生雖浩蕩結念在
西疇

過清苑有懷同門樊天木
時爲楚中應城令

燕臺分手日荆郢憶君時真氣今何用清心可自
持歲寒姜被重日暮祖鞭遲疇昔同門友音書久
不知

過安肅城外擬寄梁明府

惠我青絲履難酬金錯刀因嘗安肅菜却憶廣陵

改亭集卷三

九

梁舊亭 舊識從王綽 謂阮 新知借李翺 謂此美 名勝輩下親切五雲高

前詩方就配瞻與梁明府並馬而至

我在輕車坐君乘快馬迎相逢幾不識一語足平
生日落揮戈急城深乞火明翩翩李供奉相並見
交情

夜入容城

容城彈丸地曩哲足風流後有楊忠愍前聞劉靜
修燃薪傳一夜驅馬挾雙轡可惜荒祠在掘衣我
末由

又詠椒山先生

先生楊仲芳吾道得光芒事實存年譜文章滿樞
牀蕭韶遺器定苑洛受書詳一疏干猜忌如何引
二王

固安道中寄京師董三弟方南

高暉近 帝畿卽次解征衣苒苒看殘臘欣欣似
遠歸琴書隨寓穩睂眼傍人稀何日偕吾弟清言
慰怒饑

近京

日落浮雲聚冰融漲水痕近京多大澤抱郭有諸

改亭集卷三

三

屯隱隱西山見明明北斗尊凌晨行百里便可入
都門

旅夜不寐成二首

城柝聲將歇晨鐘聲漸開可憐近長樂只是蔽浮
雲去矣人宜賤歸哉志不羣幾時有餘粟養母更
論文

母老猶論績兒衰懶著書遠遊難卽返身廢竟何
如永夜思天曙晨寒望日舒幾年羈旅淚未灑向
牛衣

雨雪遲虞升不至兼示電發

衝泥夏野隔念子又新年涕淚供兒女實升客冬
喪長子子
一愛女艱難索酒錢雪隨春雨後燈亂晚風前何
日偕徐邈高言共一壺

改亭集卷三

三

改亭集卷三終

改亭集卷四

吳江計 東甫草著 男 從孫 璣 全姪 嘉禾重校
五言排律

入國學觀禮聞雅頌應大司成教三十韻

右文開聖化左制表神京四海依皇極三宮潤太
平橋門真壯麗壁水自澄泓丹戶乾坤闢瑤堦海
嶽寧恭惟崇上序直欲冠天祚露裊金盤直風含
玉殿閭高松翔白鳳古柏結青雲鏞鼓東西列圭
璋先後呈居歆玄坐迥陟降紫樞嶸法駕前臨幸
嵩呼夾道迎翠華承日月仙仗引公卿麗旭疑初

改亭集卷四

獻和鑾聽集成此時崇正學誰不賀文明盛事方
釐飭章程益淬精從遊多郭憲賜爵兩桓榮國藉
師臣重書傳子弟行丙科慚爾雅高第說先生緬
入成均日欣逢典禮誠升堂窺矩立肅拜想經橫
鱗次周璇室趨鐫滿繡楹何須効綿蕞俱似進蓬
瀛更荷升歌列遙聞象德聲颯颯來鳳管藹藹發
鸞笙清廟陳先烈嘉魚暢主情夏絃方學拊秋韻
已能廣泗水流無極東山雲自縈龍門誰不踐虎
坐獨心傾芳樹期敷澤奇花望錫名叩鐘知蓬弱
酌水識樽盈何日陪雲母光華徧 帝城

贈濟州太守李燮五

天入奎章近雲看泰岱隣扶輿環間氣正學昇斯
人琴響永壺瞻星從碧綬春仙根矜得姓聖域展
親民盤錯鋒逾利艱危氣益振勸勞銓注舊洞鑒
主恩新竹馬重迎葢棠華再覆裯 公以史事赴撫
部審雪復任撫
循迨召杜卓異比荀陳轉瞬題宸翰相將列要津
孔樽開欵洽禰刺笑逡巡抱玉來燕市登龍問涉
濱主能同賀監客愧竹溪身

八月十四夜同梁侍御日緝於許西山家對
月八韻

改亭集卷四

喜聞梁侍御待我子將家通謁忘修刺看雲已落
霞清樽陶旅夜真氣滿天涯靄靄遍明月沉沉起
暮笳高言窮十緯旁徑析三車不覺秋宵永微看
葉露如玉繩簷際直銀海望中斜明日朝天去青
驄散五花

贈嚴柱峰侍御兼呈灝亭先生

謬謬嚴都諫昌言蚤拜颺貽清承世德特簡自
先皇宸眷恩優渥綸褒意激揚卿雲旋爛熳萊舞
極輝煌令子隨騰躍登朝繼頤頤鳳池波灩灩蘭
佩玉鏘鏘紅蕖迎莖露青梧映柏梁人稱真御史

公望本嶽廊符采凌虹見論思抱獨藏匡時惟正
色尊 主只封章國體資威重蒼生佇樂康何須
言必用已覺氣能張况是都俞切行看寵眷長從
容敷濺澤密勿悟當陽獨立三臺上相孚一德傍
此時瞻伊陟寧復羨裴王隔座移雲母趨庭並玉
堂人間誇蚤貴天際仰高翔何意泥中客欣依日
下光覽揆慚獻頌聊以代稱勝

八月初十日酌成張先生署中對月十韻

漸覺清輝滿流光解照人星稀河漢出月迴露華
新高宴娛今夕羈孤愧此身師懷投朗月秋氣絕

改亭集卷四

三

纖塵覽古悲銅雀書空對玉津芳醪三雅列藻鑑
兩河均 繞啼鳥鵲鄉思憶白蘋別因城柝急醉
藉馬蹄馴皎皎垂征袂沉沉似向晨天高悲宋玉
感激易傷神

送同年寧侍御按饒兩淮

問氣邯山盛清風淦水長偉人生 聖代正色啟
明良諫草烏臺上昌言玉殿傍稜稜看劔佩肅肅
動綬章沛澤先南國宣綸出尚方馳嘶隋苑月雲
護董祠香執法參乾曜釐姦走皂囊嘉謨惟裕國
勝算是矜商指顧開閭闔丰裁振紀綱泥中忝曉

昔翹首望清光

汪恪菴大令招遊女郎山次壁間李中麓太

常韻

飄飄遊子屐脉脉女郎山岫轉如迴抱煙低自往
還繁花綺陌暗愁黛遠峰開帖地來飛燕迎風立
小蠻樓凭金屈戌水繞玉連環繡江山水晴日應開
鏡春光好駐顏微蘭私有祝山有碧霞祠種杏共
誰攀山有藥迴勝凌無際羈懷託此問主人堪卓
魯詞客豈楊班興盡鄉心切清齋對八關

阻暑却寄張大參十六韻

改亭集卷四

四

問氣來陽羨家聲冠帝京才華協盛公望茂先
清簪筆青華署然蔡碧玉城鴻文推大手王佐想
元精列戟辭中禁維藩裕國楨政成神爵集治最
御題明風沼還前席蓬瀛再濯纓泰階資上相
歲澤慰蒼生賤子販誠久環橋執業榮公叔父司
第一試拔竹林看令從蓉府畏名甥更忝南宮契公
為米紫來兼隨仲蔚行公弟泳侯先容求聘脉通
謁冀逢迎庶遂登龍願聊酬望嶽情蹉跎成熱客
惆悵隔霓旌未入禰衡刺難窺傳說葵因風陳悃
幅一顧欲長鳴

贈周櫟園觀察

昭代推文獻誰稱最鉅公先生真斗極士類仰鴻
濛著作商盤並經綸漢傑同精思穿溟津偉節樹
崆峒六合收入表千秋味道融江淮底茂績閩海
振奇功肅紀持臺正司農裕國供艱危經百鍊字
格只孤忠再秉青齊鉞還開建業宮欣欣從怙冒
藹藹近旂幟牛首巖威峙龍盤沛澤通伊予承塵
誨相贈滿書籠似挈雲霄上如依月旦中寸心輪
踊躍頑石待磨礪河曲觀如帶山高頌若嵩因風
寫遠憶湛湛有江楓

改亭集卷四

五

贈佟與京二十四韻

憶別清塵後俄驚十六年望湖明月夜葛塢小春
天白苧新聲合紅兒舞袖連華燈娛密坐美髮艷
垂肩主客心期洽杯鐺禮數捐此時遇知已誰不
頌周旋薦爾書相贈推袁意獨堅匆匆一分手落
落各加鞭君往趨章貢予行滯趙燕關情間助喜
遠望得深憐詎意平江路相逢挂席船遙呼只片
語疾去若飛烟晴樹思無限停雲念黯然淮南空
寄詠薊北枉投箋自此疎芳訊無從繼舊緣今茲
欣把袂昨復荷開筵把臂如疇昔升堂似偃佺酒

因家林好肴爲圃蔬妍畫手盆中具林嵐影外傳
何須虎頭壁絕勝米家顛與京蓄盆中擬畫家筆
法夜以燈照之影更妙
絕更許梅花發招尋杜曲前名園期極目逸興勉
重趼羈旅顏逾厚窮愁歲又還平原真意氣繡像
祝豪賢

劉公定招遊郊園看桂花十韻

纔出郭門東天香送遠風名園近睥睨芳樹傍簾
櫳暇日軒車過初歸讌集同公定初從
燕京來客來三徑

外身坐萬花中亭映交枝碧杯移浸珀紅南皮遊
有數北海興無窮諧謔忘羈旅風流憶醉翁夕陽

改亭集卷四

六

宜遠眺秋氣落晴空並轡煙霞接微醺意氣通小
山探叢桂佳句滿梧桐

贈子登二十韻

論交周四序識子實非常意氣凌金石篇章辨漢
唐丰神真嶽嶽標格最昂昂六館推文伯三川見
大方扶搖不日近簡鍊暫時藏燕翼青箱秘鴻儀
碧漢翔伊予來上國握手露中腸得句相矜賞披
文共頌頌紀羣欣接跡養炬快同行東壁書容假
西湖興不忘爲歡馳酒密脫贈解衣長苒苒韶華
換勞勞景物忙孤懸當歲始椒頌及年芳春滿黃

金谷天新白玉堂二親方壯盛百祉正弘昌亂得
垂虹貴家迎夢日祥羽儀開健翮騰躍徧康莊道
以經綸裕功因啟沃良斯時數朋舊我亦附榮光
莫笑稱詩拙詩催笑侑觴

祝大叅方公二十韻

恢台當盛夏沆瀣正新秋恰值生申喜羣占瑞氣
浮家聲承相國德慶自饒州傑萼科同顯經綸望
獨優南天澄渤澥西塞洗戈矛幕府交章薦軍功
次第收茲來秉旌節指顧靖炎洲清比冰壺澈嚴
堪玉律仲矜黎沾雨露嘉穀滿田疇淳意消虞詐

改亭集卷四

七

和風足獻酬四知曩哲在三字古賢留烽火降封
遠苞桑本計周會須從樹戟翔步列鳴騶帝念
勲庸懋民依怙冒悠旂常書姓氏鐘鼎勒謨猷履
卽登閭閻星寧制斗牛門生舊盧鄭賓客昔應劉
弘閣曾陪讌庾梅忝倚樓今辰欣介壽良日望從
遊愧少綏山獻空聞下澤謳

雲起樓聯句 併序

雲起樓者三韓吳公伯成爲錫山令時所砌
建者也樓居第九龍之麓踞陸子泉之上擁
神臯之秀麗含形勝之奧腴吐納風煙俯仰

陵谷喬柯蔽日醴泉歎雲遊觀之展徧於極
遙臨登之歡得斯爲愜自昔浣沼之名曲水
之榭雖曩址可企而芳規茂如使君自公之
餘賓客相從之暇以至四方挾藻之俊彥八
表扶質之偉人莫不聞風褰裳攜樽覓句王
仲宣之信美旣賦杜子美之騁目方新形還
朝道經徘徊其下偶與計子共爲聯句凡二十
韻以紀勝情高山可仰情見乎詞若云簡知
我者不必寄元則先得我心是在作者吳門
繆彤序

改亭集卷四

八

郭抱青城麗山含碧澗幽甫五湖開景色八嶺踞
風流念土厚甘泉冽天高老樹秋淙淙看噴王甫
歷歷共登樓騁望芙蓉入憑臨冠画收念朱甍何
嶽業紫氣欲颺颺靈秀占吳越甫空濛徧斗牛大
雲何處起此地偉人留念曉並朝瞰燦宵同銀漢
悠囷輪呈象異甫旌蓋自天浮倒影凝三島垂光
映十洲使君真李郭念賓客亦應劉高冥相攜手
論文在上頭甫不殊袁紹飲何異謝公游逸興江
山助念交期翰墨投誰能升傑閣有不念雄謀甫
北顧皇居迥南瞻旅思愁於焉整脂秣念一爲聽

與詭高密誠堪繼中卒足與儔甫豐碑他日勒應
樹比培塿念

贈同年杜肇餘學士三十韻

次李義山上杜僕射原韻

淑景開旋闕菁華映玉京積祥發鳳羽餘慶得星
精韋曲家聲舊城南世望清趨庭稱鳳慧入塾著
吳聲水秀鶯鶯藻風和綺角極江才花入夢越雋
鷗爲盟騏驥翔康步梓樛作上楨含章追陸贄得
句通鍾嶸視草看聯第銜霄只一鳴紫微簪灑灑
黃開珮行行有喜沾天酒承恩捧御羹澄心推澹
靜養疾轉和平學以書淫富經從左癖名人文河

改亭集卷四

九

洛盛賞識主司明縣圃香蘭苗藍田美璞生得賢
真有後循進順何爭甲帳陪皇覽庚枋扈帝
旌昌言功啟沃閣論意屏營進退無姬媵卿杯遠
醉醒蕭疎誰得似謹慎詎能驚卽此持身法應深
濟世情寒垂冬日暖霽放蚤雲晴帷幪資謨弼鹽
梅協俊英堤高待新築燈聚快如城此日來游子
曩時識貴卿敢期門可掃尚冀驕爲迎眎跡邀河
潤吹嘘藉玉成夕葵安負米曉鑑倚持衡墨飽貧
交荐田餘古硯耕獻詩當贖祝懷抱日縱橫

贈李湘北侍講二十韻

誰能扶正雅當代最推公健筆能深入虛懷愛折

衷才情況天授體勢自無窮著作將身等聲名豈

俗同推賢繼元禮擬古續文通一振蓬瀛色能令

鳳沼雄五雲垂翰藻七錄靜書籠御苑枝皆碧宮

堦藥自紅近天思獻替述祖自崇隆時纂修世祖實錄

燕許琅函掌班揚玉笋供經綸何壯潤衡鑑乃宗

工分校嚴題品澄清著辟雍奇才來叔夜談士得

符融六館人相慶逾年道已崇卽今瞻啓沃相與

望精忠不負平生志惟將學術充格心規十漸翼

主喻雙鴻助業藝龍上交期許郭中掃門心有託

改亭集卷四

十

開閣展難容感戚遭青眼當筵展國風

觀祀瞻射獵八韻

禮綸貂半臂結束愛身輕馬作飄風勢弓調礮礮
鳴合圍張陣脚列騎偃長城俊骨聯拳疾飢鷹獨
爪明飛毛憐雉兔灑血快狐貍塵起雲林暗鞭收
大地清歸來吟四鐵豪宕發秦聲

高陽縣過故相國孫公宅十六韻

高陽名相地樞輔昔巡邊幕府搜朝傑軍咨得逸
賢鹿伯順孫鍾元風義峻茅止生宋獻儒武文全
馳檄驕兵泣登陣信誓傳五城唾手復九塞抱頭

旋震主勲名重匡時若効先陰疑晉陽甲顯類令
公權戰氣空蕭索歸懷寄傭仝青蠅殿上集碧血
土中鮮湛族悲 梯榮賤緒淵門生多曲筆行

狀已喧闐陳壽書求賂丁儀事失編虞山雖竦峙
瀨水亦迴沿今日車過此能無意惘然孫督師門
下四傑曰
鹿孫宋茅錢牧老作督師行狀以有夙憾於宋
盡削去宋事人皆爲不平故有陳壽丁儀之句

容城哭孫徵君十四韻

幸入徵君里徵君近已亡三號長夜半一慟短牆
旁絕學誰能任宗傳孰與商調停十一子證悟兩
三行弟子多英妙微言各自藏高明推上蔡張水
字冲

改亭集卷四

五

西沉毅得睢陽湯斌號
荆峴予忝承親出先生令子與
家世父同爲

虎門曾無挂瓣香寒裳愁枳棘重繭畏河梁奕奕

蘇門峻悠悠衛水長如何通暮謁僅一拜匡牀西
午

九月子至百泉值先廷叩鐘無應齏料海莫量沉
生臥病僅一相見

思逾歷歲結想再升堂豈料摧眉壽終爲掩劍銘

高山空仰望此意詎能忘

曉發固安至京師呈督學王公

寒雞鳴廣野曙色動徐輪淑景升丹闕平林擁玉
津苑牆天外直御宿日邊勻鼓吹旋龍節旌旄返
帝闕公忠輿論在謹慎 主知真得駿燕金舊

羅珍趙璧新幕中慚庾杲物外契嚴遵愧少纖毫
報蓬心類野人

上梁大司徒公二十韻

喜見春將至欣逢介壽時東風吹管律南極照雲
楣調燮相須允元和正在茲梅花香徧院栢葉煖
盈卮升月光如璧融冰物漸滋篤生當此際名世
應昌期恒岳偕崧峻渟泚似帶奇夔龍專論道燕
許大摘辭曳履星辰躡成蹊桃李枝尚書四部貴
公歷戶禮兵精白兩朝知舊秩原丞相新謨薄繭
絲自然存大體誰不倚揚眉藏富民生急蠲征

改亭集卷四

五

帝念之黃扉行贊贊綠綬坐垂垂有翼皆依鳳凡
鱗盡向螭躋堂稱自好開閣謁無私一顧增聲價
千間想具茨何來感恩者長獻獻新詩

贈龔伯通二十韻

白鳳丹山曉蒼蚪碧海春飛騰有時會需次亦威
神門望昌台重家聲斗舌振君宗漢李郭舊學魏
荀陳著作尊經術文章得雅馴堅凝看丰度敏憤
贊經綸專壹趨庭日勤劬侍疾辰煢然只操藥允
矣似忘身浣滌迷寒暑霜齡候夕晨同人聞孝謹
聖主眷元臣道以君親立天憐父子仁總持版

大節領袖斯人詎意招鴻乙翻成棄劇辛金臺
空突兀驥足奈逡巡憤懣從時論安恬樂我真但
知娛定省豈復歎沉淪官柳東風屈官梅北極新
張燈開列炬進酒頌扶輪助喜應予董歌詩愧野
民韋平行繼拜依戀隔清塵

再過張強題官署壁擬寄吳大令

吳爲嘉興人

重來曾宿處惆悵不如前月黑求燈火人飢待粥
餽無門爭挂席有炭只多煙落月虛牕入酸風敗
壁穿空餘鼠婦在不待鹿牀眠豈是逢周黨還令
憶孝先逢迎禮可廢巖邑望空傳南極星雖見耶
官宿已愆莫飛三輔局急棹五湖船春水鷺鷥洲
春深好種田

改亭集卷四

三

改亭集卷四終

改亭集卷五

吳江計 東甫草著

男 從孫璜全姪嘉禾重校

七言律

南還

年年客髩愧津梁失意偏悲客路長去國轉深西
苑夢到家好枕北牕涼何須山下祠黃石會令齋
前種白楊底事關心那可說啣杯惟有對斜陽

夜泊青縣

明滅漁燈出亂流依稀戍鼓傍行舟客程尚隔三
千里歸夢先踰十二樓阮籍東園飛藿滿羅含西

改亭集卷五

一

舍暮雲愁不知射策成何事長使高堂寄遠愁

贈陳其年

越嶠吳江極望中中年湖海任漂蓬布帆遙挂青
山雨橫笛哀傳野戍風河內琴樽佳客盡平陵松
柏霸圖空只今牢落江村裏目斷南雲泣數公

九展成司李永平詩以贈之

虞廷兵法寄刑官吾友風流早據鞍晝挾朱絃移
瀚海暮隨驄馬按桑乾清秋鼓角開三協疊障雲
屏動七盤聞道玉壺常羽獵賦成回首卽長安

舟阻汶上次柳公薩韻答贈

長路相攜賴爾賢偶然投分即忘年清宵欲奏桓
伊笛永日空停范蠡船一片湖山愁裏月半江風
雨客中筵何時却立蘇臺上與子啣杯落照前

哭吳扶九先生

山曲溪流對夕陽孤舟繫纜一登堂羊曇痛哭誰
知已向秀悲歌只自傷賸有遺書空滿架不堪稚
子僅扶牀幾年講席承恩地依舊梧桐覆短牆

山塘同人夜集

憔悴風塵第幾年每逢高會即怡然極知少壯當
行樂無那繁華在別船坐接櫻桃人是鄭歌殘長

改亭集卷五

二

缺客非田離室此夜清秋月偏照愁人雙淚邊

將至都門有作寄侯研德陸麗京俞右吉諸

子

帝城隱隱接雲霄又見梯航萬國遙遂有黃金能
市駿不妨青海看橫鵬乘風搖曳三千里感舊淒
涼四十朝多少葫蘆長柄在忍將祠賦溷漁樵

寄內

我從春暮渡青洲憶汝深閨獨坐時膽小須教嬌
女伴啼痕莫遣老親知欲操井臼偏多病自寫平
安更不遲怪底池邊楊柳色年年風雨送離思

任邱旅壁見嚴方貽辛丑四月南歸醉題一
律次韻和之

醉題一字一沾中過客重看爲拂塵君已飛騰摩
日月我仍搖落度冬春新知定許無雙士舊恨同
憐有幾人子與方貽俱以陰字違式被落逆旅幢幢燈燄歇獨眠
土鉉憶酸辛

濟上春雪堂作二首

我師持節領河渠淡靜丰神自有餘爲愛雙槐成
小築更移三徑就藏書署中舊有藏書精舍捲簾坐對青山
好入室應憐玉笏疎何幸得陪清暇日後堂絲竹

改亭集卷五

三

聽脚謝

憔悴風塵近半生師門依戀畫堂清曉看爽氣籠
佳樹畫擁森陰臥碧城靜裏自慚多過誤愁來何
以報生成拋書獨向池塘立片片花飛覆杜蘅
毘陵薛憺巷久寓平原茲遇兗州因作小詩

寄平原諸友

苦憶平原諸舊好八年不見近如何都無枯菀同
松柏幸各平安老薜蘿岱色北迷雙綵筆魚書南
隔五湖波偶逢薛據爲傳語司議風流兩地多
暑夜集李樊五太守署中兼贈其兩嗣君元

公和公暨館甥周靈圃

中宵列炬山巖城躍馬渾忘醉與醒夾岸牙檣迎
吐月半江波影動疎星主同元禮龍門迥客到臨
叩憤鼻輕把袂况看三俊在交期今日爲君傾

濟上喜陸生山宗從遊

翩翩年少客天涯忽漫相逢到絳紗豈有賦心傳
盛覽更無奇字與侯芭含毫應視西清草並馬期
看上苑花爾父只今飄泊甚待君早貴卽還家

察

宋中送丁飛濤祠部遊金陵兼寄周櫟園觀

改亭集卷五

四

客中送客倍開情況復炎天千里行擁簪幾人矜
意氣脫驂空自負平生雲開湖水征帆疾月落鐘
山旅恨輕若見周公逢吐握爲言賤子最心傾

贈侯仲衡舊桃源令

淮南花縣舊逢君亂後功名付夕曛白怡憐充西
府客青緇耽愛北山雲仙人陵谷看三換兄弟文
章自一生愧我飄蓬託廡下笛聲寥亮不堪聞

靜子歿各
十年餘

投贈呂減之北部

東也黃岡門下士黃岡夫子戊子賢揚來千里拜

先生淵源敢負斯人託似續終期吾道行晝永棘
城開講席經傳司寇振家聲東山况係蒼生望珍
重當時忌獨清

哭侯朝宗

生前恨汝非知我死後慚予一慟君今日風流推
大手他時憑弔在遺文馬蹄遠踏梁園雪劍氣遙
橫少室雲磨鏡相看千里外此中誰許結殷勤

奉呈張爾成先生次見贈韻先生舊爲司業
今官河南少參

心隨飛鳥度間關那喜旌旗自北還入座可憐仍
楚璞挽鬚細與問燕山人常搖落承恩易詩發公

改亭集卷五

五

餘覺政開八月衝漳波漸瀾三臺尚聽水潺湲

鄴城叩謝茂秦山人

鄴中懷古正秋風詞賦深慚謝氏工生欲移家辭

白雪白雪樓李于鱗居也于鱗與茂秦
中絕淡秦自臨清移家至鄴中歿隨疑塚

對青楓諸王禮數何嘗絕七子交期竟不終自是

貴游多薄倖布衣未必歎飄蓬

將過蘇門山謁客城孫鍾元先生於夏峰莊

預爲投贈之作

曾於蒙叟先生集早識先生真我師壯歲匡時求
大俠晚年聞道好深思天中再聽蘇門嘯洛下重

吟擊壤詩千古斯人爭一綫擔簦百合復何辭

秋興十二首 有序

予以畏暑臥病梁園三閱月至孟秋下浣
始渡黃花北發取道鶴城鹿臺客鄴良久
復從衛南渡入汴重九後七日返鄴留四
日至柏鄉留十餘日至藁城留五日爲孟
冬十一日秋氣盡矣因憶九秋客緒之苦
凄然太息乃歷敘途次情事得詩十二章
以告同志

凭欄日日望新秋秋至炎威尚未休偏側一身迷

收亭集卷五

六

去住艱難雙屐結窮愁瓜田屢報東陵熟菰米頻

看北苑浮兒說侯羸方伏軾心隨飛鳥到廬州 候仲

衡訂諸同人
赴令肥會葬

遲遲殘暑復旬餘力疾慚登油壁車千古葵丘謬

劔佩 子渡河取道考城一鞭秋色渡河渠茫茫不

解征人恨落難安窮巷居何日俸錢營負郭班

衣觀獲愛吾廬

大伾山脈到龍城同學瑯琊早著名 長垣王 嶠昔

敦槃欣贈答只今羈旅愛逢迎蘭苔翡翠清新在

北海鯨魚興會生最是倩娘題壁句吳郎絕塞不

勝情漢槎筆也題詩百餘首山東三輔間多有之
別與有次韻諸作未詳其人予有書致之

衛河東瀉合淇漳魏滑分流下濮陽盡日塵埃厭
牛馬忽驚樹杪見帆檣吳人本愛乘舟逸秋水兼
看破浪長便欲脫驂求一葉津門濯足 帝京旁
經過盧謝山人里 盧次樵家滄縣謝茂秦一望凄
然淚眼中韋布自應呵二子才華未敢遜諸公李
向味五子詩俱首茂秦後介州 韓陵荒墟埋衰草
四部稿以盧謝別爲二子云 玉女殘雲散碧空時會不來甘寂寂迴車何事哭
途窮

收亭集卷五

七

秋老西園厭客居良朋召我設鱸魚 安陽李大支
根年丈

離酒態愁無定頃刻盤空更進餘纔觸鄉心憑半

七欲尋初服託三車砧聲處處催殘月耿耿明河

可照予

兩河輪輓下飛符憲府乘秋指汴都攬轡看山仍

挂頻從遊稽古只披圖天清野滌收秬稻日落沙

深叫螭蛄夜靜洪流聲轉急同行畏虎劇相呼

大梁城堞控神臯再闢荆榛版築勞開府戒嚴聽

鼓角中原扼險壓河濤丁香九月開花徧桃葉三

秋結子牢 汴城九月中秋 獨有信陵祠畔菊含
盛開桃李結實

英臺露待登高

片片晴雲映大旂平原羽獵合長圍風毛真愛飢
鷹疾雨血誰憐狡兔肥氣盡弓刀看火出酒闌人
馬望城歸菰蘆寒士尋常見獨坐陳橋送落暉
見說延津桑落酒清宵旅店強銜杯瓦盆醉客渾
忘味縞素懷賢重溯洄延津周計百向當世幾人
知駿骨入門何意妒奇才飲泉孔雀驚牛角去矣
宵中首不回

叢臺思作步虛詞乞枕仙翁拜石祠滾滾黃塵趨
北道層層青嶂俯西陲空壇夜靜聞天樂好夢香

改亭集卷五

八

深擁趙姬身世那堪憔悴久榮華原不羨多時
驅車曉入鄆城南已見清霜覆遠嵐瑞氣自凝丞
相府交情欲解故人驂華燈錦瑟逢開閣白鶴珠
盤快盍簪暇日郭門閒倚看西山爽色恣幽探
哭王恥古都諫二首

當年抱膝長椿寺幾度吟成謁後塵深穩可憐針
砭切粗豪獨許笑啼真先生每與子論文輒舉杜
愛市草嘲笑自有真也誰知遭遇難齊物未必聲
名果遜人君既遊仙子坐廢夜臺尊酒共誰親
先皇最亮先生直報國因忘盡瘁愚一自移官旋

臥病每從當食聽長吁青蒲碧血淋漓在白日丹
心想像孤更有十千淪落士感恩封事哭窮途先
曾拜疏爲江南紳士十
七年里誤一案昭雪

忽憶

建蘭茉莉一時開葉碧花香繞鏡臺乍喜晚粧爭
點綴最憐早起共徘徊涼生聽雨圓廊坐浴罷微
歌錦瑟催最憶閒居堪遣悶浪遊何事不歸來

送隱巖禪師遊五臺

上人浪跡京華久結習仍愛清涼山朝隨鳥道放
雙腳暮聽猿啼臥九關手攜竹筴橫榔栗眼見括

改亭集卷五

九

柏堆煙幾逢人莫說渾沌意花葉於今盡可刪

雨過見西鄰園色因憶家園口號

雨過天街見夕陽輕盈柳色露隣牆長條自愛臨
風舞深院何堪盡日藏若箇腰肢憐最瘦看來眉
黛儼成行故園久怨狂夫別念此誰能不斷腸

夜集嚴旣方舟中

一別清塵十二年半生離合各紛然久拚邈隔如
南越愧爾招尋到北禪永夜嚴城催戍鼓寒江明
月湧歸船剪燈細話從前事轉眼雲泥劇可憐
廣陵旅次遇曹子仁悲喜交迫口占二首

三年血淚未曾乾今日逢君拭淚看顏面宛然夫子在家門誰念藐孤寒邗江舟楫悲空返楚國魚書恨寄難執手歸來清夜立旅魂無寐雨漫漫平齋侍坐渾如昨異數偏稱入室人負德可憐真潦倒辜恩不獨爲沉淪承家喜見傳經舊奕世應看肯構新明發有懷同惴惴幾時方顯報親身

追悼徐侍御僕陳啞子口號

井序

啞子從侍御於諸生孝廉時最勤苦予與侍御交情啞子見之尤詳歿十年矣茲謁侍御廣陵忽念啞子哭之以詩并示諸同學

改亭集卷五

十

久客邗溝絕可憐中宵憶汝忽潸然金明寺裏吹殘日刑部街頭災併年病肺多時音漸失寄棺中路骨難旋今朝汝若相隨在話舊猶能識數賢

贈登封令葉慕廬同年

中岳主人清且賢不辭游謁路三千未踰伊洛心先淨纔過輟轅望欲仙八面峰巒隨一客四圍雲樹壓雙肩爽鳩暫此飛鳧舄又見金閨早着鞭

答吳虎文

時在洛陽吳大令署

行旌遠送闔閭城西望葭葦百感生曾過虎牢同蜀道也知雒邑舊神京春深鈴閣長書靜星滿棊

堂夜色清誦子和詩知密意天涯兄弟有逢迎

立秋日有作與潁州諸同學

十年俯首嘆沉淪每到秋來倍愴神戴笠不堪尋舊侶結鶉何以對衰親桐風帶雨三更急潁水連天四望新此地賢豪擅文筆誰爲賓戲慰羈人

公定齋中看菊次子登韻二首

年年此際看花新今日花間意有神四座一樽招越客六詩三筆姓劉人英餐歲宴秋將老氣入天高我不貧况是謝庭多勝事舉芳啓秀興還頻悠然又喜繞籬新帶雨攜根不損神脉脉豈知身

改亭集卷五

十一

是客蕭蕭惟愛影依人滿頭徧插誰笑醉眼相看未覺貧真羨風流劉夢得雙懸綵筆唱酬頻

別慧湖感賦

有序

去年盛夏慧湖主人招予看荷花及秋冬間時時飲此每更一節候湖邊風景卽殊感慨繫之今復春矣予行期已定獨遊湖堤言別紀之以詩

春風吹浪湧晴湖潑潑春光啟畫圖隔歲菱荷飄斷梗新年楊柳坐啼烏堤邊小艇侵沙軟檻外空亭落日孤記得初來觴咏罷夏雲秋草暗荒塗

準提菴再贈恒印兼寄懷劉子淇病中

默默惺惺久客中愛過禪室話宗風
震威一喝三生徹暗築三拳一徑通
白雪庭前看隱見紅輪城畔自西東
知公欲問維摩疾擇菜搬柴意未工

夜示劉凡暨劉昂諸兄弟

紙牕燭閣一書帷五夜明燈縱筆時
意絕筌蹄求獨悟文從冰雪見深思
慚予搖落人皆棄願爾飛揚自得師
憶昔高賢汝穎聚京華猶羨利如錐

次倫諫原韻奉別

吾道從來不厭貧子桑歌哭每兼旬
試看借面皆

改亭集卷五

三

如鶴誰想孤懷可似鴉賞譽雍容依許
劭文章怪怒想吳均青春握手譚離緒
覩此勞勞亭畔人

爲丁生賦催粧詩

鄴下雙丁名並齊丁儀先讓弟雙柄
定情宵永宿難曙學畫眉長黛欲迷金
鈿盒開香細細玉樓頭顚語低低報
劉有表他年事此日嘗羹好問妻

答寄公祇考功

多買名花到舊京桃根桃葉兩相迎
筆牀翡翠吟皆好硯匣鴛鴦句并清
畫舫江淮消五夜春風絃管醉三星
感公行樂方無暇頻遣音書寄友生

別穎州張孝廉

清穎同年憶五人此來惟獨見君身
誰令意氣消磨盡自信文章尚有神
白晝縹緲供笑傲清宵霜月助酸辛
每思把臂難相值走筆書懷媿未申

再步盧家池

恨無一片韓陵石可與清言恣往還
幸有盧家衣帶水差堪吟眺破愁顏
少城雉堞臨疎影廢圃簫篴倚假山
挂頰我懷遊俠傳風流千載詎能攀

贈盧尚方

桓伊笛步漫逢君取次春江客袂分
自到卯金看

改亭集卷五

三

對宇欲依鴻乙賦同羣青燈不墜青
箱業白髮還耽白練裙正好秋光醉
叢桂避人何處北山雲

雞鳴

雞鳴喔喔出牆東起舞寒宵興不窮
脫有微風吹草澤能於暝暮見英雄
胸中久矣驚餘子河內何嘗僅數公
牧豕平津開閣近年華意氣許相同

卽席代贈

一抹橫波媚欲流柳枝未許洛生求
東東自昔呼雙耳細細於今冠十洲
急雨燈前杯底見畫船花裏醉中留
幾年薄倖揚州夢相對應憐汗漫遊

馬上倦甚欲臥恍惚見君文贈予一絕句知
君風雨能相愛孤竹無忘田子春忽驚醒
遂失前二句

門無奴客只君家胸有藏書更可嘉別汝渡江真
短氣知予將母發長嗟斜陽馬上來殘蝶橫笛驛
前似暮笳驚失夢中投贈句子春意氣不須誇

子葵戲索贈句擬少陵拘體一律

胎簪先生才調集中有贈君數首詩以此卜居定
非俗果然傾蓋成相知雙楓明月共散誕三輔白
日同驅馳轉憶朱家謂菊幾時到論文勵志真吾

改亭集卷五

古

師

玉田道中

密雨蘭風發玉田徐無山下麥芊芊荷鋤屯已安
荇藻激水人能種芋蓮烈士有名存廢壘田曉城
北二里聖朝無外撤防邊不須旌節脂車驚遊草
應無塞上篇

豐潤道中遇雨有作呈王公

玉塞征人零雨時金闌三婦正相思江南已厭黃
梅熟薊北方欣碧草滋龍額封侯空滿目雞林文
價有誰知感公真賞酬新句流水高山待子期

灤州道中與弘載同車有作

雨洗青山塞外看邊沙初靜野風寒莫愁夏日難
子役似爾晨行漸可安曲曲水光流細細班班車
轡路漫漫最懷魏武曾經此賓客文章滿白檀王
陳琳輩從魏
武西征至此

將至盧龍次沙河驛言懷

獵獵旌旗指大風行行車騎發天東盤山山谷高
低引急管橫笳曉夕同天子愈知文治重近臣
只畏簡書追陪未有涓埃益簪筆何能効小忠

七月望後宜府偶成二首

改亭集卷五

五

四十年來事事非每於默坐淚沾衣高秋此日慚
生我垂老於今愛息機豪氣未除真害事壯心不
已欲何依最憐白髮高堂上拭眼登樓望子歸
又見天涯動客裝相從上谷發漁陽爲川城下河
沙白鎮朔樓前木葉黃七月風聲騎蟋蟀九邊雲
物暗牛羊不知飄泊何時了歲歲秋來憶故鄉

過昌平州望天壽山

下馬振衣過此間酸風無地匿慚顏尚存日影諸
陵樹不散雲陰天壽山馬驚仍搖朱汗濕魚燈欲
滅紫燐斑泥塗賤士空回首悵望龍髯不可攀

居庸關

崑崙萬里扼幽燕中外纔通一線天山若飢鷹羣
奮翻關如臥虎獨張拳泉聲激石淙淙合樹色含
雲漠漠連自笑棄繻空老大布衣羞逐傳車旋

懷來城登樓

懷來城內有高樓四望山山繞薊邱暖翠逼空疑
日暮夏雲翳谷似清秋六龍初返西征駕獨石長
懸北固愁衰草連天時極目不夢鐵騎控邊州

雞鳴驛讀王公和詩奉呈

雞鳴山色碧嶺崦山下桑乾河不乾河走嵌空連

改亭集卷五

去

絕域山遶要宮擁長安荷衣漸微慚遊子藻鏡高
懸識上官况是銷兵文治奏不將載筆羨登壇

秋夜不寐戲爲放翁體

非貪杯酒求酩酊只愛昏昏得醉眠豈料易醒當
客睡錯將離緒怨秋天茫茫百歲橫孤枕隱隱三
星照舊窺何日老農生計足挂書牛角去耕田

壬子除夕

千門爆竹響聲聞倦客京華獨悄然賴有空文娛
白日忍無真意答蒼天買臣晚達須論命伯玉知
非豈待年最是家園今日裏老親雙眼爲誰穿

上馮相公二首

相公清望冠天朝帝眷崇隆肅百僚保泰萬
年經緯密匡時五夜論思遙襟期磊落依丹陛風
度從容在絳霄弟子當時承賞識每思觀禮到圓
橋

薦賢報國從來急此意於今久不聞一疏吾師真
謬謬普天人士盡欣欣柏臺已見青蒲節梧葉還
騰白鳳文時魏侍御成黃門皆有建白但公所特薦士其贊昇平祝元
輔何須綠玉慰忠勤

答李幼菴二首次原韻

改亭集卷五

七

王李從來愛卜隣孟韓相見豈嫌身孟郊詩象已真自嫌身已
如老驥還嘶夜各有衰親失省晨客路浮雲從放
誕文章小道最清真憑君獨信春風好關酒藏鈎
我勝頻獨有春風慰寂寥

東南我亦呼談士西北知君最快才同向天涯搖
臘扇更於何處爆寒灰宜城俱道相推重愚山濟上多慚遠別迴甲辰濟州轉眼凄然十年事黃金
空見舊高臺

贈劉宜人編修

幾時同舉思依依十載雲泥相見稀誰念子桑能

裏飯君憐范叔久無衣論交喜見新篇好閱世翻
疑古道非翹首黃扉看入相平津閣下客如歸

送杜子靜太史還里

三十年前曹侍郎秋岳稱公才調比班揚到門愧

未窺雙戟聽雨時隔一牆予久住宋侍郎蓼鳳

沼晴光雲欲紫龍池春色柳初黃如何暫乞東山

屐點綴平泉近贊皇杜家與柏鄉相公最近

印席贈許錦文于王侍郎子

師門恩義經三世感舊脩然愧此身述祖韋賢詩

句好伴翁宗武賦才新樽開寒夜難辭醉語向通

改亭集卷五

家不厭真何日涓埃能自効高歌黃雀一沾巾

閏七夕有作

夢雨初晴試錦梭迴風催渡又凌波慣看離合尋

常事不愛相逢倏忽多天上曉簪遲白帝人間歸

思怯黃河十年前憶當今夕客睡蘆中喚奈何

壽菊廬詩四首

予自識菊廬後相酬贈以文各三四首予生

日菊廬復爲序贈予茲菊廬壽辰因賀以詩

顧菊廬於詩體最愛其鄉竟陵派予擬爲之

終不似自念予吳人何不亦倣我鄉牧老人

所云四體詩乎然予遠不及中麓近不逮元

恭乃下而倣少微怡荆二體以博同人一笑

倘不知予者謂予張東礪之幟予則何敢承

也

菊花開日先生壽始信先生號菊廬花挾涼風香

淡遠人含秋氣致蕭疎入山耐可依虓虎此菊廬雙修堂

爲故交書讀書也避俗應嫌佩玉魚底急京華曾兩至關心只

爲故交書

山青眼白見洪山水落巴湖艇子還庭有寒光翳

老柏門無然客憫垂銀著書何必求人解采藥先

改亭集卷五

須駐母顏忽漫高言天下事巢山管葛絕追攀

七國翻從三國留時同歷古燕趙地風塵二載共三秋包

容恕我真狂客懶慢知予已倦遊曉發喜憑車轂

轉宵行畏聽水聲悠謂夜渡漳河勞勞行李頻相惜孔

雀何心更觸牛

先生清譽接江離屈宋鍾譚並爾師述作不分皆

大手古今相望可同時華陽雲起迷丹壑綺里泉

聲長紫芝遮莫眉軒徵入對蒼生延領待陳辭

月夜代蘄水姚九兄送友之揚州

送君邗上帶吳鉤正值漳河水涸流銅雀臺荒芳

樹老虞姬祠冷斷雲愁方期綉被同清夜忽漫雕鞍隔暮秋明月四更人不寐遙憐上馬更迴頭

代友答姚九兄次前韻

公子翩翩佩玉鈞十年心誓指江流楚天雲雨誰同夢燕市風塵互送愁君昨西征纔觸暑儂今東去又悲秋客中頻作銷魂別明月何當照並頭

九月魏博次杜陵夔州九日韻

依人隨處伶俜住九日空懷戲馬臺河朔最逢秋氣早江天獨望暮雲開白衣酒至愁難醉皂帽風吹著復來采菊插茱萸都不問燈殘投筆淚相催

改亭集卷五

手

院中秋老角聲催仰視鴻飛歛翼迴一寸心爲越府盡趨幕府百端愁自倚間來人因歸夢常迷路節是登高未有臺此地風流憐鄰下使君餘子共啣杯

發衡水至深州

兩手皸瘃絕可憐淒風割面勝戈鋌奔車迅疾防高下結伴參差有後先清旭起時人尚臥斜陽落處馬方前空勞皮骨求仁粟難賣空文買薄田一杯酒力酣三里十載愁心動五更天下荒唐齊稷下半生迂鈍魯諸生灰吹至後仍寒谷月黑天

中憶火城每對寒空懷舊友高山麋鹿詎忘情同雲三日雪不下却望長林見夕陽難定陰晴任真宰敢將冷暖問東皇平岡野燒迴風紫深谷層冰射日黃苦憶家山今日好梅花細蕊半山塘

排悶

枯桑淅瀝吹寒風城柝斷續隨疎鐘月黑轉見明星密霜黃翻覺高天空心痛遙疑母嚙指客久可憐裘蒙茸家書九月杳不得夢魂夜夜五湖東

次吳虛學使贈古古丈二首

濟時賢相結心知先後論交更不疑古古先謙深陽相公子諸

改亭集卷五

主

生落魄時又七十老人餘劒氣八千遠道訪峩眉壯懷寧裏沙塲骨多事羞吟角里芝爲有江安曠昔約不辭冰雪赴相期

匹馬長鞭手自攜九邊懷古重淒淒受降城上黃河轉蘇武臺前白雁飛錯莫誰憐無主驥能鳴終愧失晨雞賞音最喜忘形跡出處同登萬丈梯

通政張公拜

御賜黃白魚鱣鹿等物召東共食卽席限韻四首立雪師門二十年今來頻喜侍樽前忽驚異饌登三品知有恩頒自九天推食後堂傳弟子分甘同

開集諸賢感恩獨有蘆中士爛醉寒宵意惘然
納言高步入金門每飯時時戴國恩山海擊鮮本
禹貢君臣一氣接堯樽燈明私邸迎新臘月見初
弦得舊痕何日和羹瞻上相小人桑下受壺殮
何幸身依萬仞牆曲江風度冠岩廊對人豁達無
城府治具從容出尚方共醉不知周與蝶獨醒寧
問鹿邊臺忘形潦倒師恩厚許看梅花再舉觴
朝班宛宛佩緋魚拜賜天廚食有餘玉海躍鱗疑
島嶼金盤充筴當園蔬烹來漢殿三公釜飽去馮
生上客車翻笑歲星先割肉歸歟只就細君居

改亭集卷五

圭

因侯使君至臨清寄柳公廕

侯係秦中人

不見柳開已十年別來消息久茫然最悲遲暮猶
彈鋏那得微風共着鞭水接山東人在望秋殘河
北月空圓寄書爲乞成陽叟淚濕青燈叢菊前
雨中家居喜李山顏令子約山枉顧草堂有
作兼贈山顏次賀葉星期韻
遠歸暫喜臥江村急雨連朝野外昏方共老妻嘗
菊酒最宜好友到蓬門通家孔李情偏切養子孫
劉話並存何日寒灰看復熱阿翁鞭弭遇中原
改亭集卷五終

改亭集卷六

吳江計 東南草著

男 從孫璣全姪鼎承重校

七言絕句

馬上吟 有序

予以甲午年冬十月杪出門先至中州遂入
燕臺於時嚴寒戒塗一鞭獨發觸緒多愁漫
擬少陵口號以遣意却寄我吳諸同志
去年北上及三春况是扁舟有故人謂嚴今日衡
寒歌遠道馬蹄霜雪爲誰親

容易辭家到帝州北門聊避室人愁田園正是須
錢買那得貧來不浪遊

改亭集卷六

一

南譙山氣接雲高志業空懷祖遂豪他日中原開
氣象肯令鋒灌笑吾曹
鵝血新調五石弓輕裘飛騎逐生羶道逢年少三
河客笑指娼家唱惜公
盤山入谷厭高低盡日煙巒望欲迷何處羈懷最
搖落白雲一片夕陽西
曉日高高照客鞍清霜灑袖未曾乾遙憐綺閣明
窗下大婦粧成小婦看
野燒高原極望紅寒郊暫喜一相逢多慚孺子因

人熱夢到臯橋歎轉蓬

聚樹扶疎夾道栽衝風一騎入林來江南此樹何

曾識纂纂歌成淚暗催

永夜閒聽旅寺鐘繩牀輾轉意無窮五更牽馬出

門去身在霜華月影中

漸遠家鄉強自寬但逢好景只盤桓青青最愛西

山柏立馬中峯挂煩看

代述怨辭四首

可喜盈盈十五餘迴風初動合歡裙無情遽折將

離草腸斷瑯琊王伯輿

改亭集卷六

子夜蒼茫欲曙時牽衣密密問歸期狂夫謾約三

年別桃葉桃根總不知

等閒送上別離船不解相思是可憐偷看大家粧

鏡裏朝來無復愛花鈿

何日生男字阿侯坐看河水向東流空房既許陪

清晝魚尾何煩怨白頭

豫讓橋 順德道中

秋盡蓬山慘不驕流泉夾岸夕陽遙傷心國士酬

恩地瘦馬單衫豫讓橋

湯陰道中絕句四首

柳廊一望碧煙齊策馬郊原古道低不見長條解
搖曳故園南憶轉淒迷

荒祠寂寞對悲風古碣重題嵇侍中最恨彈琴東

市日錯將六尺寄山公

太行山色青無際林慮縈迴似碧城莫怪岩棲司

馬客銅駝荒草不關情

鵬舉先生儒將風譚經奉母最雍容挽強每念師

恩厚杯酒常澆鵲血弓

感舊四首贈史三兄

禪智庵頭別劍芒青春紅淚灑宮牆重逢小阮譚

改亭集卷六

時昔身是君家舊孔璋

桃花米熟伴枯魚參坐欣然一飽餘見說相公猶

未食何耶泣獻袖中書

二十三年存歿情無端感舊淚縱橫廣陵八月潮

來急似聽登陴嗚咽聲

上書請駐馬馱沙一線吳天未足誇不用便從黃

石去禹陵風雨下靈蛇

見西隣柳色因作憶家園口號再戲爲一絕

愁絕沉吟愛此詩詩稱半格少人知當今才子王

貽上秋柳真成絕妙辭

沈繹堂憲副招同諸公宴集卽席和陳亂僧

十四首

燕市悲歌復暮春夕陽花下未歸人風流剩有休
文在折簡招尋不厭頻

坐客誰非第一流譚經說劍總銷憂逢人莫怪偏
憔悴十載京華避貴遊

袞袞諸賢半少微曳裾到處有光輝憐予岐路空
更轍依舊長安一布衣

歲歲攀條泣柳枝長吟杜老怕春詩燈紅月黑人
俱醉我獨傷心對酒卮

改事集卷六

四

皓首朱顏望若仙雙瞳巖電照當筵那堪醇酒三
升後話盡風波四十年浦縣開

悠悠深懼負師門楚客相逢每斷魂與問黃岡身
後事春星當戶已黃昏楚黃劉

病起消中近若何青精大藥未蹉跎停杯不飲緣
何事此酒相傳易水多白門紀

執友於今有幾人喜逢帝里侍綸巾鴛鴦河畔春
風急應憶晴天理釣網嘉禾俞

曾過梁宋詢耆舊侍御精靈尚可招幾向樽前看
令弟家聲不忝在雲霄西泠陳

程褐淮南得小山金門大隱試追攀何殊遠駕陶
元亮東海歸來蚤閉關寶應陶

哭癖名高同學中期期丹電話朦朧生年已過朱
翁子懷綬何時得自雄婁東周

午夢堂前荒草長能詩家婢散何方八龍獨有慈
明在搖落京華淚數行汾湖葉

海燕窺簾柳絮飛鳳凰池上望春暉何當三戟趨
朝日再聽朝元晝漏稀繆堂

阿兄連幕久留燕小弟蓬飄更可憐攜手高梁橋
上坐探春花謝又今年家兄

改事集卷六

五

戊申首春廣陵旅次領州寄伊庵司法招同
張玉甲大蔡泛舟平山堂宴集曉歸口占

八首

客裏招尋北郭遊清樽茗椀木蘭舟亦知勝集非
容易判醉東風一散愁

晴雲斜日渡紅橋婀娜隨人是柳條却憶故園芳
草碧幾經秉燭待春宵

放櫂緣溪登眺宜竹西遺跡總迷離隔江惟有青
山色似與諸姬寫黛眉

興廢何常自惘然平山堂內列金仙三車莫漫逢

僧問但汲人間第五泉

錦瑟哀笳競晚風榜人斜刺落霞中船頭火樹頻

催放映徹春星箇箇紅

荆益旌麾並舫回維揚煙月共徘徊三州總向長

江合滾滾波流日夜催

廣平健筆賦梅花詩興還如東閣賒更有倦遊裴

馬客思歸不獨戀京華

奇章意氣原難有杜牧清狂今亦無好繼當時賢

主客能傳佳話與江都

聽隔牆擗箏聲忽憶二首

改事集卷六

六

張弦促柱出新聲楊柳風吹客夢醒惱殺春光開

碧玉空房錦瑟不勝情

小令每聞彈月子調絃最愛弄青陽敢言絕技能

排悶一曲花前也斷腸

月子彎彎青陽關子皆小曲也

婁東王奉常招集某公園亭遇蘇崑生有感

舊事卽席成二首

二十四年前此日布帆曾共楚天游朱門燈下重

相見不道何載已白頭

當時急難在龍門楚客秦庭欲斷魂風義只今搖

落盡新聲美酒又黃昏

廣陵喜晤王奉常煙客先生口占二絕

誰念先朝老侍常復何大扁舟風雨泊維揚興衰

閱盡渾無意對酒當歌也不妨

渥丹顏色語洪鐘嶽嶽丰標似老松羈旅幸逢牀

下拜高陽久已識羣龍

送胡翹羽同年六首

去年冰雪滿天涯病馬衝寒客路除今日邗江看

北發正逢炎暑又還家

燕山越水困風塵萬事艱難只一身連歲父兄相

繼盡兩眶血淚向何人

改事集卷六

七

長椿寺裏論文日轉眼榮枯變幻同翻怪離筵今

夜月升沉不改舊虛空

絳紗弟子冠神羊感舊沉吟也不妨釀蜜十年蜂

力盡誰將甘旨問蜂房

還家何物足銷愁卷卷圖書次第收但得此心常

警策橫經到處有高樓

我今負米歎蕭然相送含妻各早旋明到潤州頻

北望知君飲馬在甘泉

甘泉山在揚州北三十里

哭宋迫之絕句十首呈座主宋中允公

署夜空庭倚徙餘我師珍重寄音書開緘知有西

河痛老淚遙看點客裾時座主客武塘

吾兄年少氣凌雲說劍論文總不羣一自遭逢多

難後十年消息不相聞

從來泛駕豈凡材璞玉須人泣血開踪跡半同田

水月表章還望賞音來迫之往年被禍事類徐文長

去秋握手在都門意氣相期似弟昆側耳深談惟

悔過此心終不負親恩

庭訓雖然凜若霜憐才歷歷辨諸郎兄詩何句師

真賞裏飯人誰問子桑緇袍君自羞須買真飯人誰問子桑迫之警句也東

師之

改亭集卷六

八

已看桑戶返於真我愧琴張涕淚新最憶汝軒梅

樹下青精美酒勸愁人汝軒迫之讀書處也

每日侵晨庭院前攢眉親病久難痊今知得請將

身代親壽應添一萬年迫之苦師病未愈今四月望語東曰弟已雙膝願以

此生代父未知得請於帝否東念及華兒事為泣然久之

畫舸蒲帆出郭橋送行扶病意蕭蕭南街不及從

君別空負今朝賦小招

生男既恨難存有視飲偏離賢父兄怪底柳州明

月夜高臺妖夢最分明六月十五夜東宿武塘夢一人指塘上高處曰此爾

師思子臺也越七日迫之內問至

哭兒絕作許斐東太僕遺言記憶中師云先公極口王文肅哭

王文倜仰一身雙淚迸哭兒未了又思翁

同李武曾遊金陵雨花臺木末亭二首

攜手晴郊登眺同歲寒心事倚長松舊京無限低

徊意只在空濛山水中

方景祠前煙樹平振衣登謁淚縱橫傳聞三十年

前語此地春風草不生

汝陰劉將軍招飲慧湖十首

日日書齋作蠹魚雙梧永晝伴離居欣看折簡招

賜客躍馬荒郊興有餘

改亭集卷六

九

長林宛宛大堤東消暑披襟倚碧空列帳閒庭多

氣象樽閒三雅舊雄風

感舊傷心三十年淮南遺事話淒然不須重唱開

元曲瓜滿東陵最可憐

大樹森森近蚤秋叢篁低碧映紅流御杯獨有含

情處醉眼無須喚莫愁

刺舟身在菱荷中香送千花亂眼紅忽憶江南採

蓮曲歸心千里逐飛蓬

望衡遙對一洲平放棹招尋縱客情已見西城御

落日隔江猶聽管絃聲

清潁風流憶大蘇，慧湖何減舊西湖。功當日棲

遲處十載林泉是壯圖。

公職爲孝廉時曾讀書于此

鬪酒藏鈞肯便辭，碧筒河朔正當時。莫嫌教授陳

無已，調笑風塵總不知。

潁州無事獨無山，指點遙青楚豫間。何處孤雲如

疊嶂，尚疑身在古函關。

月滿前溪促馬蹄，嚴城暮鼓醉中迷。醒來依舊閒

庭坐，大火中宵漸向西。

劉子登招飲四首

夏木陰陰對宇深，每思捉麈一論心。不辭三伏逢

改亭集卷六

十

袁飲潦倒星移醉後參

一室幽香待女花，羈懷相見發長嗟。我家萬朶千

枝裏，那得今宵夢到家。

蘭號待女

九畹風清自絕倫，炎蒸相對倍含神。北窗睡起攤

書坐，別有清涼解贈人。

蠶華未麗同晨起，含笑渠那共夕遊。遙憶故園無

限好，摘來應徧牡丹頭。

對蘭有感再成四首

愛蘭苦癖半生餘，種得幽香滿敝廬。相憶不堪頻

作客，相思不覺淚盈裾。

碧玉數花推妙手，永和護蕊最安祥。誰能根葉搜

蟻蝨，老去飛瓊也擅場。

北堂永日坐花前，三婦司花共儼然。低撥嬌絲齊

度曲，白頭微醉午餘天。

負米年年歎倦遊，倚閭老淚裏雙眸。何時粗足供

衣食，堅坐江村老陌頭。

立秋前一日子儵招飲池亭五首

曲沼方塘一水間，盈盈不盡望中間。幾疑野竹當

叢桂，欲借城頭作小山。

榭亭主客坐中央，水檻風來四面涼。那得扁舟雙

改亭集卷六

十

蕩槩吳兒一曲起，滄浪

銀絲舉網得魚鮮。潑刺煙波興渺然，明月秋風吹

客夢，尊罍遙憶五湖邊。

水面看生綺縠文，蟬聲徧向夕陽聞。黃公壚畔儂

先醉，蕉葉知難敵數君。

折向樽前只幾枝，芙蓉還憶涉江時。欣嘗蓮子知

憐汝，偷餉櫻桃人未知。

七夕飲密筆公劉子端家四首

玉繩遙接碧陰長，共說天孫罷七襄。令節但逢夏

宴會，不妨今夕暫他鄉。

烏鵲爲梁駕玉河年年辛苦助凌波傷心三匝南
飛伴仰視黃姑喚若何

秋蟲入夜發哀鳴促織偏催嫩婦驚此際雙星方
入夢不勞凄切感離情

無奈羈愁作惱翁相攜子夜只奚童生平不解餘
桃味調笑深慚負數公

送甯益賢筆公至湖湘四首

客裏看人去故鄉不堪離恨夜方長秋風嫋嫋同
三楚歲宴相思共一觴

竹林才調喜同時遠道相攜慰所思一路江楓迎
短棹嗣宗先賦咏懷詩

改事集卷六

主

挂席澄江風正安坐看如練夜吟闌石梁舊有仙
人跡鼓瑟湘靈聽未殘

雲物三湘近五谿倚間負米各情迷渭陽珍重過
歸句青草湖邊漸向西

贈恒印和尚三首

子登爲筆
公母舅也
時同人集
口占和者
三十人另有
倡

和

蓼花洲畔柳芊芊風起秋江葉滿天今夜四更殘
月裏一帆歸夢滿吳船

何處山僧拄杖頭笛吹無孔最風流欲將一片梧

桐葉落盡空山萬樹秋

荳子青青荳葉黃誰家種荳苦匆忙冷灰荳爆知
何日稽首皈依大法王

庚戌冬夜排悶四首

黑風吹雪滿簷前歸對孤檠慘不眠手撥紅爐看
炭盡一床冷絮夜如年

那得荒雞叫一聲細聽戍鼓正三更虛窗生白疑
天曙却是庭中映雪明

頴州寒氣勝蘇州童語傷心淚暗流此夜高堂應
憶遠閒呼兒女話窮愁

改事集卷六

主

凶歲無衣萬萬人溝中瘠骨路旁塵吾生雖是長
貧賤猶爲蒼生愧此身

和汪鈍翁歲暮雜咏十二首

索游意氣爲誰雄暫息風塵心似蓬聖世經綸公
等在天山久已挂雕弓

負米羞看舞袖斑荷鋤驅犢過溪灣清霜落盡枯
楊葉遙見吳興一片山

寒月空高吐半輪冬乾舟帶具區濱苦尋柴米過
殘臘不少歡顏對老人

壯志中年歎屢更沉埋心跡忌雙清老拳且乞容

雞肋苦溺寒灰太忍生

誰能好我賦同車戢影荒村與有餘夜半撥爐燒
芋栗閒看兒女學攤書

側足敢求燕玉煖辟寒應問木棉花無眠處處聞
春米願祝比隣盡富家

苦無一物答年新老杜吟詩最怕春村僻幸迷重
馬跡賀年往返只南隣

樓畔梅花漸次開疎枝冷蕊亦宜哉登樓我獨倚
欄甯不許傍人一箇來

度歲漫誇添一歲書倉不必問千倉揮杯一覺酌

改亭集卷六

十

酌了怕見周公揖客忙

莫逢俗物話孤蹤豈戀深山屢杖節不信試開天
畔眼閒雲不落有無中

辛盤艸艸進初筵奉母權爲歲事牽椎髻蓬頭看
自好勝他冠蓋客天邊

詞場懶樹先登幟廡下甘爲雜作傭但伴玉蓮相
送老城西風雨獨遲儂

盧龍客邸與楚友述往事因追悼亡友梅惠

連黃敬淪曹石霞王亦世得四截句

交期轉覺童時好懷舊空存善哭身半夜邊風吹

客起不知落月照何人

偶題

邊城六月似深秋曉起呼童着敝裘寄語老親知
未信家書昨夢到南樓

卽席口號送侯明府歸秦中四首

相送西歸手復分三千客路對斜曛到家酒醉梨
花白應話天涯李使君

謂紀曉嵐花白秦中酒名也

坐中箇箇思歸客喪馬君歸羨獨先明人潼關冬
至後好看晴雪華山前

華陰才子王山史

弘文采縱橫燕市中數載音書

改亭集卷六

五

怨寥瀟憑君傳語憶飄蓬

富平奇士李天生

長律於今最橫行此是爾鄉

才第一莫因相近失逢迎

遇陳蒿公三首

驚坐名成羨爾強文章差許獨蒼涼可堪三度漁
陽道立馬相看只路傍

去年貽我一長歌文舉胸懷感慨多兒子世間誰
得似大兒無奈小兒何

昏夜車行黑道中念君獨自倚寒風感恩只爲迎
知已今古英雄此意同

蒿公爲吳應先生首拔士每按部必迎道左故云

改亭集卷六終

改亭集卷六

五

睡雨軒主人王鶴心記

改亭詩集六卷文集十六卷

江蘇巡撫
採進本

國朝計東撰東字甫草吳江人順治丁酉舉人以江
南奏銷案被黜又十餘年而沒東少負奇氣中年
出遊四方遍覽山川之勝詩文曰富康熙癸酉宋
學巡撫蘇州爲刻其文集其詩集則刻於戊子王
廷揚所助成也王裒今世說載其客鄴城日嘗訪
謝榛之墓爲樹碣表之蓋以遊食四方行蹤相近
故用以寄意其生平事蹟具見尤侗所作計孝廉
傳亦載卷首云